



M. XII. 51.

NEO-  
**CONFESSARIUS**  
PRACTICE  
INSTRUCTUS  
SEU

*Methodus ritè obeundi munus*

Confessarii •

IN GRATIAM

Juniorum, qui ad Curam Animarum  
aspirant.

**CUM APPENDICE,**  
SIVE

Brevi Instructione, & Methodo

**DISPENSATIONES**

*Aliàsque gratias petendi, & impetratas*

*Ad utrum. exequendi*

*Præparatio. A. C. S. 1791.*  
PUBLICÆ PROPOSITÆ

**R. P. JOANNE REUTER S. J.**

SS. Theologiæ in Universitate Trevirensi

Doctore ac Professore publico.

Post editionem quartam Coloniensem

*Erromi*

*Reimpressa*

*M. Argentini.*

Brunsbærgæ Typis Collegii SOCIETATIS JESU

Anno MDCCLXIV.

**CIPRIANI MIKOLAJEW KL**



CONFESSARIUS

Methodus theologiae

ALPHABETUM

DISCIPLINAE

DISCIPLINAE

F  
R  
O

F

Fra  
Ann  
die  
ven

**FACULTAS**  
**REVERENDISSIMI**  
**OFFICII VARMI-**  
**ENSIS.**

**REIMPRIMATUR**

**JACOBUS**  
**SZTOLTMAN**  
**C. & Officialis**  
**Generalis Var-**  
**mienſis**

Frauenburgi  
Anno 1763.  
die 28. No-  
vembris.

**PROE-**




## PROEMIUM

Cum teste S. Gregorio, & ipsa experientia ars artium sit regimen animarum, atque imprimis arduum munus Confessarii, utpote cujus est curare rectitudinem judicii Sacramentalis, pœnitentes juvare, discretè monere, satisfactionem convenientem imponere, remedia contra relapsum præscribere, dispositos absolvere, indispositis absolutionem differre, aut negare: Ego autem ex Synodali pro excipiendis Fidelium confessionibus approbandorum examine compertum haberem, Confessarios juniores potissimum in praxi, modoque tractandi Pœnitentes deficere, animum subiit desiderium eos sublevandi, existimavique, utilem me facturum operam, si pro modulo meo SS. Theologiæ Auditoribus methodum publicè proponerem munere illo sacro rectè fungendi. Quod cum fecissem, expectierunt discipuli, ut, quæ ad calamus dictaveram, typo darentur, id cum recusasset, primum non ignarus, plures utiliter hæc de re scripsisse, esseque hodiedum libros permultos parùm utiles, quorum nolebam augere numerum, institerunt ipsi, suaserunt & alii, quibus ut gratificarer, tandem annui. An magno cum animarum fructu, & eorum solatio, experiri licet. O-

pusculi  
tractat  
in sacra  
da com  
obvia,  
conditi  
de iis,  
ca per  
bus tu  
Cætera  
eximius  
experie  
rumqu  
pto: se  
cupidis  
fructis  
in eo  
erit, r  
adjuti  
tassis  
SS. S

pusculum divido in tres Partes. Prima tractat de iis, quæ generatim Confessario in sacro tribunali sunt observanda. Secunda complectitur ea, quæ ad peccata magis obvia, personasque ætate, sexu, statu, vel conditione diversas spectant. Tertia agit de iis, quæ specialiter observanda sunt circa personas diversis vitiis, peccatis, defectibus tum physicis, tum moralibus obnoxias. Cæterum non est mihi tractatus cum viris eximiiis, multa lectione eruditis, longaque experientia doctis, quos audire magis, eorumque praxin discere, quàm docere exopto; sed cum Neo-Confessariis instructionis cupidis, & Theoria maxima ex parte instructis. His Opusculum offero, ut, quæ in eo placent, in praxin, ubi opportunum erit, redigant, quæ desunt, uberiore gratia adjuti, & usu edocti addant, in quibus fortassis ab error, benignè corrigant, & mei in SS. Sacrificiis meminisse dignentur.





# DIVISIO ET SERIES OPUSCULI.

## PARS I.

*De iis, quæ generatim Confessario in pra-  
xi sunt observanda,*

### CAPUT I.

Quæ Confessarius, priusquam confessi-  
ones excipiat, observare convenien-  
ter debeat? Num. 2.

### CAPUT II.

Quæ confessario observanda in decursu  
confessionis? n. 3.

### CAPUT III.

Quæ obsevere debeat circa examen pœ-  
nitentis? n. 4.

### CAPUT IV.

Quomodo instruendus, & admonendus  
pœnitens ignorans? n. 6.

### CAPUT V.

Quomodo pœnitens ad dolorem, & pro-  
positum disponendus? n. 10.

### CAPUT VI.

Quæ satisfactio pœnitentibus injungen-  
da? n. 14.

### CAPUT VII.

Quomodo, & quando danda absolu-  
tio? n. 21.

### CAPUT VIII.

Quando, & quomodo neganda vel diffe-  
ren-

*Divisio & Series*

renda absolutio.

n. 34

CAPUT IX.

Quomodo poenitentes sint generatim  
dirigendi ad vitam devotam, & verè  
Christianam.

n. 38

CAPUT X.

An. quando, & quomodo errores, & de-  
fectus, in sacro tribunali à Confessa-  
rio admissi, sint corrigendi?

n. 48

PARS II.

*De iis, quæ Confessario sunt observanda  
tum in genere, circa peccata magis ob-  
via, tum in specie circa personas ætate,  
sexu, statu, vel conditione diversas.*

CAPUT I.

De iis quæ in confessione Confessario  
observanda circa peccata magis ob-  
via, & de remediis contra ea sugge-  
rendis.

QUÆSTIO I.

Quid observandum de superbia, & ejus  
partibus?

n. 56

Quæ contra eam remedia?

n. 61

QUÆSTIO II.

Quid de Avaritia, ejus partibus, & re-  
mediis?

n. 62. 65

QUÆSTIO III.

Quid de luxuria?

n. 66

Quæ remedia?

n. 78

QUÆSTIO IV.

Quid de invidia?

n. 79

Quæ remedia?

n. 80

QUÆ-



*Hujus Opusculi.*

QUÆSTIO V.

Quid de gula, & ebrietate? n. 81

Quæ remedia? n. 88

QUÆSTIO VI.

Quid de ira, maledictione, & blasphemia? n. 89

Quæ remedia? n. 94

QUÆSTIO VII.

Quid circa acediam? n. 95

Quæ remedia? n. 98

CAPUT II.

Quæ in confessione puerorum, utriusque sexus adolescentum & juvenum observanda?

QUÆSTIO I.

Quid circa pueros, & puellas observandum? n. 100

QUÆSTIO II.

Quomodo procedendum cum adolescentibus, & juvenibus? n. 106

QUÆSTIO III.

Quid specialiter observandum in confessione sexus foeminei? n. 110

CAPUT III.

De Confessario rusticorum, aliorumque plebejorum, & rudium.

QUÆSTIO I.

Quomodo sunt examinandi ejusmodi? n. 114

QUÆSTIO II.

Quomodo instruendi rudes, & solandi pauperes, n. 115

QUÆ-

*Divisio & Series,*

QUÆSTIO III.

Quomodo rudes specialiter disponendi ad  
dolorem? n. 116

QUÆSTIO IV.

Quid agendum, si nullum in particulari  
peccatum rudis confiteatur, aut elici  
possit? n. 117

QUÆSTIO V.

Quæ poenitentia rudibus injungenda,  
præsertim, si assveverint maledictioni-  
bus, & juramentis? n. 118

CAPUT IV.

De Confessario conjugum, parentum, pa-  
trum, matrúmque familias.

QUÆSTIO I.

Quæ sint obligationes conjugum? n. 119

QUÆSTIO II.

Quæ sint bona conjugibus communia, &  
quæ cuique propria? n. 122

QUÆSTIO III.

Quæ sint obligationes parentum? n. 128

QUÆSTIO IV.

Quæ sint prædictorum tentationes pro-  
priæ, & quomodo in iis dirigendi?  
n. 130

QUÆSTIO V.

Quomodo generatim instruendi paren-  
tes? n. 136

CAPUT V.

De Confessario filiorum-familias.

QUÆSTIO I.

Quæ sint eorum obligationes, eorúm-



*Hujus Opusculi.*

que peccata contra pietatem? n. 137

QUÆSTIO II.

Quæ illorum bona, & jura, item peccata contra justitiam? n. 139

Admonitio. n. 147

CAPUT VI.

De Confessario superiorum & subditorum.

QUÆSTIO I.

Quæ sint speciales obligationes. & peccata Herorum & dominorum. n. 148

QUÆSTIO II.

Quæ sint obligationes famulantium?

n. 151

QUÆSTIO III.

Quæ sint obligationes Parochorum, & specialia illorum peccata? n. 154

QUÆSTIO IV.

Quæ sunt obligationes pædagogi, præceptoris. & discipulorum? n. 155

QUÆSTIO V.

Quæ Tutoris, Curatoris, Pupilli, Minorennis. n. 156

CAPUT VII.

De Confessario mercatorum, opificum & militum.

QUÆSTIO I.

Quæ sint obligationes, & specialia peccata mercatorum? n. 157

QUÆSTIO II.

Quæ sint obligationes, & specialia peccata opificum? n. 162

QUÆ-

*Divisio & Series*

QUÆSTIO III.

Quæ sint obligationes, & specialia peccata militum? n. 164

PARS III.

*De iis, quæ Confessario specialiter sunt observanda circa personas variis Vitiis, & defectibus obnoxias.*

CAPUT I.

De Confessario hominis constituti in occasione proxima peccandi, & consuetudinariis.

QUÆSTIO I.

Quid, & quotuplex sit occasio peccandi, & quomodo differat à periculo? n. 168

QUÆSTIO II.

Quomodo procedendum cum constituto in occasione proxima? n. 169

QUÆSTIO III.

Quis dicendus sit consuetudinarius, & recidivus? n. 175

QUÆSTIO IV.

Quomodo practicè procedendum cum consuetudinariis? n. 176

QUÆSTIO V.

Quid præterea notandum circa assuetos blasphemias, juramentis, & diris imprecationibus? n. 185

QUÆSTIO VI.

Quid si poenitens sit assuetus certis venialibus? n. 187

QUÆSTIO VII.

Quæ sint remedia spiritualia pro curando



*Hujus Opusculi,*  
do consuetudinario?

n. 188

CAPUT II.

De Confessario poenitentis diu invalidè  
confessi, vel volentis facere generalem  
confessionem.

QUÆSTIO I.

Quomodo Confessarius practicè proce-  
dat cum confesso diu invalidè, vel an-  
xio de valore suarum confessionum?

n. 189. 190

QUÆSTIO II.

Quomodo agendum cum eo, qui vult ge-  
neraliter confiteri?

n. 191

CAPUT III.

De Confessario fatui, surdastrî, muti, vel  
ignotæ lingvæ.

QUÆSTIO I.

Quomodo agendum cum fatuo, surdo,  
& muto?

n. 192

QUÆSTIO II.

Quomodo cum poenitente ignotæ lin-  
gvæ;

n. 196

CAPUT IV.

De Confessario hæretici convertendi,  
vel conversi.

QUÆSUIO I.

Quomodo agendum cum hæretico vo-  
lente ad Ecclesiam admitti?

n. 197

QUÆSTIO II.

Quid si invitet ad disputandum?

n. 204

CAPUT V.

De Confessario poenitentis indurati, vo-  
len-

*Divisio, & Series.*

lentis differre pœnitentiam & præsẽ  
rentis exiguum dolorem.

QUÆSTIO I.

Quomodo agendum cum peccatore indu-  
rato? n. 206

QUÆSTIO II.

Quomodo cum volente in finem differre  
pœnitentiam. n. 207

QUÆSTIO III.

Quomodo cum præsẽrente exiguum do-  
lorem? n. 208

CAPUT VI.

Quomodo agendum Confessario cum in-  
firmis, & moribundis?

QUÆSTIO I.

Quid præsẽtandum Confessario in accessu  
ad infirmos? n. 209

QUÆSTIO II.

Quomodo infirmus disponendus ad Con-  
fessionem? n. 210

QUÆSTIO III.

Quæ præsẽtanda in Confessione infirmi?  
n. 212

QUÆSTIO IV.

Quomodo infirmus excitandus ad con-  
junctionem cum Deo, resignationem,  
patientiam? &c. n. 212

QUÆSTIO V.

Quid, si vocetur ad infirmum loquela  
vel sensibus destitutum? n. 216

QUÆSTIO VI.

Quando, & quoties infirmis danda sacra  
Com-



*Hujus Opusculi.*

Communio, & extrema Unctio? Quo-  
modo ad hoc disponendi? n. 221

QUÆSTIO VII.

Quæ præterea in visitatione infirmi ob-  
servanda? n. 227

CAPUT VII.

Quomodo tractandus homo odio, vel i-  
nimitiis implicitus, & condonare no-  
lens? n. 228

CAPUT VIII.

Quomodo procedendum cum obligato  
ad restitutionem? n. 232

CAPUT IX.

Quomodo cum pudibundo, pusillanimi,  
desperabundo? n. 236

CAPUT X.

Quomodo cum reis, captivis, vel ad mor-  
tem condemnatis? n. 240

CAPUT XI.

Quomodo cum variè tentatis? n. 244

CAPUT XII.

De iis, quæ observare debet Confessari-  
us personarum, quæ specialiter profi-  
tentur devotionem, vel ad perfectio-  
nem specialiter tendunt.

QUÆSTIO I.

Quæ universim sint observanda circa e-  
jusmodi? n. 245

QUÆSTIO II.

Quæ sint observanda circa talium tenta-  
tiones occultas? n. 246

QUÆSTIO III.

Quid

*Divisio Et Series,*

Quid observandum circa diversos animi  
motus, inspirationesque boni, & il-  
lusiones mali spiritûs? n. 247

QUÆSTIO IV.

Ex quibus discerni possit, an visiones sug-  
gestionis, illustrationes & motus ani-  
mæ sint à bono, vel à malo spiritu? n. 248

QUÆSTIO V.

Quomodo tales gerere se debeant tem-  
pore consolationis & in devotione sen-  
sibili? n. 251

QUÆSTIO VI.

Quæ circa desolationes observanda, &  
quæ regulæ in iis tenendæ? n. 252

QUÆSTIO VII.

Quid circa frequentem vel quotidianam  
Communionem observandum? n. 254

CAPUT XIII.

De Confessario hominis scrupulosi

Quid sit scrupulus? n. 255

QUÆSTIO I.

Ex quibus indiciis cognoscatur scrupu-  
losus? n. 256

Quæ sint causæ scrupulorum? n. 257

QUÆSTIO III.

Unde cognoscatur, eos esse a Deo, natu-  
ra, dæmone? n. 258

QUÆSTIO IV.

Quæ sint damna scrupulorum? n. 261

QUÆSTIO V.

Quomodo Confessario agendum cum  
scrupuloso? n. 262

QUÆ-



*Hujus Opusculi.*  
QUÆSTIO VI.

Quæ scrupuloso præscribenda media? n. 263

QUÆSTIO VII.

Quomodo dirigendus, qui timet, ne cum dubio operetur? n. 264

QUÆSTIO VIII.

Quomodo, qui timet, ne internis tentationibus consentiat? n. 265

QUÆSTIO IX.

Quomodo anxius circa vitam præteritam, factasque confessiones? n. 266

QUÆSTIO X.

Quomodo variè tentatus? n. 267

QUÆSTIO XI.

Quomodo dirigendus scrupulosus circa Horas Canonicas recitandas? n. 268

QUÆSTIO XII.

Quomodo scrupulosus in Missa legenda? n. 269

QUÆSTIO XIII.

Quomodo scrupulosus in ea audienda? n. 270

QUÆSTIO XIV.

Quomodo anxius circa fraternam correctionem? n. 271


QUÆSTIO XV.

Quibus, potissimum regulis scrupulosus seipsum diriget? n. 272

QUÆSTIO XVI.

Quibus poenitens ad perfectionem tendens, attamen inordinatè anxius de statu gratiæ sit erigendus? n. 273

PARS I.



# PARS PRIMA

De

lis, quæ generatim in Praxi Confessario sunt observanda.

---

## CAPUT PRIMUM

*Quæ Confessarius, priusquam Confessiones excipiat, observare convenienter debeat?*

**R**esp. Sequentia: I. Magnam sui officii æstimationem concipiat, studiumque accendat, illud ritè administrandi, quod ut assequatur, expendat imprimis sublimem dignitatem & honorem: inter munia enim hujus mundi unum de dignissimis est. Nam Confessarius Judex in tali causa est, quæ ex natura sua ad forum Dei pertinet. Offensus est Deus; Confessarius offensam, non rem magnam ut olim putarunt aliqui, solum remissam dignitatem declarat, sed nomine Dei verè remittit, seu tollit reatum culpæ & poenæ æternæ, condonat benignè debitum, pro quo naturæ viribus satisfieri non possit un-

*R. P. Reuter Neo-Confes. quam;*



2 *Neo-Confessarius practice instructus.*  
quam; & cui aliquando iudicium facta  
potestas, quâ ex misero & reo faceret in-  
nocentem? Falso accusatum iudices alii  
innocentem declarare possunt, facere ex  
reo innocentem non possunt. Sed quid  
reliquos iudices commemoro? Cui An-  
gelorum similis collata potestas? Cui a-  
liquando dictum: *Quorum remisistis pec-  
cata, remittuntur eis, & quorum retinueri-  
tis, retenta sunt?* Peccata, quæ quanto  
odio persequatur Deus, nemo verbis ex-  
primere; nemo cogitando assequi potest;  
ad illa destruenda non solum Deus ordi-  
navit omnia opera gratiæ, sed necesse  
quoque fuit, ut vitam suam profunderet  
Homo Deus, & tamen eorum destructio  
in manu est Confessarii, attollit hic ma-  
num & dicit; *Absolvo te à peccatis*, & ec-  
ce destructa sunt: reviviscit, qui erat mor-  
tuus; fit ex inimico amicus Dei, ex man-  
cipio diaboli filius altissimi, ex reo infer-  
ni hæres coeli. Sacerdotibus omnibus,  
qui medio sunt statu Deum inter & ho-  
mines, cum Deo homines, cum homini-  
bus Dii, magna collata potestas est, ma-  
gna dignitas. At eadem in Confessa-  
rio in altiore elata est gradum, ut de  
iis imprimis dictum intelligatur illud  
*Psalm. 81. Ego dixi: Dii estis.* Merentur  
quidem & hunc titulum Prælati, sacri  
Doctores, Concionatores; at speciali ra-  
tione Confessarii. Hi enim ad vitam  
spiri-

spiritualem non solum, ut illi, disponunt  
consiliis, doctiōe, adhortatione, corre-  
ptione; sed eandem quoque conferunt.  
Inde ponderet Confessarius, quantus in *Et magni*  
muneris sui functione pandat se meri- *meriti.*  
torum campus; nam opera misericordiæ  
tam corporalis, quam spiritualis in hac  
exercentur: docet enim Confessarius ig-  
norantes: errantes in viam revocat,  
offensas remittit, moerentes consolatur,  
dubitantibus bene consulit, pro pericli-  
tantibus de salute efficaciter Deum de-  
precatur, diræ servituti mancipatos re-  
dimit, vinctos peccatorum catenis exsol-  
vit, nudos stolæ gratiæ coöperit, egenos  
& languidos cibo potuque spirituali refi-  
cit, ut merito à Deo misericordiam ex-  
spectare possit dicente: *Beati misericordes,*  
*quoniam ipsi misericordiam consequentur.*  
Accedit meritum insignis patientiæ,  
mansuetudinis, abnegationis sui in gra-  
vibus sæpe molestiis & difficultatibus,  
quæ à poenitentibus rudibus, induratis,  
refractariis & obscœnis peccatoribus sæ-  
pe afferuntur; quæ omnia, si ex sincero  
zelo divinæ gloriæ & charitate fiant, in-  
gens meritum deesse non poterit.

Resp. II. Confessarius, ne suæ & alie-  
næ periculum salutis incurrat, accessu- *Quomodo*  
rus ad sacrum tribunal magnam concii- *acceden-*  
piat in Deum fiduciam, suæ sapientiæ *dum ad*  
& prudentiæ dissidens, lumen dirigendi *sacrum*



4 *Neo-Confessarius practice instructus.*  
*tribunal.* animas, quas Salvator noster acquisivit  
Sanguine suo, auxilium difficultates sine  
offensione superandi imploret, obarmet  
se firmo proposito, leges patientiae &  
mansuetudinis observandi, formet inten-  
tionem absolvendi poenitentes, prout  
cujusque exiget dispositio, nempe abso-  
lute vel conditionate, prout ipsa postu-  
labit.

Accedat ad sacrum tribunal prompto  
animo & cum gaudio, quod Deus ipso  
dignetur uti adiutore ad opus tam prae-  
cellens, memor se patris officio fungi,  
mittendasque à Deo ad se animas, quas  
cupiat per se dirigi, instrui, & ex servi-  
tute peccatorum extrahi.

Poenitenti jam flectenti ex animo be-  
ne precetur his verbis: *Deus sit in corde*  
*tuo, & in labiis tuis, ut bene constearis o-*  
*mnia peccata tua, In Nomine Patris &*  
*Filii, & Spiritus sancti, Amen.*

## CAPUT II.

*Quae observanda sint Confessario in*  
*decurfu Confessionis?*

3. *Excipiat*  
*benigne*  
*Confessa-*  
*fessarius;* uti &, an poenitentiam injun-  
*rius poen-*  
*ctam expleverit?* si non; an sciens &  
*tentem;* volens?

*& rudem* II. Non videtur expedire universim  
statim

statim interrogare sub initium, cuius sta-<sup>non facile</sup>  
tus sit poenitens, ne curiositate videatur <sup>sine abso-</sup>  
duci Confessarius, aut molestiam inde fe-<sup>lutione</sup>  
rat poenitens; sed ubi occasio erit ratio-<sup>dimittat,</sup>  
ne alicujus peccati, aut pro examine sup-<sup>si non sa-</sup>  
plendo id vel necessarium, vel expediens <sup>tis se exa-</sup>  
esse videbitur, verum interroget eum be-<sup>minare-</sup>  
nignè, quid mali ab ultima confessione <sup>rit.</sup>  
admiserit: si notet timorem, animet eum,  
ut pro anima sua non erubescat dicere  
verum, permittatque primo exponere,  
quæ post examen ei occurrunt: si fatis se  
non possit explicare, aut notetur, quod  
non, prout oportuit, conscientiam suam  
examinaverit, non facile ideo rudem si-  
ne absolutione dimittat; sed excitet sva-  
viter, juvet variis interrogationibus,  
percurrendo materias, in quibus labun-  
tur ferè ejusmodi. Deinde suggerat mo-  
dum se rectè examinandi v. g. quid co-  
gitatione, verbo, opere, omissione, domi,  
in templo, clam, palam in hac illàve oc-  
cassione contra Deum, se ipsum, suos, a-  
liosque proximos mali admiserit; rudes  
enim sine absolutione ideo dimissi, aut  
non revertentur, aut statim adibunt ali-  
um exacerbati & minimè correcti, cum  
multi non sint capaces, prout par est, se  
examinandi; si tamen quis inveniretur  
in diversis materiis gravium reus, & nu-  
merum tantum conjectando diceret, ad-  
monendus is esset obligationis se dili-



6 *Neo-Confessarius pradiæ instructus.*

gener examinandi, & suggesto modo id faciendi dimitti utiliter posset, & quandoque deberet, ut examinet ritè conscientiam, & mox redeat, nisi fortè circumstantiæ aliud exigent.

*Quid si*

*aliquid*

*necessariò*

*addendum*

*omittat?*

III. Si omittat poenitens aliquid necessariò addendum, & confiteatur ex necessariò scripto, statim id interrogetur; si autem addendum confiteatur de memoria, putetque prudenter Confessarius se satis illius recordaturum, interrogationem ad finem confessionis differat; si verò prudenter timeat, nè illius obliviscatur; sinat adhuc unum alterumve peccatum addere, & tum interroget, nè postea cum confusione & molestia nova teneatur peccata repetere poenitens; ubi interrogationi satisfecerit, Confessarius peccatum ultimò dictum in mentem revocet, & jubeat ab illo pergere; sic enim reducetur ad narrationem antea mente conceptam.

*Vel aliena peccata referat?*

IV. Si poenitens in confessione incipiat aliorum peccata detegere, mox moneatur, ut sua confiteatur, de alienis autem, ne detrahat, sileat, ut confessio, quemadmodum oportet, sit humilis sui, non aliorum accusatio. Si adferat impertinentia, aut velut historiam contextat, dicatur ei, satis esse, si sua peccata quo ad speciem & numerum confiteatur, sine mentione occasionis & causæ, juverit quandoque, si notetur, ad cuius peccati

pecca  
intern  
reun  
mis cr  
dam,  
tamen

V.  
mani  
motu  
spicio  
confe  
nullu  
digna  
possi  
bitur  
causa  
& ex  
grav  
eo m  
mat.

Qua

R

quos  
ad c  
larit  
Ecc  
ti, n

peccati confessionem narratio tendat, interrogare, an in hac illà materia se reum inveniatur peccati. Demum, si nimis crasse vel impudicè exprimat quædam, doceatur ea honestius eloqui, ita tamen, ut species exprimat.

V. Caveat Confessarius, nè signa det Confessione manibus, pedibus, oculis vel quocunque rursus nullo motu corporis, quò circumstantes in suspicionem veniant, aliquid singulare in signum confessione referri; quidquid audierit, quod circum nullum det signum admirationis vel indignationis, quod solus etiam poenitentes advertat possit advertere; aliàs enim hic deterretur vel bitur ab enarrandis reliquis: ob eandem poenitentis causam, ne increpet ante confessionem, & examen absolutum; sed potiùs quò graviora detexerit, eo fraviùs agat cum eo magisque animet, ut totum virus evomat, paceque fruatur.

### CAPUT III.

Quæ observare debeat circa examen poenitentis?

**R**esp. Sequentia. 1. Necesse non est 4, examinare eos, qui sæpe confitentur, raroque peccant graviter, & sint exa- Qui non quos constat nòsse omnia, quæ spectant minandi? ad confessionis integritatem; unde regulariter interrogandi non sunt Religiosi, Ecclesiastici, alique in Theologia versati, nisi tamen certum videatur ab iis omitti



8 *Neo-Confessarius practice instructus.*  
mitti aliquid necessariò explicandum:  
tum enim, & non aliàs prudenter præ-  
fuitur, quòd aut nesciant suam obli-  
gationem, aut ad eam non advertant.

*Quomo-* II. Si examine opus sit, fiat id conve-  
*do Exa-* nienter ad ætatem, naturam, conditio-  
*men faci-* nem, sexum & negotia, & de illis tantum;  
*endum* quæ probabiliter ab illo poenitente viden-  
*cum aliis.* tur fortè admissa. In materia castitatis  
procedendum cautè, ne fortè poenitens  
doceatur, quod ignorat, & eam scire non  
convenit. Si neget cogitationes, non  
interrogetur de operibus, nisi fortè poe-  
nitens sit admodum rudis, ejusmodi e-  
nim sæpè non apprehendunt cogitatio-  
nes velut peccata, saltem nisi voluerint  
progredi ad opera: unde ordinariè tales  
examinandi sunt primùm de operibus,  
deinde verbis, demum de cogitationibus  
Si poenitens cogitationes voluntariè ha-  
bitas fateatur, interrogetur de colloquiis,  
aspectibus, tactibus; si hæc fateatur, in-  
terrogetur, an fortè opus aliquod pejus  
admissum sit, vel saltem concupitum, aut  
voluisset admittere, nisi pudor aut metus  
retraxisset: sunt enim rudes, qui nisi ita  
interrogentur, tacent, rati sat esse, quòd  
aliquid insinuando Confessario occasio-  
nem dederint interrogandi. Demum  
species & numerus interrogandus.

*In exami-* III. Etsi Confessarius poenitentem, si,  
*nando* ut par est conscientiam suam vel non a-  
periat

periat, vel non excusserit, teneatur exa- non sit ni-  
minare, ut habet communis, & in praxi *minus*, sed  
tenenda sententia; attamen in exami- *cautus*, &  
nando, nec curiosus sit nec nimius Con- *discretus*.

Confessarius, nè aut sibi, aut poenitentibus  
Sacramentum reddat odiosum, quod  
Christus cautum voluit, aut occasionem  
præbeat ruinæ spiritualis. Præstat au-  
tem, Confessarium aliquando minùs per-  
fectè peccata intelligere, quàm se, vel  
poenitentem scandalo, aut Sacramentum  
odio exponere: Unde:

imo. Non facilè interroget circum-  
stantias illas, quas & poenitens sine ma-  
ximo rubore suo non potest dicere, &  
Confessarius ex aliis adjunctis vel dictis  
potest intelligere. Hinc confitentem  
incestum non interroget, in quo gradu  
fuerit, quia rarò est in primo gradu, & in  
aliis gradibus probabiliter specie non  
differt. Nec conjuges interroget de de-  
bitò conjugali, nisi prudenter dubitaret,  
graviter esse contra excessum; & in hoc  
casu interroget, an inter se sint unanimes,  
an vir servet fidem uxori, an uxor in o-  
mnibus honestis & licitis viro obediat:  
& sic facilè deprehendet, si fortè nega-  
tum sit debitum conjugale, si uxor con-  
fiteatur se cognitam à viro modo non  
convenienti, non interroget particularia;  
sed in genere, an generatio sit impedita, à  
eo modo convenerint, ut generatio potu-  
isset sequi, &c.



10 *Neo-Confessarius practice instructus.*

2dò Benignius examinet ægrotum minus capacem aut minus dispositum ad attendendū quàm alium: Item, qui pluribus peccatis se gravatum sentit, quàm qui pauciorib9, quia examen debet esse accommodatum poenitenti. *Lugo de Pœn. d. 16. n. 594.*

3tiò. Nec ordinariè interrogandus poenitens, quâ conscientia in hoc illòve processerit; id enim nimis grave esset Confessario, & per se loquendo præsumi potest, quod objectum apprehenderit, ut secundum se malum est. Excipe, nisi aliud circumstantiæ svadeant; quia, ut dixi, rudes sæpe non apprehendunt malitiam delectationis morosæ in objecto turpi, & idem est de colloquiis turpibus, quos jocos vocant. Caveat demum Confessarius, nè de fabulis, & nescio, quibus impertinentibus loquendo risui aliorum, & dicterii confessionem objiciat.

*Qua diligentia teneatur Confessa-seu qualem prudentes in magni momenti negotiis juxta capacitatem suam adhibere solent; sic Confessarius in examinando poenitente tenetur tantum ad mediocrem & moralem respectivè ad poenitentes; tempusque ab ultima confessione elapsum: quod addo, quia, ubi poenitens diu non confessus est, majore opus est*

IV. Sicut poenitens in examinanda conscientia sua non tenetur ad maximam diligentiam, sed ad mediocrem tantum, Confessa-seu qualem prudentes in magni momenti negotiis juxta capacitatem suam adhibere solent; sic Confessarius in examinando poenitente tenetur tantum ad mediocrem & moralem respectivè ad poenitentes; tempusque ab ultima confessione elapsum: quod addo, quia, ubi poenitens diu non confessus est, majore opus est

est dilig  
ori. Rat  
tenetur  
nitenti  
stis; Co  
tantum  
ligation  
curetur  
ferunt,  
jorem  
do poe  
examin  
quia, si  
teneret  
morale  
tiis ad  
crame  
mis g  
los co  
Non t  
us poe  
cessari  
Magn  
dita C  
dixit:  
confite  
tes en  
rei su  
neque  
pro ru  
libus  
omne

est diligentia, quàm si â tempore brevi-  
ori. Ratio responfionis est, quia pœnitens  
tenetur per se & primo loco, cùm in pœ-  
nitentiæ tribunali sit sui accusator & te-  
stis; Confessarius autem, utpote iudex,  
tantùm in defectu pœnitentis, cujus ob-  
ligationem subit, ut integritas iudicii pro-  
curetur. Hinc Lugo, Tamb. & alii in-  
ferunt, Confessarium non teneri ad ma-  
jorem diligentiam, quàm per se loquen-  
do pœnitens, si nimirum modum se  
examinandi sciat. Ratio utriusque est  
quia, si aut pœnitens aut Confessarius  
teneretur ad majorem diligentiam, quàm  
moralem, & in magni momenti nego-  
tiis â diligentibus adhiberi solitam, Sa-  
cramentum pœnitentiæ fieret illis ni-  
mis grave & odiosum, exponeretque il-  
los continuis & innumeris anxietatibus.  
Non terreatur tamen Confessarius ulli-  
us pœnitentis autoritate; sed ubi ne-  
cessarium esse judicabit, examinet etiam  
Magnates, exemplo Confessarii, qui au-  
dita Caroli V. Imperatoris confessione  
dixit: Confessus es peccata Caroli, jam  
confitere peccata Imperatoris: pœniten-  
tes enim omnes in sacro hoc tribunali  
rei sunt; Confessarius iudex loco Dei,  
neque Christus aliam legem condidit  
pro rusticis & plebejis, aliam pro nobi-  
libus & magnatibus, sed eadem voluit  
omnes teneri,



## CAPUT IV.

*Quomodo instruendus, & admonendus  
Pœnitens?*

5. *Instruendus necessarii, si notetur ignorare.* **R**esp. I. Quæ pœnitentes aut debent, aut utiliter saltem doceri & moneri possunt, sunt imò necessaria sariis, si scitu necessitate medii. 2do Requisita ad dignam Sacramenti Pœnitentiæ & Eucharistiæ susceptionem. 3tio Quæ faciunt ad deponendos errores, quibus quandoque laborant. 4to Obligationes, quas fortè contraxerunt, v. g. restituendi famam, compensandi damna, corrigendi proximum, &c.

*Resp. II. Si Confessarius notet etiam sub dubio pœnitentem ignorare scitu necessaria necessitate medii, vel ad Sacramenti Pœnitentiæ aut Eucharistiæ susceptionem, remittat eum ad alium diem, donec curet se melius instrui, aut si eum sine absolutione dimitti non expediat, auditis necessario audiendis, quoad poterit, spectatis circumstantiis eum doceri non ceat magis necessaria; ita ut prudenter possit, & judicare possit, satis jam apprehendere, mora per ut fidem habeat circa necessaria, eliciantur que cum eo actum fidei, spei, charitatis & contritionis. monitumque, ut magis se curet instrui, absolvat.*

7. *Quid* **Resp. III.** Si notet aliquid haberi à pœnitente pro peccato quod peccatum

non

non est, aut pro mortali, quod veniale; *agendum*  
doceat eum veritatem, ne pergat peccare *Confessa-*  
ex conscientia erronea. *rio si pœ-*

Similiter si poenitens ex ignorantia *nitens*  
vincibili putet aliquid non esse peccatum, *peccet ex*  
quod revera peccatum est, sine dubio de- *ignorantia?*  
docendus est, uti & si id putet ex ignorantia?  
tia invincibili, sitque spes fructus; nisi ta-  
men alteri grave inde immineret da-  
mnum, ob quod materiale peccatum poe-  
nitentis permitti posset. Si autem mo-  
do prudenter non speretur ex eo fructus,  
relinquatur tantisper in errore inculpabi-  
li, nè à materiali peccato ducatur in for-  
male. Cæterum rectè monentur de tur-  
pitudine pollutionis; qui eam videntur  
ignorare, quia sæpe ignorantia non est  
invincibilis, sed juncta cum formidine vel  
dubio; quod imprudenter excutunt aut  
retinent; sæpe etiam contrahunt habi-  
tum tam vitiosum, ut agnita dein mali-  
tia difficillimè emendentur, imò & ali-  
os seducunt, persuadentes peccatum non  
esse. In dubio, an ignorantia invincibi-  
li laboranti profutura sit, an illi vel alteri  
obfutura monitio, conferenda est spes  
fructus cum metu damni, sique spes sit  
major, monendus est. Si talis inter-  
roget Confessarium de re aliqua, circa  
quam illum inquietat conscientia, aperi-  
enda est illi per se loquendo veritas; qui  
cum ea de re sit dubius vel anxius, ideo-  
que



14 *Neo-Confessarius practice instructus.*  
que teneatur inquirere & nunc Confessa-  
rium interroget; tenetur hic veritatem  
aperire, ne tacite errorem videatur ap-  
probare. Cavendum tamen Confessa-  
rio, nè, si fructus non speretur, plus di-  
cat, quam necesse sit, v. gr. obstrictus  
voto simplici castitatis inivit matrimo-  
nium validè, interrogat deinde, an pos-  
sit licite uxori debitum reddere? respon-  
dendum illi affirmative, & tacenda obli-  
gatio non petendi, quia aliàs de peccato  
materiali adduceretur in præsens peri-  
culum peccati formalis. Dixi: per se lo-  
quendo; quia si veritatis cognitio esset  
gravius obfutura, dissimulandum foret  
à Confessario, ac si non audivisset; aut  
dicendum, opus non esse jam de hoc a-  
gere; interim posse eum facere, quo ju-  
dicat Deum non offendi, quia in tali ca-  
su veritatem illi aperire; esset ei porri-  
gere gladium, quo se, vel proximum gra-  
vius læderet. Demum; si pœnitens, in  
præsenti non dispositus ad suscipiendam  
cum fructu instructionem, speratur dis-  
positus fore alio tempore, differenda es-  
set instructio, dicique illi posset: Cave  
peccata, cœterum operari poteris, quod  
licitum tibi dictabit conscientia; erit ali-  
às occasio tibi uberius loquendi. Ra-  
tio horum omnium est, quia lumen na-  
turæ dicat, & offensam Dei esse vitan-  
dam, ubi potest; & non esse facienda bo-  
na-

na, vel  
de præ  
enim  
saluti a  
de dixi  
non tibi  
terrere

Resp  
ad agen  
apposit  
sitionem  
imo ut  
catum  
riculofu  
quod si  
gis offi  
quietat  
mend  
nant,  
plorat  
infirm  
tes.

gant r  
hanc p  
præfer  
gravio  
sæpius  
Dei, e  
pro b  
confio  
erit su  
si, eu

na-

na, vel malum minùs avertendum, si inde prævideantur secutura graviora: hoc enim non esset consulere honori Dei & saluti animarum; sed magis officere. Unde dixit sanctus Augustinus: *Si scirem, non tibi prodesse, non nocere, non te terrerem*

Resp. IV. Excitandi sunt poenitentes 8.

ad agendam vitam Christianam, quisque appositè ad suam capacitatem & dispositionem. Convenit adhortari omnes imo ut ante omnia pugnent contra peccatum suum maximè scandalosum, periculosum, radicemque aliorum, seu in

quod frequentior est lapsus, quod magis officit profectui, magis animam inquietat: si quid contra eveniat, ejus emendationem mane & vespere proponant, frequentent actus contritionis, implorent a Deo frequens auxilium, suam infirmitatem & inconstantiam confitentur. 2. Ut operibus suis manè præfigant rectam Deo placendi intentionem; hanc per diem quandoque renovent, præsertim ante actiones nobiliores aut graviores. 3. Ad pulsus horologii, vel sæpius per diem meminerint præsentis Dei, eum adorando, laudando, amando pro beneficiis gratias agendo, in eum confidendo. 4. Utile etiam quandoque erit suam vitam conferre cum vita Christi, eumque exemplar proponere in actionibus



16 *Neo-Confessarius practicè instructus.*  
onibus suis, in prosperis & adversis. Sic  
Pater Petrus Faber, primus S. P. Igna-  
tii socius, quendam ex Primatibus Hispa-  
niæ, qui ab eo instructionem quandam  
petierat, admonuit, ut hæc pauca secum  
perpenderet; *Christus vixit in summa in-*  
*opia, & ego vivo in summa opulentia: Chri-*  
*stus in fame & siti, & ego in exquisitis cu-*  
*pediis: Christus nudus, & ego pretiosè ve-*  
*stitus: Christus in doloribus; & ego in de-*  
*liciis.* Atque hæc apud eum tantum  
valuerunt, ut paulò post lauto adhibitus  
convivio uno ex quatuor punctis ani-  
mum subeunte, in lachrimas effusus, à  
mensa discedere, solitudinem quærere,  
in qua liberius sibi, Deoque vacaret, co-  
actus fuerit. Juvat quoque ex vita  
Sancti, cujus festum colitur, aliquid  
desumere, quod imitandum poenitenti-  
bus proponatur De his plura infra.

9. Resp. V. Admonitio talis sit plerum-  
que, ut non potius videatur reprehensio,  
do admo- maximè si poenitentes sint seniores, vel  
nitio & magnæ autoritatis, aut timidiore vel  
reprehen- pusillanimes vel genii exulcerati: hi enim  
sio faci- vel abjicient faciliè animum, aut exaspera-  
enda? buntur, & reprehensionem vix sine im-  
patientia & contemptu excipient. Hinc  
Confessarius in reprehensionibus sit po-  
tius parvus quàm prolixus, benignus  
magis, quàm severus; graviór tamen  
quandoque potest, aut debet adhiberi  
ad-

admonitio illis, qui sunt naturæ durioris  
parum de salute solliciti, præsertim si  
benigna admonitio fructum non habuit,  
modo fiat post exposita peccata, sitque  
talis, ut poenitens intelligat, quod pro-  
cedat ex amore salutis suæ.

## CAPUT V.

*Quomodo poenitentes, ad dolorem & pro-  
positum disponendi?*

**R**esp. I. Etsi plerique poenitentes, <sup>10.</sup>  
maxime pueri, rudes, & magni pec- <sup>Signa</sup>  
catores excitandi sint a Confessia-<sup>præsentis</sup>  
rio ad dolorem supernaturalem, <sup>doloris.</sup> ~~serium~~  
que propositum; attamen quando adsunt  
signa eorum sufficientia, ad id non tenen-  
tur Confessarii. Signa autem sunt se-  
quentia: Primum si poenitens dicat: Post  
commissum peccatum statim dolui, vel  
multum mecum sum luctatus, ut hoc  
peccatum confiterer, vel ah! sum miser  
& magnus peccator. 2dum si in initio  
se accuset de gravioribus, aut de omi-  
sibus voluntarie ante hac in confessione, vel  
conetur omnia bene explicare anxius  
circa numerum & speciem. 3tium, si  
ex se dicat: Volo vitare occasiones, vel  
volo ablata restituere, aliisque obligati-  
onibus satisfacere, vel injungat mihi mag-  
nam poenitentiam, &c. Ratio horum est,  
quia cum pudor naturalis hominem re-  
trahat a sui confusione, & adsit sollici-  
tudo

*R. P. Reuter Neo-Conf.*

**B**

tudo



18 *Neo-Confessarius practice instructus.*

tudo singularis, merito præsumitur, nisi aliud constet, quod talis sincerè doleat ex motivo supernaturali, velitque emendare se: nec universim sufficiens doloris deficientis signum est, si poenitens, dum subit confessionale subrideat: qui enim sunt animi hilaris, passim subrident in actionibus etiam feriis.

II.

Resp. II. Quamvis de adultis, qui ap-  
*Qui præ* parent bene instructi, ordinarie præsu-  
*aliis exci-* mere prudenter possit Confessarius, quod  
*tandi ad* sint bene dispositi, dolorisque signum  
*dolorem?* sit seria peccatorum confessio, expedit  
 tamen excitare, ut dolorem renouent,  
 imo & pueros præsertim & rudiores in-  
 terrogare, num, antequam ingressi sint  
 confessionale, dolorem & propositum e-  
 licuerint; quia quidam, ut experientia  
 docet interrogati respondent, se id esse  
 oblitos, aut putasse, satis esse, si in con-  
 fessionalis elicerent: quod etsi verum sit,  
 vix tamen fiet, ut dolorem & propo-  
 situm sincerum statim concipiant. Un-  
 de si poenitens inveniatur non elicuisse  
 ante dolorem cum proposito, monendus  
 est, ut deinceps post conscientiam di-  
 scussam, ante ingressum, in confessionale  
 id præstet, proponendaque illi motiva  
 doloris, & ad eum excitandus, dandum-  
 que tempus, ut eliciat clam ipse, quia  
 si Confessarius tantum præeat in verba,  
 facile fiet, ut ea simul recitet sine in-

terno

terno sincero dolore, serioque proposito. Ubi dispositus videbitur, jubeatur denuo se accusare in genere, quanquam hoc absolute non requiritur; quia, dum poenitens expectat absolutionem, eam re ipsa petit, continuatque se reum confiteri, sicque satis dolor præcedit confessionem. Si poenitens dicat, se ante confessionem elicuisse dolorem cum proposito, potest Confessarius acquiescere, nisi aliud circumstantiæ svadeant, potest quoque jubere, ut repetat dolorem pro parte poenitentiae. Præterea hortetur & instruat præsertim rudiores, vel gravis peccati reos, aut in eadem venialia sæpius plene delibere relapsos, quæ media emendationis sint adhibenda?

Resp. III. Motiva doloris proponenda sunt poenitentibus accommodata magis <sup>12.</sup> *Motiva doloris* cujusvis capacitati, non enim omnes iisdem æque moventur. Proinde diversa in promptu habere debet Confessarius. Sunt autem motiva hæc: Primum, Jactura gratiæ & vitæ æternæ: aut si peccatum est veniale, retardatio a beatitudine, demeritumque majoris gratiæ, & hinc consequens periculum labendi graviter: *Qui enim spernit modica, paulatim decidet, Eccles. 19.* Per jacturam illam fit homo ex filio inimicus Dei, & mancipium diaboli, ex hærede coeli, miser, nudus bustum inferni. *adum, Poena inferni &*



20 *Neo-Confessarius practicè instructus.*

purgatorii gravissima, quibus velut Iudex  
justissimus, Deus punit peccata, & mor-  
tale quidem poenis æternis, quæ autem  
stultitia major cogitari potest, quam  
quod homo ob lucrum temporaneum,  
glebam terræ, voluptatulam turpem be-  
stias communem, punctum honoris mun-  
dani tantis se bonis privet, & addicat  
poenis æternis, æternæ Dei iræ, æternæ  
confusioni apud Deum, Beatos, damna-  
tos; æternæ cuidam necessitati, Deo,  
parentibus, diei, quo natus est, maledi-  
cendi; ut merito dixerit S. Th: Duos tan-  
tum in mundo carceres esse necessarios,  
unum hæreticorum, in quem mittendi  
sunt, qui non credunt: stultorum alterum,  
in quem conjiciendi, qui credunt, per  
peccatum se alienari a Deo unico suo,  
& summo bono, & æternis addici mise-  
riis & cruiatibus, & tamen peccare non

*Turpitu-  
do pecca-  
ti expo-  
nitur.*

horrent. 3tium est turpitudine peccati  
fita in eo, imo quod peccatum, præfer-  
tim grave summa sit creaturæ in Deum  
Creatorem suum, & benefactorem uni-  
cum ingratitude. 2do, grandis in Pa-  
trem amantissimum impietas & rebellio.  
3tio enormis in supremum Dominum ir-  
reverentia & inobedientia. - 4to vili-  
pensio & contemptus Dei, quia negligi-  
tur, & vilissimæ creaturæ postponitur.  
5to injuria Dei, quia abusus rerum Dei  
Domini contra voluntatem ejus. 6to,  
deho-

dehonoratio Dei, negans supremæ Majestati cultum & subjectionem debitam, dicente Apostol. ad Rom. 2. *Per prævaricationem legis Deum inhonoras.* 7<sup>mo</sup>. superbia, qua peccans recusat subesse, re ipsa dicens: *Non serviam.* 8<sup>vo</sup>. recessus ab amabili Salvatore, & accessus ad diabolum hostem ejus. Crescit autem turpitudine illa ex eo, quod peccatum fiat in conspectu Dei, fiat eo tempore, quo Deus peccatorem conservat, eique dat esse, fovet, beneficiis circumdat, ad se paterne invitat, promittit, & vult dare salutem: quod peccans concursus Dei detorqueat in ejus contemptum, suamque perditionem, & Deum faciat servire in peccatis suis. Quod Christo, qui tanto pretio redemit animam ejus, sit opprobrio, exultante quodammodo diabolus: ipsum tam parvi pendit ab iis, quos annumeravit Ecclesiæ suæ, & membra esse voluit Corporis sui mystici. Atque hæc turpitudine, ut abominabilis est Deus: ita abominabilem, quem inficit, reddit peccatorem, juxta illud Osee 9. *Facti sunt abominabiles sicut ea, quæ dilexerunt* 4<sup>to</sup> motivum sunt beneficia Dei, ut sunt creatio, seu translatio ad esse de nihilo, in quo alii tot relictæ sunt, & æternum relinquentur. Conservatio, seu omni momento continuata productio, quæ cessante in nihilum relaberetur homo.

*Beneficia  
DEI.*



22 *Neo-Confessarius practicè instructus.*

Redemptio per Sanginem, & ignomiosam Filii Dei mortem, collatio Baptismi, quò homo in amicitiam Dei admittitur, & filius fit Dei, quo tot alii carent, & ideo æternum perituri. Educatio a Catholicis parentibus, cujus defectu millies milleni pereunt, qui melius, eò beneficiò donati, Deo fuissent servituri. Toties repetita peccatorum remissio, constans Dei amor, quo aberrantem revocavit, reduxit, prodigum suscepit, stolâ gratiæ vestivit. Hastenus sustinuit, & fovit; toties repetita ad mensam Eucharisticam admissio, & innumera alia beneficia, quibus Deus hominem ita circumcinxit, ut quoquo respiciat, in oculos incurrant. Juvat poenitentem quandoque interrogare quid ab homine utilitatis habet Deus? Nihil; quid a Deo homo? Omnia. An tibi aliquando aliquid mali fecit Deus? Nunquam. An non ergo indecens, quod sic Deum inhonoras, ei tam ingratus sis? Juvat quoque, si Confessarius recenseat beneficia poenitenti in particulari facta, sicut Nathan Propheta recensuit Davidi lapsò 2. Reg. c. 12. ubi volens ostendere illi turpitudinem peccatorum suorum dixit: *Tu es ille vir, Hæc dicit Dominus Deus Israel: Ego unxi te in Regem super Israel, & erui te de manu Saul, &c. quare ergo contempsisti verbum Domini, ut faceres*  
*malum*

*malum in conspectu meo?* Porro beneficia Dei augmentur ex infinita conferentis dignitate, ex amore infinito, quo conferuntur, ex indignitate creaturæ, cui conferuntur, & ex magnitudine donorum, & ex iisdem capitibus crescit ingratitude. Quintum motivum est Deus ipse propter se dignissimus non offendi, dignissimus omni cultu, honore, amore, cujus vilipensio, contemptus, malum unicum, est peccatum; malum eo gravius, quod major est dignitas offensi, cujus proinde gravitas etsi humanum excedens intellectum, ut magis appereat, expendatur serio, quis offendatur, vilipendatur, contemnatur, à quo, propter quid, quibus auxiliis, ubi, quando? Quid pro ejus satisfactione Pater à Filio suo incarnato, qui peccatum non fecerat, sed nostra suscepit destruenda, exegerit; quas poenas in hoc & futuro sæculo impenitentibus infligat Deus, cujus natura bonitas.

Resp. IV. Ex his motivis id primum Confessarius proponat, quod poenitentis capacitati & dispositioni magis videatur congruere: alii enim timore, alii amore magis ducuntur. Proveciores in virtute, & qui conantur proficere, facile excitantur considerando immensa Dei in nos beneficia, ejusque infinitam Majestatem. Rudiores & duriores concutiendi sunt primum timore poenarum,

13.  
*Quomodo  
diversi ad  
dolorem  
excitandi*



24 *Neo-Confessarius practice instructus.*  
& excitandi ad dolorem propter illas  
peccatoribus à Deo præparatas; deinde  
adducendi ad amorem ingenuum, dolo-  
remque ob offensum tantum benefacto-  
rem; demum ad amorem Dei propter  
se, doloremque propter ipsum offensum,  
& contemptum, cum proposito propter  
ipsum non peccandi de cætero: sic enim  
securius, si contritionem perfectam non  
assequantur, saltem attritionem concip-  
ient. Expedit omnibus proponere labo-  
res, sudores, passionem & mortem Chri-  
sti. Quæ? quanta? quò fine? quò amo-  
re ista fecerit, passus sit? Ecce, quæ fe-  
cit, & tulit pro te Salvator tuus, tui non  
egens, & quid tu rependisti? Captari eti-  
am potest occasio excitandi ad dolorem  
ex circumstantiis v. gr. festi præsertim,  
quo recoluntur specialia Dei beneficia;  
vel ex objecto, propter quod quis pecca-  
vit, ut si quis peccavit propter bonum  
utile, vel jucundum, vel respectum hu-  
manum, dici potest: potuisti amare bo-  
num tam exiguum, tam inane, tam in-  
constans & brevis temporis; quanto ma-  
gis amare debebas Deum omne bonum,  
respectu cujus reliqua umbra sunt, fidem  
consule: an quid cogitari potest Deo me-  
lius, & hunc tu non ames? Quidquid a-  
mas, ideo amas, ut sit tibi bene; at co-  
gita, an tibi melius esse potest, quam  
habere Deum omne bonum? *Oculus non*  
*vi-*

vidit, nec auris audiuit, nec in cor hominis  
ascendit, quæ præparavit Deus diligentibus  
se: & tu Deum tam benignum, tam  
liberalem, &c. non diligas, doleasque a  
te offensus? &c. Notandum autem, ne-  
cesse esse ut dolorem præcedat fides  
saltem virtualis, & spes: quia nemo actu  
supernaturali de peccatis dolere potest,  
nisi credat Deum peccatis offendi, esse-  
que vindicem malorum, bonorum remu-  
neratorem, speretque veniam, de quo  
n. 104. 116.

**C A P U T VI.**

*Quæ satisfactio pœnitentibus imponenda?*

**C**ertum est, quod Confessarius tene-  
atur sub culpa, peccatis proporti-  
onata pœnitenti absolvendo ali-  
quam satisfactionem imponere, quia ad  
illum velut iudicem pertinet procurare  
satisfactionem parti læsæ. Ut Minister  
Sacramenti debet ejus integritati  
consulere? De hac obligatione  
Tri-  
dent. sess. 14. cap. 8. loquens ait. *Debent injungere  
autem Sacerdotes Domini, quantum spiri-  
tus & prudentia suggererit, pro qualitate  
criminum, & pœnitentium facultate salu-  
tares, & convenientes satisfactiones injun-  
gere, ne forte, si peccatis conniveant, &  
indulgentius cum pœnitentibus agant, le-  
vissima quædam opera pro gravissimis de-  
lictis injungendo alienorum peccatorum*

14.

Tenetur

per se lo-

quendo

Confessa-

rius satis-

factionem

aliquam

Tri-

aliquam

aliquam

aliquam

aliquam

aliquam

aliquam

aliquam

aliquam

aliquam

aliquam

aliquam

aliquam

aliquam

aliquam

aliquam

aliquam

aliquam



26 Neo-Confessarius practicè instructus. participes efficiantur, habeant autem præ oculis, ut satisfactio, quam imponunt, non sit tantum ad novæ vitæ custodiam, ac infirmitatis medicamentum, sed etiam ad præteritorum peccatorum vindictam. Hactenus Trident. At difficultas superest, quæ sit huic, illive poenitenti, his illive peccatis proportionata. Pro qua minuenda ad quæstionem propositam.

15. Resp. I. Confessarius impositurus satisfactionem, Imo attendat ad qualitatem peccatorum, non ut iis æqualem, sed proportionatam, convenientem, & non nimis levem injungat. 2. Ad conditionem, facultates, & vires poenitentis, ne nimis gravem, & facile omittendam, adeoque inconvenientem imponat. 3. Ad qualitatem operis, ut satisfactio sit vindicativa simul, & correctiva vitæ prioris, & præservativa à relapsu: Confessarius enim ut iudex debet punire delicta, ut medicus vero mederi infirmo, & à relapsu, quantum in ipso est, prohibere. Optime in hac parte fungetur officio suo, si injungat poenitentias discrete afflictivas, & efficaciter correctivas vitæ prioris; & quamvis spectanda sit qualitas criminum, magis tamen attendenda est natura, conditio, & utilitas poenitentis.

16. Resp. II. Pro satisfactione imponi possunt. 1. Opera quævis poenalia, ut jejunium

junium, abſtinentia à certo cibo, vel po-injungi  
tu, & quævis carnis mortificatio. 2. Ora- poſſit.  
tio & quivis cultus Dei. 3. Eleemoſyna,  
& quivis actus proximo ſalutaris, unde  
imponi poſſunt orationes, aliaque pia  
opera pro defunctis obeunda; & ſic ex-  
ereetur charitas, ſitque eleemoſyna ac-  
ceptiſſima: neque ſic poenitens priva-  
tur omni vi ſatisfactoriâ quia intentio  
applicandi & viſ ſatisfactoria operis, ut  
per claves elevati, ad ſatisfaciendum  
ex opere operato manet poenitenti. 4.  
Injungi poſſunt actus mere interni Fidei,  
Spei, Charitatis, meditatio de morte, in-  
ferno, judicio, &c. quia & hi valde me-  
ritorii & ſatisfactorii ſunt. Cum enim  
actus Charitatis in peccatore vim ha-  
beat delendi reatum culpæ mortalis, &  
reatum poenæ æternæ, multo magis va-  
lebit ad delendum reatum poenæ tem-  
poralis in juſto. Opera etiam præcep-  
ta, quia & hæc ſunt ſatisfactoria, & ele-  
vari poſſunt ad rationem ſatisfactionis  
ſacramentalis, ſuntque tunc ſub duplici  
obligatione præſtanda. Sic ſi quis ac-  
cuſaret ſe de negligentia in audiendo  
Sacro, vel perſoluendis Horis Canoni-  
cis, poſſet illi injungi, ut ea aliquot vi-  
cibus devotius præſtaret. Cæterum ex-  
pedit ſemper aliquid non præceptum  
addere, ut ſit poenteintia magis vindica-  
tiva. 6. Cum valde ſalutares ſint poeni-  
ten-



28 *Neo-Confessarius practicè instructus.*  
tentia peccatis directe opposita, divi-  
tibus avaris & injustis utiliter impo-  
nuntur eleemosynæ, quia pecunia est  
illis nutrimentum, & anima affectus  
inordinati: caveat tamen Confessarius,  
ne sibi aut suis velit eleemosynam appli-  
cari. Similiter obnoxliis vitio carnis, ebi-  
etatis, gulæ, recte imponuntur macera-  
tiones corporis per jejunia, cilicia, fla-  
gellationes, subtractionem commodita-  
tum in lecto, diuturniore somno, delica-  
tiore uictu. Invidis, iracundis, odio  
proximi laborantibus opera charitatis  
erga proximum, à quo est averſio v. g.  
ut pro eo orent, honore eum præveni-  
ant, juvent, quibus commode possunt.  
Contraria enim contrariis curantur;  
estque generale, & utile remedium  
adversus omne peccatum, ut in mate-  
ria, in qua quis commisit illicita, abſti-  
neat etiam à licitis. 7. Qui non, vel vix  
tempus habent orandi, aut aliunde te-  
nentur ad multam orationem, ijs non  
imponantur longæ orationes, utpote  
vix illis utiles, sed pauca potius ope-  
ra cum fervore, & in statu gratiæ faci-  
enda: his enim juvantur magis, quam  
multis tepide, & in statu peccati pera-  
ctis. Unde talibus parvæ potius, sed  
efficaces poenitentia inſungendæ sunt,  
v. gr. ut certis Feſtis confiteantur, quo-  
tidie legant libellum pium, aut medi-  
ten,

tentur, si capaces sunt, per horæ quadrantem, aut diutius de certo mysterio, quo magis afficiuntur, aut de materia, qua maxime terrentur, ut de Passione Domini, de iudicio, morte, inferno, gravitate peccati, amore Salvatoris in humanum genus, &c. vel usque ad proximam confessionem mane proponant cavere illo die certum peccatum in honorem v.g. sanctissimæ Trinitatis, Crucifixi Domini, Beatissimæ Virginis, Angelî Custodis, &c. prout ipsi dictabit pietas; vespere examinent conscientiam, de lapsu doleant, proponant emendationem, gratiam petant; vel post decubitum in lecto cogitent, se morituros, & è lecto amplius non surrecturos; quæ sententia post mortem expectanda malis; in quem locum mittendi; quid ibi æternum passuri? Ut mane surgentes sibi dicant: Hodiernam diem incipio, quam mihi dat Deus, ut operer salutem meam, forte crastinam non habebo, & finis erit vitæ: at quando æternitatis? ex his pœnitentiis injungat Confessarius, quæ videbuntur pœnitenti magis accommodatæ; attamen uni non valde diversas: & experietur, si serio obeantur, esse admodum utiles, ut experientia docet, monstrantque exempla. Sic puellæ vanæ, cui ex variis pœnitentiis à Confessario oblati

nulla



30 *Neo-Confessarius practicè instructus.*

nulla sapiebat, profuit ad vitæ emendationem hæc exigua: Quoties manelaveris manus, hoc tibi tacite dices: *Hæc caro erit aliquando esca vermium.* Juvenem carnis voluptatibus implicitum correxit hæc: vesperi decumbens in lecto animo revolve: *Vellēsne prototius mundi imperio jacere per 30. annos immotus in hoc lecto etiam rosis strato?* Si non, quæ ergo insania pro modica voluptate æternis se addicere ignibus? Militem induratum emolliit hæc: *Dono,* inquit Alexander Pontifex, hunc tibi ex manu mea annulum, ut illum gestes, & quoties eum aspexeris, recorderis æternitatis. Alium correxit hæc à Sacerdote ex Ordine sancti Dominici injecta: Per noctem unam jace immotus in lecto: mane enim accurrens ad Confessarium dixit, id sibi visum esse impossibile: cui Confessarius: *Quomodo ergo jacebis in æternum in inferno compactus?* 8. Injungi etiam potest idoneis, ut per diem mente verterent aliquam ex Scriptura sententiam, ut: *Quid prodest homini, si mundum universum lucretur, animæ verò suæ detrimentum patiat?* Matth. 16. Vel: *Ducunt in bonis dies suos, & in puncto ad infernā descendunt,* Jobi 21. Vel: *Quis poterit habitare de vobiscum ardoribus sempiternis?* Isaïæ 33. Vel: *O vos omnes, qui transitis,*

*atten-*

*attendit  
meus, T  
militis  
bo, Pro  
servient  
Resp  
alias in  
rmō: t  
tritus.  
quia, q  
cinalis  
men po  
gentias  
Christi  
tur tam  
infirmu  
ipsi va  
morte  
na ore  
test in  
tione,  
& stat  
bi mol  
timeat  
Sacram  
vel ad  
os, au  
ration  
inquit  
pœnit  
torio,  
vel in*

attendite, & videte, si est dolor, sicut dolor meus, Threnor. c. 1. Vel: Vocavi, & renuistis, ego quoque in interitu vestro ridebo, Prov. c. 1. & aliæ ejusmodi, quæ & servient pro admonitione.

Resp. III. Pœnitentia mimor, quam 17.  
 alias injungenda fuisset, imponi potest *Quando*  
 1. Si pœnitens videatur valde con-*pœniten-*  
 tritus. 2. Si lucrandæ sint Indulgentiæ, *tia minor*  
 quia, quamvis nunc pœnitentia medi-*imponi*  
 cinalis non sit imminuenda, minui ta-*possit,*  
 men potest vindicativa: nam per Indul-*quam ali-*  
 gentias quidem applicatur satisfactio *as impo-*  
 Christi, & remittitur pœna, non cave-*nenda fu-*  
 tur tamen relapsus. 3. Si pœnitens sit *isset?*  
 infirmus, vel ita debilis, ut gravior sit  
 ipsi valde difficilis. Unde luctanti cum  
 morte sufficit injungere, ut sacra nomi-  
 na ore, aut saltem corde proferat; po-  
 test infirmo gravior injungi sub condi-  
 tione, si convalescat; item, ut acceptet,  
 & statuatur pro satisfactione perferri mor-  
 bi molestias. 4. Si pœnitens merito  
 timeatur graviolem omittitur, aut a  
 Sacramento Pœnitentiæ avertendus,  
 vel aditurus Confessarios minus idoneos,  
 aut idoneos, aut ruiturus in despera-  
 tionem; quibus in casibus tutius est,  
 inquit Gerson, pœnitentem cum parva  
 pœnitentia implenda permittere purgato-  
 rio, quam cum magna, vel omittenda,  
 vel inutiliter implenda mittere in in-  
 fernum.



32 *Neo-Confessarius practicè instructus.*  
fernum. 5. Si ex minore poenitentia  
speretur specialis utilitas; ut si creda-  
tur poenitens sic alliciendus ad fre-  
quentem usum Sacramentorum. 6.  
Si constat, quod poenitens multa opera  
satisfactoria facere consueverit. 7. Si,  
ubi opus est reprehensione, quæ ta-  
men moderata esse debet, dicat Con-  
fessarius, priusquam reprehendat, ut se  
patienter audiat pro poenitentia. 8. Si  
poenitenti suas obligationes ostendat,  
v. g. se reconciliandi cum proximo, re-  
stituendi aliena, vitandi occasionem  
proximam, quas potest pro poeniten-  
tentia injungere, ut iis satisfaciatur. In  
hoc casu, inquit P. La Croix, non debet  
Confessarius multum angere circa pecca-  
torem gravem, ne ita disposito non fiat  
gravem poenitentiam injungat, quia illæ  
obligationes per se sunt satis graves.  
9. Si aliqua per modum consilii injun-  
gat, & ad illa poenitens se paratum o-  
stendat, v. g. ut opera quotidiana exacti-  
us ad tempus peragat. Etsi enim poeni-  
tentia non sit tota injungenda sub puro  
consilio, cum non appareat, quomodo  
Confessarius sic ut iudex puniat, & ali-  
us sine peccato posset Sacramentum Poe-  
nitentiæ suâ frustrare integritate, pars  
tamen poenitentiae imponi potest sub pu-  
ro consilio, ut habet communis, 10. Si  
Confessarius exemplò S. Francisci Xaverii  
par-

partem poenitentiae in se suscipiat; sic enim movebitur poenitens ad dolorem, confusionem, ad frequentanda Sacramenta, vitamque Christianam, consequenter ad maiorem satisfactionem. Cæterum, si iusto minor poenitentia iungatur, monendus poenitens id iustis ex causis fieri, ut sic animetur ad spontaneam satisfactionem, studeatque diligentius emendationi, & ad Confessionem alliciatur; secus enim gravitatem peccatorum suorum non aestimabit, quæ advertit à Confessario tam leviter puniri.

*Resp. IV. Poenitentia inconveniens* 18.  
est, primo, ea quæ conflatur ex nimis *Pœnitentia incon-*  
multis diversis, v. g. jejunio, orationi-  
bus variis, &c. quia poenitens fa-  
cile obliviscetur, aut eas perfunctorie-  
peraget. 2. Quæ est ad rigorem antiquorū  
Canonum; juxta quos olim pro quovis  
mortali publico dictabatur septennis  
poenitentia, nempe, ut singulis hebdo-  
madis jejunaret poenitens in pane &  
aqua feriâ quartâ, sexta & Sabbato,  
quanquam ante absolvebatur sacramen-  
taliter. Ratio est, quia rigor ille modo  
non est conveniens, eumque tempera-  
vit Ecclesia; tum nè confessio ab Hæ-  
reticis traduceretur velut carnificina,  
fieretque odiosa poenitentibus: tum, ut  
homines magis allicerentur ad Sacra-  
*R. P. Reuter Neo-Confes.* C *men-*



34 *Neo-Confessarius practicè instructus:*  
 mentorum frequentem usum, perque  
 hunc à relapsu præservarentur: tum de-  
 nique, quia postremis temporibus fre-  
 quentior concessio & participatio Indul-  
 gentiarum invaluit. 3. Si poenitenti im-  
 ponatur, nè certum peccatum amplius  
 committatur; quia exponitur periculo  
 gravius labendi. 4. Si sit perpetua, quia  
 esset immoderata. 5. Si iungatur pu-  
 blica gravis, ordinariè est inconveniens,  
 quia repugnat praxi Ecclesiæ, & facile  
 ingeneraret suspensionem gravis peccati,  
 vel causaret dissidia. Dixi: ordinariè;  
 quia ob peccata publicè commissa sæpe  
 utile imò quandòque necessarium im-  
 ponere publicam, ut scandalum amove-  
 atur; estque potestas Confessario puni-  
 endi peccata, ubi necessarium: neque i-  
 deo violatur sigillum; quia obligatio tol-  
 lendi scandalum aliunde est, adeoque  
 ubi poenitens debet consentire, adest  
 consensus ejus. Sic salvo sigillo calum-  
 niatori imponitur, ut ab offenso petat  
 veniam. 6. Si multum occupato impo-  
 narentur longæ orationes, delicatis ri-  
 gidæ corporis castigationes, conjugibus  
 longæ peregrinationes: tales enim poe-  
 nitentiæ non sunt proportionatæ viri-  
 bus, statui, conditioni poenitentium taliù.

19. Resp. V. Si poenitens absolutus rede-  
*Pœniten-* at, egeâtque nova absolutione, nova in-  
*tiâ ab alio* iungenda est poenitentia; nisi fortè pri-

or vi

or videretur sufficiens, velletque eam de novo Confessarius iungere, uti potest, sicut aliud opus aliunde debitum. Si poenitens petat sibi iungi aliam poenitentiam loco iunctæ ab alio Confessario, illi annuendum non est; nisi status antecedens illius ex confessione saltem confusè cognoscatur; quia iudex nequit iudicare incognitâ causâ. Putant quidem Tamb. & Illung statum poenitentis antecedentem satis cognosci ex poenitentia illi iuncta, ideoque opus non esse, ut peccata, ob quæ iuncta fuit, denuo exponantur; at licet hoc forte aliquando verum esse possit; non tamen semper, quia Confessarii non sunt uniformes, nec omnes æquè solliciti de poenitentia præsertim medicinali imponenda. Unde per se loquendo, poenitens debet peccata saltem præcipua iterum confiteri. Quod, si rediret ad eundem Confessarium, hic, modo adhuc in confuso recordaretur status prioris poenitentis, aut eum ex præsentî confessione intelligeret, juxta omnes aliam poenitentiam posset substituere, & juxta aliquos etiam extra confessionem, quia iudex potestatem habet circa poenitentiae impletionem, adeoque & circa illius mutationem. Ita *Lugo, Hau. & alii.* Demum etsi poenitentia ordinariè imponatur ante absolutionem, potest tamen & eam sequi il-

*injuncta  
quando  
mutari  
possit 2.*



36 *Neo-Confessarius practice instructus.*  
lius impositio, tuncque adhuc procedit  
à potestate clavium, quia iudicium nec-  
dum est finitum, utpote, ad quod spe-  
ctat punire delicta.

20,  
*In dubio  
inclinan-  
dum in  
partem  
benignio-  
rem.*

Resp. VI. In dubio de sufficiente pœni-  
tentia inclinandum in partem benignio-  
rem; quia in ea minùs periculi; & sapien-  
tis medici est, inquit S. Th. in 4. D. 18. Q.  
2. A. 1. Qu. 3. à levioribus & minus pe-  
riculosis medicinis incipere, & D. 19. Q.  
42. A. 3. Qu. 2. paulatim procedendum  
est, ut quàm minùs potest fieri, gravetur ille,  
cui medicari volumus, Juvat quandoque  
interrogare pœnitentem, quam pœni-  
tentiam putet se meliùs implere posse;  
sique promptus inveniatur, expedit  
quandòque, quæ diutius duret, per dies  
v. g. 15. aut etiam per mensem, ut non  
dentur oblivioni peccata, consuetudo a-  
boleatur, & studium eam extirpandi  
nutriatur.

## CAPUT VII.

Quomodo, & quando fit danda abso-  
lutio ?

21.  
*Forma  
absolu-  
tionis.*

Resp. I. Ut Confessarius certò lici-  
tè procedat, regulariter tenetur  
absolvendo uti saltem his verbis:  
Ego te absolvo à peccatis tuis in Nomine  
Patris, & Filii, & Spiritus sancti Amen.  
Rituale Romanum sic habet: Cum igi-  
tur pœnitentem absolvere voluerit, in-  
jun-

juncta  
ri pœn  
omnipo  
perduci  
dulgenc  
peccat  
tens, &  
minus  
& ego  
nni vin  
nis, &  
tu indi  
tis tuis  
Spiritu  
nostri  
nis, &  
boni  
remig  
tia,  
C  
prim  
vel si  
tur:  
levat  
Si p  
Gob  
omi  
fessi  
ribu  
um  
sa e  
bis:

juncta ei prius, & ab eo acceptata salutari poenitentia, primo dicit: Misereatur tui omnipotens Deus, & dimissis peccatis tuis perducatur te ad vitam æternam, Amen. Indulgentiam, absolutionem, & remissionem peccatorum tuorum tribuat tibi omnipotens, & misericors Dominus, Amen. Dominus noster Iesus Christus absolvat te, & ego auctoritate illius te absolvo ab omni vinculo excommunicationis, suspensionis, & interdicti, in quantum possum, & tu indiges: deinde ego te absolvo a peccatis tuis in Nomine Patris, & Filii, & Spiritus sancti, Amen. Passio Domini nostri Iesu Christi, & merita B. Virginis, & omnium Sanctorum, & quidquid boni feceris, & mali sustinueris, sit tibi in remissionem peccatorum, augmentum gratiæ, & præmium vitæ æternæ, Amen.

22.

Circa hanc formam obseruandum Quæ ver- primo: dum dicitur: Indulgentiam &c. ba sint vel si verba illa omittantur, dum dici- necessariū tur: Dominus noster &c. Confessarius e- adhiben- levat dexteram versùs poenitentem. 2. da?

Si poenitens sit laicus, aut, ut tenet Gobat & Stotz, in minoribus tantum, omittitur vox, Suspensionis. 3. In confessionibus frequentioribus, vel brevioribus, aut quando magnus poenitentium concursus, aliave rationabilis causa est, licite potest incipere ab his verbis: Dominus noster Iesus Christus &c.



38 *Neo-Confessarius practicè instructus.*  
& omittere verba: *Passio Domini nostri*  
*Ec.* imò in graui necessitate, v. g. pe-  
riculo mortis sufficit dicere: *Ego te ab-*  
*solvo ab omnibus censuris, & peccatis tu-*  
*is in Nomine Patris, & Filii, & Spiritus*  
*sancti, Amen.* Extra illos casus reliqua  
verba prudenter adduntur, & per ulti-  
ma illa: *Passio Domini nostri Ec.* juxta  
aliquos, quod tamen alii probabiliùs ne-  
gant, eleuantur omnia opera bona poe-  
nitentis ad satisfactionem sacramenta-  
lem ex opere operato, & suppletur de-  
fectus impositæ nimis parvæ fortassis  
poenitentiae. Putant quoque aliqui,  
veniale peccatum fore, si sine rationa-  
bili causa omittantur verba: *Dominus*  
*noster Iesus Christus Ec.* ed quòd, uti  
ordinariè adhibenda ex usu Ecclesiae,  
sint recepta, sed *Gobath Tr. 7. n. 16. l.*  
*2. n. 82.* alique id negant, satisque esse  
censent, si dicatur: *Ego te absolvo à pec-*  
*catistuis;* vel si timeatur, nè adsit cen-  
sura: *Ego te absolvo, à censuris & pec-*  
*catis tuis.* 4. Verba absolutionis convenit  
pronuntiare submissè, nè si Confessarius  
affvescat pronuntiare altiùs, circumstan-  
tes advertant, dum fortè neganda erit  
absolutio. An autem hæc danda sit a-  
perto, vel tecto capite, spectanda est  
consuetudo, & praxis regionis. In his  
Germaniae partibus datur aperto capite  
in reverentiam Christi, cujus autori-  
tate

capite impenditur; in aliis verò quibusdam datur tecto capite, ut ostendatur Confessarii quâ iudicis autoritas. Ut servetur uniformitas, quæ ad decorem confert, quisque accomodet se consuetudini loci, in quo Confessarium agit.

Resp. II. Forma essentialis absoluti-<sup>Forma</sup>onis proferenda est non deprecatoriæ, <sup>proferenda</sup>sed authoritative, quia est actus iudicialis, ut constat ex *Trid. Sess. 14. can. 9.* <sup>da autho-</sup>dicente: *Si quis dixerit, absolutionem sacramentalem Sacerdotis non esse actum iudicalem, anathema sit.* Deprecatio autem est actus supplicantis, non verò iudicis. Constat quoque ex Scriptura. Nam Christus *Joannis 20.* non dixit: Quorum oraveritis, dimitti peccata; sed: Quorum remiseritis peccata, remittuntur eis.

Resp. III. Absolutio non est danda <sup>24.</sup>sub conditione de futuro, v. gr. Ego te <sup>Non est</sup>absolvo, si intra triduum aliena resti-<sup>absolutio</sup>tueris. Ratio quia effectus Sacramen-<sup>danda</sup>ti non est suspendendus; sic volente Chri-<sup>sub condi-</sup>sto, ut nobis declarat communis Docto-<sup>tione de</sup>rum sensus. Unde sic absolvens pec-<sup>futuro.</sup>caret graviter; dari tamen quandoque potest sub conditione de præsentī, ut mox dicetur.

Resp. IV. Confessarius tenetur sub <sup>25.</sup>culpa gravi, per se loquendo absolvere <sup>Absolutio</sup>poenitentem ritè confessum, & disposi-<sup>disposito</sup>tum, uti & in dubio de dispositione, si danda



40 *Neo-Confessarius practice instructus.*  
prudenter possit se resolvere in favorem  
poenitentis. Ratio est, quia poenitens  
per confessionem acquisivit jus ad ab-  
solutionem, neque in dubio, quod in e-  
jus favorem resolvi potest, illo privan-  
dus, cum ejus possessionem fundet con-  
fessio rite peracta: hac enim lege con-  
fessus est poenitens, ut absolveretur, ni-  
si constaret, eum esse indispositum. Di-  
xi: *per se loquendo*: quia causae quan-  
doque esse possunt differendi absolutio-  
nem secundum dicenda capite sequenti.

26. Resp. V. Ubi rationabile dubium non  
est de requisitis ad absolutionem, absol-  
vendus est poenitens, per se loquendo,  
absolute; sub conditione verò, si dubi-  
um sit, quod non possit solvi, adsitque  
vel necessitas, vel magna poenitentis u-  
tilitas. Ratio primæ partis est, quia  
ad id jus tunc habet poenitens: ratio  
2dæ partis est, quia sic consulitur reve-  
rentiæ Sacramenti. & saluti poenitentis.  
Hinc conditionatè absolvendus est pri-  
mò, si dubitetur de usu rationis, aut  
sufficiencia dispositionis vel materiæ;  
nec certa haberi possit, adsit tamen ne-  
cessitas, vel prudens ratio absolvendi.  
2. Si moribundus dederit signa dubia  
poenitentiae. 3. Si prudens sit dubi-  
um de dolore, aut proposito efficaci  
confessi mera venialia, aut mera morta-  
lia dubia, ita ut certum non sit peccas-  
se

se saltem venialiter. Quod si adferret poenitens sola venialia dubia, & aliaratio non svaderet, absolutio nec sub conditione videtur danda, nè, cum non sit necessitas, fiat irreverentia Sacramento. Neque tunc poenitens habet jus ad absolutionem, quia non affert materiam certam, consulendumque etiam est reverentiæ Sacramenti. Si tamen adesset prudens metus, nè fortassis sit in statu peccati mortalis, sub conditione foret absolvendus, cessarétque tunc periculum irreverentiæ. Posset fortassis etiam sub conditione absolvi, si lucranda essent Indulgentiæ, ad quas prærequireretur confessio, atque in his casibus non suspenderetur effectus Sacramenti validi, sed neque ordinariè difficile erit elicere peccatum certum ex vita præterita, id quod tentandum foret. Porro conditio potest quidem verbis exprimi, sed tamen necesse non est, ut habet communis, sed sufficit, quod adsit intentio saltem virtualis, cui ut verba consentiant, faciunt præsentis circumstantiæ: virtualementem autem intentionem habet, qui ante statuit absolvere poenitentes ad mentem Christi, & Ecclesiæ, & ex ea intentione tenuiter perseverante operatur.

Resp. VI. Si poenitens absolutus afferat

C5

27.



*Quid si* ferat novum mortale ex oblivione o-  
*pœnitens* omisſum, renovato, ſi ceſſaverit, dolore,  
*absolutus* iterum abſolvendus eſt. Si mortale  
*afferat* dubium foret, jubeatur iterum ſe accu-  
*novum* ſare in communi de ante dictis, aut ad-  
*mortale* dere iterum veniale certum; niſi tamen  
*omisſum?* mortale dubium certò fuiſſet veniale;  
 ſi autem afferret tantum venialia, ſine  
 abſolutione nova dimittendus foret,  
 quia videtur contra reverentiam Sacra-  
 menti ſine neceſſitate illud illico itera-  
 re: unde nec pœnitens poteſt eſſe ra-  
 tionabiliter invitus. Hoc autem in i-  
 terata illa abſolutione obſervandum,  
 ut Confessarius non abſolvat elevata  
 manu, & palam formata cruce, ſed clam  
 ad pœnitentem inclinatus, nè ſi ad-  
 ſtantes advertant iterum dari abſoluti-  
 onem, ſuſpicientur reum fuiſſe peccati  
 mortalis. Aliud foret, ſi præſentes eſ-  
 ſent nunc omnes alii ab iis, qui antea  
 adſuerant, aut ſolus pœnitens.

28. *Resp. VII.* Si peracta confeſſione,  
*Quid si* aut adhortatione Confessarius eſſet  
*Confessa-* peccatorum in particulari oblitus, ita,  
*rius ante* ut nullius in ſpecie meminiſſet; quod  
*abſolutio-* fit quandoque, dum afferuntur tantum  
*nem pec-* venialia, poteſt abſolvere modo adhuc  
*cata pœ-* ita teneat ſtatum pœnitentis, ut poſſit  
*nitentis* pœnitentiam imponere, de qua inter  
*eſſet obli-* conſitendum jam inchoatur judicium.  
 Suffi-

Sufficit enim ad absolutionem, aliquando fuisse distinctam cognitionem peccatorum in Confessario; nunc autem esse adhuc confusam de statu poenitentis quæ consistit in eo, quod meminerit plura vel pauca specie distincta peccata esse exposita, aut non nisi venialia, quanquam & facile dici posset, ut repeteretur ultimum veniale. Aliud foret si Confessarius sub enarratione peccatorum dormivisset, aut fuisset distractus; hoc enim casu, si non sit certus, talem poenitentem non retulisse, nisi venialia, quærat graviores peccatorum species, præsertim, in quas talis conditionis homines solent labi; non tamen sit nimis, nè Sacramentum fiat odiosum; pro quo mitigando posset Confessarius benignè dicere, humani se quid passum, & fuisse abreptum, vel somnolentum. Si sciat conscientiam poenitentis bonam, intellecto uno veniali, vel accusatione de totius vitæ peccatis facta potest absolvere. Ubi hoc notandum, peccare per se graviter Confessarium, qui per somnum, aut alio modo est distractus culpabiliter, ita, ut non intelligat peccata poenitentis, sicque causa sit, ut poenitens cum gravi sua molestia teneatur peccata repetere.

Resp. VIII. Etsi absolutioni à peccatis 29.



44 *Neo-Confessarius practicè instructus.*

*Præmit-* catis præmittenda sit absolutio à cen-  
*tenda ab-* furis, saltem, ubi prudens timor est, ne  
*solutio à* aliqua subfit, v. gr. excommunicatio ob  
*cenfuris* peccata graviora, quæ poenitens confi-  
*non ta-* tetur; non tamen necessariò impletio  
*men ne-* pænitentiae, aut emendatio vitæ Con-  
*cessario* fessario probata, Ratio primæ partis  
*impletio* est, quia Ecclesia graviter præcipit, ut  
*pæniten-* excommunicatus nullum Sacramentum  
*tiae vel* suscipiat. Absolvitur tamen poenitens,  
*probatio* etsi censuram ignoret, nec eam adver-  
*vitæ* tat Confessarius, modò verba proferat,  
 & facultatem à tali censura absolvendi  
 habeat. Imò Suarez probabiliter putat,  
 si Confessarius volens agere, quod po-  
 test, dicat verba absolutionis à peccatis  
 tolli simul censuras, excommunicacionem,  
 suspensionem, & interdictum, à quibus  
 duobus postremis absolvere post datam  
 absolutionem à peccatis non foret mortale,  
 quia non privant usu passivo Sacramen-  
 torum, uti excommunicatio, quæ si à tali  
 Confessario tollibilis non sit, juxta S. Antonin.  
 Vasq. & alios impedit valorem absolutionis  
 à peccatis, eò quòd Ecclesia sustulerit  
 Confessariis jurisdictionem absolvendi à  
 peccatis, priusquam ablata sit excommunicatio.  
 Negant tamen Lugo a. 22. & alii, si  
 poenitens bonâ fide procedat, & excommu-  
 nicacionem ignoret, eò quòd nullibi legatur,  
 Ecclesiam jurisdictionem

ctio-

tionem sustulisse, nec id præsumi possit, cum non sit in bonum fidelium, quia sic ignari suæ excommunicationis possent totâ vitâ fucipere bonâ fide Sacramenta sine fructu. Ratio secundæ partis, quam docuerunt quidam Rigo-ristæ apud *La Croix l. 6. num. 12. 30.* est, quia sic differendo absolutionem plures exponerentur periculo multiplicandi peccata, & æternæ damnationis; manerent enim in statu mortali, adeoque minus armati contra tentationes, siquæ in eo statu morerentur, quod fieri pronum est, æternum perirent. Deinde pœnitentia ante absolutionem non est sacramentalis, seu deletiva pœnæ ex opere operato, nec deficiente gratia remissiva pœnarum, utpote, quæ non remittuntur prius, quàm remissa sit culpa. Sicque pœnitentes sine absolutione dimissi nihil de condigno mererentur & magna subirent damna: unde Alexander VIII. damnavit hanc propositionem inter damnatas primam; *per illam rax in mox absolvendi ordo est inversus.* Et hanc 16. *Ordinem præmittendi satisfactionem absolutioni induxit non politia aut institutio Ecclesiæ; sed ipsa Christi lex, & præscriptio, naturâ id ipsum quodam modo dicente,* Ratio tertiæ partis est eadem, quæ prioris, cui accedit constans praxis Ecclesiæ, & finis Sacramenti



46 *Neo-Confessarius practice instructus.*  
menti, per quod gratia ad emendationem confertur. Dicunt adversarii, ex probatione judicandum esse, an poenitens verum dolorem, & emendationis propositum habeat; at id aliunde satis intelligi potest. Dicunt item, praxin non absolvendi ante peractam poenitentiam viguisse per 12, saecula prima; verum id falsum esse eruditè ostendit *Nicolaus du Bois in apologia contra Synodum Bacematoriam*, probans à secundo saeculo ad duodecesimum, facientibus publicam poenitentiam datam fuisse Eucharistiam per decursum poenitentiae necdum expletæ, adeoque ante fuisse absolutos sacramentaliter. Absolutionem autem quæ dabatur completam poenitentiam, sacramentalem non fuisse, sed reconciliativam tantum pro foro externo, & in testimonium poenitentiae fideliter expletæ.

30. Resp. IX. Absolutio danda non est  
Non di-propter magnum concursum poeniten-  
midianda tium, illi, qui non est confessus omnia  
ob con-mortalia, Ratio est, quia ex eo non est  
cursum moralis necessitas confessioni non inte-  
poeniten-græ mortalium impendendi absolutione,  
tium ab-etsi aliqui non sint redituri, quia alibi,  
solutio vel alio die confiteri poterunt. Unde  
directa. Innocentius XI, damnavit hanc 59. *Li-*  
*cet sacramentaliter absolvere dimidiatè*  
*confessor ratione magni concursus poeni-*  
*tenti-*

tentium, u. g. qualis contingere potest in die magnæ festivitatis, vel indulgentiæ.

Ob eandem rationem non licet dimidiatè confessos absolvere, si inveniantur multæ confessiones invalidæ emendandæ, quæ tam citò repeti non possunt, quod à se practicatum ait Sporet. Idem est de peregrino, qui accedit bonâ fide non satis discussâ conscientia, & ob copiam poenitentium non potest examinari. Regulariter melius est, pauciores potiùs audire, & bene instructos ac dispositos quàm multos tumultuariè & minùs dispositos cum exigua spe emendationis absolvere. Quando verò adest moralis, vel physica impossibilitas integrè confitendi, & necessariâ absolutio: ut si moribundus videretur moriturus, antequam integrè confiteretur, aut, si ad eum veniens Confessarius invenerit opus esse confessione generali, habensque apud se sacrum viaticum, & extremam unctionem, non posset confessionem protrahere sine scandalo populi expectantis & gravi infamia poenitentis, non integrè confessos licet absolvere: postea tamen procuranda esset integritas confessionis.

Resp, X, Absolutio nec licitè, nec validè dari potest absenti, sed tantum *Non po-* præsenti, saltem moraliter. Ratio est *test vali-* quia hæc fuit voluntas Christi, quæ *de dari* *bis*



48 *Neo-Confessarius practicè instructus.*  
*absolutio* bis innotescit ex praxi perpetua Eccle-  
*absenti.* siæ, & ex CC. Nam ex *Flor. & Trid.*  
forma absolutionis sunt verba formalia,  
quibus Sacerdos alloquitur poeniten-  
tem, dicendo; *Ego absolvo te, &c.* Ver-  
ba verò formalia nemo adhibet ad ab-  
sentem, sed humano modo loquimur  
præsenti; unde Clemens VIII. damna-  
vit hanc propositionem: *Licet per lita-  
ras, seu internuntium Confessario absenti  
sacramentaliter confiteri, & ab eo absen-  
te absolutionem obtinere.* Insuper sub  
pœna excommunicationis prohibuit il-  
lam doceri, vel practicari tanquam ali-  
quo casu probabilem. Porro proposi-  
tio illa damnata est, quia volebat, vali-  
dam esse confessionem factam absenti  
pro absolutione, ab eodem absente ob-  
tinenda. Si voluisset validam esse fa-  
ctam in ordine ad absolutionem à præ-  
sente accipiendam, uti putavit Suarez,  
esset solum damnata propter partem ul-  
timam, quia confessio facta absenti in  
ordine ad absolutionem à præsente ac-  
cipiendam invalida non est, uti decla-  
ravit Clemens apud *Dicast. de pœnitentia  
disput. 9. à n. 23.* Unde passa non  
est sententia Suar. qui tantum voluit,  
confessionem factam absenti pro abso-  
lutione à præsente accipiendam esse vali-  
dam: videri potest *Gormaz. de Pœn. à  
n. 232. Viva in appendice ad dam-  
natas*

*mnatas. §. 10.* Aliud est de absolutione à censuris, quæ, quia scriptò, hinc & absenti impertiri potest, Dixi: *Præsenti moraliter saltem*, quia, cum verba formalia ad præsentem moraliter usurpari possint, nihil obstat, quin is absolvi possit. Consistit autem præsentia moralis in ea communicatione Sacerdotis, & poenitentis, ut se invicem audire possint, eâ voce loquentes; quâ homines in communi colloquio uti solent, satis foret tamen, etsi aliquantò altiore voce utendum esset. Hinc, quamvis poenitens jam exivisset ex sede confessionalis, si tamen adhuc sit in morali præsentia, absolvi potest & debet, idque juxta *Lug. Tamb.* & alios, etsi jam immixtus aliis, ut videri non posset, quia nihilominus est moraliter præsens: retinétque voluntatem absolutionis accipiendæ, quamdiu eam non accepit. Quod autem *Moya q. 5. num. 32.* dicat, manere moraliter præsentem, quamdiu videri aut sensu percipi potest, videtur nimidum, quia longius liberò oculo, homo videri potest, quàm ad eum fieri possit humana locutio. Multò minùs sufficit, quòd Confessarius domum videat, in qua decumbit poenitens; quia pronomen; *Te* satis demonstrare non potest poenitentem, cum nullò sensu percipiatur à loquente, nec Sacerdotis *R. P. Reuter Neo-Conf.* D verba



50 *Neo-Confessarius practicè instructus.*

32

*Absolutio  
dispositio  
etiam à  
solis ve-  
nialibus  
danda.*

verba humanò modò percipere possit.  
Resp. XI. Dari quoque debet abso-  
lutio pœnitenti disposito, sola licet ve-  
nialia confesso. Ratio est, quia veni-  
alia sunt materia sufficiens Sacramen-  
ti pœnitentiæ, & pœnitens per eorum  
confessionem acquisivit jus ad absoluti-  
onem, & augmentum gratiæ, quod con-  
fertur, quoties Sacramentum illud dig-  
nè suscipitur. Unde *Trid. sess. 14. c. 5.*  
docet, venialia rectè & utiliter citra o-  
mnem præsumptionem in confessione  
dici. Probat quoque id piorum & san-  
ctorum usus, & praxis totius Ecclesiæ.  
His ex parte contradicunt quidam D.D.  
Lovanienses, ex quibus Huygens im-  
probat; quòd frequens absolutio petatur  
à venialibus, nisi pœnitens sit valde san-  
ctus, & clarè discernat eorum malitiam.  
Alii adstruunt statum aliquem perfecti-  
onis, quem, qui attingit, non indigeat  
confessione, dicuntque, primos Christi-  
anos in eo statu non fuisse solitos con-  
fiteri. Alii cum Ostraet putant, pœni-  
tentes ignotos, qui non nisi levia v. g.  
mendacia, distractiones in oratione, &c.  
confitentur, non esse passim absolvèn-  
dos. Sed hi audiendi non sunt, si pœ-  
nitentes judicentur prudenter esse dis-  
positi, quia doctrina illa repugnat praxi  
Ecclesiæ, sensuique Doctorum, & san-  
ctorum virorum, qui sæpe à solis veni-  
alibus

alibus absolutionem petunt, & absol-  
vunt tum adultos, qui tantum venialia  
confitentur, tum adolescentes, qui nun-  
quam peccârunt graviter. Sapienter  
tamen svident DD. ut tales ad sine-  
rum dolcrem & propositum sese sedulo  
excitent, relapsique sæpius in eadem  
venialia addant ex vita præterita saltem  
veniale gravius, aut magis deliberatè  
commissum, quod jam emendaverint,  
magisque detestentur, & cavere statu-  
ant, ut sic magis consulatur reverentiæ  
& fructui Sacramenti.

Resp. XII. Nèque indispositus ad ab-  
solutionem quis censerì debet ex eo sta-  
tim, quòd meritò timeatur relapsurus,  
aut etiam is id ipsum existimet; quia ti-  
mor ille & iudicium possunt esse delapsurum.  
præsenti voluntate bona mutanda for-  
tassis, non verò de defectu præsentis  
dispositionis. Unde iudicium illud, ut-  
pote actus intellectûs, stare potest cum  
sincero dolore præsenti & proposito. I-  
taque examinet Confessarius: unde ju-  
dicium illud poenitentis proveniat, an  
fortè ex actuali affectu ad peccatum,  
an ex desperatione vel pusillanimitate,  
aut potius ex cognitione fragilitatis au-  
ctæ per actus frequentatos. Undecùn-  
que proveniat, conetur Confessarius  
mederi, media suggerat, animet ad fi-  
duciam, excitet ad se humiliandum co-

33.

Quid se  
quis judi-  
cet se re-  
lapsurum.



52. *Neo-Confessarius practicè instructus.*  
ram Deo, ut ambulet in conspectu ejus,  
serventioribus precibus auxilium im-  
ploret, fiducialiter recurrat ad B. Vir-  
ginem, peccatorum refugium. Cæte-  
rum caveat Confessarius, nè ulli peri-  
culosas hypothesas proponat, v. g. nun-  
quid nolles peccare, etsi hoc illudve  
malum deberes tolerare, si in hac illa-  
ve fores occasione, sufficit, constare pœ-  
nitentem jam sincerè dolere, & nolle  
peccare de cætero.

### CAPUT VIII.

*Quando. aut quomodo neganda, aut dif-  
ferenda absolutio?*

35.  
*Quomodo  
differen-  
da abso-  
lutio, &  
quæ signa  
indisposi-  
tionis?*

**R** Esp. I. Differenda est absolutio,  
primò, si afferatur reservatum, à  
quo Confessarius nequeat absolvē-  
re, nec sit urgens ratio nunc absolven-  
di. 2. Si prudens sit dubium de di-  
spositione pœnitentis, quod resolvi non  
possit; nec adsit necessitas absolvendi;  
alias enim temerariè exponeretur Sa-  
cramentum periculo nullitatis. Signa  
autem dubiæ dispositionis sunt, si pœ-  
nitens contra fidem datam necdum de-  
feruerit occasionem peccandi proximā;  
si aliquoties sponponderit scandalum tol-  
lere, redire in amicitiam, aliena redde-  
re, aliisve obligationibus gravibus satis-  
facere, & promissis non steterit, cum  
posset. 3. Per se loquendo. si post con-  
fessionem diu omissam, & frequentes  
rela-

relapsus appareat poenitens negligenter  
 examinasse conscientiam; quia, tum ma-  
 gnum est periculum, ne absolvatur cul-  
 pabiliter non integrè confessus. Dixi,  
*Per se loquendò;* quia, si poenitens rudis,  
 aut se melius examinare, aut redire non  
 posset, juvandus foret, & absolvendus,  
 si judicetur dispositus. 4. Si poeni-  
 tens esset peccator publicus, v. g. usu-  
 rarius, vel concubinarius publicus, diffe-  
 renda esset absolutio publica, donec  
 constaret de emendatione; quia aliàs  
 scandalizarentur fideles. Posset tamen  
 dispositus absolvi privatim; sed Com-  
 munitio publicè danda non esset. 5. Si  
 consideratis omnibus dilatio videatur  
 poenitenti profutura, v. g. si magnum  
 capiat horrorem peccatorum, gravita-  
 tem eorum magis apprehendat, firme-  
 tur magis contra relapsus, concipiatur  
 major dolor, & firmitus propositum, a-  
 stringatur magis ad utendum mediis  
 præscriptis, rem alienam restituat, dam-  
 na compenset, aliàsque obligationes im-  
 pleat. Potest Confessarius quandòque  
 laudabiliter ad breve tempus, licèt vi-  
 deretur dispositus, absolutionem differ-  
 re, saltem, si non esset poenitens omni-  
 nò invitus. Est communis: & ratio est:  
 quia Confessarius est medicus animæ,  
 adeòque potest adhibere media, quæ  
 prudenter spirituali ejus sanitati fore u-  
 tilia.



54 *Neo-Confessarius practicè instructus.*

tiliora judicat: sicut potest imponere media præservativa, aut præexigere alicujus satisfactionis impletionem, Habet quidem ritè dispositus jus ad absoluti-  
onem, sed non semper ad eam statim accipiendam; sicut Catechumenus jus non habet ad Baptismum statim accipiendum; verùm ubi judiciò Confessarii magis expediet. Dixi primò, *Quandoque*, quia disposito non nisi rarò differenda est absolutio; cavendumque, nè differatur, quando sine nota non potest differri Communio, aut sunt lucrandæ Indulgentiæ, quas alio tempore lucrari non posset; vel prævidetur periculum, ne cogatur eadem peccata alteri confiteri, quia per hoc injustum illi onus imponeretur; vel denique, si exponitur periculo moriendi sine absolutione aut ad longum tempus non posset redire, Dixi 2. *Ad breve tempus*, puta ad 8. vel paulò plures dies; quia dilatio diuturna in poenitente disposito non videtur usurpanda; cùm incertum sit, an habeat perfectam contritionem, adeòque sit meriturus de condigno aliquid, & non incursum periculum damnationis. Dixi 3. *Si poenitens non sit omninò invitus*, si enim esset omninò invitus, & disponi non posset, ut acquiesceret; absolvendus esset; quia alias exasperaretur, aut ad alium iret, vel intra breve tem-

pus

pus non rediret, Cæterum, cui differ-  
tur absolutio, excitandus est, ut fre-  
quentet actus charitatis, & contritionis,  
ut ita acquirat vires majores contra  
tentationes; ut postea melius disposi-  
tus ampliores gratias accipiat, quibus  
compensabitur gratiæ augmentum, per  
absolutionem aliàs modò accipiendæ.  
Imponenda quoque pœnitentia, & mo-  
nendus, necesse non esse, ut peccata  
modò exposita, si ad eundem Confes-  
sarium redeat, denuo confiteatur: po-  
test enim is Confessarius ipsum ab illis  
peccatis absolvere, etsi eorum distinctò  
non recordaretur, modò pœnitentiam  
ante imposuerit convenientem: ali-  
quàmque adhuc imponat.

Resp. II. Neganda est absolutio illi, 35  
quem constat esse indispositum. Unde *Quando*  
neganda est primò, si pœnitens nolit *absolutio*  
restituere rem alienam, aut satisfacere *neganda?*  
pro damno illato in bonis, seu fortunæ,  
seu famæ, & honoris, cum possit.  
Quod addo, quia si modò non possit,  
satis est, si habeat voluntatem id faci-  
endi, spondeátque se facturum, occasio-  
nemque quæsiturum. 2. Si nolit of-  
fensam sibi illatam condonare, gravem  
minuetur vindictam, differre velit plus,  
quàm par est, cum aliorum scandalo re-  
conciliationem cum proximo, aut nolit  
præstare, quod tenetur sub mortali, v.



56 *Neo-Confessarius practice instructus.*

g. stipendia dare famulis, tegere decen-  
ter pectus, quod cum scandalo nudum  
gerit. 3. Si retineat voluntatem du-  
ellandi suò tempore. 4. Si habeat no-  
titiā alicujus, ex quo grave damnum  
imminet alteri, & nolit congruè modò  
efficere, ut avertatur, v. g. si sciat, ali-  
quem esse in periculo gravis seductionis,  
nec curare velit, ut res manifestetur il-  
lis, ad quos spectat corrigere, vel im-  
pedire. Ratio horum est, quia tales  
sunt in actuali gravi peccato. 5. Per  
se loquendo, si poenitens ignoret scitu  
necessaria necessitate mediū, nec possit  
nunc instrui, ut si ignoret mysterium  
Sanctissimæ Trinitatis, Incarnationis,  
&c. Quia fides horum etiam mysterio-  
rum probabiliter est fundamentum ju-  
stificationis. Dixi primò: *Per se loquen-*  
*do*, quia in articulo mortis absolvi pos-  
set sub conditione, ignorans mysterium  
Sanctissimæ Trinitatis, si instrui non  
posset; probabile enim est, illud non es-  
se scitu necessarium necessitate mediū.  
Dixi 2. *Nec possit instrui*, nam si possit,  
instruendus esset, aut, si tempus etiam  
non patitur, monendus, ut curet se in-  
strui: atque hæc satis clara sunt. Ma-  
jor difficultas est circa consuetudinarios  
vel constitutos in occasione proxima.  
Sed de his infra. P. 3. à n. 169.

36.

Resp. III, Si Confessario constet ex  
confes-

confessione alterius commisisse certum  
 peccatum poenitentem, quod nec con-  
 fessus sit, nec modò confiteatur, ut, si  
 sponsus confiteatur, se à Paschate con-  
 fessum non esse, fornicatum autem esse  
 cum suâ sponsa, post Dominicam in al-  
 bis; hæc dein pariter dicat se, à Pascha-  
 te confessam non esse, de fornicatione  
 autem mentionem non faciat, potest  
 Confessarius more consueti eam exa-  
 minare circa ea, quæ ejusmodi interro-  
 gari solent, v. g. an ipsam nihil ultra  
 angat, an nihil contigerit post contracta  
 sponsalia, quod conscientiam gravare  
 possit, quia ex scientia illa etiam sacra-  
 mentali non amisit Confessarius jus in-  
 terrogandi modò ordinariò; quod addo  
 quia ad examen extraordinarium illà  
 uti non licet. At si sponsa neget pec-  
 catum illud, quid, agendum sit Confes-  
 sario, controvertunt AA. Gobat & al-  
 lii putant, absolutionem dandam esse  
 sub conditione, eò quòd non minorem  
 fidem mereatur, quàm complex pecca-  
 ti adeòque jus ad absolutionem habe-  
 at. Admittunt hoc alij, si sit ratio pru-  
 dens excusandi, eò quòd non recorde-  
 tur, fortè illud factum esse post ultimam  
 confessionem, aut ex rûditate sua putet  
 inculpabiliter licere copulam, eò quòd,  
 uti quandòque dicunt existimârit se jam  
 coram Deo esse conjugem, &c. Si ve-

Quid si  
 poenitens  
 taceat.  
 peccatum  
 grave, de  
 quo con-  
 stat Con-  
 fessario  
 ex com-  
 plicis con-  
 fessione?



58 *Neo-Confessarius practicè instructus.*  
 rō tale iudicium formari non possit, sit-  
 que Confessarius certus, quōd pecca-  
 tum illud clavibus non fuerit subiectum,  
 rectè tenent, absolvendam non esse, sed  
 præviâ admonitione ordinariâ de matri-  
 monio dignè ineundo, utpote ex quo  
 pendet pars magna felicitatis in eo ex-  
 spectandæ. deque diligenti præpara-  
 tione, dicto: *Misereatur*: sine absoluti-  
 one, insciam non datam esse, dimitten-  
 dam, nè Sacramentum administretur  
 invalidè, tūm quia potius accusanti se  
 cum sui confusione, quàm neganti for-  
 tē ex pudore credendum est; tūm, quia  
 Confessarius dando absolutionem, ei ni-  
 hil prodest, nullūque ei commodum,  
 nec confusio inde oritur. Quōd si  
 Confessarius extra confessionem ab ali-  
 is audivisset, peccatum illud post ulti-  
 mam confessionem v. g. ante duos dies  
 commissum esse, potius credendum es-  
 set pœnitenti. Si tamen esset longè  
 major autoritas testantis, & circum-  
 stantiæ prudenter moverent contra pœ-  
 nitentem, absolvendus non esset saltē  
 absolutè. *La Croix N. 1969. Et n. 1753.*  
*Illung N. 128:*

37. Resp. IV. Quando alicui neganda  
*Si negetur* est absolutio, fiat id suaviter, ostenda-  
*absolutio*, tūque, id ad pœnitentis, & Confessa-  
*fiat id* rii salutem necessarium; huic maiorem  
*suaviter.* potestatem non esse, quàm contulerit  
 Deus;

Deus: sique attentaret absolvere, nihil acturum, & ne terreatur poenitens, non imponatur poenitentia nimis rigida; sed pars suggeratur sub consilio, dicátque Confessarius, se pro eo oraturum, moneat insupèr, ut, si ad alium eat, eadem peccata iterum esse confitenda, nec ad communionem modò accedendum esse, &c.

**CAPUT IX.**

*Quomodo poenitentes sint generatim dirigendi ad vitam devotam, aut verè Christianam?*

**R** Esp. I. Quisque pro suo statu & 38.  
conditione, & capacitate poterit  
instrui, præmissis, quæ dixi N. 8.

Quòd vita verè devota non consistat in longis precibus vocalibus, non in diuturna mora in templis, non in pietate sensibili, ut quidem mulieres sibi malè persvadent; sed in eo, quòd quis declinet à malo, statuique suo convenientè vivat, & agat sibi agenda ex intentione recta, seu motivo supernaturali virtutis, maximè charitatis erga Deum, & proximum pro cynosura voluntatis suæ habens voluntatem Dei, qui bonorum nostrorum non indiget. Quæ enim devotio, si materfamilias tempore, quò liberis, quò rei domesticæ invigilandum, multas horas Sacris audien-

*Quæ sit  
vita verè  
devota?*



60 *Neo-Confessarius practicè instructus.*  
audiendis infumeret, si filia, dum domi  
laborandum, dum parentes in victu ali-  
isque necessariis comparandis adjuvan-  
di sunt, templa visitaret, vel domi sa-  
cræ lectioni, aut orationi vacaret. De-  
us, magnus Paterfamilias officia distri-  
buit, cuique statum & functiones assignat; huic sanctæ voluntati, qui ex ma-  
iore charitate & reverentia magis se con-  
format, vitam magis devotam ducit;  
neque opus bonum est, nisi conforme  
voluntati Divinæ. Certè Christus Do-  
minus non placuit minùs Patri vitam  
privatam 30. annis agens, laborans in  
officina Nutritii sui, & Matri obsequens,  
quàm postea regnum Dei prædicans &  
patrans miracula.

39.  
*Ingeren-  
da magna  
æstimatio  
finis ulti-  
mi.*

Resp. II. Ut magnam concipiat æ-  
stimationem finis sui, ad quem crea-  
tus est. Creatus est homo, ut in hac  
mortali vita sua Dominum Deum su-  
um laudet ac revereatur, eique serviens  
tandem salvus fiat. Reliqua autem si-  
ta super terram creata sunt hominis ip-  
sius causâ, ut eum ad finem creationis  
suæ juvent. Hæc altè imprimenda  
sunt poenitentibus, excitando eos ad  
fervens studium finis sui consequendi.  
Quidquid homo agit, quidquid patitur,  
quod eò non tendit, deperditis annu-  
merandum est. Fine illò, qui excidit,  
melius esset illi, si natus non esset. Ex-  
po-

ponendum quoque, quàm multiplicia, quàm facilia, quàm jucunda, quàm excellentia dederit Deus homini media ad finem suum, imò ordinaverit, ut omnia seu prospera, seu adversa diligentibus Deum cooperentur in bonum. Ac proinde inexcusabilis sit homo, qui divitias bonitatis Dei contemnit, vel iis abutitur. Denique; ut conetur ad omnimodam indifferentiam, fuscipiendo de manu Dei non minùs lubenti & gratò animò adversa, quàm prospera; quia nescit homo, quid ad finem suum magis conducat, valetudo, an invalidudo; divitiæ, an paupertas; honor, an neglectus & contemptus.

Resp. III. Ut concipiat magnum odium, & horrorem omnis peccati, imprimis mortalis, considerando ejus malitiam; quæ, etsi transcendat humanum intellectum, magis tamen apparebit, si considerentur primò pœnæ, quibus Deus, justus vindex, unicum mortale in Angelis lapsis, & Adamo excepit, & punit modò mortalia in æternum in inferno. 2. Satisfactio, quam exegit ab Unigenito suo, qui peccata nostra in se suscepit eluenda. Nèque enim satis habuit, quod unum obsequium, etsi infiniti valoris, exhiberet, sed ut nasceretur pauper, ab hominibus desertus, viveret ut egenus, & quasi ignotus, toleraret oppro-

40:  
ingens  
horror  
peccati.



62 *Neo-Confessarius practicè instructus.*  
opprobria, contemptum, calumnias, imò ignominiosam mortem crucis interlatrones subiret. 3. Quis per peccatum mortale offendatur, inhonoretur, contemnatur, à quò, & ob quid, in quibus circumstantiis, nempe in conspectu suo, eo tempore, dum homini dat vitam, ex amore salutis ejus, eum fovet & sustentat, ut supra exposui sub n. 12.

41. Resp. IV, Ut quandoque consideret  
*Suadenda* inconstantiam omnium, quæ mundus  
*confidera-* offert, brevitatem vitæ, mortem certam,  
*tio vanita-* horam incertam; æternitatem deinde  
*tis mundi,* futuram felicem, vel infelicem. Quid  
& con- prodest homini, si universum mundum lu-  
*stantia æ-*cretur, & animæ verò suæ detrimentum  
*ternorum.* patiat? Nihil proderit, divitem fuisse,  
nihil fuisse in deliciis, honoribus, nihil  
fuisse Principem, Regem, totius mundi  
Monarcham. Hac ratione consequetur  
amorem spiritualis paupertatis, & ani-  
mus à terrenis avelletur.

42. Resp. V. Suggestantur illi media ge-  
*Suggeren-*neralia consequendæ virtutis; quorum  
*da media* primum est magna virtutis æstimatio;  
*consequen-*virtus enim substantia est vitæ Christi-  
*dæ virtu-*anæ, & rationalis naturæ dignitas, de-  
*tis.* Pri- cor, pulchritudo, ornatus & nobilitas.  
*mum vir-*Hæc si desint, nihil conferunt cætera:  
*tutis æsti-*si adsit, hominem evehit ad Dei simili-  
*matio.* tudinem: constituit enim eum pruden-  
tem, justum, fortem, temperantem, mi-  
tem,

tem, patientem, benignum, misericordem, aliisque perfectionibus exornat; ex quibus pulchra quædam Dei similitudo, & perfectionum ejus imitatio confurgit, imò filius fit Dei, filius autem refert patrem. *Similitudo Dei in nobis*, inquit S. Augustinus de Creatione, *in moribus cernenda est, ut, sicut Deus qui hominem creavit ad imaginem, & similitudinem suam, Charitas est, bonus, & justus, & patiens, & mitis, & misericors, & cætera virtutum insignia, quæ de Deo leguntur; ita homo creatus est, ut haberet charitatem, ut bonus, ut justus, & mitis, & patiens, & mundus, & misericors foret; quas virtutes, quanto plus habet homo in se ipso, tantò propinquior est Deo, & majorem sui Conditoris gerit similitudinem.* Si verò, quod absit, aliquis per devia vitiorum, & divortia criminum ab hac nobilissima sui conditoris similitudine degenerans aberret, tunc fit de eo, quod scriptum est: *Homo, cum in honore esset, non intellexit.* Quantam autem similitudo Dei homini conferat excellentiam, quis explicet? *Ego dixi, Dii estis, & filii excelsi omnes.* Vis esse ex iis? Sectare virtutem. *Secundum generale medium est. Secundum ardens, forte & efficax virtutis desiderans & rium.* Ardens quidem, ut quis ad eam forte ejusferatur instar famelici ad cibum, instar dem desitientis ad potum: *Beati enim, qui esudant.*



64 *Neo-Confessarius practicè instructus.*  
*furiunt & sitiunt iustitiam, quoniam ipsi*  
*saturabuntur. Forte autem, ut animum*  
*contra difficultates erigat, & virtutis*  
*studio firmet: has enim qui horrent*  
*virtutem solidam non consequentur.*  
*Volunt, inquit S. Gregor. Lib. 7. Mo-*  
*ral. Cap. 12. esse humiles, sed sine despe-*  
*ditu; esse contenti propriis, sed sine necessi-*  
*tate; esse casti, sed sine maceratione corpo-*  
*ris; esse patientes, sed sine contumeliis; &*  
*cum adipisci virtutem quærent, sed labo-*  
*res virtutum fugiunt; quid aliud est, quàm*  
*exhibere belli certamina in campo nesci-*  
*unt, & triumphare in urbibus de bello*  
*concupiscunt? Denique desiderium effi-*  
*cax, quod ad praxin operationis exter-*  
*næ perveniat, contemptisque hominum*  
*dieteriis, & propriis commodatibus,*  
*sectetur non consolationes spirituales*  
*neglectâ virtutis substantiâ, instar pu-*  
*eri, qui butyrum pani allitum delingit,*  
*& panem negligit; sed virtutes con-*  
*stantes, & firmas, quæ sibi in omni lo-*  
*co, tempore, & occasione constant.*  
*Non ad mensuram inquit S. Hierony-*  
*mus in Ps. 80. dat Deus, sed secundum*  
*dispositionem cordis nostri. Tertium ge-*  
*nerale medium est frequens & humilis*  
*oratio, seu petitio virtutis; est enim*  
*virtus eximium Dei donum, quod sine*  
*oratione non obtinetur; sed vult Deus*  
*illius auctor agnosci, vult quadam im-*  
*por-*

*Tertium  
 constans  
 oratio.*

portuni  
 illud ag  
 tos no  
 gna nos  
 toties n  
 nem: I  
 inveniet  
 Math. 7  
 quam a  
 riis à l  
 Debet a  
 ut in no  
 lius me  
 litate re  
 riam De  
 alias er  
 sti. D  
 triplex  
 in con  
 orantis  
 scientia  
 larii in  
 menfe  
 atillior e  
 ratas, q  
 tem mo  
 magno  
 oratio  
 o prop  
 pauper  
 ricula  
 Deus a  
 R. P.

portunitate cogi, ut discamus donum illud agnoscere, fontem adorare, & gratos nos exhibere, id quod fiet, cum magna nostra, non Dei utilitate. Et hinc toties nos adhortatur Deus ad orationem: *Petite, & accipietis; quærite, & invenientis; pulsate, & aperietur vobis.* Math. 7. *Oportet semper orare, & nunquam deficere,* Lucæ 18. *Si quid petieritis à Patre in Nomine meo, dabit vobis* Debet autem oratio fieri cum fiducia, ut in nomine Christi fiat, innitendo illius meritis, non nostris, & cum humilitate referendo, quod petitur, ad gloriam Dei, ut glorificetur pater in filio: aliàs enim non petitur in nomine Christi. Demum modus petendi virtutem, triplex est: peti enim potest vel virtus in communi, exemplo Davidis *Pf. 118.* *orantis: Bonitatem, & disciplinam, & scientiam doce me:* vel virtus in particulari in hac oratione, hac septimanâ, hoc mense totò una, aliàs alia; qui modus utilior est priore; vel ità, ut iis consideratis, quæ ad virtutem v, g. humilitatem movent, exerceas illius actus, cum magno proficiendi desiderio. Ut verò oratio inflammetur magis, expedit Deo proponere modò suam indigentiam, paupertatem, virtutis necessitatem, pericula &c. modò charitatem, quâ nos Deus ab æterno dilexit: misericordiam, *R. P. Reuter Neo-Confes. E* quâ



66 *Neo-Confessarius practicè instructus.*

*4tum,  
constans  
proficien-  
di cona-  
tus.*

quâ revocavit aberrantes; longanimitatem, & patientiam, quâ rebelles tolleravit; modò labores, sudores, opprobria cruciatus, mortem Christi; & hæc eadem proponi possunt Christo, & Beatissimæ Virgini. *Quartum* medium est constans in virtute progrediendi conatus; sic enim crescit virtutis æstimatio, desiderium & habitus, qui actibus frequentatis augetur: atque conatus ille ad profectum necessarius est, ità ut non progredi in virtute sit regredi, ut Patres & spirituales Magistri docent. Cujus ratio est, quia tam parum cor nostrum sine amore esse potest, quàm ignis sine calore: amor autem vel ordinatus est, & cælestis: vel inordinatus, ut plurimum terrenus, si terrenus, deficimus; si coelestis, progredimur, at coelestis non erit, nisi constanter pugnemus contra amorem proprium, naturamque vitiatam, & conemur progredi. *Quintum*

*5tum.  
ambulare  
coram  
Deo.*

medium est, operari ex memoria præsentis Dei, & omnia etiam secreta cordis nostri intuentis: *Ambula coram me, & eslo perfectus*; id est eris, ut exponitur.

*6tum,  
Christum  
sibi pro-  
ponere e-  
xemplar*

*Sextum* medium generale est, Christum, qui via, veritas, & vita est, sibi tanquam Magistrum & exemplar virtutum proponere; & hac se cogitatione animare: Vita nostra militia est super terram, ut Job testatur, *Dux & Impera-*

*ra-*

rator noster Christus; huic nomen dedi-  
hujus vexillum sequor, ipse laboravit,  
passus est sitim, famem, frigus, æstum,  
opprobria, contumelias, humiliavit se  
usque ad mortem crucis, ut me redi-  
meret, & ità intrarem in gloriam suam;  
invitat me ad illam, ast non vult me in  
partem illius venire, nisi cooperer, &  
compatiar. Non est servus major Do-  
mino, nec discipulus supra Magistrum:  
pudere deberet militem, si commodius  
& delicatius haberi vellet, quàm Dux  
suus, Rex, & Imperator; & nihilominus  
socius esse vellet regni & gloriæ.

Resp. VI. Doceatur sedulò exercere  
frequenter fidem, spem & charitatem;  
fidem quidem cum magna humilitate,  
& reverentia, suum intellectum subji-  
cendo, & captivando in obsequium su-  
premæ veritatis circa Dei perfectiones,  
mysteria SS. Trinitatis, Incarnationis,  
Sacramenti Eucharistiæ; circa præmia  
justis, & supplicia æterna peccatoribus  
præparata. Spem autem cum magno  
desiderio Beatitudinis, cum magna fi-  
ducia in omnipotentia, benignitate, mi-  
sericordia, & fidelitate promittentis  
Dei, meritisque Christi, quæ voluit esse  
nostra. Charitatem denique, gauden-  
do de infinitis Dei perfectionibus, se il-  
li offerendo, optando, ut illum omnes  
propter se ament, invitando omnes cre-  
aturas

43.  
*Exercere  
frequen-  
ter fidem,  
spem, cha-  
ritatem.*



68 *Neo-Confessarius practicè instructus.*  
aturas ad illum laudandum, & ei benedicendum; gratulando de gloria extrinseca, in coelo, & in terra; exultando de ejus cultu & honore; dolendo, quòd tot illum negligent, offendant, contemnant, & nos offenderimus; deplorando nostram, & aliorum cæcitatem, & tepiditatem in ejus agnitione, æstimatione, & obsequio.

44.  
*Et humilitatem.*

Resp. VII. Inducatur, ut se constanter exerceat in humilitate cordis, oris, & operis; atque ad hanc virtutem consequendam sæpe recogitet: quid, quantusque est Deus, & quid ego? Deus æternus, immensus, omniscius, sapientissimus, omnipotens, omne bonum: ego ante annos non multos fui nihil, jam ex me nihil sum, & quid per peccata? Post paucos annos quid ero, & quid in æternitate? Ut sic se humiliet sub omnipotenti manu Dei, ad eum in omnibus recurrat, suam agnoscens cæcitatem, paupertatem, impotentiam ad omne bonum, sibi attribuat solos defectus, Deo verò omne bonum, ut erga proximum sit benignus, misericors, omnium se postremum reputando. Est enim humilitas fundamentum omnium virtutum, sine qua nemo aliquem perfectionis gradum attingit: Deus namque superbis resistit, & humilibus dat gratiam; quia humiles Deo, qui gloriam su-

am

am non vult, nec potest dare alteri, omnia dona in acceptis referunt; superbi autem fures sunt in domo Dei, & raptores gloriæ ejus.

Resp. VIII. Ut in omnibus rectâ procedat intentione, spectans unice beneplacitum, & gloriam Dei: ideòque diligenter invigilet suis affectibus, & usui sensuum, eos ad examen sæpe revocet: aliàs enim amor proprius intentionem aut evertet, aut labefactabit; quia sensus, & cogitatio humani cordis in malum prona sunt ab adolescentia sua, Gen. 8.

Resp. IX. Ut præter examen generale de actibus totius diei vespere instituendum, familiare sibi habeat examen particulare, cujus praxis hæc est: Suscipitur ad certum tempus certa virtus exercenda per diem; vel vitium, aut passio mortificanda: manè fit propositum, prævidentur occasiones, per diem excercentur actus illius virtutis, aut mortificatio passionis, augendo indies numerum in bono, & minuendo in malo, vesperi initur ratio, elicitur dolor de lapsibus, vel negligentis; examinatur profectus, majorne sit, an minor? Statuitur pro die altero. Pro quo primò assumenda virtus magis necessaria exercenda, aut passio prædominans imminuenda.

Resp. X. Commendanda exacta confessio

45.  
Omnia  
discat  
agere re-  
cta inten-  
tione.

46.  
Docea-  
tur exa-  
men gene-  
rale &  
particula-  
re.



*Ut confessio, & communio frequens, devota, fessio, & Ut confessio sit devota, non tantum communi fiat præmisso examine, humilique & sit devota, sincerâ peccatorum confessione, cum & frequens.* dolore vero, & efficaci emendationis proposito; sed etiam media ad id indagando, occasiones eorum vitare statuendo. Suscipitur absolutio animò dimisso, gratòque tanquam à Christo; pro accepta postea agantur gratiæ, & conceptum antea propositum ei offeratur gratiis suis confirmandum. *Confirma in nobis, quod operatus es in nobis.* Ut communio sit verè devota, debet primò homo mundus esse non ab omni solum mortali, sed veniali etiam peccato, omni inordinato affectu; proinde omnes animi affectus bene sunt excutiendi. Ex fine intento agnoscentur. 2. Debet excitari ardens desiderium Christum suscipiendi, considerando suam indigentiam, cœcitatem, animi morbos, impotentiam, pericula; Christi autem divitias, potentiam, amorem, quò nobiscum esse desiderat, & nos ditare. *Qui sitit; veniat ad me, Joan. 7. Sitienti dabo de fonte aquæ vivæ. Apocal. 7. Deliciæ meæ esse cum filiis hominum.* 3. Profundè se humiliare, & considerando ex una parte suum nihilum, indignitatem maximè per peccata & ingratitude- nem contractam; ex altera Christi di-

gni-

gnitatem  
vivâ fid  
amore  
forman  
grâ cu  
verenti  
sue gr  
subjicie  
eum ad  
omnibu  
rendo;  
suum, i  
tiam ul  
subeun  
brum, v

An, q  
flu

R

error  
absolv  
statim  
secun  
um n  
aliqu  
juxt  
3. a  
ba

gnitatem. 4. Suscipere debet Christum vivâ fide, magna cum fiducia, ardenti amore, & desiderio, se illi perfectè conformandi in agendo, & patiando, magna cum humilitate, attentione & reverentiâ. 5. Susceptò sponsò animæ suæ gratias humiles agere, quod sit subjiendo illi intellectum per fidem, eum adorando, amando, optando, ut ab omnibus ametur, glorificetur; se offerendo; compellando eum jam Regem suum, jam sponsum, &c. petendo gratiam uberem, per diem mortificationem subeundo aliquam, legendo sacrum librum, vitando vanam conversationē, &c.

CAPUT X.

*An, quando, quomodo errores, & defectus in sacro tribunali à Confessario admissi sint corrigendi?*

**R**esp. I. Si Confessarius poenitentem dispositum peccati mortalis reum, ex oblivione, distractione aut errore, vel omnino non, aut invalidè absolvit; tenetur eum dein absolvere vel statim, si adhuc est moraliter præsens secundum dicta n. 31. vel postea, si eum noverit, præsentiūque habeat post aliquot horas: imò etiam post diem, & juxta Less. in Aut. V. Confessio Casu 3. aliòque multos cum Gobat, Cardena in 2. Crisi Dissert. 2. n. 88. post du-

48.  
*Si reum mortalis, dispositum non absolvit, quid agendum?*



72 *Neo-Confessarius practicè instructus.*

os dies; quia cum Sacramentum Poenitentiae sit institutum per modum iudicii, diutius durat moralis conjunctio inter partes, quam in reliquis plerisque Sacramentis. Hoc tamen casu, quò tantum temporis intercederet, si commode fieri posset, prius monendus esset, & renovandus dolor: si autem moneri non posset, foret, formà absolutionis in ipsum prolata, absolvendus saltem sub conditione, praesertim si prudens esset timor, nè dolor sit retractatus. Ratio est, quia jus habet ad absolutionem, ejus etiam accipiendae voluntatem retinet. Quòd, si dilata diutius occasione eum conveniendi; rediret confessurus eidem Confessario, dici ei posset, nunquid accusas te, & doles de omnibus peccatis totius vitae? & annuenti dari absolutio, modò Confessarius adhuc in confuso memor esset statùs prioris: si autem neo rediret, nec conveniri, nec reduci, nec post longum tempus occurrens moneri posset sine notabili poenitentis offensione & scandalo, aut notabili confusione vel detrimento honoris, & famae Confessarii, (sicut plerumque fieri nequit, si tempus paulò longius intercesserit) commendet Confessarius rem Deo, & culpam, si admisit, expiet. Neque enim tenetur Confessarius cum scandalo, vel gravi damno suo integritate,

tatem confessionis materiale procurare, cum & ipse poenitens ex gravi causa ab ea excusetur. Hæc intelligenda sunt si poenitens prudenter credatur iterum confessurus ante mortem, & ita à priori peccato saltem indirectè absolvendus: si enim putaretur, prius mortis subiturus periculum, salus illius esset damno famæ propriæ præferenda. Ceterum, secundum *Aversa & Burghaber Cent. 2. Casu 60.* confusio sola, & infamia apud poenitentem subeunda, excusat Confessarium, dummodo prudenter putet, poenitentem adhuc semel confessurum. Dixi in responsione: *Pœnitentem peccati mortalis reum*: nam, si non nisi venialia habuisset, etsi absolvendus esset statim, dum adhuc est moraliter præsens, si tamen jam abivisset, facilius dissimulari posset; nisi fortè esset prudens timor, ne sit in statu mortalis, & non amplius intra longum tempus confessurus.

Resp. II. Si Confessarius neglexit interrogare poenitentem de specie & numero peccatorum gravium, potest, & debet poenitentem adhuc in sede confessionali flectentem interrogare etiam post datam absolutionem, & monere de obligationibus, de quibus fortè monitus non est. Nec opus est ad id veniam petere, quia iudicium adhuc integraliter durat. Ita communis. Si autem

Es

poeni-

49.  
Quid si  
neglexit  
interro-  
gare nu-  
merum  
& spe-  
ciem?



74 *Neo-Confessarius practice instructus.*

pœnitens jam discesserit, regulariter ad nihil tenetur Confessarius, nisi fortè ad pœnitentiam, si culpa intervenerit; quia admonitio extra confessionem vix fiet sine gravi confusione pœnitentis & Confessarii, ipsèque non concurret positivè ad omissionem. Si tamen rediret idem pœnitens ad Confessionem apud eundem Confessarium deponendam, monendus esset de defectu commissio: aliàs enim confessio non fieret omnium, ad quæ confitenda tenetur pœnitens. Dixi: *Si neglexit interrogare;* nam si positivè falsò dixisset, non esse opus horum peccatorum speciem, vel numerum exponere, monendus esset, si sine gravi scandalo, & detrimento pœnitentis, & Confessarii moneri posset, quia aliàs Confessarius pergeret esse causa, cur grave præceptum violaretur de omnibus confitendis quoad speciem & numerum. Verùm, quia magna ordinariè est confusio Confessarii, si delictum suum, aut ignorantiam manifestet pœnitenti, cum homines, lingvâ facillè labiles, proni sint ad talia aliis aperienda, videtur Confessarius ab hoc onere sæpe liberari, si nempe pœnitens non redeat ad ipsum. Docet enim *Lugo de Pœnit. d. 22. à n. 57. cum Suar, & Vasquez,* non teneri, per se loquendo, monere pœnitentem, ad corrigendum errorem

rorem etiam culpabiliter admissum, si prudenter timeatur scandalum, aut detrimentum græve proprium, vel alienum, aut gravis offensa poenitentis. Si tamen monendus esset, putant Suar. & Arriaga, extra confessionem, non petita etiam veniâ, posse dedoceri errorem, dicendo: Si tale, vel tale peccatum admitteretur, hâc vel illô modô confitendum esse. Melius est petere veniam, si extra confessionem corrigendus esset.

Resp. III. Si Confessarius purè neglexit monere poenitentem de restitutione faciendâ, & ideo hanc ille omittat, non tenetur propterea Confessarius ad compensationem damni, etsi ex ignorantia vincibili, & cum culpa gravi processisset: quia ex iustitia erga tertium non tenetur monere, aut ejus damnum impedire, sed ad summum ex charitate; ex qua etiam tenetur errorem corrigere, si commodè possit, si autem non possit, rem Deo commendet. *Layman. l. 5. tr. 6. cap. 9.*

Excipit La Croix, nisi ideo tacuerit, ut poenitens non restitueret: eò quòd tertius jus habeat, nè per dolum impediatur ab eo, quod ipsi debetur ex iustitia. At silentium Confessarii vel est causa per se damni, vel non est: si primum tenetur, etsi fraus non adfuerit: si non est, intentio interna non inducit obligationem compensandi, nisi actio

ex-

50.

*Quid si  
neglexit  
monere  
de resti-  
tutione  
faciendâ*



76 *Neo-Confessarius practice instructus*,  
externa sit causa efficax damni. Aliud  
foret, si intentio illa ita silentium quali-  
ficasset, ut poenitens illo fuerit motus  
ad non restituendum: unde alii dicunt,  
teneri Confessarium in defectu poeni-  
tentis, si hic silentio Confessarii motus  
fuerit ad non restituendum. At Stotz,  
& alii negant, silentium Confessarii or-  
dinariè esse tacitam approbationem juris  
retinendi, cum poenitens nesciat; an non  
ex oblivione, aut iusta de causa taceat.

51. Resp. IV. Si Confessarius bona fide  
obligavit poenitentem ad restituendum,  
dum non tenetur, aut deobliget, dum  
ad restituendum tenetur, per se loquendo non obligatur  
ad compensanda damna, cognito tamen  
aut de errore, tenetur ex charitate, & proba-  
ligarit bilitate etiam ex iustitia monere poeni-  
tentem. Ratio primæ partis est, quia,  
per erro- ubi nec culpa Theologica est, nec res a-  
rem in- lienæ etiam æquivalenter, illi in con-  
culpabi- scientia non est obligatio restituendi, ni-  
lem? si fortè specialis contractus intervenerit,  
qualis hic non intervenit; sed, sicut susci-  
pientes officium advocati, medici, consi-  
liarii non intendunt se obligare, nisi ad di-  
ligentiam communem, cavendumque do-  
lum & culpam latam, quæ conjuncta  
sit cum culpa Theologica gravi, neque  
nisi ex hac in foro interno tenentur de  
damnis. Sic nec Confessarius obliga-  
vit se poenitenti gravius, nec tenetur de  
dam-

damno sine culpa ipsius secuto. Ratio secundæ partis est, quia charitas postulat, ut ubi commodè possum, impediam damnum proximi. Ratio tertiæ partis est, quia tenentur impedire, nè actio sua moraliter perseverans pergat continuare damnum, sicut, si sine culpa alium infamâsem graviter, vel alterius domum incendiissem, tenerer ex justitia resarcire famam, & extinguere, si possum, incendium. Dixi, *probabiliter*, quia *Navar. & Sanch.* docent quòque probabiliter teneri tantum ex charitate, quando sine magno incommodo monere potest, quia nec ex culpa antecedente, nec ex re aliena, nec jam ex officio tenetur monere, cum officium cesset: sicut, inquit, si à fure accepissem dono vas pretiosum, & bonâ fide donâsem alteri: postea resciscens fuisse furtivum, non tenerer ex justitia domino dicere. Prima sententia probabilior est, nec obstat exemplum; nam si donatio mea esset causa, cur dominus vas non reciperet, tenerer revocare illam, vel domino dicere ex justitia. Non tenetur tamen Confessarius, ubi, prout potuit, poenitentem monuit ipse, restituere ex ratione data.

Resp. V. Si autem Confessarius ex ignorantia graviter culpabili, vel ex malitia

52.

*Quid si*



*per erro-* litia positivè deobligavit, tenetur ex ju-  
*rem cul-* stitia curare, ut damna resarciantur, aut  
*pabilem,* ipse resarcire; quia fuit causa illorum  
*vel mali-* injusta. Procedit hoc etiam de Con-  
*tiam?* fessario Religioso, qui tamen, si non  
 haberet, nec habere posset, unde resti-  
 tueret sine gravi sua infamia, vel in-  
 commodo, non teneretur ipse in defe-  
 ctu poenitentis, vel alterius; quia irra-  
 tionabiliter ab ipso exigeretur; si autem  
 facilè habere posset à superiore, vel al-  
 io, petendo ad usum pium; teneretur  
 petere, & in defectu alterius restituere  
 ob rationem datam.

**§3.** Resp. VI. Si temerè, vel necdum  
*Quid si* adhibitâ à poenitente diligentia pro in-  
*rem resi-* veniendo domino dixit, ut res daretur  
*tuendam* pauperibus, manet obligatio inquirendi  
*jussit dari* dominum, & inventò restituendi; ad  
*pauperi-* quod primò locò tenetur poenitens, &  
*bus?* in hujus defectu Confessarius. Ex qui-  
 bus patet, quàm cautè procedendum  
 Confessario in materia restitutionis, ut  
 nempe, ubi certus non est de obligatio-  
 ne, vel immunitate ab illa, non statim  
 resolvat, sed moram petat rem expen-  
 dendi, vel alios consulendi, dicâtque  
 poenitenti: Nunquid paratus es præsta-  
 re omne id, ad quod intelliges te obli-  
 gari? Si annuat, dicat, rem istam expen-  
 dam, redi post tempus ad me, aut, si ne-  
 queas, adi alium virum doctum & ca-  
 sum expone.

Resp.

Resp.  
 valere co-  
 sit inva-  
 tum, cū  
 nitentem  
 per alium  
 lum, nil  
 nolle ista  
 rem sub  
 ra ad p  
 Croix l.  
 pro eju  
 Confessari  
 te, ate leg  
 di de au  
 bus loqu  
 cesse el  
 petita l  
 Commu  
 lutus,  
 confessi  
 cadunt,  
 mē sit o  
 tum jam  
 absolutus  
 um absol  
 lare pec  
 Hurtado  
 biliter d  
 niam, q  
 3. de Pa  
 extra co

Resp. VII. Si Confessarius dixerit, 54.  
valere contractum v. g. matrimonii, cum *An pro*  
sit invalidus, aut non valere certum vo- *errore*  
tum, cum valeat, tenetur monere pœ- *corrigen-*  
nitentem, si possit; id, quod fieri posset *do necesse*  
per alium, si ista non cadant sub sigil- *fit petere*  
lum, nisi tamen constet, pœnitentem *licentiam*  
nolle ista revelari alteri: non cadunt au- *à pœnitentem*  
tem sub sigillum, si non sint manifesta- *te?*  
ta ad peccatum explicandum, *La*  
*Croix l. 6. p. 2. nu. 173.* An autem  
pro ejusmodi erroribus corrigendis  
Confessarius prius teneatur à pœni-  
te. te legitimè obtinere veniam loquen-  
di de auditis iis in confessione; de qui-  
bus loqui ad corrigendum errorem ne-  
cesse est; aut possit eum monere non  
petitâ licentiâ; non convenit inter TT.  
Communior tenet, si pœnitens sit abso-  
lutus, ad loquendum cum illo extra  
confessionem de iis, quæ sub sigillum  
cadunt, necesse esse, ut ab ipso legiti-  
mè sit obtenta venia; quia Sacramen-  
tum jam completum est, secùs, si verè  
absolutus non esset: dicere enim illi e-  
um absolutum non esse, non est reve-  
lare peccatum. *Contrâ Suar. Filiuc.*  
*Hurtado, Merac. Laym. & alii proba-*  
*biliter docent, opus non esse, petere ve-*  
*niam, quia, inquit Suar. d. 33. §. 5. nu.*  
*3. de Pœnit. tunc propriè non loquitur*  
*extra confessionem, sed supplet, & per-*  
*fic*



80 *Neo-Confessarius practicè instructus.*  
ficit eam, quæ antè inchoata est. Ni-  
hilominùs meliùs consulitur reverentiæ  
Sacramenti, si petatur venia, quam poe-  
nitens tenetur dare, tùm ad corrigèn-  
dum defectum, & satisfaciendum obli-  
gationi suæ, tùm quandò malum com-  
munitatis, proximi, vel proprium, quod  
tenetur, & non potest avertere poeni-  
tens, exigit dari licentiam utendi noti-  
tiâ ex confessione acceptâ. Hinc si poe-  
nitens eam negaret, absolvi non potest,  
quia foret in actuali peccato mortali.  
Declaranda illi esset obligatio commu-  
nis hoc genere, & jubendus consulere  
virum alium doctum. Vide *La Croix*  
*l. 6. p. 2. n. 1774. & n. 1958.*

55.

*Post con-* Resp. VIII. Ut quicumque defectus,  
*fessiones* qui in confessione quandoque intercur-  
*exceptas* runt, faciliùs & exactiùs corrigantur;  
*reflektat* expedit, ut Confessarius, sicut svasit S.  
*Confessa-* Franciscus Xaverius; post exceptas con-  
*rius, quo-* fessiones, expendat, quomodo munere  
*modo pro-* suo sit functus, quomodo cum his illis-  
*cesserit?* ve poenitentibus processerit, quomodo  
instruxerit, examinaverit, quomodo ad  
dolorem excitaverit, dubia resolverit,  
quomodo meliùs agere potuisset, &  
deinceps possit; si dubitet de sua resolu-  
tione, vel iudicio circa peccatum, con-  
sulat libros, aut alios viros doctos, &  
expertos: sic enim fiet, ut expeditiùs de-  
inceps, exactiùsque, & magno cum fru-  
ctu officio suo fungatur.

PARS

## PARS II.

De iis, quæ Confessario observanda sunt  
tū in genere circa peccata magis ob-  
via, tū in specie circa personas æta-  
te, sexu, statu, vel conditione diversas.

### CAPUT I.

*Quæ in Confessione sint Confessario ob-  
servanda in genere circa peccata magis  
obvia, & quæ contra ea sugge-  
renda?*

**P**Eccata magis obvia sunt peccata ca-  
pitalia, & quæ ex iis ordinariè ma-  
gis consequuntur; sunt autem peccata  
capitalia septem; nempe: Superbia, A-  
varitia, Luxuria, Invidia, Gula, Ira,  
Acedia, Dicuntur capitalia, quia ex i-  
is velut capitibus reliqua oriuntur.

### QUÆSTIO I.

*Quid de Superbia, & præcipuis ejus par-  
tibus, & remediis observandum?*

**R**Esp. I. Superbia est amor inordi-  
natus propriæ excellentiæ, puta, 56.  
personæ. Dixi, inordinatus: quia *Quid sit  
superbia?*  
R. P. Reuter Neo-Confes. F or-



82 *Neo-Confessarius practicè instructus.*

ordinate appetere excellentiā in se, malum non est, sed potest esse actus hone-  
stus, si debito modo, & sine fiat. Consistit  
autem superbiæ inordinatio in eo, quod  
quis personæ suæ excellentiam vel di-  
gnitatem maiorem apprehendat, quam  
ei insit, sicque erga illam ita appren-  
sam afficiatur, maiorem se æstimando,  
quàm re ipsā æstimari mereatur, atque  
itā mente, & affectu supra se eat. Hinc  
superbus se inflare, & tumefacere dicitur,  
quia apprehensione, & affectu maiore,  
quàm par sit, se quodā modo facit maiore.

57.  
*Et quo-  
nuplex.*

Resp. II. Superbia alia est consum-  
mata, & perfecta; alia non consumma-  
ta, & imperfecta. Consummata est,  
quā quis itā se animo effert, ut Deo, &  
superioribus subesse recuset, volens ar-  
bitratu suo vivere; aut itā se gerit, qua-  
si à Deo sua non haberet, aut essent suæ  
naturæ debita, Dixi, *ita se gerit*, quia  
non requiritur, ut ita iudicet, ( hoc e-  
nim esset hæreticum ) sed sufficit, quod  
dona Dei apprehendat tanquam sua, &  
non cogitans, unde ista habeat, itā se  
gerat, ac si à se haberet; id, quod fieri  
potest; sic pauper, fruens alienis, potest  
se efferre; non secus, ac si propriis fru-  
eretur. Hæc superbia, præsertim pri-  
mo modo accepta, est diabolica, & pec-  
catum gravissimum, quia formalis aver-  
sio à Deo. Superbia non consummata  
est,

est, quâ quis, salvâ ad Deum, & superiores subiectione, seclusque illo se gerendi modo, suam dignitatem apprehendit, æstimat, & amat supra id, quod illi convenit, vel inest. Dicitur *imper-*  
*fecta*, non quod propriè dicta superbiâ non sit; sed quod ad supremum superbiæ gradum non ascendat, primûsq; sit superbiæ actus, qui per se loquendo, veniale tantum est peccatum, quia exrecepta regula, quando objectum est de se indifferens, adeoque honestè appetibile, ut sunt excellentia, dignitas, honor, laus, divitiæ, cibus, potus; appetitus illius inordinatus, per se loquendo, non excedit culpam venialem. Dixi, *per se loquendo*, quia per accidens fieri potest mortale, uti alia venialia, ratione scandalii, finis adjuncti, &c.

Resp. III. Filix superbiæ quasi primogenitæ sunt: ambitio, præsumptio, hocenodoxia seu vana gloria. Ambitio est inordinatus appetitus honoris, vel dignitatis, ut, si appetatur honor non conveniens appetenti, vel meritis maior, v. g. Si quis honorari cupiat ob doctrinam, quam non habet, vel ob divitiis, vel velit ad officium elevari, quo indignus est, Præsumptio, ut hic accipitur, est appetitus aggrediendi aliquid vires, & facultatem excedens. Cenodoxia, seu vana gloria, sic dicta, quod

58.

*Filix superbiæ.*



84 *Neo-Confessarius practicè instructus.*  
fundamento debito careat, est appetitus inordinatus humanæ æstimationis, & laudis, ut si quis maiorem de se opinionem, & famam appetat, quàm mereatur, aut ex rebus indifferentibus, ut sunt divitiæ, pulchritudo, &c. quæ de se laudem non merentur, vel de simulata doctrina, & virtute. Si talis æstimationo, & laus quæeratur verbis, dicitur iactantia; si factis veris, inventio novitatum; ut, si quis ob peregrinas vestes, novumve modum videri vellet magnus, & laudari; si quæeratur factis falsis, dicitur hypocrisis, ut, si quis aliquid faciat, ut videatur bonus, cum non sit. Hæc ordinariè sunt peccata tantum venialia; fiunt tamen quandoque mortalia ex circumstantiis, & effectu, ut si quis ambit officium, ad quod scientiam, vel idoneitatem non haberet, sique prævidere posset gravia damna aliis inde consecutura. Si mulier quæreret luxum in vestibus cum gravi detrimento familiaræ, aut ære alieno, cui dein solvendo non esset; si puella comeret se, ut appareat pulchra, sicque alios alliciat ad amorem turpem; si, nè videretur scrupulosa, accederet nocturnas conventiones, prævidens lapsum in gravia probabiliter futurum. Si iactaret se de peccato gravi, si communicaret indignè, ne videretur aliis minus pia, &c.

Resp.

Resp. In  
partus, u  
ria jud  
ertinacia  
tentia.  
contra  
am Dei,  
mod quis  
ordinata  
lis dissen  
mod debe  
modo dissi  
a verbali  
liquam, t  
contradice  
et inordin  
more can  
is. Con  
oris, ut  
n facien  
am de  
iusta la  
occulta.  
na fenter  
ament  
ra gravia,  
eria, ve  
Nativ  
est. Prim  
iam sua  
fectione  
depende

Resp. IV. Sunt & alii superbiæ ma-  
li partus, ut pertinacia, discordia, teme-  
raria judicia, imò omne peccatum. *Pertinacia* est inordinata adhæsi-  
o suæ sententiæ. *Discordia*, ut hic sumitur,  
est contrarietas voluntatum circa bo-  
num Dei, vel proximi, seu circa bonum,  
quod quis tenetur velle. *Dissensio* est  
inordinata contrarietas opinionum, ut si  
quis dissentiat ab alio in objecto, circa  
quod deberet consentire, vel excedat in  
modo dissentiendi. *Contentio* est pug-  
na verbalis inordinata circa veritatem  
aliquam, ut, si quis se opponat animo  
contradicendi veritati agnitæ, *Rixa*  
est inordinata invasio privati à privato  
more canis ex vehementi ira proceden-  
tis. *Contumelia* est injusta læsio ho-  
noris, ut cum quis alicui aliquid objicit  
in faciem, animo eum inhonorandi, vel  
cum dedecore injusto. *Detractio* est  
injusta læsio famæ alienæ, plerumque  
occulta. *Temerarium judicium* est fir-  
ma sententia de proximi labe sine fun-  
damento sufficienti. Hæc sunt pecca-  
ta gravia, vel levia pro diversitate ma-  
teriæ, vel modi.

Nativitas pessimæ hujus turbæ hæc 60.  
est: Primò apprehendit quis excellen- *Quomodo*  
tiam suam non attendendo suas imper- *nascitur*  
fectiones, indigentiam, paupertatem, & *superbia*  
dependentiam à Deo, ex quo fit, ut ex- *cum suis*



*affectis,* cellentia sua appareat illi major quam  
*seu pedis-*reipsa sit, quia bonum purè ut tale ap-  
*sequis?*prehensum apparet longè excellen-  
 tius, quàm apprehensum ut mixtum im-  
 perfectionibus. Ex hac apprehensione  
 nascitur amor suæ excellentiæ, & æsti-  
 matio iustò major. Ex his deinde sit,  
 ut æstimet se idoneum rebus magnis,  
 & mensuram suam excedentibus. Hinc  
 appetit dignitates, aliásque, quæ ad ex-  
 cellentiæ commendationem pertinent,  
 tanquàm sibi convenientia, cupit ab a-  
 liis æstimari, honorari, laudari; hoc si  
 non assequatur, dolet, irascitur; si cum  
 aliis se conferat, censet se illis dignio-  
 rem, aptiorem, potentiolem, ideóque  
 illos vilipendit, contemnit, parvi facit,  
 quæ ab aliis; magni, quæ à se fiunt, o-  
 culos ad suos defectus clausos, ad alie-  
 nos apertos habens; si alios videat sibi  
 præferri, invidet, &c. Atque ex his pa-  
 tet, quomodo examinandus, qui se de  
 aliquo superbiæ actu accusat; interro-  
 gandus nempe, circa quod objectum,  
 coram quibus v. g. se iactaverit, dissen-  
 serit, contenderit, quod officium ambi-  
 verit, quid objecerit, de proximo dixe-  
 rit, &c.

### Remedia contra superbiam.

61.

Primò. Constanter se dare exercitio  
 hu-

humilitatis, secundum dicta num. 44. *Remedi- & animo volvere illud: Quid superbisum contra terra, & cinis? Vel illud Apostoli: Quid superbi- habes, quod non accepisti, si autem acce-* am.  
*pisti, quid gloriaris? Vel illud: Gloriam meam alteri non dabo.* 2. Considerare suam originem. Natus es in sordibus, nutritis in sordibus, morieris in sordi- bus, Tu ergo quis es, & quid eris? Corpus, esca vermium, & anima, ubi in æternitate? Tu quis es? Ex te nihil. Quid potes? Ex te nihil, nihil in natu- ralibus, minus in supernaturalibus; ca- dere potes, ruere in interitum. Deo te opponere, unicum tuum bonum desere- re; at sine supernaturali Dei auxilio resur- gere non potes, bonum tuum nec ama- re, nec quærere. Similis es infanti, qui in sordibus computresceret in cunis, nisi mater succurreret, ex te nec cogi- tare, nec petere tibi necessaria potes. Omni momento indiges Dei te susti- nentis manu, aliàs relapsurus in nihilum; in omnibus ejus auxilio eges: nec ista indigentia te Deus liberare potest per omnipotentiam suam. Quid confers ad opera bona: Nihil præter consensum gratiæ auxilio, & is adhuc principaliter à Deo est. 3tium. Cogitare, quid est, de quo superbis? Scientia? Hæc o- pinio est sæpè falsa: nihil scis, nisi quod fides docet; aut recta ratio, quæ est lu-



88 *Neo-Confessarius practicè instructus.*  
men à Deo, dictat: reliqua ignoras ple-  
ræque omnia. Lucifer multò plura no-  
vit, quàm tu, & tamen miserrimus est.  
An divitiæ? Lutum sunt, pars terræ,  
aut terræ partus, Non majorem, nec  
felicem te faciunt, sed potiùs alliciunt,  
ut ruas in interitum. An laus & magna  
æstimatio humana? Laus est verbū vo-  
lans: æstimatio humana umbra est, simu-  
lacrum in cerebro aliorum effectum, sæ-  
pe falsum, inconstans, & vix unius diei,  
quo major non evadis: sed quod es in  
oculis Dei, hoc es, & nihil ampliùs. An  
nobilitas generis? Ex luto es non se-  
cūs ac rusticus. Nobilitas est exem-  
ptio ab oneribus plebejorum, cum qua-  
dam fortassis jurisdictione. Hanc ma-  
jores tui, aut meruerunt, aut emerunt;  
tu quid contulisti? Mors eam tollet, &  
eris par, & fors inferior rustico. An  
pulchritudo corporis? Hæc sita est in  
fugace cutis colore, carnisque & ossium  
proportionata conjunctione. Corpus  
tuum, ut pulchrum, sepulchrum est de-  
albatum, intūs plenum fætoze, & sordi-  
bus. 4tum. Ponderare pericula, &  
damna superbiæ: *Initium* teste Eccles,  
cap. 10. *omnis peccati est superbia, qui*  
*temuerit eam, implebitur maledictis.* *Vi-*  
*di satanam, tanquam fulgur de cælo ca-*  
*dentem.* ait Christus, 5tum. Vilem se  
reputare, omni dono Dei indignum, &  
servum

servum inutilem, seque tanquam talem tractare: vilia appetere, tanquam sibi magis convenientia: laudem fugere, contemptum amare, & de eo gaudere. 6tum. Conferre se cum Sanctis, & Angelis. Quid es respectu illorum? Quid hi respectu Dei? Quid ergo tu? 7mum. Turpitudinem superbiæ perpendere. Furem te facit; proinde oriente superbiæ motu, respice indignitatem tuam, ora Deum, ne te permittat confundi; *Non nobis Domine, non nobis, sed Nomini tuo da gloriam.* Lapsus superbiâ, confundere tanquam fur in flagranti deprehensus, &c. 8vum. Attendere ad superbiæ indicia, uti sunt: Sua prædicare, expiscari aliorum de se iudicia, turbari ad sui neglectum, & ubi suscepta non bene succedunt: pulsari invidiâ, dum alii laudantur, aut laudabiliter agunt, &c. & hæc mortificare.

## QUÆSTIO II.

*Quid de avaritia, ejusque partibus notandum?*

**R**esp. Avaritia specificè accepta, est inordinatus appetitus divitiarum. Est per se veniale tantum ob rationem datam sub n. 57. Transit in mortale, si inducat gravem violationem alterius virtutis, v. gr. charitatis, justitiæ,

62.  
*Quid sit avaritia fraud, fallacia, perfidia?*



90 *Neo-Confessarius practicè instructus.*  
religionis, &c. Ex ea oritur duritia  
cordis erga pauperes, inquietudo animi,  
seu inordinata sollicitudo de augendis, &  
conservandis divitiis, dolus, perfidia, seu  
proditio, &c. Dolus est vitiosa animi  
calliditas, quæ, si in verba prodeat, di-  
citur fallacia, si in facta, fraus. Prodi-  
tio, seu perfidia est deceptio proximi  
in ejus damnum contra fidem datam,  
ut violatio secreti commissi, apertio li-  
terarum, &c. Dixi, *Specificè accepta*,  
quia genericè sumpta, est inordinata cu-  
peditas cujuscunque rei sensibilis, sive u-  
tilis, sive delectabilis.

Hinc primò, Si poenitens se accuset  
de duritia in pauperes, examinetur, an  
duris, vel contumeliosis verbis compes-  
caverit? An eleemosinam negaverit, ubi  
ad eam ex charitate tenebatur, ut in  
extrema, vel gravi proximi necessitate?  
An ab iis debita exegerit nimis rigidè?  
2. Si de fraude, vel fallacia; An cum  
gravi damno proximi, vel periculo ejus.  
3. Si de secreto violato, an id fuerit  
commissum, vel tantum promissum? Si  
commissum, id est, eâ lege ipsi scientiâ  
communicata, & acceptata, ut taceret:  
hujus violatio est non tantum contra fi-  
delitatem, sed etiam contra justitiam, ob  
contractum onerosum intervenientem,  
estque peccatum grave, vel leve pro di-  
versitate materiæ, & damni indè se-  
quen-

63.  
*An licet  
revelare  
secretum.*

quentis; si autem fuit promissum tantum, id est, communicatâ jam notitiâ promiserit sine contractu antecedente tacere, an obliget ex fidelitate tantum, vel simul ex iustitia, pendet ex intentione promittentis, quæ nisi aliud constet, ordinariè censetur tantum esse ex fidelitate, & hoc secretum violare secluso periculo gravis damni, vel læsione charitatis, est ordinariè tantum veniale peccatum, imò aliquando nullum, si nimirum ob iustas causas manifestetur, v. gr. Si quis interrogaretur à superiore, vel iudice, cui teneretur respondere, vel injustè læsus ab eo, cui promisit, aliter famam suam tueri non posset, &c. id quod etiam verum quandoque est de revelatione secreti commissi, ut, si silentium vergeret in grave damnum communitalis, vel proximi innocentis, imminens à committente, quod aliter averti non posset. Imò, licet non immineret ab ipso, sed alio damnum commune, vel salutis animæ: quia pro iis casibus nemo se obligare potest. Extra hos casus debet attendi, an sub gravi malo proprio potius subeundo se quis obligaverit, ac etiam sub morte subeunda, vel, ut sit communiter, tantum ad moralem, & humanam, seu non nimis difficilem custodiam. 4. Si de litteris apertis, vel lectis: examinetur, quales fuerint il-

64.  
*An licet  
aperire,*



*Et legere* læ: etsi enim, per se loquendo, *alienas* litteras aperire, & legere sit mortales; *litteras, vel* cum ordinariè non constet, an non con-

*scripta.*

timeant rem gravem. vel quam constare alteri, scribens valdè ægrè ferat; per accidens tamen potest esse veniale tantum, ut si ex curiositate aperirentur, & prudenter judicaretur certum, non continere rem magni momenti, & scribentem non esse graviter invitum, vel etiam nullum, ut, si adesset consensus scribentis expressus, aut saltem tacitus prudenter præsumptus, & ex rationabili causa fieret: uti & si adesset legitima autoritas, vel meritò certum judicares grave damnum tibi, vel alteri parari iis, quod aliter non posses avertere; licet enim contra injurias litteras tibi consilere: sed nec tunc plus legendum, quàm ad illum finem serviat. Cavendum quoque, nè id temerè judicetur. Idem dicendum de litteris apertis. quas aliquis casu perdidit, aut inconsideratè in loco publico reliquit. Quodd si dominus illas dilacerâisset, & fragmenta in locum publicum projecisset, an legi possint licitè? controvertitur. Affirmat *Lugo*, & alii satis communiter, eò quodd eas videatur habere pro derelictis, & cedere jure suo. At contradicit cum aliis *La Croix l. 3. p. 2. n. 12. 36.* si in minuta frustra dilacerâset; quia sic satis ostendit

stendisset, se velle earum contentum esse secretum: proinde fragmenta conjuncta non legerentur, per se loquendo, licite. Quod dixi de litteris, valet de alienis scriptis, quæ quis vult esse secreta; cum & in his jus ad secretum habeat: unde, si ex his, aut literis alienis per injuriam lectis damnum domino sequatur, legens tenetur ad compensationem.

## Remedia contra Avaritiam.

**P**rimum. Cogita: quàm inconstantes sunt hujus mundi divitiæ? *Remedia contra a-*  
*seunt omnia illa tanquam umbra. Sapi-*  
*ent. 5. Dormierunt somnum suum omnes varitiam.*  
*viri divitiarum, & nihil invenerunt in manibus suis, Psal. 75. Quomodo, inquit S.*  
*Augustinus, qui videt thesauros in somnis, dormiens dives est, sed evigilabit, & pauper erit. 2dum. Quò devenient*  
*divitiæ, quas tantâ sollicitudine, fortè*  
*cum jactura salutis meæ comparo? Di-*  
*ripiunt alieni tandem labores meos. Hæredes mei, aut nati eorum erunt pro-*  
*digi, & dein quid mihi? Quin potius*  
*adhibitâ moderatâ diligentia ad neces-*  
*saria mihi, meisque acquirenda commit-*  
*to me Divinæ providentiæ? Deus no-*  
*vit, quid cuique profit ad salutem. 3tium*  
*Quàm vilia sunt hujus mundi bona?*  
*Extrinseca sunt, possessorem suum nec*  
*meliozem, nec beatum faciunt; sed in-*  
*quie-*



94 *Neo-Confessarius practicè instructus.*  
 quietum, coeli immemorem, superbum,  
 luxuriosum, divinorum contemptorem,  
 crudelem in miseros, dicente *Ecccl. c.*  
*10. Avaro nihil scelestius, nihil iniquius,*  
*quàm amare pecuniàm: hic enim & ani-*  
*man suam venalem habet.* Si beatum  
 redderent divitiæ, non largiretur eas  
 Deus hostibus suis, Ethnicis, Turcis,  
 Hæreticis, sceleratis. 4<sup>um</sup>, Unigeni-  
 tus Dei, cùm dives esset, propter nos e-  
 genus factus est; si fuisset melior ad fe-  
 licitatem æternam via, quàm divitia-  
 rum contemptus, eam is elegisset, & no-  
 bis ineundam demonstrasset. 5<sup>um</sup>, E-  
 sto misericors in pauperes, & beneficus  
 in proximum. Contraria contrariis cu-  
 rantur. *Qui dat pauperi, non indigebit;*  
*qui despicit deprecantem, sustinebit miseri-*  
*am.* Proverb. 28. *Fœneratur Domino,*  
*qui miseretur pauperis,* Proverb. 19.  
*Quamdiu uni ex minimis meis fecistis, mi-*  
*hi fecistis,* Matth. 25. *Beneficentiæ, &*  
*communionis nolite oblivisci: talibus enim*  
*hostiis promeretur Deus.* Hebr. 13.

### QUÆSTIO III.

*Quæ Confessario de materia luxuriæ sint*  
*specialiter observanda?*

66.  
*Quid, &*  
*quotuplex*  
*fit luxu-*  
*ria.*

**R** Esp. I. Luxuria genericè accepta:  
 est appetitus inordinatus delecta-  
 tionis sensualis; specificè autem  
 appetitus inordinatus delectationis ve-  
 neræ. Pro quorum intelligentia,

Notan-

Nota  
 compla  
 objectu  
 autem  
 Spiritu  
 sensitiv  
 sensitiv  
 contin  
 conjun  
 sensus;  
 hanc co  
 seu sens  
 sensitiv  
 poris p  
 & divi  
 nalema  
 vener  
 percip  
 de fe  
 cipitu  
 ficæ,  
 nis, r  
 non ei  
 ex obj  
 vel fal  
 ad ver  
 pitur e  
 ctu, ve  
 tes ge  
 spiritus  
 sunt f  
 exter

Notandum 1. Delectatio simplex est 67.  
 complacentia potentiæ appetitivæ in Quid, &  
 objecto delectabili sine desiderio. Est *quotuplex*  
 autem alia spiritualis, alia sensitiva: *fit dele-*  
 Spiritualis est complacentia voluntatis; *ctatio?*  
 sensitiva est complacentia appetitûs  
 sensitivi in objecto delectabili. Illa, si  
 contineat se intra solam voluntatem, &  
 conjunctam non habeat delectationem  
 sensûs, dicitur merè spiritualis; si autem  
 hanc conjunctam habeat, dicitur mixta,  
 seu sensitivo-spiritualis. 2. Delectatio  
 sensitiva fit cum aliqua alteratione cor-  
 poris per motum spirituum animalium;  
 & dividitur in merè sensibilem, & car-  
 nalem; carnalis in veneream, & non  
 veneream. Merè sensibilis est, quæ  
 percipitur ex objecto sensibili non apto  
 de se movere ad venerea; ut, quæ per-  
 cipitur ex olfactu floris, auditione mu-  
 sicæ, sapido cibo, visu modestæ imagi-  
 nis, tactu holoserici; & hæc de se mala  
 non est. Carnalis est, quæ percipitur  
 ex objecto carnali, id est: vel venereo,  
 vel saltem remotè apto de se movere  
 ad venerea. Venerea est, quæ perci-  
 pitur ex objecto venereo, v. g. turpi ta-  
 ctu, vel aspectu: hæc sentitur circa par-  
 tes genitales ex commotione seminis, &  
 spirituum generationi servientium, qui  
 sunt subtilissimus sanguis velut in aërem  
 extenuatus, & facillimè mobilis. Ori-  
 tur



96 *Neo-Confessarius practicè instructus.*  
tur autem illa commotio vel ex imaginatione objecti turpis, vel ex mordacitate seminis, aut ex ejus, & spirituum genitalium copiâ, & dicitur venerea, quia servit ad generationem, cui Ethnici Venerem, tanquam Deam, præsidem statuerunt. Delectatio carnalis non venerea est, quæ concipitur ex objecto carnali quidem, sed de se non turpi sine delectatione venerea. apto tamen saltem remotè ad hanc movere. Talis esse potest, quæ concipitur ex tactu manûs mulieris, ex aspectu formosi, vel formosæ adolescentis, &c. hæc sentiri solet circa pectus cum aliquo calore, & quasi emotione sanguinis, & spirituum animalium. 3. Cogitatio de objecto turpi alia est practica, alia speculativa tantum. Practica est, quæ repræsentat objectum modo delectabili, id est, vel tanquam præsens modò ponendum. vel tanquam delectabile sensui, adaptat illud cogitanti tanquam conveniens. Speculativa autem est, quæ repræsentat aptum secundum se, & quasi superficialiter sine modo illo; qualem plerumque, habet qui studet casibus considerando distinctionem specificam peccatorum in ordine ad confessionem: & hæc de se peccatum non est, uti nec delectatio de scientia jam acquisita. 4. Delectatio venerea plenè de-

libe-

liberatè vel in se admissa, vel in sui  
causâ per se efficaci indirectè volita, est  
in solutis peccatum mortale ex toto ge-  
nere suo, ut habet communissima nunc  
omnium, & certa sententia; quia omnis  
delectatio venerea ex natura sua ordi-  
natur ad seminis effusionem, estque hu-  
jus inchoatio; quæ in solutis, si volun-  
taria sit in se, vel in sui causa per se, &  
efficaci, est mortale; quia cùm in ho-  
minis naturâ per originale corruptâ,  
potestate non sit admissa levior de-  
lectatione majorem impedire, adsitque  
periculum in hanc consensûs, recta  
gubernatio generis humani exigit illam  
graviter prohiberi; nè sequatur corrup-  
tela, & confusio generis humani toti-  
us, & matrimonii fini graviter præ-  
judicetur, qui est propagatio generis  
humani, ut augeatur numerus fervorum  
& filiorum Dei. 5. Delectationes ve-  
rè sensitivæ non veneræ, nec de ob-  
jecto turpi admissæ ex honesta causa,  
dum abest periculum consensûs in  
delectationem veneream fortè oritu-  
ram, de se peccata non sunt, ut quæ  
percipiuntur ex amplexu, manuum con-  
tactu, osculis factis ex urbanitate, vel  
benevolentia honestâ causâ; quia de  
se non sunt impudica, nec per se sal-  
tem propinquè tendunt ad venerea,  
& fiunt ob rationabilem causam. Ita  
*R. P. Reuter Neo-Conf.* G commu-



98 *Neo-Confessarius practicè instructus.*  
 munis cum *sancto Thoma 2, 2. quæst.*  
*154. art. 4.* Dixi 1. *admissæ:* nam de-  
 lectiones illas sensibiles intendere  
 valde periculosum est, cum in natura  
 corrupta tunc vix absit delectatio ve-  
 nereæ, in quam simul feretur consen-  
 sus, unde ob illam voluptatem oscu-  
 lans foeminam peccat graviter. Et A-  
 lexander VII damnavit hanc propo-  
 sitionem: *Est probabilis opinio, quæ dicit,*  
*esse tantum veniale osculum habitum ob*  
*delectionem carnalem, & sensibilem quæ*  
*ex osculo oritur, secluso periculo consen-*  
*sus ulterioris, & pollutionis.* Dixi 2. *ad-*  
*missæ ex honesta causa:* quia, si fiant  
 oscula ex levitate, vanitate, delectatio  
 culpâ non vacat. Dixi 3 *de se;* quia, si  
 quis sciret, se solere, illas admittendo,  
 consentire in delectionem veneream,  
 graviter peccaret, exponendo se peri-  
 culo, nisi aliam cautelam adhiberet,

68. Resp. II. Si poenitens se accuset de  
 cogitationibus turpibus, interrogetur,  
 an voluntariè, & cum voluntaria dele-  
 ctatione iis inhæserit? Si neget, ulterio-  
 re examine de his opus non est. Si  
 dicat: Sensi delectionem: petatur, an  
 eam libenter, & voluntariè admiserit,  
 an verò statim eidem repugnaverit?  
 Non nocet sensus, ubi deest consensus,  
 sed meritum est eis strenuè repugnare.  
 Si annuat, quærat, an fuerint de ob-  
 jecto

jecto contra castitatem, de scurrili, v. g. de excrementis humanis, &c. etsi enim cogitatio, & delectatio turpis, specificè accepta, sit venerea; accepta tamen genericè est omnis, quæ dedecet hominem ingenuum, & pudibundum, & à rudibus sæpe confunditur. Si fateatur consensum in delectationem veneream, debet, nisi aliunde constet, primò exprimere, an sit liber vel voto obstrictus. 2. Numerum. 3. Speciem: nam aliud est specie peccatum delectari de fornicatione, quàm de sodomia, bestialitate, &c. saltem, si delectatio feratur in ista, ut talia. Sed de his vide *Theol. mor. p. 2. n. 209.* 4. Falsus delectationem veneream voluntariam, interrogandus, an non quid turpe fecerit, aut facere voluisset? Si ità; exponere debet, quid aut fecerit, aut facere desiderarit, & cum quibus personis; desideria enim tendunt in objecta, ut à parte rei ponenda, ab iisque malitiam omnem, quam habent, si cognoscatur, contrahunt: unde, si desiderasset peccare cum conjugata, contraxisset malitiam adulterii, secus est de delectatione simplici ex copula, nisi esset de ea, ut cum conjugata; quia tendit in objectum tantum ut delectat,

Resp. III. Si accuset se de aspectu,

69.  
Quid si

G<sub>2</sub>

fuerit



de aspe-  
ctu.

100 *Neo-Confessarius practice instructus.*  
fuerit objecti de se turpis sine rationa-  
bili causa, an voluntariè admissa dele-  
ctatio venerea. Si ità, debet iterum  
explicare qualitatem suæ personæ, id,  
quod semper in hac materia, nisi aliun-  
de innotescat, faciendum: probabiliter  
tamen, si absuit desiderium, necesse  
non est exponere, an sit conjugatus,  
quia incertum est, an conjunx mentem  
etiam comparti obligaverit, ut obligat  
vovens castitatem. Deinde exami-  
nandus est, ut supra. Si nihil nisi sim-  
plex delectatio admissa sit, personæ a-  
spectuæ qualitatem probabiliter necesse  
non est explicare, 2. Si aspectus ex ob-  
jecto non fuit turpis, petatur, quo ani-  
mo aspexerit v. g. foeminas? An ex cu-  
riositate tantum, & aspectu non fixo,  
Si ex curiositate tantum, & aspectu non  
fixo, citràque periculum probabile con-  
sensûs in delectationem veneream, pec-  
cavit tantum venialiter: est enim curi-  
ositas cupido præcisè sciendi, quæ, si  
debito fine careat, veniale est. Si au-  
tem aspexit animo venereo, per se pa-  
tet, quòd graviter peccàrit, si plena ad-  
fuit deliberatio, seu advertentia ad ma-  
litiàm; hinc iterum examinandus, ut su-  
pra dictum est. Si autem ex honesto  
fine, & urbanæ conversationis, aut salu-  
tationis causâ, per se loquendo, nullum  
admisit peccatum.

Resp.

Resp. IV. Si poenitens dedit causam  
motibus turpibus, vel pollutioni: tri-  
plex causa distingvenda est: nam alia est  
causa per se efficax; alia per se ineffi-  
cax; alia causa per accidens. Causa  
per se efficax est, quæ ordinatur ex na-  
tura sua ad effectum, ita, ut eum neces-  
sario necessitate vel morali, vel physicâ  
inducat: talis respectu commotionis ve-  
nereæ est cogitatio practica vivacior de  
venereis, tactus obscænus diuturnior,  
aspectus obscænus nudæ fœminæ vo-  
luntariè continuatus; hæc enim, si vi-  
vacius feratur in obscæna, determinat  
ad delectationem, si vehemens sit, de-  
terminat ad pollutionem. Causa per  
se, at inefficax est, quæ quidem ex na-  
tura ordinatur ad effectum, sed in eum  
non influit notabiliter, & hinc cum eo  
non conjungitur, ut plurimum. Tales  
causæ in præsentia sunt tactus levis, vel  
jocosus fœminæ, non obscænus, aspe-  
ctus curiosus ejus formæ, vel pectoris  
nudi non fixus: confabulatio amatoria  
ob vanitatem, vel vanum amorem con-  
ciliandum; quibus à Sanchez respectu  
pollutionis annumerantur amplexus, o-  
scula, compressio manûs fœminæ, in-  
torso digitorum ex vanitate; vel levita-  
te. Causa per accidens est, quæ ad  
effectum per se non ordinatur, sed in-  
differens est, ut cum eo conjungatur, vel

70.

*Quid si  
de causa  
data tur-  
pibus mo-  
tibus, vel  
pollutio-  
nis? tri-  
plex cau-  
sa mo-  
tum tur-  
pium.*



402 *Neo-Confessarius practice instructus.*  
saltem proximè in eum non influit. Tales in præsentisunt equitatio, situs corporis magis commodus, conversatio cum foeminis ad eas instruendas in virtute, esus calidorum, ut sunt ova, aromata, v. gr. piper, cinamonum, &c. aliaque actiones etiam illicitæ extra materiam veneream, ut potio intemperans, comestio cibi vetiti, ex qua prævidetur secutura commotio venerea.

*Quando,* Ex his judicandum, quomodo poenitens peccaverit: nam primò, qui intendo peccat commotionem veneream, vel pollutionem per actionem etiam licitam, & de se indifferentem, peccat graviter, quia vult in se aliquid repugnans graviter castitati. 2. Qui ponit causam illius per se efficacem, reus quòque sit peccati mortalis, si eam ponat sine rationabili causa; quia volens causam per se efficacem effectûs. nisi aliunde excusetur, velle effectum censetur; eâdem enim lege, quâ talis effectus prohibetur, etiam prohibetur causa per se efficax illius. Dixi: *Sine rationabili causa*: hæc enim si adsit, & absit periculum probabile consensûs in venerea, sine culpa poni talis causa, seu actio potest. Sic licet Medico, vel Chirurgo mederi vulneri in partibus obscœnis corporis alterius, Confessario lectio casuum ad audiendas confessiones, professori ad instruend-

struendum alios, quando, & quomodo in hac materia peccetur, & quomodo peccata sint confitenda, &c. etsi præviderent motus venereos inde orituros. Hinc causa moralis per se efficax censentur in præsenti omnes actiones in materia venerea graviter prohibitæ, positæ sine rationabili causa, ut sunt omnes cogitationes, aspectus, tactus ex obiecto valde turpes, qui nec necessarij, nec utiles sunt ad finem honestum; sed tantum hic & nunc servire possunt ad Venerem. At, si adsit rationabilis causa, & servire possint ad honestum finem, censentur causa per accidens, & honestantur ex fine. 3. Qui ponit causam per se quidem, sed inefficacem motus venerei, qualis est actus solum venialiter malus in materia luxuriæ, uti esse possunt joci turpes non valde obsceni, tactus, vel oscula levia ex petulantia, delectatio inde prævisa, & secuta, si absit periculum probabile consensûs in illam, per se loquendo, non imputatur, nisi ad culpam levem. Ita *Vasq; Bonac. Lessius, Gobat, Sporer*, aliique plurimi teste *La Croix lib. 3. p. 1. num. 923. contra Mendo.* Ratio est, quia est tantum volita in causa, estque potius effectus naturæ corruptæ, quam potentiae generativæ; velle autem talem causam, veniale per se non excedit. Ita



*Vasquez, Sanchi.* & alii communiter; aliud tamen dicendum foret, si adesset probabile periculum consensûs, ut quis experienciâ sciret, se non raro solere consentire, dum tales actiones ponit. 4. Qui ponit actionem, quæ sit causa per accidens, ex qua prævidetur secuturus motus venereus, vel pollutio; si absit intentio illius, & periculum probabile consensûs in illam, non peccat contra castitatem, saltem graviter: imo quando actio est honesta, vel non mala, per se nullum est peccatum saltem, si adsit vel necessitas, vel ratio honesta, aut utilis ponendi, vel continuandi talem actionem. Ratio primæ partis est, quia causa per accidens non est verè causa effectûs secuti. Hinc pollutio tunc non foret effectus virtutis generativæ, sed expulsiivæ; quia causa venerea adhibita non esset. Ratio secundæ partis est, quia effectus præter intentionem sequens non imputatur, nisi fuerit obligatio non ponendi causam: At talis obligatio non est, quando adest necessitas, vel ratio honesta, vel utilis ponendi talem causam; sed tunc jus nobis est ad illam, potiusque tunc patimur, quàm ponimus tales effectus. Quod, nisi verum esset, innumeras actiones utiles, honestas, imò necessarias teneremur vitare, quæ obligatio cederet in detrimentum,

& e-

& everfionem generis humani, & effet intollerabilis, proinde effe non potest, cum lex omnis debeat effe in bonum commune; imò plus boni, quàm ejus negatio afferre. Dixi: *Non peccat graviter, saltem contra castitatem*: nam si actio effet graviter mala contra aliam virtutem, mortaliter peccaretur contra illam, ut, si quis se inebriaret prævidens fecuturam pollutionem in somno. Putat tamen *Sanch.* peccari venialiter contra castitatem, eò quòd videatur levis aliqua deordinatio contra illam. Idem dicit *Laymann,* & *Platelius*, si ponatur causa, vel actio de se non mala sine justa causa. *Rhodes* & *Arriaga* tenent, non peccari contra castitatem, quia illa non prohibet actiones, nisi per se inductivas ad venerea; non verò alias etiam malas, multò minùs bonas, aut indifferentes: unde tam parum repugnat castitati, comedere carnes die vetitâ quàm aliâ. Hinc, per se loquendo, culpa vacat motus venereus vel pollutio prævisa in legente ex justa causa casus de materia venerea, audiente confessiones, Chirurgo ex officio, vel charitate medente vulnere, ex tactu honesto, & amplexu juxta morem Patriæ, locutione necessariâ, vel utili, honesta cum sæminis; ex equitatione etiam recreationis causâ susceptâ, ex situ cor-



106 *Neo-Confessarius practicè instructus.*  
poris commodò; si absit probabile periculum consensûs. Svadendum tamen, ut tales actiones non suscipiantur sine rationabili causa, ut eò magis recedatur ab amore venereo, & periculo lapsûs. Similiter non peccat graviter contra castitatem, qui citra periculum veneri consensûs habet cogitationem brevem venereo objecto non valde turpi ex mera curiositate, aut cum semiplena tantum advertentia ad malitiam gravem, peccat tamen venialiter, & periculum consensûs veneri rarò abest: nisi cogitatio sit languida; quæ suo tepido modo, & obiter advertente ad objectum venereum parùm commoveat. His non obstat sententia communis, quòd in materia venerea non detur paritas materiæ, quia intelligitur de delectatione venerea vel directè in se, vel indirectè in sua causa per se efficaci volita, aut acceptata.

72. Resp. V. Si poenitens se accuset de  
*Quid si se verbis turpibus, explicare debet suam  
accuset intentionem, vel affectum, modumque  
de verbis proferendi, & personas: coram quibus:  
turpibus nam primò, si ex petulantia, levitate,  
vel rusticitate sine affectu venereo circa  
discursum cum aliis, vel ex præcipitan-  
tiam quis illa proferat, ut faciunt quan-  
doque moribus parum exculti, per se  
loquendo, est veniale tantum. 2. Si  
autem*

periculum autem proferantur cum affectu venenoso, constat ex dictis, mortale esse in fine solutis, 3. Si animo aliam personam inducendi ad turpem actum, v. gr. concubitus, exponenda est personæ qualitas. 4. Si verba fuerint valde turpia, aut discursus turpis cum aliis explicandus est, quot, & quales fuerint personæ, coram, vel cum quibus discursus habitus, quia in hoc casu præsens periculum est scandalum, & ruinæ vel præsentis, vel post futuræ tam in propria persona, quàm in aliis. Sic enim inclinatio in venerea excitatur, & augetur & ob id pessimum malarum cogitationum semen veingeritur, quod postea aut naturaliter, aut à dæmone excitatum etiam post multos annos tentationes causat, & ruinas: sicut semen lolii agris insitum, si non statim, alio tamen tempore oritur, & bonas segetes suppressit, agrisque graviter nocet. Unde turpia loquentes graviter sunt hortandi: *Væ homini, per quem scandalum venit!* Dabis rationem de animabus, quæ per te in ruinam, & fortè in æternam infelicitatē ducentur. Tot peccata committis, quot personis malum exemplum, & scandalum præbes. Et quid, si fuerint innocentes, qui sibi à malo cavere necdum satis nō runt, qui adhuc pietatis teneræ, & in utramque partem admodum flexiles?

Si



Si dicat: Erant conjugati. His; si sis causa ruinæ, hæc gravior erit, Si dicat: Non sum ipse locutus, nisi tamen ad verba turpia: an cum delectatione venerea, vel de rebus venereis, aut in risum protulisti citra plenam deliberationem ex naturali quasi impetu, vel risum voluntariè continuasti, verbis attendisti? Ridentes ad turpia movent alios, ut, audaciùs & diutiùs turpiloquia protrahant. Qui præbet alteri occasionem turpiloquii continuandi cum suo, vel aliorum periculo lapsus, vel auctoritatem illi præstat, peccat graviter peccato scandalii, etsi interius non approbet illud, quia approbatio exterior rei mortalis, est mortale. Hæc pariter valent de turpibus cantilenis, gestibus, spectaculis; lectione librorum turpium; hos legere cum probabili periculo consensûs venerei, culpa gravi non vacat: secùs, si hoc periculum absit, & fiat tantùm ex curiositate, quod tamen periculosum est, nisi adsit iusta causa, & bonâ intentione legantur.

73.  
*Quid si  
de pollutione nocturna?*

Resp. VI. Si pœnitens se accuset de pollutione nocturna in somno orta: petatur, an illam in se intenderit, aut causam per se efficacem, & proximam dederit prævidens, illam secuturam: an in illam evigilans venereè plenè consenserit? Si unum horum factum, reus est

est peccati gravis; si autem nihil horum  
admisit, culpam non habet, nisi forte  
venialem ex consensu semipleno; quia  
naturalis pollutio ipsi voluntaria non est.  
Circa quam notandum primò. Pollu-  
tio alia dicitur naturalis, alia innatura-  
lis. Naturalis dicitur, quæ sponte e-  
venit naturâ semen abundans expellen-  
te quo casu est tantum alleviatio natu-  
ræ, & evacuatio superfluitatis, nec est  
objectivè mala, sive in somno, sive in  
vigilia eveniat; nec præjudicat genera-  
tioni, quam natura moderatè intendit;  
neque est actus hominis voluntati sub-  
jectus, sed actus, & evacuatio naturæ,  
sicut sudor; unde juxta *S. Antonin. S.*  
*Thom. in 4. dist. 9. artic. 4. quæst. 1. ad*  
*5.* & alios, licet de ea jam præterita  
gaudere, & etiam desiderare. ut natu-  
raliter veniat, secluso periculo delecta-  
tionis venereæ, præcisè, quatenus est  
alleviatio naturæ, aut mitigatio tentati-  
onis. At consultius est, ab eo gaudio,  
& desiderio abstrahere mentem & se  
Deo committere. Pollutio innaturalis  
dicitur, quæ primariò provenit velut ab  
extrinseco per appetitum sensitivum ad  
hoc irritatum, v. g. per imaginationes  
turpes, desideria venerea, quibus occa-  
sionem dant aliquando turpes sermo-  
nes, tactus, aspectus, amplexus antece-  
dentes. Hæc est semper objectivè ma-  
la,



**IIIO** *Neo-Confessarius practicè instructus.*  
la, adeoque nunquam objectum desiderii, aut gaudii liciti, qualis est etiam in somno propriis manibus procurata, non tamen ex nimio potu proveniens. 2. Cui pollutio naturalis suâ sponte provenit, si absit periculum consensûs in delectationem veneream, non tenetur quidem eam jam cœptam in somno reprimere, quia patitur, & non agit, estque causa permittendi, ne noceatur sanitati, & dein tentationibus diutiùs agitur; consultius tamen est impendendi obfistere, & jam cœpta mentem ad Deum convertere oportet, eumque, sine ullo attactu, quietisque manibus rogare, ne permittat lapsum in delectationem. Neque patiens inordinatam propterea tristitiam admittat: est enim miseria naturæ corruptæ, à qua etiam Sancti non fuere omnes liberi. Hinc scripsit sanctus Athanasius Eremiticis sui temporis de illa miseria questis, curandas non esse illas naturæ evacuationes, provenientes sine ipsorum culpa. 3. Non licet tamen cœptam naturaliter pollutionem proprio conatu promoveri, aut complere, quia hoc non esset tantum pati, sed operari ad seminis expulsionem, quod soluto nunquam licet.

Remedia contra Luxuriam.

**P**rimum. Humiliter petere donum  
con-

continentiæ fatendo cum Sapiente *Remedia*  
*Sapientiæ 8. vel 27. Non possum esse contra-*  
*tinens, nisi Deus det.* 2dum. Dei legibus *luxuriam.*  
& dispositioni se humiliter submittere.  
Humilis obedientia spiritûs impetrat  
subjectionem carnis. 3tium. Abstinere  
à nimio alimento corporis: quod enim  
superfluit sustentationi individui, à natu-  
ra aut rejicitur, si inutile est, aut conver-  
titur in propagationem speciei, & hinc  
ex superfluitate oriuntur tentationes ve-  
nereæ, quæ mitigantur jejunio, & vi-  
ctu moderato. Hoc remedium post  
gratiam Dei præcipuum est, Bacchus, &  
Venus amici sunt. 4tum. Diligenter  
custodire sensus, & in nullum tentatio-  
nis periculum se temerè immittere. *Qui*  
*amat periculum peribit in illo.* 5tum.  
Vitare otium, & familiarem conversa-  
tionem cum foeminis, iis non blandiri,  
sed, ubi cum iis agendum, modestiam,  
& animum virilem præferre. 6tum.  
Legere pios libros, meditari de Passio-  
ne Domini, & novissimis. Frequenter  
suscipere Sacramentum Pœnitentiæ, &  
Eucharistiæ, uti flagello, & cilicio, e-  
xemplo Apostoli 1. Cor. c. 9. dicentis:  
*Castigo corpus meum, & in servitutem re-*  
*digo.* 7mum. Ambulare in conspectu  
Dei, & pulsante tentatione cogitare:  
Deus videt; aut dicere: Domine, amo  
te, & aliò mentem avertere: Contra li-  
bidinis



112 *Neo-Confessarius practicè instructus*  
bidinis impetum apprehende fugam, si  
vis obtinere victoriam, inquit S. Au-  
gust. vel signo crucis, cum fiducia in  
Christum, frontem, vel pectus munire.  
Per hunc victus est hostis in cruce, hu-  
jus ad signum fugit confusus. 8vum.  
Per tacitum contemptum hostem negli-  
gere; hic timentem ferocius invadit, ani-  
mosū & Deo nixū fugit non valens sui fer-  
re contemptum. 9num. Fidenter recit-  
rare ad Christum Ducem, amatorem ca-  
stitatis, dicendo: Domine, tuus ego sum,  
salvum me fac, si me deseras, pereō.  
Sed quid tunc facies magno nomini tu-  
o? 10num. Cum fiducia confugere  
sub præsidium Beatissimæ Virginis, di-  
cendo: Per mundissimam Virginitatem  
tuam, & immaculatam Conceptionem  
tuam munda cor, & carnem meam in  
Nomine Patris, & Filii, & Spiritûs san-  
cti. 11num, Proponere sibi foetidum  
cadaver, & audire has voces. Memor  
esto iudicii mei, Sic enim erit & tuum;  
Mihi heri, & tibi hodie. 12num.  
Considerare damna luxuriæ: nam ex-  
coecat mentem, ad terrena, & bestias  
abjicit, nauseam creat cœlestium, hor-  
rorem futuri sæculi, amorem mundi, o-  
dium Dei, &c.

De invidia, & ejus partibus quid  
notandum?

**R**esp. I. Invidia est tristitia, vel dolor de bono proximi, prout apprehenditur velut imminutivum invidentis excellentiæ: unde invidus dicitur quasi non videns, quia sine dolore videre non potest alterius bonum: ut, si quis doleat de alterius virtute, vel doctrina, quia putat suam excellentiam inde imminui. Invidia est peccatum ex genere suo mortale oppositum Charitati, potestque esse veniale ob parvitatem materiæ, ut, si quis tristetur de discipuli laude, quia apprehendit suam excellentiam inde minui.

75.  
Quid sit  
invidia?

Resp. II. Filix invidiæ sunt. 1. Detractio, temeraria judicia, de quibus supra. 2. Gaudium de proximi malo. 3. Desiderium, ut alteri malum eveniat. 4. Sufurratio, quæ est occulta oblocutio contra proximum, nata dissolvere amicitiam inter amicos, & generare discordiam, unde peccatum ex genere suo mortale est gravius, quàm detractio; quia tollit amicitiam, quæ præstantius bonum est, quàm fama. 5. Contumelia, quæ est injusta alterius honoris læsio, quæ, si defectus, vel vitium alteri objiciatur, seu præsentem, seu absentem, cum dedecore injusto, dicitur conviti-

76.

Filix in-  
vidiæ.

R. P. Reuter Neo-Conf. H um;



114 *Neo-Confessarius practicè instructus.*  
um; si præsenti in faciem, dicitur im-  
properium; si risui seu præsens, seu ab-  
sens factis, vel verbis objiciatur, dicitur  
irrisio; si autē cum aliqua deceptine, vel  
ludificatione objiciatur risui, dicitur illu-  
sio; si denique per gestus, aliòsve indecor-  
ros corporis motus, dicitur subsannatio.

77.

*Quot mo-  
dis posset  
esse tristi-  
tia de al-  
terius bo-  
no?*

Resp. III. Tristitia de bono proximi,  
ut notat *Sanctus Thomas 2. 2. quæst. 36:*  
*art. 2.* potest contingere quatuor modis,  
nam imò potest dolere de bono alicu-  
jus, v. gr. non quia illi bonum est; sed  
quia prudenter judicat, quòd ex eo  
sumpturus sit occasionem sibi, vel aliis  
injustè nocendi; ut, si alter evectus esset  
ad officium, vel potestatem, quā pru-  
denter judicaretur usurus ad premen-  
dos innocentes, vel in detrimentum  
communitatis; & hæc tristitia per se li-  
cita est; secus, si timor, vel opinio foret  
temeraria, vel tristitia ex eo, quòd justè  
sit puniturus delicta. 2. Potest quis  
dolere de alterius bono, non quia is il-  
lud habet; sed quia ipso carere se videt:  
hæc affectio dicitur æmulatio, éstque  
bona, si sit circa bona animi: ut si quis  
videns alterius virtutem, doleat sibi e-  
am deesse: sic enim excitatur ad imi-  
tationem; si verò sit de bonis tempora-  
libus potest esse bona, si bonum conveni-  
ens, & debitò fine, mala verò, si in-  
conveniēns, vel malò fine appetantur.

3. Po-

3. Potest dolere de alterius bono, quia is illò indignus est. Hæc affectio dicitur indignatio, potestque esse bona, ut, si quis doleret de alterius bonis, quia ad iis utendum v. gr. officio fungendum ineptus est, vel, quia illi injustè collatum est. Potest quòque esse mala, ut, si sit de bonis spiritualibus, vel temporalibus, quatenus à Deo peccatoribus obveniunt. 4. Potest quis dolere de bonis proximi, in quantum hic illum æquat, vel superat bonis illis; & hæc est invidia, & affectio mala est, quia dolet de eo, de quo gaudendum est, scilicet de bono proximi. Invidia quòque foret, si doleret v. gr. mercator de accursu emptorum ad vicinum, quia ipsi is bonus est, & ideo ipse negligitur. Putat tamen *Barghaber*, non fore grave peccatum, quia non doleret de bono proximi absolutè, sed in quantum facit se bonò carere. Si autem doleret, non quòd alteri bonum adveniat, sed quòd non potiùs, vel æquè sibi obveniat, esset æmulatio licita, estque sæpe talis dolor in concurrentibus ad beneficium obtinendum, in discipulis scribentibus pro primatu; & is sæpe sine peccato; sicut enim mercator emptores licitè ad se potest circa fraudem attrahere, de venientibus ad se gaudere; ità licitè potest dolere, quòd non ad se



116 *Neo-Confessarius practicè instructus*  
potius, quam ad alium veniant. Idem  
est in aliis exemplis. Putat quoque  
*Tamb. in Decalogum lib. 5. cap. 1. §. 37.*  
non esse invidiam, si quis doleat de al-  
terius bono, in quantum est verè immi-  
nutivum excellentiæ suæ; eò quòd pos-  
sit dolere licitè de imminutione illa, a-  
deoque & de causa quà tali, sicque do-  
leat non de proximi bono, secundum  
se, sed ut suum malum est. Verum non  
apparet causa justa doloris, si per bonum  
alteri adveniens mihi bonum nullum  
decedat aliud, sed solum finem jam illi in-  
æqualis, non ideo minor sum, quàm an-  
tè: sic si civis unus elevetur ad Magi-  
stratum, non fit per hoc minor civis al-  
ter, si unus ditescat, alter sua retinens  
non fit pauperior: unde cum alium tan-  
quam sibi in Christo Fratrem respicere  
debeat, gaudendum illi potius esset.  
Hinc.

78.  
*Accusans  
se de in-  
vidia, vel  
odio, quo-  
modo ex-  
aminan-  
dus?*

Resp. IV. Si poenitens se accuset de  
invidia, distingvendi sunt hi affectus, qui  
à plerisque confunduntur, & interrogan-  
dus, in quo affectu putet sitam fuisse su-  
am invidiam. Et idem est, si se accu-  
set, quòd habuerit odium proximi, &  
gaudium de ipsius malo, aut inefficax  
illius desiderium. Est enim odium du-  
plex, alterum personæ, quod inimicitiae  
dicitur, quò quis ex displicentia perso-  
næ vult ipsi malum, quia malum ipsi  
est,

est, apprehendens id tanquam aliquid sibi bonum. Et hoc est semper peccatum grave, vel leve pro diversitate materię. Differt ab invidia, quia tendit in malum ut malum; invidia autem in bonum, ut imminutivum proprię excellentię. Alterum est, odium non personę, sed qualitatis in eā repertę, diciturque odium abominationis, quod quis averfatur personam proximi non secundum se, sed secundum aliquid ipsi adjacens, quatenus id communitati, sibi, vel alteri malum est: ut, si oderim alterum, seu malum ipsi velim, quia mihi molestus, contrarius est, quia magnę autoritatis mihi noxię. Hoc odium, cum non tendat in personam, sed qualitatem, potest esse licitum, si servetur ordo charitatis; illicitum verò est, si is turbetur. Turbatur autem ordo charitatis, si majus malum velimus, ut minus evitetur.

Unde primò illicitè optas mortem proximo, ut evites damnum particulare temporale. 2. Illicitè optas tibi mortem, ut libereris tussi, modico dolore capitis. 3. Illicitè gaudet filius de morte patris, aut eam optat ob pingvem hæreditatem ipsi obventuram, quia bonum minus præfertur majori. 4. Licite pater optat filio mortem nunc in gratia, quem certò prævidet futurum

79.

Quando  
liceat &  
non liceat  
proximo,  
vel sibi  
optare  
malum ut  
impediti-  
vum alte-  
rius mali.



improbum. 5. Licitè opto mortem Turcæ potiùs, quàm ut vincat imperium Romanum; vel Ecclesiam, quia bonum spirituale temporali, & publicum privato prævalet. 6. Licitè alteri opto mortem, à quo certò prævideo, aliàs me injustè occidendum. 7. Licitè opto mortem mihi, prævidens aliàs me grave malum animæ esse passurum. 8. Licitè potest quis sibi optare mortem, ne ultra Deum offendant, ne tamdiu retardetur à beatitudine, ut evitet miseriam morte amariorem, v. gr. perpetuum carcerem, spoliationem omnium bonorum. Idque valet, per se loquendo, quando malum vitandum est præponderans, saltem, si servetur ordo charitatis etiam inter personas, qui exigit, ut diligam magis mihi magis conjunctas. Ratio horum est, quia sic non optatur malum ut malum, sed quatenus impeditivum est majoris mali. Et hoc ipsum evenire potest in tristitia de alterius bono. Possum enim de eadem re sub diversa formalitate tristari, & gaudere licitè, sic filius potest dolere de morte patris, quatenus ipsi mala est, & de illa gaudere, quatenus intelligit immissam à Deo in salutem ejus. Sic & tristari voluit Christus de morte sua imminente, quatenus erat malum naturæ, & tamen gaudens eam sustinuit

confu-

confu-  
quat  
dempt  
tingit.  
longo  
averfic  
dem, &  
est: qu  
peccat  
quiren  
luerit

P  
frate  
pars  
cont  
ejus  
ficiis  
Mun  
indig  
doni  
videt  
plus  
more  
com  
ceel  
vidi  
ille,  
xim

confusione contempta, eamque voluit, quatenus erat à voluntate Patris in redemptionem nostram. Ad hæc contingit, ut qui ab alio injuriam passus est, longo tempore sentiat displicentiam; & averfionem; hæc per orationem quidem, & obsequia charitatis expurganda est: quamdiu tamen involuntaria est, peccatum non est: si voluntaria sit: inquirendum, an optaverit mala, an voluerit inferre?

Remedia contra invidiam.

**P**rimum. Petere à Deo sincerè proximi charitatem. 2. Gaudere de bono proximi tanquam suo, quia frater est; & gloria ejus in coelis erit. 3. Gratificari illi, contra quem invidiâ pulsaris; orare pro ejus bono; gratias Deo agere pro beneficiis ipsi collatis tanquam suis. 4. Mundana vilipendere, & se omnibus indignum reputare; proximum autem donis Dei digniorem. 5. An, quia invides; bono illò caret proximus, aut tu plus habes? Habeo minus, quia per amorem proximi ejus bonum facis tibi commune, & thesaurum meteris in coelo, quem invidendo perdes. 6. Invidia facit diabolo te similem, quia ut ille, Deo gloriam invides, quæ ex proximi bono provenit: ex eo enim elucet

80.

Remedia

contra

invidiam.



Dei bonitas, sapientia, clementia, misericordia. 7. Invidus est tortor sui sine fructu, & magno cum damno. Tandem debeat proximo bene velle, aut salvus non erit. Cur non modo? 8. Christus quantò amore quæsit salutem nostram, & tu bonò proximum privatum velles? &c.

## QUÆSTIO V.

*Quid de gula, & ebrietate observandum?*

81. *Quid sit gula, & quot modis ea peccetur?* **R**esp. I. Gula est inordinatus appetitus, & usus cibi; & potus. Inordinatio fit quinque modis. Primò Si excedatur in quantitate, plus sumendo, quam conveniat. 2. Si in qualitate, appetendo victum nimis lautum, vel nimis studiose conditum, vel præparatum, quàm personæ conveniat. 3. Si in modo sumendi, ut, si edatur nimis ardentem, nimis propere vel voraciter. 4. Si in tempore excedatur, ut, si sæpius, quàm oportet, aut extra tempus sine rationabili causa. 5. Si contra finem, ut, si sumatur tantum voluptatis causâ: nam Innocentius XI. damnavit hanc propositionem: *Comedere, & bibere usque ad satietatem ob solam voluptatem non est peccatum, modò non obsit valetudini, quia licitè potest appetitus naturalis suis actibus frui.* Pro quo intelligendo. No-

Notandum primò. Ad satietatē 82.  
comedere, significare potest tantum co- *Iusta*  
medere, quantum requiritur, ut satisfi- *quantitas*  
at fami, & hoc peccatum non est. Po- *cibi quo-*  
test quòque significare plus comedere, *modo sta-*  
quàm requirat sustentatio naturæ, vel *tuenda?*  
conveniat. Et in hoc est inordinatio,  
quia cibus & potus tantum ad naturæ  
sustentationem, & convenientiam est  
ordinatus. Non est autem eadem quan-  
titas conveniens omnibus, nec eadem  
uni constanter; sed debet esse accomo-  
data necessitati, infirmitati, utilitati,  
personæ, tempori & loco, & idem est  
de qualitate, quæ accomodari debet si-  
mul statui, conditioni, facultati, perso-  
næ, ne fiat excessus.

2. Si quis comedat propter volupta- 83.  
tem in ea sistendo, quod Ethicis est & *Cur sit*  
Theologis voluptate frui, peccat; quia *peccatum*  
pervertit ordinem naturæ, ordinando *comedere*  
non medium ad finem, sed finem ad *ob volup-*  
medium; Deus enim usui cibi & potûs, *tatem?*  
annexuit voluptatē, ut ad eorū usū alli-  
ceremur, si autē voluptas, quæ est in usu  
cibi & potûs, referatur ad honestū finē, v.  
g. sustentationē naturæ, quod est, eā uti,  
non peccatur, quia in eum finem usui  
cibi & potûs Deus voluit inesse volup-  
tatem: unde talis non comedit, & bibit  
propter solam voluptatem, sed propter  
solam sustentationem, ad quam volup-



122 *Neo-Confessarius practicè instructus.*  
tatem refert. Is verò propter voluptatem comedit, eaque fruitur, qui in ea fislit, velut sine intentò; quod censetur facere is, qui comedit, & bibit nimium, vel nec necessarium, nec utile ad sustentationem vitæ, ad quam saltem virtualiter refertur, si ad eam utile sit. Idem est de aliis oblectamentis sensuum, quia ut docet *Sanct. Thom. 2. 2. quæst. 141. art. 6.* Regula omnium delectabilem in hac vita est vitæ aliqua necessitas, aut utilitas, vel convenientia, unde olfacere florem ad confortandum caput, aliúmve finem utilem, culpâ vacat, non verò, si fiat solius voluptatis causa. Idem est de auditione musicæ, &c.

84.  
*Excessus  
in cibo  
quale peccatum?*

Resp. II. Excessus in cibo (qui opponitur abstinentiæ, quæ est virtus moderans secundum præscriptum rationis, appetitum, usum, & voluptatem in cibo,) est per se loquendo, peccatum tantum veniale; idem est de excessu in potu (qui opponitur sobrietati, quæ virtus est, ex præscripto rationis moderans appetitum, usum, & voluptatem in potu) nisi tamen excedatur ad privationem usûs rationis. Ratio est, quia sunt actiones circa res indifferentes honestè appetibiles, Dixi *Per se loquendo*, quia per accidens peccari potest mortaliter. I. Si quis immoderatò usu illorum graviter lædat valetudinem, v.

gr.

gr. podagram contrahendo, aut alium defectum gravem; quia homo non est dominus sui corporis, sed administrator tantum, & custos: unde ageret non tantum contra charitatem propriam, ex qua juxta *Less. & alios*, non minus sibi, quam alteri tenetur non nocere in naturalibus, sed etiam contra jus Dei. 2. Si ad officium, ad quod sub gravi tenetur, se ineptum reddat. 3. Si excitet se, & revomat cibum, vel potum, ut ad serviendum voluptati iterum comedat, vel bibat. Hoc enim est plus, quam bestiale, hominemque Christianum praefertim valde dedecet. Idem dicunt aliqui de eo, qui se ita cibo, vel potu ingurgitat, ut debeat vomere: alii tamen hunc à mortali excusant. 4. Si reddat se imparem solvendis debitis, vel sustentandæ, ut debet familiæ, aut liberis in statu conveniente collocandis. 5. Si ponat, saltem interpretativè, finem ultimum in illa voluptate, ut, si ob illam paratus sit Deum graviter offendere, aut cœlo vellet renuntiare, si eâ frui semper posset, juxta illud *Philippens. 3. Quorum Deus venter est.* 6. Si excessu suô det grave scandalum, vel gravis peccati probabili periculô se exponat. Denique, si voluptatis causâ, vel citra necessitatem vescatur carne, aut sanguine humanô. Hoc enim re-



124 *Neo-Confessarius practicè instructus.*  
tio naturæ instinctui repugnat, horrént-  
que omnes gentes, nisi admodum barba-  
ræ. His tamen alteratis in medicina  
uti quandoque licet, quia per alteratio-  
nem desinunt esse caro, & sanguis hu-  
manus.

85.  
*Quid, &  
quotu-  
plex ebrie-  
tas?*

Resp. III. Præcipui gulæ excessus  
magis ordinarii sunt commessatio, & in-  
ebriatio, seu ebrietas activè sumpta.  
Commessatio est inordinatus usus cibi,  
vel victûs in conviviis intempestivis,  
comessari enim dicitur, qui indulget il-  
lis: v. g. manè, à prandio, post cœnam.  
Dicitur etiam crapula, & sumitur pro  
frequentata potatione, & voratione. E-  
brietas est excessus in potu usque ad vio-  
lentam perturbationem, vel privatio-  
nem rationis. Dividitur in imperfe-  
ctam, & perfectam. Imperfecta est ex-  
cessus in potu usque ad perturbationem  
rationis aliquam, salvo adhuc ejus usu,  
aut potentiâ proximâ utendi, quantum  
sufficit ad agendum moraliter; hæc po-  
tentia adhuc adesse potest, etsi phanta-  
sia sit non nihil turbata, lingua titubet,  
pedes vacillent, oculi videant duplicia,  
vel domus videatur gyrari, adeoque nec-  
dum censetur adesse plena ebrietas,  
modò adhuc possit discernere inter ho-  
num, & malum morale; ità *Stotz* cum  
communi. Ebrietas perfecta est ex-  
cessus in potu usque ad violentam pri-  
vatio-

vationem rationis, ejusque potestatis proximæ. Theologi complures dividunt ebrietatem perfectam in formalem, & quasi materialem; formalem dicunt, excessum in potu voluptatis causâ usque ad privationem rationis: materialem verò excessum in potu sine justa causa factam usque ad privationem rationis. Primam formalem vocant, quia, sicut sobrietas est virtus moderativa voluptatis in potu, ita ebrietas illi opposita moveri debet voluptate. Alii censent, sobrietati opponi etiam ebrietatem per potum, etsi non fiat voluptatis causâ, ut, si amicus amici gratiâ etiam cum molestia biberet usque ad privationem rationis; aut, si duo potu cum nausea contenderent, usque ad privationem rationis; quia ad sobrietatem videtur spectare etiam talem usum potus moderari. Aliqui denique ebrietatem etiam vocant omnem excessum in potu inebriativo, citra rationis perturbationem; & commensationem nominant omnem excessum in cibo; sed hæc impropria locutio est; sic enim excedens tam parum ebrius dici potest, quam refrigerationis gratiâ in potu aquæ excedens.

Resp. IV. Ebrietas, vel inebriatio imperfecta culpam venialem per se non excedit; quia grave malum non est, parum per excessum in potu turbare rationem

86.

*Quale  
peccatum  
fit ebrietas?*



126 *Neo-Confessarius practicè instructus.*  
tionem, salvò ejus usu circa bonum  
& malum morale. Ebrietas autem  
formalis perfecta est peccatum lethale,  
saltem si diu privet usu rationis. Ra-  
tio est primò. Quia est gravis deordi-  
natio, deformitasque, potentiâ proximâ  
utendi ratione, quâ homo supra bruta  
est elevatus, sine justa causa, præfer-  
tim voluptatis gratiâ, se violenter pri-  
vare, & ita ineptum reddere ad agen-  
dum humanò modò, quæ ad virtutem,  
officium, necessitatem animæ, & corpo-  
ris pertinent, sique deturpare imagi-  
nem Dei, & ad brutòrum conditionem  
dejicere. 2. Nemo est dominus suæ  
rationis, sed administrator tantùm, &  
usufructuarius: ergo, sicut mortale est,  
sine justa causa sibi manum abscindere,  
quia nemo est dominus sui corporis: i-  
tâ mortale erit, voluptatis gratiâ, aut si-  
ne justa causa se privare usu rationis,  
& potentiâ ejus proximâ, utpote, quæ  
est magnum hominis bonum, eumque  
à brutis discernit. 3. Mortale pecca-  
tum est contra charitatem propriam, in  
naturalibus se privare magnò bonò, er-  
go & privare se violenter usu rationis,  
ejusque potentiâ proximâ. Unde, qui  
se potu, voluptatis causâ, inebriat, pec-  
cat contra charitatem, & sobrietatem;  
contra charitatem quidem: quia privat  
se magnò bonò in naturalibus sine ju-  
sta

sta causa; contra sobrietatem autem, quia se tali modò illò privat. *Nec obstat*, quòd liceat per somnum se usu rationis privare; tum, quia hæc privatio violenta non est, & naturæ repugnans, sed naturalis, instituta ab authore naturæ, ad restorationem virium, & spirituum animalium; tum, quia per somnum potentia utendi ratione non ita tollitur, quin homo usum rationis statim post somnum recuperare possit, sicque semper possit expeditus esse ad agendum humanò modò, id quod non potest ebrius. Dixi, *Saltem, si diu privet usu rationis*: quia *Ang. Tann. Fagund. Gobat.* apud *La Croix n. 327.* universaliter loquendo, docent: Ebrietatem nullam esse mortalem, nisi privet diu usu, & potentiâ rationis: hinc nemo damnat mortalis eum, qui subitâ irâ, vel gyrandò se, redditur rationis impositus per Pater & Ave. Longum tempus Patri La Croix videtur esse hora. *Nec obstat*, inquit, quòd usus rationis sit magnum bonum: nam multa bona in ordine superiore secundum se magna censentur in certis circumstantiis absolute exigua. Videri de hoc potest *Lugo de Jure & Justitia d. 14. n. 24.* At hæc non videntur tenere de ebrietate per totum inducta, quia non facillè depellitur, nisi quis medium haberet, quò statim pelli posset.

*Porro*



*Signa plenæ ebrietatis.*

*Porro*, Signa plenæ ebrietatis sunt: Primum; Si quis ita perturbaverit usum rationis, ut inter bonum & malum amplius discernere non possit. 2dum. Si quis postridie non meminerit, quid dixerit, egerit, quomodo domum redierit, &c. 3tium. Si ea fecit, quæ nunquam integrâ mente solet facere, ut, si turpia, vel absurda locutus sit; cum aliàs sit pudicus, & prudens: si juraverit, blasphemaverit, vel familiam perturbaverit, cum aliàs sit modestus, & benignus. Si tamen cum his duobus postremis steterit discretio inter licitum, & illicitum, non fuit plena ebrietas, etsi pedes vacillârint, &c. Ex his deduco sequentia.

87.

*Peccata contra sobrietatem.*

*Primò*. In nullo casu excusatur à mortali, qui ex nimio potu propter voluptatem, vel sine rationabili causa cum plena advertentia se privat ratione; quia id intrinsecè malum est. 2. Peccat graviter, qui, etsi non intendens se inebriare, tantùm bibit, quantum potest, non curans, an sequatur ebrietas; vel non sequatur. 3. Qui probabiliter putat, vel suspicatur secuturam ebrietatem, & pergit bibere, quia exponit se ejus periculo, sicque eam vult interpretativè. 4. Item, si periculum avertere possit, & negligat, etsi privatio rationis sequatur post unam, alteramve horam:

po-

potuit autem advertere, si prudens suspicio de ea inciderit, & se non resolverit prudenter. Verè docet S. Thomas quòd is, qui frequenter est ebrius, semper advertat, aut saltem possit, & debeat advertere, adeoque semper peccat mortaliter. 5. Qui scit, se exhaustà unà amphorâ, solere inebriari; si domo exeat ad aërem; non verò, si non exeat, potest quidem amphoram sine gravi peccatò bibere, si habeat firmum propositum non exeundi, illudque soleat servare, secùs non potest. 6. Si experientiâ scit, si vigesies v. g. adeat certam domum, consortium, vel hoc modo bibat, se solere decies circiter inebriari, peccat, quoties facit sine nova cautela, licet fortè non inebrietur; quia exponit se formali periculo, saltem probabili, se inebriandi. 7. Mortale est, se inebriare fumo, tabaco, cubando in lupulo, quia sic etiam evertitur ratio, & proxima ejus potentia. Hæc inebriatio specie distingvitur ab ea, quæ per potum inducitur: unde in confessione explicanda foret. Idem est de eo, qui pane ex malignis granis confecto fermentatione privaret. 8. Licet ad hilaritatem bibere; non licet tamen se inebriare ad pellendum gravem moerorem, neque ad non sentiendum dolorem, si pes esset abscindendus; quia potustan-

*R. P. Reuter Neo-Conf.* I tum



130 *Neo-Confessarius practice instructus.*  
tum est ordinatus ad sustentationem  
vitæ. An autem liceat ex præscripto  
medici se inebriare ad curandum gra-  
vem morbum, qui aliter curari non po-  
test, controversitur. Affirmant per-  
multi probabiliter apud *La Croix lib. 5.*  
*num. 320.* quia, licet inebriare se vo-  
luptatis causâ sit intrinsicè malum ab-  
solutè & in omni casu; non tamen, si  
fiat ad vitam conservandam; sicut licet  
sit intrinsicè malum, sibi manum vel  
brachium abscindere, non tamen, si id  
necessarium sit ad conservationem vitæ.  
Dein talis inebriatio est quasi materia-  
lis tantum; quia temperantia permittit  
hoc sumere, quod ad vitæ conservatio-  
nem est necessarium, ut habet *Sand.*  
*Thom. 2. 2. quæst. 141. art. 6.* Hinc  
inferunt multi, licere se inebriare, si quis  
stricto ense mortem intentet, nisi se in-  
ebriet: imò cum *Gobat* multi docent,  
licere, si aliter caveri non possit gravis  
morbus. At contradicunt alii, quia  
privatio rationis non est, medium ex se  
ordinatum, vel medicamentum ad vitæ  
conservationem, sicut non est pollutio,  
& hinc nullo casu licita; imò, teste *Hypocrate*, ebrietas est valde periculosa  
corporis sanitati, nec ratio allata vide-  
tur convincere; quia pars minor majori,  
& utraq; toti corpori subordinatur ex  
natura sua, unde licet abscindere par-  
tem

tem v. gr. brachium, ut servetur corpus: sic enim agitur secundum ordinem naturæ. At ratio non subordinatur ex natura sua vitæ corporis, sed animæ: hinc, si illa in bonum corporis destruitur, invertitur ordo naturæ. *Nec juvat*, quod amissio vitæ sit malum physicum gravius, quam privatio rationis ad tempus; quia amissio vitæ quoque est malum physicum gravius, quam pollutio; & tamen hæc ad vitam conferendam non est licita; quia non ordinatur semen humanum ad depellendum everfiva vitæ, sed ad propagationem generis humani. Hæc sententia probabilior est: pro qua assertur textus S. August. *sermone 32. de tempore*, sed incertum est, an sit Sancti Augustini, in eo enim citatur Beda, qui floruit anno 751. Sanctus Augustinus 420. adeoque hic 331. annis ante illum. Illi sermones sunt certò Augustini, quibus præfigitur: *Sermo Sancti Augustini*: si autem nudè ponatur sermo v. gr. II. III. est dubiè sancti Augustini, quod semel pro semper notandum est. 9. Peccat graviter, qui ex amicitia vel urbanitate alium invitat ad haustus, quibus probabiliter prævidet inebriandum; quia invitat ad aliquid intrinsicè malum, quod quæ alter sine peccato facere non potest, eumque inducit in ebrietatem, aut



132 *Neo-Confessarius practice instructus.*  
saltem in probabile ejus periculum. Idem est de iis, qui alios ad æquales haustus provocant, cogunt, aut se invicem obligant; quia se, aut saltem alios conjiciunt in periculum probabile ebrietatis, si non statim, saltem postea secutura, quod est grave, etsi prius in somno sequeretur. Similiter & alii, qui ebriosis, vel ebrietati proximis vinum subministrant, vel non impediunt, nè alius inebrietur, dum commodè possunt. Quòd si alter negato vino prævideretur v. g. blasphematurus, permittenda esset ebrietas, utpote minus peccatum, quàm blasphemia. Neque per vim est aliquis impediendus, nisi immineret extremum malum, quia vi impedire publicæ est potestatis. 10. Qui alium svasione ad potationes adducendo causat gravia damna prævisa, v. g. ut labores suis necessarios negligat, aut sit impar solvendis debitis, tenetur ad compensationem iis, quibus injuriã fecit. Qui autẽ suo exemplo ad ebrietatem alium adducit, peccat peccato scandali, nisi alius esset talis, ut absque eo se inebriaret. 11. Qui stultum, vel puerum, necdum rationis compotem, semel, vel bis inebriat, non peccat graviter, quia non tollit rationem; si tamen sæpius faceret; ingeneraret malum habitum, nocerẽtque ejus valetudini, peccaret proinde pro gravitate

tate damni. 12. Peccat iudex inebriando reum, ut crimen eliciat, quia inducit ad ebrietatem, & formam juris non servat: unde non potest ex ea notitia procedere ad torturam, vel sententiam. Item, qui inebriat damnatum ad mortem, ut dolorem non sentiat; quia hic nec est finis potus, nec adest causa sufficiens tollendi rationem tum maxime necessariam. 13. Qui injustè detinetur in carcere, licitè quidem offert custodibus vinum, quo praevidet inebriandos, ut ipse fugiat; quia non cooperatur formaliter ad eorum inebriationem, nec ad peccatum formale, si praeter intentionem suam inebrientur. Idem est de eo, qui ob rationem gravissimam, v. g. ad detegendam proditorem urbis ab altero vult elicere secretum, quod is tenetur revelare; an autem possit inducere ad ebrietatem (non formalem quidem, seu voluntariam ipsi, quod nunquam licet) sed materiale, seu ipsi non praevisam, & involuntariam, iterum non convenit inter AA. Affirmat *P. La Croix l. 5. n. 342.* fortè ex hac ratione, quod probabiliter liceat inducere ad peccatum minus, non ut peccatum est, sed ut impeditivum majoris: custodes autem peccant, saltem magis materialiter, injustè detinendo innocentem; quàm se inculpabiliter



134 *Neo-Confessarius practicè instructus.*  
inebriando: negat tamen licere, si quis  
iuste detineretur in carcere, eò quòd  
inducerentur ad aliquid de se malum  
sine causa rationabili. At alii negant,  
id licere in ullo casu, quia esset indu-  
cere ad aliquid intrinsecè malum, quod  
licet *Layman* dicat non esse scandalum  
activum, attamen non videtur licitum,  
saltem probabilius.

Remedia contra Gulam.

88. *Quid*  
*consulen-*  
*dum con-*  
*tra gu-*  
*lam?*  
**P**rimum. Vita, quoad potes, irri-  
tamenta gulæ, ut sunt ciborum  
sævitas, varietas, & condimenta;  
si non potes, non fruire, sed utere ci-  
bo, usum ejus referendo ad honestum  
finem. 2dum. In mensa tibi semper  
aliquid subtrahe, præsertim palato gra-  
tius, quod adhuc licitè posses sumere:  
sic discies te vincere, & gratiam auge-  
bis. 3tium. Semper in potestate ple-  
na contine appetitum: hinc, si major  
sit propensio, nonnihil cessa, vel sume  
tardius: senties ex hoc à Deo solatium,  
4tum. Cogita, quàm turpe sit, volup-  
tati cum bestiis communi servire: hæc  
nec fustibus adigi possunt ad plus su-  
mendum, quàm natura postulat. 5tum.  
Quot mala ex gulæ vitio! Corpori mor-  
bos, menti tenebras affert: sancta desi-  
deria extingvit, carnem facit rebellem  
spiritui, luxuriæ fomenta subministran-  
do. Quis hostem suum contra se robo-  
ret?

ret? 6tum. Cogita, quàm vilia sint, quæ appetuntur: & quò tandem superflua abeunt? 7mum. Propone tibi exemplum Christi, & B. V. & considera, quàm modeltè, quàm moderatè, quàm vulgari victu contenti, & usi fuerint. 8vum, & præcipuum. Expende tempore, quo famem & sitim non experiris, præteritas experientias, commoda & incommoda, ex quantitate & qualitate victûs: Superfluum proinde subtrahe, & vita, quæ expertus es noxia, nec unquam te finas voluptate à præscripto abduci. Si gula provocet, cogita: modò cedo, siam debilior ad vincendum; si non cedo, gratum Deo offero sacrificium, cui si tantillum negem: meritò negabit mihi gratiam ad vincenda graviora. Hæc exigua mortificatio nec vitam auferet, nec nocebit valetudini. Si contingat te vinci, erubescere, quòd tam exiguæ voluptati succubueris, & per severiorem abstinentiam vindica. Pro quantitate victûs statuenda expedit etiam sibi plus subtrahere, cùm experientia doceat, quæ quantitas necessaria, quæ superflua sit ad functiones ordinarias. 9num. Si honestæ, vel recreationis, vel societatis gratiâ tibi vis plus indulgere; ut crapulam & excessum vites, primùm bibe tardè, ut stomachus non obruatur, sed



136 *Neo-Confessarius practicè instructus.*  
roboretur, ad convertenda dona Dei in  
bonum; deinde explora quandoque; an  
non jam incalasciat nimirum sanguis?  
An caput adhuc serenum, an adhuc ap-  
petitus subsit rationi; aut contrà jam  
inualecat, sisque debilior ad eum con-  
tinendum? Si hoc? Frœnum injice. De-  
mum, dum fortè exhilarescis; cave, ne  
te effundas, & appetitus te supplantet.  
Experientiam consule. Turpe est do-  
nis Dei abuti. Proinde *sub te erit*  
*appetitus...*, & *tu dominaberis illius.*  
Gen. 4. v. 7.

#### QUÆSTIO VI.

*Quid de ira, & ex ea consequente male-*  
*ditione, & blasphemid?*

89.

*Quid sit*  
*ira, quan-*  
*do &*  
*quale pec-*  
*catum?*

**R**Esp. I. Ira genericè: est appetitus  
vindictæ. Hæc sine peccato, &  
justa esse potest, ut, si parens filii,  
superior subditi, magister discipuli deli-  
ctis cum moderamine irascatur, eaque  
arguat, vel puniat. Accepta verò spe-  
cificè: est appetitus inordinatus vindi-  
ctæ. Hic inordinatus esse potest vel  
ex parte modi, ut, si expetatur vindi-  
cta nimis, excandescendo; vel ex parte  
objecti, si nempe expetatur, vel sumat-  
ur vindicta sine justa causa, aut autho-  
ritate legitimâ, vel justò gravior, vel ex  
mèra libidine vindicandi, & satiandi a-

nimum

nimum malevolum. Prima inordinatio est plerumque tantum veniale, posset tamen fieri mortale, si ita in furem, vel insaniam excrescere sineretur: ut, si quis sciens & volens, ita habenas irae laxaret, ut erumperet in enormes gestus, clamores, spumas, membrorum contusiones, vel, ut privaretur ratione. Altera inordinatio est ex genere suo peccatum mortale repugnans charitati, & quandoque iustitiae; charitati quidem quatenus vel ex odio, vel ex mera libidine vindicandi proximo malum optatur, aut infertur; iustitiae autem, si vindicta sumatur sine iusta causa, aut iusto major.

Resp. II. Filiae irae sunt hae; Prima est indignatio, quae est averfio à proximo, eò quod indignans apprehendat se indignè ab eo tractari; quae tamen, si ex iusta causa, & cum debito modum fiat, potest esse sine culpa, 2da est, tumor mentis, quae est cogitatio, varios vindicandi modos exquirens, & iram coquens, quae mens quodammodo intumescit. 3tia est, rancor, quae est averfio perseverans, seu vetus. Ex ira & his sequuntur alia peccata externa, ut contumelia, quae quis alterum dehonorat, v. gr. in faciem aliquid cum ejus dehonoratione illi obijciendo. aut etiam absentis literas lacerando, vel comburendo. Item calumnia, quae quis

90.  
*Filiae irae.*



138 *Neo-Confessarius practice instructus.*  
alteri falsum crimen, vel defectum imponit. Item irrisio, illusio, subsannatio de quibus supra; denique maledictio, & blasphemia. Maledictio est dira imprecatio, quâ quis alteri optat malum sub ratione mali. Blasphemia est contumelia, vel contumelia in Deum, ut, si quis Deo tribuat falsa, vel neget vera, vel tribuat creaturis, quæ Deo debentur, vel etiam dicat vera, quæ ad ejus dehonorationem, vel vilipensionem tendunt, v. gr. per modum ei indignantis, contemnentis, vel exostulantis contra eum, vel usurpet verba, quæ hic, & nunc continent, vel judicantur continere imminutionem reverentiæ erga Deum, seu vilipensionem excellentiæ Divinæ, etsi directè non intendant Deum inhonorare,

91.  
*Quomodo  
examinandus se  
accusans  
de maledictis?*

Resp. III. Si quis accuset se de maledictione, seu dira imprecatione mali, vel blasphemiâ, 1. Interrogetur quibus verbis sit usus: rudes enim confundunt blasphemiam cum imprecatione; & hanc cum juramento: imo; si diabolus nominaverint, aut alium ignominioso nomine compellaverint, dicunt, se maledixisse. 2. Si verè imprecatus fuerit, exponat, quibus, an rebus inanimatis, an pecoribus, an hominibus? Quo animo? An voluisset, ut eveniret? An in faciem, an coram aliis, an multis

tis

tis, an uni? Si ex animo; quæ mala? Quamquam hoc necesse non sit, si in mala tetenderit præcisè sub ratione communis mali, ut sæpe fit; nisi tamen illa mala voluisset inferre, si potuisset. Ratio horum est, quia diversimodè peccatur diris imprecationibus.

Primo namque, si quis ex ira, vel impatientia rei inanimatæ imprecetur v. *Quomodo* gr. ligno, lapidi, ad quem offendit, vel *peccatur* labori ex voto non succedenti, per se *diris im-* veniale tantum est contra mansuetudinem, *precationibus?* 2. Qui ex ira, vel impatientia optat: Utinam non essem natus! fuisssem factus brutum! vel: Maledictus dies, quo natus sum; vel quo te primum vidi; vel, te conjugem accepi; peccat graviter, si deliberatè intendat optare sibi, vel alteri homini malum, essetque blasphemia, si fieret cum relatione, vel indignatione ad Deum; si autem tantum intenderet maledicere diei nativitatis, v. g. vel conjugii, qui causa est tot malorum, culpæ, vel poenæ; per se videtur tantum fore veniale, quia censetur tantum velle significare diem illum valde infelicem: imò posset esse nullum, si cum moderamine fieret. Sic Job maledixit diei nativitatis suæ. 3. Qui maledicit pecoribus sine animo, ut eveniat, per se quoque peccat tantum venialiter; si autem ex animo, ut vel sibi vel



140 *Neo-Confessarius practicè instructus*  
vel alteri grave malum ita eveniat, pec-  
cat graviter; nisi impetus plenam ad-  
vertentiam, vel deliberationem præver-  
tat. 4. Homini imprecari grave ma-  
lum ex animo, v. g. diabolus te rapiat,  
fulmen te percutiat, est mortale & sæ-  
pe non tantum contra charitatem; sed  
etiam contra justitiam: ut, si effundatur  
maledictio gravis in præsentem, cum  
gravi ejus dehonoratione. Malum ta-  
men leve tantum sine gravi dehonora-  
tione imprecari, solum veniale est. 5.  
Si pater filio, herus ancillæ, vel famu-  
lo sine animo, ut eveniat, imprecetur,  
modo absit gravis læsio honoris, vel gra-  
ve scandalum, culpam etiam venialem  
per se non excedit, imo nec si extra-  
neo fieret. 6. Qui ex ira devovet se  
dæmoni, etiam sine animo, ut eveniat,  
non excusatur à mortali, per se loquen-  
do, hoc est, spectato objecto, quia nimia  
foeditas, & perversitas in eo apparet,  
ita ut natura exhorreat audientis. 7.  
Si filius maledicat parenti, vel avo in  
faciem, peccat graviter etiam contra  
pietatem, etsi faciat sine animo, ut eve-  
niat. Idem est, si fiat iis, quos quis  
loco parentum habere debet, vel supe-  
riori à subdito. Item per se loquendo,  
si conjugi à conjuge. Si verò fratri, vel  
sorori à fratre, sæpe non nisi veniale est  
contra pietatem, etsi mortale contra  
chari-

charitatem, si ex animo fiat, esse possit.

8. Ex ira nominare diabolum sine imprecatione, parum decet Christianum, & posset esse grave ratione scandali, si abeat in consuetudinem.

9. Imprecantes, etsi sæpe excusentur à gravi culpa propter inadvertentiam, vel defectum seriae voluntatis, & verbis imprecatori-

is utantur quandoque tantum velut interjectionibus ad significandam iram, vel ad terrendum alios, sunt tamen de-

hortandi ob indecentiam. Imò parentes liberis suis præsentibus oretenus

gravia mala, etsi sine animo, ut eveniant, sæpe, & quasi per consuetudinem imprecantes, peccant graviter, si non

emendent consuetudinem illam, quia suo exemplo docent illos sibi invicem, & aliis malè precari, faciunt contumaces, inobedientes, tollendo illis æsti-

mationem parentum & reverentiam, quod grave malum est: unde frustra parentes pro excusatione obtendunt liberorum inobedientiam, hujus enim

tales sunt causæ. 10. Imprecatio etiam continere potest blasphemiam, ut, si quis dicat: Perdant te Sacramenta,

sangvis, vûlnera, mors Christi, & similia, quæ ad animas non perdendas, sed

salvandas pertinent: in his enim magna contra Deum apprehenditur irreverentia, etsi sine animo, ut malum eve-

niat,

*Quando  
contine-  
ant blas-  
phemiam?*



142 *Neo-Confessarius practicè instructus.*  
niat, proferantur; unde, qui talium verborum consuetudinem habent, tenentur sub mortali conari illam emendare, secus incapaces sunt absolutionis. Si quis tamen ex ira, non indignando contra Deum, nudè nominet v. g. sacra Dei septem sacramenta, mors Dei, absitque scandalum grave, nec importetur ex circumstantiis vilipensio Dei, vel divinorum, est usurpatio vana divini nominis & grave veniale: at, quia rarè abest scandalum, & apud audientes censetur Deus, & divina inhonorari, sæpe à mortali non excusatur. Unde ordinariè, si loquens advertat ad vilipensionem, quam verba illa præ se ferunt; peccat graviter: si semiplenè tantum advertat, erit veniale, defectu libertatis plenæ: si nullo modo, nullum erit peccatum, sed motus primò primus: manet tamen obligatio gravis, consuetudinem emendandi. Imò, si quis ex joco proferat verba blasphemia, non intendendo, directè inhonationem Dei, si tamen cum joco illo apud audientes conjuncta sit inhonoratio Dei manet, & est blasphemia. *Tamb. l. 2. c. 6. p. 4. n. 5.* Qui tamen, ne blasphemet, dimidiat, vel parùm immutat verba, v. g. dicendo pro *Sacrament, Salament, Saperment, Potz-tausend Salament*, vel pro pessima illa blasphemia; *Mort Dieu*, dicit: *mar*  
*jus,*

ius, non blasphematur quidem, quia non significat Deum, vel sacra, cum vilipensione; posset tamen peccare ratione scandali, & impatientiæ. Circa hanc materiam notandum, interrogandos esse poenitentes, etsi merito censeantur non habuisse affectum malum, ut, quod apprecantur, malum eveniret, an frequenter imprecentur? ut advertatur, an habeant consuetudinem? quam aliqui per plures annos confitentur, non adhibendo conatum, ut emendent, proinde propositum non habent, nisi fortè languidum & inefficax.

Resp. IV. Si poenitens se accuset de verbis contumeliosis, vel convitiis, ex-ponere imprimis debet personas, quas ius impetivit, Nam 1. Si mulieres, pueri, infimæ fortis homines se convitiis impetant, appellando se sagas, meretrices, adulteras, nebulones, &c. communiter non peccant graviter; quia dicentes non ita sentiunt, nec intendunt inferre gravem infamiam; audientes autem non credunt similibus verbis, quia advertunt ex passione dici. *La Croix lib. 3. p. 2. num. 1224.* 2. Si parens filio, superior subdito animo corrigendi, humiliandi verbum contumeliosum objiciat, & modum correctionis non excedat, nec subditus gravius dehonoretur, quam per delictum mereatur, peccatum



144 *Neo-Confessarius practicè instructus.*  
catum non est. Sic Christus Discipulos euntes in Emaus, vocavit stultos, & Apostolus Galatas insensatos. 3. Si contumelia sit parva tantum, vel sine animo dehonorandi, nec sequatur læsio magna honoris proximi, est tantum veniale: & sic excusantur à mortali parentes multi, qui filios vocant asinos, &c. 4. Si joci causa, & per convenientem recreationem leves defectus objiciantur, secundum *D. Thom. 2. qu. 72. artic. 2.* est urbanitas, modò alter non contristetur, aut ad iram moveatur. 5. Si autem graviter proximus dehonoretur, grave peccatum erit. Et sic graviter peccant etiam parentes, qui suas proles passim vocant, diabolos, sagas, &c. præsertim, quia eas exasperant, faciunt rebelles, suo exemplo trahunt ad imitandum, quod grave malum est. Porro, qui per contumeliam alterius honorem læsit, tenetur hunc reparare, et si fama non sit læsa. Illud autem fieri potest per amicam salutationem, per amicabilem conversationem, exhibitionem honoris, petitionem veniæ, &c.

Remedia contra iram, maledictiones, blasphemias, &c.

94.  
Quid di-

**P**rimum. Propone tibi exemplum Dei. Quot injuriis in horas singulas laceffitur; & tamen quàm benigne

nigné, quàm clementer nos tractat, quot *cendum i-*  
beneficiis coronat etiam inimicos suos *racundo?*

peccatores? Adversa, quibus punit, op-  
tat à nobis converti in bonum nostrum,

&c. Si toties feriret, quoties mere-  
mur, ubi essemus? 2dum. Exemplum  
Christi. Quàm ille mansuetus, quàm  
humilis à nativitate usque ad mortem?

Quàm benignè egit cum rudibus, cum  
persecutoribus suis, calumniatoribus?

*Discite à me, quia mitis sum & humilis*  
*corde.* 3tium. Cogita, non posse fieri,

ut non occurrant molesta, injuriosa, i-  
gnominiosa, &c. Ubi homines, ibi in-  
firmi; ubi infirmi, ibi defectus. Nun-

quid & tuos habes, quos ferre debent  
alii? Si infirmo serviens ab eo deliran-

te, vel aberrante offendaris; non irasce-  
ris, sed compateris. Proximus tuus, li-

beri tui, contubernales, infirmi sunt, cæ-  
ci, ignari, reflectere ad omnia non pos-

sunt. 4tum. Ira te reddit ineptum, ad  
ritè fungendum munere tuo, ingratum

proximo, alios à te avertit, impedit il-  
lustrationes Dei, & fructum in proximo.

Contraria omnia habet mansuetudo i-  
rarum moderatrix. *Docet ut mites vias*

*suas.* Psalm. 24. *In mansuetudine per-*  
*fice opera tua, & super gloriam homi-*

*num diligeris.* Eccl. cap. 3. 5tum.

Dum iram oriri sentis, dic: Mansuetis-  
sime Jesu, amo te! & iram suaviter sup-

R. P. Reuter Neo-Conf. K pri-



146 *Neo-Confessarius practice instructus.*  
prime, aut, si non potes, cede loco, vel  
mentem ad alia converte, discursum  
alium incipe, &c. 6tum. Esto corde  
humilis, verbo suaviter, operare pacatè,  
sine præcipitantia, & pertinacia conse-  
quendi, quod intendis; hæc enim, re  
non succedente, ad iram movet. 7num.  
Accessurus ad tractandum cum alis,  
memento, in multis tibi contradicen-  
dum, cum tuo etiam contemptu, &  
præpara animum ad patientiam, amo-  
re Christi. 8vum. Cogita, qualem cu-  
pias erga te proximum, & talem te illi  
exhibe, irato responde suaviter: *Re-*  
*sponsio mollis frangit iram.* 9num. A-  
nimo nè unquam coquas iram, etiam  
contra te ipsum ob defectum admissum;  
quia animo sic comparato facilè contra  
alios impingès. Lapsus dole, defectum  
compensa, & conceptâ in Deum fidu-  
ciâ acquiesce. Hæc eadem contra im-  
precationes, blasphemias, & convicia  
valent. Domitâ enim irâ, ista vix con-  
sequuntur. 10. Maledicis præterea  
exponenda turpitudine maledictionis,  
scandala, & damna etiam temporalia  
inde eventura. *Quâ mensurâ mensi fue-*  
*ritis eadem remetietur vobis.* Deus non  
intendit nobis, nisi benedictionem, &  
nos invicem nobis maledicamus? Lin-  
gua nobis data ad Deo benedicendum:  
quomodo lingvâ, in qua toties habes  
diabo-

*Quid ma-*  
*ledicis?*

diabolus  
eadem  
His, si d  
tentia la  
genda, u  
nam su  
non ma  
xerint,  
&c. I  
tas maxi  
velut à  
illi hom  
sta, etia  
occasione  
vetudin  
mare cor  
diem in  
nere fir  
repetere  
non ex  
occasione  
mensè,  
vissima  
Conciliu  
foro aut  
reus, ab  
Confessa  
ti. Ho  
tenti, in  
nienten  
riâ poe  
Tales p

diabolum, Deo benedicis? Quomodo eadem audebis Christum suscipere? &c. His, si consuetudinem habeant: poenitentia saltem per modum consilii injungenda, ut usque ad confessionem proximam singulis diebus manè proponant non maledicere illo die, sique maledixerint, percutiant pectus, & doleant, &c.

II. Blasphemis autem enormitas maxima blasphemiae exponatur, quæ velut à vipera, invaditur ipse Deus à vili homuncione, sed rarò sine vindicta, etiam in hac vita; jubeatur vitare occasiones v. gr. lusum, &c. sique consuetudinarius est, indies vesperi examinare conscientiam, manè & sæpius per diem invocare auxilium Dei, & proponere firmiter, non blasphemare: sæpius repetere: *Gloria Patri &c.* Si autem non ex prava consuetudine, sed ex alia occasione bis, terve blasphemavit in mense, injungatur illi nihilominus gravissima poenitentia: Sic enim mandat Concilium Lateranense his verbis: *In foro autem conscientiae nemo blasphemiae reus, absque gravissima poenitentia, severè Confessoris arbitrio injuncta, possit absolvi.* Hoc exponat Confessarius poenitenti, injungatque poenitentiam convenientem, quam judicat & posse præstari à poenitente, & præstandam esse. Tales possunt esse: frequens confessio,

*Quid blasphemis?*



148 *Neo-Confessarius practicè instructus.*  
junium certis diebus in pane & aqua;  
Eleëmosina, humilis deosculatio mane  
& vesperi terræ per oscidium: frequens  
actus fidei & contritionis, &c. Quod,  
si poenitens ab ultima confessione seriò  
conatus est consuetudinem emendare,  
excitandus est, ut seriò pergat, etsi se-  
mel iterùmve relapsus sit. Si autem  
aut nullum, aut exiguum emendandi  
conatum adhibuit, neque præ se fert ma-  
gnam animum præscriptis utendi me-  
diis, differenda est illi absolutio.

#### QUÆSTIO VII.

*Quid in Confessione circa acediam sit  
advertendum?*

95.  
*Quid A-  
cedia?*

**R**esp. I. Acedia, latè sumpta, est  
quodvis tædium, seu animi remis-  
sio in exercitio virtutum, ob labo-  
rem, molestiam, vel difficultatem illis  
adjunctam citra vilipensionem tamen  
virtutis in se; ut, si quis tristetur, quod  
in frigore debeat interesse sacro, in qua-  
dragesima abstinere à carnibus, aliòve  
præcepto mere positivo obligetur, & ideo  
langvidè satisfacit; seu ob difficultatem  
quæ in eo reperitur, seu ob amorem  
commodi, vel lucri, quod in opposito  
apprehenditur. Sic sumpta acedia est  
vitium generale, oppositum omni virtu-  
ti, cujus exercitium remissè ex illa pera-  
gitur.

gitur. De se tantum veniale; fit tamen mortale, si ex illa omittatur, ad quod est gravis obligatio, v. gr. die præcepto Sacrum.

Resp. II. Acedia specificè accepta est tristitia & tædium de amicitia Dei apprehensa, ut malâ; quia per laboriosa virtutum exercitia, & voluptatis mundanæ fugam quæri, & conservari debet: ut, si quis tristetur, quod sub pœna damnationis teneatur, gloriam Dei per mandatorum observationem procurare, velut finem ultimum: vel, quod ad Deum, velut finem, creatus sit, debeat ei per fugam voluptatum adhærere pro consequenda felicitate. Hæc est peccatum ex toto genere suo mortale, utpote directè opposita amorì benevolentiae erga Deum.

Resp. III. Filiæ acediæ sunt imò: Odium spiritualium, quod quis vellet ea non esse, contemnit Dei beneficium, v. gr. vult se non agnovisse Christum exigentem abnegationem sui pro consequenda felicitate: se non esse vocatum ad religionem, ob difficultates in ea superandas. 2. Pusillanimitas in aggrediendis illis, quæ ad Dei obsequium spectant. 3. Desperatio de superandis difficultatibus, & consequenda salute. 4. Rancor, seu indignatio adversus eos, qui ad virtutem inducunt, & fervorem exigunt. 5.



Torpor seu langvor animi, in implendis præceptis. 6. Evagatio mentis in oratione, aliisque exercitiis spiritualibus: quorum gravitas tum ex objecto, tum ex effectu, quem inducunt, consideranda est.

Remedia contra Acediam.

98.

*Quid suadendum  
contra Acediam?*

**P**rimum. Considera: quanta fecit pro gloria Patris & salute animæ tuæ Christus Salvator & Rex tuus: tu non indigens; & tu parvi pendas? 2dum. Quidquid Deus operatur ad extra, ad animarum nostrarum salutem operatur, omnia desideria ejus, omnis cura providentiæ, omnes misericordiæ effectus eò tendunt, ut eum amemus, & colamus, sicque salvi fiamus: an non meretur amorem & obsequium hæc paternalis cura & affectio? 3tium. Quam exiguus, quam brevis labor à te exigitur pro immensa & æterna mercede? An non omni confusione dignus es, si nè illum velis pro felicitate tua impendere? 4tum. Actio minima pro Deo facta, millecuplo plus valet, quàm omnia Herorum facinora pro vanitate suscepta: fatigas te pro vanis; quid non convenit facere pro æternis bonis? 5tum. Quid sentires de servo tuo, qui pro ampla mercedē negligenter serviret? Et tu negligentius servias Deo, tanta præparanti,

ranti; quàm mundani serviant dæmoni offerenti mendacia? 6tum. Tepidus, injurius est Deo, diffamat ejus servitum, quasi non mereretur obsequium, aut mercedem justam non præparâisset: dedecori est Christo, cui animus serventer servit, quàm mundo. 7mum. Inter duo extrema es, eris aut æternum felix, aut infelix: si tepidus, in summo es damnationis periculo; nam *maledictus, qui facit opus Dei negligenter*, Jeremiæ c. 48. *Quia tepidus es, incipiam te evomere ex ore meo*, Apoc. 3. Demum revoca in memoriâ peccata tua, brevitatem vitæ, rigorem judicii, inferni supplicia, & agnosces necessitatem excutiendi teporem.

## CAPUT II.

*Quæ in confessione puerorum, & utriusque sexûs adolescentum & juvenum Confessario sint observanda?*

**M**Asculi dicuntur usque post tertium annum infantes: pueri ad annum duodecimum, quo incipit prima lanugo crescere, completum: deinde adolescentes ad vigesimum secundum, quousque corpore in longitudinem crescunt: post vigesimum secundum dicuntur juvenes à juvando, eo quod apti tunc sint ad labores perferendos: post trigessimum dicuntur viri à

99.

*Qui infantes, pueri, adolescentes? &c.*



152 *Neo-Confessarius practicè instructus.*  
viribus jam robustis; post annum quinquagesimū incipiunt vires deficere præfertim ab anno sexagesimo. His temporibus sunt senes. Anno octogesimo senes decrepiti. Sic pariformiter loquendum de foemellis, quæ usque ad annum duodecimum dicuntur puellæ, seu pueræ, hoc enim anno completo sunt nubiles: Deinde dicuntur adolescentes mulieres, &c, Jurisconsulti infantes appellant septimum annum necdum egresfos, pupillos ad annos pubertatis, seu matrimonio aptos: ab anno decimo octavo adolescentes: à vigesimo quinto juvenes. His præmissis sit,

#### QUÆSTIO I.

*Quæ circa pueros & puellulas observanda?*

100. *Ufus rationis exponitur.* **R** Esp. I. Sequentia. Primò. Ante usum rationis nemo capax est meriti, & demeriti, seu peccati. Est autem usus rationis, de quo hic sæpe dubium est, in actu primo spectatus, seu potentialis, capacitas ferendi firmum, & constans judicium de objecti, vel actionis, aut omissionis bonitate, & malitia morali. In actu secundo, seu actualis, est cognitio intellectus de bonitate, & malitia morali, procedens ab homine in tali statu, ut firmum possit, con-

constansque de illis iudicium ferre: hoc si ferat, erit usus rationis actualis perfectus, secus imperfectus, qualis est in semisopito. Unde ad usum rationis sufficientem ad merendum & demerendum non sufficit quæcunque cognitio intellectus, cum etiam amentes, & ebrii intellectu utantur: neque quicunque discursus; quia dormientes quandoque discurrunt, disputant, concludunt: & tamen usum rationis non habent requisitum ad bene, vel malè moraliter agendum, ut fatentur omnes; quia deest firmi iudicii potentia de moralitate: intellectus enim ligatus per quietem sensibus & cerebro, non est in statu, in quo possit consultare in utramque partem, & insistere satis objecto alicui dijudicando, & fluctuat nimium, sicque deficit facultas eligendi. Resistit quidem non rarè homo tentationibus in somno: verum eò sufficit apprehensio excitata per horrorem peccati, in vigilia conceptum: aut, si adsit quandoque fortè cognitio indifferens de honesto & inhonesto, est illa valde languida, & insufficiens, ut deliberatè procedatur: unde licet talis resistentia indicium sit animæ peccata valde averfantis, tamen meritoria non est.

2. Pueri usum rationis moralem prius adipiscuntur in quibusdam magis apertè honestis vel inhonestis, quàm in obscu-



154 *Neo-Confessarius practicè instructus.*  
rioribus, & magis reconditis, ut experientia docet, id, quod etiam in aliis quóque locum habet: imò quidam in una materia delirant ex vehementi imaginatione, vel affectu, usum rationis eripiente, & in aliis sunt prudentes: uti refert Sanchez de quodam Pastore, qui in cæteris prudens, delirabat in eo, quòd timeret, nè cogeretur fieri monachus, ideóque rogabat, per chirographum fidem sibi fieri, se ad id cogendum non esse. Ratio autem hujus est: quia pro diversa affectione, & impressione diversæ imaginationis diversa oritur alteratio, & dispositio principii sensorii; seu cerebri, & hinc firmum potest esse judicium, & consultatio in una materia, & non in altera. 3. Verosimilius pueri quóque potentiam usûs rationis obtinere possunt priùs ad peccatum veniale, quàm ad mortale sufficientem: fieri enim potest, ut Puer unus, imò & adultus in certa ratione apprehendat malitiam gravem; alius verò levem tantùm. Eo modo fieri potest, & fit, saltem aliquando, ut puer agnoscat in materia alias gravi priùs malitiam, ut levem, quàm ut gravem: sicut enim, qui habet oculos debiles, montem videt quidẽ, sed illi non apparet tantus, quantus habenti oculos sanos, & acutos: ita propter insufficientem organorum dispositionem

sitionem, ex copia humoris cerebro in-  
natantis puer potest advertere maliti-  
am aliquam in objecto, quin possit ad-  
vertere, esse gravem. 4. Signa usûs ra-  
tionis ad peccandum, saltem venialiter,  
sunt sequentia. Primum. Si peccata  
sua distinctè explicent: quæstiones à  
Confessario propositas bene percipiant,  
ad illas aptè respondeant, 2dum. Si  
pudeant ob mendacium, vel actum tur-  
pem commissum. 3tium. Si magnifi-  
cant obedientiam, & pietatem, sciânt-  
que, quæ bonis, & quæ malis eventura  
sint. Econtra, si nihil per se dicere  
possint, vel recitent quædam tanquam  
narratiunculas pueriliter, aut formulas  
tantum à parentibus ipsis inculcatas,  
vel ad omnes quæstiones affirmative  
respondeant, etsi sint ante propositis  
contradictoriæ: si digitis ludant in cla-  
thris, si sæpe respiciant ad ea, quæ ex-  
tra geruntur, si pileo vel rosario gesticu-  
lentur; indicia sunt usûs rationis nec-  
dum obtenti. Putat quidem *Gobat*, in  
Germania puellas post annum octavum,  
& pueros post nonum & dimidium pri-  
us adipisci ordinariè usum rationis. At  
rectius, *Laymann* ait, id non ex sola æ-  
tate, sed multò magis ex ingenii & edu-  
cationis qualitate, aliisque indiciis colli-  
gendum esse: nam fiunt maturi prius in  
Regionibus calidiõribus, quàm in frigi-

dio-

*Signa u-  
sus ratio-  
nis?*



156 *Neo-Confessarius practice instructus.*  
dioribus; etsi non omnes æqualiter, sed  
pro diversa corporis dispositione: non  
secus, ac fructus in uno loco prius, quam  
in alio maturescunt.

101. Resp. II. Quia pueri ordinariè ante  
annum septimum potentiam utendi ra-  
*Pueri ad- tionem non consequuntur, licet si maturi-*  
*epti usum- us eam obtineant, teneantur legibus na-*  
*rationis- turalibus; utpote, quarum obligatio per*  
*statim te- lumen naturæ, sic exigente recta Reip.*  
*nentur le- rationalis gubernatione, intimatur: non*  
*ge natura- tamen legibus humanis merè positivis*  
*li non ta- ante completum annum septimum: quia*  
*men positi- Legislatores humani non censentur vel-*  
*va humana- le obligare, nisi secundum ea, quæ com-*  
*ante sep- muniter contingunt; communiter autem*  
*tennium.* ante annum septimum usus rationis ad  
obligationem gravem sufficiens non a-  
dest. Ubi autem hunc, usumque rati-  
onis, & discretionem legi proportiona-  
tam adepti sunt, iis, nisi specialiter ex-  
cipiantur, ut fit in lege jejunii, obligan-  
tur. Ratio est: quia, ubi lex tempus  
non determinat, statim incipit obliga-  
tio in subjecto ejus capace, nè elusioni  
sit locus. Unde in tali casu tenentur  
abstinere a carnibus diebus vetitis, in-  
teresse Sacro, diebus festis. Dixi: & di-  
scretionem proportionatam, putant enim  
aliqui apud *Illsing. Tr. 1, disp. 2. num.*  
18. Præceptum de annua Confessione  
& Communionem obligans omnes, ubi  
ad

ad annos discretionis venerint, intelligendum esse de speciali discretionem proportionatâ illis Sacramentis. Hinc censent pueros non obligari ad annuam confessionem ante annum ætatis nonum, vel decimum; & ad Communione non nisi post annum undecimum; eò quòd ante illam ætatem, saltem in Germania, aliisque locis frigidioribus proportionatam discretionem non habeant. Verùm, si periculum non sit irreverentiæ, satique sint instructi & dispositi, quod curare & judicare debent Parochi, per se loquendo, tenentur legibus illis, ubi post annum septimum adepti sunt usum rationis, quia non est fundamentum solidum eos eximendi. Quia tamen sæpe est dubium de sufficienti dispositione, ut debita cum reverentia Communionem accedant; hinc praxis in his partibus habet, ut ante annum nonum, decimum, undecimum ad illam non admittantur pro diversa puerorum educatione, & docilitate. Pueris tamen in articulo mortis constitutis, si usum rationis habeant, possintque instrui, danda *Quando pueris viaticum saccramentum* Communio pro viatico est, etsi annum decimum non attigerint, sed vix septimum aut octavum egressi sint; quia sunt præcepti & peccati mortalis capaces; egentque effectu & robore Sacramenti illius, ob quæ hoc potissimum in agone per



non incur-  
runt cen-  
suras.

158 *Neo-Confessarius practicè instructus.*  
per modū viatici sumitur, Ita *Suar. Tamb.*  
& alii. Dixi: *præceptis humanis*: Nam  
divinis tenentur, ubi usum rationis ha-  
bent, & discretionem proportionatam.  
Denique pueri etiam peccati mortalis  
capaces contra legem Ecclesiasticam  
graviter peccantes probabiliter non in-  
currunt censuras Ecclesiasticas ante an-  
nos pubertatis. Excipe excommunicati-  
onem ob percussione[m] Clerici, & ingres-  
sum Monasterii Monialium; itemque ir-  
regularitatem ob homicidium; quia de  
his jura aliter statuunt. Vide *La Croix*  
*lib. 7. n. 41.*

102. Resp. III. Permittantur pueri pri-  
*Examen* mum ipsi sua peccata explicare: in quo  
*puerorum.* si deficiant, præsertim, si notentur doli  
capaces, juvandi sunt per has similés-  
que quæstiones, prout expedire videbi-  
tur. Primò. An Dominicis & Festis  
diebus devotè interfuerint Missæ Sacri-  
ficio? An in eo garriverint, & per no-  
tabile tempus fuerint petulantes in tem-  
plo? 2. An fuerint obedientes paren-  
tibus, vel præpositis? An alios igno-  
minioso nomine compellaverint? An  
rixati? An senioribus illuserint? An  
mentiti, juraverint per animam? 3. An  
mane & vesperi, ante & post mensam  
oraverint? An neglexerint Catechis-  
mum? in eo attenderint? 4. An non  
aliquid abstulerint? aliis fuerint invidi?  
malum

malum foverint? Si puer appareat audacior, interrogari poterit: An non indecentes insolentias exercuerit in lecto, vel alibi? Si fateatur; interrogari poterit, cautè tamen, de verberibus & tactibus in nudo corpore. Hæ insolentiæ initium sunt seductionis. Si peccatum veniale etiam ex gravioribus afferat, v. gr. furtum, mendacium; expedit interrogare, an hoc frequenter fecerit? ut sic paulatim addiscat, numerum in gravioribus esse explicandum. 5. Quando prudens est suspicio, an non operati sint cum conscientia peccati mortalis, ubi per se aliàs veniale tantum foret; interrogentur, quo dictamine processerint: contingit enim aliquando, pueros peccare moraliter in materia de se levi: quia perperam instructi, aut à levibus sub poena inferni sunt deterriti: contingit etiam, ut in materia gravi tantum peccarent venialiter; quia malitiam tantum in confuso, vel ut levem apprehenderunt. In dubio de hoc possunt interrogari, an putaverint, se per id mereri infernum? Hoc si affirmant, sintque perfectæ rationis capaces, indicium est, quod exercitè apprehenderint malitiam gravem. Si notetur, quod puer materiam gravem non apprehenderit, necesse non est, petere numerum. Cæterum caveat Confessarius, nè nimius sit in examina-



160 *Neo-Confessarius practicè instructus.*  
nando, nè pueri concipiant horrorem  
confessionis. Si puer videatur pudibundus, & suspicio aliqua sit reticentiæ; doceatur, peccata non esse reticenda ex pudore, ea esse nota Deo, & Angelo Custodi: Confessarium non posse de ullo loqui, quod in confessione audivit: confessionem, si grave peccatum taceatur, obfuturam graviter animæ, & tamen peccatum postea confitendum esse.

103.  
*Ad quæ  
excitandi  
pueri:*

Resp. IV. Sicut pueri, si laudabiliter in aliquibus se habuerint, laudandi sunt, & animandi, ut pergant se bene habere: ita, ubi errasse constat, deterrendi sunt suaviter à peccatis, v. gr. dicendo: quod hæc animā foedā reddant instar diaboli, gratia verò & virtus angelo similem: quod Deus sit ubique præsens, & omnia clarissimè videat; velit bonos præmio æterno coronare; malos verò suppliciis plèctere sempiternis. eumque mandare, ut peccata fugiamus; parentibus præstetur obedientia: fugiantur mali socii, &c. Proderit quoque, contra peccatum, quod confessi sunt, adducere exemplum breve, & hortari, ut pro emendandis peccatis, & bonā vitā instituendā quotidie modicā saltem prece venerentur B. Virginem, & Angelum suum Custodem, exponendo paucis illorum in nos amorem & studium. Hæc adhibeat Confessarius, prout prudentia in Christo ipsi di-

stabit,

stabit,  
quium  
puer  
tempo  
rationi  
possint  
peres  
septim  
recun  
dumqu  
Missa a  
li focii  
Resp  
ne, vid  
lo dub  
actus.  
Si sc  
am el  
rit co  
bus o  
que o  
citant  
plittat  
modo  
deant  
reactu  
vel fin  
nia, q  
tholic  
credis  
terna  
faller  
R. P

stabit, certus præstari à se Deo obsequium gratissimum: quod enim teneris puerorum animis inferitur, hæret, & suo tempore fructum feret. Et quanquam rationis necdum capaces absolvi non possint, fructumque Sacramenti percipere; utiliter tamen, ab anno saltem septimo, audiuntur; quia sic discunt verecundiam errata confitendi vincere, modumque confitendi: intelligunt, quomodo Missa audienda, preces persolvendæ, mali socii vitandi, parentes honorandi, &c.

Resp. V. Si puer, peractâ confessione, videatur compos rationis, aut de illo dubium sit: Primò, jubeatur elicere actus fidei, spei, charitatis, & doloris. Si sciat, interroget Confessarius,, an etiam am elicuerit dolorem; antequam subierit confessionale? Id quod etiam in rudibus observandum; quia ante quandoque obliviscuntur, & in confessionali recitant formulas sibi inculcatas, instar psittaci, sine vero actu interno: qui, quomodo eliciendus sit, docendi sunt, si videantur, ignorare. Si non sciant elicere actum fidei, præeat Confessarius hoc vel simili modo: Fili! quid credis? Omnia, quæ Deus revelavit, & Ecclesia Catholica credenda proponit. Cur ista credis? Quia Deus revelavit, qui est æterna sapientia & veritas, ideoque nec fallere, nec falli potest. Nunquid credis?

R. P. Reuter Neo-Conf.

L

dis

104.

Quomodo  
pueri ex-  
citandi ad  
dolorem?



162 *Neo-Confessarius practice instructus.*  
dis, Deum esse unum tantum, & tres  
divinas personas? Credo. Quæ ex il-  
lis personis facta est homo, ut nos redi-  
meret? Secunda. Quomodo vocatur  
Salvator noster? JESUS Christus. Quid  
passus, ut nos redimeret? Mortem Cru-  
cis pro nobis libenter sustinuit. Nun-  
quid ergo meretur à nobis amari? Me-  
retur amari super omnia. Possumusne  
salvari sine gratia per Christum? Non  
possumus. Nunquid hæc omnia cre-  
dis, quia Deus dixit? Credo. Quis te  
creavit, conservat & dat omnia? Deus.  
Cur? ut illi serviam, & tandem salvus  
fiam. Quid Deus promisit, & paratus  
est dare illis, qui ipsi serviunt? Coelum.  
Nunquid speras te venturum ad Cœ-  
lum? Spero. Cur? Quia promisit De-  
us sibi servantibus: Deus est omnipo-  
tens, & fidelis, potest dare, & non po-  
test negare, quod promisit. Potestne  
aliquid melius esse, vel cogitari, quam  
Deus? Non potest; ille est summum &  
omne bonum, & ideo omni amore di-  
gnissimus. Quid faciet Deus illis qui  
ipsum non amant; sed peccatis of-  
fendunt, & inhonorant? Qui peccatum  
grave faciunt, & pœnitentiam non a-  
gunt, illos puniet infernali igne in æter-  
num: illos verò, qui peccant venialiter,  
punit in hac vita, & in purgatorii igne  
adtempus, si huc non satisfecerint. Vult-

ne etiam Deus nobis peccata remittere? Ita, si poenitentiam agamus, de illis doleamus, & confiteamur. Quis Sacramentum confessionis instituit? Christus, ut per ejus merita, & gratiam nobis peccata remittantur. Nunquid speras, tibi peccata per Christum remittenda? Spero. Fili! Cogita nunc, possisne inferni vel purgatorii ignem sustinere? Possesne per quadrantem digitum tenere in ardente candela, vel in ardente rogo jacere? Non possum. Nunquid ergo imprudenter fecisti, quod Deum offenderis, & merueris in altera vita tam graviter puniri? Quod Deum Patrem tuum tam benignum, tam amabilem Redemptorem tuum, qui Sangvine suo te redemit, qui dat tibi omnia & paratus est tibi Coelum, & in illo se ipsum omne bonum dare, sic inhonoraveris, & offenderis, illi tam ingratus fueris, Deum summum bonum injuriâ affeceris? Imprudenter & malè feci. Dole ergo fili, & detestare peccata tua; & dic: Utinam nunquam Deum offendifsem! Doleo ex toto corde, detestor peccata mea in æternum non peccabo amplius. Bone JESU, da ad id mihi efficacem gratiam. 3. Si puer appareat satis instructus ad fidem, spemque supernaturalem eliciendam; excitari potest præmissis paucis actu fidei & spei, hoc modo ad dolorem: Fili!



quò deveniunt, qui peccant? Nonne ad infernum, qui in gravi peccato moriuntur: & ad purgatorium, qui de venialibus non dolent, & poenitentiam non agunt? Quid patientur in inferno, & purgatorio? Gravissimas poenas in inferno æternas, & in purgatorio temporales, sæpe durantes per multos annos. Possésne illas sustinere? Non possés per horam dimidiam jacere in ardente rogo, vel manum tenere in accensa candela: Quid ergo fieret, si deberes totus ardere instar ferri cadentis multis annis in purgatorii, vel inferni igne sulphureo in æternum? Possésne tolerare? Non possés, deberes tamen. Quis tales poenas præparavit peccatoribus? Deus. Unde hoc scis? Deus, qui nec fallere potest, nec falli, id revelavit. Quare Deus præparavit tantas pœnas peccatoribus? Quia summopere peccata odit. Credis, & agnoscis ergo, quòd Deum tuis peccatis offenderis; qui sic potest, & vult punire? Credo, & agnosco. Quid boni fecit nobis Deus? creavit nos, conservat nos, vult nos habere filios & hæredes Cœli: misit Filium suum, ut Sanguine suo nos redimeret, nos adoptaret in fratres, & omnia sua merita nobis offerret. Nonne ergo Deus dignus est, ut à te ametur, & non offendatur? Utique dignus est. Ergo ex toto corde

dole, q  
ic Conf  
et puer  
isti, ex  
am cont  
tem in  
Resp.  
ntia hu  
s ordina  
quam  
nt, nè i  
judicet  
is, absol  
one ver  
aneat, p  
s, aut f  
rit mo  
t anim  
ent irrev  
to. In  
olunt, si  
ordinariè  
quòd qu  
nscient  
dein no  
id app  
ne etia  
rehende  
ecorden  
lo, di  
tarum;  
diverent

de dole, quod illum unquam offenderis. Sic Confessarius conceptis verbis præeat puero in affectum doloris, & propositi, excitando eum etiam ad perfectam contritionem, ut, ad hanc conando, attem imperfectam certiùs assequatur.

Resp. VI. Demum injungenda poenitentia huic ætati conveniens, quæ gravis ordinariè esse non debet, sed modica, quam statim post confessionem peragant, nè in oblivionem veniat; sique per judicetur rationis compos, & dispositus, absolvendus est absolute; sub conditione verò, si de horum aliquo dubium naneat, præsertim, si sit periculum mortis, aut formido prudens, nè fortè peccarit mortaliter; quia tunc consulendum est animæ, & circumstantiæ illæ remorent irreverentiam à Sacramento sic colato. Imò *Lugo Laym. Gobat.* & alii volunt, si spes sit præsentis dispositionis, ordinariè pueros esse absolvendos: tum, quòd quandoque peccent graviter ex conscientia erronea, ubi malitia levis est, & dein non meminerint, aut non addant se id apprehendisse, ut grave: quandoque etiam in materia gravi exercitè apprehendendo malitiam, cujus postea non recordentur, v. gr. exponendo se periculo, diebus præceptis non audiendi Sacrum; quo casu utròque, si non absolverentur, manerent in morte, & pe-

105.

Pœnitentia

Et ab-

olutio pu-

eris, quæ,

Et quomo-

do danda?



66 *Neo-Confessarius practicè instructus.*  
 riculo æternæ damnationis: tum, quod  
 per confessionem acquisierint jus quod-  
 dam ad absolutionem; neque fiat irre-  
 verentia Sacramento, si detur ob ejus-  
 modi periculum absolutio sub conditio-  
 ne. Atque hoc omnino tenendum, si  
 puer se accuset in materia gravi, v. gr.  
 quod parentibus maledixerit, Sacrum  
 neglexerit; etsi dubium sit de usu rati-  
 onis. Quamvis enim, si puer se accu-  
 set de omissione Sacri die festo, & in-  
 terrogatus, quid mereantur, qui sacrum  
 sine legitima causa omittunt, responde-  
 at: Merentur infernum; non illicd sequa-  
 tur, quod peccarit mortaliter; quia hoc  
 quandoque dicunt, quia sic audiverunt:  
 etsi ratione necdum sufficienti utantur  
 ad grave peccatum; tamen, ubi incer-  
 tum est, est animæ consulendum.

## QUÆSTIO II.

*Quomodo procedendum cum adolescenti-  
 bus, & juvenibus?*

106.  
*Adoles-  
 centes  
 quomodo  
 examinan-  
 di?*

**R** Esp. I. Si in exponendis peccatis  
 suis videantur non satisfacisse, e-  
 xaminari possunt 1. Circa pecca-  
 ta, quæ pueris sunt magis ordinaria, ut  
 dixi ante. 2. An dederint malis cogi-  
 tationibus locum? 3. An non locuti  
 indecentia, scurrilia, obscœna? 4. An  
 tempus otiosè transegerint, pecuniam

pa-

parentum dilapidaverint, iis quid sub-  
dlexerint, malis fociis se adjunxerint, tur-  
pia libenter audierint, ad ea riserint? &  
quæ isti ætati sunt propria. In mate-  
ria castitatis, ut supra monui, cautè sunt  
interrogandi.

Resp. II. Illis specialiter commen-  
danda lectio sacra. 2. Horror injici-  
endus turpiloquii, aspectus morosi alte-  
rius sexûs, familiaris cum eo conversa-  
tionis, 3. Inducendi sunt, ut suas ten-  
tationes fidenter aperiant, nè mediis  
desituti succumbant. 4. Ut fugiant  
males socios velut dæmonis emissarios,  
nemini sint nimis familiares; Sacra-  
menta Poenitentiae & Eucharistiae, quot  
mensibus, bis, aut saltem semel, pro di-  
versitate conditionis & occasionis sus-  
cipiant: vesperi examen conscientiae fa-  
ciant, B. Virgini, & Angelo suo Custodi  
speciali cultu sint devoti. Hæc suc-  
cessivè sunt inculcanda. Cæterum plus il-  
lis non dicat Confessarius, quàm velit ab  
aliis resciri: adolescentes enim, quæ au-  
diunt, & vident, observant diu, narrant  
aliis, & de his ipsi postea prudentiores  
judicant.

Resp. III. Poenitentiae injungendæ  
utiliores adolescentibus sunt, quæ ju-  
vant ad bonam consuetudinem inferen-  
dam, vel malam extirpandam: v. g. I.  
Ut preces vespertinas & matutinas ad-

107.  
*Quid iis  
commen-  
dandum?*

108.  
*Quæ iis  
pœniten-  
tiæ injun-  
gendæ?*



168 *Neo-Confessarius practicè instructus.*  
tempus benè persolvant, vel 2. Examen vesperi per octiduum faciant; vel 3. Ut Missæ Sacrificio per dies aliquot devotè intersint, illudque offerant ad certam virtutem consequendam, vel vitium extirpandum, &c. 4. Si potui sint dediti, ut proximâ hebdomadâ, vel mense popinam non accedant: cum sociis his, vel illis non conversentur: vel, ut aliquot diebus in honorem Salvatoris, aut Beatissimæ Virginis, aut Angeli Custodis, alteriusve Sancti extra tempus prandii & coenæ nihil comedant vel bibant. 5. Si lusui sint dediti, similiter abstineant per tempus. 6. Si sint dediti otio, ut proximis 14. diebus per horam manè, & per horam à prandio studeant: legant librum spiritualem, adeant imaginem B. Virginis in suo cubili appensam, petantque per ejus intercessionem gratiam, tempus tam pretiosum, ex meritis Christi ad salutem operandam concessum, bene impendendi. 7. Si sint negligentes in rebus divinis, ut per aliquot hebdomadas nunquam absint à Catechismo, Concione, Sacro, &c. Contraria enim contrariis curanda sunt. Et sic procedendum in aliis consuetudinibus, de quibus tamen redibit sermo infra, porro, quomodo excitandi sint ad dolorem, constat ex dictis, quæ pro diffusi-

verfita  
rit, ad  
offer  
am, ve  
tia, id  
Pete  
nem f  
Attene  
tis m  
dat C  
negoti  
ctionis  
memin  
um fin  
Deo se  
que i  
que f  
referu  
sequa  
Ut of  
differ  
ampli  
nit m  
sum f  
eliciat  
ejus v  
maxim  
Comm  
quid n  
Logu  
4. E  
comp

veritate personarum, ubi necesse fuerit, adhibenda sunt. 8. Si parentes offenderint, inducantur, ut petant veniam, vel compensent singulari reverentia, id quod valet pro pueris quoque.

*Petes:* Quid, si adolescens mentionem faciat de electione statûs? Resp. <sup>109.</sup> *Quomodo* Attendendum, an deliberationi illi sit facta <sup>instruendi</sup> *de electio-* tis maturus? Si ita videatur, ostendat Confessarius, quanti id momenti sit <sup>ne statûs?</sup> negotium, exponâtque illi modum electionis faciendæ. Ac primò quidem, ut meminerit, se creatum esse non ad aliquin finem, quàm ut in hac vita mortali Deo serviat, & tandem salvus fiat, Deumque in æternum laudet, glorificet eoque fruatur. Ad hunc finem, quæ non referuntur, perdita esse: hunc si non assequatur, æternum fore miserum. 2. Ut offerat se Deo Domino suo planè indifferentem ad omnia, paratûmque ad amplectendum statum, quem cognoverit magis conformem divinæ ejus, ipsum salvare cupientis voluntati. 3. Ut eliciat frequenter desiderium, sanctam ejus voluntatem agnoscendi, dicendo, maximè in sacro sub elevatione, & post Communionem cum Apostolo, *Domine, quid me vis facere?* Vel cum Samuële: *Loquere Domine: quia audit servus tuus.* 4. Expendat ex una parte talenta sua, complexionem, vires corporis, animi



170 *Nco-Confessarius practicè instructus.*  
propensiones, facultates & media: ex  
altera verò parte statuum, inter quos  
adhuc deliberandum (nam si se jam de-  
terminavit, ad non permanendum in  
sæculari statu, hic in considerationem  
non veniet) commoda & incommoda,  
difficultates, pericula, occasiones Deo  
serviendi, & ad perfectionem perveni-  
endi, &c. Ea inter se conferat, & vi-  
deat, quid, consideratis omnibus, vide-  
atur magis conferre ad salutem suam, &  
gloriam Dei, quam in omnibus sine re-  
spectu ad commoditates corporis intu-  
eri debet. Deinde pergat instanter pe-  
tere lumen, curâque singulari caveat sibi  
ab omni peccato etiam veniali, nè lumi-  
ni impedimentum objiciat. Quod si  
nesciat ista, ut oportet expendere, ju-  
vet eum Confessarius: ad nullum autem  
statum præ alio eum inclinet, sed per-  
mittat Deum agere in creaturam suam.  
Electione facta, jubeatur petere con-  
stantiam, &c. Quod si compererit, e-  
um jam matura deliberatione determi-  
natum ad certum statum, suggerat illi  
salutares doctrinas pro statu illo. Si  
autem reperiret, malè institutam delibe-  
rationem, v. gr. factam esse determina-  
tionem ex mundano vel humano mo-  
tivo; jubeat eum aliter deliberare, seclu-  
sò illò motivò, purè intuendo gloriam  
Dei, & animæ suæ salutem. Cæte-  
rum

rum caveat Confessarius, nè facile permittat alicui, nisi fortè ad tempus, & maturioribus, periculòque votum violandi minùs obnoxiiis, emittere votum castitatis: aliàs enim factum facile dolerunt, idque aut violabunt, aut non nisi cum mærore, & anxietate servabunt.

### QUÆSTIO III.

*Ad quæ reflectendum in confessione  
sexûs fœminei?*

**R**esp. I. Confessarius sexûs fœminei, si unquam aliàs, servet hic il-  
lud Eccl. 41. *Curam habe de bo-  
agendum  
no nomine, ut non tantùm sit castus, sedum fœmi-  
etiam curet haberi talis, procul omniis?*  
suspensione conscientiae minùs puræ, ex-  
emplò Christi, qui contra castitatem  
nunquam passus est sibi quidquam ob-  
jici: neque enim quidquam plùs imminu-  
it viri ad curandas animas destinati au-  
thoritatem, quàm suspicio animi minùs  
casti. *Quid tibi cum fœminis, qui cum  
Domino ad Altare fabularis;* inquit S.  
Hier. Proinde servet, quod sapienter  
commendat P. Ardeskin. Cum fœminis  
agendum, rarò, cautè, prudenter: Hinc  
caveat Confessarius à fixo aspectu, à  
blandis verbis, quæ affectum carnalem  
redoleant, aut possint suscitare. *In au-  
diendis confessionibus, præsertim fœmina-  
rum.*



172 *Neo-Confessarius practicè instructus,*  
*rum, inquit S. P. Ignatius, severos potius*  
*se, quàm familiares exhibeant: universim*  
*tamen paterna quædam, & spiritualis gra-*  
*vitatis in eis eluceat.* Deinde non faciliè cre-  
 dat earū lacrymis & querelis; sed potius  
 hortetur ad patientiam: neque fidat ea-  
 rum revelationibus, sed jubeat servare  
 mandata Dei. Etiam extra confессио-  
 nale circumspectè cum illis agat: solus  
 cum sola secretò, & absque arbitro, vel  
 teste non sedeat, nullius vel manum tan-  
 gat, nec suam ab ulla tangi permittat.  
*Oculos humi defixos habeat, cumque pau-*  
*ca, quæ animas perstringere, & illustrare*  
*queant, locutus fuerit, statim avolet, in-*  
*quit S. Isidorus.*

**III.** Resp. II. Examen jnniorum ex sexu  
 Quomodo scemineo ferè circa eadem peccata esse  
 examinan- potest, quæ pro examine puerorum &  
 dae? adolescentum retuli. Habent tamen  
 & peccata sibi propria, præsertim, si  
 sint, aut putent, se esse conditionis me-  
 lioris: nam quædam magnam anni par-  
 tem comendo corpus, fucando faciem;  
 litant superbix, & vanitati: stant ad o-  
 stia, & templa frequentant, ut videant;  
 videantur; laudari & honorari appetunt;  
 aliis laudem & honorem invident, iis-  
 que detrahunt: sectantur luxum in vesti-  
 bus, pectus gestant nudum, ut honesti  
 oculi vix satis custodiri possint ab intui-  
 tu illius vitulinæ pellis: amant visita-  
 ti-

tiones, tempus ludendo, & confabulando cum detrimento alienæ famæ per-  
dunt: manè in plenam diem stertunt;  
Divina negligunt, aut tandem ultimo  
Sacro interesse volunt. Idolum earum  
est commoditas, & mundus muliebris.

Atque ejusmodi peccatis obnoxie etiam quandoque sunt conjugatæ, invigilantes magis vanitati, quàm rei domesticæ, & prolium educationi. Talem quampiam si confitentem habeat Confessarius, seposito omni respectu humano exponat illi obligationes suas, periculâque, & media emendationis præscribat. Juverit ei proponere exemplum Beatissimæ Virginis, quàm corde humilis, quàm verbis gravis & parca, quàm modesta facie corporisque totius compositione: quàm intenta operi, quàm Deo conjuncta: honestè quidem vestita, mentis autem sectans pulchritudinem, quàm in virtutibus, quibus homo Creatori suo assimilatur, sitam esse noverat? Demum injungat poenitentiam, conformiter ante dictis, excessibus illis oppositam; quam, si nolit admittere, quando sine incommodo potest, non est disposita ad absolutionem.

Resp. III. Si quæ interroget I. Quæ  
lis sibi liceat ornatus corporis? 2. An  
liceat se conspiciendam præbere, à quo  
novit, se turpiter amari? 3. An lice-  
at

112.

Quid si  
quæ in-  
terroget



*de ornatu*, at sibi ab eo admittere munera? 4. *osculis*, An licite possit permittere osculum, si ipsa nihil mali intendat? 5. An sine peccato possit adire choreas? Respondendum.

*Ad Primum*: Licitum esse ornatum corporis statui & personæ convenientem: fieri autem venialiter malum, si fiat ad captandam vanam gloriam, vel ex intentione mentiendi pulchritudinem: posse quoque evadere mortale, si fieret cum gravi detrimento familiæ, vel alterius; vel esset valde ad luxuriam provocans, ut, si incederet pectore valde denudato, aut leviter, tantum tecto, vel aliud grave malum intenderetur.

*Ad 2dum*: Si animò non malò procedat, sitque vel necessitas, vel rationalis causa, posse eam licite facere, quod aliis honestis permissum est: neque enim dat, sed alter accipit scandalum, quod is sibi imputare debet; nec ideo ipsa privanda est jure suo. Juxta *Sanch.* non peccaret graviter, si conspiciendam se præberet, v. gr. nè privet se libertate exeundi domo &c. secus esset, si data opera absque ulla causa id faceret.

*Ad 3tium*: Vix excusabitur à mortali: quia acceptando munera, fovet alterius impurum amorem, spemque illi facit obtinendi consensum ad turpia, & se exponit periculo concipiendi malum amorem.

*Ad*

*Ad 4tum.* Peccat graviter admittendo à tali osculum: quia cooperatur ejus peccato. Et universim, si non adsit causa rationabilis honesti amoris, absitque periculum ab utroque; quod raro abest, si actus reiterentur, vel fiant cum mora, aut ardore, illicitè permittit, ut constat ex dictis; peccatque permittendo graviter, si meritò timeatur, nè alter voluptatis causà id faciat, quia cooperatur ejus peccato, nisi gravis causa excusaret. Et idem est de tactu turpi; qui, si ex objecto turpis esset, sine mortali permitti non potest, conformiter n. 71.

*Ad 5tum.* Censet *La Croix l. 5. nu. 282.* choreas, præsertim nocturnas, quas puellæ cum adolescentibus concurrentes agitant, esse occasionem proximam peccandi graviter: eò quòd interveniant oscula, amplexus, gesticationes turpes, petulantes tactus, sermones impudici &c. à quibus moraliter vix abesse possunt pravi motus, imaginationes, delectationes, desideria venerea. Hinc *S. Ephrem* choreas vocat *pompam diaboli*. *S. Anton.* iter diaboli. *S. Chryf.* tripudia, quibus saltat diabolus. Alii mitius loquuntur de choreis diurnis, quæ in loco publico fiunt. Caveat autem Confessarius, ne nimium indulgeat, ob gravia mala, quæ sæpe aut comitantur;



176 *Neo-Confessarius practicè instructus.*  
tantur; aut sequuntur choreas. Sed  
nec nimium interrogantis conscientiam  
restringat, nè, si tamen forsan aditura  
sit, gravius peccet. Expedit interroga-  
re, quales soleant isthic saltus agitari?  
An in iis interveniant gestus inverecun-  
di, an exigantur oscula, vel sit simplex  
circumcursatio sine ejusmodi actibus?  
Item, quare velit choreas adire? An non  
ipsi, vel alteri, uni, vel pluribus in parti-  
culari timendum sit scandalum?

Ex his colliget Confessarius, quid hic  
& nunc respondendum, & quid dissua-  
dendum, vel monendum sit. *Sporer*  
*Tr. 5. in præceptum 5, cap. 1.* putat,  
puellam non teneri abstinere ab hone-  
sto saltu, etsi timeat, nè vagè aliquis sit  
accepturus scandalum; quia timor ille est  
communis rebus innumeris; & vix est,  
quò abuti non possit hominum malitia.  
Aliud foret, si timeretur ruina alicujus  
in particulari, nec rationabilis causa es-  
set illam permittendi.

113.  
*Quomodo*  
*instruenda*  
*sponsa?*

Resp. IV. Si puella, contractis jam  
sponsalibus, initura matrimonium petat  
instrui, monenda est imò Sponsis ve-  
neream voluptatem non licere magis  
ante matrimonium, quàm aliis liberis,  
non sponsis; proinde cavenda omnia,  
quæ ingenuam & verecundam puellam  
dedeceant. 2. Caveat nimiam famili-  
aritatem cum sponso præsertim clam a-

liis.

liis, 3. Matrimonium institutum esse non habendæ voluptatis causâ; sed, ut augeatur numerus fidelium, ad quos habendos Deus hunc mundum condidit. Proinde, quæ in matrimonio licent, fieri debere honesto fine, verecundè, ut creaturam rationalem decet, Deo à mente nunquam excluso. 4. Post sponsalia matrimonium non diu differendum esse, nè tentationibus exponantur. 5. Curandum, ut matrimonium ambo in statu gratiæ ineant; pacificè dein vivant, pars una alterius onera portet, memores homines, se esse defectibus obnoxios. 6. Uxor viro in licitis & honestis obediat: quia vir, teste Apost. *Caput est mulieris*; illi irato cedat, verbis suavis erantem moneat, Deum pro illo oratorem domesticam bene administret, reverentiæ erga parentes non obliviscatur; liberos, si Deus dederit, bene educet, redditura de iis Deo rationem: omnibus suis sit bono exemplo. Atque pleaque hæc etiam conveniunt sponso, qui uxorem tractare debet non ut famulam, sed ut sociam & consortem: quæ nisi servantur, avertent à se Dei benedictionem. Demum suaderi potest, ut certum è Cœlitibus domus suæ Patronum eligant, quem quotidiano, licet exiguo, cultu, & in die illi sacra susceptione Sacramenti Pœnitentiæ & Euchari-  
*R. P. Reuter Neo-Conf, M stia*



178 *Neo-Confessarius practicè instructus.*  
stia colant: cultus enim quotidianus,  
etsi tenuis, teste experiētiā, magnā  
est utilitatis.

### CAPUT III.

*De Confessario rusticorum, aliorumque  
plebejorum, & rudium.*

#### QUÆSTIO I.

*Quomodo sint examinandi?*

114.  
*Quomodo  
examinan-  
di rustici,  
& alii ple-  
bej*

**R**esp. Si exposuerint, quæ in con-  
scientiæ examine occurrerunt, vi-  
deaturque examen, ut ab ejusmo-  
di sæpe fit, non satis acuratè institutum;  
examinentur percurrēdo præcepta Dei  
& Ecclesiæ; eorūque occupationes &  
occasionēs, ut magis videbitur conve-  
nire: v. gr. imò De peccatis internis,  
seu cordis; An turpibus cogitationibus  
dederint locum? An odium contra ali-  
quem foverint, alicui invidērint; malum  
optaverint, de eo eveniente gavisi sint?  
2. De peccatis oris. An non blasphemaverint,  
juraverint, maledixerint, detraxerint,  
vel de proximis malè locuti sint, defectum  
objecerint, rixati sint? Et hæc quomodo,  
quibus, &c. secundum dicta nu. 91. Si juraverint;  
an falso, an cum causa, quomodo? An inten-  
derint Deum vocare in testem? 3. De  
pecca-

peccatis operis, & omissionis: v. gr. An die festo laboraverint serviliter, vel Missam neglexerint, ad eam serò venerint, vel exposuerint se periculo serò veniendi: hoc enim faciendo peccant, etsi deinde Missæ interint. An se inebriaverint plenè, vel semiplenè, quid & tunc egerint? An ista futura præviderint, vel timuerint? An nulli damnum causarint, nullum defraudarint, in aliena sylva ligna cum damno exciderint, vel subduxerint, pecora in aliena pascua duxerint, nihil turpe egerint? &c. Si quis ad omnia nihil sciat respondere, nisi quod iuraverit, vel pecoribus maledixerit; examinetur de scitu necessariis: est enim prudens suspicio crassæ ignorantiae.

Q U Æ S T I O II.

*Quomodo instruendi rudes, & solandi pauperes?*

**R**esp. Moneri possunt. 1. Ut salutem animæ suæ omnibus temporalibus præferant, cogitent quandoque brevitatem vitæ, nihilque sibi postmodum quidquam profuturum, nisi servivisse Deo. 2. Ut memores exempli Christi Domini, qui in laboribus fuit à juventute sua, difficultates suas, & labores rectâ intentione perferant, & perficiant: cogitent, magnam mercedem se

115.  
*Salubris  
cogitatio  
ingerenda,  
& exemplum  
Christi.*



manere: Dei voluntatem esse, qui in illo statu illos collocavit, ut ita patiantur, & faciant, animosque suos à terrenis abstrahant, & salutem æternam quærant: Sanctitatem consistere in eo, ut quis statui suo convenienter ex voluntate Dei vivat: majorem esse, non qui ditior, aut in majoribus est deliciis, vel honoribus, sed qui melius voluntati & beneplacito Dei se conformat. 3. Ut non nimium differant Confessionem, & sacram Communionem: quia hæc Sacramenta dignè suscepta semper augent gratiam sanctificantem: quæ, quò major erit in aliquo in fine vitæ, eò major erit ejus in coelo gloria: hujus enim semen & mensura est gratia. 4. Si quis paupertatem queratur, Confessarius soletur eum, & excitet ad patientiam, & conformitatem voluntatis suæ cum divina, dicendo v. gr. 1. Non difficile fuit Deo facere te divitem: amat te, & voluit esse pauperem, nè per abusum divitiarum esses æternum miser. Nescimus, quid magis nobis expediat: *Ipsi cura est de nobis: jacta cogitatum tuum in illum, & ipse te enutriet.* Pascit volucres coeli, & corvis ad se clamantibus escam dat; nec tibi, qui pluris es, deerit, si ei servias. 2. Considera Salvatorem tuum, qui, *cùm dives esset, propter nos egenus factus est*, ut ait Apost. 2.

Cor.

Cor. 8.  
nos co  
ut æter  
lis. A  
formari  
non esse  
ti non  
divites  
sent.  
num Co  
Matth.  
At oculi  
Ipsi der  
gitur f  
dis m  
runt p  
mare  
major  
est: in  
alter  
Qui o  
gis la  
bene,  
person  
benign  
gerit L  
tulerit  
se fug  
bi deo  
bedia  
Dedit  
strum

Cor. 8. Pater noster coelestis illi vult nos conformes fieri in hac mortali vita, ut æternum cum illo gaudeamus in coelis. Age gratias, quod te voluerit conformari pauperi JESU. Multi in coelo non essent, si non fuissent pauperes: multi non essent jam ardentes in inferno, si divites, si Principes, si Reges non fuissent. *Difficile est divitem intrare in regnum Cælorum*, uti nos docet Christus Matth. c. 19. Hinc vix dicit divitibus. At oculi ejus in pauperem respiciunt; Ipsi derelictus est pauper. Paupertas igitur favor est; & hinc tot Sancti, abjectis mundanis omnibus, sponte elegerunt paupertatem, ut Christo se conformarent; cui quod quis conformior est, eo major est. 3. Vita hinc nostra comœdia est: in hac unus sustinet personam Regis, alter aulici, alter pauperis mendici. Qui optimè sustinet personam suam, magis laudatur. Tu age personam tuam bene, & magnus eris apud Deum, qui personas distribuit. 4. Considera, quàm benignè & clementer hactenus tecum egerit Deus, quàm te ipsi non servientem tulerit patienter, quàm misericorditer à se fugientem receperit. An poterit tibi deesse, si ipsi te committas, & illi obedias, *Petite, & accipietis, Joannis 6.* Dedit tibi filium suum exemplar, Magistrum, Redemptorem; omnia ejus, & i-



plum voluit esse tuum: quomodo minus negabit, qui, quod plus est, tam paternè & non rogatus dedit: *Nunquid oblivisci potest mulier infantem suum? quòd si illa oblita fuerit, ego tui non obliviscar:* dicit Deus Isaïæ 49. Hæc serviunt etiam ad erigendos alios desolatos. Dives est, qui veras suas divitias numerare, & consumere non potest; talis est, qui Deum habet.

## QUÆSTIO III.

*Quomodo rudes specialiter disponendi ad dolorem?*

116.  
*Motiva  
doloris  
rudibus  
proponen-  
da.*

**R**Esp. Post peccata, uti oportet, exposita, expedit, ut rudes jubeantur elicere actum Fidei, Spei, Charitatis & doloris cum proposito emendandi: sic enim illos actus discent frequentare. Si deficient, præeat Confessarius, & doceat, nec omittat unquam, nisi appareant satis instructi, & ipsi finita peccatorum confessione, vel ante eliciant dolorem cum proposito; ipsos ad illum excitare, idque modo, illorum capacitati accomodato; injiciendo illis timorem, proponendo brevitatem vitæ, mortem certam; horam incertam: deinde judicium & æternitatem felicem, vel infelicem; oblivionem illorum post mortem in animis omnium: Dei beneficia amo-

amore salutis nostræ nobis collata: desiderium ejus, ut ipsi obsequentes salvemus animas nostras; & decretum æternum à se projiciendi eos, qui desiderio ejus omnes salvare cupientis non volunt obtemperare. Demum summam Dei bonitatem, majestatem, misericordiam, suavitatem, sapientiam, pulchritudinem, ideoque dignissimum esse omni amore possibili, multò magis exiguo nostro amore, cultu & obsequio; quæ tamen liberalissimus Deus vult præmiis infinitis coronare; imo ipse vult esse merces nostra magna nimis. His propositis jubentur ex corde elicere dolorem & propositum. Juvantur ejusmodi maxime, si illis proponatur apta similitudo. v. gr. ducta à filio in patrem optimum rebellis, à servo contumaci contra dominum, ab ingrato in benefactorem, ab homine valde sollicito, ne amittat hæreditatem vel temporalia, ab amante suum patrem hoc vel simili modo: Primò. Si pater aliquis amanter haberet filium, diu notique sollicitus de ejus felicitate, ejus errata modò dissimularet, modò clementer corrigeret, & nihil expectaret ex obsequiis filii, nisi ut illi bene esset; filius autem non vereretur patrem offendere, ejus honorem & æstimationem imminueret, in conspectu ejus eum inhonoraret, donis patris abuteretur in ejus con-



184 *Neo-Confessarius practicè instructus.*  
temptum, &c. An talis filius non me-  
reretur expelli domo paternâ? An non,  
si gutta ingenui sanguinis in ipso sit, me-  
ritò erubesceret, & desleret ingrati-  
tudinem suam? Et quid, si post plura deli-  
cta in gratiam à patre sæpius fuisset re-  
ceptus, & tamen iterum rediret ad pri-  
ora? An is auderet iterum in conspe-  
ctum patris venire? An non erubescere  
deberet? An oculos aperire in conspe-  
ctu ejus auderet? Ecce! tales nos sumus  
filii. Cogita, quæ fecerit tibi Deus: co-  
gita, quoties te in gratiam paternè re-  
ceperit? Et non doleas, quodd iterum  
offenderis tam benignum patrem? &c.  
2, Si esset magnus dominus, à quo ha-  
beres, & tua dependerent omnia, qui  
erga tua exigua obsequia, quæ ei debes,  
vellet te facere hæredem ingentium bo-  
norum; intentaret autem, & inferre tibi  
posset maximas poenas, si debita ei ob-  
sequia negares; hunc verò dominum of-  
fendisses inobedientia tua, starésque in  
conspectu ejus, jam jam ad mortem con-  
demnandus: Nunquid doleres de ingra-  
titudine & offensa? Ita. Nunquid talis  
Dominus est Deus, à quo vitam habes  
& omnia, qui paratus fuit hæreditatem  
æternam omnium bonorum suorum tibi  
dare in cœlis, & cohæredem te facere  
Unigeniti Filii? Nunquid hoc credis  
Deo revelanti? An non ergo meritò do-  
leas,

leas, quòd Deum tam bonum, tam benignum, tam liberalem bonorum operum nostrorum Remuneratorem, tam justum malorum Vindicem, in se omni amore dignissimum offenderis, à quo coelum speras? Dic ergo corde, quòd ego verbis: Deus mi & Dominus mi! doleo, quòd unquam offenderim te, quem credo in Natura unum, in Personis Trinum, Creatorem omnium, Remuneratorem bonorum operum, & malorum Vindicem justissimum: qui licet toties à me sis offensus, paratus tamen es mihi ignoscere, & gratiam ad salutem necessariam dare. A te per, merita Jesu Christi Filii tui, pro me incarnati, passi, & in cruce mortui, spero peccatorum meorum veniam, & æternam beatitudinem, quia hæc poenitentibus & tibi servire volentibus promissisti fidelissime & omnipotens Deus! Ex amore tui doleo ex toto corde, quòd te Dominum & Deum meum unquam offenderim, & diabolo, tuo, & meo hosti serviverim: statuo deinceps tibi soli servire, & te nunquam amplius offendere. Da ad id uberem gratiam; scis, quòd sine ea nihil possum. 3. Si quis patri tuo detraheret, eum inhonoraret; nonne ægrè ferres? Si quis ad mortem condemnatus, suo liberatori postea ingratus; cum ejus hoste conspiraret, nunquid facinus esset



186 *Neo-Confessarius practice instructus.*  
morte dignum? Si filius venderet suam  
hæreditatem teruncio: si pater-familias  
traderet alteri domum suam pro levi gu-  
læ delicio; nunquid insanix essent ar-  
guendi? Ecce hæc omnia cadunt in ho-  
minem, qui Deum graviter offendit.  
Nunquid Judæ scelus detestamur, qui  
Christum vendidit 30. argenteis? An  
non insanum dicimus Esau, qui fratri  
suo Jacob pro edulio lentis vendidit pri-  
mogenita? Ecce pejus facit, qui gravi  
peccato Deum offendit. Vendit enim  
pro re nihili æternam in cælis paratam  
sibi hæreditatem; abdicat à se Christum,  
adhæret ejus hosti, ipsum ludibrio expo-  
nit; quasi tantus ejus in nos amor non  
mereretur obedientiam in re tantilla, &  
mereretur audiri diabolus, qui nos odit,  
& quærit perdere. Certè, si per tale  
quid admissum perdere deberes summam  
gravem peccuniam, id non faceres, &c.

#### QUÆSTIO IV.

*Quid agendum, si nullum in particulari  
peccatum confiteatur?*

117. *Quid si nullum in particulari pec-*  
**R**esp, Si Rudis, ut quandoque con-  
tingit, de nullo in particulari pec-  
cato se accuset, dicens: Nihil scio,  
sumus omnes peccatores, examinetur,  
ut pueri solent & rudes. Si nihil pos-  
sit elici ab ultima confessione, inter-  
ro-

rogetur ex vita præterita, v. g. Annun- *elici pos-*  
quam sit mentitus in vita sua? Nun- *fit?*  
quam parentes offenderit? Nunquam  
fuerit iratus & impatiens? Nunquam  
traduxerit proximum? Sacrum neglexe-  
rit aut negligenter audiverit? &c. Si  
nihil fateatur; interrogetur scienda ne-  
cessitate mediis: prudens enim est suspi-  
cio, quod ista ignoret. Si nesciat, nec  
possit modò instrui, dimittatur monitus,  
ut non communicet, curet se instrui, &  
proximè redeat, aut si non possit, adeat  
alium, & indicet illi, ut se instruat: in-  
terim expendat, quibus offenderit Deum,  
an non cogitationibus, verbis, operibus,  
domi, in templo, hac illâve occasione:  
Si sciat scitu necessaria, aut instrui in  
præsenti possit, eliciantur cum illo actus  
fidei, spei, charitatis, doloris & propo-  
siti, uti jam & de pueris dixi, illum eò  
deducendo, ut doleat de omnibus, qui-  
bus unquam Deum offendit, quòdque  
hactenus fuerit tam negligens in nego-  
tio animæ suæ. Si doleat & dispositus  
appareat, diùque non sit confessus, v. g.  
per medium annum, & videatur non re-  
diturus, monendus est, ut majorem suæ  
animæ curam gerat, & absolvi potest:  
certum enim est, quòd ad validam abso-  
lutionem, quando aliter poenitens se ac-  
cusare non potest, sufficit, quòd signis,  
vel verbis se fateatur peccatorem? &  
quam-



188 *Neo-Confessarius practice instructus.*  
 quamvis extra casum necessitatis, vel  
 impotentiae non liceat absolvere eum,  
 qui se accusat de venialibus in genere  
 tantum, v. g. dicendo: Sæpe veniali-  
 ter peccavi; ed quod, dum potest, judi-  
 cium debet esse ordinatum; tale autem  
 non sit, nisi exprimatur peccatum in  
 specie determinatum; id tamen certum  
 videtur, quod in præsentī casu etiam li-  
 citè absolvi possit: tum, quia est quædam  
 necessitas, & impotentia; tum, quia, si  
 confiteatur se peccatorem, certus est  
 Confessarius, quod in vita sit aliquan-  
 do mentitus, fuerit negligens in divinis,  
 parentes, si cum iis vixerit, ratione u-  
 tens, offenderit, verbo proximum læserit:  
 qui enim est, qui talia non admiserit;  
*Lugo, & alii.* Imò si talis diceret: Fui  
 iratus, sed fuit causa iræ; fui distractus  
 in oratione, sed non potui evitare; & in-  
 terrogatus, an excesserit in ira, an ne-  
 gligens fuerit in excludendis distractio-  
 nibus? Affirmaret, jam haberetur expli-  
 citè peccatum in specie. Quod si quis  
 ita stupidus & hebes reperiretur, ut ne  
 quidem possit apprehendere necessaria  
 necessitate mediū, conetur Confessarius  
 intelligere, an hebetudo proveniat ex  
 peccatis quibusdam, quæ mentem ob-  
 scœnent, ut sunt luxuria & ebrietas: an  
 verò ex naturali complexione? Si pri-  
 mum, differatur absolutio, & prius ab-  
 duca-

*Quid si  
 sit omnino  
 hebes ad  
 scitu ne-  
 cessaria?*

ducat  
 instr  
 Si fec  
 luntat  
 ad elio  
 tionis  
 tem, &  
 dition  
 Comm  
 veniat  
 um est  
 fit, si n  
 luntati  
 lers &  
 betudo  
 cretè  
 xuriae  
 1809.  
 lam c  
 mare  
 randu  
 bat.  
 nectut  
 faria  
 & com  
 videat  
 sciver  
 cat, n  
 capac  
 nit. d.  
 744.

ducatur à peccatis; quia frustranea erit instructio, durante impetu passionum. Si secundum, sitque poenitens bonæ voluntatis, & innocentis vitæ; inducatur ad eliciendum actus fidei, spei, & dilectionis Dei, appositè ad ejus capacitatem, & sic dispositus absolvatur sub conditione, permittatúrque accedere ad Communionem. Quod hebetudo proveniat ex naturali complexione, indicium est, si ad temporalia quónque hebes sit, si non malè vivat, bonæque sit voluntatis: si autem ad temporalia sit solers & industrius, suspicio est, quòd hebetudo proveniat à peccatis. Unde discretè erit examinandus de materia luxuriæ. Ita *P. La Croix l. 6. p. 3. n. 1809*. Deinde, si ita hebes foret, ut nullam cognitionem de misteriis fidei formare posset, fatuo, vel infanti comparandus videtur. Ita *Tannerus & Gobat*. Denique si hebetudo foret ex senectute, senexque antea sciverit necessaria necessitate medi, absolvi poterit & communicari, etsi non ita clarè jam videatur ista credere. Si verò ista nesciverit, laborandum est, ut cito addifcat, ne crescente senio decrescat magis capacitas; Videri potest *Lugo de Pœnit. d. 17. n. 8. Dicast. d. Pœnit. d. 9. n. 744. Burghaber cent. 3. casu 41*;



## Q U Æ S T I O V.

*Quæ pœnitentia rudibus injungenda,  
præsertim assuetis maledicendo,  
vel jurando?*

118. *Quæ satisfactio in-*  
**R**esp. Rusticis & plebejis pro pœ-  
 nitentiis fere preces sunt injun-  
 gendæ, & quidem plerumque ta-  
 les, quas statim eodem die persolvant,  
*maledicis?* aut proximo festo: nisi quid aliud sva-  
 deat consuetudo, vel negligentia in di-  
 vinis. Hinc si negligentes sint in susci-  
 piendo Sacramento Pœnitentiæ, injun-  
 getur utiliter, ut post mensem, vel pro-  
 ximo festo majore, aut, si tunc non pos-  
 sint, proximâ post illud occasione iterum  
 confiteantur, aut, si consuetudinem ha-  
 beant v.g. maledicendi, vel jurandi. per  
 dies 14. vel per mensem manè recitent  
 ter Pater & Ave in laudem Sanctissimæ  
 Trinitatis; petant veniam suorum pec-  
 catorum, labores suos & difficultates is-  
 to die obeundas simplici modo offerant  
 Deo in satisfactionem, petantque gra-  
 tiam emendandi: vesperi easdem preces  
 repetant, doleant, petantque veniam,  
 dicendo v. gr. Deus propitius esto mihi  
 misero peccatori! aut, ut, quoties ite-  
 rum maledixerint, vel juraverint, pectus  
 percutiant, & veniam petant. Monen-  
 di tamen sunt, si semel obliviscantur, sa-  
 tis

tis esse, si postea resarciant, vel compensent. Si quis multorum gravium peccatorum reus esset, nec conveniens alia poenitentia occurreret, injungi posset, ut per mensem, vel ad proximam confessionem diebus Dominicis & Festis Sacrum devotè offerat Deo in satisfactionem suorum peccatorum, iisdemque diebus Rosarium dicat in Sacro, vel ut libuerit. Utile quòque erit, praesertim, si quis timeretur, dolorem & propositum efficax non habere, injungere, ut ante Communionem eliciat fidem, spem, & charitatem cum dolore, vel saltem contritionem cum proposito, hocque post Communionem renovet, & Christo confirmandum offerat: sic enim consulatur reverentiæ & fructui Sacramenti, quòd ad poterit, Universim utiliter svadetur, ut quisque statuatur certum peccatum singulari studio cavere, & hoc propositum Christo post Communionem offerat.

## CAPUT IV.

*De Confessario Conjugum, Parentum,  
Patrum, Matrumque-familias.*

**C**onfessarium oportet scire horum obligationes, bona specialia & communia, tentationes, modumque eos dirigendi & tentationes elidendi.

QUAE



Q U Æ S T I O I.

*Quæ sint Obligationes Conjugum?*

119.  
*Debet  
vir cor-  
rectionem  
uxori.*

**R**Esp. Sunt sequentes. Prima. De-  
bent sibi invicem amorem veræ  
charitatis: unde possunt, & ali-  
quando tenentur se invicem corrigere.  
Uxori tamen convenit sola monitio, &  
adhortatio; viro autem monitio, adhor-  
tatio, & punitio, ut plurimum levis tan-  
tum; quia uxor est sociâ viri, non ser-  
va. Debet autem punitio procedere ex  
charitate, vel amore justitiæ, aut zelo  
procurandi rectam familiæ gubernationem,  
essetque multò levior, quàm culpa  
mereatur, nè pax inter eos & amor pe-  
reat. Quas autem vir uxori poenas in-  
fligere licitè possit, pendet ex conditio-  
ne uxoris; consuetudine loci justâ: gra-  
vius enim plebejæ puniri possunt, quàm  
nobilis, vel honestioris prosapiæ, quia  
hæ poenas gravius apprehendunt utpo-  
te illis magis ignominiosas. Unde &  
facilius avertuntur ab amore, & iis non  
rarò pejores evadunt. In particulari,  
non licet marito poena mortis, mutila-  
tionis, exilii perpetui, carceris publici,  
percussionis tam enormis, ut ex ea, vita  
vel membrum periclitetur; quia similes  
poenæ reservantur Reipublicæ. Sub-  
tractio cibi plerumque sufficit ad corri-  
gen-

gendos communes defectus. Poterit tamen ob causam proportionatam ad dies aliquot uxorem includere, additis compedibus; cædere verò alapis, calcare pedibus, rarò permittitur; quia hæc pænæ, maximè, si frequentes sint, non leviter adversantur amorì conjugali. *Go- bat*, tamen in *Theologia juridico morali*. c. 29. §. 1. ait: A Confessario, vel Magistratu non reprehendi maritos, qui uxores plebejas mero bibulas & ebrias, aut nolentes vitare suspecta consortia post leviozem pœnam sine effectu emendationis illatam, fuste ita verberant, ut biduo vel triduo, duret aliquis verberum sensus. Cæterum ab admonitione per verba svaviora primùm; dein, si hæc non juvent, per graviora correctio inchoanda est; ut uxor, si ad pœnas procedendum sit, intelligat, has sibi meritò infligi. Demum debet maritus quandoque defectus, ubi sine peccato potest, uxoris dissimulare, nec nimius esse in corrigendo, quandoque & correctionem ad tempus differre, nè, dum uxor est indisposita ad eam recipiendam, fructu careat, aut etiam à viro fiat ex inordinata passione.

2da. Obligatio. Tenetur uxor marito *Uxor vi-* obedire in iis, quæ spectant ad bonos *ro obedi-* mores & domus gubernationem, quia *entiam*, maritus est caput uxoris, cui obediens *hic illi vi-* tiam & reverentiam debet. Unde *etum, Et* *R. P. Reuter Neo-Conf.* N *xor vestitum.*



xor peccat graviter si auctoritatem sibi  
 non convenientem arroget; quâ viro do-  
 minari & insultare attentet, estque in-  
 capax absolutionis, nisi seriò statuât e-  
 mendare. Econtra tenetur maritus u-  
 xorem tractare tanquam sociam & com-  
 membrum, illique præstare alimenta &  
 vestitum statui convenientem, cæterâ-  
 que, quæ talis conditionis uxoribus juxta  
 loci consuetudinem competunt, quia hæc  
 in contractu matrimonii imbibuntur, i-  
 deoque maritus ab uxore accipit dotem.  
 Quodd si duxisset pauperem, tenetur ni-  
 hilominus, quia censetur personâ fuisse  
 contentus. Si autem divitem quidem,  
 sed dote non constitutâ, hæc vel ab u-  
 xore vel à parentibus ejus constituenda  
 est. Si tamen uxor à viro sine justa cau-  
 sa discederet, hic eam alere non teneret-  
 ur: qui enim non facit, quod debet, æ-  
 quum est, ut non recipiat, quod oportet.  
 Similiter non teneretur, si ob inopiam  
 non posset, quo casu ab uxore divite a-  
 lendus esset maritus, uti nec, si dos pro-  
 missa non esset soluta, quia maritus de  
 dote conveniens non aliter se ad alimen-  
 ta obligavit. Econtra, si uxor discede-  
 ret à marito ob justam causam v. g. ob  
 sævitiam, vel adulterium mariti, hic ad-  
 huc teneretur eam alere, quia ex delicto  
 mariti innocens uxor non debet habere  
 detrimentum, nec ille commodum.

3tia Obligatio. Tenentur coniuges *Debent*  
cohabitare; quia convenerunt in indivi- *cohabitare.*  
duam vitæ societatem: unde si mari-  
tus ex quacunque causa non turpi velit

alibi figere domiciliū, tenetur uxor eum  
sequi, si sine dedecore statūs sui & gravi  
suo incommodo possit; non tamen, si ma-  
ritus vagari vellet; nisi fortè vagandi con-  
suetudinē ante habuerit, eaque uxori fue-  
rit nota, & non excepta in contractu: tunc  
enim censeretur uxor in id consensisse.

4ta. Obligatio conjugum est: Ut sub *Invicem*  
mortali sibi invicem reddant debitum *reddere.*  
conjugale, ubi petitur serio, & non est *debitum.*  
legitima causa negandi, quia ad hoc se  
obligarunt, estque materia gravis: & vir,  
dicente Apostolo; corporis, sui potesta-  
tem non habet, sed uxor, & mulier sui cor-  
poris potestatem non habet, sed vir, nempe  
in ordine ad generationē, cuius velut unū  
sunt principium, & hinc una caro. Di-  
xi 1. *Ubi petitur serio;* quia tunc pe-  
tens censetur animum obligandi, & u-  
tendi jure suo habere; secūs esset, si so-  
lum peteret amicē, uti & si irrationabi-  
liter peteret; hoc enim casu non potest  
velle obligare, cū altera pars non o-  
bligarit se ad assentiendum petitioni ir-  
rationabili; uti nec ad reddendum sta-  
tim, unde per se non peccaret saltem  
graviter, si ex causa ad breve tempus  
differret. Dixi 2. *Et non est legitima*  
causa



*causa negandi:* hæc enim si adsit non est obligatio; quia conjuges in eum eventum se non obligarunt. *Unde 1.* Non tenetur uxor viro petenti parere, si sibi, vel marito, vel proli conceptæ inde timeret grave damnum. *2.* Si vir laboraret morbo contagioso, v. gr. peste, morbo gallico, vel etiam leprâ, nisi tamen hæc ante contractum fuerit cognita, & non sit nimis gravis. *3.* Si uxor laboret feбри, vel alio morbo, ob quem usus matrimonii noceret graviter. *4.* Si non possit prolem parere, nisi mortuam. Ordinariè tamen non excusat multiplicitas prolis, quia non poterit ob periculum incontinentiæ ideo negare in perpetuum, proinde frustra negaret ad breve tempus, post quod tamen concipiet. *5.* Si petens sit amens aut ebrius, quia non est capax usus dominii; nec petit ut homo. *6.* Si autoritate publicâ celebraverint divortium, vel mutuo consensu castitatem voverint. *7.* Si petens commisit adulterium, quia frangenti fidem, fides licitè frangitur, nisi tamen altera pars sit causa adulterii, aut etiam sit moechata. *8.* Si sine justa causa petatur innaturali modo vel situ: quia copula sic vestita est illicita, quæ tamen honestari potest ex justa causa, ut, si aliter fieri non posset, aut uxori à viro aliàs immineret grave malum, *9.* Si pe-

tens

tens ante matrimonium emisericit votum  
castitatis, quia non tenetur cooperari  
alterius peccato. Imò sunt, qui tenent,  
nec posse, quia, licet quis possit ex causa  
gravi alterius malæ actioni cooperari  
materialiter, quando is, cui cooperatur  
hic & nunc potest illam licitè ponere,  
etsi ex sua culpa non ponat licitè; non  
tamen licet, quando eam non potest  
licitè ponere. Alii tamen probabiliter  
tenent, posse, & teneri reddere, eò quòd  
jus ad copulam per votum non sit su-  
blatum, seu stet cum voto. Sic, si quis  
vovisset non repetere depositum, retine-  
ret jus repetendi, tenereturque repetenti  
reddere; nec ideo cooperarer formaliter  
ejus peccato, quia id in voluntate &  
petitione jam præcessit, & ponerem a-  
ctum & de se, & mihi licitum, ergo à  
pari. Teneretur tamen uxor, si commo-  
dè posset, differre. Si immineret grave  
incommodum, petat ipsa, & jam licebit  
& alteri. 10. Si petens v. g. vir cum  
consanguinea uxoris in primo vel secun-  
do gradu commiserit incestum, quia vir  
amisit jus petendi debitum, adeoque ju-  
xta priorem sententiam uxor potest &  
tenetur negare, ne cooperetur ejus pec-  
cato. Contradicunt tamen iterum alii  
cum *Sanch.* quia uxor non est privata ju-  
re suo, secus foret, si copula esset mala  
ex circumstantia ipsam afficiente: ut, si



198 *Neo-Confessarius practicè instructus.*  
peteretur in loco sacro, aut cum periculo abortûs à prægnante. Dixi: *In primo vel secundo gradu*, quia pœna illa non extendit se ultra; cùm in gradu ulteriori incestus non impediatur matrimonium.

*Uti ma-* 5ta Obligatio conjugum. Tenentur  
*trimonio* conjuges non uti matrimonio, nisi fine  
*fine hone-* honesto; qualis est, 1. Ut propagetur  
*Ro.* genus humanum, & augeatur numerus fervorum Dei. 2. Ut satisfaciant suæ obligationi. 3. Ut vitetur periculum incontinentiæ. Quodd si utantur solius voluptatis causa, peccant venialiter saltem, quia voluptas est subordinata fini matrimonii & medium tantum. Unde inordinatum est in ea sistere; quæ tamen inordinatio de se gravis non est, quia usus matrimonii de se licitus est: & ejus finis primarius nec per hoc impeditur, nec positivè excluditur. Idem est de aliis actibus Conjugibus licitis, ut sunt tactus, oscula, aspectus, si fiunt voluptatis solius causâ & citra periculum alterius gravis incommodi, aut effectûs graviter mali. Horum unum si adesset, vel ejus periculum proximum, peccaretur graviter.

121. 6ta Obligatio. Tenentur conjuges  
Peccata ad idem & continentiam conjugalem.  
conjugum Unde 1. Peccant graviter conjuges, si  
in usu per tactus, &c. exponant se probabili peccatorum riculo pollutionis, aut generationem positivè

fitivè impediunt, semen extra vas effundendo. Cæterum *Sanct. Thom. in 4. dist. 31.* nihil eorum, ait, quæ facit maritus cum uxore, aut hæc cum viro servato vase, secundum se est mortale. 2. Uti matrimonio tempore menstrui, nisi iusta adsit causa, v. g. periculum incontinentiæ, est veniale: quia proles suscepta tunc solet esse debilior, cui tamen melius est esse, quam non esse. Lex antiqua tunc prohibens copulam, nunc cessat. 3. Uti matrimonio, dum uxor est gravida, mortale non est, si absit periculum abortûs, sicut plerumque abest: est tamen juxta aliquos veniale, Sed *Sanch. Aversa* & alii hoc quoque negant; quia matrimonium etiam est in remedium concupiscentiæ, cùmque uxores magnâ parte temporis sint gravidæ, nimis periculosum esset, obligare sub peccato ad abstinentiam tanto tempore. 4. Mutare situm in usu matrimonii, si absit periculum pollutionis, mortale non est, quia non obest generationi, est tamen veniale, quia innaturalis, potest tamen & ab hoc excusare indispositio corporis ad alium situm, &c. & hoc casu petenti obtemperare debet altera pars. 5. Quando ob circumstantiam intrinsecam v. g. morbum, periculum abortûs, &c. copula est illicita, licent illis tactus, aspectus & oscula, modò absit periculum pollutionis, & de-



200 *Neo-Confessarius practicè instructus.*

& debito fine fiant; quia status matrimonii eos honestat, estque per accidens, quòd hic & nunc non conducant ad copulam; & nisi id verum esset, conjugibus non licerent oscula & tactus, nisi dum actu vellent habere copulam, sicque matrimonium & societas conjugalís foret illis occasio proxima æternæ damnationis. Iis ergo tales actus prohibiti solum sunt, quibus per se copula non licet. Hinc, si cui ob incestum non liceat petere debitum, non prohibentur tamen illi oscula, &c. quia præceptum illud Ecclesiæ odiosum est, adeoque ad illa non extendendum. Aliud est de eo, qui obstrictus est voto castitatis; huic enim nihil licet, nisi copula, dum petitur; quia is obligavit se ad vitandas venereas etiam delectationes: quòd autem petenti possit assentiri, ex petentis jure est.

6. Si conjux habens occasionem copulæ, sine animo eam habendi venereè ob voluptatem se tangat, per se loquendo, non peccat mortaliter juxta *Sanchez* & alios; quia, cum adsit potentia proxima copulæ, meritò censetur, saltem ex natura sua, tactus ille referri ad copulam. Idem tenent, si absens à conjugē id faceret ob eandem rationem. *Vasquez* autem & alii in utròque casu censent peccare mortaliter: in primo quidem, eò quòd conjux non habeat jus ad ex-

plen-

plendam veneream voluptatem, nisi communicando cum comparte: in secundo autem insuper, quod non liceat conjugibus, nisi, quod ad copulam referatur; hoc autem solum ad eam referatur, quod ad eam proximè habendam conducit; neque habeat conjux jus ad usum venereum sui corporis, nisi in ordine ad actum conjugalem hic & nunc ponibilem, adeoque tactus ille hic & nunc non referatur nisi ad pollutionem, exciteturque natura in præjudicium matrimonii. Postrema sententia probabilior est, videturque vera pro casu secundo. 7. Conjux venereè se oblectans per repræsentationem copulæ conjugalis, etsi alter conjux sit absens, per se loquendo, non peccat graviter. Ita *S. Thom.*, *S. Anton.*, *Cajet.* *Suar. de Peccatis disp. 5. §. 7. num. 9.* *Vasq.*, *Sanch.* & alii plurimi teste *P. La Croix lib. 6. p. 3. num. 337.* Ratio est, quia delectatio morosa in conjugibus non potest esse gravius peccatum; quàm sit actus, de quo est, & ad quem referatur; copula autem in conjugibus non est mortale, etsi voluptatis causâ fiat: nec est simile in tactu proprii corporis, quia conjux non habet jus utendi proprio corpore ad voluptatem explendam, nisi communicando cum conjuge. 8. Peccant conjuges per tactus & oscula, si terminos honestatis excedant, quia



202 *Neo-Confessarius practicè instructus.*  
nonnisi intra illos ad ea illis concedi  
potuit licentia: unde, si quis interroget,  
quæ sint licita conjugibus, respondeat  
Confessarius, licere conjugibus, quæ  
conducunt ad prolis susceptionem, om-  
nia honestè & secundùm ordinem à  
natura institutum agenda esse; nec de-  
scendat ad particularia ex se, sed sinat  
ipsam exponere, si quæ habeat, quæ  
angunt.

## Q U Æ S T I O II.

*Quæ sint bona Conjugibus communia, &  
quæ cuique ex illis propria.*

122.  
*Ad quem  
spectent  
dotalia?*

**R**esp. Bona Conjugum sunt quadru-  
plicia: nempe dotalia, contradot-  
alia, paraphernalia seu præterdot-  
alia, & communia. 1. Dotalia, seu dos  
sunt illa, quæ viro ab uxore, vel alio e-  
jus nomine traduntur, ut ex eorum fru-  
ctibus, vel proventu onera matrimonii  
sustineat, horum dominium, si æstima-  
ta non sunt in venditionem, nec consi-  
stant in pondere, numero & mensura,  
pertinet ad uxorem; unde huic etiam,  
durante matrimonio, competit eorum  
vindictio, & augmentum, uti & decre-  
mentum sine culpa mariti adveniens; nec  
potest ea, si sint immobilia, alienare ma-  
ritus, aut hypothecæ subicere; nisi u-  
xoris consensus accedat, juramento con-  
fir-

firmatus, sine fraude & metu inducente. Administratio autem dotis est penes maritum, ad quem etiam spectat fructus cujuscunque dotis, si onera matrimonii sustineat, salva tamen semper dotis substantia: idque verum est, etsi fructus essent majores oneribus: si verò dos sit æstimata in venditionem, ejus dominium est, penes maritum, perinde, ac si maritus eam emisset: unde ad eum quoque spectat periculum & incommodum ejus; æstimatio tamen, seu valor ejus æstimatus pertinet ad uxorem, qui, si soluto per mortem mariti matrimonio obtineri non posset, dos rediret ad uxorem, ac si nunquam fuisset vendita, exclusis quibuscunque creditoribus. Similiter, si dos consistat in pondere, numero & mensura, etsi æstimata non sit in venditionem, ejus dominium pertinet ad maritum cum suo periculo, potestque hic illam ad arbitrium suum distrahere, sine tamen præjudicio uxoris: soluto autem matrimonio tantundem ejusdem bonitatis & species redit ad uxorem, vel ejus hæredes, quantum traditum fuit, nisi ante conventum fuisset, ut ejus pretium numeraretur: hoc autem taxandum esset conformiter tempore institutionis faciendæ, vel dissoluti matrimonii, nisi aliter conventum fuisset. Porro dos æstimatur in venditionem, si valor  
ejus



204 *Neo-Confessarius practice instructus.*  
ejus taxetur, & maritus se obliget, ad  
servandum uxori ejus pretium, aut à se,  
vel à suis hæredibus, si ante uxorem è  
viviis excedat, illi solvendum: ita enim  
censetur maritus dotem emere, & uxor  
vendere.

123. 2dò. *Contradotalia*, quæ etiam dona-  
*Ad quem* tio propter nuptias dicuntur, sunt, quæ  
*contrado-* maritus vel alter ejus nomine assignat  
*talia.* uxori ad assicurandam ejus dotem, de-  
bentque esse æqualia doti; quanquam  
artifices aliud vix assignent, quàm suam  
artem, & alii quidam solam suam scien-  
tiam. Horum dominium, usus, admi-  
nistratio & fructus est penes maritum,  
salvâ tamen eorum substantiâ, ut dos u-  
xoris maneat assicurata.

124. 3iò. *Bona præerdotalia* sunt, quæ  
*Ad quem* uxor præter dotem affert, vel illi obve-  
*præerdo-* niunt v. gr. hæreditate vel donatione.  
*talia?* Hæc pleno jure pertinent ad uxorem,  
nisi ita tradantur, ut instar dotis mari-  
ti fiant: hoc enim casu sequuntur na-  
turam dotis, præterquam, quòd maritus  
non lucretur eorum fructus, quamvis pos-  
sit eos expendere non in suam solius,  
sed in uxoris simul utilitatem. Capi-  
talia tamen, quæ refunduntur, aut fundi,  
qui retrahuntur, debent in æquivalenti  
servari uxori, nec possunt à marito in su-  
am & uxoris simul utilitatem expendi,  
nisi hac consentiente, sed ad eas tantum

cau-

causas, ad quas ipsa voluerit. Porro et si præterdotalia non afferantur instar dotis, administrationem tamen eorum habet maritus, sed ad nutum uxoris revocabilem.

4to. Bona communia sunt, quæ conjuges, stante matrimonio, communi labore, industria, v. gr. mercatura, &c. acquirunt; item census ex utriusque capitali, fructus ex officio utriusque, vel unius, modò uterque, ut oportet, fungatur officio suo, empta ex de novo acquisitis, &c. Hæc pertinent tam quoad proprietatem, quàm utilitatem ad utrumque conjugem, administratio verò illorum ad solum maritum. Æquum enim est, ut, quod communi labore acquiritur, commune fiat; & quia vir præsumitur capaxior administrationis; hæc ad ipsum pertinet. Hinc, soluto matrimonio, pars residua potest disponere de medietate acquisitorum. Excipe, nisi vir industrius ante cum sponsa paupere contraxisset de certa tantum lucrorum parte, ipsi tribuenda: hoc enim casu ipsa deberet esse contenta. Constant hæc omnia ex legibus. suntque servanda, nisi alia pacta intervenerint, aut leges locorum particularium, quæ attendi etiam debent, aliud statuunt.

125.  
*Ad quem  
communis  
bonæ*

His accedunt arrha, sponsalitia largitas, donum matutinum. Arrha est, *Quid ar-*  
quod rha &c.



206 *Neo-Confessarius practicè instructus.*  
quod tempore sponsalium sponsi invicem tradunt in pignus futuri matrimonii. Hæc redit ad illum, qui dedit, si sequatur matrimonium, quia non est donatio, sed velut pignus: ut tamen aliquid habeat rationem arrinæ, non debet tantum de facto dari ante matrimonium; sed expressè addendum est, dari in signum futuri matrimonii, aliàs erit sponsalitia largitas, quæ est donatio facta post sponsalia intuitu futuri matrimonii. Hæc dicitur etiam mundus muliebris & dotalitium, & secuto matrimonio, est, manétque uxori; si autem hoc non sequatur, redit ad sponsum, quia donatio fuit conditionata. Donum matutinum est, quod à marito datur uxori altero nuptiarum die pro thesauro pudicitiae sibi credito, hoc pertinet ad uxorem, quæ pro libitu de eo potest disponere. Ex dictis resolves.

127.  
*Quid liceat uxori circa bona, & quid non?*

1. Peccat vir graviter, si grave nocumentum ejus culpâ adveniat bonis uxoris; & hæc pariter, si viro rationabiliter invito rem gavem usurpet, vel alienet, de qua non possit disponere; aut notabiliter se ingerat in administrationem domûs sine consensu viri. Excipe, nisi hic prodigus esset, vel dissiparet rem domesticam, aut ejus curam negligeret.

2. Si vir desit officio & obligationi suæ, potest uxor ex fructibus dotis, paraphernalium, vel ex lucro communi im-

pend-

pendere invito etiam marito, quæ ad convenientem suam sustentationem spectant, v. gr. ad victum, vestitum, donationes, eleëmofynas, recreationes honestas, quæ aliis talis conditionis honestis mulieribus permitti solent; nisi tamen aliud status rei familiaris exigeret. Ratio est, quia ad convenientem uxoris sustentationem se maritus obligavit, estque illa socia bonorum.

3. Potest viro non consulto expendere, quæ ad ejus conversionem, aliudve spirituale magnū bonū necessaria judicat.

4. Si vir desit officio suo, potest uxor expendere, quæ ad avertendū grave damnum familiæ, vel filio ex voluntate patris in bello vel studiis versanti sunt necessaria.

5. Potest clam reservare ad providendum sibi & familiæ, si ex viri excessibus immineat periculum indigentiae: imò potest clam subducere ex bonis communibus, quantum maritus potando dilapidat, etsi periculum indigentiae sibi vel familiæ non immineret, quia dimidium ad ipsam pertinet, nec potest ipsa invita illud maritus imminuere.

6. Potest pecuniam à viro ad solvenda debita acceptam expendere in usus domesticos graviter necessarios; quia pecunia, etsi uxori tradita, manebat sub dominio viri, qui eam potius ad sublevandam gravem necessitatem familiæ. quam



208. *Neo-Confessarius prœdicæ instructus.*  
quàm diluenda debita debebat impendere; nec uxor sic contrahit obligationem ex suo solvendi creditoribus.

7. Non tenetur ex bonis dotalibus suis concurrere ad solvenda debita à viro ante matrimonium contracta, et si communia eò non sufficiant; tenetur tamen ex bonis aliis, si quæ habet, concurrere ex dimidio ad diluenda debita stante matrimonio in bonum familiæ, deque consensu utriusque contracta; non verò ad contracta ante matrimonium, aut, hoc stante; sine ejus consensu, vel non in bonum familiæ.

8. Potest uxor suis parentibus & liberis ex primo toro pauperibus moderatas, pro more aliarum foeminarum suæ conditionis, eleemosinas ex bonis communibus, marito etiam contradicente largiri, quia hoc spectat ad decentiam statûs ejus; nec ipsa est serva, sed socia bonorum. Unde maritus non potest esse rationabiliter invitatus, Quod si dicta quantitas non sufficeret ad gravem illorum necessitatē levandā, & ipsa aliunde juvare non posset, posset clam plus subducere, & egentibus succurrere; quia ad decentem quoque ejus statum pertinet & honorem, ut non permittat egerre illos, cum bona habeat. Marito tamen mortuo deberet in partitione bonorum cum hæredibus mariti subtrahere,

re suæ parti, quæ ultra dictam partem  
elargita fuit; quia æquum non est, ut ex  
alienis subveniat consanguineis, si habe-  
at propria. Posset quoque aliis paupe-  
ribus minùs dare, ut magis suis possit  
succurrere.

9. Permissa similis conditionis uxori-  
bus potest facere uxor, etsi dotem non  
attulerit, vel nondum adsint bona com-  
munia; quia, cum maritus teneatur u-  
xorem & familiam alere, accipi possunt  
ex propriis ejus bonis; nec tenetur uxor  
propria, si, quæ haberet, expendere; ni-  
si fortè alendi essent ejus parentes, aut  
proles ex alio patre, vel fratres & soro-  
res; tunc enim, si haberet, priùs, ex pro-  
priis desumere debet extraordinaria. Re-  
ctè autem monet *Gobat*, non semper ex-  
pedire hæc dici uxoribus, ne abutantur;  
sed potius consulendum, ut ad concor-  
diam conservandam faciant omnia mari-  
to conscio & consentiente, si ita fieri possit.

10. Si maritus moriens relinquat bo-  
na debitis oneratus majoribus, quàm ut  
ex iis solvi possint, potest uxor ex iis  
subducere necessaria suæ & prolium su-  
stentationi. Ratio est: quia sustentatio  
est illis debita & privilegiata ante omnes  
creditores, excusassétque maritum debi-  
torem: proinde multò magis hæredes.  
Hinc, si ab uxore exigetur juramen-  
tum, quodd nihil subduxerit; potest id li-

*R. P. Reuter Neo-Conf.*

O

ci

*Quid si  
maritus  
moriens  
relinquat  
debita?*



210 *Neo-Confessarius practicè instructus.*  
licite facere, quia sensus est, an quid sub-  
duxerit, quod ei non competit. Et i-  
dem est, si vir adhuc vivens cessisset fo-  
ro; quia cedens foro ( nisi bona sua ex  
industria dissipasset: hoc enim casu non  
gauderet privilegio cessionis ) potest re-  
tinere necessaria sustentationi etiam suo-  
rum, etsi juxta probabiliorem in consci-  
entia postea, si ad meliorem fortunam  
redeat, teneatur satisfacere creditoribus.  
Ita docet *P. La Croix l. p. 2. nu. 432. &*  
*436.* ubi notat ex *Dicastillo*, non teneri  
postea restituere, nisi quantum commo-  
dè potest, hoc est salva congrua susten-  
tatione.

*Aut bona* 11. Si vir sumpserit capitalia ad cen-  
*uxoris cum* sum assignando bona sua cum bonis u-  
*suis sub-* xoris pro hypotheca, non obligantur bo-  
*jecerit* na uxoris, nisi illa consenserit, & privi-  
*hypothecæ?* legio quod habet ex Senatus- - Consul-  
tù Velleiano, renunciaverit cum jura-  
mento, vel sufficienter de privilegio suo  
instructa coram Notario: id quod bene  
notandum iis, qui capitalia ad censum  
elocant, aut titulos ordinationis ex bo-  
nis alienis erectos accipiunt: nisi enim  
addatur, si bona ad uxorem simul per-  
tineant, eam consensisse, & privilegio re-  
nunciâsse, acta non subsistunt.

## QUÆSTIO III.

*Quæ sint Obligationes Parentum.*

**R**Esp. Ex lege naturali parentes debent liberis suis: Primò amorem *Obligatio* sincerum & prudentem. 2. Educatio-*parentum* nem corporalem, & curam, ut avertant *triplex*. noxia vitæ, sanitati & felicitati corporali, alimenta necessaria pro qualitate status sui procurent, ut discant, quæ ipsis conveniunt, ut sunt artes honestæ, literarum studia, &c. 3. Debent illis instructionem, & educationem spiritualem, adeoque eos vel per se, vel per alios instruere necessariis ad salutem, vitamq; Christianam, præire iis bono exemplo, delinquentes prudenter corrigere, &c. Unde peccant parentes.

1. Si proli conceptæ noceant: v.g. mater nimum laborando, onera nimis gravia *Peccata* portando vel levando, saltando, *parentum* currendo, passionibus iræ, melancholiæ, *quoad* nimum indulgendo, sicque eas passiones *proles*. proli ingerendo, Pater verò uxorem prægnantem exasperando, percutiundo cum periculo nocendi proli.

2. Si, ubi mater prolem lactare non potest, non provideant, dum possunt, de nutrice bonæ valetudinis, & vitæ; quia proles defectus & inclinationes ad vitia facilè cum lacte imbibet. In hoc casu tenetur pater ad expensas pro nutrice: mater

Oz

enim



212 *Neo-Confessarius practicè instructus.*  
enim tantum pro sustentatione prolium  
tenetur ad lactandum per triennium, si  
possit, Pater autem ad reliqua usque ad  
emaneipationem, nisi esset pauper, &  
mater dives. Si autem Mater lactare si-  
ne gravi incommodo prolem possit, ad id  
tenetur; sique nolit, tenetur ad expensas  
pro nutrice, quam si habere non possit  
sine periculo gravis nocumenti prolis,  
peccat graviter non lactando. Secus  
tantum venialiter secundum aliquos.

3. Si liberis non valentibus se alere  
(ubi enim valent, parentes non tenen-  
tur) negent alimenta necessaria, aut sua  
dilapident, labores convenientes negli-  
gant, curam rei domesticæ non habeant,  
ut eos honestè pro suo statu alere, hæ-  
reditatèque relinquere possint, quâ ad  
convenientem statum pervenire valeant,  
& honestè vivere.

4. Si viis publicis, vel foribus templi  
aut hospitali proles exponant sine gravi  
necessitate, & in has eas exponentes non  
caveant illis à periculo mortis, alteriùs-  
ve gravis incommodi: tenentur enim  
parentes ipsi alere proles suas etiam il-  
legitimas, seu naturales, seu spurias, iis-  
que providere, donec alere se possint.  
Quomodo hi succedere possint parenti-  
bus, habetur in tractatu de testamentis  
& successione, & apud *La Croix l. 3. p. 2.*

n. 1163.

5. Si

5. Si liberis negent sine causa iusta hæreditatis suæ partem legitimam. Hæc ex jure communi, quando plures sunt quàm 4. est medietas bonorum. Secus tantum tertia pars inter liberos dividenda, modò talis sit, ut accedente liberorum industriâ convenienter statui possint vivere.

6. Si filium, vel filiam cogant ingredi Religionem, aut ab ea impediant, negando legitimam, vel dotem; quia liberi jus habent eligendi statum, & impediētes ab ea sine iusta causa, aut ad eam cogentes, ipsò factò sunt excommunicati per *Trid. sess. 15. cap. 17. de Regul.* Quòd si cogant Religionem volentes ingredi renuntiare bonis, & juribus suis, non tantum graviter peccant, sed renuntiatio est reipsa irrita, quia involuntaria. Similiter peccant graviter, si cogant, ut non ineant matrimonium: secus esset, si tantum à certis nuptiis ob justam causam impedirent, vel ad certas faviter inducant, modò caveantur incommoda.

7. Si, quantum in ipsis est, non curent, ut bonis moribus instruantur, dicantq; quæ ad vitam Christianam pertinent, eamque ducant; si permittant frequentare mala consortia, fovere illicitos amores, &c.

8. Si mittant ad scholas hæreticas, aut ad loca hæretica, ut sub magistro



hæretico jurisprudentiam discant: paulatim enim imbibunt, aut saltem emolliuntur ad errores; incipiunt minoris æstimare supremum in terris Christi Vicarium, in quem scomatis & calumniis scatent hæreticorum libri non pauci; liberius transgredi discunt præcepta Ecclesiæ; imprimunt sibi propositiones falsas, & juri etiam naturæ repugnantes, dumque hæreticorum conversatio & mores liberiores melius placent, minus afficiuntur erga Catholicos, Religionemque Catholicam vix pluris faciunt, quam hæreticorum sectas; id quod liberis grande malum est, faciuntque ejusmodi parentes, quod seminans in agro zizania vix eradicanda. Proinde videant, quomodo Deo sint reddituri rationem, qui de manibus eorum repetet animas filiorum, præsertim, cum sint occasiones æquæ addiscendi jurisprudentiam apud Catholicos sine isto salutis & perversiōis periculo. Tales parentes, per se loquendo, excusari non possunt à mortali.

9. Si delinquentes non corrigant, aut ubi necesse est, non puniant; si puniant non ex charitate, vel zelo justitiæ, sed ex passione solum, poenâ ipsis non conveniente, aut justò graviore: neque enim parentes habent dominium in membra liberorum, sed jus puniendi ad correctionem. Unde poena non debet excede-

re delictum, nec potestatem punientis, sed potius esse minor delicto: peccatque mortaliter parens, si filium mutilet, graviter vulneret, atrociter cedat, & juxta *Molinam*, si notabiliter gravius puniat, quàm meretur: carnificibus annumerat *Gobat* parentes & Ludimagistros, qui suos ita fustibus, alapis, pugnis, aut ferulis excipiunt, ut inde fiant surdastri, hebetes, stupidi, tremuli manibus, &c. Puniri possunt subtractione cibi, aliqua detentione in conclavi vel vinculis imperfectis, virgis, &c. verbis gravioribus, sed juxta leges prudentiæ, charitatis & justitiæ, dicente Apostolo *ad Ephes. 6. Vos patres nolite ad iracundiam provocare filios vestros*. Quare culpâ gravi non vacat, si parentes identidem filios, vocent patibularios, nebulones, trifurciferos, filios diaboli; quia dant illis ansam justam iracundiæ, faciunt morosos & contumaces. Potest pater filium, qui contra ipsius voluntatem matrimonium non conveniens inivit, ex zelo justitiæ ad emendationem delinquentis, honorem familiæ, cautelam aliorum, ad tempus excludere à communibus beneficiis, in domum non admittere, &c. sed non in perpetuum; verùm eò usque, dum videatur poena conveniens.

ro. Si occulta filiorum, vel domesticorum delicta sine justa causa manifestent



216 *Neo-Confessarius practicè instructus.*  
externis; possunt tamen parentes  
sibi invicem illa revelare, quia com-  
municant in potestate puniendi, expe-  
ditque sæpe constare utrique, ut invigi-  
lent periculis & perversioni cavendæ:  
imò mater tenetur revelare patri, si ipsa  
corrigere & avertere pericula non possit.  
Cæterum parens non tenetur in puniti-  
one filiorum servare procedendi modum  
iudicii forensis, sed procedere potest ex  
vehementibus indiciis, seu semiplena  
probatione, adeoque ex unius fidelis o-  
culati indicis delatione: sic enim exigit  
bonum familiæ & filiorum; tunc tamen  
poena non debet esse æqualis delicto, sed  
spectanda simul illius cognitio.

11. Si curent castrari pueros, consen-  
tientes etiam, ut sint apti ad cantum li-  
cet sacrum; quia nec ipsi, nec pueri sunt  
domini membrorum suorum. Oppositum  
tenent *Tamb. Salonijs & Pastqual.* Sed  
sententia illorum non videtur certò pro-  
babilis. Unde multò magis peccant, qui  
liberis suis adhuc teneris frangunt cru-  
ra, ut mendicando se possint alere.

12. Peccat graviter parens, si occidat  
filium suum bannitum; nisi non aliter,  
quàm per ipsum occiso, posset bono pu-  
blico consuli, quia id repugnat pietati.  
Idem est de filio erga patrem. Denique  
quandonam in prædictis singulis parentes  
peccent graviter, quandonam tantum le-  
viter,

viter, pensandum est ex gravitate materiæ, damni, læsionis, & circumstantiis.

## QUÆSTIO IV.

*Quæ sint prædictorum tentationes propriæ,  
& quomodo in iis dirigendi?*

**T**entationes illorum ex tribus potissimum capitibus proveniunt. *Mulieris*  
1ma Ex ipsorum vitiis. 2da ex malis li-  
berorum moribus. 3tia. Ex cura inor-  
dinata pro liberis alendis & ditandis. *credendum*  
Circa has.

Resp. I. Si conjunx contra conjugem queratur, non statim credat Confessarius, querentem culpâ vacare, nec inognitâ causâ alterutrum condemnnet, nec coram uxore culpam in maritum conjiciat, quamvis sit certò reus, quia mulieres ex natura sua procaces, facilè viris noxas, præsertim judiciò Confessarii condemnatas obijciunt: quare meliùs est, re dissimulatâ, commendare rationem, patientiam, mansuetudinem. Potissima discordiarum causa est garrula & indomita mulierum lingua: unde non prudenter minùs, quam lepidè chirurgus mulierem, à viro vulneratam, curaturus emplastrum imposuit ori, ut radicem curaret: & medicus uxori indies vapulanti suasit, ut, maritò iratò, in os fumeret aquam, tenerétque tamdiu, dum ira deferbuisset.



131.

*Resp. II.* Si uxor queratur de severi-  
*Quid, si virtute & iracundia viri, suadeat Confessa-*  
*fit nimis se-* rius, ut pro eo diligenter oret Deum, in  
*verus, a-* cuius manu sunt corda hominum: sit  
*gendum u-* diligens in obsequiis Christianis: ordi-  
*xori.* nariis addat extraordinaria, v. gr. cibos

gratos, dicatque, se id facere, ut bene  
 sit illi, sit exactè obediens: ita enim suo  
 tempore obtinebit, quod volet, exem-  
 plò sanctæ Monicæ, quæ conjugem suum  
 Patritium sic mitigavit, & ad fidem con-  
 vertit. Taceat, dum maritus iratus, aut  
 bene potus est: imò postridiè veniam  
 petat, aut sic se gerat benignam, ac si  
 ipsa peccasset, Si monitio profutura vi-  
 deatur, moneat, dum maritus est bene  
 affectus. Si irato respondendum sit, re-  
 spondeat suaviter: Responsio mollis fran-  
 git iram, dura suscitatur furorem. Si hæc  
 nihil juvent, per Parochum vel alium  
 prudentem virum curet moneri mari-  
 tum. Si nec hoc prodest, patientia opus  
 est, & ex tanto malo fructus meritorum  
 in coelis extrahendus. Hoc enim nisi  
 fecerit, patietur tamen, & quidem gra-  
 vius, dabitque insuper in altera vita pœ-  
 nas: si autem, quæ Deus ipsi ferenda  
 offert, patienter tulerit, patietur qui-  
 dem, attamen cum magno fructu meri-  
 torum, & levius, magnòque cum solatio  
 à Deo, qui nobiscum est in tribulatione,  
 Præ omnibus caveat, ne oblocutioni-  
 bus,

ous, aut exprobrationibus malum au-  
geat.

Resp. III. Si viro uxor attentet do- 132.  
minari, suadendum, ut imo dehortetur Si viro,  
uxorem suaviter; jubeat interrogare Con- uxor ve-  
cessarium, an id ipsi conveniat: minime lit domi-  
autem se ostendat timidum ( alias enim nari?  
mulieris procax insolescet superbia ) si  
verba suavia non proficiant, obsistat gra-  
vioribus, & faciat in honestis ac licitis  
contra, ac vult mulier; consentiat tamen  
quandoque; suoque officio bene funga-  
tur, ne ansam querendi justam præbeat  
mulieri, & ita magis insultet.

Resp. IV. Si vir conqueratur, ebriosam 133.  
esse suam uxorem, interrogetur, an non Quid si u-  
& ipse nimio potui sit deditus? Si non, xor sit e-  
suadeatur, ut uxori ad mensam conce- briosa?  
dat, quantum similis conditionis mulie-  
ribus concedi solet, aut etiam aliquantò  
plus; si nihil proficiat, conetur rationi-  
bus adducere ad moderamen; aliorum  
etiam adhortationes curet adjungi. Si  
nec hæc juvent, minetur verbera; & ut  
ait Gobat, quandoque det, rarò tamen,  
& cum moderamine. Refert P. La Croix  
l. 6. p. 2. num. 1854. per experientiam a-  
licujus pænitentis se scire, quòd exem-  
plum viri sobrii, patientiæque & mode-  
rata ejusdem admonitio plus profuerit,  
quàm verbera, vel rixæ. Quod si & vir  
sit ebriosus, 1. Monendus, ut vitet oc-  
casi-

Quid si  
vir?



220 *Neo-Confessarius practicè instructus.*  
cassiones, & obligandus, ut diebus illis  
abstineat ab omni potu inebriativo, qui-  
bus prævidetur futura occasio; vel plus  
non bibat, quàm per experientiam sciat,  
se posse salvâ temperantiâ portare. 2.  
Vel, nisi quid obstet, voveat per aliquod  
tempus abstinere à vino, vel non adire  
tabernam, vel saltem non plus bibere,  
quàm sciat rationi non obesse. Quod si  
votum faciat omnino abstinendi à vino,  
id non debet se extendere ad longum  
tempus, v. g. ad integrum mensem, quia  
ob assuetudinem, aut non servabit, aut  
nocebit valetudini ab uno extremo ad  
alterum transeundo. Melius est paula-  
tim sibi subtrahere, donec periculum se  
inebriandi evadat. *La Croix à num. 1851.*  
3. Juvat quoque injungere illi, ut à con-  
fessione domum reversus dicat uxori,  
ut, quoties viderit adesse periculum, mo-  
neat, & invitum etiam impediat. 4. Ju-  
beatur considerare quandoque hæc 5.  
puncta. quid fecisti? Quantum perdidisti?  
Qualis per ebrietatem evasisti? Quæ  
supplicia meruisti? Quid jam toties pro-  
misisti? Vide etiam dicta num. 88. 6. Si  
cogatur prandere, vel agere cum aliis  
bibentibus, nec omnino possit declinare,  
suggerenda sunt media naturalia pro ca-  
venda ebrietate, quæ suggerit *Gobat in*  
*Quinario T. 5. c. 51. f. 12.* quibus tamen  
uti non licet sine rationabili & tantum  
plus

solus bibendi causa, quia nec sobrietas,  
nec valetudinis frangendæ periculum  
permittit. Media autem ejusmodi  
sunt: 1. Mane sumere jentaculum. 2.  
Cibos ante potum solidos edere. 3. Co-  
quere. 4. Non bibere varia vina. 5. In-  
bibere bibendum non edere cibos flatulen-  
tos. 6. In principio tardè bibere causan-  
tem suam indispositionem. 7. Post hau-  
situm liberaliorem, aquam largè bibere,  
non comedere brassicam, &c.

Resp. V. Si parens queratur, liberos *134.*  
quos inobedientes esse, ab iis se incitari *Quid ad*  
impatentiam, maledictiones, &c. *querelas*  
Confessarius consulat ipsi 1. Ut pecca- *de inobe-*  
dientia li-  
berorum  
Deo. 2. Ut exa- *dicendum?*  
dicendum?  
minet, an sua fortassis culpa, & negli-  
genti educatione ista eveniant? Si libe-  
ri duriùs tractentur; exasperantur, fiunt  
contumaces, & inobedientes,  
praesertim, si maledictionibus & igno-  
miniosis verbis compellantur. 3. Memi-  
nerit juventutis suæ, an non & ipse ex-  
aminaverit? Proinde cogitandum, homines  
defectibus obnoxios esse; nec obtineri  
posse omnia ex voto. Hinc dissimulet  
minores defectus, ut majores efficacius  
corrigat, exemplò piscatorum, qui pisces  
minores negligunt, ut majores capiant.



4. Si correctio facienda sit, fiat potius cum lenitate, quàm nimia severitate: nam ut ait sanctus Prosper: *Leniter castigatus exhibet reverentiam castiganti: nimia autem asperitate increpationis offensus nec correptionem recipit, nec salutem.* 5. Bonis verbis incitet suos ad officium, immorigeris in mensa quid subtrahat, & det morigeris, hosque laudet. Hac ratione plus obtinebit. quàm verberibus ab ingenuis. Vide remedia contra iram n. 94.

135. Resp. VI. Si querantur de defectu mē-  
*Si queran-* diorum ad sustentationem necessario-  
*tur de me-* ram: Confessarius primò soletur eos, ex  
*-diis?* dictis n. 115. & hortetur. 2. Ut libe-  
 ros suos in timore Dei edūcent; hæc  
 optima erit hæreditas, quam nemo iis  
 auferre potest. Exemplò sit Tobias cap.  
 4. dicens filio suo: *Pauperem quidem vi-*  
*tam ducimus: sed multa bona habebimus,*  
*si dominum timuerimus.* 3. Excitet ad fi-  
 duciam in Deum, qui dixit: *Querite pri-*  
*mium regnum Dei, & cætera adjicientur*  
*vobis.* 4. Liberī multis titulis sunt ma-  
 gis Dei, quàm parentum; ipsi cura erit  
 de illis, si ei serviant. Sufficit homini  
 mediocritas: ampla hæreditas multis  
 occasio est perditionis, & æternæ da-  
 mnationis.

## QUÆSTIO V.

Quomodo generatim instruendi parentes? &c.

**R** Esp. Ut totius familiæ benè instituendæ curam accuratam habeant: ac in particulari, 1. Ut curent suos liberos bonis moribus, ac etiam artibus pro sua facultate instrui, illos unâ cum domesticis suis ad Catechismum mittant, reduces examinent, bene meritos laudent, vel etiam præmiolò aliquò excitent. 2. Præbeant se toti domui bonò exemplò: nihil faciant, vel loquantur, quò pueri scandalizari queant, vel domestici. 3. Omnes suos diebus sacris ad divina diligenter mittant; nec ab exhortatione vel concione sine iusta causa detineant, nec durius increpent, si fortè paulò seriùs redeant ancillæ; ne fortassis non statim noctæ occasionem audiendi Sacrum, illud postea ex timore ex parte omittant. Laboribus servilibus, sine urgente necessitate, suos non occupent, otium tamen domo suâ eliminent, commendent lectionem pii libri: curent Litanias & preces verspertinas ante decubitus à tota familia collecta recitari: sic descendet benedictio

136.

*Instructio  
parentum.*



224 *Neo-Confessarius practicè instructus.*  
ctio cœlestis: pietas enim ad omnia u-  
tilis. Suadeant illis cultum Sanctorum,  
præsertim Beatissimæ Virginis, sancti  
Iosephi, Angeli Custodis, & Sancti cu-  
jus nomen gerunt, & horum festis, & al-  
liis per annum jubeant confiteri, & ad  
mensam Domini accedere. Sublatis è  
domo vanis imaginibus, prostent piæ,  
Crucifixi, Beatæ Virginis, &c. ut subeat  
animum quandoque pia cogitatio, & oc-  
cassio sit venerationis: uni alterive So-  
dalitati (pluribus adscribi non expedit,  
quia ob negotia domestica tot legibus  
satisfacere non possunt) dent sua nomi-  
na, eam adeant, juxta ejus leges divi-  
na frequentent. 4. Ut tùm inter se,  
tùm inter suos maximi æstiment, & cu-  
rent concordiam: ubi enim hæc non est,  
nec benedictio erit. Caveant quoque,  
ne sine speciali causa necessitatis unam  
prolem præ aliis foveant advertentibus  
aliis: hoc enim invidiam, & aversionem  
parit. Neque, dum proles à patre pu-  
nitur, si cum moderamine fiat, mater pa-  
lam obsistat, aut proli postea blandia-  
tur, ac si innocens passa esset: hoc enim  
correctionis fructum aufert, & liberos  
facit refractarios. Si pater monendus  
videatur, fiat hoc clam pueris. Et hæc  
eadem servet pater, si mater moderatè  
puniat. 5. Ut pro facultatibus suis sint  
misericordes in pauperes: *Beati enim*  
*misc-*

*miseriordes, quoniam ipsi misericordiam consequentur. Matth. 5. Ecce generatur Domino, qui miseretur pauperis. Prov. 19. Qui dat pauperi, non indigebit, qui despicit deprecantem, miseriam sustinebit. Prov. 28. Proinde pauperes non despiciant, non repellant durè; sed, si succurrere non possint, benignè dimittant: si possunt, faciant bonà intentione tanquam Christo, qui quibusdam voluit esse superflua, aliis deesse necessaria, ut illi in his sibi gratificarentur, & mererentur misericordiam. Expedit etiam, ut parentes pueris committant eleemosynam pauperibus porrigendam: sic enim à teneris induent affectum misericordiæ. Bonam matrem familias describit Salomon. Prov. 31. vocatque mulierem fortem. Byssus, inquit, & purpura indumentum ejus; id est, candor seu integritas vitæ, seu verecundia. Consideravit semitas domus suæ; hoc est, mores suos, & suorum. Panem otiosa non comedit; id est, labore acquisivit. Omnes domestici ejus vestiti sunt duplicibus; nempe scientia competentè & virtutibus. Os suum aperuit sapientiæ, & lex clementiæ in lingua ejus; id est, verbis prudens & clemens, seu suaviter. Accinxit fortitudine lumbos suos, & roboravit brachium suum; id est excitavit se ad onera matrimonii fortiter ferenda. Digiti ejus apprehenderunt farraginem.*

R. P. Reuter Neo-Conf. P sume



226 *Neo-Confessarius practice instructus.*  
sum; id est, dedit se laboribus mulieris;  
& matri-familias convenientibus. *Ma-*  
*num suam aperuit inopi, & palmas suas ex-*  
*tendit ad pauperem.*

## CAPUT V.

*De Confessario liberorum seu filiorum-*  
*familias*

**N**osse oportet Confessarium horum  
obligationes, bona, & jura, inde-  
que judicare de eorum peccatis.

### QUÆSTIO I.

*Quæ sint obligationes liberorum erga pa-*  
*rentes, eorumque peccata specialia*  
*contra pietatem?*

137.  
*Obligatio-*  
*nes.*

**R**esp. Liberi debent parentibus amo-  
rem, reverentiam & obedientiam.  
Ratio est, quia sicut rectus ordo in  
Republica rationalis creaturæ, lexque  
naturæ exigit, ut parentes proles suas  
ament, iisque procurent, quæ ad corpo-  
ris & animæ salutem necessaria sunt;  
sic pariter exigit, ut hæ parentes suos,  
à quibus post Deum vitam, educatio-  
nem & sustentationem habent, ament,  
adjuvent, revereantur, iisque saltem,  
quamdiu iis subsunt, & in patria sunt  
potestate constitutæ, obediant. Unde  
peccant graviter.

Pri.

Primò. Si pauperibus parentibus, se alere honestè non valentibus, non subministrarent alimenta & necessaria: si parentes in infirmitate negligant, à carcere non liberent, dum possunt: si simulent, se pauperes parentes non noscere cum gravi eorum mærore; secus tamen, si iis providerent, & ex gravi rationabili causa exterius tantum dissimularent; tunc enim ad tempus parentes non possent esse rationabiliter inviti. 2. Si à testamento, piisque legatis faciendis vi, vel dolo impediant, vel eorum testamenta & legata non impleant: si defunctis pro more Christiano non succurrant, &c. 3. Si iis signa odii ostendant, & asperè eos tractent, vel torvo semper vultu intueantur, ac si odio haberent; si verbis contumeliosis, vel quibus sciunt graviter offendendos. afficiant: si maledicta, vel convitia in eos conjiciant: si eos percutiant, vel ad percutiendos manum attollant; nisi tamen id necessarium esset, ad vitam vel integritatem membrorum conservandam. Si sint causa, ut meritò graviter contristentur; si grave illis malum v. gr. mortem optent, vel de ea secuta deliberatè gaudeant contra ordinem charitatis: si eos in iudicio de crimine etiam vero accusent: excipe, nisi crimen esset hæresis, proditiōisve, aut conjurationis in Principem, aliterque impediri



228 *Neo-Confessarius practicè instructus*  
non posset; tunc enim bonum publicum  
privato præferendum est. 4. si in re gra-  
vi spectante ad mores, animæ salutem,  
& gubernationem domûs parentes non  
audiant, vel contra voluntatem eorum  
cum persona indigna contrahant matri-  
monium, ex quo juxta morem patriæ  
grave dedecus sequatur familiæ, vel il-  
lud ineant inconsultis parentibus in iis  
circumstantiis, in quibus meritò gravi-  
ter offendi possunt: licet enim liberi non  
subsint parentibus quoad electionem sta-  
tus, nec teneantur obedire, ubi sine ra-  
tionabili causa dissentiant; decens tamen  
est, ut parentes consulant. Denique  
graviter peccant per omnem rebellio-  
nem, contumaciam contra expressa pa-  
rentum mandata; nisi materiæ levitas,  
vel indifferentia, aut negligentia aliqua  
humanæ fragilitatis, aut defectus omnis  
contemptus mandati excuset. Ratio  
horum omnium est, quia pietas erga pa-  
rentes in materia gravi per se obligat li-  
beros sub mortali. *Dixi per se:* quia  
per accidens quandoque à mortali excu-  
sari possunt v. g. ratione ætatis, infir-  
mitatis, judicii obtusi, educationis, &c.  
ita ut parentes rationabiliter non possint  
graviter offendi. Hinc si in genere se  
quis accuset de inobedientiâ vel irreve-  
rentiâ contra parentes, spectanda est in-  
doles, & ætas poenitentis, sique ætas  
si

*Quando-  
nam gra-  
via.*

fit exigua; supponi potest delictum non esse grave; si autem sit notabilis, & indoles notetur audax; interrogandus est de modo irreverentiæ, & materia inobedientiæ: quæ enim respectu aliorum in materia odii, contumeliæ, malevolentiae, contemptus sunt mediocria, respectu parentum filiis sunt gravia: quia his illi sunt proximi post Deum, Cæterum mos & æstimatio gentis etiam mensura sunt irreverentiæ filiorum contra parentes. Quodd, si filius dubitaret, an causa, aliquid faciendi vel omittendi, quo parens graviter affligi posset, sit iusta, tenetur abstinere; quia possessio est pro parente: imo licet certò constaret, exacerbationem parentis oriri ex malevolentia, aut pravo humore ejus; adhuc pietas exigeret, ut omnem, quoad potest, ejus exacerbandi occasionem fugeret. Si tamen citra filii prævisionem oriretur exacerbatio, ipsi non imputaretur.

## QUÆSTIO II.

*Quæ sint filiorum bona & jura, eorūque peccata contra justitiam?*

**R**esp. Bona filiorum quadruplicia esse possunt, nempe castrensia, quasi castrensia, adventitia, & profectitia. *Bona castrensia*  
Castrensia sunt illa omnia, quæ filius ac-  
quiret castrorum, seu militiæ causâ, ut e-  
quus, *strensia*  
*plene per-*  
*tinent ad*  
*filium.*



230 *Neo-Confessarius practicè instructus.*  
quus, & reliqua omnia, quæ eunti ad  
militiam donantur à patre, aut alio. I-  
tem, quæ acquirit ratione militiæ, ut sunt  
stipendia, spolia, & quæ ex memoratis  
bonis proveniunt, Horum dominium  
plenum, liberamque sine consensu pa-  
tris dispositionem habet filius; si tamen  
pubes non esset, id est, annum decimum  
quartum non complevisset; de iis dispo-  
nere, & testari non posset, ne privilegi-  
um cedat in detrimentum infirmæ ad-  
huc ætatis.

140. Quasi castrensia sunt, quæ filio do-  
*Item quasi* nata sunt à Principe, vel acquisita per  
*castrensia.* officium publicum non mechanicum, ut  
judicis, advocati, medici, professoris sci-  
entiæ liberalis; vel ex officio Clericali,  
aut beneficio Ecclesiastico; Item donata  
à patre pro titulo ordinationis. Ho-  
rum dominium & dispositionem habet  
filius, non secus ac castrensium. Titulus  
tamen ordinationis probabilius venit in  
divisionem bonorum, quia censetur le-  
gitima.

141. Adventitia sunt, quæ aliunde absque  
*Adventi-* intuitu patris saltem principaliter filio  
*tia tan-* adhuc sub patria potestate constituto  
*tum quoad* adveniunt v. gr. per testamentum, aut  
*dominium* alio modo, à matre, avis, vel consangui-  
*directum.* neis maternis, aut extraneis; vel ex pri-  
vata propria industria & labore, famu-  
latu apud externos, & negotiatione, de  
pro-

proprio peculio suis sumptibus vivente, opera extraordinaria, vel fortuito, v. g. inventione thesauri, vel ex donatione, intuitu quidem patris facta sed principaliter ex affectu erga ipsum filium. Horum dominium ad filium pertinet; usus-fructus verò, quamdiu filius est sub patria potestate, ad patrem, & hinc mortuo patre non sunt in alios dividenda, sique, uti res consumptibiles, fuissent consumpta; filio sunt in æquivalenti restituenda. Idem est de castrensibus, & quasi castrensibus.

Profectitia sunt bona à prioribus distincta, quæ filio obveniunt ex donatione facta principaliter intuitu patris, & quæ filius acquirit ex bonis paternis, v. g. ea ad administrando, iis nomine patris negotiando. Horum proprietas & usus-fructus spectat ad patrem; proinde hoc mortuo in omnes hæredes sunt dividenda: si tamen filius etiam clam negotiaretur pecuniâ patris nomine suo, suscepto in se ejus periculo & damno, lucrum esset adventitium, quia sic pecuniâ velut suâ negotiaretur. Unde

142.

*Profectitia plenè pertinent*

*Infero* I. Peccat filius contra justitiam, & tenetur, per se loquendo ad restitutionem, si sub patria potestate constitutus, de bonis adventitiis, vel provenientibus ex illis, aliquid expendat, donet, vel alia ratione alienet contra voluntatem patris;

143.

*Quid, si filius aliquid alienet de adventitiis?*



232 *Neo-Confessarius practicè instructus.*  
patris; quia ususfructus illorum pertinet ad patrem. Item, si de bonis profectitiis, aut aliis bonis patris, vel eis damnum grave inferat; quia horum & proprietas, & ususfructus spectat ad patrem. Dixi: *per se loquendo*, nam 1. Non tenetur, si pater condonet, aut prudenter præsumatur condonaturus, si rogaretur; etsi filius præ verecundia rogare non audeat. Præsumitur autem condonaturus, si pater sit liberalis, & magno affectu feratur in filium. 2. Si pater sciat, & non exigat; & raro, inquit *Layman*, censetur pater tam severus, ut damnum passus in bonis filii adventitiis reparari ab eo id velit. 3. Si damnum sit leve. 4. Si bona sint donata vel legata filio ea conditione, ut ipse solus ususfructum habeat, vel legatus filio sit solus ususfructus: quia super hunc alius ususfructus constitui non potest. 5. Si filius cum patre, vel eo invito adeat hæreditatem. Ratio est, quia in his potestremis casibus ususfructus spectat ad filium; hic tamen si sit impubes, nihil de bonis suis pro foro externo alienare potest; uti nec pubes sine consensu patris ad profanas causas testari potest; nisi de bonis castrensibus, vel quasi castrensibus. Dixi: *pro foro externo*: nam, si impubes ratione præditus tibi donaret de bonis, quorum dominium & administrationem habet,

habet, licitè id retineres, donec repetatur.

*Infero II.* Si filius rem gravem subducatur, quam putatur rationabiliter pater Aut patri non negaturus, si filius peteret, non peccat quid subducatur. graviter; secus, si putetur rationabiliter negaturus, aut invitus esse; ut, si subduceret ad lusus vetitos, compotationes, luxum, &c. Ratio est, quia in hoc casu pater est invitus quoad substantiam; in primo autem tantum quoad modum. Quæ quantitas, respectu filii, patri aliquid furripientis, sit gravis, non potest unâ regulâ definiri, sed spectari debet parentum status, facultates, affectus in liberos, multitudo prolium, finis, ad quem accipitur. Si enim parentes sint divites, liberales in suos, si accipiatur ad usus honestos, paucae sint proles, parentes sunt minus inviti, saltem quoad substantiam, quam si sint mediocris fortunæ, parci, multas habeant proles, vel accipiatur ad usus inhonestos. Hæc omnia diligenter consideranda sunt, ne vel nimis faciliè filiis ingeratur conscientia peccati mortalis, vel laxentur habendæ ad furandum. Rectè docent *Laym.* Et *Molina*, filium in Academia, vel Aula Principis versantem posse vigesimam partem pecuniæ submissæ à parentibus impendere in recreationes honestas, elemosynas, donationes: quia id pertinet



234 *Neo-Confessarius practice instructus.*  
net ad honestam sustentationem; cen-  
setur pater id permittere universim.  
Summa gravis videtur dicenda, cujus a-  
blatio, spectatis omnibus jam recensitis,  
merito ad gravem offensam patrem mo-  
veret, id quod bene notandum.

145. *Infero* III. Peccat filius-familias, si a-  
*Vel clam* liquid de lucro; quod in domo patris o-  
*quid acci-* pera ordinaria laborans: v. gr. agricultu-  
*piat pro* ram exercendo, aut nomine patris v. g.  
*mercede* mercatoris, cauponis, negotiando acqui-  
*sui labo-* rit, sibi retineat sine consensu, vel contra-  
*ris in do-* ctu cum patre tanquam salarium. Rati-  
*mo pa-* o est, quia jura apud *Laym. l. 3. Tr. 4.*  
*tris?* *c. 8. num. 12.* volunt, omnia acquiri  
Patri, quæ filius in domo patris la-  
borans lucratur, & merito; quia sic pro-  
videtur liberis omnibus tam infirmis  
& debilibus, quàm sanis & validis, lités-  
que vitantur. Neque consuetudo habet,  
ut filius à parente exigat salarium in e-  
jusmodi labore, cùm victum & vestitum  
à patre habeat, & addiscat sibi necessa-  
ria acquirere. Deinde, etsi plures apud  
*La Croix l. 3. p. 2. num. 1034.* putent  
filio in domo patris laboranti deberi sa-  
larium, eò quod sit velut socius nego-  
tiationis, nec debeat esse deterioris con-  
ditionis, quàm famulus, vel extraneus  
ad lucrum concurrens, præsertim, si alii  
parùm aut nihil laborent, aut ad lucrum  
conferant; non potest tamen clam sibi

refer-

reservare salarium, quia non licet occultata compensatio, nisi habenti jus certum; jus autem filii ad salarium, nisi cum patre de parte lucri contraxerit, certum non est, tum propter jam dicta; tum quia, si vellet cum patre contrahere, posset eum pater repellere, ei valenti se alere, victum negare, & uti alterius opera. Tum etiam, ut advertit *Molina Tr. 2.d. 234.* gestor negotiorum, quando præsens est ille, cujus negotium gerit, non potest petere salarium, de quo mentionem non fecit, sed censetur facere gratis, proinde in præsenti non est consensus patris in salarium, nisi contractus intervenierit. Hinc si filius, defunctis jam parentibus, prætendat plus in divisione hæreditatis, timensque, ne ab aliis id sibi negetur, velit occultare aliqua, & sibi reservare, eò quòd parentes senes sustentare, rem domesticam administrare, conservare debuerit, aut etiam auxerit; dum interim fratres, & sorores matrimonio juncti sua curarunt, aut alibi lucrum fecerunt; bene expendenda sunt omnia: nam fortè & alii in domo paterna ante ipsum laborarunt, & parentibus adfuerunt auxilio, idque absque salario: ipse victum & vestitum ex bonis parentum habuit diutius, quam alii, &c. Si æquum, consideratis omnibus, videatur, ut compensetur ipsi labor parentum sustent-



236 *Neo-Confessarius practice instructus.*  
stentationi, bonisque administrandis im-  
pensis major, eò quòd plus fecerit: quàm  
alii; interrogetur, an pater promiserit ei  
compensationem curæ majoris? Si ita,  
compensanda est iudicio prudentum: si  
non, conveniat cum fratribus, audito a-  
liorum consilio, ut fiat, quod æquum est:  
permittere enim, ut talis sibi compen-  
sationem taxet, nimis periculosum est.  
Putat *Layman* & alii ob sententiam op-  
positam tenentium, deberi filio salari-  
um, posse Confessarium mitius agere, ut  
non obliget ad restitutionem, si filius jam  
subdlexerit compensationem, modo non  
sit iusto major, certòque plus lucratus  
sit parentibus, quàm alii.

Dixi 1. *Opera ordinaria*: nam, quæ  
lucratur opera extraordinaria, bonis  
adventitiis annumerantur, adeoque licet  
peccet patri non concedendo usumfru-  
ctum; posset tamen facilius quandoque  
excusari ob pericula non accipiendi po-  
stea, quod ipsi præ cæteris debetur. De-  
nique censet *Layman*, posse filium ex o-  
peris artificialibus in domo patris exige-  
re salarium, deductis tamen expensis,  
quas pater ipsi sustentando impendit.  
Rationem dat, quia filius, nisi pater se  
alere non posset, potest è domo paterna  
discedere, ut artem discat vel quodvis  
honestum vitæ genus amplectatur, ergo  
etiam, ut alteri operam suam locet, &  
lu-

lucratur. *Ant.* probat, quia alias servilis conditionis efficeretur, & velut in perpetuo carcere in domo paterna detineri posset. At, nisi contractus saltem tacitus intervenerit, censetur laborare gratis.

Dixi 2. *Filius-Familias*, id est, sub patria potestate constitutus; nam, si hac sit liber, v. gr. per mortem naturalem vel civilem patris, avo paterno non superstitē vel lapsum patris in hæresin, aut emancipationem coram iudice, vel susceptionem presbyteratus, aut contractum matrimonii, quæ lucratur, sibi acquirit.

*Infero* IV. Quæ filius invito patre subduxit injustè, tenetur mortuo patre in divisione hæreditatis subtrahere suæ parti; quia justitia exigit, ut alii coheredes servantur indemnes, & æqualitas reducatur. Excipe, nisi alii tantundem subduxissent, aut id scientes non exigent, vel pater in vivis remisisset; vel denique solus esset hæres; quo casu solus quoque teneretur solvere patris debita: quanquam non ultra vires hæreditatis, idque in foro conscientiæ; etsi inventarium non fecisset. Similiter in divisione hæreditatis subtrahenda sunt, quæ præter necessaria alimenta necessariò proli alicui pater impendit, ut sunt data in dotem ob nuptias, ordines, ingressum religionis, per professionem, ad liberandum filium ex carcere, in quem ob delictum

146.

Quæ venire debeant in divisionem hæreditatis?



238 *Neo-Confessarius practicè instructus.*  
lictum conjectus fuit; nisi pater expref-  
ferit, non esse subtrahenda. Ratio est  
quia pater censetur ista dedisse, quia de-  
buit, & de portione prolis; data verò  
pro alimentis in studiis, pro addiscenda  
vel profitenda arte etsi mechanicâ, pro  
convivio Doctorali, vel nuptiali, in pri-  
ma Missa, primo ingressu in religionem,  
reducuntur ad alimenta: quia hæc spe-  
ctant ad decentem sustentationem, &  
honorem patris.

147.  
*Admoni-  
tio filio-  
rum, &  
instructio?*

**P**rimò. Si filius (idem est de filia)  
se accusarit de inobedientia erga  
parentes, dicatur illi, ut meminerit, quan-  
ta tulerint, fecerintque pro liberis, quot  
noctes duxerint insomnes, quot molesti-  
as adhuc sustineant, ut eos honestè a-  
lant, iisque in futurum provideant, in-  
dignum esse eas augeri à liberis, à qui-  
bus nunc auxilium & solatium exspe-  
ctant. Nunquid vis manducare cum pa-  
rentibus? Nunquid vis esse hæres eo-  
rum? An ergo non decens, ut simul la-  
bores, & obtemperes? Mandat Deus, ut  
parentibus obedias, si iis sis inobediens,  
Deo es inobediens; quomodo ergo ab  
eo benedictionem expectabis? 2. Si gra-  
viter offendisset parentes suâ inobedi-  
entiâ aut eorum honorem imprecando,  
vel aliò modò læsisset, jubeatur redux  
domum veniam petere, & emendatio-

nem promittere; vel, si hoc videretur  
difficulus facturus, suavis verbis, &  
& promptis obsequiis debito suo satisfac-  
cere, & eos sibi conciliare. 3. Si putet  
filius se à parente durius tractari, & a-  
lium foveri ab ipso, petatur, an is sit for-  
tè magis reverens erga parentem, si ita,  
faciat ipse similiter; si non, conetur ipse  
in omnibus gratificari parentibus, & fu-  
turum, ut non minùs ametur. Amor er-  
ga unum ex liberis v. gr. juniorem, est  
quandoque magis tener, non ideo natu-  
major minùs amatur. Ad alterum, si pa-  
rens asperius eum habeat, jubeatur aut  
tacere, aut benignè & reverenter respon-  
dere; sic vincet, & emolliet parentis a-  
nimum, sique ad tempus patiendum sit,  
patientiam Deus multiplici benedictio-  
ne coronabit, &c. 4. Si queratur, & pro  
excusatione inobedientiæ aut irreveren-  
tiæ referat, parentem rei domesticæ non  
bene præesse, potitare, sua dilapidare;  
moneatur, ut eò diligentius rebus suis  
invigilet, patre ebrio fileat, sobrium &  
bene dispositum benignè & reverenter  
moneat, & roget, ut suis, sibique consu-  
lat, vel curet per virum prudentem, v. gr.  
Pastorem, aliúmve amicum patrem ad  
meliora reduci; Deúmque sæpe pro eo  
oret, quæque, omnibus adhibitis, emen-  
dare non potest, patienter ferat, sibique  
certò persuadeat in præmium patientiæ  
bene-



240 *Neo-Confessarius practice instructus.*  
benedictionem in terris, & gloriam da-  
turum in coelis Deum.

## CAPUT VI.

*De Confessario Superiorum, & Subdi-  
torum.*

### QUÆSTIO I.

*Quæ sunt speciales obligationes, & pecca-  
ta Herorum, seu Dominorum?*

148. *Obligati-  
ones He-  
rorum.* **R**esp. I. Heri, aliique Superiores te-  
nentur habere curam famulorum,  
& subditorum suorum, iisque præstare,  
ad quæ vi contractus seu taciti, seu ex-  
pressi sese obligarunt; ait enim Apostol.  
1. Timothi. c. 5. *Si quis suorum maxime  
domesticorum curam non habet, fidem ne-  
gavit, & est infideli deterior.* Ratio au-  
tem est, tum, quia sunt loco parentum,  
caputque suorum morale, tum, quia ju-  
stitia exigit, ut, de quibus contraxerunt,  
serventur. Unde

149. *Peccata  
Herorum.* 1. Peccant Heri, si non curent, ut  
præcepta Dei & Ecclesiæ observent fa-  
muli & famulæ: si non impediant eos  
ab occasione peccandi, & pericula ab  
eis non avertant, quantum in ipsis est:  
si delinquentes non corrigant: si negli-  
gentes necessaria ad salutem non mo-  
neant: vel ad ea addiscenda non addu-  
cant.

2. Si

2. Si non dent iis convenientia ali-Salarium  
menta, & mercedem justam, nec eam, si *justum tri-*  
fidoliter serviverint, tempore consveto; *plex.*  
nisi in dilationem famulantes consenti-  
ant. Est autem merces justa, quæ spe-  
ctatis circumstantiis loci, temporis, ac  
pro tali ministerio ejusmodi hominibus  
pendi solet; estque triplex: alia summa,  
alia media, alia infima. Minus quam  
hanc, dominus famulo dare licitè non  
potest, etsi hic esset pauper, aut res ar-  
bitrio domini sine conventionem explici-  
tè fuisset relicta; nisi fortè ministerium  
esset tale, pro quo nihil exigi, darique  
soleat, præter honestam sustentationem,  
victumque convenientem; vel Herus a-  
liquem reciperet potius misericordiæ,  
quàm obsequii causâ, hocque illi indi-  
caret. Cæterum sicut copia mercium  
sæpe imminuit earum pretium; sic copia  
famulantium horum salarium, ita ut  
modò justum sit, quod aliàs justum non  
fuisset.

3. Si famulos antè tempus sine justa  
causa, ex parte eorum se tenente, ex  
servitio dimittant, aut ita tractent, ut  
cogantur antè discedere. Atque in hoc  
utroque casu tenentur solvere mercedem  
integram, per se loquendo, & servare  
indemnes.

4. Si negent salarium, vel ejus par-  
tem, quia nolunt, vel non possunt eorum  
R. P. Reuter Neo-Conf. Q tem,



242 *Neo-Confessarius practicè instructus.*  
operâ uti: v. g. quia Heri sunt infirmi,  
aut aliundè impediti; nisi aliter conven-  
tum sit; quia, cùm per famulos non stet,  
quo minùs operam suam præstent; potiùs  
Heri ex casu fortuito, quam famuli  
innocentes damnum ferre debent. In  
hoc casu, si famulus locaret operam su-  
am alteri ad tempus, stipendium pro ea  
cederet domino impedito, quia opera il-  
lius temporis illi debebatur, ergo & præ-  
tium ejus; neque damnum pateretur  
famulus, quod compensari deberet. *La*  
*Croix l. 3. p. 2. n. 1050. Laym. l. 3. Tr. 4.*  
*c. 22.* Quod si Herus monuisset, vel im-  
perâsset famulo, ut interim operam su-  
am locaret alteri, & hic id neglexisset,  
detrahi famulo posset, quantum domino  
decedit. Putat *Lessius* quòd libertas se  
locandi interim alteri, famulo concessa,  
sit pretiò æstimabilis, adeoque aliquid  
pro ea, si alteri non se locârit, posset de-  
trahi, at libertas illa, ut rectè *Molina*,  
est parùm æstimabilis.

5. Si famulis ægrotantibus pro con-  
suetudine loci ad breve saltem tempus  
non dent alimenta; quia, si consuetudo  
ita habet, tacitè ad id in conductione fa-  
mulorum se obligârunt; quibus tamen  
infirmis non tenenturolvere medicinas,  
imò si conductus, v. gr. ad annum, æ-  
grotaret diu, v. gr. ad duos vel tres men-

ses, de rigore Herus nec alimenta tam-  
diu, nec totum salarium, sed pro rata  
temporis tantum dare teneretur. Hic  
quando graviter, quando leviter tantum  
peccent Heri, determinandum est ex  
gravitate vel levitate materiae, uti in al-  
liis injuriis. Caeterum non peccant He-  
ri timendo, & invigilando, ne à famulis  
defraudentur, quia timor fundatur in pe-  
riculo communi.

**S**I circumstantiae id ferant, monendi  
sunt domini, ut suae obligationi sa-  
tisfaciant, famulantes benignè tractent,  
non appellent verbis contumeliosis, eo-  
rumque errata corrigant, leviora quando-  
que dissimulent, memores humanae fra-  
gilitatis. Eorumque famae consulant,  
nec defectus aut vitia divulgant, nisi for-  
tè charitas postulare revelari alteri, cui  
suam operam deinceps vellent addicere;  
quo etiam casu plus non foret dicendum,  
quam conducat ad cautelam Heri futuri.

150.  
*Admoni-  
tio Heris  
danda.*

## Q U A E S T I O I I.

*Quae sint obligationes famulantium?*

**R**esp. Tenentur primò obedire Heris  
suis in iis, quae spectant ad bonos  
mores, & ad quae se obligarunt vi con-  
tractus. 2. Praestare fidele obsequium  
Heris suis, quale ordinariè ab ejusmodi  
exigi & praestari solet. 3. Illud autem,  
et si possit esse exactissimum, quale so-

151.  
*Famulo-  
rum obli-  
gationes.*



244 *Neo-Confessarius praevidere instructus.*  
lent diligentissimi, vel medium seu exa-  
ctius, quale solent exhibere diligentio-  
res; satisfaciunt tamen suae obligationi,  
nisi aliter conventum sit, si praestent  
infimum, justum, seu quale solent prae-  
stare diligentes, ita ut non vergat in de-  
fidiam. 4. Manere in obsequio domino-  
rum tempore, de quo conventum est,  
nisi causa interveniat, ex qua pro con-  
suetudine loci liceat discedere. 5. Non  
uti, vel distrahere res dominorum ipsis  
rationabiliter invitis, caveréque eorum  
damna pro ratione officii sui. Unde de-  
duco.

152.  
*Specialia*  
*famulo-*  
*rum pec-*  
*cata. Pec-*  
*cat primò*  
*famulus, si*  
*negli-*  
*gens.*

1. Peccat famulus, si negligens sit, &  
servitium justum; saltem infimum prae-  
stare omittat. Et in hoc casu tenetur  
domino de damno emergente, & lucro  
cessante; uti si ante tempus sine justa  
causa discedat, aut relicto ante serviti-  
um famulus, si non redeat; si dominus tamen nullum  
indè damnum pateretur, non posset fa-  
mulo ante sententiam judicis negare  
totum salarium, quia dignus est opera-  
rius mercede sua, pro tempore, quo la-  
boravit, *Lugo de justitia d. 29. n. 56.* Idem  
dicendum, si famulum redeuntem, uti  
non tenetur, nollet recipere. Vide tamen  
*Schmaltzgruber l. 2. Tr. 18. n. 69.*

2. Si da- 2. Si non impediat damna domini  
una non sui: & quidem semper peccat contra cha-

rita

ritatem, cum facile, & sine gravi incommoditate, modo potest; contra iustitiam autem, & cum obligatione restituendi in defectu aliorum, si damna non impediat in iis, quæ ipsi specialiter sunt commissæ; ut, si cui commissæ esset cella, granarium, vel penus, vel hortus, aut culina, vel tota domus: hic enim teneretur de damnis, quæ ejus culpa sunt illata, vel ab ipso non impedita, cum impediri potuissent. Si autem non impediat in iis, quæ ipsi specialiter commissæ non sunt, etsi, ut dixi, peccari possit contra Charitatem; probabiliter tamen non peccat contra iustitiam, adeoque ad restitutionem non tenetur; quia illa obligatio nimis difficilem redderet famulatum, adeoque non videtur imposita. Admittunt hoc omnes, si damna inferentur à domesticis: negant verò *Lugo, Tamb. La Croix*, si ab extraneis inferentur in rebus dominorum, circa quas solent occupari famuli, ut sunt res omnes domesticæ, fruges agrorum &c. eò quòd sit communis persuasio, videaturque esse juris gentium, quod cuilibet famulo res domini sui commissæ sit contra injurias externorum.

3. Si exigat salarium summo iusto majus; quanquam potest à domino liberali plus quam mereatur opera ejus admittere; quia sunt magnates, qui putant, ad decus suæ familiæ spectare, ut suis plus pendant.

Q3

4. Si

3. Si iusto plus exigat.



4. Si uta- 4. Si salario justo infimo, de quo pa-  
tur occul-ctus fuit, non contentus prætendat, se  
tâ com- plus mereri, & utatur occultâ compen-  
pensatio- satione, ordinariè peccat pro gravitate  
ne, non materiæ: nam ut occulta compensatio li-  
facile per- ceat, requiruntur hæ conditiones: Prima.  
mittenda Debitum debet esse justitiæ, idque cer-  
famulis. tum & nunc, vel saltem proximè præ-  
fens: quia in dubio, an alter mihi debeat, ipsum injustè privarem re suâ. 2da.  
Res, quæ accipitur, debet esse debitoris,  
& non alterius ipsi commodatæ, vel apud ipsum depositæ. 3tia, Res, quæ accipitur, si fieri possit, debet ejusdem esse speciei cum re mihi debitâ, ne dominus cogatur rem aliam cum mihi debitâ commutare: 4ta. Debet compensatio fieri sine damno debitoris, & tertii. 5ta. Debitum non debet posse facile impetrari aliâ viâ. Prima autem conditio, quæ præcipua est, rarò adest in famulis: hi enim sæpe amore lucri excœcati persvadent sibi, se minus justo accipere; dum interim essent alii, qui eadem mercede servirent. Caritas temporum sæpe imminuit salarium: hoc, quod illi decedit, non rarò compensatur per alios favores, instructionem, spem commodi, cujus intuitu ab initio renuntiârunt majori salario; &, quæ omnia, cum sæpe sint ignota, non permittenda famulis occulta compensatio, etsi dicant

cant, sibi esse evidens, quod justò minus accipiant; sed jubeantur dominis rem suam exponere, & cum illis convenire, ut aut plus accipiant, [aut permittantur] quærere alium dominum. Innocentius enim XI. damnavit hanc propositionem ordine 37mam: *Famuli, & famulae domesticæ possunt occultè Heris suis eripere ad compensandam operam suam, quam majorem judicant salario, quod recipiunt.* Hæc propositio, si vera foret, aperiret ostium furtis plurimis.

5. Si res domini, ipsò insciò, & rationabiliter invitò expendat etiam in bonum ejus: v. gr. si famulus equis, ut eos vegetos & pingves conservet, clam frumenti plus apponat, quàm velit dominus. Facilius tamen in tali casu excusabitur à mortali, & onere restitutionis, nisi in valde magna quantitate excessisset: quia totum cessit in bonum domini, qui & facilius præsumitur non exigere restitutionem. Sic & excusatur ancilla, si de accepta pro emendis pecunia, ubi minoris emit, partem restantem reservet, in bonum domus aliàs impendendam, ne à domina reprehendatur, ubi carius emendum erit; quia talem injustam reprehensionem subire non tenetur. *La Croix l. 3. p. 1. n. 1043*

5. Si res Domini expendat, ipsò invitò, etiam in bonum domini.

6. Si in itineribus vel negotiis pro Hero gestis plus consummat, quam necesse sit, plus

6. Si juro sit, consummat.



fit, Herusque permiserit; quia heri censentur tantum consentire in sumptus honestos & necessarios.

*7. Si emens nomine domini pretio detractum retineat.*

7. Si missus, ut quid emat, id sibi emat, Heroque dein vendat carius; quia tenebatur nomine Heri emere, hinc & tenetur ad restitutionem. Idem est, si rigide mercetur, detractamque de pretio communi pecuniam sibi retineat; quia illa manet sub dominio domini; neque sibi eam pro industria extraordinaria appropriare potest; quia emit nomine Heri, quia ex iustitia ipsi nihil debet pro industria, quam non exegit, sed famulus liberè, posuit. Idem dicendum est, si iussus pretio ab Hero taxatò emere, minoris emit: vel vendere, pluris vendit, quòdque superat taxam, retineat; quia Herus censetur pretium taxasse, ne pluris emeret, vel minoris venderet.

*8. Si pecuniam aliteri damnam pro damno avertendo retineant.*

8. Si accepta ab Hero pecunià missus, ut eam offerendo, alium averteret à damno, Hero inferendo, alium verbis bonis avertat & retineat pecuniam. Ratio est, quia primariò missus est, ut nomine Heri damnum averteret, nec voluntas Heri fuit, ut offerret pecuniam, si aliter averti posset; sique putavit aliter placari non posse, error fuit, & ex hoc pecuniam tradidit famulo.

*Quid, si mutet pecuniam?*

9. Si famulus ab Hero accepisset 300. nummos aureos, ut certo creditori deditur.

bitum  
lucro  
solvi  
quia  
ne He  
nomin  
preste  
tradi  
crum  
obtin  
retur,  
sine da  
fulcipe  
cum p  
fuit e  
set ta  
pecca  
mino  
id æg  
tamen  
flor p  
quia r  
tis do  
ro,  
in nom  
ejus,  
debet  
deret  
censer  
solven  
hujus  
Croix  
bi-

bitum exsolvat, & commutet illos cum lucro in aliam monetam, debitumque solvat, non peccaret lucrum retinendo; quia pecuniam non commutavit nomine Heri, sed lucrum est fructus industriæ nomine famuli positæ. Excipe, nisi expressè dominus voluisset illas pecunias tradi creditori, aut sibi reservasset lucrum, vel potuisset ideo à creditore plus obtinere. Similiter, si Quæstor negotiaretur, dominò insciò, cum ejus pecunia sine damno domini, periculúmque in se fusciperet, posset lucrum retinere; quia, cum pecunia de se non sit frugifera, fructus ex ea censetur esse industriæ, posset tamen & in hoc, & in priori casu peccari leviter contra observantiam domino debitam, uti, si meritò crederetur id ægrè laturus, si sciret. Non videtur tamen graviter contra justitiam Quæstor peccare, etsi dominus prohibuisset, quia non læderet graviter jus proprietatis domini.

10. Si famulus ab Hero missus, ut Heri nomine recipiat pecuniam à debitore ejus, eam permutet, peccat, & lucrum debet dare Hero; quia eo ipso, quod traderetur famulo, erat pecunia Heri, qui censetur habere illam; pecunia autem solvenda creditori in priori casu necdum hujus erat. Vide alium casum apud *La Croix l. 3. p. I. n. 1047.*



*Quid de  
esculentis?*

11. Peccant graviter famuli, & ancillæ, si esculenta in notabili quantitate extraneis vendant, vel donent; quia domini sunt graviter invitati quo ad substantiam; quod patet ex eo, quod graviter indignentur, id rescientes, detrahant partem salarii, & quandoque ex domo dimittant, & meritò; quia illa licentia magnis damnis exponit dominos, & famulos pervertit, ut inter quisquilias numerent, quæ reservanda sunt mensæ familiæ. Peccant quoque, si cibos de mensa sua residuos vendant, aut donent extraneis; quia meritò censentur domini invitati, si tamen cibi ordinarii non pretiosi, nec ad alteram mensam reservari soliti, darentur pauperibus, qui quandoque juvant in laboribus domesticis, excusarentur à culpa saltem gravi; quia domini non censentur ita rationabiliter invitati, saltem quoad substantiam, utpote talibus obligari, saltem ex charitate, vel gratitudine, imò si cibi essent corumpendi, vel porcis obijciendi, vel Hera parvissimè remuneraret operas externorum, non peccaret ancilla, moderatè illos pro bono domûs in pauperes collaborantes erogando.

12. Si accipiant famulantes victualia pretiosa, vel recludi solita, aut ipsis non dari solita, eaque absumant, peccant pro gravitate materiæ; nisi domini hic &

& nunc prudenter præsumantur contenti. Si autem accipiant victualia non pretiosa, quæque statum illorum non excedunt omninò, nec recludi solent, & domini id rescientes, non contradicant, aut rogati faciliè concedant, signum est, non esse invitos quoad substantiam. Sciunt, inquit *Lugo de jure & justit. disp. 34. n. 78.* non posse expectari à famulis, ut de rebus, quas tractant, nihil manibus adhæreat. Non est tamen hic laxanda famulantium libertas, sed potius restringenda, ne in abusum abeat, monendique sunt, ut Heros suos aliquando interrogent, quid sibi liceat in iis: quia quandoque sibi persuadent licere; quæ non licent: v. g. putat ancilla, vel famulus pistoris, sibi licere mane pro jentaculo accipere similaginem, insciò Herò, quod jentaculum sibi debeatur; at faciliè errare potest, nisi intellexerit voluntatem Heri sui; qui fortè volet suos esse contentos aliò jentaculò. Et quanquam censet *Lessius* furta minuta famulorum ex commestibilibus ordinariis, quæ famulis dari solent, nec recluduntur, non coalescere ad constituendum unum graves; id tamen non extendendum est ad alia, v. gr. vinum in cella, vel panes, qui venales prostare solent, præsertim, si damnum successivè valde grave inferatur.

13. Peccant, si dent pauperibus eleē. *Quid si det, mosy-*



*in sciò do-* mosynas, dominò rationabiliter invitò,  
*minò, eleè-* de bonis ejus; non tamen, si darent pau-  
*mosynas?* peri in extrema necessitate constituto,  
 vel, quod sibi subtrahunt in victu, pauci-  
 oribus contenti, & laboribus adhuc apti;  
 cavendum tamen, ne si sibi subtrahant  
 de prandio in gratiam pauperum, ideò  
 in coena plus absument; nec videntur  
 peccare, si dent modicum, & rarò, aut  
 dominus non possit esse rationabiliter  
 invitus, ut si res periret alioquin: nec  
 denique si prudenter præsumatur con-  
 sensus Domini, uti præsumitur, si famu-  
 lo sit commissa administratio.

14. Si ab Heris jussi, sine rationabili  
 causa, diebus festis laborent serviliter,  
 aut Missæ non intersint, ut vitent re-  
 prehensionem aliquam vel rixam; secùs,  
 si ob incommodum, judiciò prudentum,  
 grave; quia cùm hoc Ecclesia ad ista  
 non obligat. Quæ etiam illis permittit,  
 ut illis diebus vestes necessarias reficiant  
 à prandio, si aliis diebus id non possent,  
 aut non permittantur facere; &, ut Sa-  
 crum omittant, si debeant custodire pe-  
 cora, vel domum, ideoque Sacro inter-  
 esse non possint.

*Quid de*  
*famulan-*  
*te hæreti-*  
*cis?*

15. Si servitium addicant hæreticis,  
 dùm periculum probabile est perversio-  
 nis, aut sine pacto, ut permittantur servare  
 præcepta Dei, & Ecclesiæ: quia exponere  
 se periculo proximo, probabili incidendi in

*hære-*

hæresin, est intrinsicè malum, & nullò  
incommodò excusatur à peccato; unde,  
si hoc successu temporis ingrueret, dis-  
cedendum esset; pactum autem tale  
non adjicere, est se exponere periculo  
proximo, præcepta Ecclesiæ plerumque  
non observandi, ut sunt præcepta, die-  
bus festis audiendi Sacrum, non labo-  
randi serviliter, abstinendi à carnibus  
diebus vetitis; in horum autem valde  
frequenti violatione non excusantur, ni-  
si ob grave incommodum, quale foret,  
si non posset haberi dominus Catholicus,  
aut à quo non acciperet, nisi dimidium sa-  
larium. Aliud foret, si rarò impedi-  
rentur à Sacro, & aliud nihil obstaret;  
quia & à dominis Catholicis quandoque  
impediuntur. Si Singulis mensibus bis  
impedirentur ab auditione Sacri, impe-  
dimentum esset frequens, respectu an-  
ni, si tamen id secum ferret officium, v.gr.  
si deberet custodire pecora, excubias  
agere, in mari navigare longo tempore,  
tabellarium agere per loca hæretica; non  
obesset, quia talia etiam famulantes ap-  
ud Catholicos excusant. Qui ex legiti-  
ma causa famulatum addixit domino  
hæretico, eique apponerentur carnes di-  
ebus vetitis, non teneretur quidem so-  
lo pane esse contentus, sed posset vesci  
carnibus, cum protestatione tamen,  
quod ex necessitate faciat, ideoque per-  
mitta-



mittatur ab Ecclesia. Si tamen haberet unum ferculum esuriale præter panem, illicitè vesceretur carnibus quia famuli etiam apud Catholicos diebus esurialibus ejusmodi cibis debent esse contenti. Neq; excusat periculum irrisionis; sed necessitas: ita ut vita aliter non possit sustineri, & labor debitus peragi. Neque licet ex voluntate domini sui cooperari ad hæresin v.g. ministeria ad hæresin spectantia ordinare, &c. *La Croix l. 2. n. 108.*

*Vel cooperante  
ad malum?*

16. Peccant famuli si directè formaliter, aut moraliter proximè Heris suis cooperentur ad peccandum, v. gr. Si concubinam conducant, invitent ad actum turpem, literas ad eam deferant, quas sciunt turpem continere amorem; quia sic interpretativè vellent peccatum. Licet tamen possunt facere indifferentia, quæ remotè tantum se ad peccatum habent, & iis ex officio incumbunt v. gr. diebus vetitis coquere & apponere carnes, quia illa cooperatio est tantum remota, & famulantes ex officio debent ejusmodi obsequia dominis; qui, quod carnes commedant, ipsis, non fa nulo imputatur. Ex quo tamen nolim inferas, similia statim licere aliis, & à famulatu liberis. Nam caupo illicitè dat vinum se inebriaturis ex eo precisè, quod petatur, aut ipse sit cariturus lucro ex eo vino. Imò famulis non licet ea cooperatio,

ratio, quæ fit per actiones seorsim spectatas indifferentes quidem, quæ tamen collectivè sumptæ per se & propinquè conducunt ad peccatum. Vide damnatam 51. ab Innocentio XI.

**P**rimo. Monendi sunt famuli, & famulæ, ut Heris suis sint fideles obedientesque propter Deum, cujus auctoritate domini mandant; non divulgent, quæ domi sunt: apud externos suos Heros non contemnant, & alia, quæ præstare ex famulatu, & officio hominis Christiani debent, præstent. 153.

2. Si ancilla, vel famulus accusarit se de mendaciis, eo quod iussus à domino dixerit quandoque, dominum non esse domi, cum revera adesset; instruendus est, ut verbis utatur eò modò, quò vitetur mendacium. De quo in Theologia Morali. P. 2. à n. 239.

## QUÆSTIO II.

*Quæ sint Obligationes Pastorum, aut Parochorum, & specialia illorum peccata?*

**R**esp. I. Tenetur Parochus habere scientiam, & linguæ necessariæ notationem requisitam ad officio suo fungendum, quia obligatio faciendi involvit obligationem sciendi. Quod si quis bonâ fide suscepisset beneficium curatum, carens scientiâ requisitâ, nec posset se qualificari. 154.



256 *Neo-Confessarius practicè instructus.*  
lificare ad curam per se gerendam; per-  
mittit Tridentinum, illi Vicarium substi-  
tui, assignatâ illi parte fructuum, respon-  
dente oneribus, qui suppleat, modò sit  
honestæ vitæ; si autem talis imperitus  
turpiter & scandalosè viveret, vult mo-  
neri; & si non emendet, permittit pri-  
vari beneficiò.

*Sacerdo-  
tium, &  
professio  
fidei.*

2. Tenetur intra duos menses à die  
acceptæ pacificæ possessionis coram Or-  
dinario emittere professionem fidei, &  
obedientiam Papæ promittere.

3. Tenetur intra annum, nisi dispen-  
setur, aut impedimentum legitimum oc-  
currat, à die acceptæ pacificæ possessionis  
fieri sacerdos; aliàs ipso jure priva-  
tur beneficiò. Posset tamen necdum sa-  
cerdos suorum matrimonio assistere, &  
suscepto Diaconatu, etiam solemniter  
baptizare. *La Croix lib. 6. num. 276.*  
Id, quod ex commissione Parochi potest  
quivis Diaconus ex rationabili causa.

*Residentia*

4. Tenetur residere in Parochia, ità, ut  
ei non liceat intra annum ab ea abesse  
sine causa rationabili, & licentiâ Episco-  
pi ultra bimestre; alioquin peccat gravi-  
ter, teneturque fructus restituere respon-  
dentes illi tempori, & quidem totos juxta  
communioem, etiam ante sententiam  
judicis; ita enim statuit *Trident. sess. 23.  
c. 1. de Reformatione.* Putat tamen *Laym.  
lib. 4. Tract. 2. c. 6. num. 6.* non esse in

illo

illo rigore recepta verba Tridentini: ut teneatur ante sententiam declaratoriam judicis, si Ecclesiæ nullum sit damnum illatum. Probabile quoque est, quod docet Bonac. & alii, non teneri restituere, nisi fructus respondentes residentiæ neglectæ; quia cum Parochus fructus percipiat non tantum pro residentiæ, & oneribus illi annexis, sed etiam pro horis recitatis, aliisque officiis; hinc, si horas recitet, & alia officia per alium expleat, poterit fructus his respondentes percipere. Dixi 1. *Ultra bimestre*. Nam, si intra annum per duos tantum menses cum rationabili causa, sine licentia Episcopi absit, sine gravi damno suorum, non peccat graviter; quia non est per se malum, tantisper abesse; aliàs Tridentinum non permetteret dari licentiam; ex eo autem quod non petatur licentia, non est materia gravis peccati. Imò probabile est, quod pro absentia cum causa per bimestre tantum, nunc opus non sit licentiâ Episcopi; quia usu receptum est, ut ad brevem absentiam non petatur licentia, & Episcopi id scientes non contradicunt. Ita Nav. Bonac. alique multi. Sed securissimum est, sequi suæ diocesis consuetudinem; juxta quam si petenda non esset licentia; per bimestre tantum intra annum abesse sine causa, mortale non esse, docent Nav. Gartz. Bonac. R. P. Reuter Neo-Conf. R. Barbosa



258 *Neo-Confessarius practice instructus.*  
*Barbosa & alii*; quia talis absentia, etsi  
continua, videtur modica. Ad absentiam  
bimestrem per *Gartz.* jam sufficit quæ-  
cunque causa honesta, etiam recreation-  
nis tantum, quod tamen negat *Gobat*;  
quia Tridentinum videtur requirere ali-  
am causam æquam. Quod, si subitâ &  
evidente necessitate Episcopus adiri non  
posset, posset abire sine licentia: hōc e-  
nim casu Epiikia locum habet: neque  
hōc casu teneretur ad ullam restitutio-  
nem: uti nec, si per bimestre tantum  
ex causa abesset, quia restitutio tantum  
videtur imposita iis, qui peccant gravi-  
ter. Unde & potens petere licentiam, si  
sine hac abfuisset ultra bimestre, tene-  
retur tantum restituere fructus responden-  
tes tempori, quod superat bimestre; quia  
Tridentinum videtur permittere ablen-  
tiam ex causa per bimestre. Ex qua-  
cunque autem causa sit absens Paro-  
chus, debet substituere alium idoneum,  
qui potest esse vicinus Parochus. Ad ab-  
sentiam unius diei ferialis, dū nullus  
est infirmus, non esse opus alium sub-  
stituere, eo quod non sit morale peric-  
ulum necessitatis ejus præsentiæ, censet  
*Palao*. Tutius tamen est, requirere vi-  
cinum Parochum, ut pro quocunque ca-  
su talis absentiae suppleat, & monere Pa-  
rochianos, ut ipsum petant, si neces-  
tas ingruat. Dixi 2. *Ita, ut non possit ab-*  
*esse.*

*esse sine iusta causa*, qualis; ut possit abesse ultra duos menses, quadruplex assignatur à Tridentino, nempe rina. Christiana charitas, uti, si exigat gravis necessitas proximi. 2da. Urgens necessitas, ut gravis infirmitas corporis, compositio litis de juribus beneficii. 3tia. Obedientia. 4ta Evidens Ecclesiæ, vel Reipublicæ utilitas. Ob has licentiam dare potest Episcopus; non tamen, ut etiam studiorum causâ absit per septennium, vel quinquennium; etsi ideò aliqui Episcopi ad biennium dispensent. Causa tamen debet esse Episcopo cognita, & approbata: unde non sufficit licentia præsumpta, uti nec pro foro externo oretenus tantum data, etsi sic data sufficiat pro foro conscientiæ. Dixi 3. *Tenetur residere in Parochia*: non verò in domo Parochiali; quia sufficit quod suis sit præsens intra Parochiam, ita ut accessus ad eum pateat: unde non satisfacit, si resideat intra Parochiam in loco clauso, ita ut non detur omnibus accessus noctu, nec si distet à Parochia bis mille passus; licet alium suo loco relinquat, & singulis diebus festis & Dominicis Parochiam adeat; secus esset, si parum distaret: hoc enim pro nihilo reputatur. Similiter non obest continuæ residentiæ, si divertat ad viciniam, v. gr. ad funus, officium anniversarium, aut etiam recreationis causâ



eadem die reversurus: secus foret, si sæpè de nocte emaneret; quo casu, si dies discontinui superarent duos menses, fructus saltem non omnes faceret suos: si enim tempus bimestre esse deberent dies continui, posset quis mediò annò interpolatim abesse, sine obligatione restituendi fructus. Si habeat duas Ecclesias unitas, tenetur residere in loco dignioris: si non constet, quæ sit dignior, in frequentiori: si una sit in urbe, altera extra illam, debet residere in urbe, & alteri providere de ministro pro nocte in necessitate.

*Admini-  
strare de-  
bet sacra-  
menta.*

5. Tenetur Sacramenta administrare, quoties necesse est, aut Parochiani rationabiliter petunt. Unde tenetur 1.

Curare, ut nullus infans sine Baptismo decedat, ac proindè instruere obstetrices, ut sciant, in necessitate ritè conferre Baptismum; sique prudens dubium, aut suspicio sit de valore Baptismi ab aliis collati, sub conditione rebaptizare: quod ut, sicut oportet, exequatur, examinanda est obstetrix, quâ materiâ, quâ formâ sit usa: quæ pars corporis infantis sit abluta: quomodo processerit; an perturbatè & festinanter? an benè meminerit, formam totam esse prolatam; &c. Dein volentibus ex sola etiam devotione confiteri aut communicare, tenetur Parochus gratificari sub mortali, modò

non

non nimis frequenter petantur ea Sacramenta, & non sit alius, qui præbeat. Tempore pestis vel alterius morbi contagiosi, etiam cum periculo vitæ, tenetur Sacramenta ministrare suis. Unde peccat mortaliter, si tempore pestis, vel belli lateat, vel fugiat; nisi fortè cum licentia Episcopi idoneum substituat, qualem si habere nequeat, nequit beneficium resignare. Ratio est, quia, sicut miles pro prælio, sic ille pro tali necessitate conductus est, & bonus Pastor debet pro ovibus suis ponere animam suam. Hinc & peccat graviter, si per ejus negligentiam aliquis moriatur sine Sacramentis, ut, si scivit posse esse morale periculum mortis, & vel longe abest, vel per crapulam se ineptum reddidit ad succurrendum, vel noluit surgere, sicque infirmus mortuus est, aut periculum probabile fuit, ne sine Sacramentis moreretur; hinc novus Pastor initio curæ suæ, & quando ingruunt morbi contagiosi, vel, qui mentem solent citò evertere, edicat suis de cathedra, se diu noctuque præstò futurum ad Sacramenta necessaria administranda: proindè non vereantur noctu se advocare. Caveat quoque Pastor, ne nimis fidat viribus infirmi, & differat Sacramentum, imprimis poenitentiae; quia morbi, præsertim febres calidæ, mentem facile evertunt, ita, ut infirmi aut plane non,



262 *Neo-Confessarius practice instructus.*  
aut minus, veldubiè apti fiant ad Sa-  
cramentum Poenitentiae. Sed neque satis-  
facit suo officio Pastor, si suos Sacramen-  
tis jam munitos postmodum deferat &  
neque per se, neque per alium eos visi-  
tet: cum enim vicinioribus morti ma-  
ior instet à dæmone tentatio, & salutis  
periculum, maiorque corporis animique  
dejectio, tunc vel maximè tenetur Pa-  
rochus eorum saluti consulere.

6. Tenetur Parochus actualis, & resi-  
dens curam exercere per seipsum, si que  
cum commodè potest, exerceat semper  
per alium, peccat graviter: quia obligatio  
Parochi est personalis. Si tamen paro-  
chiani non sint inviti, eò quod alius æquè  
bene, aut melius præstanda, præstat, po-  
test alium adhibere etiam ad difficiliora  
quandoque, imò, & sæpe; quia tunc cen-  
setur facere per se, dum per alium æquè  
idoneum facit, & subditi sunt contenti.  
Dixi: *Pastor actualis*, Pastores enim ha-  
bituales tantum, seu per foundationem,  
privilegium aut consuetudinem liberi à  
cura per se exercendâ, quales sunt qui-  
dam Prælati, & Decani in Collegiatis,  
possunt officium Parochiale exercere per  
Sacellanos, vel Vicarios; debent tamen  
esse apti, ut per se possint, saltem in ne-  
cessitate curam exercere; quia *Trid. sess.*  
*7. c. 3. de Reform.* ad omne beneficium  
curatum cathedrali inferius, requirit in  
dustri-

dustriam personæ. Tenentur quoque curare, ut Sacellanus, vel Vicarius in Parochia resideat secundum dicta.

7. Tenetur Parochus suos pascere *sa-instruere* lutari doctrinâ, docendo eos necessaria *suos,* ad salutem, & bonum facere, & declinare à malo. Unde, licet non tenentur ad Conciones oratorias, utpotè plebi sæpè parùm utiles; tenetur tamen tùm ad Catecheses, tùm ad adhortationes populo accommodatas, easque frequentes; ita, ut, si notabiliter sit negligens, peccet mortaliter. Prudenter faciet, si quæ spectant ad fidem, spem, charitatem, vitam Christianam; Sacramentorum susceptionem etiam pro Concione facili modo proponat: aut textum Scripturæ pro moribus formandis per modum Christi exponat &c. Tenetur etiam instruere, qui ad templum nequeunt accedere, ut custodes pecorum, &c. qui sunt in gravi necessitate.

8. Tenetur, cum suo etiam incommo-*Peccata* do, quandoquæ cum periculo vitæ ad-*impedire* hibere, quam potest diligentiam, ut suorum peccata tùm publica, tùm occulta impediât: qui cum Christo pactus est curam & sollicitudinem gregis.

9. Tenetur sub gravi peccato suis esse *Præire* bonò exemplò; quia aliàs est gravi scan-*bono ex-* dalo; cùm plebs existimet se satis bonam, *emplo.* si non sit pejor suo Pastore; aliàsque perdit authoritatem, sicque Conciones, &



264 *Neo-Confessarius practice instructus.*  
admonitiones erunt inefficaces. Proinde ostendat opere, quod suos verè amet in Domino: absit ab omni specie avaritiæ, omnique suspicione amoris impuri: caveat lites cum suis; quoad potest, nec ullam suscipiat, nisi prius ostenderit, se ad eam cogi. Quibus potest, beneficiat in vita: quæ post mortem relinquit hæredibus, rarò prosperantur: apud suos authoritatem, & paternam gravitatem servet, &c.

*Pro suis  
offerre  
Missam.*

10. Tenetur Parochus, etsi actualis tantum, aut Vicarius, diebus Dominicis & Festis de præcepto, quibus fideles tenentur audire Sacrum, etsi iis, auditò Sacro, liceret per consuetudinem labor servilis, fructum medium Sacrificii applicare suis parochianis: saltem ubi Constitutio Benedicti XIV. est recepta. Unde pro Sacro tunc stipendium admittere non potest; nisi tenues adeò essent ejus reditus, ut vivere non possit: tunc enim Episcopus potest dispensare, ut iis diebus stipendium admittat, pro quo Missa differri non possit, sed hoc casu tenetur alio die pro suis sacrum legere. Ita statuit *Benedictus XIV. in Constitut. 1744. 19. Aug. edita.*

#### QUÆSTIO IV.

*Quæ sint obligationes Pædagogi, Præceptoris, Ludi-Magistri, & Discipulorum?*

Resp. I

**R** Esp. I. Inter hos & discipulos eadem ferè est obligatio, quæ inter parentes, & filios. Unde 1. Tenentur suorum discipulorum profectum promoveri in literis; bonos mores eos docere, sique officio suo, non adhibendo diligentiam justam, qualem diligentes solent adhibere, desint, tenentur de damno, & salarium non faciunt saltem ex toto suum. 2. Tenentur discipulorum pericula peccandi avertere; peccata, quoad possumus, corrigere; iis bono exemplò præluere, & iusto minervali esse contenti. Ratio est, quia tacito contractu discipulos admittendo ad ista se obligarunt: unde hæc negligendo peccant contra justitiam. Econtrà discipuli tenentur præceptoribus obedire in iis, quæ ad studia & bonos mores pertinent; tempus studiis destinatum bene impendere. Stipendium, aliave à parentibus pro præceptoribus missa, iis tradere; sunt enim à parentibus subiecti præceptoribus; tenenturque parentibus obsequi; unde, si in his notabiliter deficiant, peccant graviter, uti si tempus valde notabile male impendant.

155.  
*Ad quid tenentur Pædagogi & Ludimagistri.*

*Ad quid discipuli.*

Q U Æ S T I O V.

Quæ sint obligationes Tutoris, Curatoris, Pupilli & Minorennis?

R 5

Resp.



*Obligatio Tutoris & Curatoris* **R**esp. Tutor, id est, constitutus, ut pupilli seu impuberis personam, & bona locò parentum gubernet, & administret, & curator, id est, constitutus, ut curet bona minorennis seu puberis necdum 25. annos nati. Tenentur primò ex iustitia bona illorum administrare eà curâ, quam diligens pater-familias propriis suis rebus adhibere solet; tam ut emolumenta proveniant, quàm ut damna avertantur; alioquin tenebuntur etiam in conscientia compensare, saltem si cum notabili negligentia culpa Theologica gravis intervenerit. Ratio est, quia suscipiens tutelam, vel curatelam per contractum tacitum ad illa obligationem suscepit. Unde &, si pecunias eorum converterent in suos usus, tenerentur delucro suâ culpâ cessante, & damno emergente; si fructus, quos ex eorum bonis percipere poterant, suâ culpâ non perciperint, tenerentur compensare; & quanquam possint ex eorum bonis donationes præcisè remuneratorias, quæ gratitudo à pupillis, aut eorum utilitas postulat, facere, non tamen gratiosas. 2. Tenentur bonorum inventarium conficere, & singulis annis, dùmque officium deponunt, rationes reddere. 3. Tenentur gerere curam personæ sibi commissæ, & imprimis tutor pupilli, ut bene educe-

educetur, bonis moribus, aliisque convenientibus instruatur. Econtrà pupillus Tutori, & minor Curatori suo tenetur obedire; & hic quidem ad annum 25. completum; neque donare possunt vel alienare sine consensu Tutoris, vel Curatoris, nec hæreditati, legatis, fidei commissis, aliisque juribus renuntiare (nisi minor esset Religionem ingressus) sine autoritate judicis; uti nec sine hac aliquid de bonis suis vendere Tutori vel Curatori, aut personis illi subjectis; nec cum consensu illorum alienare bona immobilia, vel mobilia pretiosa, quæ servando servari possent. Neque pupillus infans, seu septennio minor, se alteri, vel alterum sibi obligare potest; pubertati autem proximus, qualis est mas post annum decimum cum dimidio, & foemella post nonum cum dimidio expletum, potest sibi alium, non se alteri obligare firmiter & civiliter; qui tamen dona ab hoc accepisset, probabiliter non teneretur reddere, nisi legitimè exigeretur, quia donatio probabiliter subsistit jure naturæ, *Lugo & alii.*

## CAPUT VII.

*De Confessario mercatorum, opificum, & militum.*

**H**orum obligationes & specialia peccata observanda sunt Confessario, cæte-



268 *Neo-Confessarius practicè instructus.*  
cæterum tractandi sunt, vel ut plebei,  
pro ratione capacitatis, vel ut subditi,  
vel domini.

## Q U Æ S T I O I.

*Quæ sint obligationes, & peccata mer-  
catorum specialia?*

157. *Pretium  
justum tri-  
plex.* **R** Esp. Tenentur sub peccato pro gra-  
vitate materiæ, & sub onere resti-  
tutionis in venditione non excedere pre-  
tium justum, seu adæquans valorem rei,  
quod generatim duplex est, nempe lega-  
le, seu legitimum, quod lege, vel decre-  
to Principis, vel Magistratûs statutum est,  
& naturale seu vulgare, quod communi  
hominum æstimatione constituitur. Le-  
gale censetur justum, quoties non con-  
stat Principem vel Magistratum in eo ta-  
xando esse muneribus, odiò, & ignorantia  
crassâ inductum, consistitque in indivi-  
sibili, qua statuitur ab uno, vel pluri-  
bus idem sentientibus, & observari de-  
bet ex justitia & sub onere restitutionis;  
quanquam taxa, quæ nunc est justa, po-  
test, mutatis circumstantiis, fieri injus-  
ta, tuncque desinere obligare in con-  
scientia. Pretium autem vulgare non  
consistit in indivisibili, quia statuitur à  
diversis diversa sentientibus. Hinc aliud  
est summum seu rigorosum, aliud medi-  
um seu moderatum, aliud infimum  
seu

feu pium; quanta autem inter ista possit  
esse distantia, non potest unâ regulâ de-  
finiri. In communi venditione, quando  
pretium medium sunt decem, infimum  
erunt novem vel octo & medium sum-  
mum undecim, vel undecim & medium;  
& ita in cæteris, cum proportionem sem-  
per paulò minùs accipiendo. Sic *Less.*  
censet, si medium pretium sint centum,  
infimum fore nonaginta quinque, sum-  
mum centum & quinque: sunt tamen,  
qui hanc distantiam inter pretium sum-  
mum illud, & infimum putant esse nimi-  
am. At Lugo putat, hodieum adhuc  
majorem apud mercatores in usu esse:  
unde standum communi usu timorato-  
rum. Quod autem triplex illud pretium  
vulgare justum sit, ex eo est, quia pre-  
tium desumitur ex affectu, & æstimatio-  
ne omnium: de his autem non satis con-  
stat in omnibus, cum alii centum, alii  
centum & quinque, alii nonaginta no-  
vem judicent pretium justum esse, quo-  
rum opiniones cum probabiles sint, con-  
sentiunt homines, ut sequi eas liceat.  
Cæterum pretium decrescit ex copia  
mercium, & raritate emptorum, crescit  
verò ex penuria mercium, & ementium  
copia, ex modo vendendi speciali, ratio-  
nabili affectu vendentis, impensis peri-  
culis, laboribus ad merces comparan-  
das, conservandasque communiter ne-  
cessariis



cessariis, ex lucro cessante vel damno emergente, quod venditor in gratiam ementis subit. Unde deduces:

158.  
*Quæ lice-  
ant, & quæ  
non liceant  
mercato-  
ribus in  
emptione,  
& vendi-  
tione?*

1. Qui erga rem specialiter afficitur, v. gr. quia est antiqua, vel quia à Principe, vel à Majoribus accepit, potest eam carius vendere, quàm communiter venditur similis, modò id indicet ementi; quia privatio illius affectûs, & oblectationis in gratiam alterius est pretiò æstimabilis, cum sit cum molestia conjuncta: pretium tamen illud prudenter moderatum, & proportionatum affectui rationabili, non verò immoderato. Dixi: *modò id indicet ementi;* quia aliàs hic consentiet tantum in pretium rei secundum se spectatæ, & non in excessum intrinsicum, fortè non empturus, si sciret rem secundum se tanti non valere, & alios postea decepturus.

2. licet quoque pluris vendere, si vendens re valdè indigeat, vel meritò sibi timeat damnum ex eo, quod nunc vendat, aut quod lucrum cesset: ut, si merces, quas in aliud tempus servare decreverat, quo probabiliter pluris erant valituræ, vendat in gratiam alterius, aut vendat merces, quas cogetur postea carius emere, quia potest justè exigere præter pretium, compensationem damni ex alienatione rei suæ propter alium secuturum; vel lucri ex ea cessantis: debent deduci

deduci tamen expensæ, quas venditor factururus erat ad servandas merces usq; ad statutum tempus, & æstimatio diminutionis, deteriorationis, & periculi mercis in id tempus servandæ; alias plus haberet ex venditione illa, quàm postea erat habiturus; debet quoque emptori dicere, idè se plus exigere; ne plus det ignorans, fortè alias apud alium, aut non empturus.

3. Potest quis convenire cum emptore, ut solvatur pretium sive majus sive minus, quo res valebit eo tempore, quò decreverat vendere postea, sed iterum deducendæ sunt expensæ.

4. Qui res vendunt minutim, & in parva quantitate, possunt pluris aliquantò vendere, quàm qui simul & in magna quantitate vendunt; quia majores labores, impensas, operas & curas iis conservandis, & distrahendis debent impendere, quibus, quia liberantur vendentes in magna quantitate, possunt merces in magna quantitate minoris emi.

5. Quæ auctione publicâ, seu sub hâta venduntur, admittunt pretium, quod sine vi, fraude & dolo obtineri potest: hinc possunt pretiò magnò vel parvò, etiam infra vel supra dimidium pretii, quò emerentur in officina, emi, & vendi; quia sic usus, & communis consensus præscripsit. Dixi: *sine vi, fraude, & dolo*: quia



quia cum his emi vel vendi non possunt sine iniustitia, ut si fictus licitator à venditore subordinaretur, qui pretium augeret in gratiam ejus, aut emptor alios impediret, ne pretium augeant, vel ab emendo vi aut fraude averteret.

6. Merces obtrusæ extra officinam, ut si quærantur emptores, aut rogentur, possunt emi minori, quam infund pretiò, quia merces ultroneæ vilescunt: tunc enim vel non sunt admodum utiles, vel necessariæ, aut est raritas emptorum, vel periculum, ne vitium contraxerint. Idem est, si res sit emptori parum utilis, vel hic emat in gratiam vendentis, nisi aliud exigit charitas: neque enim licet vilius emere res pauperum, quam necessitate compulsi venales proponunt, eo solùm prætextu, quod venales offerantur. Imò ob necessitatem precisè, quâ proximus rem suam vendere cogitur, non licet pretium imminuere, sicut non licet augere ob necessitatem, vel utilitatem emptoris; quia nec necessitas emptoris auget, nec venditoris necessitas minuit valorem rei. Hinc injustè pluris venderes mihi domum tuam meæ contiguam, quia mihi perutilis vel grata est: licitè tamen venderes justò pretiò summò, quia quilibet illò, utpote justò, per se loquendo, res suas vendere potest.

7. Possunt mercatores carius vendere etiam indigenis, quando ad locum venit aula Principis, vel magna hominum copia; quia crescente numero emptorum crescit pretium vulgare.

8. Sciens pretium mercis brevi augendum licite eam emit in magna quantitate, ut postea carius vendat; quia pretium currens est iustum, & emens utitur jure, quo & alii uti possunt, & sic Joseph. *Gen. 41.* fecit in Ægypto. Similiter, qui scit pretium breve imminuendum, potest pretio corrente suas nunc vendere carius. Item, qui scit pecuniæ valorem brevi imminuendum, potest suam valore corrente exponere. Item probabilius potest Princeps & Magistratus, modo ferant legem pro bono communi, & non de industria, ut ipsi lucrum habeant; aut non differant studio promulgationem legis, donec ipsi pecunias suas exposuerint, aut merces vendiderint, vel emerint; facile tamen peccabunt peccato scandali suos ministros, aut subditos egentes gravando, Ratio prioris est, quia ex officio suo, utpote instituto in communem utilitatem tenentur curare, ne damnum aliis præ aliis eveniat. Ratio posterioris est, quia facile subditis ingerent opinionem aut suspicionem nimie cupiditatis: unde avertentur, &c.

*R. P. Reuter Neo-Conf. S Peccare*



Peccare quoque potest priuatus contra charitatem, ut, si pauperibus venderet copiam rerum, quarum pretium scit breui imminuendum; quia charitas exigit, ne lucri tui causâ proximum conicias in gravem necessitatem.

Quod si sciens pretium mercium breui augendum emeret omnes, probabiliter illicitè faceret; quia privatâ auctoritate constitueret monopolium, quod jure gentium videtur illicitum. Contradicunt probabiliter alii, quia non prohibet aliis, quin simul emant; adeoque per accidens est, & ex aliorum incuria, quod ipse solus possit tales vendere, Si tamen per mendacium induceret alios, ut non emerent, peccaret contra justitiam, quia quilibet jus habet, ne per fallaciam impediatur à bono.

9. Si mercatores conspirarent, ut nemo ex illis certam mercem vendat, nisi certò pretiò, v. gr. sex florenis, hocque justum sit, non peccant contra justitiam. Peccant tamen juxta *Lugonem* contra charitatem, quæ exigit, ut nemini suadeas aliquid in damnum alterius; sicut exigit, ne dissuadeas, ut alter pauperi non det eleémosynam. Negat tamen Castrop. quia charitas non exigit, ne quæram lucrum meum justum, etsi alter illud non accipiat ideo. Sicut pauper potest suadere diviti, ut sibi det eleémosynam

synam, etsi ideo alius non sit acceptu-  
rus. Si tamen unus alios vi, fraude,  
vel dolo induceret ad tale pactum, pec-  
caret contra iustitiam: sicut & is, qui  
fraude impediret, quo minus merces a-  
liæ adveherentur, ut sic suas carius ven-  
deret.

10. Si Princeps mandat suo quæstori,  
ut statim vendat v. gr. centum maldera  
tritici, hicque sciens pretium brevi au-  
gendum, illa emat pretio currente, &  
pecuniam statim numeret, lucrum,  
quod postea faceret, licitè retinet; quia  
non minus ipsi, quam aliis licet emere,  
& lucrum facere; neque ejus scientia  
auxit pretium.

11. Qui vendit ultra justum pretium,  
eò quod emptor plus offerat, non excu-  
satur ab injustitia; nisi constet, excessum  
illum liberaliter donari, ut faciunt ali-  
quando Principes: quia emens vult tan-  
tum emere justò pretiò, nec præsumi  
potest velle excessum liberaliter donare,  
nisi constet ipsi de justo pretio, & adsit  
aliqua justa causa. v. g. consanguinitas,  
affinitas, amicitia; absitque fraus & co-  
actio.

12. Non licet justò pluris vendere ad  
creditum; nisi adsit alius justus titulus;  
licet tamen, si hic adsit v. gr. damnum  
emergens, vel ejus periculum, aut mole-  
stia in impetranda solutione, aut lucrum



276 *Neo-Confessarius practice instructus.*  
cessans. Ratio primi est, quia interve-  
nit hic virtuale mutuum; ratione autem  
mutui precisè non licet quidquam exi-  
gere: solutio verò sine periculo futura,  
& damno, æquivalet præsentì. Ratio  
2di est, si damnum emergat, aut pericu-  
lum sit non accipiendi pretii, vel sumptuum,  
vel molestiæ probabiliter futuræ  
in obtinendo postea pretio, adest aliquid  
pretio æstimabile; proinde pro eo ac-  
cipi potest, quod judiciò prudentum va-  
let. Ex communi tamen sententia licet  
etiam mercatoribus ad creditum vende-  
re summò pretiò justò; etsi vendant nu-  
meratâ pecuniâ quandoque minoris; qui-  
a summum pretium justum est, nec tene-  
tur quis infra hoc vendere; & venditio  
ad creditum plerumque habet adjuncta  
pericula, & incommoda. Cæterum mer-  
catoribus rarò licet justò pluris vendere  
ob lucrum cessans ad creditum, quia ad  
lucrum cessans plures requiruntur con-  
ditiones. Prima. Debet venditor fuisse  
venditurus rem præsentè pecuniâ, aliàs  
ex credito non cessat lucrum. 2da. De-  
bet fuisse negotiaturus præsentè illa pe-  
cunia ante tempus, quo solvendum e-  
rat creditum; aliàs iterum non cessat ex  
credito. 3tia. Debent de lucro, quod  
facturus erat, detrahi expensæ, & æsti-  
mari periculum, & spes negotiationis  
judiciò viri probi, & prudentis. 4ta. Non  
debet

debet ideo, quod credito vendat, habere plures emptores; alias lucrum cessans compensatur, ut plerumque fit per parva lucra ex pluribus venditis. 5ta Insuper debet monere de hoc emptorem, ne involuntariè gravetur illo excessu. Conditiones primæ quatuor, præsertim 4ta. rarò adfunt.

Resp. II. Tenentur vitare fraudes, manifestare vitia gravia, & occulta rerum vendendarum, si quæ habere sciantur. Si tacitè vel expressè interrogentur seu in genere, seu in specie; quia alias dolus dat causam contractui, adeoque hic invalidus est; emptor enim jus habet sciendi, quam rem emat, adeoque injustè decipitur occultatò vitiò. 2. Si vitium sit in substantia; vel qualitate transeunte in substantiam, id est, cui affixa est ementis intentio, ut, eâ non præsentè, rem nolit emere, v. gr. si emens vitrum putares esse gemmam, vel volens tibi pannum ad te Sacerdotem vestiendum mitti, mitteretur ruber, 3. Si sciatur res noxia vel notabiliter inutilis ad finem emptoris. Ratio est, quia alias non proceditur sincerè; sed emptor quasi dolo inducitur ad emendum; sicque consensus ejus est involuntarius. Unde venditor, etsi non interrogatus, si tale vitium non aperiat, tenetur emptori reddere pretium, & compensare damna, si

159.

Quando

teneantur

vitia mer-

cis dete-

gere?



278 *Neo-Confessarius practice instructus.*  
quæ illi sequantur, vel aliis, quibus res  
est revendita: ut si vendat, et si pretiò  
modicò, corium fragile, vel pannum ad-  
dustum pro durabili, equum segnem pro  
generoso, animal infirmum pro sano,  
semina corrupta pro recentibus, carnes  
infectas, ovem morbidam, qua grex in-  
ficiatur, ligna vitiosa, unde ædes corrū-  
ant, bovem aptum quidem ad macellum,  
ineptum tamen ad aratrum, cū ad hoc  
quæri sciatur, &c. Dixi 1. *Vitium occultum.*  
Nam apertum & manifestum regula-  
riter non tenetur venditor manifesta-  
re, sed sufficit, quod pretium, uti debet,  
imminuat; quia vitium manifestum cen-  
setur notum emptori; &, si non adver-  
tat, sibi imputare debet. Excipe, nisi  
emptor esset tam rudis & hebes, ut ma-  
nifesta etiam vitia non notaret, tunc e-  
nim censeretur respectu illius occultum.  
Imò, si emptor etiam non hebes notare-  
tur non advertere vitium ipsi periculo-  
sum, teneretur venditor, etiam non ro-  
gatus, id manifestare; quia sinceritas  
in contractibus videtur id exigere, & si-  
lentium illud, emptionem faceret em-  
ptori involuntariam. Idem dicit *Val-  
entia*, & alii, si vitium adverteretur inten-  
tioni actuali ementis; quia hujus incur-  
ria non dat jus vendepti; nec idè em-  
ptio voluntaria est magis. Dixi 2. *Vitium grave.* Nam vitium occultum acci-  
denta-

dentale, si rem non reddat noxiam, nec periculosam, nec notabiliter minus utilem non tenetur venditor manifestare, nisi interrogetur de vitio, aut hoc repugnaret fini emptoris; quia non fit iniuria emptori, estque emptio simpliciter voluntaria: debent enim omnes sic esse constituti, ut in tali casu velint emere, quia, si esset obligatio ultrò talia vitia manifestandi, cessarent commercia humana: multi enim non possent vendere, & deterrerentur à mercatura in magnum Reipublicæ detrimentum: eò quòd ementes, intellectò vitiò, nollent emere, aut de pretio detraherent. Debet tamen venditor tantò minoris vendere, quantum minoris ob vitium valet, & cavere, ne aliis noceatur, si revendatur. Dixi 3. *Si sciatur vitium.* Si enim inculpabiliter venditor ignoravit, vitium manifestare non potuit. Unde non tenebitur de damnis, sed actione, vel quantum minoris, si emptor adhuc rem empturus fuisset, sed non tanti; vel redhibitoria, si re ipsa noluit emere talem rem. Quòd, si venditor ignarus vitii inter contrahendum protestatus esset, se nolle teneri de vitio occulto, & remisisset de pretio juxta proportionem periculi in emptorem rejecti, ad nihil teneretur in utroque foro. Si autem vitium scivisset, nihil prodesset protestatio. Ex his deduco.



160. 1. Peccat contra iustitiam, & tenetur  
*Peccata* ad restitutionem, qui scienter vendit rem  
*mercato-* vitiosam sive in substantia, v. gr. succum  
*rum ven-* pomorum pro vino de vite; sive in qua-  
*dentium.* titate seu pondere, numero vel men-  
 surâ, sive in qualitate non minuto preti-  
 o, etsi vitium non sit noxium, quia non  
 servatur æqualitas iustitiæ inter pretium  
 & mercem. 2. Vendens rem brevi co-  
 rumpendam, nisi antè ab emptore esset  
 absumenda. 3. Vendens bona litigiosa,  
 & vitium occultans. 4. Qui vendit pre-  
 tium infirmo, sed dat minorem mensuram,  
 manendo etiam intra limites iusti pretii,  
 quia non stat contractu inito cum emen-  
 tibus de tradenda integra mensura: fi-  
 citque injuriam aliis mercatoribus, per  
 fraudem ab iis abstrahendo Emptorem.  
 5. Vendens vinum, quod non fert lon-  
 ginquam vecturam, cum emens tale pe-  
 tiverit. 6. Vendens rem mixtam, alia  
 viliore, ut puram, v. g. vinum aquâ mix-  
 tum, vel farinam tritici mixtam hordea-  
 ceâ, si mixtio sit noxia, aut rem reddat  
 inutilem, vel deteriore; quia iniuste  
 decipit emptorem: si autem mixtio non  
 sit noxia, nec res fiat deterior, vel minus  
 utilis, quàm illa, quæ simili pretio ven-  
 ditur ab aliis, censent *Molina, Spore,*  
*Layman* licite vendi, modo proportio-  
 nate detrahatur pretio; quia res ex par-  
 te vilis non æquivalet rei ex nulla par-  
 te

te vili, nisi pars melior mixta esset tanto præstantior. Imò *Lessius* putat, si materia deterior ita per industriam admisceatur, ut res melius temperetur, posse vendi consuetò pretiò; verùm in praxi id locum vix habet; quia quisque facile sibi persuadebit, rem suam, non obstante mixtione, manere æquè bonam; & sic viâ panditur fraudibus. Nec refert, quòd vinum aquâ mixtum fortè melius sapiat, quia hoc per accidens est, poteritque emptor bibiturus aquam admiscere, neque vinum mixtum sit ejusdem valoris cum puro secundum se, sed in se deterius, citius acescit, & ad plures effectus est minus utile: unde minuendum pretium pro ratione mixtionis. Idem dicendum de aliis fraudibus, ut, si quis avenam aquâ perfundat, ut augeatur mensura, lanam ponat in loco humido, ut fiat ponderosior, qui per artificium facit, ut merx appareat melior, & ita vendit supra summum pretium vel carius. Qui tamen per mendacium vel perjurium dicendo, se pluris emissee, pluris aliis vendidisse, &c. induceret ementes ad emendum pluris, etsi peccaret; tamen non teneretur ad restitutionem, quia satis constat, similia sæpe à mercatoribus falsò dici; unde credens sibi imputet.

Resp. III. Emptor tenetur, per se loquendo, pretium justum saltem infimum

161.

*Peccata*



282 *Neo-Confessarius practice instructus.*  
*emptoris.* commune pro merce pendere, & ignoranti pretium commune indicare; quia aliàs non servatur æqualitas à iustitia intenta, uti, si venditor putaret, gemmam esse vitrum, vel merces integras esse corruptas. Nec securus est in conscientia emptor, si dicat: Cupio rem istam emere sine scrupulo, vñne vendere donando, si plus valeat, & consentiat venditor; quia, cum venditor ignoret pretium, ignorantia dat causam contractui, aliàs cue posset quivis emens iustò minoris reddi securus. Hinc contraria sententia *Cajetani* rejicitur communiter ut improbabilis. Dixi: *Iustum commune:* nam si res omnium æstimatione vilis bona fide ematur, & post emptionem inveniatur pretiosa, v.gr. statua inveniatur partim aurea, quæ communi omnium æstimatione putabatur ænea, emens bona fide, postea nihil tenetur addere, quia non fuit error in substantia spectata secundum æstimationem communem.

*Quid, si quis emat commune pretio agri, in quo scit latere thesaurum?* Qui scit in agro latere thesaurum, potest agrum emere pretiò communi ejus; quia thesaurus nec pars, nec fructus est agri, & ad neminem pertinet. Aliud de venis metalli judicant aliqui, vel alio minerali; eò quòd sint pars, aut saltem fructus fundi, proindè ad dominum pertineant. Sunt tamen, qui tenent probabiliter, si bona fide ematur ager, non tenentur

gnari emptorem compensare, quia habent  
quod se in aestimatione communi, ac si ibi non  
essent. Sic, qui fasciculum herbarum e-  
maneret, in qua deprehenderet unam pre-  
ciosam, non teneretur pro ea, quid ad-  
tendere; quia emit pretiò secundum aesti-  
mationem communem. Ob eandem ra-  
tionem probabiliter licet communi pre-  
quatiò emere agrum, etsi scires, ibi esse ve-  
ranam metalli. Vide *La Croix l. 3. p. 2.*  
*l. 942.*

## Q U Æ S T I O I I.

*Quæ sint obligationes, & specialia pecca-  
ta opificum?*

**R**esp. I. Tenentur non secus ac mer-  
catores, sua artefacta non vende-  
re supra justum pretium. 2. Materiam si-  
bi traditam conservare; superfluum non  
adhibere; residuum reddere, parare sibi  
commisſa ſtato tempore, aut ita matu-  
re ſaltem, ne domini damnum patiantur.

Resp. II. Peccant 1. Si jurent certo  
die opus paratum ſe tradituros, & qui-  
dem graviter, ſi verè Deum vocent, in-  
teſtem, ſcientes ſe non facturos; ſi autem  
ſincerè putarent fore paratum, peccant  
ſaltem venialiter propter abuſum Divi-  
ni teſtimonii. Si ſuà culpâ non ſteterint  
promiſſis, & alter damnum inde patere-  
tur,

162.  
*Obligati-  
ones opifi-  
cum.*

163.  
*Peccata.*



tur, tenerentur ad restitutionem: quod notandum pro iis, qui plura fuscipiunt, quàm sine damno alterius præstare possint.

2. Si ad se attrahant fraude, dolo, vel mendaciò famulos, vel operarios ab aliis horum operâ utentibus; quia quilibet habet jus petendi, sperandi, impetrandi modò saltem licitò bona ab aliis, quod per fraudem sine injuria impediri non potest. Unde tales tenentur ad damni secuti, vel lucri cessantis compensationem, uti & qui falsò suam peritiam extollit supra alios, & se peritiores deprimit. Qui tamen id faciunt sine vi, fraude, dolo, & mendacio, non peccant, per se loquendo, contra justitiam; quia utuntur jure suo, quod habent ad quærendam utilitatem suam.

Dixi 1. *Per se loquendo.* Nam si alium sic impedirent à bono ipsi ex justitia debito, ut, si quis famulum, artis suæ bene peritum, ab opera alteri addicta ante tempus abduceret, peccare contra justitiam, & teneretur compensare.

Dixi 2. *Non peccant contra justitiam.* Quia peccarent contra charitatem; si ex odio, vindictâ, vel invidiâ id facerent ex quo præcisè tamen non oritur obligatio restituendi. Idem est de mercatoribus.

3. Si plus materiæ exigant, quàm ad opus

opus sit necessarium: materiam ineptam adhibeant, aut opus non elaborent solide, sed perfunctorie, ut, si futor corium adhibeat transmittens aquam, futuram non debite faciat.

4. Peccat aurifaber, si æs pro auro vendat, vel auro aut argento plus æris admisceat, quam ars requirat, & ementes mixtionem celet, & pretium non minuat, si ex rebus furtivis aliquid male fide emat.

5. Peccat Bibliopola, si libros non bene compingat, & tamen commune pretium exigat; si vendat libros lascivos, vel hæreticos, aliõsve perniciosos, vel defectuosos pro integris.

6. Peccat caupo, si sine justa causa vendat vinum iis, quos probabiliter putat se inebriaturos; causa autem, per se loquendo, sufficiens non videtur carentia lucri, quod ex illo præcisè vino proveniret, sufficientem putant *Castrop.* & *Sanchez*, si alioquin esset afficiendus contumeliis & gravissimis molestiis, & incommodis. Item, si notabiliter imminuendus esset affluxus hospitem, quia id successu temporis illi esset grave damnum. Favet huic sententiæ cum gravissimis A. A. teste *La Croix lib. 2. num. 261.* Sanctus Augustinus serm. 231. de tempore his verbis: *Tu eum noli adjuvare, noli cogere, sed in potestate ejus di-*  
mitte



*mitte, ut, quantum sibi placuerit, bibat, si se inebriare voluerit.* Idem est, si die iunii hospitibus ministret carnes. Si tamen ii aliàs ad alium, essent ituri, & æquè peccaturi, ipsèque successivè grave damnum pateretur, non peccaret apponendo.

7. Peccat lanio, si carnes ità fecet, ut amicis suis det meliores, aliis autem viliores eòdem pretiò; quia tenetur non gravare unum, ut faveat alteri.

8. Peccat sartor, si emat pro alio v.gr. pannum pretiò majori, cùm posset minori; quia non agit fideliter rem committentis, si retineat partes residuas sine voluntate domini, ut, si sint alicujus momenti, & adhuc usui profuturæ dominis; nisi consuetudo habeat, ut soleant illis relinqui, eo quòd ideo minùs accipiant. Quòd, si mercatores aliquid illis remittant de pretio, eò quod sæpiùs apud ipsos emant, possunt id retinere; modò utrínque fideliter agatur, eménique non ideo segniùs mercetur, & verè remittat ipsi mercator de pretio, quòd ab aliis, vel à domino obtineret: hæc enim si non adsint, peccat retinendo excessum pretii sibi traditi ad emendum; uti & si retineret ideo, quia ipse facilior est in mercando. Ratio est, quia hoc ipso, quod quis alterius negotium suscipiat, tenetur hoc utiliter agere, perinde

ac suum; neque obligat ad ejus commoda procuranda, neque aliter illi res gerenda committitur. Nec potest operam suam occultè compensare, quam emendo impendit; quia satis compensatur, quòd ipsi præ aliis vestis conficienda committatur, & opera communi pretio solvatur, Dein, qui negotium alterius suscipit, nihil petendo, censetur præstare gratis operam suam.

9. Pistor peccat, per se loquendo, si panes faciat minores, prætendendo taxam à Magistratu constitutam non posse servari sine damno; quia non facilè præsumenda est iniquitas Magistratûs, qui justè taxavit pretium, prout communiter expedit, licèt fortè privatus per accidens patiatur damnum, quod aliâ vice compensabitur majori lucro. Unde non facilè aliquid illis permittendum, nisi constaret, Magistratum errâsse in taxa pretii constituti.

10. Peccant opifices, si sine justa causa labores protrahant per mediam noctem in diem festum; si tamen sartor vestem, vel futor calceos, quos bonâ fide promisit paratos fore ante festum, præter opinionem, & sine culpa sua paratos non habeat, non peccat laborando per mediam noctem usque in diem festum, si propterea passurus esset grave incommodum, nec excusare se posset. Si sine causa



causa rationabili laborent per tres horas die festo, v. g. per unam manè, à meridie per unam, vesperi per unam, peccant graviter; secùs, si eodem die per unam tantùm, imò etsi singulis festis per annum; quia præceptum est affixum diei, & labores non coalescunt in unam gravem diei festi dehonorationem, sicut, si fiant, licèt discontinuè eodem die.

11. Sartores, molitores, cæterique artifices, quibus res tradita, polienda, vel immutanda, item nautæ, aurigæ, caupones, apud quos res deponuntur, peccant, si non adhibeant diligentiam à diligentibus adhiberi solitam rebus conservandis, tenenturque saltem in foro externo ad restitutionem ex culpa levi, quia depositio etiam fit in commodum ipsorum, idque cautum est ad vitandas ipsorum fraudes. Secùs esset, si res commissæ non essent illorum curæ, sed tantùm videntibus illis depositæ in diversorio, navi, &c.

12. Etsi opifices per labores graves, quos illi habent, ut futores, fabri ferrarii, & lignarii, textores, laniones, cursores, agricolæ, &c. excusantur à jejuniò Ecclesiastico; non tamen reliqui, quorum labor est levis, ut sunt sartores.

13. Non possunt licèt monetam materialiter falsam pro laboribus suis acceptam iterùm exponere, & expositam te-

nentur

nentur recipere aliâ substitutâ; quia non habet valorem intrinsecum, alique deciperentur. Nec juvat, quòd fortè nesciant, à quo eam acceperint, quia debent id inter infortunia sibi adscribere, ne scienter alios defraudent. Dixi: *Materialiter falsam*. Nam si materia sit bona, & sit tantum formaliter falsa, id est, signum Principis sine autoritate appressum habeat, ac valorem communem, etsi eam cudens peccârit, potest, per se loquendo, iterum exponi.

14. Si operarius addixit suam operam pro inæquali stipendio, sciens, prudensque, non potest, uti occultâ compensatione; quia cessit juri suo, modo nulla domini culpa intervenerit. Aliud esset, si esset injustè coactus ad id; si occuparetur in aliis, ad quæ non est conductus, pro his posset petere stipendium, sique aliter accipere non posset, licitè sibi occultè compensaret, modo adsint, serventurque conditiones p. 3. Theol. moral. sub n. 445. requisitæ. Si tamen volens faceret obsequia gratuita, non posset; sed remuneratio domino foret libera. *La Croix l. 3. p. 1. num. 975. Vide dicta num. 151. resol. 4tâ.*



## Q U Æ S T I O III.

*Quæ sint obligationes, & peccata specialia militum, Belli-Ducum, seu Officialium?*

164.  
*Obligati-  
ones.*

**R**esp. I. *Officiales belli tenentur.* 1. *Esse fideles suo Principi.* 2. *Curam suorum habere quoad corpus & animam.* 3. *Non excedere limites suæ potestatis.* 4. *Stare contractu cum militibus conscriptis. Unde peccant contra justitiam, & tenentur ad restitutionem.*

*Peccata.*

1. *Si suâ negligentia in bello justo permittant prævalere hostem; si non habeant completum numerum militum, pro quibus stipendium accipiunt à Principe taxatum; si plures putatitios milites in lustratione supponant, quam permittat consuetudo, & consensus Principis; idque verum est, quamvis id facerent ad compensandum stipendium prius sibi debitum: tum quia compensatio fieri non potest licitè fraude, & fallacia, tum quia id cedere potest in grave damnum Reipublicæ, si Princeps, putans, se habere tot milites, non conscribat plures, vel ad castra mittat, hoste jam superiore. Hòc casu si nullum damnum sequeretur, & Officialis plus non acciperet, quam sibi deberi novit, non teneretur ad restitutionem*

2. Si milites infirmos deferant; si potum, vel cibum corruptum, vel periculofum præbeant; si à furtis, rapinis, blasphemis, &c. non cohibeant, quantum possunt; si non curent, ut observent præcepta DEI, & Ecclesiæ, quoad fieri potest.

3. Si pagos aliquos majori, quàm par est, militum copiâ gravent; si à privatis domibus, vel pagis pecuniam accipiant, ne eò milites imponant, qui ideo ad alios mittantur, si quid accipiant ad impediendas vexationes militum, quia ex iustitia & officio ad id tenentur: si uni militi dent plura chirographa ad plures domos, si dissimulent, quâ viâ velint exercitum ducere, & sic ab his, illisve incolis pecuniam accipiant ad avertendum transitum; quia sic alios gravent amplius, quàm eis concessum sit; si temerè prælium ineant, vel militum vitam exponant.

4. Si vi, fraude, vel dolo milites conscribant, aut suos invitos aliis ducibus tradant, vel commutent: si tempore, pro quo conscripti sunt, elapso, abeundi facultatem non faciant; vel abeuntés tunc, petitâ facultate, puniant; si stipendia debita subtrahant, vel diminuunt; aut non dent debitò tempore, dum possunt: si de vestitu, ut par est, non provideant: si, milite mortuò, stipendium



illi debitum sibi reservent; quia hoc debetur hæredibus. Cæterum usu in militia recepto, teste *La Croix*, Capitaneis conceditur locus mortuus pro duobus, aut tribus famulis, & unus pro signifero, etsi illos actu non habeant. *Laiman* & *Dicast.* dicunt quoque, consuetudine receptum esse, ut trium, vel quatuor mensium stipendia retineantur, quasi in deposito, ad milites in officio continendos, & militibus mortuis, nihil dari de iis hæredibus. At quo jure? An quia dantes nomen militiæ, id scientes, in id consentiunt? At multi id ignorant, & consentiunt coacti. Denique, si ad muniendam urbem privatos agro, vel horto privent, & non compensent secundum justitiam distributivam

165. Resp. II. Obligationes militum sunt *Obligati-* hæ: 1. Daturi nomen militiæ sub alieno-  
*ones mili-* Principe, debent posse prudenter præ-  
*tum.* sumere, bellum esse formaliter justum, ne temerè se exponant periculo concurrendi ad injurias, & aliàs cuilibet militare sub quolibet Hæretico vel infideli permittatur. Militaturi autem sub suo Rege, vel Principe, si aliud non constet, possunt supponere, bellum esse justum, sique jam conscriptis dubium oriatur, quod dissolvere non possint, ut plerumque fit, tenetur obedire, quia Princeps est in possessione potestatis imperandi, & sub-

subjectio milites excusat, possuntq; præsumere bellum esse justum. Si tamen de ejus injustitia constaret, bellare non possent.

2. Tenentur milites stare contractu, quoad tempus conductionis, obireque functiones militares.

3. Debent esse contenti suò stipendiò. Hinc peccant.

1. Si Duci, vel Præfecto non pareant, 166.  
stationem deserant, non pugnent fortiter, arcem sibi commissam non defendant; quia sunt conducti, & stipendia accipiunt, ut ista præstent, etiam cum periculo vitæ. *Peccata militum.*

2. Si à castris, aut exercitu sine licentia Ducis discedant, si militiam deserant ante tempus conditum.

3. Si quid auferant, vel extorqueant à non hostibus; quia debent per se loquendo, contenti esse stipendiò, pro quo conducti sunt; nec excusantur eo, quòd duces dissimulent, aut stipendia non solvant: subditi enim jubentur pro iis contribuere, jusque retinent ad sua; Principis verò est providere, ut solvantur stipendia. Dixi *Per se loquendo*, quia, si pabulum sufficiens advehi, aut propter inopiam non posset emi, fierent pabula communia: putatque *Lessius in auct. V. Bellum casu 4.* etiam in gravi necessitate licitam esse pabulationem, modò servetur proportio, & uni non auferantur



294 *Neo-Confessarius practicè instructus.*  
omnia, sed omnes æqualiter graventur.

4. Si sine permissu Ducis damna inferant subditis terræ hostilis, vel ab iis, dum Principi vel Duci pro immunitate à damnis, contributionem solvunt, quid exigant, vel ex timore injustè incusso oblatum recipiant: quia donationes illæ ipsis sunt involuntariæ, habentque jus ad immunitatem; nec possunt milites quid auferre hosti sine authoritate publica Ducis, vel Principis.

5. Si, ubi agnoscunt, Principis sui bellum esse injustum, ei contra hostem servire, & militare pergant; quia sunt causa injustè damnorum, Si in hoc casu miles invaderetur ab alio, justo bello serviente, non posset eum occidere; sed deberet animum nocendi deponere, idque alteri significare modò, quò posset, & vitæ gratiam petere, his si nollet aggressor acquiescere, juxta *Sotum, Azor, Burghaber cent. 2. casu 88.* posset se defendere & alterum, si necesse esset ad sui defensionem, occidere: quia tunc aggressor jus non haberet amplius ipsum occidendi, invaso faveret jus naturale se defendendi, secus, ac reo condemnato favet ad se defendendum contra carnificem.

6. Si Dux justa de causa daret directioni, vel ferro urbem, non liceret occidere innocentes, v. gr. pueros, religiosos,

fos, foeminas, & peregrinos, per transitum in urbe commorantes, si ab actione hostili abstinuerint; quia jus habent ad vitam suam retinendam, cum hostile nihil egerint. Possent tamen incolae urbis laici, innocentes etiam, spoliari bonis suis fortunae, quia, cum haec sint sub dominio alto Principis, vel Reipublicae, huic facultatem nocendi injuste praebent. Casu quo militibus licet spoliare hostes, possunt quoque Religiosi, & Clerici fervientes militibus in spiritualibus sibi tunc sine injuria accipere, & retinere spolia hostium, quia sunt pars exercitus. Cavendum tamen scandalum. *La Croix lib. 3. p. 1. num. 881.* Atque ex his patet, quomodo examinandi sint milites, & quando obligandi ad restitutionem

Sunt illis praeterea sat frequentes blasphemiae, imprecationes, juramenta, fornicationes, superstitiones, quibus se nituntur reddere impenetrabiles, duella. Haec si ineantur ex condicto, certo loco & tempore, incurritur excommunicatio, casusque reservatur Summo Pontifici; à quo tamen in Germania, & partibus Septentrionalibus absolvere possunt Religiosi Mendicantes, & qui cum iis in privilegiis communicant. Quod, si non ex condicto, sed in subitam iram, & rixas versi stringant gladios, & in loco pugnent;

*Duellum.*



peccant quidem, casum tamen reservatum ex eo non incurrunt.

167.  
*Quid de  
foederibus?*

*Petes.* Quid de foederibus cum hoste initis sentiendum; *Resp.* In foederibus fides publicè data servanda est, etiam hosti bellum injustum inferenti, etsi una pars coacta fuisset injustè ad paciscendum. Et communissima TT. Ratio est, quia, cum Principes bellum gerentes non habeant superiorem, à quo contractus initus rescindi possit, si liceret propria auctoritate resilire, vergeret id in commune damnum societatis humanæ: quisque enim faciliè fingeret sibi injuriam, aut vim illatam esse: sicque pax nulla firma esset; & mundus perpetuis bellis involveretur. Quare, ut Princeps fortè injuriam passus, suis cedat saltem tantisper, donec nova se justî belli, suæque recuperandi offerat occasio, bonum commune exigit. Et hinc Papa dispensare non potest in pactis inter Principes Catholicos, nisi vergerent in damnum notabile fidei, vel Religionis: imò nec in initis à Catholico Principe cum hæreticis; cum enim hi nolint se obligare dependentèr à Papa, cum illis nunquam possent foedera inire Catholicæ, id quod cederet in magnum detrimentum Reipublicæ Christianæ. Hæc intelligenda sunt de pactis validis jure naturæ, ut non sunt, quæ sunt de materia illicita, vel Principi non sub-

subiecta sæculari.. *La Croix lib. 3. p. 1.*

*num. 881.*

Quæ specialiter observanda Confessario circa Judices, Advocatos, &c. videri possunt p. 3. Theol. Mor. in fine.

## P A R S I I I.

De iis, quæ Confessario specialiter sunt observanda circa personas diversis vitiis, peccatis, & defectibus tum physicis, tum moralibus obnoxias.

**Q**Uæ media præscribenda sint contra capitalia peccata, dixi à n. 61. ad n. 99. ubi etiam dictum de maledictis, & blasphemis: de iis autem, qui maledictis, & juramentis assueti sunt n. 94. Exponendum restat, quomodo tractandi sint consuetudinarii, præsertim in materia venerea: constituti in occasione proxima peccandi, invalidè confessi per plures annos, Captivi, & Rei; conversi ab hæresi, fatui, surdi, muti, ignotæ linguæ, indurati, inimicitis, & odio impliciti, moribundi, pudibundi, pusillanimes, desperabundi, restitutioni obnoxii, sagæ, & malefici, scrupulosi, tentati, &c.



## CAPUT I.

*De Confessario hominis constituti in occasione proxima graviter peccandi, & consuetudinarii.*

## QUÆSTIO I.

*Quid, & quotuplex sit occasio peccandi, & quomodo differat à periculo?*

168,  
*Occasio  
peccandi.*

**R** Esp. I. Occasio peccandi est circumstantia extrinseca, alliciens ad peccatum, ut cohabitatio, conversatio cum malis, choreæ, tripudia cum foeminis, officium, negotiatio, &c. Periculum peccandi est omne sive in-sive extrinsecum, inclinans ad peccatum. Unde omnis occasio peccandi est aliquod periculum seu leve, seu grave peccandi; non tamen omne periculum peccandi est peccandi occasio. Nam, qui contraxit consuetudinem mollitiæ, est in periculo peccandi, etiam dum solus est, non est tamen in occasione.

2. Occasio peccandi alia est remota, quæ habet quidem vim aliquam allicienti ad peccatum, raro tamen illud post se trahit. Hæc dicitur etiam periculum remotum peccandi; alia proxima, quæ frequenter conjungitur cum peccato. Hæc dicitur etiam periculum peccati proximum.

3. Alia proxima per se, seu absolute, &

& intrinsecè talis; alia per accidens, & respectivè talis. Proxima per se, & absolutè talis est, quæ ob intrinsecam suam vim movendi respectu omnium frequenter cum peccato conjungitur, ut aspectus fixus rei valde turpis, habitatio cum concubina. Per accidens talis est, in qua non omnes passim, sed hic homo in particulari ex inclinatione, vel fragilitate sibi propriâ, & singulari frequenter labitur: ut esse potest exceptio confessionis mulierum respectu certi Confessarii, colloquium cum puella respectu certi juvenis. Malè ab aliquibus dicitur universaliter occasio proxima, in qua quis frequentius peccat, quam non peccat: aut ferè semper peccat. Nam licet illa sit verè occasio proxima; tamen potest esse proxima, etsi non peccet frequentius, quàm non peccet: qui enim ter in septimana peccat cum persona, cui cohabitât, est verè in occasione proxima, nec tamen intra septem dies sæpius peccat, quàm non peccat. Imò in occasione proxima esse potest, qui nunquam ante peccavit, ut si quis non assuetus vino, generosum cum aliis certando biberet, esset in occasione proxima se inebriandi, etsi se nunquam inebriasset.

4. *Occasio proxima alia est interrupta*, in qua solum quis per intervalla versatur, ut frequentatio chorearum, taber-



300 *Neo-Confessarius practice instructus.*  
nae, puellarum; alia continua, in qua  
quis semper versatur sine interruptione,  
ut retentio alienae pecuniae, beneficii  
Simoniace accepti, habitatio cum con-  
cubina, quae sunt peccatum quidem actu-  
ale, sunt tamen occasio saepe renovan-  
di voluntatem retinendi.

5. *Occasio proxima alia est voluntaria,*  
quae physice, & moraliter, seu per vires  
naturae, & sine peccato, gravique diffi-  
cultate vitari potest: alia involuntaria,  
quae physice, vel moraliter vitari non  
potest. Physice involuntaria dicitur,  
quam quis per vires naturae vitare non  
potest. Talis esset, si quis detineretur  
cum concubina in carcere, vel in navi,  
in mari. Moraliter absolute involuntaria  
est, quam quis vitare non potest sine pec-  
cato: talis potest alicui esse militia, à  
qua sine peccato ante conditum tem-  
pus discedere non potest. Moraliter in-  
voluntaria secundum quid est, quam  
quis sine valde gravi difficultate, vel  
damno non potest vitare: talis posset  
alicui esse officium Advocati, Consilia-  
rii, Chirurgi, quod quis sine damno val-  
de gravi non posset deserere. Quantum  
autem debeat esse damnum, ut occasio  
censeatur moraliter involuntaria, non  
potest unâ regulâ definiri; quia pendet  
ex variis circumstantiis, quae Confessa-  
rio ponderanda sunt, Universim dici po-  
test,

test, damnum esse debere tam grave, ut id subire communiter superet vires humanas: ut si vita exponenda esset evidenti periculo: si familia honesta esset ad mendicitatem redigenda: si viro honorato infamia valde gravis subeunda: si filius-familias deberet invito patre deserere domum paternam.

Quæ dixi de occasione proxima, con-*Periculum*  
veniunt quoque periculo proximo sal-*peccandi.*  
tem plerumque: nam illud occasionem proximam cum circumstantia externa constituit, estque aliud vitabile, aliud physicè, vel moraliter inevitabile: aliud proximum respectu omnium, aliud respectu unius proximum, respectu alterius remotum, &c. Periculum proximum aliud est formale, quod vim suam ad frequentem lapsum inducendi retinet hîc & nunc, etiam consideratò subjectò; aliud materiale, quod in se quidem vim illam retinet, ob specialem tamen subjecti dispositionem non solet cum peccato coniungi, aut meritò creditur non conjungendam, & hoc etiam dicitur formale respectivè remotum. Formale proximum aliud est per se, aliud per accidens tale, uti dixi de occasione. Quod, si meritò iudicetur, peccatum certò ex illo secuturum, dicitur formale proximum certum; si autem ob rationem gravem quidem, attamen incertam, futurum putetur,



tetur, dicitur periculum formale probabile. Si quis citra motivum prudens timet, vel suspicetur, se lapsurum, periculum erit leve. Gobat pro praxi putat, quodd, qui scit, si decies adeat periculum v. g. consortium, se labi septies, vel octies periculum sit illi moraliter certum: si autem ter, vel quater, censet, quod tantum sit probabile, leve verò, si nunquam cadat, vel fortè semel, aut raro, & veluti casu. Porro, quot lapsus requirantur, ut quis in occasione certa censeatur frequenter labi, variè æstimandum est secundum dicenda num. 175. Quidam meritò censent, frequentem esse lapsum, si contigat ferè ad singulas occasiones recurrentes.

## QUÆSTIO II.

*Quomodo procedendum sit Confessario cum constitutis in occasione peccandi proxima?*

169. **R**esp. I. Propter existentiam in occasione peccandi remota non est Absolutio neganda absolutio; quia existens in ea potest sufficienter esse dispositus, etsi eam non velit deferere, cum ad peccata remotè se habeat, & vim ad peccata movendi facillè superabilem, volenti uti gratiis ordinariis. Sic nemo dicit, dispositum esse non posse, qui non vult deferere mer-

catur-

caturam; militiam, amovere divitias, peccati  
paupertatem, morbum, sanitatem, quæ *gravis.*  
sunt occasiones peccandi remotæ. Imò,  
cùm in nullo statu tales occasiones de-  
sint; deberent omnes è mundo exire; ut  
loquitur Apostolus 1. Cor. 5. si tales oc-  
casiones necessariò removendæ essent.

Resp. II. Neque neganda absolutio  
pœnitenti propter existentiam in occa-  
sione proxima, quam vel physicè, vel si-  
ne peccato deferere, vel vitare non po-  
test: modo sit dispositus, paratúsque uti  
mediis, ad cavendum relapsum præscri-  
ptis. Ratio est, quia permanentia in  
tali occasione ipsi imputari non potest ad-  
culpam: nemo enim obligatur ad aliquid,  
quod physicè vel sine peccato præstare  
non potest. Quod, si emendatio se-  
quatur, poterit deinceps absolvi; si  
autem illa post unam, alterámve confes-  
sionem non appareat differenda est ab-  
solutio, donec appareat emendatio sal-  
tem notabilis: tum, ut pœnitens mayo-  
rem concipiat horrorem peccati, cona-  
túmque majorem adhibeat; tum, ut amo-  
veat fundatum dubium de serio propo-  
sito. Excipe, nisi adessent specialia si-  
gna doloris, aut necessitas aliud exigeret.

Resp. III. Non est absolvendus pœ-  
nitens, qui physicè, & facilè potest occa-  
sionem proximam continuam mortaliternolenti de-  
peccandi deferere, & non vult; etsi di-  
ferere oc-  
cat

170.

Nec ob

existenti-

am in oc-

casione

proxima

physicè

inevitabili.

171.

Neganda

molenti de-

ferere oc-

cat



caſionem cat, ſe habere propoſitum firmiſſimum  
*proximam* non amplius peccandi. Eſt communis-  
 continu- ſima, & certa ſententia. Ratio eſt, quia  
*am, facile* talis propoſitum nec habet, nec manens  
*vitabilem*, in iſta occaſione habere poteſt: velle e-  
 nim manere in tali occaſione eſt velle  
 peccatum, cum ſit cum frequenti relapſu  
 conjuncta, & ſine gravi incommodo vi-  
 tabilis. Unde Innocent. XI. damnavit  
 hanc ordine ſextam: *Poteſt aliquando*  
*abſolvi, qui in proxima peccandi occaſione*  
*verſatur, quam poteſt, & non vult omitti-*  
*re, quin imo directè, & ex propoſito quer-*  
*rit, aut ei ſe ingerit.* Damnatur autem  
 hæc propoſitio, ut rectè Cardenas in 2da  
*Criſt diſſ. 40 c. 5. art. 4. num. 114.* diviſim  
 ita, ut ejus contradictoria ſit: nec poteſt  
 aliquando abſolvi, qui in occaſione pro-  
 xima peccandi verſatur, &c. nec qui di-  
 rectè eam quærit, aut illi ſe ingerit: quia  
 particulæ: quin imò exprimunt caſum  
 magis dubium.

172. Reſp. IV. Abſolvendus quoque non  
*Et nolent* eſt, qui non vult vitare occaſionem pro-  
 vitare in- ximam interruptam graviter peccandi,  
 terru- v. gr. choreas, tripudia, conſortia, in qui-  
 ptam. bus frequenter peccat graviter. Ratio  
 eſt, quia cum ſciat ſuam fragilitatem, pe-  
 riculūmq; proximum; ſi vitare nolit,  
 propoſitum requiſitum non habet. Quod,  
 ſi ſeriò promitteret vitare talem occaſi-  
 onem, poſſet primâ, vel ſecundâ vice,  
 quâ

quâ peccata ista confitetur absolvi; quia  
facilius præsumi potest propositum ef-  
ficax, cum hic effectu non sit in occa-  
sione proxima, secus, ac existens in  
continua: hic enim; licet fortè affectu  
illam deferat, non tamen deferit effectu,  
estque illi periculum relabendi semper  
præsens. Quod, si semel, atque iterum,  
sive eidem, sive diverso Confessario is-  
fidem fregisset, ac tertio emendationem  
promitteret, differenda esset absolutio,  
usque dum emendatio appareat, quia  
cum ab illa occasione abesse facile pos-  
sit, & non vitet; ei fidem jam aliquoti-  
es non servandi, credi ultra non potest.  
Excipe nisi substantiæ essent mutatae,  
vel occasio talis, ut Confessarius pru-  
denter sperare posset, quod poenitens  
per media specialia, hactenus ei non  
suggesta, sit ex occasione proxima fa-  
cturus remotam.

Resp. V. Qui occasionem proximam 173.  
continuum, sine peccato, & gravi incom-*Imo, & ni-*  
modo, & nunc, & ante evitabilem, ade-*si prius de-*  
oque voluntariam non deseruit, per seferat fa-  
loquendo; absolvendus non est, nisi eamcile vitabi-  
prius deserat; etsi promittat, se eam de-*lem conti-*  
inceps deserturum. Ita *Sand. Carolusnuam,*  
*Borromæus p. 3. instr. pastoral.* Et ratio  
est, quia, cum poenitens eam facile de-  
ferere potuerit, & non deseruerit; su-  
spectum est ejus propositum, exponi-  
*R. P. Reuter Neo-Conf.* U tūrque



306 *Neo-Confessarius practicè instructus.*  
túrque periculo proximo relabendi, eam-  
que non deferendi, nisi timor negandæ  
absolutionis retrahat. Unde per se lo-  
quendó, absolvendus non est magus, ni-  
si prius pactum cum dæmone rescindat,  
extradátque omnia instrumenta diaboli-  
ca comburenda: nec possidens benefici-  
um Simoniacè obtentum, nisi aut dimi-  
serit illud, aut suum fecerit, aut serveat  
jam opera, ut fiat ipsius: nec, qui faci-  
lè potuit, modóque potest reparare gra-  
vem injuriam proximo illatam in bonis  
fortunæ, famâ, honore, &c. & non re-  
paravit: neque concubinarius nisi concu-  
binam dimiserit à se, etsi ploret & pro-  
mittat se, ubi domum redierit, statim  
dimissurum, maximè, si id aliàs promisit,  
& fidem fefellit; quia sola præsentia mu-  
lieris apta est cor hominis libidinosi  
immutare, adeoque nec ipse sibi cre-  
dere potest præsertim, cùm amor natu-  
ralis, & non malus, si nimium excresce-  
re sinatur, quosdam ita occupet, ut per-  
sona amata continuò observetur, & ani-  
mum quodammodo fascinetur. Unde  
rectè dixit *S. Franciscus Xaverius Epist. 1.*  
Cum hominibus horum tractatum tam  
promptis & liberalibus ad obligandam  
fidem, quàm ad exsolvendum tardis &  
segnibus, cum arrha transigendum esse:  
id est, datam fidem facto firmandam ab  
illis esse. Nec ante credendum lacrymis,

ait

ait S. Thomas à Villa nova serm. 6. post  
 Dominicam. 4. Quadrag. Sed firmiter te-  
 nendum, vix, aut ne vix unum, qui mu-  
 lierculæ cohabitanti aliquoties mortife-  
 re adhæserit, licet res turpis necdum abi-  
 erit in consuetudinem aut occasionem  
 proximam, emendandum, nisi per sepa-  
 rationem; quia peccati, & delectationis  
 memoria, objecti præsentia, pronitas in  
 talia insensibiliter cor ejusmodi hominis  
 emolliunt. Dixi tamen: *Per se loquendo*:  
 nam possent esse circumstantiæ, in qui-  
 bus absolutio foret impertienda; ut, si  
 poenitens esset in articulo mortis, vel  
 evidenti ejus periculo, nec posset hic, &  
 nunc, paratus tamen proximè occasio-  
 nem remove, vel deferere, quia credibi-  
 le est, adesse serium propositum eam a-  
 movendi. Quod, si occasio esset cohabi-  
 tans mulier, & poenitens crederetur  
 non statim moriturus, obligandus esset,  
 non quidem, ut, si sine gravi infamia, vel  
 scandalo fieri non posset, statim eam ex-  
 pelleret, sed aliquam pro se peregrina-  
 tionem suscipere juberet, atque ita a-  
 spectus, & tentationes vitarentur. Dein,  
 si poenitens ignorasset peccatum esse,  
 manere in occasione, aut hanc putasset  
 non esse proximam, aut saltem non esse  
 obligationem, illam tam cito tollendi,  
 hoc casu posset prima vice absolvi, sal-  
 tem, si occasio non esset mulier. Si au-  
 tem



308 *Neo-Confessarius practice instructus.*  
tem vellet altera vice absolvi, sublata  
necdum occasione, audiendus non esset.  
Putat quoque Suar. Lugo, & alii, posse  
semel absolvi, si videatur ex audita Con-  
cione, vel ferventi exhortatione Confes-  
sarii singulariter dispositus, statueretque  
eam statim tollere; quia censetur ampli-  
us non velle illam occasionem retinere.  
Excipe, nisi occasio esset mulier cohabi-  
tans, turpiter amata: quia proposita in  
talibus sæpe sunt inefficacia, aut nimis  
periculosum est, ne data absolutione sta-  
tim flaccescant.

174. Resp. VI. Absolvendus est existens in  
*Secus, si occasione proxima, quam moraliter vi-  
sit morali- tare non potest, puta quia aliàs sube-  
ter inevi- unda esset gravis infamia, vel damnum  
tabilis, & valde grave temporale, aut spirituale,  
speretur modò prudenter judicetur habere dolo-  
reddenda rem, ferivmque propositum adhibendi  
remota. omnia media ad periculum formale de-  
struendum necessaria. Ratio est, quia, si  
possit, velitque ex occasione proxima fa-  
cere remotam, paratúsque sit præstare,  
quæ moraliter potest, prudenter credi-  
tur esse dispositus; fieretque illi injuria,  
si cogeretur in tali casu occasionem de-  
serere statim. Uti, si filius cogeretur di-  
scedere ex paterna domo: Parochus, vel  
Chirurgus officium, quibus hæc essent  
proxima peccandi occasio, quam serio  
vellent facere remotam, abdicare statim*  
jube-

juberentur. Ratio est, quia occasio de se non est peccatum, & ut ponitur, poenitens paratus est, vim ejus inductivam ad peccatum enervare. Attamen si occasio esset talis, ut stante illa separari emendatio non posset, aut spes nulla esset remedia esse profutura; nec primâ vice absolvi posset, nisi prius eam deseruerit, quia velle manere in tali occasione est velle peccatum, valétque tunc illud Christi Matth. 18. *Si oculus tuus scandalizat te, erue eum, & projice abs te.* id est abscinde occasionem illam, etsi esset tibi res chara, ut oculus &c. Ac illud Matth. 10. *Qui amat patrem, aut matrem plus quam me, non est me dignus.* Similiter, si adhibitis mediis æquè frequenter relabatur ex illa occasione, differenda est absolutio, donec emendatio appareat, nisi fortè nunc aliis mediis videretur juvandus, aut alia adessent signa sinceri doloris, & propositi. Si autem per media alia relapsus rarus, aut multò rarior redderetur, seriòque poenitens cooperaturus divinæ gratiæ videretur, absolvi posset. Dixi in responsione: *Ausdamnum valde grave subeundum esse.* Nam non lucrum acquirendum, sed damnum incurrendum facit moralem vitandæ occasionis proximæ impossibilitatem, quæ ad permanendum licitè in tali occasione requiritur, uti constat ex damnatis



310 *Neo-Confessarius practicè instructus.*  
propositionibus. Alexander VII. damnavit hanc ordine quadragesimam primam. *Non est obligandus concubinarium ad ejiciendam concubinam, si hæc nimis utilis esset ad oblectamentum concubinarij, vulgò regale, dum deficiente illâ, nimis ægrè vitam ageret, & aliæ epulæ tædio magno concubinarium afficerent, & alia famula nimis difficilè inveniretur.* Innocentius autem XI. hanc 62. proscripsit. *Proxima occasio peccandi non est fugienda, quando causa aliqua utilis, & honesta non fugiendi occurrit.*

Ex dictis constat, magnâ prudentiâ opus esse Confessario in præsentî materia, ut ex circumstantiis discernat, an aliqua particularis occasio sit moraliter inevitabilis, adeoque talis, ut poenitens in ea, saltem aliquo tempore, relinquî possit, & interim aliquoties absolvi, aut talis, ut ne vel semel absolvi possit, nisi deferatur. Prudenter monet Pater Paulus Segnery in *Instruct. Confess.* ut attendat Confessarius, si poenitens cogeretur subire grave malum pro evitanda occasione peccandi, an non plura ex eo peccata sint secutura, vel an non facilius sit persuadere, ut media efficacia adhibeat, & emendet; quàm ut deferat occasionem, eò quòd periculum formale nunquam sit inevitabile.

*Consilium  
P. Segnery.*

QUÆ-

Q U Æ S T I O III.

Quis dicendus sit consuetudinarius, & recidivus?

175.

**R**esp, Consuetudinarius dicitur, qui ex inclinatione, vel habitu per actus frequentatos in certa specie peccati v. gr. blasphemiæ, perjurii, imprecationis, luxuriæ, contracto, frequenter relabitur in certum peccatum. Cum consuetudinario multi confundunt recidivum, quem dicunt illum, qui iteratis aliquoties confessionibus, post singulas confessiones in eadem peccata reincidit. Verum in rigore idem non est: etsi enim omnis consuetudinarius sit recidivus, non tamen contra. Nam qui semel relapsus est in peccatum ante remissum, verè recidivus est, non tamen consuetudinarius: sicut & in occasione proxima relapsus potest necdum esse consuetudinarius. Quæ autem frequentia relapsuum requiratur, ut aliquis dicatur consuetudinarius, & tractandus ut talis; non unâ, ut dixi de occasione proxima, regulâ definiendum est, sed attendendum ad naturam, & circumstantias peccati, ad tempus, modumque committendi peccata. Nam peccata, quæ ore, vel cogitatione fiunt, sicut facilius committuntur, sic major in iis requiritur numerus ad frequentiam ex consuetudine.



312 *Neo-Confessarius practicè instructus.*  
ne. Dein ad consuetudinem requiruntur  
relapsus per notabile tempus: neque e-  
nim, qui per unam tantum hebdoma-  
dam, vel mensem frequenter est rela-  
psus, is consuetudinarius dicitur; & re-  
lapsus, qui censetur frequentes respec-  
tu octidui, non censetur frequentes res-  
pectu aliquot mensium, sic certum pec-  
catum sæpe censetur in septimana com-  
mitti, si ter, quaterve per septimanam  
recurrat, non verò, si toties per mensem,  
censetur frequens relapsus in mense. Si-  
militer, qui duodecies per mensem pec-  
caret peccato molitiei, censeretur fre-  
quenter in mense peccasse, non tamen,  
si toties intra annum, dicendus esset  
frequenter in anno peccasse, ita ut ha-  
beretur pro consuetudinario: si singulis  
autem septimanis per annum. vel ali-  
quot annis sic peccaret, habendus est  
pro consuetudinario, & frequenter re-  
lapso; relapsus enim essent quinquagin-  
ta duo intra annum. Denique peccata  
minus deliberata, vel ex communi fra-  
gilitate facillè committi solita, maiorem  
numerum petunt,

#### Q U Æ S T I O I V.

*Quomodo practicè procedendum cum con-  
suetudinario extra occasionem proximam?*

176.  
*Absolvi*

**R**esp. I. Regulariter danda est abso-  
lutio consuetudinario extra occa-  
sionem

tionem proximam, quando prudenter ordinariè  
 judicatur adferre dispositionem requisi-*potest con-*  
 tam, aut ad illam per exhortationem & *suetudina-*  
 industriam Confessarii jam adductus es-*rius, quan-*  
 se; nisi illam ad tempus differri svadeat, *do pru-*  
 aut exigit illius utilitas, inconstantia, vel *denter ju-*  
 aliqua necessitas, &c. Ratio est, quia *dicatur*  
 per confessionem acquisivit jus ad abso-*dispositus.*  
 lutionem; ergo illi danda est, aut modo,  
 aut saltem post tempus aliquod, si ad id  
 eam differri causa justa svadeat, vel exi-  
 gat. Dixi: *Si prudenter judicetur.* Nam,  
 si iudicium prudens formari non possit  
 de requisita dispositione, per se loquendo,  
 absolutio aut neganda, aut differenda est.  
 Vide dicta n. 34.

*Petes:* Ex quibus indiciis prudens il-  
 lud iudicium formari possit

**R**esp. I. Ex indiciis sinceri doloris, <sup>177.</sup>  
 & efficacia propositi, futuræque *Indicia*  
 emendationis, qualia sunt. 1. Suspiria, *disposi-*  
 gemitus, lacrymæ sinceræ. 2. Si pœ-  
 nitens longum. & difficile iter proprio  
 motu confessionis gratiâ suscepit. 3.  
 Si peccatum, aliàs celatum, magno cum  
 rubore confiteatur. 4. Si aliquo tem-  
 pore à peccato abstinuerit intuitu con-  
 fessionis faciendæ cum fructu. 5. Si  
 jejunaverit, certas preces quotidie per-  
 solverit, pro confessione ritè instituenda,  
 & venia impetranda, &c. 6. Sima-



ior conatus emendandi sit adhibitus. Si rariùs, vel difficiliùs ab ultima confessione intra tempus priori simile relapsus sit: si sibi vim intulerit contra tentationem. 7. Si circumstantias, & illecebras peccatorum removerit, v. gr. novum vitæ genus sit amplexus certam societatem periculofam vitârit: si quid evenerit, quod specialem metum incusserit. 8. Si remedia contra relapsum præscripta cum fructu adhibuerit: si de industria ad Confessarium venerit, à quo efficaciora putabat media præscribenda. 9. Si se offerat ad priora media seriò, & studiosius adhibenda, difficiliora libenter admittat, injurias ultro condonet: si desideret complices peccati converti, & velit ad id cooperari. 10. Si optet pati ad satisfaciendum Deo offenso, vel gaudeat se à Deo puniri, aut approbet justam Dei vindictam. Ex his deduco sequentes Regulas pro praxi.

178.  
*Absolvi  
potest dis-  
positus,  
qui pri-  
mum con-  
fiteatur  
consuetu-  
dinem.*

*Regula ima.* Absolvi potest consuetudinarius, imò & ordinariè debet, nisi aliud circumstantiæ svadeant, non solum, qui media præscripta adhibuit contra peccata consuetudinis jam ante confessæ, & numerum imminuit; sed etiam qui prima vice consuetudinem suam confitetur, & jam judicatur prudenter esse dispositus, vultque media proposita ad emendationem utilia vel necessaria adhibere.

Ratio

Ratio patet ex dictis. Neque necesse est, ut Confessarius iudicet, quòd pœnitens nunquam sit relapsurus; vel satis, quòd prudenter possit iudicare, quòd verum dolorem, propositumque habeat; & spem faciat emendationis: in his enim consistit sincera, plenaque conversio. Unde &, si quis medicinales pœnitentias non obivisset, eò quòd à Confessario ipsi nunquam fuissent præscriptæ, nunc autem paratus esset eas subire, & media præscribenda adhibere, spemque faceret emendationis, absolvi posset.

*Regula 2da.* Neganda consuetudinario absolutio est. 1. Si non velit serio allaborare, ut vincat consuetudinem, quia peccata sunt adhuc ipsi voluntaria in causa. 2. Si media præscripta neglexit, &, quæ scivit necessaria, non adhibuit provincenda consuetudine, nec modò signat extraordinaria doloris, & propositi; idque, licet dicat, se jam paratum adhibere media difficiliora. Ratio est, quia adest iusta causa dubitandi de dispositione, & sæpe tales promittunt magna ex timore negandæ absolutionis, sed se, & Confessarium decipiunt. Unde, saltem ad tempus neganda absolutio, ut discat melius apprehendere mediorum necessitatem. 3. Idem faciendum ob rationem datam, si post singulas confessiones frequenter deliberatè relapsus est  
ducto



316 *Neo-Confessarius practice instructus.*  
ducto initio ab uno, alterove die post  
confessionem. Excipe, nisi nunc alia  
adsint signa ex prædictis-

*Regula 3tia.* Differenda est absolutio.  
1. Si ob frequentiam relapsuum Confessarius prudenter judicare non possit, poenitentem esse ritè dispositum, etià is dicat, se dolorem, & propositum habere. Ratio est, quia Confessarius, utpote iudex, debet prudenter judicare, reum esse capacem absolutionis; aliàs abutitur suâ potestate, estque præsumptio contra poenitentem, ubi non sunt indicia ad iudicium prudens formandum sufficientia; cum is fidem sæpe datam sefellerit, lateantque in consuetudinariis pravi habitus, inclinationes & pravi affectus, quos experirentur. si se coram Deo examinerent, & conscientiam suam consulerent: v. gr. An, si occurrent ordinariæ occasiones, & illecebræ, non essent parati agere, negligere, ut ante, redire ad confortia, & pericula? Unde languida, & inefficacia sæpe sunt eorum proposita, quibus voluntas non avertitur à peccatis ita, ut si nunc adesset occasio ista repetendi, nullâ ratione admitteret in iis complacentiam, aut desiderium eorum; talis autem voluntas requiritur ad propositum. 2. Si Confessarius iudicet, quoddam absolutio, ante nimis facilè impensa. an-  
sam dederit relapsibus, ut proinde nulla  
fit

fit spes emendationis, si iterum statim  
detur; absolutio. per se loquendo, diffe-  
renda est, etsi Confessarius prudenter ju-  
dicet. poenitentem hic, & nunc esse di-  
spositum. Ratio est, quia ad Confessa-  
rium, utpote medicum, pertinet non so-  
lum vulnera curare praesentia, sed etiam  
media praeservativa à relapsu adhibere.  
Hinc, si dilationem judicârit necessari-  
am, teneretur differre absolutionem, si  
autem non necessariam quidem, attamen,  
valde utilem; non teneretur quidem, pos-  
set tamen, poenitente (licet hoc ordi-  
nariè non expediat) etiam invito: quia  
medici est providere infirmo praesertim,  
ubi agitur simul causa tertii, uti hic agi-  
tur causa Dei, & Domini nostri, majus-  
que bonum est ad breve tempus carere  
gratiâ (quam tamen poenitens per con-  
tritionem acquirere potest.) cum spe eam  
habendi deinceps perseveranter, quàm  
statim eam accipere cum praesenti peri-  
culo illam paulò post iterum amittendi.  
Experientiâ enim constat, quòd brevis di-  
latio absolutionis multum conferat ad e-  
mendationem consuetudinarii; quia huic  
aperit oculos, ut cum sua confusione vi-  
deat animæ suæ pericula, gratiæque di-  
vinæ det locum juxta illud Psalm. 81.  
*Imple facies eorum ignominia, Et quaerent  
nomen tuum Domine Dixi Per se loquendo.*  
Nam in articulo mortis, & casu, quò pu-  
tare-



318 *Neo-Confessarius practicè instructus.*  
taretur dilatio absolutionis poenitenti  
non profutura, danda esset absolutio.

179.

*Resp. II.* Si aliàs tibi non confessus,  
*Quid si* prima vice tibi confiteatur suos relapsus  
*sæpius re-* in idem mortale, interroga, quandonam  
*lapsus tibi* ultimo sit confessus? Si spectato tempo-  
*non sit un-* re secundum dicta num. 175. relapsus  
*quam con-* videatur frequens; interroga an ante il-  
*lud tempus* frequenter sit lapsus in idem

peccatum? An aliquo tempore abstin-  
erit, media adhibuerit, numerum immi-  
nuerit? &c. & facile patebit, quid agen-  
dum sit secundum dicta. Duo Confes-  
sario interim sollicitè cavenda: unum ne  
*Duo ca-* sit nimis rigidus; alterum, ne sit nimis  
*venda* facilis & de mediis efficacibus parum  
*Confessa-* sollicitus; rigor enim nimius poeniten-  
*rio con-* tes in desperationem agit: terrendi sunt,  
*suetudina-* sed & animandi, proponendo pericula,  
*rii.* & poenas ex una parte; ex altera para-  
tum Dei auxilium, & desiderium, ut pec-  
cator ad se revertatur. Languida au-  
tem benignitas, & nimis facile consue-  
tudinariis impensa absolutio causa est,  
quòd pluribus annis inforDESCANT con-  
suetudini, alii se polluendi, alii blasphemandi,  
maledicendi, jurandi, execrandi, &c. Unum in-  
quiunt PP. Concilii Lateranensis, est. quod sanctam maximè pertur-  
bat Ecclesiam, falsa scilicet poenitentia: id-  
circo Confratres nostros & Presbyteros  
admonemus, ne falsis poenitentiis laicorum

animas decipiant, & in infernum pertrahi  
patiantur. Hactenus PP. Verendum sa-  
nè, ne in Confessarios, qui injuncta levi  
pœnitentia consvetudinarios absolvunt  
vix monitos, dimittunt mediis nullis  
munitos, aliquando cadat illud Achabo  
dictum lib. 3. Regum cap. 10. *Quia di-  
misti virum morte dignum; erit anima tua  
pro anima illius.* Quæ autem media  
sint præscribenda, quæ pœnitentiæ in-  
jungendæ, dixi n. 18. 38. & à num. 56.  
Item dicetur num. 188. Cæterum con-  
svetudinario in materia luxuriæ impi-  
mis necessarium est, ut frequenter con-  
fiteatur, & quoad fieri potest, eidem pru-  
denti, docto, & bene experto Confessa-  
rio, cujus consilia sequatur, ad quem sta-  
tim post lapsum recurat, aut, si neque-  
at, vindictam de seumat, &c. Nemo,  
inquit Cardinal. Toletus, loquens de con-  
svetudinario molli, sibi promittat emen-  
dationem, nisi per miraculum, vel raris-  
simum privilegium, sine frequentissima  
confessione. Unde, si talis rarò confi-  
teatur, vel notetur currere de uno ad al-  
ium, meritò dubitari potest de ejus di-  
spositione, quia negligit medium utilissi-  
mum & ferè unicum, si tamen de hoc mo-  
nitus fuit.

Resp. III. Si consvetudinarius suam 180.  
consvetudinem prima vice confiteatur, *Serio do-  
in eoque notetur extraordinarius dolor, lens non  
& i-tantum ad*



*fiduciam  
traducen-  
dus.*

& ideo videatur statim absolvendus; caveat Confessarius, ne dolorem sistat & animum poenitentis à foeditate peccatorum suorum considerata ad motiva duntaxat fiduciæ in Deum intempestivè abducatur: hoc enim esset operationem Spiritus sancti impedire. Deinde advertat, an dolor oriatur ex clara Divinæ bonitatis cognitione, qui solet cum dulcedine esse conjunctus, ob inchoatam veri boni per amorem possessionem, an verò ex horrifico aspectu scelerum, sitque totus felle permixtus? si primum, doceat, blanditias illas fuscipere cum humili confusione, ut faceret reus læsæ majestatis, si à Rege, loco supplicii, specialibus favoribus augeretur. atque sancto rubore suffusus se intra se ipsum recondat, indignum se reputans favoribus, & deliciis filiorum Dei. Si secundum, doceat, oculos quidem in sua scelera generatim (in specie enim recordari, præsertim in materia luxuriæ, non expedit) ad tempus conjicere, ita tamen, ut per intervalla ad abyssum misericordiæ Divinæ, meritæque Christi reflectat: sic enim & confusio, & fiducia inducetur; quæ principium est fortitudinis. Quod, si emendata jam consuetudine, notetur pertristes animo volvere cogitationes; magis trahendus esset ad fiduciam, monendūque, ut, ubi memor peccatorum tristatur

tur aut etiam lachrymas fundit, statim  
dolorem in Deum dirigat, dolendo ob  
ejus bonitatem offensam, statuâtque of-  
fensas compensare, & tranquillum gerat  
animum. Fieri enim potest, ut dolor  
ex dispositione naturæ proveniat, & non  
ex gratia: neque peccata perpetuò sunt  
versanda animo, etsi salutare sit, ea re-  
cordari in genere quandoque.

Resp. IV. Si poenitens consuetudina- 181.  
rius videatur pusillanimis, & turbati a-  
nimi, eò quòd parum proficiat, non mul-  
tum terrendus, sed laudandus est, si quid *Pusillani-*  
emendaverit, spēsque faciendā plenæ per *mis eri-*  
Dei gratiam emendationis, quæ eò fa- *gendus;*  
ciliora reddet omnia, quòd sæpius ipse, *minùs sol-*  
meliusque vicerit. Tali necessaria est *rendus.*  
magnitudo animi, spes magna victoriæ,  
& perseverantia. Si millies quis cadat,  
millies resurgat, & pugnam innovet.  
Deo major est glória, magnum reduce-  
re peccatorem, quàm minorem. Si vide-  
atur sibi nihil proficere, non idèò nihil  
proficit. Horologii umbra crescit, & non  
advertimus, dum creverit: segetes cre-  
scunt, & non videmus crescere, sic vir-  
tus crescit, etsi non notetur statim aug-  
mentum: notatur tamen post tempus.  
Si autem non pusillanimis, sed minùs  
sollicitus sit de emendatione; terrendus  
est proponendo judicia Dei, mortem, poe-  
nas, diaboli insidias & invidiam, abu-  
R. P. Reuter Neo-Conf. X sum



322 *Neo-Confessarius practice instructus.*  
sum donorum Dei, & concessi temporis ad operandam salutem. &c.

182. Resp. V. Si consuetudinarius solitus  
*Quando* frequenter relabi in eadem peccata mor-  
*ad confes-* talia, post plures jam confessiones adver-  
*sionem ge-* tatur esse verè poenitens, & incipiat se  
*neralem* emendare; inducendus est ad confесси-  
*adducen-* nem generalem, ut supra memini, quia  
*aus?* prudens est timor, ne confessiones ante-  
cedentes plures fuerint invalidæ ob de-  
fectum doloris, & propositi, aliàs tamdiu  
in pessima consuetudine non mansisset.

183. Resp. VI. Si consuetudinarius sit in  
*Quomodo* pluribus materiis; specialis cura impen-  
*tractan-* datur primò, radici, vel illis, quæ magis  
*aus con-* scandalosa sunt, instituto priùs super his  
*suetudin-* examine particulari; donec unum post  
*rius in* alterum expugnetur, nec unquam de-  
*pluribus* spondeat Confessarius animum, multò  
*materiis?* minùs, repellat poenitentem tanquam  
incurabilem; sed pro eo oret: si cona-  
tus fructum habet, non extollatur; nec  
dejiciatur, si non habeat: Dei enim est  
opus conversio animarum. Quòd, si ta-  
men post longum conatum videret, nul-  
la juvare media, potest consuetudinario  
molli suadere matrimonium, si ætas fer-  
rat: aut quandoque statum religiosum, in  
quo sit rigor, disciplina, rara conversatio  
cum altero sexu; aliàs probro facilè erit  
Religioni. Status autem Ecclesiasticus tali  
vix expediet: quia in hoc isti vitio sunt  
fo-

fomenta sua, & occasiones majores ruinæ.

Resp. VII. Si se emendans luxuriosus 184.  
 patiatur nocturnas pollutiones, ut con-  
 tingere solet talibus; monendus est, utemendatus  
 non terreatur, modò consensum non præ-  
 beat, quia patitur ex naturæ assuetudine; *de nocte*  
 non agit. Videantur dicta n. 73. *turpia?*

## Q Æ S T I O V.

*Quid præterea notandum circa consuetu-  
 dinarium in blasphemando, jurando,  
 imprecando mala?*

**R**esp. I. Qui consuetudinem habet 185.  
 proferendi verba blasphema, tene-  
 tur sub peccato mortali seriò conari eam  
 tollere. Quod, si faciat, & tamen laba-  
 tur, potest excusari aliquando; eò quòd  
 verba illa ex impetu naturæ effusa non  
 sint voluntaria in se, nec in causa; quia  
 retractata proposito efficaci. Si verò  
 non conatur, est in statu malo, tenetur  
 que consuetudinem, seu negligentiam  
 suam graviter malam confiteri; & nisi se-  
 riò statuatur eam consuetudinem tollere,  
 neganda est illi absolutio. Non excusa-  
 tur, qui puerum vel stultum, aut ebrium  
 induceret ad blasphemandum; quia, licet  
 verba blasphema non retineant maliti-  
 am objectivam respectu stulti proferen-  
 tis illa, retinent tamen respectu inducen-  
 tis ad illa, qui censetur illa proferre per  
 alium, non secus, ac si quis per organum  
 talia proferret; multò minus, qui ore pro-  
 fert



186. Resp. II. Si quis se accuset de juramento. I. Interrogandus est, quibus verbis sit usus, præsertim si rudis sit. Nam sæpe dicunt se jurasse, cum simpliciter aliquid gravius affirmarunt sine ulla intentione Deum vocandi in testem: ad juramentum autem requiritur, ut Deus vocetur in testem, quod indicant hæc verba: Testor Deum: invoco Deum testem: sub juramento confirmo: sub juramento meo tibi hoc faciam. Multi tamen postremis his verbis non intendunt jurare, sed tantum gravius affirmare. Hæc verò: Deus novit: testabitur suo tempore: coram Deo loquor: Deus novit omnia: Deus videt meam conscientiam; nisi aliud constet ex circumstantiis, censentur tantum narrative, non verò invocative proferri. Nec juramentum est, si quis dicat: Tam verum est, quam hic sedeo, quam sol lucet: expono caput meum: amputentur mihi aures, nisi ita sit: per fidem meam: per conscientiam meam: verè, certè, in veritate, fide boni viri, boni Christiani; sim nequam, & fur, si ita non est. Elset tamen juramentum, si quis diceret: Per fidem Catholicam, per Evangelium, ita est; quia censetur horum author invocari testis. Si quis dicat: Tam verum est, quam Evangelium, quam verè Christus est in

Ve-

Venerabili, quàm verè Deus est; non videtur juramentum; esset tamen blasphemia, si intenderet asserere æqualitatem veritatis, vel credibilitatis: secus, si intenderet tantum dicere, hoc esse suo modo verum, sicut alterum verum est suo modo. Si quis aliquid affirmet per creaturas, quibus Deus specialiter indicatur, juramentum censetur: ut, si affirmet per coelum, vel templum. An affirmare per animam, sit juramentum, dubium esse ait *Tamb.* ex communi tamen usu censetur juramentum: quia anima est clarissima Dei imago. Excusantur à mortali tamen rudes sæpe, sic falsò jurantes, quia, licèt sciant id vocari juramentum; tamen non intendunt Deum vocare in testem, nec apprehendunt, nisi aliquam rationem mali in confuso non tantum momenti. Si quis dicat verba, quæ non continent juramentum, & reipsa velit Deum vocare in testem, jurat: juxta *La Croix l. 3. p. 1. num. 158.* Si autem nesciret, quid sit jurare, ut sæpissimè non sciunt rudes; non jurat, etsi intenderet verba proferre, ut faciunt alii; quia ineffaciter tantum voluit jurare, neque Deum vocat in testem, cum non sciverit se hoc facere. Unde rudes interrogandi quoque sunt, an intenderint Deum vocare in testem. 2. Qui consuetudinem jurandi habere notatur, examinandus est,



326 *Neo-Confessarius practicè instructus.*  
 an promiscuè juret, non attendendo, an  
 verum vel falsum sit? Si hanc con-  
 suetudinem habet, est in malo statu, te-  
 neturque eam consuetudinem sub mor-  
 tali tollere: si autem consuetudinem ha-  
 bet jurandi non falsò, non peccat qui-  
 dem, per se loquendo, nisi venialiter, et  
 si consuetudinem non retractaverit; est  
 tamen talis consuetudo seriò emendan-  
 da, quia scandalosa, & periculo exponit  
 falsò etiam jurandi. Dixi: *Per se loquen-*  
*do:* quia parens v. g. posset ratione scan-  
 dali peccare graviter, si liberi inde  
 discant promiscuè jurare, aut, si quis  
 juramento se obligaret ad faciendam  
 rem graviter malam, aut dubitans  
 de veritate juraret: Tria enim re-  
 quiruntur ad juramentum licitum, nem-  
 pe justa causa; res justa, seu honesta &  
 & veritas saltem prudenter æstimata; si  
 primum tantum desit, per se est veniale  
 tantum; si secundum, est veniale vel mor-  
 tale juxta communioem, prout est res  
 graviter, vel leviter tantum mala, quæ  
 juramento affirmatur facienda; quia irre-  
 verentia videtur gravis (de qua tamen  
 aliqui dubitant, si res sit levis) se astrin-  
 gere interposità DEI autoritate ad fa-  
 ciendam rem graviter malam, secus, si  
 simpliciter peccatum, v. gr. furtum fa-  
 ctum sub juramento assereret; si desit ter-  
 tium, semper est peccatum mortale: quia  
 est

*Tria ad  
 juramen-  
 tum lici-  
 tum requi-  
 runtur.*

est gravis irreverentia Deum vocare in  
testem rei falsæ: imò juxta *Castropalao*  
semper est blasphemia: quia pejerans fa-  
cit Deum testem falsi, & quantum est de  
se: dicit: Deus confirmet hanc falsitatem,  
id quod Deo convenire non potest: con-  
tradiciunt tamen alii. Putant probabili-  
ter *Sanch. Castrop.* & alii, sufficere ad  
licitè jurandum, saltem extra judicium;  
quodd quis probabiliter judicet, rem esse  
veram. *Suar. Dicast.* requirunt certitu-  
dinem moralem, ita ut non sit prudens  
ratio in oppositum; quia jurans plus di-  
cit, quàm se opinari. *V. La Croix l. 3.*  
*p. 1. num. 267. 3.* Si habeat quis con-  
suetudinem jurandi falsò, & juramenta  
procedant ex consuetudine revera omni-  
no inadvertenter, juramenta, si consue-  
tudo retractata non sit, erunt peccata in  
causa, non tamen in se formaliter; quia  
ut ponitur, in se libera non sunt. Dixi 1,  
*Si procedant ex consuetudine:* si enim in-  
deliberatè procederent ex impetu, vel  
subita ira, nec in causa forent peccata,  
sed difficile erit discernere, an non proce-  
dant ex consuetudine; hinc tutiùs est con-  
fiteri saltem consuetudinem. Dixi 2.  
*Revera inadvertenter omnino:* quia, ut no-  
tat *Dicast.* post *Scotum*, assveti juramen-  
tis, aliisve peccatis, licèt reflexè non ad-  
vertant ad malum, exercitè tamen & ac-  
tu tenui, & quasi imperceptibili commu-

*Assuetus  
perjuriis*



328 *Neo-Confessarius practicè instructus.*  
niter, vel sæpe advertunt sufficienter ad  
malum, ut peccent & demereantur. Si-  
cut assveti actibus dilectionis Dei pro-  
rumpunt in actus illos quasi impercepti-  
biliter, nec tamen omnino inadverten-  
ter, sed cum cognitione sufficiente ad me-  
ritum *La Croix l. 3. p. 1. num. 274. &*  
*l. 6. p. 2. num. 973.* Unde in absolutione  
talis cum proportionem servanda sunt, quæ  
circa alios consuetudinarios. Videri po-  
test *La Croix l. c. à n. 271. & à n. 968.*  
Item *l. 6. n. 48.* Idem dic de assveto di-  
ris imprecationibus; quæ si fiant sine a-  
nimo, ut eveniat malum, non sunt qui-  
dem de se mortalia, nisi gravem simul  
contumeliam contineant, aut scandalo  
sint gravi; retinent tamen aliquam tur-  
pitudinem, fiuntque cum advertentia ad  
substantiam operationis malæ. Unde  
& tales consuetudinarii ferè admonen-  
di sunt; ut emendent: v. gr. dicendo: quâ  
mensurâ mensus fueris, remetietur tibi;  
eveniet tibi infortunium, & nescies, ex  
qua culpa, scias autem evenire ex tuis  
diris imprecationibus, &c.

#### Q U Æ S T I O VI.

*Quid observandum, si pœnitens frequen-  
ter relabatur in eadem venialia, sit-  
que iis assuetus?*

187.  
*Relabens*

**R**esp. I. Si venialia fiant ex subreptio-  
ne, negligentia aut subito aliquo  
motu,

motu, ut non raro contingit, v. g. infrequenter  
 mentis evagationibus tempore oratio in eadem  
 nis, verbis otiosis, motibus impatient-venialia  
 tiæ: frequens relapsus in eadem venialia quomodo  
 non tam arguit defectum doloris, ac pro-tractan-  
 positi, quàm magnam naturæ humanæ dus?  
 fragilitatem; & inconstantiam: Unde ab-  
 solvi potest poenitens sæpius in talia re-  
 lapsus, modò aliunde nihil desit, velitq;  
 magis conari emendare. Consultissi-  
 mum tamen est, ut talis suaviter indu-  
 catur, ut addat ex vita præterita, quod  
 emendatum est, & magis apprehendit,  
 quòdque sine confusione singulari po-  
 test repetere, id quod addo, ne Sacra-  
 mentum reddatur odiosum. Dein ex-  
 citetur ad dolorem singularem de illo, aut  
 saltem de uno particulari jam ab ultima  
 confessione admissio: sic enim consulitur  
 reverentiæ sacramenti, & fructus ejus  
 certius obtinetur. Utile quoque est re-  
 cidivis in eadem venialia frequenter,  
 ut vesperi leviores poenitentias assu-  
 mant, ubi se adverterint de die in illud  
 lapsos: hoc consilium si sequantur, in-  
 sensibilibiter se emendatos invenient.

2dò Si venialia sint plenè deliberata Si plenè  
 peccata consuetudinis, cautius proce-deliberata,  
 dendum, præsertim, si non addatur a- quid agen-  
 lia materia, de qua appareat verus do- dum?  
 lor, & propositum; quia prudenter time-  
 ri potest, ne desit dolor de illis veniali-



bus. Unde sunt excitandi tales ad sincerum dolorem proponendo illis illius motiva: quæ sunt sequentia: Primum. Omne veniale est pejus malum omni malo physico hujus mundi: quia mala reliqua contra creaturas sunt, quæ respectu Dei sunt, quasi non sint, & velut nihilum & inane reputatæ sunt ei: peccatum autem veniale contra Deum est. Malitia illius ex eo elucet, quia Deus Judex justus, & supra condignum non puniens: in servis etiam suis gravissimè id punivit: Moyses propter levem diffidentiae culpam exclusus est à terra promissionis: levis Ozæ imprudentia morte repentinâ: levis vanitas Davidis in numerando populo peste, & septuaginta millium hominum morte punita est. Anima, in gratia licèt constituta, infecta uno veniali, ad conspectum Dei, nisi id deleatur, nunquam admittetur: animæ Deo dilectæ in purgatorio, quas desiderat Deus protinus ad se admittere, exigente justitia retardantur à coelo, & gravissimè puniuntur: donec poenam venialibus debitam exsolverint. Ex his collige, quantum malum sit peccatum veniale. 2dum. Mortale peccatum est malum, quò gravius cogitari non potest: ad hoc veniale disponit. *Qui spernit modica, paulatim decidet. Os, quod mentitur, occidit animam.* Unde venialia delibera-

*Motiva  
doloris de  
venialibus*

ta causa sæpe sunt æternæ damnationis. Quia tepidus es, incipiam te evomere ex ore meo. Venialiter peccans non horret Deo displicere; vult potius dæmoni quàm Deo ista actione placere; est inobediens, ingratus, injurius contra Deum, illi furatur gloriam suam. Veniale est abusus Divinæ omnipotentiae, & propriæ facultatis, creaturarumque, quas Deus in gloriam suam condidit. Unde veniale est malum Deo summo bono, omni cultu, honore, amore dignissimo, an ergo non est detestandum? Juvat hîc quoque similitudinem adducere, v. gr. si filius esset, qui nollet sic offendere patrem, ut mereatur hæreditate privari, paterna domo ejici; non curaret tamen multis levibus eum offendere, & esse molestus; an is non meritò vituperandus esset, sique ingenuæ foret indolis, erubesceret? Ecce sic tu te geris erga Deum, qui mali nihil, sed innumera bona tibi contulit. Ufui etiam esse potest similitudo sponsæ erga sponsum; famuli erga dominum bonum, & liberalem sic se habentis. Ubi videbitur his dispositus, absolvi potest, vel debet, nec est paritas recidivi in venialia, cum recidivo ex consuetudine in mortalia: quia mortalia in homine majorem arguunt malitiam; non ita venialia, quæ, facilius evitantur, crediturque

Deus



332 *Neo-Confessarius practicè instructus.*  
Deus faciliùs dare amicis gratiam effi-  
cacem dolendi, quàm inimicis, præser-  
tim inveteratis, habétque ipsa in illis fa-  
ciliùs locum, utpote Deo bene affectis.  
Hinc plus fundamenti est credendi esse  
dispositos.

## C A P U T VII.

*Quæ sint remedia spiritualia constitutis  
in occasione proxima, & consuetudi-  
nariis in materia venerea?*

188.  
*Remedia  
pro con-  
suetudina-  
riis.*

**R** Esp. Præter dicta nu. 16. & n. 74.  
proderunt sequentia:

Primum. Frequens Confessio, & Com-  
munio, ut jam dixi, cum sincero dolore  
& proposito. Oratio & contritio frequens  
cum petitione veniæ: sique sit in occasi-  
one proxima; quam amovere non po-  
test, fuga conversationis solius cum sola,  
blandi aspectus, joci, colloquii familiaris.

2. Sedulò expendere, finem, ad quem  
creatus est homo, quo non obtento per-  
dita erunt omnia, & restabit infelix æ-  
ternitas. *Quid prodest homini, si univer-  
sum mundum lucretur, animas verò suæ  
detrimentum patiatur?*

3. Expendere pretium animæ suæ tam  
Christo dilectæ. Est hæc thesaurus u-  
nicus hominis, pretiosior omnibus toti-  
us mundi bonis; quia spiritus immor-  
talis, capax Deitatis, pretium sanguinis  
Unigeniti Filii DEI. Habet homo uni-

cam

cam, & hanc tam parvi pendat?

4. Concipere ingentem horrorem omnium peccati, ponderando ejus turpitudinem ex infinitis Dei in hominem beneficiis, gravitatem ex dignitate personæ offensæ, & offendentis vilitate, aliisque circumstantiis. Quis offenditur? Deus infinitæ majestatis. Quis offendit? Vilis, ingratus, rebellis homo. Ubi? In conspectu Dei, justî judicis, Benefactoris maximi & unici, in conspectu Patris amantissimi, &c. Quibus auxiliis? Donis & facultatibus à Deo concessis, & in hanc horam conservatis, ut salutem tuam, quam Deus unicè intendit, iisdem opereris. Hæc tu in perniciem tuam, in Dei contemptum detorqueas? Cur offenditur? Ob vilem, turpem, bestiis communem voluptatem, ob nihilum. Huic tu Deum postponis; ob hoc perditum is animam tuam, quam habes unicam; pejor ipso diabolo, qui tentare te potest, nolentem in ruinam impellere non potest; sed quod ipse non potest, tu sponte facis. Quomodo offenditur? Summa temeritate, dementia intollerabili, quasi certum tibi foret, postmodum locum futurum poenitentiae; aut non sufficiant ad te cohibendum, præmia, quæ diligentibus se, aut poenæ, quas dereliquentibus se Deus præparavit. Quid, si Deus diabolo, qui adstat paratus, permitte-



mitteret, ut in flagranti te ad infernum abriperet? Quando Deus offenditur? Eo momento, quo te portat in manibus suis, quo te invitat ad se unicum bonum tuum, offert tibi gratias suas, ut salutem tuam opereris, quas tu in ejus inspectantis convertis contemptum. Vide, quid agas? Tam diu te Deus toleravit, toties ignovit, venit finis, finis venit, & quia sprevisti miserantis clementiam, incidis in manus vindicantis. Poterisne habitare cum ardoribus sempiternis in igne, quem succendit furor ejus?

5. Meditari de æternis inferni poenis, & ex iis colligere peccati gravitatem: De Passione Domini nostri expendendo, quis, cur, pro quibus, quò, quantòque amore sit passus? inde inferre, quid recta ratio á nobis exigit.

6. Moderatè uti cibo & potu, sibi paulatim subtrahendo, donec deprehendatur quantitas, tantùm ad vires officio suo pares necessaria: hoc enim doemonium non ejicitur, nisi in jejunio, & oratione, proinde medium illud prius adhiendum est.

7. Ambulare in conspectu Dei præsentis, frequentando preces jaculatorias, v. g. jam petendo veniam; concitando in se confusionem, quòd toties offenderit benignissimam faciem Patris, confitendo se indignum conspectu Dei; indig-

gnum

indignum, qui assumat Nomen Dei per os suum, &c. jam agendo Deo gratias pro tam diuturna patientia, & tot beneficiis; jam adorando, jam committendo se ejus protectioni.

8. Sistere se in ingressu, & egressu cubilis Crucifixo, audire dicentem; Quid feci pro te? Et tu quid pro me? Quando erit finis turpitudinis tuæ?

9. Assvescere, ut omnia fiant ex sincera Dei dilectione, nempe quia dignus est omni cultu, honore, amore & obsequio

10. Manè, & Vesperis confugere sub præsidium Beatissimæ Virginis, ei se magna cum humilitate, & fiducia custodiendum offerre, per diem sæpe ad eam recurrere velut Matrem &c.

11. Familiariter agere cum Angelo suo Custode, colere S. Josephum, S. Joannem Baptistam, & Evangelistam, S. Aloysium, aliosque Sanctos eximie castitatis.

12. Quoties pulsat tentatio, existimare signum sibi dari, ut eliciat actum charitatis, statimque recurrere ad vulnera Christi, rogando, ne frustra velit impensum pretium sui Sangvinis, vel statim mentem applicare aliis, dolendo quod unquam Deum offenderit, vel humiliare se coram Deo, fatendo suam infirmitatem; dicendo: Domine, salva me, causa tua, honor tuus impugnatur, ne permittas



336 *Neo-Confessarius practice instructus.*  
mittas me separari à te. Si caro infestet  
vehementer, expedit sibi dolorem im-  
primere, cedere loco, & aliis se occupa-  
re. Cavendus autem est nimius timor,  
& reflexio ad tentationem: his enim  
augetur. Juvat dicere: Deus ego amo  
te, munire se signo Crucis, & seriò men-  
tem applicare aliis, seu bonis, seu indif-  
ferentibus, v. g. numerandis vitris in fe-  
nestra, legendo librum, colloquendo a-  
liis &c.

13. Vitare occasiones tentationum,  
& lapsuum; qui enim amat periculum,  
peribit in illo, si autem tentationes sine  
nostra culpa eveniant, non sunt anxie  
timendæ, sed agendum sine perturbati-  
one, ita tamen, ut tota spes, & fiducia  
ponatur non in nostris conatibus, sed in  
Dei auxilio, à quo omne datum opti-  
mum descendit. Quòd, si naturaliter o-  
riatur naturæ venerea evacuatio, quæ  
impediri facile non possit, teneantur  
manus quietæ supra pectus, mens ele-  
vetur ad Deum, cum humili petitione,  
ne permittat labi in consensum, elicia-  
tur dolor de peccatis, quibus sic puniri  
meruit, & animo sit pacato. Vide di-  
cta num, 74.

## CAPUT II.

*De Confessario penitentis, qui longo tempore confessus est invalide, vel de eo anxius est, aut generalem Confessionem facere desiderat.*

## QUÆSTIO I.

*Quomodo agendum cum eo, qui sacrilegè diu confessus est?*

**R**esp. I. Si confessus est invalide, aut 189.  
de eo timet ob peccatum aliquod *Diu commissum.* 1. Moneatur, ut confiteatur *confessus in-*  
*commissa* ab ultima confessione, & tunc *valide*  
addat peccatum commissum. 2. Interroge *quomodo*  
tur, an, dum tacuit, sciverit, vel puta-*tractan-*  
verit, vel certè dubitaverit, an sit mor-*dus?*  
tale? Si neget, petatur, an postea aliquo  
tempore illud tacuerit, putans esse, aut  
dubitans, an sit mortale; Si hætenus nec  
scivit, nec dubitavit, non est opus ali-  
quid repetere; si autem aliquo tempore  
scivit, aut dubitavit, ab hoc repetendæ  
sunt confessiones; quia hæ sunt invalidæ;  
præcedentes autem dubium, aut igno-  
rantiam vincibilem non ideo fuerunt  
invalidæ. 3. Si scivit tantum in genere  
esse malum, non distinguendo grave;  
an leve sit, non celaturus, si scivisset es-  
se grave, probabile est, non esse opus  
repetere confessiones, quia probabiliter  
tantum peccavit venialiter, nisi tamen  
ipse putasset, vel dubitasset esse obliga-

*R. P. Reuter Neo-Conf.*

**X**

**119.**



338 *Neo-Confessarius practicè instructus.*  
tionem gravem confitendi, de quo &  
interrogandus est: nihilominus tutius  
est repetere confessiones, quia fortè ex-  
ercitè apprehendit malitiam gravem. 4.  
Si sciens vel dubitans esse mortale, ta-  
cuit, petatur, quoties memor illius pec-  
cati confessus sit, & communicarit, vel  
solutus sit intra annum confiteri & com-  
municare, an singulis mensibus, &c. Il-  
læ enim confessiones omnes repetendæ  
sunt, non tamen illæ, quæ immemor il-  
lius bonâ fide fecit, si aliunde nihil de-  
fuerit. Contingere tamen potest, ut ne-  
sciat, quæ peccata commiserit tempore  
illo, quò bona & quò mala fide proces-  
sit; adeoque à quibus absolutus, aut  
absolutus non sit, quo casu inducendus  
esset, ut generalem à tempore peccati  
omissi confessionem faciat. Porro, si re-  
ticuit ex verecundia, aut gravi remorsu  
conscientiæ, censendus est satis adver-  
tisse esse grave illud omittere. 5. Si  
semper fuit memor illius peccati, ideò  
que semper sacrilegè sit confessus, pe-  
tendum, quoties in illo statu per annum  
solutus sit confiteri, & communicare.  
Et tunc, si semper eidem Confessario sit  
confessus, qui & adhuc memor sit mor-  
taliū peccatorum, & statū poeniten-  
tis, sufficit, si dicat: Accuso me de pec-  
catis omnibus, v. g. ab hoc triennio com-  
missis, ex quo per annum v. g. vigesies so-  
litus

litus sum confiteri, & communicare. At si Confessarius non sit amplius memor mortalium, saltem in confusio, ut statum sciat poenitentis, vel semper alteri est confessus, tenetur omnia repetere, quoad numerum, & quoad speciem, simulque addere, quoties sacrilegè confessus sit, & communicaverit. Si aliquoties confessus sit alteri, hæc omnia repetenda sunt in numero & specie, non tamen, quorū adhuc memor est præsens Confessarius. 6. Si Confessarius deprehendat confessū multis annis sacrilegè non præparatū ad confessionē generalem, jubeat eum confiteri, quæ occurrunt memoriæ, examinet illum de magis obviis, ut sic aperto ulcere, & deposita parte verecundiæ facilius redeat; deinde moneat, ut circa reliqua magis se examinet; nam tam subito omnium recordari non potest: demum dicat, ut redeat designato tempore pro complenda confessione, addendo, modò non absolvi eum pro majori sua deinceps quiete, sicque bene animatum impertita benedictione dimittat. Quòd, si non posset redire, nec putaretur alteri facilè confessorus, adjuvandus esset examinando illum per præcepta Decalogi, Ecclesiæ, peccata capitalia, monendusque, si fortè deinceps peccata occurrerint commissa à tempore primæ sacrilegæ confessionis, confitenda esse; demum ei injungatur



340 *Neo-Confessarius practice instructus.*  
pro poenitentia, ut proxima occasione  
prævio diligenti examine confiteatur, si  
quid occurrerit, quod omissum, & con-  
fitendum sit. 7. Pro examine talis poeni-  
tentis notandum, quòd numerus pecca-  
torum interiorum melius conjiciatur ex  
consuetudine, & tempore, quod in illis  
hæsit, ea iterando in septimana vel men-  
se toties, vel toties, quàm ex relatione  
poenitentis. In peccatis autem externis  
expedit primò proponere magnum nu-  
merum, quem si affirmet, is augeatur  
paulatim, quærendo, an non fortè sæ-  
pius tot vicibus? Si neget illum magnum  
numerum, proponatur paulò minor, do-  
nec aliquando tandem aliquid affirmet,  
addendo semper circiter. Denique Con-  
fessarius magis laboret de vero dolore  
& proposito ab ejusmodi hominibus ex-  
torquendo, quia in eo periculosior &  
frequentior est defectus.

190.

*Quid, si* Resp. II. Si poenitens nihil quidem  
*timeat,* voluntariè omisit, attamen timet, ne in-  
*ne sit in va-* valide sit confessus, indaganda est causa  
*lida con-* illius timoris, & constitutio poenitentis:  
*fessus?* ac 1. quidem, si timet ideo, quia longo  
tempore hæsit in consuetudine peccan-  
di graviter, timétque defuisse dolorem sæ-  
pe, & propositum, utiliter faciet confes-  
sionem generalem, saltem incipiendo ab  
illo tempore, à quo meritò timet. 2. Si  
sit scrupulosus, & inaniter timet, ordi-

nariè

nariè permittendum non est, ut confessionem generalem faciat; præsertim si bene vixit, aut malæ vitæ semel confessionem generalem fecit. 3. Et si scrupulosus non sit, si tamen moraliter non est certum, quòd antehac invalidè sit confessus, aut peccata non explicaverit debite, obligandus non est ad confessionem repetendam, quia possessio est pro confessione, cujus valor cum adesse debuerit, præsumendus est, nec delictum præsumitur. Unde quamdiu probabile est, quòd antehac confessus sit validè, non tenetur confessiones repetere; est autem probabile hoc ipso, quòd aliquando vitam præteritam cum morali diligentia recogitaverit, & confessus sit. *La Croix lib. 6. p. 2. n. 1221. & n. 1883.* 4. Si antehac fuit semper timoratae conscientiae, solitùsque se bene præparare, nec voluntariè aliquid omisit: prudenter præsumitur semper bene confessus; quia ex communiter contingentibus prudens est præsumptio. At, si antehac non fuit timoratae conscientiae, sed consuevit negligenter se præparare, præsumptio est contra ipsum, adeoque tenetur iterare confessiones, de quarum valore dubitat. Quamquam non expedit semper, quando quis advertitur malè confessus, statim eum monere de confessione generali facienda, præsertim, si poenitens planè rudis, aut



342 *Neo-Confessarius practicè instructus.*  
anxius, aut pudibundus; quia hoc quos-  
dam nimis perturbat, putantes impossi-  
bile esse omnium recordari; itaque hoc  
casu Confessarius dicat poenitenti: Nun-  
quid libenter pro quiete tua vis omnia  
peccata totius vitæ confiteri, quæ modo  
potes? Si annuat, percurrat præcepta,  
peccata capitalia, occasiones, & occupa-  
tiones poenitentis, & sic eliciat ipso qua-  
si non advertente confessionem genera-  
lem; deinde interroget: An adhuc quid  
sit, quod conscientiam gravet? Demum  
intelligat numerum communionum, &  
confessionum, quæ fortè sacrilegæ fue-  
runt. Per has equidem non satisfacit  
annuæ confessionis, & Communionis  
præcepto, at pauci ad hoc reflectunt.

## Q U Æ S T I O II.

*Quomodo agendum cum eo, qui vult gene-  
ralem Confessionem facere?*

191.  
*Cupiens  
generaliter confi-  
teri quo-  
modo diri-  
gendus?*

**R** Esp. Cum eo, qui non tenetur, vult  
tamen generalem confessionem in-  
stituere, sic procedi potest. 1. Et si per  
se loquendo, non teneatur peccata ab ul-  
tima confessione commissâ distingvere  
ab aliis jam confessis; quia omnia vult  
subjicere æqualiter, & confusio substan-  
tiæ actûs non mutat; sæpe tamen me-  
lius est ea distingvere; tum, quia circa  
nunquam confessa communiter magis est  
pæ-

poenitens examinandus; tum, quia sic melius intelligitur status præfens pœnitentis, & quæ media necessaria sint contra relapsum, si fortè ab ultima confessione frequenter lapsus sit in idem peccatum. 2. Non sit Confessarius importunus in exquirenda specie & numero, nisi poenitens velit; quia, cùm semel, ut suppono, sit bene confessus, necesse non est, novam molestiam facere; nisi videretur id expedire ad maiorem poenitentis quietem. 3. Si semel fecit confessionem generalem exactam de juventute, incipiat ab ultima generali, omittendo antecedentia: nisi quid esset, quod magis gravaret, & vellet ad solatium addere. 4. Qui in peccatis luxuriæ vixerunt, iis una tantùm vice permittenda est confessio generalis, ne sordes sæpius movendo phantasiâ rerum turpium speciebus magis impleant, & se iterum inquinent; una itaque accuratè facta permittatur tantum, deincepsque de anno in annum generaliter confiteri, aut in genere tantum se accusare de illis. Nec expedit talibus svadere confessionem generalem, nisi, postquam impetus illius vitii est repressus: nisi tamen aliunde esset obligatio. 5. Peracta confessione generali prævio diligenti examine non tenetur amplius recogitare præterita, sed ubi certus non est se aliquid omisisse, præsumere



344 *Neo-Confessarius practicè instructus.*  
potest, se statum suum satis exposuisse;  
alias enim, cum omnium, quæ fecimus,  
recordari non possumus, nunquam esset  
confitendi finis, dum hoc anno hoc pec-  
catum, alio alia recurrant, quæ quo-  
modo confessi simus, non meminimus.  
Permitti tamen expedit, ut ter, vel qua-  
ter postmodum incidentia confiteatur,  
de quibus dubitat, an sit confessus; ma-  
ximè, si non fuerit timoratae conscien-  
tiæ: sic enim magis purgabitur anima,  
& quieti consulitur. Demum moneatur,  
ut sollicitudo illius in eo sit, ut Deo sin-  
cerè serviat, & injurias compenset.

### CAPUT III.

[ *De Confessario fatui, surdastris, muti,  
vel ignotæ linguæ.*

#### QUÆSTIO I.

*Quomodo agendum cum fatuo, surdo, &  
muto?*

192. *Quando* **R**esp. Cum plene fatuus capax non  
sit actuum supernaturalium, etiam  
*fatuus ab-* capax non est absolutionis. Semi-fatu-  
*solvi pos-* us autem, cum capax sit peccati, & a-  
*sit?* ctuum supernaturalium, absolvi potest, &  
quidem juxta Gobat singulis mensibus,  
si hîc & nunc judicetur habere saltem  
imperfectè actus ad poenitentiam ne-  
ces-

cessarios. Si dubium sit an plenè, vel semi-fatuus sit, disponi debet, quoad potest, saltem in articulo mortis, & absolvi sub conditione. Ut non censeatur plenè fatuus, debet distingvere posse inter bonum, & malum morale, cujus signum sufficiens non est, quod revereatur Clerum, aliqua mandata ritè exequatur, genua flectat, pectus tundat; quia hæc facere potest destitutus usu rationis, eò quòd videat ista ab aliis fieri. Alia proinde signa esse debent, qualia indicavi supra de pueris n. 100. Stante tamen dubio absolvi potest in Paschate, ne anima, si fortè in mortali esset, periclitetur. Quòd, si aliquis esset delirus in uno, & prudens in aliis, capax est absolutionis; quia defectus in uno provenire potest ex impressione forti secundum dicta n. 100.

## QUÆSTIO II.

*Quomodo cum surdastro.*

**R**esp. I. Surdaster Confessario igno-<sup>193.</sup>  
tus, qui instrui non potest, vel e-<sup>Quomodo</sup>  
xaminari, quin circumstantes audiant <sup>juvandus</sup>  
ducendus ad locum separatum, neque <sup>surdast r?</sup>  
præsumi semper potest, quod putat Go-  
bat, tales esse contentos, & ex hoc ipso,  
quòd in tali loco velint confiteri, facere  
potestatem Confessario loquendi ea, quæ  
ad absolutionem spectant, licèt ab aliis



346. *Neo-Confessarius practicè instructus.*  
audiantur: multi enim putant se sic confiteri, ut opus non sit interrogatione. Si Confessario autem nota esset innocens vita furdastri: posset absolvi injuncta poenitentia, ostendendo rosarium, vel digitos, prout inter ipsos convenerit; ita tamen, ut alii non advertant gravem, si forte detur, poenitentiam.

194. *Resp. II. Mutus, qui non est surdus, juvandus per interrogationes, quibus per signa respondere potest. Si postquam didicit scitu, & creditu necessaria, talis factus est, absolvi non potest, nisi scripto vel signo se accuset, & dolere ostendat. In articulo mortis præsумitur faciliùs dedisse signum. Mutus, qui scribere potest, monendus est, juxta communem, ut per scripturam confiteatur, nisi per signa satis possit. Quòd, si scribere nesciat, possit autem per signa indicare numerum, & speciem ad hoc tenetur; sique periculum sit, ne unus Confessarius ea non rectè intelligat, debet accedere alium, si quis sit qui, ea prae reliquis intelligat; si non potest, juvandus est, quoad fieri potest, & absolvendus, si plus haberi non possit, licèt tantum in genere se peccatorem fateretur. Quòd, si sciret legere: possent ei quæstiones in scripto proponi, & poenitentia eodem modo præscribi.*

195. *Resp. III. Si surdus, simul & mutus*  
ad

ad confessionem adducatur; inquiratur *Quomodo*  
priùs à ductore, qualia doloris; accusati-*furdus &*  
onis, & peccatorum signa soleat dare;*mutus?*  
postea in locum separatum deductus ex  
signis examinandus est; intellecto uno al-  
teròve peccato, dum plus obtineri non  
potest, cum signo doloris absolvi potest:  
quia in tali casu integritas materialis con-  
fessionis non requiritur. Caveat autem  
Confessarius, ne, si unum alterúmve si-  
gnum non satis intellexerit, postea alios  
interroget, quid illo signo indicare velit,  
quia facilè aget contra sigillum: cum sic  
alii intelligant, quæ peccata voluerit si-  
gnificare Confessario. Putant quidem  
aliqui, surdum, & mutum à nativitate in-  
capacem esse absolutionis, eò quod ne-  
queat habere actus supernaturales fidei,  
& spei; at, cum capax sit peccati, agni-  
tionis Dei, & vitæ æternæ, quæ per si-  
gna, & lumen naturæ discit. credendum  
videtur, quod Deus, qui omnes vult sal-  
vos fieri, suppleat suis inspirationibus,  
détque fidem saltem virtualem, atque  
actum spei excitet. Hinc Gobat tenet,  
surdum & mutum posse etiam sæpius ab-  
solvì extra articulum mortis. Putat P.  
La Croix, surdum, & mutum, & cæcum  
à nativitate habendum instar perpetuò  
amentis, & solius Baptismi esse capacem:  
quia non apparet, quomodo signum da-  
re possit in ordine ad absolutionem ob-  
tinen-



349 *Neo-Confessarius practicè instructus.*  
 tinendam. Si autem factus sit talis post  
 usum rationis, inungendus esset, & eti-  
 am absolvendus, si det signum doloris,  
 aut saltem Christianè vixerit; posset ta-  
 lis disponi per signa, si ante sit confes-  
 sus sæpius, & Eucharistiam perceperit,  
 v. gr. manu ipsius signum crucis in pecto-  
 re formando, pectus tundendo, manus  
 conjungendo, adjungendo stolæ, vel su-  
 perpellicio, faciendo circulum in ejus o-  
 re, vel lingvâ, ut Sacerdotem adesse ag-  
 noscat, & moneatur de Eucharistia per-  
 cipienda. Hæc si nihil profint, inun-  
 gendus est, inquit *Lohmer*; sed non vi-  
 deo, cur absolvi non possit sub conditi-  
 one, si Christianè vixerit, putâtque La-  
 Croix, etiam posse dare Eucharistiam  
 pro viatico. *V. l. 6. p. 1. num. 1875*

### Q U Æ S T I O III.

*Quomodo cum pœnitente ignotæ  
 lingvæ?*

196.  
*Vel lin-  
 guæ igno-  
 tæ?* **R** Esp. Si Confessarius sciat lingvam  
 principalem pœnitentis v. gr. Ger-  
 manicam, vel Gallicam, etsi nesciat cer-  
 tos modos loquendi pœnitentis v. gr.  
 Flandricum, vel Leodiensem, vel Vallo-  
 nicum, putat *Gobat*, quòd licitè possit  
 se exponere excipiendis confessionibus  
 talium; verùm extra casum necessitatis, ni-  
 si per circumlocutionem, & explicatio-  
 nem

nem intelligere possit materiam confessionis necessariam, videtur teneri prius discere modos illos loquendi: aliàs sine iusta causa negligitur integritas materialis confessionis. Si autem ob imperitiam lingvæ Confessarius nequeat percipere omnia mortalia, mittendus est poenitens, si commodè fieri possit, ad alium lingvæ peritum; si verò sine gravi incommodo remitti non possit, & saltem certum unum peccatum indicaverit, absolvi potest in tempore, quo præceptum urget, vel necessitas, qualis etiam est status peccati mortalis hominis itinerantis, qui brevi tempore Confessarium habere non possit; quia tunc sufficit integritas formalis. Tenetur tamen poenitens mortalia non intellecta, data occasione, alteri confiteri. Hinc etiam potest tacere peccata, quæ certò novit non intelligenda. Quòd, si habeat sola venialia, potest adire Confessarium minùs peritum lingvæ, neglecto altero, teste Gobat, qui putat etiam blæsum, cujus omnia gravia peccata intelligi non possunt, audiri & absolvi posse tempore Jubilæi cum onere se sistendi alteri pro cæteris peccatis, à quo intelligi potest. Denique, si Confessarius planè non intelligat linguam poenitentis, potest hic absolvi in necessitate, si se accuset per signa in genere. Quod si se velit accusare per interpretem



350 *Neo-Confessarius practicè instructus.*  
terpretem, ad quod tamen saltem extra  
periculum mortis non tenetur, ut habet  
communis apud *La Croix l. 6. p. 2. num.*  
1190. posset hoc ita praticari, ut in-  
terpres interroget poenitentem, & hic  
stantis post se Confessarii manus digitò  
premat, dum reus est, & repetito atta-  
ctu etiam exprimat numerum.

## CAPUT IV.

*De Confessario Hæretici convertendi,  
vel Conversi.*

### QUÆSTIO I.

*Quomodo agendum cum Hæretico volen-  
te ad Ecclesiam admitti, vel admissio?*

<sup>197.</sup>  
*Hæreticus*  
*Catholi-*  
*cam am-*  
*plecti fi-*  
*dem cupi-*  
*ens beni-*  
*gnè, sed*  
*cautè ex-*  
*cipien-*  
*du.*  
**R** Esp. 1. Si quis Catholicam fidem  
amplecti, & instrui desideret, pri-  
mò excipiendus cum magna charitate,  
& benevolentiae significatione, & ami-  
cè interrogandus, quomodo hæc ei gra-  
tia obtigerit, qua de causa religionem  
suam velit deferere, & Catholicam am-  
plecti? Quamcunque afferat, cautelâ o-  
pus est, quia dantur homines fraudu-  
lenti, qui sub velamine pietatis quærunt  
non salutem animæ, & veritatem; sed  
sustentationem, aliâque temporalia, his-  
que obtentis postea malè vivunt, & ad  
vomitum revertuntur, ut docent exem-  
pla tam in Judæis, quàm Hæreticis.

Pro-

Proinde primò excitandus, ut quærat regnum DEI, reliqua ab ipso cum fiducia exspectet, qui quærentes & diligentes se non deserit, non tamen ei auxilium in temporalibus statim promittendum.

2. Si his peractis insistat proposito; 198. indagandum, an sit hæreticus materia-*Hæreticus* lis tantum, an formalis, & pertinax. For-*an formalis* malis erit, si scienter voluntariè adhæsit*is, an ma-* errori alicui contra veritatem fidei Ca-*terialis* tholicæ, postquam hanc sufficienter sibi *tantum?* propositam agnovit, sustineri à reliqua Ecclesia universali tanquam revelatâ. Est autem veritas Catholica, quæ vel in sacris literis apertè continetur, aut inde evidenter deducitur, vel habetur ex traditionibus Apostolicis, vel ex Conciliis generalibus, aut à Summo Pontifice, ut loquente ex Cathedra, definita ac declarata est pro articulo fidei. Hæreticus verò tantum materialis dignoscetur, si adhæsit tali errori ex simplicitate, ignorantia, sinistra informatione, paratus interim vel actu, vel habitu errorem deponere, si agnosceret veritatem. Tales dantur teste P. Pichler. l. 2. Decret. in Germania: nec solum illi, qui procul à Catholicis degunt, sed etiam, qui his immixti vivunt, tam plebei, quam quidam etiam honestioris conditionis; quia ab annis teneris à præconi-



352 *Neo-Confessarius practicè instructus.*  
conibus suis pessimè instruuntur, & in-  
numeris mendaciis contra fidem Catho-  
licam imbuuntur. Neque ubi aliquod  
dubium oritur ex iis, quæ apud Catho-  
licos vident contra religionem suam,  
statim existimant se obligari ad magis in-  
quirendum, sed pro tentatione in fide  
habent, vel arbitrantur differentiam  
non esse substantialem. Proinde & se in  
sua religione posse salvari. In hac per-  
suasione, quamdiu inculpabiliter manent,  
hæretici tantum sunt materiales. Imò  
quamdiu existimant, ejusmodi occurren-  
tia dubia esse tentationes, non possunt  
mutare Religionem; quia ad hoc requiri-  
tur dubium prudens; quale, si oboria-  
tur, tenentur inquirere, lumenque im-  
plorare Divinum, paratque esse, ad sta-  
tim amplectendam veritatem, eamque  
reipsa amplecti, ubi satis agnoverint; al-  
liàs fiunt hæretici formales, quia adhæ-  
rent errori cum pertinacia, si sic consti-  
tuti essent, ut agnitam veritatem nol-  
lent amplecti. Si tamen quis sine hac  
pertinacia negligeret inquirere verita-  
tem, peccaret is quidem contra fidem;  
non esset tamen in hæresi formali, quæ  
casus sit reservatus.

199. 3. Cum fides debeat esse assensus  
*Vera reli-*prudens, & super omnia firmus, docen-  
*gio certis* dus est, non posse esse veram Religio-  
*notis, ex* nem, nisi unicam; cum Religio, seu fides  
vera

vera debeat esse à Deo; Hic autem ipsa quibus *dis-*  
 veritas, non possit loqui opposita, quæ *cernatur à*  
 vera simul esse non possunt. Deinde *o-falsa in-*  
 stendendum, veræ Ecclesiæ certas *de-gnita esse*  
 bere esse notas, quibus dignosci, & *dis-*  
 cerni possit à non vera: quia cum Deus *debet.*

hominem obliget ad veram fidem ample-  
 ctendam, seque aggregandum veræ  
 Ecclesiæ fidelium; tot autem sint  
 in mundo Religiones, quas exci-  
 tandas utique novit Christus, necesse  
 fuit ad providam, sapientemque Ecclesiæ  
 foundationem notas aliquas esse, ex qui-  
 bus vera à falsis dignosceretur: Notas  
 autem veræ Ecclesiæ Christi esse, quod  
 sit una, sancta, Catholica & Apostolica.  
 Una debet esse unitate doctrinæ; quia  
 doctrinæ fidei oppositæ à Deo esse non  
 possunt. Una unitate Capitis; quia, cum  
 Scriptura in diverso sensu à diversis ac-  
 ciptatur, necesse fuit, ut esset Caput u-  
 num Ecclesiæ, à quo dubia definiren-  
 tur; aliàs nemo veritatem invenire pos-  
 set; cum varii variè sentiant, & repu-  
 tentur prudentes. Sancta autem, ite-  
 rum sanctitate doctrinæ; quia doctrina  
 fidei à Deo est, & ad veram sanctita-  
 tem debet hominem ducere, ut Deo fini  
 suo jungatur. Sancta sanctitate cau-  
 sali Sacramentorum, quibus homines  
 sanctificantur, & in unum cætum fide-  
 lum, velut signis stabilibus adunantur.



Sancta sanctitate membrorum, hominum, qui sanctam sequuntur doctrinam. Catholica, id est, universalis, quia prædixit Deus fidem, à Christo fundatam per uniuersum mundum esse propagandam, & non defecturam. Apostolica, quia debet fides esse eadem, quæ ab Apostolis est tradita; aliàs Christi fides non perseverâset. Demum ostendendum, has notas soli Ecclesiæ Catholicæ convenire, eamque esse in rebus fidei & morum infallibilem, adeoque credendum, quod illa credendum proponit. Quibus addi potest Sanctitas Patrum, qui fidem Catholicam sapientissimè defenderunt semper, & secuti sunt: constantia Martyrum, qui sanguine suo illam confirmârunt: miracula tot in ejus confirmationem facta. Quid è contra Calvinus, Lutherus, alique hæeretici? Atque hæc optima quoque methodus est hæreticum convincendi, præsertim si sine altercatione modestè per discursum ista proponuntur, & ipsi relinquantur consideranda, implorato lumine Divino, conceptaque contritione de peccatis cum proposito sincero Deo serviendi.

4. His præmissis, docendus scitu, & creditu necessaria, si nesciat, ostendendumque

que, in quibus Catholici cum hæreticis 200.  
convenient, v. gr. quòd Deus sit Unus in *Docendus*  
Natura, & Trinus in Personis, remune-*scit* *nece*  
rator bonorum, & vindex criminum, &c. *saria*.

Deinde adducendi articuli, in quibus  
Catholici ab hæreticis discrepant, ut de  
bonis operibus, de numero Sacramen-  
torum, de Purgatorio, cultu Sancto-  
rum, Communione sub utrâque specie,  
& quidquid ipsius erroribus magis con-  
trarium est, & inter cætera, quod Ro-  
manus Pontifex sit Vicarius Christi, Ca-  
pûtque Ecclesiæ; quia, cùm Christus  
ipse visibilis nobis amplius non adfit;  
ut haberemus, ad quem recurreremus, à  
quo gubernaremur, necesse erat statui  
Vicarium Capitis invisibilis.

5. Ubi satis instructus erit in rebus  
fidei, præparandus est ad Confessionem, *Præpa-*  
& ad Communionem ritè suscipiendam, *randus ad*  
explicando Sacramenti Pœnitentiæ par-*confessio-*  
tes, fructum illius, & communionis; & *nem, &*  
ne confessionem apprehendat, ut nimis *professio-*  
difficilem, exponatur illi obligatio sigil-*nem fidei.*  
li sacramentalis, moneaturque, ut per-  
currat præcepta Decalogi, occasiones,  
negotia sua, & quæ occurrerint, adhi-  
bitâ morali diligentia, confiteri non e-  
rubescat; peccata nostra nota esse Deo,  
confusionem illam, quam Deus voluit  
nos subire ea confitendo uni homini,



356 *Neo-Confessarius practice instructus.*  
 esse partem poenitentiae, & satisfactio-  
 nis; nec mirum esse, si fortè in multis  
 deliquerit, cum caruerit Sacramentò Poe-  
 nitentiae, & Eucharistiae, aliisque auxi-  
 liis, quæ fidelibus communicare solent.  
 Deinde detur illi formula Professionis  
 fidei proprio idiomate, si sciat legere, &  
 explicetur. Hæc duplex est, una bre-  
 vior, quæ emittitur ab iis, qui conver-  
 tuntur secretò coram testibus ante con-  
 fessionem; altera longior, quæ emitti-  
 tur ab iis, qui publicè convertuntur, fit-  
 que ante Communionem, ubi minister  
 dixerit: *Confiteor*, &c. Sacerdote ad  
 latus Evangelii, flectente. Hâc emissâ  
 datur Communio. Ubi observandum,  
 non esse admittendos ad professionem  
 fidei publicam, nisi priùs bene explorata  
 sit illorum constantia, ne Professio cedat  
 in ignominiam Religionis Catholicæ, si  
 non perseverent in suscepta fide. Pote-  
 rit quoque aliquando professio scripta,  
 & subscripta à converso exigi. Sic enim  
 tantò firmitus ratum habebit. Poterit  
 etiam illi factæ professionis testimonium  
 pro majori solatio dari. Formulæ pro-  
 fessionis habentur apud *La Croix l. 6.*  
*p. 2. sub. n. 1862.*

*Quid dein-* 6. Ne decipiatur Confessarius, vel po-  
*de agen-* steà traducatur, per varias quæstiones  
*dum?* diverso tempore factas experiatur dicto-  
 rum

rum cohærentiam: non magnopere aliis nisi benè exploratos, commendet: nec libros magni pretii, vel aliud quid commodet: non se iis familiarem præbeat: nihil in privata conversatione dicat, aut agat, quod dictum, aut factum nollet, si ad hæresim fortè redeant. Videri potest *Lohner instr. pract. 5. de Confess. partic. personarum, & de instructione Apostolica, c. 1. §. 2.*

Resp. II. Ubi jam ritè præparatus est 202.  
ad confessionem, Primo. Benignè ex-Quomodo  
cipiatur: eximatur illi, quoad fieri po-in ipsa  
test, omnis horror: dicatur, omnia pec-confessione  
cata ipsius esse delenda, futurum illum agendum  
jam hæredem cœli, & filium DEI. cum eo?

2. Examen rigidum ne instituatur, sed ubi exposuerit, quæ ipsi post examen conscientiae occurrerunt, circa præcepta Decalogi, fidei, spei & charitatis; examinetur, prout in Domino videbitur, pro circumstantiis. Deinde interrogetur, quot annis vixerit in sua religione compos rationis, & habens dubium de ejus veritate? Quoties in hoc statu solitus sit, quot annis adire cœnam suæ sectæ, & sic facilè intelligitur, quoties circiter violaverit præcepta Ecclesiæ de prohibito esu carniū, &c.

3. Interrogari potest, prout circumstantiæ indicabunt, an non sit reus specialis contemptus Papæ vel Ecclesiæ?



358 *Neo-Confessarius practicè instructus.*  
an non dixerit blasphemias, vel calumnias contra Ecclesiasticos, vel dederit scandalum in rebus fidei, alios perverterit, detinuerit in hæresi? Si dubium habuit prudens de sua religione, an, & quamdiu contempserit, vel neglexerit inquirere. Si circa hæc gravia afferat peccata, non terreatur, sed erigatur in spem, dicendo, id mirum non esse, cum caruerit Sacramentis, & minus agnoverit.

4. Si advertatur tantum fuisse hæreticus materialis, à quovis equidem absolvi potest; expedit tamen, si aliud timeri possit, habere facultatem specialem. Si autem deprehendatur fuisse hæreticus formalis, non sciverit tamen, hæresi formali annexam esse excommunicationem, hæc non erit casus reservatus Pontifici, quia ipsi reservatur propter excommunicationem, quæ ab ignorante eam non incurritur. At, quia & Episcopî hæresin formalem sibi non propter excommunicationem, sed propter se reservant, attendendum, an non opus sit petere specialem facultatem, uti erit, si Confessarius eam non habeat.

5. Absoluta confessione poenitentiam injungat, non gravem tamen ab initio, sed ad proximas indulgentias invitet, demum absolvat ab hæresi, & censura. Aliqui dicunt adhibendam esse hanc formam: *Absolvo te ab omni vinculo excommunica-*

municationis, quam per hæresim contraxisti; & restituo te Sacramentis Ecclesiæ, communioni fidelium; sed hæc forma præscripta est pro foro externo, in interno sufficit forma communis. An pro admissione hæretici ad Ecclesiam recurrendum sit ad Episcopum, attendenda est praxis Diœcesis. Quòd, si occurrat converso tentatio contra fidem, dicat illico: Credo Domine: sufficit mihi verbum tuum. Minor ego sum, quàm ut capiam mysteria Divina, qui naturalia non intelligo. Non crederem ego, quòd tot sanctissimi, & illuminatissimi crediderunt, quod Ecclesia, quæ teste Apostolo, est columna, & firmamentum veritatis, credendum proponit, & credit?

*Petes*, Quid agendum Sacerdoti, si intelligat, hæreticum esse ad extrema deductum?

Resp. Ubi poterit, prudenter aget, si <sup>203.</sup> eum accedat, & dissimulata sua persona, Quomodo etsi putaretur prædicans, cum eo elici-cum eo, at, primò, in genere actum fidei, circa qui jam omnia à Deo revelata, in specie circa ne-est ad excessaria necessitate medii credenda; tum extrema de-actum spei, contritionis, resignationis, &c. ductus Dein loquatur illi tantum de illis, quæ hæreticis cum Catholicis communia sunt; tum quærat, an si sciret, se non credere aliquid, quod Deus revelavit, vellet credere, & de facto credat? An non vellet



360 *Neo-Confessarius practicè instructus.*  
recedere à sua religione, si sciret, ipsam  
non esse illam, quam Christus & Aposto-  
li docuerunt? An non velit facere om-  
nia ad salutem necessaria, & confiteri  
etiam, & absolvi, si sciret, hoc Christum  
requisivisse, tanquam necessarium ad sa-  
lutem? Si annuit, repetat, ut priùs, a-  
ctus fidei, spei, contritionis perfectæ,  
propositique, & voluntatis præstandi mo-  
dò omnia, quæ Christus ad salutem re-  
quisivit: demùm jubeatur elevare ma-  
num, aut aliud signum dare in contesta-  
tionem, quòd velit implere omnem Dei  
voluntatem. Hæc si præstet, poterit ab-  
solvì sub conditione, formâ clam sine al-  
lio signo pronuntiata. Quod, si diceret:  
Non possum me resolvere, an velim mo-  
ri Catholicus, an Lutheranus, non pos-  
set absolvi. Si subjungeret: Deus propi-  
tius esto mihi peccatori: putat *Gobat*,  
posse absolvi: quia præsumitur materi-  
alis ex verbis prioribus. Quòd si quis  
absolvi non possit, utiliter tamen eliciun-  
tur prædicti actus. Cæterum hæretici,  
etsi materiales tantùm, moribundi pas-  
sim non absolvuntur, si signum poeniten-  
tiæ non notentur dare, sicut Catholici  
sensus destituti; quia Catholici cen-  
sentur dare signa in ordine ad absoluti-  
onem, etsi non distinguantur, & Catho-  
licè vivendo petiisse mori Christianè, a-  
deoque absolvi. Non sic hæretici, cùm  
censeant,

censeant, poenitentiam non esse necessarium Sacramentum remissivum peccatorum: & sic etiam non baptizantur moribundi Judæi: quia adulti ante Baptismum debent esse saltem attriti, & credere in Christum, & intentionem habere suscipiendi Baptismum.

QUÆSTIO II.

*Quomodo agendum cum Hæretico, qui invitat ad disputandum.*

**R**Esp. I. Acturus cum hæreticis de materia fidei, ubi disputatio publica instituta non est, non descendat statim ad mysteria particularia expendenda: an vera, an credibilia sint; sic enim sine fructu aget, & locus variis evagationibus dabitur: sed ostendat primò, veram fidem necessariam esse ad salutem. 2. Non nisi unam esse veram Religionem & Christi Ecclesiam, quia contradictoria nequeunt esse à Deo revelata. 3. Illam Ecclesiam debere posse inveniri, adeoque habere certas notas, ex quibus dignosci possit, quia tenemur ejus doctrinam amplecti, & sequi. 4. Notas veræ Ecclesiæ Christi esse, quòd sit una, sancta, Catholica, Apostolica, hâsque soli Ecclesiæ Catholicæ convenire ex n. 199. 5. In vera Christi Ecclesia debere esse judicem infallibilem controversiarum in rebus

204.

Cum hæ-

retico ad

disputan-

dum invi-

tante non-

descenden-

dum sta-

tim ad

particula-

ria.

Sed de-

monstran-

dei,



da vera  
Ecclesia.

362 *Neo-Confessarius practice instructus.*  
dei, & morum: aliàs Christus Ecclesiæ  
suæ non satis providisset; facilè defice-  
ret ab unitate, & sanctitate doctrinæ, &  
post ortas tot hæreses & opiniones de i-  
is diversas, nesciremus, quid tenendum,  
quid rejiciendum esset: non intelligere-  
mus verum in multis scripturæ sensum:  
non possemus discernere, quinam libri  
scripturæ sint à Spiritu sancto dictati, &  
qui non: Gentilis aut meritò dubitans  
de sua religione invenire veram Religio-  
nem non posset. Judicem autem talem  
non apud hæreticos esse fatentur ipsi: e-  
um autem Catholici habent, nempe Vi-  
carium Christi, S. Petri Successorem.  
His præmissis, si velit descendere quis  
ad particulares fidei articulos, dicendum:  
intelligendos esse juxta sensum veræ Ec-  
clesiæ Christi, cui Judex infallibilis con-  
troversis decidendis præpositus à Chri-  
sto. Hæc autem tractanda sunt cum  
mansuetudine, comitate, sine contem-  
ptûs signo, ne acerbentur animò, & sus-  
citetur pertinacia. Atque hõc modo a-  
gendum cum convertendis, qui & exci-  
tandi sunt, ut à Deo petant lumen; offe-  
rant se paratos ad obsequendum ejus vo-  
luntati: frequenter eliciant dolorem de  
peccatis, caveant ab his, ne obicem ponant  
Spiritui sancto.

Resp. II. Si fortè quis dicat 1. Scri-  
pturam esse claram. 2. Nihil creden-  
dum

dum necessariò, quod in ea non habetur, 205.  
vel ex ea per evidentem consequentiam *Quid, si di-*  
non deducitur. 3. Quòd nihil in rituscat, scri-  
Ecclesiæ morésque hominum sit indupturam  
cendum, quod non expressè mandatur in *esse cla-*  
Scriptura. Respondendum, aliud senti-ram?  
re Ecclesiam, veræ Ecclesiæ notis insigni-  
nitam, cui credendum. Dein respon-  
deri potest ad primum: Cur ergo Prophe-  
ta David Psalmo 118, ait; *Da mihi intel-*  
*lectum, ut discam mandata tua?* Unde er-  
go tot hætenus fuère controversiæ in-  
ter Christianos? unde, quòd Calviniani  
cum Lutheranis inter se non conveniant  
in rebus fidei? Unde, quòd Apostoli pro-  
positas à Christo Parabolas Matthæi 13.  
non intellexerint? Unde, quòd S. Petrus  
dicat, Paulum scripsisse aliqua ad Roma-  
nos difficilia intellectu? Deinde propo-  
ni possunt illi exponendi textus. 1. Quo-  
modo Jacob sine mendacio dicere potuit  
Gen. 27. v. g. *Ego sum primogenitus tuus*  
*Esau.* 2. Quomodo intelligitur illud 1.  
Reg. cap. 13. vers. 1. *Filius unius anni*  
*erat Saul, cùm regnare cœpisset, duobus*  
*autem annis regnavit super Israel,* cùm  
Saul, dum eligebatur, humero eminuerit  
super omnem populum & 20. annis re-  
gnaverit; 1. Reg. cap. 9. vers. 2. 3. Quo-  
modo intelligitur illud Eccles. 3. vers.  
19. *Unus interitus hominum, & jumen-*  
*torum, & æqua utriusque conditio, nihil ha-*  
*bet*



364 *Neo-Confessarius practicè instructus.*  
*bet homo jumento amplius.* 4. Quomodo  
 illud Psal. 35. vers. 8. *Homines & jumen-*  
*ta salvabis Domine.* 5. Quomodo illud  
 Ecclesiastici cap. 42. vers. 19. *Melior*  
*est iniquitas viri, quàm mulier benefaciens.*  
 6. Ezechielis 18. dicitur: *Filius non por-*  
*tabit iniquitatem patris.* Exodi 20. *Ego*  
*Dominus visitans iniquitatem Patrum in*  
*filios.* Primum de culpa, secundum de  
 poena intelligitur. 7. Exodi 33. ait Deus:  
*Non videbit me homo, & vivet.* Genesis  
 32. ait Jacob: *Vidi Deum, facie ad fa-*  
*ciem,* nempe sub corporali specie. 8. Jobi  
 cap. 1. dicitur: *In omnibus non peccavit*  
*Job labiis suis.* Cap. 7. dicit, se despe-  
 rârâsse, suspendium elegisse, peccârâsse. 9.  
 Ecclesiast. 1. vers. 4. *Terra in æternum*  
*stat.* Luc. 21. *Cælum & terra transibunt*  
 10. Ecclesiastici 3. dicuntur universa sub  
 cœlo suis spatiis transire. Ibidem vers.  
 14. Omnia opera, quæ fecit Deus, in per-  
 petuum perseverare dicuntur, puta, quo-  
 ad speciem. 11. Joannis 15. dicit Chri-  
 stus: *Omnia, quæcûnque audiivi à Patre*  
*meo, nota feci vobis.* Cap. 16. *Adhuc*  
*multa habeo dicere vobis, sed non potestis*  
*portare modò.* 12. Matth. 10. dicitur:  
*Gratis accepistis, gratis date.* Lucae. 10.  
*Dignus est operarius mercede suâ.* Plures  
 ejusmodi antilogias vide apud Tirinum.

Ad 2dum. 1. Ubi expressum in scri-  
 ptura clarè tres Divinas personas non  
 moraliter

moraliter tantum, sed realiter distingui? Id contra Arianos in Concilio Nicæno probatum unanimi PP. doctrinâ ab Apostolis traditâ. 2. Ubi in scriptura: duas in Christo esse naturas; & unam personam? Negabant id olim Nestoriani, & Eutichiani. 3. Ubi in scriptura clare exprimitur, Spiritum sanctum à Patre, simulque à Filio procedere? Quod negant multi Græci. 4. Ubi scriptum, quod Dominica dies locò Sabbathi celebranda sit? 5. Ubi scriptum, quinam libri sint Canonici, & à Spiritu sancto inspirati, quòd illi, quos hæretici, ut tales, recipiunt, sint incorrupti? 6. Ubi scriptum, quòd Christus fiat præsens sub speciebus panis & vini, in sumptione, vel, quòd illa tantum sint signum, & figura Corporis Christi, &c. Denique, cur ante suam coenam, exemplò Christi, non edunt agnum Paschalem? Non lavant sibi pedes? Cur foeminas ad coenam admittunt? Cur quater de anno adeunt? Ubi hæc & similia scripta sunt, esse facienda aut omittenda?

Ad 3tium. Cur ergo hæretici horâ octavâ habent concionem? Cur primum mercurii in mense diem, ut festum, dant orationi? Cur ante sumptionem coenæ pridie habent concionem præparatoriam? Cur infantes tantum eo die baptizant



366 *Neo-Confessarius practicè instructus*  
zant, quò est concio? Cur in Baptismo  
adhibent Patrinos? &c.

3. Si nolit acquiescere signis Eccle-  
siæ veræ, interroga 1. Ex quo libro  
Scripturæ velit disputare? Unde sciat,  
librum illum esse sacram Scripturam, aut  
si sit, unde noverit esse incorruptum?  
Unde sciat, illum esse sensum à S. Spiri-  
tu intentum; cùm, ut hæretici ajunt,  
nihil sit credendum, quod in scriptura  
non est? Si recurat ad spiritum priva-  
tum, dicat, cur potius illius, quàm alio-  
rum spiritui contradictorio credendum?  
Unde habetur, illum spiritum esse à Deo?

2. Ecclesia tua vel est nova, vel anti-  
qua? Si nova? Non est Ecclesia Christi,  
quæ ante annos plùs, quàm 1700, fuit.  
Si antiqua? Ubi ergo per 15. sæcula à  
Christo usque ad Lutherum, & Calvinum  
latuit? Quis Historicus ejus meminit?

3. Vera Christi Ecclesia vel est infalli-  
bilis, vel fallibilis? Si infallibilis: Ergo  
Romana Christi Ecclesia, quæ secundùm  
vos aliquando fuit vera, adhuc est vera;  
quia errare non potuit. Si fallibilis: Un-  
de ergo estis certi, quòd rectè credatis?  
Quomodo potestis habere fidem certam  
& firmam? Si dicat, suam Ecclesiam fu-  
isse in mundo ante Lutherum: Vel ergo  
fuit visibilis, vel invisibilis? Si visibilis:  
Quis eam vidit? Quis de ea scripsit?  
Quis in ea fuit? Si invisibilis: Ergo ne-

mo,

mo, etiam volens rectè colere Deum, eam invenire potuit. Ergo nec tenebatur: ergo omnes tunc damnati sunt defectu fidei. Et nunquid eodem jure Turcæ & Anabaptistæ habere se veram fidem Christi dicent?

4. Vel possunt homines salvari in Ecclesia Catholica, vel non? Si possunt; ergo Sectarii egressi sunt de salvifica Ecclesia, quæ non nisi unica esse potest. Si non possunt; ergo omnes per duodecim sæcula damnati sunt, tot Martyres pro Christo passi, tot Confessores, S. Augustinus, Hieronymus, Gregorius, Bernardus, Benedictus, Dominicus, Franciscus Seraphicus, & Xaverius, quos ipsi vos dicitis Sanctos?

5. Nunquid Lutherus, & Calvinus sacram Scripturam à Romana accepit Ecclesia? Vel tunc hæc erat vera, vel falsa? Si vera Ecclesia; ergo damnandi sunt, qui ab ea recesserunt. Si falsa; quomodo vestra scriptura non est falsa, quam ab Ecclesia falsa accepistis?

6. Credisne non dari Purgatorium, Missam, septem Sacramenta? &c. Ubi hoc habetur in Scriptura?

7. Vel agnoscis veteres Hæresiarchas, Arium, Nestorium, aliòsque rectè ab Ecclesia damnatos, vel non? Si non, ergo primævam condemnas Ecclesiam & hæreticorum illorum doctrina erit vera, adeoque



368 *Neo-Confessarius practicè instructus.*  
deoque non erunt tres Divinæ Personæ,  
Christus non erit verus Deus; & verus  
homo. Si ita, idem & de Luthero &  
Calvino admittere debes; quia & eorum  
doctrina in illis damnata est, ut, quod o-  
pera bona non sint necessaria ad salu-  
tem? quod non sint admittendæ traditi-  
ones, aliæque superius relata.

8. Religio, seu secta potius Luthera-  
na & Calviniana, per quos est propaga-  
ta? An incorruptam habet scripturam?  
Minimè. Nam *Epist. 2. Petri cap. 1.* an-  
tiquissima & vulgata editio habet: *Qua-*  
*propter, fratres, magis satagite, ut per*  
*bona opera certam vestram vocationem fa-*  
*ciatis.* Lutherus delevit *per bona ope-*  
*ra.* *Epistol. Rom. cap. 30. vers. 30. Ar-*  
*bitramur hominem justificari per fidem.*  
Lutherus addit, *per solam fidem.* Joannis  
6. vers. 50. textus antiquissimus habet:  
*Ego sum Panis vivus.* Calvinus substitu-  
it: *Vivificans.* *Epist. Hebr. c. 13. vers.*  
*1. ait: Honorabile conjugium in omnibus,*  
id est, omnia in legitimo matrimonio ho-  
norabilia sunt. Sectarii substituerunt:  
*Inter omnes, ut defendant conjugia mi-*  
*nistrorum Ecclesiæ.* *Eph. c. 5. vers. 32.*  
de matrimonio dicitur: *Sacramentum hoc*  
*magnum est: Ego autem dico in Christo*  
*& Ecclesia.* Sectarii substituere: *Secre-*  
*tum hoc magnum est, ne cogantur admit-*  
*tere Matrimonium esse Sacramentum,*

1. Cor.

1. Cor. 9. ait Apost. *Nunquid non habemus potestatem mulierem sororem circumducendi?* Nempe ad ministerium temporale. Lutherus addidit: *In uxorem*: plures ejusmodi corruptelas omitto, quæ videri possunt apud Polemicos.

9. Denique, si cum Judæo sit de fide tractatus, ostendendum illi, Messiam venisse, proponendaque motiva credibilitatis, quibus Religio Catholica unice sit prudenter credibilis. Si Gentilis ad fidem esset deducendus, demonstrandum illi foret, Deum esse unicum, omni honore, & cultu dignissimum, eum colendum esse cultu rationabili, quo ipse vult, ubi autem ille habeatur, debere posse colligi per notas & signa, &c. ut supra. Legem Christianam esse rectæ rationi conformem, Deo dignam, bono publico utilissimam, &c.

## CAPUT V.

*De Confessario Pœnitentis indurati, aut volentis differre seriam Pœnitentiam ad finem vitæ, vel præferentis exiguum dolorem de peccatis.*

### QUÆSTIO I.

*Quomodo agendum cum Peccatore indurato?*

R. P. Reuter Neo-Conf. Aa RESp.



206.

*Peccator  
induratus  
mox suavi-  
ter mox  
severè tra-  
standus.*

**R**esp. Cum homine duri cordis pro-  
cedi potest hoc modo: 1. Confu-  
giat Confessarius ad orationem, præfer-  
tim in Sacrificio Missæ, & petat sibi da-  
ri animam illam. Orationi utiliter jun-  
get mortificationem aliquam, v. gr Jeju-  
nium, & aliorum preces, quas expetere  
potest, præsertim à parvulis. Proderit e-  
tiam promittere Sacrificium pro anima-  
bus Purgatorii offerendum.

2. Si tempus ferat, non faciendo men-  
tionem de confessione, blandis verbis,  
& officiis charitatis, studeat sibi devin-  
cere indurati animum, dùmque illum  
utcumque sibi attentum habet, dicat:  
Quid existimas, si quis enorme crimen  
publicè commisisset, & adesset jam ju-  
dex cum suis ministris, illum ad carce-  
rem, patibulum, vel rotam, aut rogum  
abripì jubens; annon ille esset deprecu-  
turus? An non esset ingenua provolu-  
tus, humiliter, per Deum & omnia sa-  
cra rogaturus veniam? An non et tu id  
faceres? Si annuat? Nunquid credis  
Deum esse justum Judicem, qui nullum  
peccatum, si pœnitentiâ seriâ non sit ex-  
piatum, possit, sic exigente justitia, re-  
ctâque gubernatione, relinquere impune?  
Nunquid credis, Deum hîc esse præsen-  
tem? An non posset hîc jam mandare,  
vel permittere dæmonibus, ut in hoc  
momento ad infernum te abriperent?

*Nisi*

*Nisi conversi fueritis, gladium suum vibrabit, arcum suum tetendit, & paravit illum, & in eo paravit vasa mortis.* Quid si te mox? Quid si cras abriperet? Væ animæ tuæ! væ in æternum! Adhuc tempus est; erit, cùm tempus non erit amplius. Quin ergo prostratus humi, dicas contrito corde: Parce Domine, parce mihi misero. Juvat quoque referre historiam aliquam de impœnitentibus: v. g. Impœnitens lusit operam S. Francisci Borgiæ, & ad pœnitentiam adduci noluit. Crucifixus autem avulsa à cruce manu sanguinem è vulnere lateris haustum conjecit in ejus faciem, dicens: Sanguis meus tibi in perditionem sit.

3. Si pergat esse obstinatus, petat causam, & eam amovere studeat Confessarius. Submittat hominem gratum, qui illum officii sui commoneat; sique æger est, quoad licet per sigillum moneat medicum, ut eum de morte imminente moneat. Hæc si non juvent, accedatur iterum, & sermō de salute animæ suæ moneatur: Deus non irridetur, non dat gratias pro arbitrio nostro, sed quando vult. Erit, cùm monentem te officii vel non habebis, vel percipere non poteris. Idem JESUS, qui nunc benignus ad pœnitentiam te invitat, erit tuus severissimus Judex, nunc paratus est, omnia tibi condonare, tunc ridebit in tuo interitu.



Quis tibi erit animus in eo momento, quo animæ tuæ, corpore solutæ, in ictu oculi omnia tua peccata, beneficia Dei, te salvare tam diu volentis, tibi obijci-entur, & in momento post in inferno eris sine fine cruciandus? Si necdum moveatur, fingat se cum indignatione abire Sacerdos, ultimòque feriò, & acriter adhoretur eum, v. g. Quid tibi persuades? Putasne Deum te egere in cœlo? An non potest habere alios, Judæos, etiam Gentiles, qui locum aliàs tibi paratum occupent, cum majore Dei laude, gloriâ, & gratiarum actione? Stulte & insipiens, hæccine reddis Deo tuo, qui creavit te, & redemit tanto pretio? Et his dictis, abeat. Interea instiget eos, quos impœnitens novit optimè sibi affectos, uxorem, liberos, consanguineos, qui genibus ipsius advoluti rogent, ut misereatur animæ suæ; sæpe hæ voces aures obdurati vulnerant. Subinde revertatur Sacerdos, siquæ adhuc obstinatum inveniat, acriùs eum aggrediatur: Quis tandem es tu miser homuncio, ut resistas Divinæ voluntati? Resistis pietati te misericorditer invitantis, incides in manus vindicantis. Ecce instat momentum, à quo pendet æternitas, eaque infelix, si pergas molestus esse Deo tuo. Nolens volens mox deferes omnia, & ab omnibus defereris. Poterit  
etiam

etiam cum adstantibus, humi provolutus, Crucifixum manu tenens; hunc in conspectu poenitentis ita alloqui: Non finas Domine perire animam hanc, quæ tanto tibi pretio stetit, pro qua cruci affigi, illudi à Judæis, à Patre deferi, & mori voluisti, &c. Proderit etiam humana motiva proponere: v. gr. Ecce, si ita moriaris, patietur tua, & tuorum fama coram omnibus: sepeliri debebis non in cœmeterio, sed ad sepem cum bestiis. Si his non cedat victus, remotis aliis interroget Sacerdos: An fortè times confiteri? Homo sum, & peccator, egens misericordiâ DEI, sicut tu; non existima deesse alios, qui diu in gravissimis sceleribus vixerunt, & levem erubescentiam vincendo, misericordiam consecuti sanctè partim vivunt in terris, partim modò gaudent in cœlis. Confitere homo homini fragili, sicut tu. Si vis inconfessus latere, post mortem, coactus confiteri, damnaberis. Amabo! quæ sunt, quæ erubescis edicere? An hoc? An illud? Saltem dic levia aliqua, &c. Sic via sternitur ad dicenda alia. Si nil impetretur, morte instante dicatur: Migrandum est: elige, quod vis; aut poenitere hîc ad momentum, aut æternum ardere. Si omnia nihil proficiant, putant quidam aliquid ad terrorem aliorum dicendum: si aliud non vis, abi maledicte in ignem æ-



374 *Neo-Confessarius practicè instructus.*  
ternum; at consultius est, ingeminare  
pia suspiria contritionis, & amoris, ut  
vel in ultimo articulo non desertus, pos-  
sit resipiscere.

## Q U Æ S T I O II.

*Quomodo agendum cum peccatore volente  
differre Pœnitentiam?*

267.  
*Terrendus  
novissi-  
mus.*

**R**Esp. Cum volente differre pœniten-  
tiam in finem vitæ, aut annos sene-  
ctutis, sic procedi potest. I. Monet nos  
*Eccles. cap. 5. vers. 8. Ne tardes converti  
ad Dominum, & ne differas de die in diem;  
subitò enim ueniet ira illius, & in tempore  
vindictæ disperdet te.* Monet nos Chri-  
stus *Matthæi 25. Vigilate, quia nescitis  
diem, neque horam. Statutum est omnibus  
semel mori.* Mors certa, hora incerta,  
locus, modus incertus. Major pars ho-  
minum ante quinquagesimum annum in  
æternitatem abripitur. Quid si hodie-  
na, quid si crastina dies ultima tibi fo-  
ret? Omni die, omni horâ mori potes.  
Si scires, uni ex cibis pluribus tibi ap-  
positis admixtum venenum, quàm cau-  
tus fores; uni horæ inest mors tua, &  
itâ securum te putas?

2. Deus, qui pœnitenti veniam spo-  
ndit, peccanti diem crastinum non  
promisit. Angelo peccanti moram pœ-  
nitendi non concessit: Adamum mox à  
commisso peccato Paradiso expulit. Be-  
nignus

nignus est in tolerando, sed & justus in puniendo. Expectat quidem sæpe ad tempus, sed ab ipso prædefinitum; intra quod, si peccator se non convertat, actum est de ejus salute.

3. A momento, quo esse incepisti, coepisti mori: statuit Deus singulis numero certo annos, dies, horas, momenta; quod diutius vixisti, eò propinquior es morti; eò plus debes Deo, quod tamdiu te toleraverit; eò gravius inde judicaberis. Seu vigiles, seu dormias, ad mortem properas. Si difficile tibi est, jam poenitere, quid erit in fine? Quomodo tunc assurges ad Dei charitatem, tot peccatis ab eo aversus? Arbor, quæ nunquam floruit, nunquam viruit, fructum quomodo proferet? A quo exspectabis auxilium? Deum tamdiu contempsisti, quomodo promittes tibi gratiam efficacem? Amor terrenorum, dolores corporis, obtusio sensuum, animi perturbatio, insidiæ dæmonis poenitere te, & de salute cogitare non fient. Fiet justo Dei judicio, ut qui cum posses poenitere, & noluisti; non possis cum velles. In tota Scriptura non invenitur, nisi bonus latro unus, quem in fine vitæ verè poenituit; ut unus, nullus desperet; solus, ut nullus præsumat. Sancti timuerunt, & adhuc timent, ne in morte deficiant, & tu speres converti? Si vis agere poenitentiam, cum jam



376 *Neo-Confessarius praeftice instructus.*  
amplius peccare non poteris, peccata te  
dimiserunt, non tu illa. *S. August.*

### Q U Æ S T I O III.

*Quomodo cum praeferente exiguum dolo-  
rem de peccatis?*

208.  
*Explo-  
randa vo-  
luntas.*

**R**esp. Si poenitens exiguum de pec-  
catis dolorem praeferre videatur,  
non illico judicandum, deesse verum dolo-  
rem; quibus enim temperamentum  
durius est, corque minus tenerum, diffi-  
cilius moventur ad dolorem sensibilem,  
quo verba & gestus animentur: hic au-  
tem dolor necessarius non est; sed suf-  
ficit rationabilis dolor vitae praeteritae,  
& prompta voluntas emendandi, quae ad-  
esse judicatur, si poenitens libenter ad-  
monitionem, & instructionem admittat:  
si conatus sincerus emendandi praecesserit:  
ostendat se paratum, ad expianda  
peccata poenitentiis propositis, quae sta-  
tui ejus, & conditioni non sunt nimis  
graves, & inconvenientes. Quod si dolo-  
ris, & propositi sinceri signa haec dees-  
sent, proponenda illi essent motiva dolo-  
ris, pericula, &c. & excitandus ad do-  
lorem pro conditione sua secundum dicta.

### C A P U T VI.

*Quomodo Confessario agendum cum infir-  
mis, & moribundis?*

QUÆ-

## Q U Æ S T I O I

*Quid præstandum Confessario in accessu ad infirmos?*

**R**Esp. Vocatus ad infirmum cogitet 209.  
 I. Moneri se à Christo, ut coope-*Sex pri-*  
 retur ad salutem animæ, auxilio nuncmum*ser-*  
 maximè indigentis; & illico accedat, in-*vanda.*  
 terim suæ infirmitatis memor, utpote,  
 qui sine Deo nihil in naturalibus, minùs  
 in supernaturalibus potest: roget Deum  
 Patrem per infinitam bonitatem suam,  
 & charitatem, qua dilexit mundum:  
 Christum DEI Filium, Dominum no-  
 strum per passionem, & mortem suam,  
 pro salute animæ illius toleratam: Spi-  
 ritum sanctum per amorem illum, quo  
 animam istam in Baptismo sanctificavit,  
 ut sibi gratiam largiatur rectè infirmum  
 disponendi; huic verò veram contritio-  
 nem, & charitatem. Imploret quoque  
 patrocinium, & intercessionem B. M. V.  
 per labores & dolores, quos pro nostra  
 redemptione pertulit ejus Filius. Pe-  
 tat item auxilium Angeli Custodis illius  
 infirmi.

2. Si non novit infirmi personam, con-  
 ditionem, & habitudinem; vel in itine-  
 re, vel in domo infirmi, si tempus ferat,  
 priùs conetur intelligere, qualis sit: v.g.  
 an sit vir eruditus, prudens aut utatur

A a 5                      iudicio



378 *Neo-Confessarius practicè instructus.*  
iudicio, sensibus; an petierit Confessarium: an credatur morti vicinus? An sit confessus, communicaverit, extremam unctionem acceperit, testamentum fecerit? Quod vitæ genus tenuerit? An aliquid sit magni momenti, de quo eum moneri conveniat, vel necesse sit? An se afflictum spiritu ostenderit? Hæc, vel ex his, prout convenire videbitur, interroget.

3. Infirmi cubiculum ingressus, aquâ lustrali infirmum aspergat; eique benedicat hac forma: *Benedicat tibi Deus Pater ✠ Sanet te Deus Filius ✠ Illuminet te Spiritus sanctus ✠ Cor tuum custodiat, animam tuam salvet, & ad æternam vitam te perducatur, Amen.* Vel dici potest oratio: *Visita quæsumus Domine, habitationem istam &c.* Sacerdotibus nota. Deinde salutet infirmum, nisi mors instans aliud svadeat; quærat de morbo, doloribus, eorûmque circumstantiis; de his enim infirmi plerumque libenter loquuntur. Ostendat commiserationis affectum, exponâtque, ex cuius ordinatione prospera nobis, & adversa eveniant; hunc morbum esse à Deo providentissimo, & nostri amantissimo Patre illi immisum, ut suum infirmus erga Deum probet amorem: pro debitis per humanam fragilitatem contractis satisfaciat, & ipsa satisfactione, quæ in altera vita sine merito præ-

præstanda fuisset, merita sua, & gloriam augeat, Christo assimiletur magis: ut recordetur, nos in hoc mundo peregrinos esse; patriam nobis coelum designatum, &c. Proinde acceptet morbum de manu Patris, & vertat in bonum animæ suæ, & quod pati debet, libenter patiatur; alioquin passurus tamen, sed sine merito.

4. Si non instet periculum mortis, non ingerat statim mentionem confessionis; sed, si fortè eam horreat, priùs studeat ejus animum lucrari, & disponere ad illam non advertentem, v. g. exponendo Dei in humanum genus charitatem, paternam hæcenus de nobis curam, beneficium vocationis ad veram sui agnitionem, beneficium Baptismi, Christi in nos amorem; potens patrocinium Virginis Matris ejus, quam voluit & esse matrem nostram, quæ gaudet intercedere pro nobis.

5. Hoc modo lucratus animi partem; si ipse non insinuet, velle se confiteri, proponat illi confessionis utilitatem, ostendendo hanc conferre ad animi quietem, animo autem quieto faciliùs recuperari corporis sanitatem, quam animus sollicitus impedit: morbos sæpe esse nuntios, quibus indicat Deus, cupere se, ut penitus ad se nos convertamus; hanc esse suavissimam DEI providentiam, scilicet mo-  
nere



§80 *Neo-Confessarius practicè instructus.*  
nere nos, dum adhuc mens & sensus vi-  
gent: monuisse & hoc Christum suo e-  
xemplo, qui in cruce moriturus, primam  
curam habuit, ut peteret à Patre veniam  
peccatoribus: nulli periculo obijciendam  
esse animam, quam habet unicam; Nul-  
la fatis magna securitas, ubi periclitat-  
ur æternitas.

6. Si æger petat moram v. g. horæ,  
ut se præparet, concedenda illi est, ni-  
si obstet periculum. Cavendum tamen  
ne diu differatur, præsertim in febribus  
malignis, ne delirio postea præoccupat-  
us, confessionem non possit amplius per-  
agere. Si de die in diem velit differre,  
urgendus est suaviter, proponendo Dei  
invitantis amorem, & desiderium, ut ob-  
sequatur: gaudium Christi, quod habet,  
oviculâ vel unâ ad se redeunte: gaudi-  
um Angelorum super uno peccatore poe-  
nitentiam agente, &c. Si his nihil fle-  
ctitur, inquiratur causa, cur nolit animæ  
suæ consulere: & audita amoveatur: sub-  
mittatur amicus, qui eum inducat ad  
confessionem; sique morbus sit periculo-  
sior, moneat eum Confessarius, si fortè  
alii non audeant, feriò de periculo: ut  
disponat domui suæ. Si necdum cedat,  
cum discretionè adhibenda sunt, quæ di-  
xi à num. 206. de indurato & volente  
differre poenitentiam; si autem paratum  
se ostendat, disponatur secundum jam  
dicenda.

QUÆ-

Q U Æ S T I O II.

Quomodo infirmus volens confiteri disponendus sit?

**R**esp. I. Confessarius juvet infirmum, præsertim; si hic rudis sit, in *Excitant-* eliciendis actibus fidei, spei, charitatis, *ad fi-* contritionis, &c. sæpe enim vel motivadem, *spem,* nesciunt, aut morbus impedit, quò *mi-charita-* nus possint eos elicere. Quodd, si infir-*tem.* mus debilior sit, proponenda sunt illi credenda & speranda per breves quæstionculas, quibus attendat, & subinde uno alteròve verbo respondeat. *v. g. pro actu fidei.*

Charissime, &c. Nunquid credis, quæ *Actus fi-* credit, & credenda proponit sancta *dei.* Mater Ecclesia, quæ, teste Apostolo, columna & firmamentum est veritatis, cui Christus perpetuam promisit Spiritus sancti assistentiam. Resp. Credo. Credis igitur, quodd Deus sit unus in Natura, & Trinus in Personis; Remunerator bonorum, & vindex malorum? Et hoc ideo credis, quia Deus dixit, qui nec falli, nec fallere potest? Resp. Credo firmissimè. Nunquid quoque credis, quodd Deus creaverit nos, & conservaverit hactenus, ut ei serviamus, & tandem salvi fiamus: quodd, postquam perieramus, Filius Dei sit



382 *Neo-Confessarius practicè instructus.*  
fit pro nobis incarnatus: quòd morte & sanguine suo nos redemerit; gratiam nobis meruerit, quàm possumus, & sine qua non possumus salvari: quòd Sacramenta instituerit, per quæ gratiam accipimus, & sanctificamur? Et hoc credis, quia Deus ista revelavit? Credo. Nunquid quòque credis, quòd Deus sit paratus poenitentibus remittere peccata, & iustificatis dare vitam æternam? quòd sit omnipotens, iustus, fidelis, misericors, summè bonus, omni amore & cultu dignissimus, & peccata oderit super omne malum, justè gravitèrque puniat? atque hoc iterum credis, quia Deus ita revelavit omniscius, & verax Credo. In hac, & pro hac fide mori sum paratus.

*Actus spei.* *Pro actu spei.* Nunquid speras per infinitam Dei misericordiam, & per merita Christi veniam peccatorum, necessaria auxilia gratiæ, & vitam æternam; quia Deus infinitè potens, benignus, misericors & fidelis promisit ista inquirentibus se? Resp. Spero. In te, Domine, speravi, non confundar in æternum.

*Actus charitatis.* *Pro actu charitatis, & contritionis.* Nunquid nōsti, quanta tibi præstiterit Deus? Creavit & conservavit te, ut eo æternum fruereris; dedit tibi Filium suum Redemptorem, Magistrum, cibum animæ tuæ in terrâ, & Advocatum in coelis: MARIAM, Filii sui Matrem dedit tibi

tibi Patronam, præterea Angelum tui custodem. Quàm liberalis & benignus fuit in te Deus? ipse sufficientissimus, in se ipsa bonitas, ipsa misericordia, ipsa clementia, summa Majestas, omne bonum. Nunquid ergo omni amore dignissimus? Nunquid ergo gaudes, & gratularis ipsi de omni bono suo? Nunquid ipsum præfers omnibus, quæ cogitari possunt: ipsi optas omnem gloriam: te offers ad ipsum benedicendum, ad amandum & laudandum hic & in æternum, eumque diligis ex toto corde, ex tota anima; quia dignus est omni cultu, & amore? Resp. Amo, & amabo in æternum! Utinam illum eo amore, quo amant ipsum omnes Sancti in coelis, amare possim!

Nunquid ex corde doles, quòd Deum, *Contritio.*  
tam in te benignum, tam in se amabilem, tam dignum omni honore, unquam peccatis tuis offenderis? Quòd feceris, quæ tantæ bonitati displicent; qui, etsi nec præmium expectandum, nec poena timenda esset, omnium cordibus esset amandus? Resp. Ex toto corde doleo. Dic ergo: Deus, propitius esto mihi peccatori! Pater, peccavi in coelum, & coram te; jam non sum dignus vocari filius tuus: ne projicias me à facie tua? Nunquid statuis, deinceps, quoad Deus tibi vitam dederit, amore ejus omnia pec-



384 *Neo-Confessarius practicè instructus.*  
peccata vitare, occasiones peccandi fugere, & præstare omnia, quæ, re prudenter considerata, ad salutem necessaria judicaveris? Resp. Statuo per Dei gratiam. Dixi, nunc coepi. Statui custodire justificationes tuas, Domine. Confirma hoc Deus: quod operatus es in me.

2. Si terreatur fortè multitudine peccatorum, excitetur Dei clementia erga peccatores, v. g. erga Magdalenam, latronem in cruce, S. Petrum, cui primò inter Apostolos post Resurrectionem apparuit: S. Thomam, cui pertinaciter incredulo obtulit latus, & manus. Item erigatur verbis Dei dicentis: *Nolo mortem peccatoris, sed ut convertatur, & vivat. Misericordia Domini super omnia opera ejus.* Ipse Pater optimus est, etsi nos filii prodigi. Etsi tu commiseris, unde damnare te potest; ipse tamen non amisit, unde salvare te potest.

3. Si infirmus esset rudis, minùsque apprehenderet motiva dilectionis Dei; inducendus esset primum ad dolorem minùs perfectum, seu attritionem, secundùm dicta.

### Q U Æ S T I O III.

*Quæ sint præstanda Confessario in confessione infirmi, vel moribundi?*

211.  
*Infirmus*

**R** Esp. Infirmum dispositum ritè 1. animet ad confessionem sinceram in conspectu Dei faciendam, cui omne

cor

cor patet, & omnis voluntas loquitur: *animan-*  
quem nullum latet secretum: qui tan-*-dus.*  
tū expectat, ut serio poenitenti, & sin-  
cerē confitenti occurrat, eūque stolā  
gratiæ vestiāt, & in filium recipiat.

2. Impertitā benedictione petat, à quo  
tempore ultimò confessus sit? An nihil  
voluntariè omiserit, & poenitentiam im-  
pleverit? Si reperirentur priores confes-  
siones invalidæ, procedendum secun-  
dum dicta num. 191. quo casu necesse  
non esset, urgere, ut non confessa à con-  
fessis separet, ubi commodè fieri non  
posset

3. Si, ut apud infirmos plerumque con-*Exami-*  
tingit, interrogationibus opus sit: exci-*-nandus* &  
tetur, ut sincerè & animosè respondeat *monendus*  
ad singula, uti conscientia dictat: *nihil suaviter.*  
præ verecundia taceat, numerum nec  
augeat, nec minuat; sed sincerè certa  
pro certis, dubia pro dubiis confiteatur.

4. Tum interrogando percurrat præ-  
cepta fidei, spei? charitatis, Decalogi,  
Ecclesiæ, peccata propria, officii, statūs,  
prout discretio dictabit, & conditio con-  
fitentis. Si mora talem ordinem non  
ferret examinis, convenit interrogare  
graviora, circumstantias mutantēs spe-  
ciem, numerum; pro personarum diver-  
sitate; de scandalis, confessionibus non  
ritè factis, odiis inveteratis, usuris, &c.  
*R.P. Reuter Neo-Confess.* Bb de-



386 *Neo-Confessarius practice instructus.*  
demum alia, prout tempus & circum-  
stantiæ patientur.

*Excitan-  
dus ad  
contritio-  
nem.*

5. Si absolutâ confessione nihil super-  
sit, quod gravet conscientiam, aut præ-  
standum ante sit, Confessarius poeniten-  
tem benignè alloquatur, & renovet cum  
eo dolorem de peccatis. & propositum  
vitandi oïnnia, occasionésque peccandi,  
hoc vel simili modo: Deus! Deus cor-  
dis mei! Propter te ipsum, qui infinitè  
bonus es, amo te, amabo super omnia.  
Poeniter, ah poenitet me, misericordissi-  
me Deus, quòd te tam graviter, & toties  
offenderim! Tu quæsisvisti me, & ego  
contempsi te. Ex intimo corde doleo,  
quòd te, omne bonum, omni amore di-  
gnissimum, tam parviæstimaverim. Pa-  
ter; peccavi in coelum, & coram te: re-  
spice in faciem Christi tui, & miserere  
mei. Quid tibi retribuam pro patientia  
tua in me? Offero me totum ad obse-  
quium tuum, & statuo firmissimè per  
gratiam tuam, quam suppliciter peto,  
nunquam peccare amplius, occasiones  
peccandi fugere, & tibi soli servire. A-  
more tui condono omnibus, qui unquam  
me offenderunt. In satisfactionem susci-  
pe labores, dolores, sanguinem, mortem  
Fili tui, Domini mei JESU Christi: susci-  
pe & hos dolores meos, quos tui amore  
lubenter feram: vitam meam lubens pro  
te profundo. Hæc sicut nunc supplico,

itâ

ità de tua infinita bonitate confido, Te per pretiosum sanguinem Filii tui veniam, & gratiam daturum, ut emendatus in finem usque perseverem. Bone JESU! respice super me miserum peccatorem oculis misericordiæ, quibus respexisti Petrum flentem in atrio, Magdalenam in convivio. latronem in crucis patibulo; & præsta, ut peccata mea cum Petro dignè desleam, cum Maria Magdalena perfecto amore te diligam, & cum latrone in Paradiso in sæcula sæculorum te videam, & glorificem. Amen.

6. Si sit obligatio præstandi aliquid in vivis, jubeatur illud statim infirmus præstare, ut 1. Si teneatur ad restitutionem famæ, curet restitui, ut potest, vel verbo vel scripto. Si ad restituenda bona fortunæ, vel damna compensanda, & possit restituere vivus, jubeatur restituere; si non possit. obliget hæredes in testamento, etiam sub poena, ut statim restituant. Si dubium sit, an quid debeat, uti fieri potest, v. g. in administratione bonorum, curet, ut re declaratâ cuique suum tribuatur. Vide infran. 235. Si aliqua acquisivit per contractum injustum, uti debet, restituat. Vide tamen de hoc. Less. de just. l. 2. c. 20. Dian. p. 3. tr. 9. res. 92. 2dò. Si sit in occasione proxima continua peccandi, ut, si concubinam habet, & proles ex ea, aut matrimonium illi

*Ad restitutionem faciendam, in vita.*



388 *Neo-Confessarius practicè instructus.*  
promisit; inducatur, ut, si possit, ineat  
cum ea matrimonium, quo proles legi-  
timentur, & promissioni satisfiat. Si  
hoc fieri non possit, nec concubina ejici,  
potest quidem absolvi, si dispositus sit;  
curandum tamen, ut concubina ægro  
non ministret, sed amoveatur ab ejus  
conspetu, uti monui supra sub num. 173.  
3tiò. Si ab altero sit graviter offensus,  
vel læsus quocunque animo etiam pessi-  
mo; inducendus est, ut offensam remit-  
tat, odium, rancorem internum deponat,  
signa det odii remissi externa: imò &  
actionem injuriarum, si quæ competit,  
remittat: etsi enim à legitimo judice si-  
ne peccato possit petere satisfactionem.  
& punishmentem lædentis; quia legitima  
vindicta ad virtutem justitiæ pertinet,  
estque per se decens malefactorem pu-  
niri, ut alii ab injuriis inferendis coëer-  
ceantur; periculum tamen est, ne ex oc-  
culto odio procedat: & gaudeat de al-  
terius malo, tanquam suo bono. 4. Si  
mulier honesta infirma, separata à viro  
persuaderi non possit, ut velit dein ad  
virum redire; examinanda est causa di-  
vortii: si justa sit, non tenetur redire; si  
sit dubiè justa, interrogetur, an parata  
sit facere, quod postea judicabitur in con-  
scientia faciendum; si ità, absolvi poterit.

*Satisfa-*  
*ctio injun-*

7. Omnibus ritè peractis, infirmo dan-  
da poenitentia levis, aut levior pro ra-  
tione

tione morbi gravis, vel gravioris, sine tagenda.  
men præjudicio tertii. Possunt imponi actus fidei, spei, charitatis, patiens dolorum tolerantia. resignatio in voluntatem Dei, restitutio maturè facienda, condonatio injuriæ publicæ illatæ, reconciliatio cum inimicis, invocatio SS. Nominum JESUS, MARIA, JOSEPH! &c. Posset etiam gravis injungi in eventum valetudinis recuperandæ.

8. Demum eum absolvat primùm à *Absolutio*  
censuris, si quam incurrit, tum à peccanda.  
tis, & applicet illi indulgentias moribundis concessas. Ubi notandum, quòd quidem possit quilibet Sacerdos etiam non approbatus absolvere à censuris omnibus, & reservatis tum in Articulo mortis, ut clarè habet Trid. sess. 14. de poen. cap. 7. quia potestas absolvendi data est ad salvandas animas, adeoque non restringi debet, ubi anima periclitatur: tum etiam in periculo mortis, ut habet probabilior; quia pia Mater Ecclesia non præsumitur velle quenquam exponere probabili periculo damnationis: non potest tamen dari absolutio à censuris & reservatis à quolibet statim à prima die infirmitatis; sed debet adesse vel articulus, vel periculum mortis probabile. Adest autem articulus mortis, quando mors moraliter certò proximè instat, seu ex morbo, seu ex vulnere, seu sententia



judicis: cui æquivalet, si quis sit in periculo proximo perpetuæ amentię; periculum verò mortis est, quando sub dubio, vel timore prudente mors expectatur; uti in prælio, morbo, vel itinere periculoso, obsequio pestiferorum: vel, si quis sit bannitus, aut mulier sit partui vicina, experta in partibus periculum vitę. Unde reus ad mortem condemnatus, si instet executio sententię, mulier illa, si instet partus, &c. potest à quovis absolvi, si alius non adsit. Si tamen infirmus haberet casum reservatum, cui annexa esset excommunicatio major, hæc tria simul præstanda forent: Primum, ut ante satisfiat parti læsę v. gr. restitutio famę. honoris, bonorum, ob quorum læsionem lata est censura; aut res sic disponatur, ut illa satisfactio sit infallibiliter secutura v. g. dando Confessario, vel apud alium deponendo, quod restituendum erat; vel obtinendo à parte læsa condonationem. 2dum. Si satisfactio fieri non posset, modò datur cautio pignoratitia, vel fidejussoria, vel saltem juratoria, si alia dari non possit. Putant tamen quoque aliqui, pro foro interno firmum sufficere propositum, probantque ex rituali Romano Pauli V. Ità Nav. Laym. Tamb. Viva & alii. 3tium, Ut juret, quòd velit obedire Ecclesię, seu Superiori injungenti, ne il-

*Quid, si  
incurris-  
set casum  
reserva-  
tum, cui  
annexa  
excom-  
municatio  
major?*

lud crimen iterum committat; & per se ipsum, si possit componere cum Papa (compositio cum Papa est conventio) in qua Papa indulget, ut inajor quantitas debiti domini incerti mutetur in minorem: *La Croix l. 3. p. 2. num. 409.* si non possit, velit se sistere Episcopo vel Superiori, qui possit absolvere extra casum necessitatis; aliàs reincident in excommunicationem. Si tamen esset destitutus usu rationis æger, posset si alia adsint, absolvi: imò validè absolveretur, etsi Confessarius hoc negligeret, quamquam hic graviter peccaret. Neque reincident poenitens, etsi tunc peccaret. Si impotentia satisfaciendi esset perpetua, non est opus quiddam à poenitente requirere. Demum, si casus reservatus non habet annexam censuram, non est opus se postea sistere Superiori. Vide *La Croix l. 6. p. 2. n. 1559. 1623. 1693.*

#### Q U Æ S T I O IV.

*Quomodo infirmus in Visitatione sit excitandus ad conjunctionem cum Deo, resignationem, patientiam? &c.*

**R**esp. In visitatione infirmi, imò ex- 212.  
ercendi sunt cum ipso actus fidei, *Propo-*  
spei & charitatis, quibus anima intellectuando ad



*firmam fi-* & voluntate Deo conjungitur, modo su-  
*dem elici-* prà dicto, vel hoc:  
*endam.*

1. Pro fide elicienda possunt illi exponi præcipua fidei puncta, & ejus motivum, & tunc elici actus fidei hoc v. g. modo: Credo, Domine, quidquid per Ecclesiam Unam, Sanctam, Catholicam, & Apostolicam credendum proponis; & ideo firmissimè credo, quia tu dixisti, qui es infinita veritas, nec potens fallere, nec falli. Credo, adjuva Domine incredulitatem meam.

*Ad spem,*

2. Pro spe elicienda proponi illi possunt infinita Dei benignitas, misericordia, clementia, omnipotentia, fidelitas, beneficia particularia infirmo prae tot aliis collata, ut salvus fieret; merita Christi. Beatissimæ Virginis, Sanctorum, tuncque sic spes elici: Spero misericordissime, & benignissime Deus per merita Unigeniti tui Filii pro me passi, veniam meorum peccatorum, gratiæ auxilia, & vitam æternam: & ideo firmissimè spero, quia venientibus ad te illa promittere dignatus es; qui in promissis tuis servandis es fidelissimus, & potentissimus. In te Domine speravi, non confundar in æternum.

3. Pro charitate proponi possunt Dei beneficia, desiderium ejus, ut ad se veniamus, & nos æternum beatos faciat; labores, doloresque Christi: tum summa

Dei

Dei bonitas, Majestas, dignitas ad omne obsequium, & amorem: & actus charitatis hoc vel simili modo elici:

O quàm serò amavi te, pulchritudo æ-*Amorem.*  
terna! ô bonitas infinita: dulcedo ineffabilis! Quid mihi est in coelo, & à te, quid volui super terram? En paratum cor meum ad amandum te, nunc & in æternum. Deus cordis mei, diligo te super omnia? gaudeo; gratulor tibi de infinitis tuis perfectionibus, de omni honore, & gloriâ tuâ in cælo, & in terra: quia tu dignus es. Utinam mille corda mihi essent, quibus solum te amarem, ament, laudent, benedicant tibi omnes creaturæ mecum, & pro me, & plus, quam possim ego.

Ah! quis dabit capiti meo aquam, & *Dolorem,*  
oculis meis fontem lacrymarum, ut defleam peccata mea, quibus te summū bonum offendi! Peccavi in conspectu, tuo & coram te: abusus sum donis, à te mihi concessis ad gloriam tuam, & salutem meam, in tuam ignominiam, & meam perditionem: servire te feci in peccatis meis. Detestor ingratitude meam, abominor mala, quæ feci coram te omni honore dignissimo. Utinam vel sanguineis eadem lacrymis deflere possẽ! Delicta mea paveſco, & ante te erubeſco; sed tamen spem veniæ non abjicio, verum infinitâ fretus misericordiâ tuâ



394 *Neo-Confessarius practicè instructus.*  
statuo expiare peccata mea, eaque ampliùs non admittere. Confirma hoc Deus, quod operatus es in me.

213.  
*Motiva  
resignationis.*

Resp. II. Pro resignatione involuntatem Dei juvat proponere sequentia. 1. Statutum est omnibus semel mori. Nescimus, quandonam mori nobis magis expediat; novit id Pater noster. Avocat ille nos ex hac mortali vita quandoque citiùs, ne diutiùs viventes labamur in peccata, & pereamus æternum. *Raptus est (justus) ne malitia mutaret intellectum ejus: aut ne fictio deciperet animam illius.* Sap. 4.

2. Vitam à Deo gratis accepimus; cur eam reposcenti non libenter obediamus, ut temporalem, & miseram commutet in æternam & felicem?

3. Non sumus majores Sanctis, Virgine Matre Dei, ipso Christo. Sancti mortui sunt, & mortem desideraverunt. *Cupio dissolvi, & esse cum Christo*, inquebat. S. Paulus. S. Ignatius Martyr cupiebat devorari à bestiis sibi præparatis ut Christo frueretur. B. Virgo mortua est, ut imitaretur Filium suum. Christus dignatus est mori, ut nos liberaret à morte æterna. Quis recuset igitur mori, si ita Deo placeat? Ità Pater, quoniam sic placitum est ante te, paratum cor meum, paratum ad faciendam voluntatem

luntatem tuam Sive vivam, sive moriar,  
tuus sum.

4. Peregrinamur à Domino; hic in exilio sumus, patria nostra coelum est; quis ad eam non festinet ex hac lacrymarum valle? Pater! non mea, sed tua voluntas fiat. *Quemadmodum desiderat cervus ad fontem aquarum, ita desiderat anima mea ad te Deus.*

Notandum, quod resignationem sæpe difficilem reddant terrena. conjux, liberi, &c. hæc removeantur, nec colloquium de iis instituatur; nisi fortè necessarium foret, jubeaturque infirmus eorum mentionem omittere, & Deo committere; quia illa nihil utilitatis, multum verò incommodi affert illum affligendo, & impediendo, quò minus ad bona majora se præparet. E coelo, quò properat plus illis auxilii impetrare poterit, quàm vivus præstaret in terris. Pater illorum Deus est, ipsi cura erit de illis. Brevi standum erit ante tribunal Dei, ibi quaeretur de operibus nostris, non de aliorum felicitate, Christus nudus mortuus est in Cruce, & nos mundo oportet mori, antequam moriamur.

Resp. III. Pro præparando animo ad patientiam servit. 1. Necessè est, nos pati, quia homines sumus, quia exules quia Christiani. Homo nascitur ad laborem teste Jobo. *cap. 5. Quasi flos egreditur,*

*Resignationis impedimenta removen-*  
*da.*

214.

*Motiva patientiæ.*



396 *Neo-Confessarius practice instructus.*  
*tur, & conteritur: jugum super filios A-*  
*dam à die exitus de ventre matris eorum,*  
*usque in diem sepulturæ in matrem omnium.*

*Pati debe-* Vocamus sæpe terram hanc vallem la-  
*mus, quia* crimarum, & nos exules filios Evæ;  
*homines* quid ergo expectare possumus, nisi ad-  
*sumus.* versa? Pati omnes necesse est, parvos  
& magnos, divites & pauperes, Reges  
& plebejos. Christiani appellari volu-  
mus, sacrum hoc nomen astringit nos,  
ut adversa libenter patiamur. *Oportu-*

*it Christum pati, & ita intrare in gloriam*  
*suam,* non intrabimus in gloriam ejus,  
nisi per patientiam. *Si quis vult post*  
*me venire, tollat crucem suam quotidie.*  
Lucæ 9. Ideo Christiani sumus; ut se-  
quamur Christum, & cum eo patiamur:  
unde dixit Apostolus Tess. 3. *Nemo mo-*  
*veatur in tribulationibus istis: ipsi enim*  
*scitis, quod in hoc positi sumus.* Rex pas-  
sus est, non recuset pati famulus.

*Nos pati* 2. Nos pati æquum est; peccando e-  
*æquum est.* reximus nos contra Deum; turbavimus  
ordinem rectum, qui exigit, ut creatura  
Deo, servus Domino subsit; hic ordo re-  
stituendus, nósque Deo per adversa ite-  
rum subiacendi. Proinde, placet dul-  
cedo misericordiæ, non debet displicere  
pulchritudo justitiæ.

*Nobis*  
*utile.*

3. Pati utilissimum est; nam patiens  
adversorum perpeffione purgat animam

ab

ab affectu ad terrena & illicita, adducit-  
que ad amorem coelestium; delet cum  
magno merito debita peccatis contracta,  
quæ magnis pœnis sine merito in alte-  
ra vita eluenda essent: meretur magnam  
in coelis gloriam. *Momentaneum, & le-  
ve tribulationis nostræ æternum gloria pon-  
dens operatur in nobis*, inquit Apost. 2.  
Cor. 4. *Speciosa misericordia Dei in tem-  
pore tribulationis, quasi nubes pluviae in  
tempore siccitatis*. Eccles. 36.

4. *Æquo animo nos adversa ferre, glo-* Et glo-  
riofum est Deo, & nobis: Deo quidem; *riofum.*  
quia Deo gloriosum est habere filios, qui  
paternum agnoscentes affectum, de ma-  
nu ejus etiam dura libenter admittunt;  
qui in asperis etiam suam profitentur sub-  
jectionem, voluntque concurrere ad re-  
parandam gloriam Patris; habere famu-  
los, qui, seposita omni commoditate pro-  
pria, in adversis patientes, ejus consilia,  
ordinationem & providentiam laudant,  
prompto animo omnia, seu corpus, seu  
animam spectent, excipiunt, suam in e-  
um fiduciam, & amorem cum sui immo-  
latione contestantes. Nobis autem glo-  
riofum est; tum quia sic probamus nos  
veros Dei filios, & famulos fideles, ejus  
gloriæ studiosos, profitemur nostram in  
ejus providentia fiduciam, subjectionem-  
que; ejus in nos amorem, quo in no-  
stram salutem adversa immittit: tum quia  
sic



398 *Neo-Confessarius practicè instructus.*  
sic conformamur Christo Regi gloriæ,  
quo nihil gloriosius. In hoc vocati estis:  
quia Christus passus est pro nobis, relin-  
quens vobis exemplum, ut sequamur vesti-  
gia ejus. 1. Petri 2. Communicantes Chri-  
sti passionibus gaudete. .... Quoniam quod  
est honoris & gloriæ, & virtutis Dei, &  
qui est ejus spiritus; super vos requiescit. 1.  
Petri 4. Hinc dixit S. Apost. Paulus 2.  
Cor. 7. Repletus sum consolatione, su-  
perabundo gaudio in omni tribulatione no-  
stra. Et S. Jac. c. 12. Omne gaudium  
existimate fratres, cum in varias tentati-  
ones incideritis. - Proinde Deum amanti  
etiam jucundum est pati.

*Indecens*

*Et pericu- 5. Adversa à Deo immissa impatien-*  
*losum est* ter ferre valde indecens est, & pericu-  
*adversa* losum. Quid diceremus de infirmo, qui  
*impatien-* potionem amaram, ad sanitatem utilem  
*ter ferre.* valde aut necessariam, recusaret à me-  
dico-peritissimo admittere? Quid de con-  
demnato ad mortem, qui nollet manere à  
aliquot dies inclusus, ut liberaretur à  
morte? Quid de debitore, qui oblato u-  
no nummo nollet extinguere cum lucro  
ingenti debita immensa? Ecce talis est  
homo, qui non acceptat æquo animo o-  
blata à Deo adversa. His vult Deus sa-  
nare animas nostras; vult remittere poe-  
nam mortis æternæ; vult condonare  
magna debita per peccata contracta, &

dare

dare nobis divitias gloriæ æternæ: quis igitur non acquiescat?

6. Percurri potest tota vita Christi, *Propo-* quæ à primo suo momento usque ad ul- *nenda* ti-  
timum vitæ spiritum fuit mera passio; *empla* qui non habuit, in quo reclinaret caput *Christi*.  
suum; cujus morientis lectus fuit dura  
crux: hujus nos cohæredes esse volumus,  
& erimus, si tamen compatiamur. Casti-  
gat Dominus omnem filium, quem reci-  
pit.

7. Proponi potest exemplum B. Virgi-*B. Mariae*,  
nis, & Sanctorum: illius animam dolo-*Virginis*.  
ris gladius pertransivit: præsciens mor-  
tem Filii sui durissimam, & persecutio-  
nes, compassa est viventi, & post ejus  
mortem passa contradictiones ab inimi-  
cis Christi. Sancti autem, quàm diver-  
sa non sunt passi? in veteri quidem *Et San-*  
lege Tobias, Patriarcha Joseph; in nova *ctorum*,  
Apostoli, & alii. Petrus crucifixus, Bar-  
tholomæus excoriatus, &c. Laurentius  
vividus affatus, &c.

*Pii actus, & affectus alii per inter-*  
*valla breviter cum infirmis*  
*exercendi.*

Actus Fidei.

**P**rimò. Sapientissime, & veracissime 215.  
Deus! credo, quæcunque revelasti; *Breviores*  
sufficit mihi verbum tuum. Tu es *actus fidei*,  
ipsa sapientia, & veritas, quæ nec falle-

re.



490 *Neo-Confessarius practicè instructus.*  
*spei, &* re, nec falli potest. Testimonia tua cre-  
*charitatis.* dibilia facta sunt nimis.

2. Tres sunt, qui testimonium dant  
in coelo: Pater, verbum, Spiritus S. & hi  
Tres unum sunt. Credo Domine, adjuva  
incredulitatem meam.

3. Credo, mi Deus! quòd Filium tu-  
um miseris in mundum, ut peccatores  
salvos faceret, quorum ego primus sum.

4. Credo remissionem peccatorum,  
carnis resurrectionem, & vitam æternam.

5. Credo, quòd Redemptor meus vi-  
vit, & in carne mea videbo Deum Sal-  
vatorem meum.

6. Credo, bone JESU! quòd nemo  
veniat ad Patrem, nisi per te; & nemo ad  
te, nisi Pater traxerit eum. Sine te nihil  
possum; sed de plenitudine tua nos om-  
nes accipimus.

7. Tu es Deus Omnipotens, Sanctus.  
Immortalis, Creator, Conservator. & Gu-  
bernator omnium: ad imaginem, & simi-  
litudinem creasti me, ut tibi servirem,  
& salvus fierem. Miserere mei; & sal-  
va me.

8. JESU bone! tu Judex constitutus  
es vivorum, & mortuorum: non intres in  
judicium cum servo tuo, quia non justi-  
ficabitur in conspectu tuo omnis vivens.  
Actus

Actus Spei.

**P**rimò. In te Domine speravi, saluum me fac à persequentibus, & libera me.

2. Ne perdas cum impiis, Deus! animam meam. Ego egenus & pauper sum, Deus adjuva me.

3. Miserere mei, quoniam tribulor. Deus meus es tu: in manibus tuis fortes meæ.

4. Domine! ne in furore tuo arguas me, neque in ira tua corripas me, Miserere mei secundum magnam misericordiam tuam; & secundum multitudinem miserationum tuarum dele iniquitatem meam.

5. Adjuva me Deus salutaris meus: & propter gloriam nominis tui, Domine libera me, & propitius esto peccatis meis propter nomen tuum.

6. Benignissime JESU! redemisti me Sangvine tuo: ne perdas cum impiis animam meam.

7. Maria mater gratiæ, Mater misericordiæ! tu me ab hoste protege, & horâ mortis fulcipe; memento, quanti steterim Filio tuo.

8. Angele Dei, qui custos es mei, ab hoste maligno protege me! &c.

Actus Charitatis.

**P**rimò. Diligo te Domine, fortitudo  
R. P. Reuter Neo-Conf. Cc mea,



402 *Neo-Confessarius practicè instructus.*  
mea, refugium meum, liberator mi, &  
Deus mi.

2. Iste Deus meus, & glorificabo eum:  
in æternum cantabo misericordias ejus.

3. Quid mihi est in cœlo, & quid volui super terram? Dilligo te Domine, Deus mi: quia solus es omne bonum, magnus, & omni amore, & cultu dignissimus.

4. Quis Deus præter Dominum, aut quis Deus præter Deum nostrum? Vivit Dominus, & benedictus Deus meus in æternum: in te, per te, & ex te sunt omnia.

5. Domine! bonorum meorum non egēs; attamen diligo te ex toto corde meo, ex tota anima mea, ex tota mente mea, ex omnibus viribus meis. Amo te propter te; da, ut amem validiùs.

6. O bonitas æternæ! serò cognovi, serò amavi te. Utinam nunquam offendifsem te! Poenitet, ah poenitet! Oculo misericordiæ respice miseriam meam. An damnabis pulicem unum? Da gloriam nomini tuo, & dimitte mihi universa delicta mea. In te speravi, non confundar in æternum: statui custodire mandata tua; Tibi vivam, quoad vivam.

## QUÆSTIO V.

*Quid agendum Confessario, si vocetur ad  
insir-*

*infirmum loquela, & sensibus de-*  
*stitutum?*

**R**esp. I. Si loquela planè destitutus 216.  
signo, vel nutibus significet poenitentiam Sacerdote præsente, *absolven-*  
*da est, si*  
solvendus est: quia signa poenitentis *a-signa po-*  
nimi, quæ præsente mortis periculo *e-nitentia*  
duntur, censi debent ad absolutionem *det Sacer-*  
sacramentalem directâ; adeoque esse sa-  
cramentalis confessio; nam in tali statu *sente.*  
quavis optimum animæ suæ medium so-  
let desiderare. Signa autem poeniten-  
tiæ sunt: Pectoris percussio, elevatio ma-  
nuum, vel oculorum in cœlum, aspectus  
intentus Crucifixi vel piæ imaginis, &c.  
Si prudens sit dubium, an hæc signa sint  
orta ex poenitentia, an vero ex mœrore,  
& mortis angustiis; absolutio danda es-  
set sub conditione, ut consulatur reve-  
rentiæ Sacramenti. Dixi: *Si loquela pla-*  
*nè destitutus*: nam, si aliqua in specie pos-  
set confiteri, deberet, & imprimis mor-  
tale, si quod haberet, aperire, etsi non  
posset omnia.

Resp II. Si præsente Sacerdote nul- 217.  
lum dare posset poenitentia signum: de-  
disset verò, priusquam Sacerdos accessis-  
set, idque idonei testes, imò etiam uni-  
cus præsens testatetur; absolvendus es-  
set. Ratio est: quia signa censetur de-  
disse, ut alii manifestarent. velut inter-  
pretes, Confessario suam poenitentiam



404 *Neo-Confessarius practicè instructus.*  
 sicque dolor & confessio sit sensibilis Con-  
 fessario, & Sacramentalis. Docuit hoc  
 Consilium Aurasicanum primum Can. 12.  
 his verbis: *Subitò obmutescens baptizari,*  
*aut pœnitentiam accipere potest, si volunta-*  
*tis præteritæ testimonium aliorum verbis*  
*habeat.* Et idem esset, si, qui signa pœ-  
 nitentiæ viderunt, non amplius essent  
 præsentés infirmo, sed in platea Sacer-  
 doti occurrenti indicarent. Ratio est e-  
 adem. Neque si moribundus ratione &  
 sensibus sit destitutus, magis sit confes-  
 sio Sacerdoti præsentī à teste præsentē,  
 quàm absente: cùm moribundus non sit  
 præsens Confessario, ut cum eo huma-  
 no modo possit agere: ergo sicut in pri-  
 mo casu confessio absenti Sacerdoti fa-  
 cta in ordine ad absolutionem à præsen-  
 ti accipiendam sufficit, sic & in casu se-  
 cundo.

218. Resp. III. Moribundus, qui Christia-  
 nè vixit, jamque sensibus & loquelâ de-  
 stitutus, nec signa pœnitentiæ notatur  
 dare, nec dedisse constat; sub conditione  
 absolvendus est: tum, quia ad extrema  
 deducti censentur Deo velle conciliari,  
 & Christianè mori; & sæpe dant signa,  
 quæ non advertuntur data, ad absoluti-  
 onem accipiendam: tum, quia vita Chri-  
 stianè acta est testimonium quoddam vo-  
 luntatis, & petitio tacita absolutionis:  
 qui enim Christianè vivit, rectè censetur  
 velle

velle Christianè mori, & petere extrema Christianis dari solita, Et hinc censetur, si potuit, dedisse signa poenitentiae. Hoc Gormatz, & alii extendunt ad eum, qui malè vixit, modo fuerit Catholicus, si inveniatur sensibus destitutus, quia tales saepe utuntur ratione, fidèsq; quam in Christum professus est, præbet fundamentum judicandi, quòd velit Catholicè mori, & adhuc conetur; nec constat, an non dederit signa poenitentiae, quæ non sint notata. Unde, si quis in duello cadat, tempusque intercedat inter lapsum, & mortem, & præsumi possit adhuc uti ratione, censerì potest poenitere, & sub conditione absolvi: quia vita Christianè acta est aliqua poenitentiae manifestatio non pro quocunque, sed pro tempore mortis instantis: & moriens præsumitur memor salutis, nisi clara det signa impoenitentiae. Imò fortè anhelitus ab eo dirigitur ad Sacerdotem pro absolutione. Hæc quidem incerta sunt: quia tamen non omnino improbabilia; consulendum est saluti animæ, ad quam Sacramenta instituta sunt, à quibus etiam arcetur irreverentia in casu necessitatis per conditionem appositam.

Resp. IV. Si Sacerdos ad infirmum 279,  
veniens dubitet, an jam mortuus sit, *Quid si*  
adhuc debet eum absolvere: quia hìc indubitetur  
dubio vita est in possessione, pro qua *an mortu-*



us sit?

406 *Neo-Confessarius practicè instructus.*  
standum est. Idque, si signa poenitentiae ante dedit, et si probabilius putetur mortuus: nam saepe judicantur mortui, qui postea adhuc ad se redeunt. Nec desunt Medici, qui existimant, animam aliquando manere unitam corpori uno, alteroꝛve quadrante post mortem vulgari- ter existimatam. Retulit mihi cele-bris Medicus, puerum in aqua lapsum, & extractum planè apparuisse mortuum, igni autem dein applicatum rediisse ad se. Testantur quoque indubitatae hi- storiae, quosdam, qui ad horam videban- tur mortui: imò sepulti fuerunt, ad se re- diisse. Proin, si incertum sit, an jam in- firmus obierit, adhuc sub conditione ab- solvendus est, si signa poenitentiae de- derit, aut dedisse prudenter praesumi pos- sit secundum dicta. Haec valent tan- tum pro Catholicis, nisi tamen haeretici- cus Sacerdotem Catholicum petiisset: quia haeretici non censentur signa diri- gere ad accipiendam absolutionem sa- cramentalem.

220.

*Petes, Quid sentiendum de pacto,*

*Si pactum* quod moribundus jam confessus inivit  
*cum Con-* cum Confessario, ut in agone adhuc se-  
*fessario* mel absolvatur? Resp. Cum ad novam  
*inierit, ut* absolutionem, saltem extra casum neces-  
*in agone* sitatis, requiratur nova accusatio, jubeat  
*iterum ab-* Confessarius, ut absolutione accepta in  
*solvatur?* genere se iterum accuset, & dolorem e-  
liciat

liciat cum proposito: his præstitis potest eum agonizantem iterum absolvere, saltem nisi mora nimis longa inter agonem, & præissum dolorem intercessisset: hoc enim casu expedit renovare dolorem ante agonem. Si tamen in agone signa poenitentiae nova daret, absolvendus esset; uti &, si non temerè timeretur, ne relapsus sit in grave peccatum.

## Q U Æ S T I O VI.

*Quando, & quoties infirmis danda  
Communio & extrema unctio, &  
quomodo ad illa disponendi, &  
inungendi?*

**R**Esp. I. Eucharistiae Sacramentum pro viatico dandum infirmis, si sint in periculo mortis: tunc enim obligat præceptum sub mortali pro viatico communicandi. Unde inducendi sunt infirmi, ne, cum periculo non accipiendi illud, differant, & eximendus mundanus ille timor, quo nollent divulgari suam infirmitatem. Forma illius conferendi est: *Accipe frater (vel Soror) viaticum Corporis Domini nostri Jesu Christi, qui te custodiat ab hoste maligno & perducatur in vitam æternam. Amen.* Differt viaticum ab ordinaria Communione: quia in hac gratia bene vivendi, in illo bene moriendi datur & petitur. Cir-



ca hoc nota: 1. Qui manè sanus communicavit ex devotione, si dein eodem die incidat in periculum mortis; juxta *Vasquez* & alios probabiliter iterum communicare tenetur pro viatico: quia præceptum manè non obligabat, ergo nec illi satisfecit. At communior cum *Suarez*, *Lugone* & aliis tenet, non posse iterum eodem die communicare: tum quia non licet eodem die bis communicare per præceptum Ecclesiæ prohibentis; tum quia mors erat vicina quando communicavit, ergo satisfecit. Alii censent cum *Illung*, posse quidem, eò, quòd non communicarit in periculo mortis; & Ecclesia tunc non prohibeat communicare bis eodem die, non teneri tamen, quia finis viatici habetur, cum fuerit moraliter præsens mortis periculum. Hæ sententiæ omnes sunt probabiles, In praxi seligatur illa, quam potius sequendam hic & nunc circumstantiæ, devotio, & necessitas infirmi svadebunt.

221.

*Quid, si  
ante octo  
dies com-  
municav-  
rit?*

2. Qui ab ultima Communione post octo dies incidit in periculum mortis, juxta probabiliorem tenetur iterum communicare: quia periculum ante octo dies satis propinquum non erat. *Suarez* tamen, *Lugo*, *Avers.* *Illung* & alii probabiliter tenent, non teneri: quia habetur finis præcepti; qui est, per Communionem se disponere ad mortem vicinam:

er-

ergo præcepto satisfactum est, quamvis mors non fuerit prævisa; erat enim vicina. In praxi tali iterum danda Communio, tum propter ædificationem populi, tum ad infirmum melius ad mortem disponendum.

3. Si infirmus non possit commodè *Si non sit* exspectare, aut Parochus altero die *jejunus?* difficulter possit viaticum ministrare jejunus, potest communicare non jejunus, quod & sæpe potest in infirmitate eadem diuturnâ: quia Consilium Constantiense, & Ecclesiæ consuetudo videtur absolutè à præcepto jejunii, eximere periculose infirmos, si commodè non possint manere jejuni. Putat *Dicaſt.* & alii, posse toties, quoties posset sanus jejunus: sed spectanda est praxis & consuetudo loci, devotio, & necessitas infirmi. Si infirmus heri, aut ante dies aliquot communicasset ex devotione, posset hodie iterum communicare pro viatico; non tamen tereretur.

4. Si infirmus ex indispositione stomachi, quæ sumit, ejiciat omnia; non est *Si rejiciat omnia?* illi danda Communio ob irreverentiam certam. Habet quoque communior, & probabilior, quod in dubio, an rejecturus sit sacras species, non sit danda: hoc tamen casu posset dari infirmo minima particula etiam in liquore, vel juscule, licet hoc moraliter certò sit prius descen-



410 *Neo-Confessarius practicè instructus*,  
surum. Potest etiam prius dari parti-  
cula non consecrata, & hanc si retineat,  
dari deinde Communio; non verò, si re-  
jiciatur.

*Si conti-  
nua tussi-  
at?*

5. Continua tussis non obest Commu-  
nioni: quia, si species possunt ad stoma-  
chum descendere, non est periculum eas  
ideo ejiciend': quia via, quâ sputa, etsi  
ascendant è pectore tussiendo, excutiu-  
tur, non est via cibi & potûs ad stoma-  
chum, sed via respirationis ad pulmones.  
Imò putant *Tann. Reiff. Gobat*, posse  
dari in dubio, an sit rejecturus: eò quòd  
fructus certus Communionis, qui habe-  
retur, etsi species rejicerentur, & neces-  
sitâs infirmi excusent ab irreverentia,  
quæ tunc tantùm foret materialis. Hoc  
practicari videtur, posse, si longè proba-  
bilius videretur non rejecturus; imò *La  
Croix l. 6. p. 1. num. 553.* docet ex *Go-  
bat*, non teneri abstinere à Communione,  
qui aliquoties per diem vomit: quia non  
est morale periculum, nè ideo præcisè  
eo tempore eveniat.

*Si rejiciat  
sacras spe-  
cies?*

6. Si infirmus rejiciat sacras species,  
& purgari possint, purgandæ sunt, & suo  
tempore sumendæ: si autem purgari non  
possint, nec tam cordatus esset, qui vel-  
let sumere, comburendæ non sunt, sed  
aquæ immittendæ in vase, donec dissol-  
vantur; aut bacillo dissolvi possunt, &  
dissolutæ ita, ut desinant esse species pa-  
nis

nis, mittendæ sunt in sacram piscinam, si adsit. Si autem quis paulò post Communionem revomeret, & species non apparerent, *Rubrica Missalis de defectibus tit. 10. n. 14.* præscribit, ut vomitus comburatur, & cineres in sacrarium mittantur.

7. Si infirmus non possit deglutire species panis, danda illi minima particula hostiæ cum vino, vel juscule potius, quàm Communio sub speciebus vini. Monet autem *Gobat*, Sacerdotem ad infirmum debere secum deferre duas hostias, ne postea in reditu obviantes adorent pixidem vacuum: nisi tamen deferret in pixide, quæ postea non esset referenda publicè.

*Si non possit deglutire?*

8. Viaticum dandum est reis ad supplicium deducendis, prægnantibus proximis partui, præsertim periculoso, omnibus adituris proximum, vel probabile periculum mortis, in quo postea videtur dari non posse: hi enim omnes tenentur sub gravi ad illud; nisi non ita diu ante communicassent. Si tamen, quis durante periculo mortis peccassent graviter, non teneretur communicare denuo in eodem periculo. Non autem dandum ebrio moribundo, si constet, quòd voluntariè se inebriarit, aut sic se inebriare soleat. Si autem sobrius ratione usus, censeretur modo non uti, dan-

*An dandum reis?*

*Privato ratione?*



412 *Neo-Confessarius practicè instructus.*

dandum foret, nisi positivè constaret esse in mortali. Ratio est: quia, si aliud non constet, potius præsumitur esse in statu gratiæ, quàm peccati; favendumque potius homini, pro quo Sacramentum est institutum, cùm existenti in gratia certò prosit, imò probabiliter, in attrito tantùm, causet primam gratiam, nec periculum sit irreverentiæ, nisi fortè materialis.

*An amentis?*

9. Dandum adulto in dubio, an amentia sit privatus usu rationis: item illi, qui usum rationis habuit, nec scitur amisisse in mortali, ut docet *S. Thom. p. 3. q. 80. a. 9. in o.* saltem, si prius ostenderit devotionem ad illud, vel bene vixerit, & habitus, ut vir bonus. Ratio jam data est: estque probabile, sufficere voluntatem interpretativam. Si tamen sciretur incidisse in amentiam paulò post mortale, nec adessent signa positiva poenitentiae, dandum non esset: quia semel malus præsumitur semper malus, nisi sit fundamentum præsumptionis oppositæ.

*An semi-fatuo?*

10. Dandum quoque semi-fatuo, vel debilem usum rationis habenti, si censeatur capax absolutionis, & absit periculum irreverentiæ; frustra enim expectatur plenior usus rationis. Item phrenetico, vel deliranti, si alligatus admittat alios cibos; modò tamen absit periculum irreverentiæ. In dubio posset da-

ri hostia non consecrata, & hanc si reverenter accipiat, dari poterit consecrata. Ita *La Croix* l. 6. p. 1. num. 660. Item dari debet energumeno, seu obsessio. Et si dæmon impediatur, quod minus proficitur Christum præsentem; semper tamen abesse debet periculum irreverentiæ.

11. Dandum quoque adulto à nativitate *Surdo, & te surdo & muto*, qui instrui potest per *si-muto?* gna, ut discernat cibum spiritualem à corporali; si tamen simul à nativitate cæcus foret, esset incapax, & æquiparandus perpetuo amenti, cui dari Eucharistiam prohibet Rituale Pauli V.

12. Pueris quoque, ut insinuavi num. *An pueris?* 101. dandum est viaticum, etsi ante non communicaverint: modo judicentur uti ratione, & instrui possint: quia tum obligantur præcepto divino, & Sacramentum certò illis proderit; imò prodesset, etsi usum rationis non haberent. Unde & in dubio possessio est pro libertate. In dictis casibus semper præmittenda absolutio, si possit.

Notandum tamen, quòd, cum pueri *222.* per ætatem non habeant sufficiens *An Com-* judicium, quò satis æstiment hoc Sacramen- *municio fre-* tum sanctissimum, extra periculum mor- *quenter* tis rarò admittendi sint ad Communio- *danda* nem, nisi præferant spiritualem aliquam *pueris?* famem, & solito diligentius se præparaverint; quia frequentia inducet faciliè vilipen-



414 *Neo-Confessarius practicè instructus.*  
lipensionem, faciétque, ut potiùs ex con-  
suetudine accedant, quàm devotione, si  
autem retardentur, & inculcetur digni-  
tas Sacramenti, fructum majorem par-  
ticipant ex una Comunione, quàm aliàs  
ex pluribus. Ita fere *La Croix* n. 653.

223. Resp. II. Purgatâ per poenitentiae Sa-  
*Quomodo* cramentum animâ excitandus infirmus,  
*ad viati-* priusquam detur viaticum, ad magnum  
*eum di-* desiderium Christum suscipiendi, ad vi-  
*sponendus* vam fidem, firmam fiduciam, & arden-  
*infirmus?* tem charitatem. *Qui manducat meam*  
*carnem, in me manet, & ego in eo.* Joan. 6.  
O mira pietatis dignatio! *qui manducat*  
*me, vivet propter me.* Quotquot recepe-  
*runt eum, dedit eis potestatem filios Dei fi-*  
*eri.* Joan. 1. O inæstimabilis dilectio  
charitatis! *Si filii & hæredes, hæredes qui-*  
*dem Dei, cohæredes autem Christi.* Ecce  
charissime frater, quanta dignatio, quan-  
ta Dei charitas, quæ animæ tuæ æsti-  
matio! Veniet ad te Deus ipse, Salva-  
tor tuus amantissimus, ut te pascat, so-  
letur, confortet, illuminet, bonis suis di-  
tet, &c. Quid retribues ei? Non exigit  
à te, nisi ut ipsi te plenè resignes, ei  
fidas, eum diligas, patienter sustineas.  
*Fili! præbe mihi cor tuum.*

Hic præeatur infirmo in breves actus  
fidei, spei, charitatis, contritionis, resi-  
gnationis, patientiæ, dilectionis proximi:  
v, gr. Tu es Christus Filius Dei vivi: hoc  
cre-

credo, non quia caro & sangyis, sed quia Pater coelestis revelavit. In te Domine spero, quia apud te misericordia, & copiosa redemptio. Diligo te Domine fortitudo mea, refugium meum, & liberator meus: quia Deus meus es, omne bonum. Utinam te dilexissem semper, & te nunquam offendissem! Desidero te millies. mi JESU, quando venies ad me! Tibi corpus animamque committo; nihil opto amplius, quam ut impleatur in me tua sancta voluntas. Iram tuam merui, portabo eam; quoniam ego peccavi, & offendi benignissimam faciem tuam. Tui amore ignosco omnibus, tu quoque pro misericordia tua ignosce mihi. Sumptâ Communionem possunt ejusmodi actus repeti, & dici: *Anima Christi sanctifica me, &c.*

Resp. III. Quando infirmitas est periculosa, monendus. & excitandus infirmus, ut suscipiat Sacramentum extremæ <sup>224.</sup> *Disponen-* <sup>*mus ad*</sup> *duis infir-* <sup>*extremam*</sup> *unctionem.* <sup>*unctionem.*</sup> Unctionis, exponendo illi ipsius effectus; quod nempe conferat gratiam, purget animam à reliquiis peccatorum, roboret contra tentationes dæmonis, conducat & expediat ad salutem, ad recuperandam corporis sanitatem: uti testatur Scriptura, idque ex opere operato, seu vi institutionis suæ. Unde Cardinalis Bellarminus ait; Ideo rariores ægros sanari, quia differunt sacram unctionem.

Pro-



Proinde, si æger laboret mala persuasione, ideo jam actum de sanitate recuperanda, eximenda est illi. Habeo à medico, quòd plures infirmi, qui valde periculose decumbebant, acceptâ sacrâ Synaxi statim melius habuerint, & dein convaluerint. Quòd si accedat & sacra unctio, quæ etiam ad corporis sanitatem restituendam, instituta est, plus spei erit: animo nimirum confortato & corpus roboratur. Nec omittat Sacerdos, plebejis eximere persuasionem, quòd non liceat inuncto deinceps saltare, vel nudis pedibus incedere, ubi semel extremam unctionem acceperint. Deinde elician-  
tur pii affectus, ut supra, vel fides de hoc Sacramento, spes obtinendi promissa, amor Dei tam boni, gratiarum actio pro occasione suscipiendi Sacramentum hoc, cujus fructu tam multi destituuntur. Dúmque inungitur infirmus, occupet se piis affectibus: JESU, Filii Dei vivi, miserere mei! propitius esto mihi peccatori! Bone JESU, dic animæ meæ: Salus tua ego sum! &c. Demum peracta in-  
unctione animetur ad fiduciam sanitatis, si ita expediat; simul tamen ad perfectam resignationem, finiatúrque consuetis orationibus. Quòd, si in morbo diuturno periculum post datam sacram unctionem desinat, & dein iterum redeat, iterari extrema unctio potest: iterata ta-

men

men in eodem morbo & periculo esset irrita; uti & collata non graviter, vel periculose laboranti. Hinc tali adveniente periculo iterum danda, si data extra periculum fuisset.

Resp. IV. Danda extrema unctio tantum, quando constituti sunt infirmi in periculo mortis ex infirmitate corporis, v. g. febris, læsione, indispositione, vel debilitate corporis. Hinc danda est reo, qui sumptò venenò expectat mortem; existenti in periculo mortis ob sanguinem è naribus fluentem, qui sisti non possit puerperæ, cui ob specialem rationem timenda mors; senibus deficientibus: non tamen suspendendo, vel capite plectendo; nec ituris in prælium; nec cui pes abscindendus. Ratio est; quia hoc Sacramentum institutum tantum est pro infirmis. Priores infirmi sunt; non posteriores: & pede minuendi, ordinariè citò non deficiunt.

2. Danda quoque est, per se loquendo, omnibus adultis ratione aliquando retractato, absitque periculum irreverentiæ. Unde danda est furiosis, lapsis in amentiam, ebrio deficienti, vulnerato in duello, si tempus superfuit pro contritione, quòd in dubio præsumendum est. Ratio est: quia in bonum animarum Sacramenta sunt instituta; sufficitque hic

*R. P. Reuter Neo-Conf.*    D d    in-



intentio interpretativa: & quamvis per se loquendo, ad fructum hujus Sacramenti requiratur status gratiæ, cùm sit Sacramentum vivorum; per accidens tamen potest attrito conferre primam gratiam. Nec hic periculum est irreverentiæ, nisi materialis fortè, quæ permitti potest ob necessitatem & bonum animæ, quod speratur.

*Etiam pueris ratio-* 3. Danda est pueris sufficientem usum  
*ne usis.* rationis habentibus ad peccandum, etsi sacram Eucharistiam non accepissent: tùm, quia cùm pueri quandoque peccent graviter, inde aliquando salus eorum dependere potest: tùm, quia hoc Sacramentum confert gratiam & robur, conducitque ad sanitatem. Unde dari potest illi, qui post Baptismum nunquam peccavit, v. gr. qui in extremo mortis periculo baptizatur. In dubio, an puer, vel alius æger unquam sit usus ratione, inungendus est ob rationem datam. Idem est in dubio alio quocunque, v. gr. an sit in mortali, an sit periculum mortis, dùm differri non potest: quia in extrema necessitate præsumendum est in favorem hominis, pro quo sunt Sacramenta instituta.

226. Resp. V. Per se seorsim inungenda  
*Quæ par-* sunt organa quinque sensuum, vel si u-  
*tes inun-* num desit, pars propinqua: quia proba-  
*gendæ?* bilius talis quinque sensuum inunctio est

de

de essentia hujus Sacramenti. Per se quoque pro singulis sensibus adhibenda peculiaris forma exprimens sensum v. gr. pro visu: *Per istam sanctam unctionem, & suam piissimam misericordiam indulgeat tibi Deus, quidquid per visum deliquisti.* Et sic de aliis sensibus. Si mora non permetteret, specialem formam adhiberi omnibus, inungendi sunt citò omnes sensus etiam sine cruce, & pronuntianda hæc forma: *Per istas sanctas unctiones, & suam piissimam misericordiam indulgeat tibi Deus, quidquid per visum, gustum &c. deliquisti.* Si mora, vel occasio nec hoc ferret, posset inungi frons, utpote sedes sensuum per prædictam formam, vel per hanc: *Per istam sanctam &c. indulgeat tibi Deus, quidquid per omnes sensus deliquisti.* Hæc autem sub conditione fiant, sique æger supervivat, repetantur inunctiones singulorum sensuum sub conditione. Si dubitet, an æger sit mortuus, persequatur sub conditione: *Si vivis, per istam, &c.* In his casibus non est opus servare ordinem præscriptum sensuum, nec opus est utramque v. gr. aurem, oculum inungere. Pro inunctione adhibendum est oleum infirmorum ab Episcopo benedictum: quòd si deficiat per annum, potest modicum de non benedicto affundi. Si per errorem chrisma esset adhibitum, probabiliter valeret Sa-



420 *Neo-Confessarius practicè instructus.*  
cramentum; repetenda tamen esset in-  
unctio, si fieri commodè posset, sub con-  
ditione.

Porro conferens hoc Sacramentum  
debet esse Sacerdos. Validè conferre  
potest quivis, licitè tamen non potest,  
nisi Parochus, vel alius de ejus licentia.  
Parochus sub mortali tenetur ex justitia,  
etiam in morbis contagiosis; etsi, qui a-  
liis Sacramentis instructus, hoc Sacra-  
mentum petere sine contemptu, & scan-  
dalo negligeret, juxta communioem non  
nisi venialiter peccaret: quia hic potest  
magnum bonum non nècessarium sine  
gravi omittere, non tamen Pastor nega-  
re, Plura vide apud AA.

## Q U Æ S T I O VII.

*Quæ præterea in visitatione infirmorum  
observanda?*

227. *Curanda  
in cubicu-  
lo infirmi,  
& post o-  
bitum a-  
genda.* **R** Esp. Seq. 1. Curetur, ut in cubi-  
culo infirmi altum servetur silen-  
tium, nec quemvis admittat ad allo-  
quium, sed eos tantum, quorum consue-  
tudinè sublevetur infirmus.

2. Si morbus sit periculosus, jubea-  
tur infirmus totus esse in negotio ani-  
mæ suæ, nec sermones profanos admit-  
tere; & arceantur nimis crebræ visitati-  
ones, & complorationes parentum, libe-  
rorum, consanguineorum, uxoris: & ma-  
ximè

ximè aspectus eorum, ex quibus posset  
tentatio ad peccatum reviviscere.

3. Curetur, ut sacræ Christi Cruci-  
fixi imagines, B. Virginis, Angeli Custodis, ob oculos decumbentis ponantur; sitque ad manum aqua lustralis, quâ frequenter aspergatur infirmus, & fugentur infestantes dæmones.

4. Moneatur suaviter de mortis periculo & breves affectus pii suggerantur.

5. Si sensibus videatur destitutus, sug- *Quid, si*  
gerenda ei sacra nomina, & eliciendi *infirmus*  
sunt breves actus fidei, spei, charitatis, *sit sensi-*  
resignationis, &c. sed non nimis alta vo- *bus desti-*  
ce; quia experientia constat ægris acu- *tus?*  
tum esse auditum, & graviter affligi voce altiore. Juvat ad cranium capitis potius formare voces; quàm ad aures ipsas. Successivè auribus infirmi ingeri potest; JESU, Fili Dei, miserere mei! Maria Mater gratiæ, Mater misericordiæ, tu me ab hoste protege! Nunc te monstra esse Matrem! Angele Dei, Custos mei; defende me, ne peream! Domine JESU! per amaritudinem illam, quàm pro me in cruce sustinuisti; maxime; cùm benedicta anima tua egredere-  
tur de corpore tuo, miserere animæ meæ in egressu suo. Beatæ animæ, quibus, quoquò modò solatium attuli aliquando, nunc mementote mei! &c.



*Si morbus sit contagiosus, exquirat media, quibus præcaveatur, ne Sa-  
griosus, cerdos, & infirmo servientes infician-  
quæ caute-tur. Caveat imprimis, ne propinquius  
la adhi- accedens attrahat halitum infirmi, aut  
benda? nidorem movente se infirmo, ex lecto  
provenientem, sedeat ad caput infirmi,  
non ipsum inter & ignem, vel fenestram,  
quibus àér infectus attrahitur. Curet  
fieri, priusquam intret in cubiculum in-  
firmi suffitum ex granis juniperi, & flam-  
mam ex ligno ejus; si hæc non præces-  
serint, aperiens januam contineat non-  
nihil halitum, aut apertâ januâ nonnihil  
exspectet: apertâ enim hac àér infectus  
copiosior ipsi se offert. Dùm adest in-  
firmo, ne deglutiat salivam, sed modera-  
tè expuat. Ne timeat: quia timor cor  
constringit, & impedit, quo minùs vene-  
num repellatur, habétque imaginatio  
vim miram in corpus, ut patet in præ-  
gnantibus. Confidat proinde in Domi-  
no, cujus causam agit. Juvat quoque  
uti balsamò ruthæ hortensis, vel zedua-  
riâ, aut mane fumere duo grana piperis  
albi, & jejunare. Sumptò cibò accede-  
re infirmos minùs expedit: quia vene-  
num, quod attrahitur, in illo receptum,  
cum alimento se diffundit in sanguinem.*

*Quid di-  
cendum  
defuncti*

7. Soletur, si expediens sit, defuncto  
conjunctos, ubi discesserit, his aut simi-  
libus: Sicut placitum fuit coram Deo, i-  
ta

ta factum est. Is laudandus est in o-conjun-  
mnibus; novit ille, quid cuique magis *estis*?  
expediat, & paternè ordinat omnia.  
Non habemus hic manentem civitatem,  
sed peregrini sumus super terram, eale-  
ge nati, ut transeamus per mortem ad  
vitam felicem. Nescimus diem, neque  
horam, quâ transeundum nobis sit, &  
quando nobis magis conducatur, novit id  
Pater noster, acquiescamus igitur ejus  
voluntati. Dilecta fuit Deo anima de-  
functi, idè properavit illam educere de  
medio iniquitatum, & ex periculis eri-  
pere. Non invidemus ejus felicitati:  
commodatus nobis fuit, repetiit illum  
Deus. Gratias agamus, quòd tanto tem-  
pore nobis indulserit illum; multisuis or-  
bati sunt maturius, invenit tamen Deus  
modum, quòd juvaret eos: inveniet etiam,  
quòd juvet modò. Ipse melior est, quàm  
decem filii, amici, &c. Hæc dicenda  
sunt fidenter, non animò vel voce tristi,  
alias movebuntur consolandi ad majore-  
rem tristitiam. Adduci quoque possunt  
exempla eorum, qui mortem suorum for-  
ti tulerunt animo. Talis fuit Beatissi-  
ma Virgo, Mater Machabæorum, S. Fe-  
licitas, quæ septem filios coram specta-  
vit morte affici, & animavit eos. S. Fran-  
ciscus Borgias, qui intelligens conjugis  
dilectæ mortem nihil motus dixit: Deus  
illam nobis commodaverat, eandem jam



424 *Néo-Confessarius practicè instructus.*  
repetiit, agamus gratias, quòd tam diu  
eam nobis indulerit. Poterunt etiam  
circumstantes hac occasione excitari ad  
vitam Christianam.

## C A P U T VII.

*Quomodo tractandus homo odio, vel  
inimicitii implicatus, & condonare  
nolens?*

228. *Quomodo  
examinan-  
dus accu-  
sans se de  
odio?* **R** Esp. I. Si quis de odio contra pro-  
ximum se accuset, advertat, Con-  
fessarius, & inquirat, an vero odio  
laboret: sunt enim, qui de odio se accu-  
sant, & odio non laborant: sunt quoque,  
qui odium foveant, & in corde coquunt,  
& tamen dicunt se iis, à quibus offensi  
sunt, favere omne bonum. Proinde de  
hoc se accusantes excutiendi sunt, in quo  
situm sit illud odium? Sicut amare alte-  
rum, est, velle & procurare illi bonum,  
de ejus bono gaudere, malis ejus indolere;  
sic alterum odisse, est velle illi inferre,  
vel inferri malum; de illius malis gaudere,  
& de bonis dolere. Si examinatus ex his  
postremis nihil habeat, proximòque communia,  
& debita charitatis officia, & signa præstet,  
etsi quærat, se aversionem experiri contra  
illum, & moveri sanguinem, dum illi ob-  
viat; odio voluntariò non deprehendi-  
tur laborare; monendùsque est, ut pro il-

lo oret; defectus ejus excuset; apud alios benè de ipso loquatur; illius alloquium quærat; sic enim averfio & displicentia, quæ silentiò preffa fovetur, & manet, diffipabitur. Si autem communia, & debita charitatis figna, & officia neget; etfi dicat, fe favere illi omne bonum, odio laborat,

Resp. II. Quis deprehenditur odio laborare, ei fua declaranda eft obligatio: *Quomodo* 229.

1. Etfi offenfus poffit exigere pro injuriæ illata fatisfactionem, tamen proximocum reo fuo malum velle licitè non poteft, ut il-odii?

li malum eft & contra ordinem charitatis. 2. Tenetur oftendere communia figna charitatis, & tollere scandalum, fi quod adfit. 3. Non oftendere figna inimicitia; quia lex quâ prohibemur odiffe inimicum, prohibet fignum odii. Unde interrogandus talis, à quo tempore foverit odium, an mala optaverit, voluerit inferre, & quæ? An gavifus de alterius malis, inviderit bona? Quoties tales actus, interruptos moraliter, repetiverit per hebdomadam, &c. Deinde, an adverfarium fit allocutus? Si dicat, procul abfit, nimia erat injuria: faltem falutanti refponderit amicè? Si neget; ex natura fua gravis eft contemptus, & pars vindictæ repugnans charitati, nifi falutatus effet multò fuperior, vel conditione, vel officio, aut præcedens injuria



426 *Neo-Confessarius practicè instructus.*  
ita levis fuisset, ut illi adscribi non possent  
omissiones illæ: imò licèt fermocinatio,  
& salutatio de se sint signa specialia be-  
nevolentiae debita proximo non ex præ-  
cepto, sed duntaxat ex consilio; in praxi  
tamen ex circumstantiis evadunt com-  
munia & ex præcepto debita, ut quando  
inimicitia est publica, vel offensus soli-  
tus est ante acceptam injuriam salutare,  
& alloqui, vel sermones miscet cum cæ-  
teris suæ communitatis, omnesque sa-  
lutat eò prætermisso.

230. *Inducen-* Resp. III. Peracto examine inducen-  
*dur, ut* dus est poenitens, ut odium deponat, &  
*ex corde* ex animo ignoscat, statuâtque, se recon-  
*ignoscat.* ciliare cum adversario, & communia  
signa, & officia charitatis exhibere. Si  
dicat, ignosco, sed non adibo ædes,  
vel nuptias, &c. Attendendum, an non  
adire sit signum veteris rancoris, intus  
latentis, ut si frater fratris, vel consobri-  
nus consobriini nuptiis adesse nollet, non  
habens aliam causam, quam nuperam  
offensam. Et hoc casu incapax est ab-  
solutionis, uti &, si nollet salutantem  
resalutare sibi non multò inferiorem; hæc  
enim vindicta foret, eaque scandalosa.  
Ordinariè tamen, etsi suadendum sit,  
poenitens, non est obligandus ad salu-  
tandum primò, si ipse sit affectus magna  
injuriâ, vel sit conditione multò major,  
& multò minus, si salutans sciret, se non  
resalu-

refalutandum. Quamquam hac in re non  
facile credendum poenitenti, utpote in  
causa propria, eaque lubrica. Si his se  
non det, ostendatur illi primò necessitas  
ignoscendi, & charitati satisfaciendi.  
Quid petis in oratione Dominica? *Dimit-Motiva*  
*te*, inquis, *nobis debita nostra, sicut & nosignoscendi.*  
*dimittimus debitoribus nostris.* Vis tibi di-  
mitti, ut tu dimittis; an non oras con-  
tra te? Quid dixit in Evangelio Domi-  
nus servo, qui noluit dimittere conser-  
vo suo? *Serve nequam, omne debitum dimisi*  
*tibi, quoniam rogasti me, nonne ergo oportuit,*  
*& te misereri conserui tui, sicut &*  
*tui misertus sum?* Quid fecit Dominus il-  
lius servi? tradidit eum tortoribus, quo-  
adusque redderet omne debitum.  
Quid Christus infert? *Sic & Pa-*  
*ter meus cælestis faciet vobis, si non remi-*  
*seritis unusquisque fratri suo de cordibus*  
*vestris.* Quid dixit Christus Mathæi 5.  
*Ego autem dico vobis: Diligite inimicos ve-*  
*stros, benefacite his, qui oderunt vos, &c.*  
Ecce agitur de anima tua, quam habes  
unicam, quæ unicè tua est, quæ est the-  
saurus tuus, quam Christus tanti fecit,  
ut pro ea poneret dilectam animam su-  
am, ut redimeret eam in sanguine suo;  
nisi remittas proximo, actum est de ea.  
Miserere animæ tuæ, & vindictam re-

linque



428 *Neo-Confessarius practicè instructus.*  
linque Deo, qui inquit: *Mihi vindicta.* 2.  
Si his non emolietur; proponatur illi,  
quàm gloriosum sit ignoscere: est enim  
victoria maxima, & gratissimum DEO  
sacrificium: *Diligere proximum suum, sicut*  
*seipsum, majus est omnibus holocaustis,*  
*& sacrificiis.* Marci 12. Est maxima apud  
omnes prudentes laudis materia,  
& gaudii apud Angelos. *Res pro marty-*  
*rio tibi computabitur,* inquit Sanct. Chryl.  
Homil. 3. de Saule & Davide, *si insidias*  
*molientem inter benè meritos numeres.* Si  
ergo gloriam quæris, quam falsò in vin-  
dicta apprehendis, hanc tibi appropri-  
a. Nonne laudabile est in sancta Cathari-  
na Senensi, quòd pus fluxerit è vulnere  
foeminæ suæ calumniatricis; in sancto  
Ambrosio, quòd stabilem victum assi-  
gnaverit cuidam sicario, qui ei necem  
moliebatur; in sancto Achatio, quòd vasa  
sacra quoque vendiderit, ut quibusdam  
succurreret, à quibus graviter fuerat dif-  
famatus. 3. Exponatur utilitas con-  
donationis, & consequens delectabilitas:  
nam elevat ad dignitatem filiorum Dei,  
juxta illud Math. 5. *Diligite inimicos ve-*  
*stros, ut sitis filii Patris vestri; qui in cæ-*  
*lis est.* Aperit januam misericordiæ di-  
vinæ. *Beati misericordes, quoniam mise-*  
*ricordiam consequentur.* Animam libe-  
rat molestâ illâ torturâ averfionis, quam  
circumfert, *Qui pœnis ineunt consilium,*  
*sequi-*

*sequitur eos gaudium.* Prov. 12. Non datur hic medium: aut condonandum, aut renuntiandum dignitati, & hæreditati filiorum Dei: aut deponenda vindicta, aut spes misericordiæ. Demùm ingentia debita extingvit, peccando contracta. An non libenter aliquot asses debitori tuo remitteres, ut tibi vicissim ab ejus domino aliquot millia remitterentur. 4. Proinde ponatur, quàm decens sit, ut remittat, Deus toties tibi dimisit, desiderâtque, ut remittas inimicis tuis, an id ei negabis? Christus oravit in cruce primùm pro suis adversariis, ut nobis exemplò suò adderet animos ad nos hoc in genere vincendos? an exemplum hoc contemnes? Desiderat Christus, ut ignoscas, an, si coràm id à te peteret, velles ei id negare? Vis in coelo aliquando gaudere cum electis Christi fratribus, & amore cum illis in Deo jungi, cur non incipias modò? 5. Exponatur, quòd adversa omnia nobis obveniant à Deo, ut nos vincamus, & immolemus ejus dispositioni. Item, quàm fragilis sit homo, quàm facile impingat, quot modis impellatur à dæmone, & naturæ corruptæ inordinatis affectibus, ut proinde dignus sit potius misericordiâ, quàm irâ. Consulat propriam experientiam, inveniet, quòd & ipse sæpè impegerit, & tamen cupit ignosci. Si dicat: Inju-



Injuria est nimis gravis, quàm vilis homuncio mihi intulit. Respondeatur: An non graviora sunt, quæ Deo intulisti, & vis tibi ignosci? An vilem dixeris, quem Deus in filium adoptavit, & Christus in fratrem. Animam attende. Si replicat: Sangvinis nobilitas, & honor meus postulat, ut vindictam sumam. Respondeatur: Nobilitas in virtute, quâ Deo assimilamur, sita est; ex eadem massa sumus omnes. Famam & honorem optimè tueberis, Christum Regem gloriæ imiteris. Si ad tuum, ad familiæ honorem est necesse injuriam puniri, noli involare jurisdictionem alienam, sed inviam à Deo constitutam, & Judicem implora, sed ex bono zelo, procul omni inordinato appetitu vindictæ. Si respondet. Ignoscam, sed oblivisci non poterò, Respondeatur: Ignoras fortè, quid dicas. Recordaberis fortè injuriæ; at noli sine renovata condonatione. Si animò vindictam foveas, aut resumas, incidēs in manus vindicantis Dei, qui impunem te non dimittet, fortè etiam in hac vita. Experti id sunt permulti. Ad Martyrium ductus Sapritius Sacerdos, quia noluit inimico ignoscere, lapsus est in idololatriam, & idolis immolavit, & corona Martyrii alteri delata est. *Surius 9. Febr.* Mulier, ut testatur Bernardinus Senensis serm. 15. Quadrag. negans peten-

petenti veniam, à dæmone abrepta est  
Alia in morbo viaticum sacrum acceptu-  
ra, vultum avertit, dicens: *Sicut ego a-*  
*verti vultum meum, aliis nolens ignoscere-*  
*sic Deus hunc avertit vultum suum à me,*  
atque ita vivere desiit. Si vis videri for-  
tis, ignosce, & parvi pende inimici inju-  
rias: *Nihil*, inquit sanctus Hieronymus in  
Epist. ad Hebr. *ita confusam facit injuriam*  
*agentis, sicut fortis, & mitis patientia to-*  
*lerantis, & neque in opere, neque in lin-*  
*gua se vindicantis.* Et ad Eustochium: *A-*  
*pud Christianos non qui patitur, sed qui*  
*facit injuriam, miser est.* Similiter miser  
est, non condonans: sibi nempe non al-  
teri nocet; similis cani, qui lapidem, quod  
petitus fuit rodens, dentes obtundit.  
Optimum vindictæ genus est, rem Deo  
permittere. Hæc si non juvent, & oc-  
casio permittat; Confessarius provolu-  
tus ad genua obsecrati cum imagine Cru-  
cifixi in manu, petat per dolores Christi,  
ut, si non inimico, saltem Christo donec  
injuriam, qui omnium peccata in se su-  
scepit, & dixit; *Quod uni ex minimis me-*  
*is fecistis, mihi fecistis.* Si non cedat, di-  
catur: Absolvi eum non posse, nec ve-  
niam à Deo sperare, nisi ignoscat. 6.  
Si aliàs promissit, quod vellet se reconci-  
liare, & communia charitatis signa ad-  
versario exhibere, & non fecit, ordina-  
rè absolvi non debet.

Resp.



231.

*Media de-  
ponendi  
spiritum  
vindictæ.*

Resp. IV. Si ignoscere se dicat, diffi-  
culter tamen ut in concepta voluntate  
firmetur, & perficiatur, jubeatur orare  
pro inimico, Sacrificium Missæ offerri  
curet, aut offerat, ejus salutem commen-  
det Beatissimæ Virgini, aliâque charitatis  
obsequia præstet. Consideret exemplum  
Christi, aliâque jam adducta motiva. Id,  
quod & suadendum nolenti ignosce-  
re. Caveat autem Confessarius, ne vi-  
deatur velle agere advocatum adversa-  
rii; sed potius ostendat se quærere bo-  
num offensi. Si tamen injuriam gravius  
apprehenderet, quam revera sit, ostendi  
ei posset veritas, & generosi non esse,  
talem injuriam non posse remittere; si  
verò gravis sit, eo generosiùs &c. esse  
remittere.

## CAPUT VIII

*Quomodo procedendum cum ob-  
ligato ad restitutionem?*

232.

*Radices  
restitutio-  
nis.*

Resp. I. Observet principia generalia,  
hac in re Autoribus probata; quo-  
rum primum est: Obligatio restituendi se-  
cluso speciali contractu, oritur tantum  
vel re aliena, in se, aut in æquivalenti  
existente,

existente, vel ex injusta damnificatione, aut utraq̃ue simul. 2dum. Qui possedit rem alienam bona fide, tenetur ad rem in se, si adhuc existat, vel si non existat, ad æquivalentem: si habeat illud, aut in quantum ex illa factus est ditior. Idem tenetur ad fructus naturales: & mixtos, in quantum naturæ rei respondent, nondum præscriptos, saltem, si in se adhuc existant. Qui autem mala fide rem alienam possedit, insuper tenetur ad lucrum cessans, & damnum domino rei emergens. 3tium. Qui injustè alium damnificavit, tenetur eum servare indemnem; sique rem adhuc habet, eam in individuo restituere, nisi sciatur, dominum esse contentum, ut restituatur in æquivalenti. 4tum. Res fructificat suo domino; si autem sint fructus non rei, sed merè industriales, ut lucrum ex aliena pecunia per negotiationem acquisitum, illud domino rei non debetur. Lucrum tamen cessans, & damnum emergens ei compensandum foret; nisi excusaret bona fides. 5tum. Ex sola damnificatione nemo tenetur, nisi mortaliter damnificando peccaverit contra justitiam, compensare damnum grave. 6tum. Concausæ damni, ut mandans, svadens, mutus, receptans, &c. tenentur ad restitutionem, si verè in actu secundo influxerint per peccatum injustitiæ in damnum.

*R. P. Reuter Neo-Conf.*

*Ee*

*fe*



434 *Neo-Confessarius practice instructus.*  
secus non tenentur. 7mum. Si plures  
ad idem damnum concurrerint. 1. Te-  
netur, apud quem res in se, vel in æqui-  
valenti adhuc existit. Si non existat,  
primò locò tenetur principalior causa, in  
huius defectu alii. Dominus enim rei  
debet servari indemnis, ita, ut teneatur  
etiam unus ad totum damnum, nisi for-  
tè absque illius concursu nihilominus  
fuisset illatum totum. 8vum. Res im-  
mobiles corporales bona fide possessæ  
regularitè præscribuntur inter præsen-  
tes, seu ejusdem territorii, & sub eodem  
præfecto, vel iudice domicilium haben-  
tes intra decennium completum cum ti-  
tulo, inter absentes, seu domicilium ha-  
bentes sub diversis præfectis, vel iudici-  
bus intra vicennium completum pariter  
cum titulo; res autem corporales mobiles  
intra triennium bona fide, & cum titulo  
possessæ præscribuntur inter privatos, si  
sint aptæ præscribi. Dixi, *regulariter*;  
quia variæ res excipiuntur, quæ ad pri-  
vatos non spectant, de quibus videndum  
in tractatu de iustitia & jure.

233. Resp. II. Causas quoque à restitutio-  
*Causæ ex-* ne excusantes perspectas habeat: quæ  
*cusantes.* respectu bonorum fortunæ sunt præscri-  
ptio, remissio creditoris. compensatio a-  
liunde facta, impossibilitas restituendi,  
vel absolute, vel nonnisi cum gravi ja-  
ctura famæ, vel status justè acquisiti, ces-  
sic

fio fori, si adsint conditiones referendæ in Theol. morali P. 3. n. 354. &c. Respectu famæ autem, recuperatio famæ aliunde facta, deletio infamiæ per oblivionem criminis inducta inter homines; condonatio facta, aut prudenter existimata; impotentia restituendi sine graviori damno, amissio famæ aliâ viâ facta; negatio restitutionis, famæ tuæ non minus læsæ ab infamato à te.

Resp. III. Deinde observet sequentia. 234.

1. Si pœnitens prudenter judicetur sci-<sup>Quando</sup>re obligationem suam, eidemque velle<sup>monendus,</sup>satisfacere, etsi non teneatur tunc mo-<sup>& obli-</sup>niere Confessarius, consultius tamen est<sup>gandus ad</sup>monere, v. gr. non dubito, quin scias o-<sup>restitu-</sup>bligationem tuam, velisque, quod debes, <sup>nem?</sup>exequi. 2. Cùm onus restituendi sit admodum grave, sitque pœnitens in possessione bonorum suorum, & famæ, si sit sententia passim reputata probabilis, quæ pœnitenti faveat, ad restitutionem ordinariè obligandus non est; quia in dubio favendum est possidenti: & obligatio dubia certam solutionem non exigit. 3. Si casus difficilior occurrat, non resolvat illicò Confessarius, sed moram remedium expendendi, aliòsque consulendi licentiam petat, & jubeat dein ad se redire. Hoc si facere commodè pœnitens non possit, jubeatur consulere alium virum, timoratum & doctum; quod si fa-



436 *Neo-Confessarius practicè instructus.*  
cturum se recipiat, paratūque se ostendat ad præstanda, ad quæ tenetur, absolvi potest. 4. Si putaret Confessarius in rigore loquendo, posse pœnitentem ab onere restituendi esse liberum ob sententiam verè probabilem illi faventem, oppositum tamen videretur probabilius, non esset quidem obligandus ad restitutionem, nisi sententia favens elideretur; & sua probabilitate privaretur; svaderi tamen posset, ut restitueret; maximè si debitor foret opulentus, & creditor pauper, proponendo illi, sibi quid vellet in tali casu fieri? 5. Si certa sit obligatio restituendi, attamen potens restituere difficultatem ostendat, ostendendum illi peccatum non dimitti, nisi fiat, dum potest, restitutio; quia non minùs est malum aliena retinere invito domino, quàm illa auferre, cùm sit continuata ablatio: unde dixit sanctus Augustinus: *Si res aliena reddi possit, & non reddatur, non agitur pœnitentia, sed dissimulatur.* Eligat proinde, an æternū ardere velit in inferno, an re carere aliena malit; sciâtque, nullam illi à Deo expectandam esse benedictionem. qui maledicet ejus propriis propter aliena possessa, & injustè detenta, ut experientia docet multos: unde natum proverbium: *Malè parta malè dilabuntur.* Si dicat: liberos suos fore miserōs, non credat; sed jubeat eum Deo con-

confidere, qui facit omnia diligentibus se cooperari in bonum; miseros fore reponat, si aliena possideant; & subtracta Dei benedictione æternum cum ipso pereant, si & sua propter aliena perdant: De malè quæsitis non gaudet tertius hæres. Si opponat: graviter se passurum in fama, suggeratur modus, quò famæ consulatur. Confessarius tamen non facile id onus suscipiat, ne sigillum violetur. 6. Qui antehac admonitus non restituit, regulariter non est absolvendus, donec restituerit: quia nimis proclive est periculum propositum, quod præfert, mutandi: si tamen jam sic videretur constitutus. ut meritò crederetur mox satisfactorius, absolvi posset; attamen rectè ei injungeretur, ut ad communionem prius non accederet; quàm actu restituerit, nisi esset specialis ratio id permittendi; & tunc præscribendum illi tempus & modus restituendi, quod & aliàs sæpe utiliter potest fieri, si ante factam restitutionem absolvatur. *Trident. sess. 25. de Reform. c. 12.* præcipit, ut, qui decimas non solvit, aut solutionem impedit, non absolvatur, nisi secuta plena restitutione, putà, nisi excuset impossibilitas restituendi. 7. Qui rem alienam apud se detinet, ordinariè non est absolvendus, nisi prius restituerit, ob periculum relabendi in prio-

Quando  
neganda  
absolutio?



438 *Neo-Confessarius practicè instructus.*  
rem voluntatem, aut cum damno do-  
mini differendi restitutionem. 8. Qui  
promittit facturum se restitutionem, vi-  
deturque ante absolvendus, determinet  
tempus, jubeaturque, vel svadeatur, ut  
singulis diebus, si statim restituere non  
possit, petat gratiam coram Crucifixo  
perseverandi in proposito, illudque sta-  
tuto tempore exequendi. 9. Cum, Quan-  
do creditores sunt incerti, sit debitum e-  
largiendum pauperibus, svadeatur, ut, si  
debitor sit fortunæ tenuioris, eum in fi-  
nem faciat eleemosynas etiam alias dari  
solitas. Universim etiam svaderi potest,  
ut misero debitori tantundem remitta-  
tur à domino. 10. Si debitor dicat, se  
non posse restituere, non credatur illi, nisi  
id efficaciter probet; nec absolvatur, nisi  
promittat se, quamprimum poterit, satis-  
facturum. 11. Si poenitens debeat al-  
teri ex contractu, & solutionem differat,  
spectanda consuetudo, & intentio contra-  
hentium: nam consuetudo habet, ut, quæ  
præstanda quotannis, differri diutius  
possint, quàm quæ ex aliis contractibus  
sunt debita. Quamquam & dilatio solu-  
tionis in aliis; si fiat sine damno credi-  
toris, excusari possit à mortali. *Ægrum,*

235. *Quid sva-* restituere obligatum, adigendum esse, ut  
*dendum æ-* in vivis ipse restituat, dixi supra sub n.  
*gro ad re-211.* Quibus adde: si non expediat in  
*stitutionem* testamento restitutionis mentionem fie-  
ri,

ri, codicillum adjiciat, quò jubeat, ut obligato?  
 hæredes dent summam illam confessario, vel alteri amico secundum voluntatem ægri expendendam; aut, si Notarius commodè haberi non possit, capitulum addat, quò dicat, se in manibus Confessarii, vel amici schedam reliquisse, quâ declaravit, quid post mortem suam fieri velit, quâque perinde validam esse velit, ac si testamento fuisset inserta. Si grave ei videatur ex timore, ne liberi honestè dein vivere non possint, exponatur illi necessitas restituendi, jactura salutis certò futura, & utatur exemplo medici, qui à Confessario persuasus dixit infirmo, non esse spem sanitatis, nisi periculo eriperetur adipe ex uno filiorum suorum. Ex advocatis filiis autem nullus voluit tamdiu tenere digitum in accensa candela, ut vel gutta deflueret. Hoc, inquam exemplo utatur dicens: Quid existimas? An teneres digitum per quadrantem in accensa candela pro prosperitate filiorum, an quis illorum id faceret pro tua valetudine? Nemo omnium, & tu tam stolidus sis, ut æternis pro iis suppliciis te addicas. Post paucos dies eris in oblivione omnium, & tu ardebis in inferno &c. 12. Restitutio famæ fieri quoque potest per tertiam personam magnæ authoritatis.



*Quomodo Confessario agendum cum pœnitente pudibundo, pusillanimi, vel desperabundo?*

216. *Quomodo persuadendus, qui horret confiteri?* **R**esp. I. Si quis timore infamiæ, vel confusionis apud Confessarium incurrendæ horreat vulnera sua detegere servient sequentia: 1. *imum.* Confessarius suaviter, & benignè eum excipiens dicat: Nunquid morbos corporis lethales amico, vel medico pro sanitate recuperanda libenter aperires? Cur ergo horreas detegere animæ tuæ statum mortalem, ut eam sanes? Nunquid anima non plus est, quàm corpus? Est illa unicuique thesaurus tuus, corpus abibit in vermes. Quid mavis, an jam coram me exiguam confusionem subire, vel æternam? Hanc si vis vitare, debebis aliquando confiteri, quæ jam horres aperire, quò diutius exspectas, eò major erit confusio, & difficilior victoria, 2. *Co*gita clementiam Dei homo non erubuit peccare in conspectu Dei, exigit is, ne exigente iustitia eum detrudat in confusionem æternam, confundat se coram uno homine, & non vereatur pro anima sua dicere verum; quid minùs poterat exigere? 3. *Quæ* Sacerdoti panduntur in confessione. ea minùs scit, quàm quæ nescit: hæc enim scire potest, & earum scient-

scientia uti: quæ autem in confessione  
audivit, nullatenus revelare potest, etsi  
vitam aliàs deberet amittere, imò totus  
mundus esset periturus. Quid igitur ti-  
bi oberit uni homini tua vulnera detege-  
re cum certa spe veniæ, an non hoc me-  
lius, quàm postea coram toto mundo  
confundi, & dein æternùm irrideri à Be-  
atis? Nunquid Deus novit tua peccata,  
novit & Angelus Custos, & alii Angeli?  
Quid ergo confusionis erit, si & ego no-  
verim cum gravissima obligatione tacen-  
di? *Si lates non confessus, damnaberis in-  
confessus*, inquit sanctus Augustinus. 4.  
Existimásne te dicturum, quæ non audi-  
verim? non est mihi humana fragilitas,  
nota dæmonis invidia, & ad malitiam  
impellentis fallacia; pudorem tibi eripuit,  
ut peccares; nunc eum tibi injicit ne con-  
fitearis; contere caput venenosi serpentis,  
& ejice venenum. Et ego peccator  
sum, Desique misericordia indigeo; non  
est peccatum, quod fecit homo, quod  
non faceret alter homo, nisi præservaretur  
ab eo, à quo factus est homo. No-  
li igitur erubescere confiteri homo ho-  
mini, peccator peccatori. An fortè ma-  
gnam times pænitentiam? Pars magna  
pœnitentiæ tuæ erit hæc tui victoria,  
lucrari poteris indulgentias; quotidiana  
tua opera rectè faciendo satisfactionem  
Deo præstabis, ea uniendo laboribus, &



442 *Neo-Confessarius practicè instructus.*  
doloribus Christi Salvatoris tui. Magnam tibi apud me conciliabis æstimationem, magnum Angelis causabis in cœlo gaudium, si pœnitentiam agas. Quàm gloriosum est sancto Petro, sancto Paulo, sanctæ Mariæ Magdalenæ, sancto Augustino, &c. egisse pœnitentiam si secutus es errantes, sequere pœnitentes. Præstitit Deus magnis peccatoribus multis non minores favores verè pœnitentibus, quàm aliis, qui aut nunquam, aut rarè peccarunt. Cur ergo circumferas torturam conscientiæ, quæ nunquam cessabit te cruciare, dum confessus fueris? Peracta generosa confessione quietem habebis animæ, quæ omnibus mundi gaudiis præferenda est. Quis reorum non libenter confiteretur, si se sciret, angore mortis, & ipsa morte liberandum confessione? Cætera suggeret prudentia & unctio Spiritus Sancti.

237. Resp. II. Si pœnitens deprehendatur  
*Quomodo* pusillanimis ob peccata sua præterita,  
*animan-* procedi cum eo hoc modo potest: Pri-  
*us pusil-*mo. Negotium habes cum patre, qui li-  
*lanimis ob-*olet offensus sit, pater tamen manet, pa-  
*peccata* tērque misericordiæ, cujus miserationes  
*præterita?* super omnia opera ejus; qui prodigum  
filium in gratiam amantissimè, ad se re-  
vertentem, recipit, uti declaravit nobis  
in parabola filii prodigi Lucæ 15. qui di-  
fertis verbis declaravit apud Ezechielem

cap.

cap. 33. *Impietas impii non nocebit ei, in quacunque die conversus fuerit ab impietate sua.* Ecce jam Deus debet hoc tibi, ut tibi ignoscat, tui curam habeat, ne pereas. 2. Deus pro nobis dedit Filium suum, & hic se pro nobis, quomodo, quod minus est negabit? Audi Filium: omnia mea tua sunt. Deus bonus plus velle, sapiens plus invenire, omnipotens plus dare non potuit. Teneritudo amoris Deum quodammodo cogit, ut misereatur. *Nunquid oblivisci potest mulier infantem suum, ut non misereatur filii uteri sui? Etsi ipsa oblita fuerit, ego tui non obliviscar.* Ecce in manibus meis descripsi te. Isaïæ cap. 49. Cognovit nimirum Deus figmentum nostrum, quia caro sumus, lutea vasa portantes, proni in malum ab adolescentia nostra, novit nos lapsos, & corruptos primum non propria, sed protoparentis nostri voluntate, novit diabolum ex odio ejus nobis insidiari undique; hinc peccata nostra respicit potius, ut miseriam nostram, quam ut sui contemptum, & injuriam; & multas est ad ignoscendum, operaque diaboli lubens destruit. 3tio. Ipse Filius infallibile remissionis chirographum nobis reliquit Matth. 6, his verbis: *Si dimiseritis hominibus peccata eorum, dimittet & vobis Pater vester: Ille est ut medicus; qui venit salvum facere, quod pe-*

rie.



444 *Neo-Confessarius practicè instructus.*  
*rierat.* Matth. 18. Pastor bonus est,  
qui oves errantes quærit, & ad ovile,  
lætus reportat. Lucæ. 15. Redemptor  
est, qui, quos sanguine suo comparavit,  
non abjiciet. *Empti estis pretio magno,*  
*sanguine quasi agni immaculati.* Copiosa  
*apud eum redemptio.* Psal. 129. Quid non  
speres? 4to. Pusillanimitas ex fraude  
est dæmonis, qui nihil quærit aliud, quàm  
nos perdere. Novit dictum: *Spes non con-*  
*fundet.* Et: *Scitote, quia nullus speravit*  
*in Domino, & confusus est.* *Quis invoca-*  
*vit eum, & despexit illum?* Eccli. 2. No-  
vit dæmon, omnia tua perdita esse, si  
diffidas Deo. Hinc te ad diffidentiam  
impellit. Si existimas, te hætenus bo-  
ni parùm fecisse, habes Advocatos mul-  
tos, Filium Dei, piissimam Matrem ejus,  
omnes cœlites, & Sanctos in Dei Eccle-  
sia; horum merita participas. Proponi  
possunt exempla peccatorum, qui magni  
Sancti evaserunt: ut Magdalena, Mat-  
theus, S. Augustinus, &c. Deus, ut di-  
xi, magnis peccatoribus verè poeniten-  
tibus legitur non minores contulisse fa-  
vores, imò sæpe majores, quàm iis, qui  
rariùs peccaverunt. Proponi quoque  
potest Parabola de ove perdita, de mu-  
liere, quæ drachmam perdidit, evertit-  
que domum, & ubi invenit illam, convo-  
cavit vicinas dicens: *Congratulamini mi-*  
*hi, quia inveni drachmam, quam perdidie-*  
*ram.*

*ram.* Drachma est anima, quâ inventâ  
gaudet Christus, gaudet Ecclesia tiium-  
phans. & Christo gratulatur. 5. Si di-  
cat, vereor, ne major sit iniquitas mea,  
quâm ut veniam merear, reponat Con-  
fessarius: Major est Dei pietas, quâm tua  
impietas, major Dei misericordia; quâm  
tua iniquitas, majora sunt Christi meri-  
ta, quâm tua demerita, ipse est propiti-  
atio pro peccatis nostris, & non pro no-  
stris tantum. sed pro totius mundi: pie-  
tas, & misericordia Dei. Christique me-  
rita sunt infinita, peccata totius mundi  
illis comparata nec sunt, ut guttula aquæ  
collata mari. Si hoc universum ignis  
esset, & in hunc mitteretur aquæ gut-  
tula, putas. eum extingveret? Minimè.  
Sic tua peccata immersa meritis Christi,  
& abyssò misericordiæ Dei. 6. Pusil-  
lanimitas, & maximè desperatio, quam  
illa parturit, grandis est Dei injuria: de-  
sperare enim dicit exercitè, Deum aut  
non posse, aut nolle ignoscere, & ad hoc  
ipsum inclinat pusillanimitas, Quid pu-  
tas, si pater filii omnem habuisset curam,  
nunquam filium promissis suis fefellif-  
set, addiceret delictorum veniam, filius  
tamen patri non fideret, an non meritò  
pater offenderetur? quantò potiori jure  
Deus offensæ deputabit, si ei diffida-  
mus?

Resp. III. Si quis frequenter recidi-



*Quomodo* vus in eadem peccata despondeat an-  
*erigendus* mum, vel contrahat de emendatione su-  
*desperans* tura, erigi potest partim jam dictis, par-  
*de vitæ e-* tim sequentibus: Primo. Nulla sunt pec-  
*mendatio-* cata, quæ per Dei gratiam vinci, emen-  
*ne?* darique non possint. Est autem Deus

paratus dare auxilium necessarium: vult enim Deus, ut peccator convertatur, & vivat, *Ezechielis 18.* cupit, mandat à nobis peccata vitari, novitque, nos sine ejus auxilio vincere non posse, nisi succurrat. *Cum ipso sum,* ait, *in tribulatione, eripiam eum, & glorificabo eum.* Potuit te Dæmon perdere, multò magis potest te Deus restituere; incipe, & senties auxilium. 2. Cur Christus tanta passus est? Nonne, ut medicinam animæ tuæ morbis præpararet. ut vires tibi darentur ad vincendum mundum, diabolum, te ipsum? Potentior est medicina illa, quàm morbus tuus. Fortior ipse tuo hoste. Dabit tibi perficere, qui dedit velle. 3. Si scires, te hodie iterando illud peccatum oculos amissurum, an non abstineres? Ita. Vides igitur, quòd abstinere possis: igitur abstine, saltem hodie, in honorem Christi pro te tam dura passi; cras propones similiter, neque cogita de longa vita, sed dic omni die; Hoc die abstinabo, hac nocte non peccabo. 4. Si dicat: proposui sæpius, & tamen relapsus sum, reponat Confessarius:

rui: I  
 fragili  
 firmam  
 à Deo  
 stram.  
 bus.  
 tatem  
 fide in  
 Altissi  
 rabitur  
 no, assu  
 non ce  
 Si vas  
 dem la  
 alteru  
 gatur.  
 deant  
 vulne  
 bi inf  
 Nonn  
 qui n  
 ret, se  
 rum?  
 gnand  
 semel  
 tremu  
 malum  
 an ve  
 frequ  
 quia  
 discit  
 Re

rius: Relapsus ejusmodi contingunt ex fragilitate naturæ per consuetudinem infirmatæ, quandoque etiam permittuntur à Deo ad expugnandam superbiam nostram, & confidentiam in propriis viribus. Agnosce humiliter tuam infirmitatem, & confitere impotentiam, & confide in Domino: *Qui habitat in adjutorio Altissimi, in protectione Dei cæli commorabitur.* Psal. 90. *Qui confidunt in Domino, assumunt fortitudinem.* Age igitur, si non cessas recidere, non cessa resurgere. Si vas luto inficitur sæpius, & identidem lavatur, tam sordidum non est, quàm alterum, quod infectum nunquam purgatur. Mundamus calceos, etsi prævideantur iterum inquinandi, miles curat vulnera, etsi prævideat nova in præliis sibi infligenda, & tu negligas animam? Nonne insanum diceres incarceratum, qui nollet exire carcere, ed, quòd timeret, se post tempus incarcerandum iterum? Victus dicitur, non qui inter pugnandum vulneratur, aut aliquando, vel semel iterum superatur, sed qui ad extremum cadit. 5. Quid majus censes malum, an rariùs peccare, & resurgere, an verò in peccatis perseverare? Qui frequenter resurgit, rariùs deinde cadit, quia resurgendo Dei gratia roboratur, discitque incedere cautiùs.

Resp. IV. Si animo concidat obtentatio-



*Quomodo* tationes, quas patitur, his erigatur. 1.  
*erigendus* Neceſſe eſt nos tentari: natura enim no-  
*animo* ſtra corrupta pugnantibus inter ſe paſſi-  
*concidens* onibus, & habitibus infecta eſt; pars in-  
*ob tenta-* ferior, ſeu ſenſitiva ad ſenſibilia vetita  
*tiones?* non minùs, quàm licita propendet: un-  
 de dixit Apoſtolus: *Caro concupiſcit ad-*  
*verſus ſpiritum.* Et S. Jacobus cap. 1.  
*Unusquisque tentatur à concupiſcentia ſua.*  
 Dein adverſarius noſter diabolus circuit  
 quærens omni modo nos perdere. Un-  
 de dixit Job. cap. 7; *Militia, ſeu ten-*  
*tentatio, eſt vita hominis ſuper terram.*  
 Denique propoſuit Deus vitam immor-  
 talem, velut coronam, ad quam contem-  
 dimus pervenire, non datur autem co-  
 rona ſine victoria, nec victoria ſine cer-  
 tamine, nec certamen ſine hoſte. *Ne-*  
*mo coronabitur, niſi qui legitimè certave-*  
*rit.* Quia acceptus eras Deo, neceſſe fuit,  
 ut tentatio probaret te. Tob. cap. 12.  
 2dum. Utile admodum eſt nos tentari,  
 tum, quia in tentatione videntes pericu-  
 lum ruendi in interitum æternum, agno-  
 ſcimus fragilitatem noſtram, & indigen-  
 tiam Divini auxilii. Atque ita diſcimus  
 nos humiliare; tum, quia per victoriam  
 tentationum probatur in nobis virtus, &  
 amor Dei, & fidelitas in eum, quæ ma-  
 gnopere placet Deo, ſicut amicitia in ten-  
 tationibus. *Tentavit vos, dicitur Deut.*  
 13. *Dominus Deus veſter, ut palam fiat, u-*

trum

*trum diligatis eum, vel non, in toto corde,  
& in tota anima vestra.* 3<sup>o</sup> *tium. Gratum*  
est Christo spectaculum, videre nos pu-  
gnantes pro gloria nominis sui. Spe-  
ctator adest, & pugnat in nobis; nec  
finit nos tentari ultra id, quod possu-  
mus, dicente S. Apostolo: *Fidelis De-*  
*us, qui non patietur tentari vos supra id,*  
*quod potestis.* 1. Corinth. 10. *Homi-*  
*nes jumenta non onerant ultra vires;*  
*novit figulus, quanto tempore oporteat*  
*vasa relinqui in fornace, ne perdantur;*  
*quidni Deus sapientissimus, salutis no-*  
*stræ amantissimus provideat, ut accom-*  
*modet vires tentationibus, ut cum ten-*  
*tatione possimus facere proventum? Si*  
*ergo Deus pro nobis, quis contra nos?*  
4<sup>o</sup> *tium. Tentari malum non est, sed vin-*  
*cere gloriosum, signumque prædestina-*  
*tationis, dicente sancto Jacobo: Bea-*  
*tus vir, qui suffert tentationem, quoniam,*  
*cum probatus fuerit, accipiet coronam vitæ,*  
*quam repromisit Deus diligentibus se. Pe-*  
*nes te est victoria, modo velis. Diabolus*  
*alligatus latrare potest, morderi non potest,*  
*nisi accedentem ad se, inquit sanctus Augu-*  
*stinus. Non nocet sensus, ubi non est consen-*  
*sus.* S. Bernardus. 5<sup>o</sup> *tium. Tentationes gra-*  
*viores post conversionem indicium sunt,*  
*quod homo evaserit ex servitute diaboli;*  
*quos enim captos habet, minus tentat, ut*  
*venator feram jam captam non persequi-*  
*R. P. Reuter Neo-Conf. F f tur,*



450 *Neo-Confessarius practicè instructus.*  
tur, sed fugientem. *Omne gaudium exi-*  
*stimate fratres, cum in tentationes varias in-*  
*cideritis* Jacob. 1. Modum resistendi  
tentationibus, & media eas vincendi, sug-  
gerat Confessarius ex dicendis cap. 12.

## C A P U T X.

*Quæ Confessario observanda, Et agen-*  
*da cum reis captivis, vel condem-*  
*natis ad mortem?*

240.  
*Quando*  
*reus tene-*  
*atur fate-*  
*ri crimen.*

**R**Esp. I. Generatim hæc sunt obser-  
vanda: Primum. Reus à iudice in-  
terrogatur juridicè, quando inter-  
rogatio fit servato juris ordine, & adest  
semi-plena probatio vel per testem legiti-  
mum oculatum, vel per indicia æquiva-  
lencia, vel per infamiam in iudicio pro-  
batam. 2. Reus sciens non adesse semi-  
plenam probationem, vel de ea rationa-  
biliter dubitans, non tenetur iudici inter-  
roganti fateri crimen, sed potest cum ju-  
ramento negare illud, quia sensus est: Non  
feci crimen, quod fateri teneat: iudex e-  
nim non potest interrogare de crimine,  
nisi quod teneatur fateri reus: unde nec  
censetur de alio interrogare, quia delicta  
non præsumuntur. 3. Reus juridicè in-  
terrogatus tenetur fateri crimen, saltem si  
capitale non est. Ratio est, quia supe-  
riori, qualis hic est iudex, legitimè præ-  
cipienti parendum est, atqui iudex hic le-  
gitimè

gitimè præcipit; exigit enim bonum commune, ne crimina sic jam probata, quæ aliunde plenè probari non possunt, maneant impunita, & passim invalescant, judici hanc esse potestatem, & in hoc quémque pro priori consentire debere, dicat recta ratio. Dixi *saltem, si capitale non est*: nam si reo ex confessione mors esset subeunda, communior, & probabilior quidem docet, adhuc esse obligationem fatendi, eò, quòd humana præcepta etiam obligent cum periculo vitæ, ubi agitur de bono communi & præjudicio Reipublicæ; non paucis tamen videtur esse supra vires humanæ fragilitatis adigi ad ferendum testimonium contra se ipsum, ex quo mors certa immineat, eaque infamis; unde censentreum in hoc casu adhuc posse negare crimen, si sit spes evadendi, & nullum grave malum Reipublicæ immineat. Hæc sententia probabilis est, & juxta *Lugonem* in praxi tuta: unde, si reus eam sequi vellet, non ideo ei neganda absolutio. Nec obstat, quod iudex habeat jus interrogandi, & licitè interroget: nam jus habet probabile saltem, hocque utendo licitè operatur; sed certum non est ex principiis directis; cum quo stat jus probabile in reo. 4. Non potest reus interrogatus de sociis criminis eos revelare, si sint occulti, nec aliis indiciis, vel testimoniis convinci possint;



452 *Neo-Confessarius praeclare instructus.*  
 quia sine causa eos infamaret. Crimen  
 tamen exceptum tenetur etiam non in-  
 terrogatus manifestare: tale est hæresis,  
 læsio Majestatis, proditio, conjuratio, cu-  
 sio falsæ monetæ, latrocinium, magia, 5.  
 Post latam sententiam non tenetur reus  
 fateri crimen, quod ante injustè negavit;  
 quia finito judicio finitur obligatio rei, nec  
 inde oritur scandalum; quia præsumitur  
 sententia justa, & reus putare non tene-  
 ri se ad fatendum, nec inde infamatur  
 accusator injustè, quia reus non tenetur  
 ex justitia fateri crimen, & juvare accusa-  
 torem; unde tantum est causa permissiva  
 infamiæ, si quæ sequatur. 6. Reus fu-  
 gere licitè potest ex carcere etiam justo,  
 imo & effringere carcerem; quia jus ad  
 vitam tantum est, ut nulla potestas huma-  
 na obligare possit ad eam non conservan-  
 dam, si spes commoda appareat conser-  
 vandi; unde &, qui non sunt ministri ju-  
 stitiæ, possunt reo subministrare instru-  
 menta, quibus carcerem effringat; quia  
 reus licitè id facere potest: aliis tamen non  
 licet effringere carcerem, exigente id bo-  
 no communi, ne omnis securitas pereat.  
 Et hinc ministri justitiæ, v. gr. custodes  
 carceris, nec instrumenta possunt submi-  
 nistrare, sed ex justitia tenentur fideles  
 esse Reipublicæ propter officium. quod  
 susceperunt, Juxta *Dicast.* potest pater,  
 frater, uxor Rei juvare in effringendo  
 car-

*An reus  
 possit ef-  
 fringere  
 licitè car-  
 cerem?*

carcere, quia sunt una cum ipso persona. Si injustè condemnatus provocet ad tribunal Dei, etsi possit abesse culpa, cum quilibet gravatus possit appellare ad iudicem superiorem; id tamen periculosum est ob periculum inordinati appetitûs vindictæ, & odii.

Resp. II. In praxi cum Reis Confessarius hoc modo prudenter procedat. 241.  
I. *Modus a-*  
Studeat eorum affectum lucrari, tum ver-  
gendi cum  
bis affectum compassionis significantibus, *reo.*

tum, si possit eleemosynis; interroget eorum nomina, ubi nati, in qua Religione educati, &c. dein per decursum doceat venerari providentiam Dei, eique se sub-  
jicere, qui errantes oves variis modis re-  
ducit ad se, proinde agnoscant ejus amo-  
rem, & carceris molestias æquo animo  
fufcipiant de ejus manu, seque plenè ejus  
dispositioni resignent; utpote qui est mi-  
tissimus Pater, novitque figmentum no-  
strum, seu fragilitatem, voluitque Filium  
suum esse Advocatum nostrum; atque ita  
disponat ad contritionem perfectam; ut  
cum merito ferant molestias suas. Hæc  
ut impetret, atque eos soletur, sæpe, si  
liceat, eos accedat. 2. Ut confidentius  
secum agant, instruat eos, illa, quæ se-  
cum in foro conscientie agunt, cum ju-  
dicibus communicari non posse, ideoque  
sive nocentes sint, sive innocentes, id nec  
iis obsuturum, nec profuturum. Ratio



454 *Neo-Confessarius practicè instructus.*

hujus est: quia aliàs alliciuntur, ut se falsò probent innocentes, & à Confessario juventur, alii contra, ut falsò se nocentes dicant, timentes, ne Confessarius conferrat cum iudicibus, ipsique torturæ iterum subjiciantur. Unde non expedit, ut ad confessionem sacramentalem admittantur, priusquam in foro profano eorum res sint liquidæ, ne ex timore, ne vel deferantur, vel cogantur eadem fateri iudici, peccata fileant aliàs confitenda. Caveat etiam Confessarius, ne temerè evulget, quæ extra confessionem accepit. 3. Non respondeat, se fore patronum pro vita, sed animam curet, ne spe vitæ taceant confitenda, aut, si spes dein non appareat, à Confessario alienentur. 4. Ne importunè reos adigat, ut se tales fateantur; tum, quia quidam verè Rei non sunt, tum, quia facilè fieret, ut ex timore, ne deferantur in fine, & sine Communionem moriantur, sacrilegè confiterentur. 5. Non recenseat eorum iis modum procedendi judicialem, neque ordinariè admittat querelas de facta injuria, sed ad patientiam, & resignationem disponat. Expedit tamen, ut Confessarius sciat modum procedendi in iudicio, & probationes, quo prudentiùs possit agere in foro conscientiae, & iudicem monere, si quid monendum esset. 6. In confessione examinet, an criminis complices prodiderint,

rint,

rint, si tenebantur, an tormentis victi, vel ex odio nocentes aliquos denuntiârint, si ita, inducendi sunt, ut tempestivè revocent, idque ante sententiam: revocatio enim, quæ sit post sententiam: aut eâ jam ferendâ, parvi penditur à iudicibus. Est autem obligatio efficaciter revocandi, licet metuant, vel prævideant se ad torturam revocandos; quia in pari sua, & proximi necessitate potior ratio innocentis, quàm nocentis habenda est. Quod, si Reus ad id adduci non posset, putans se tormentis adigendum, ut confirmet dicta, curet Confessarius, ut in carcere fiat revocatio scripto, vel voce coram duobus testibus; dein exponat eam coram iudice à Reo factam præsentibus testibus, hæc valida & sufficiens esse debet; sique iudices eam admittere recusent, excusatus est apud Deum reus; illi verò, si contra denuntiatis procedant, iniqui homicidæ sunt, inquit *P. Frid. Spe* in cautela criminali dub. 30. pag. 237. 7. Si carcer sit diuturnus, curandum, ut captivus semper sit utiliter occupatus orando, meditando, legendo, &c. pro capacitate: ut mane oret, intentionem rectam faciat patiendi eo die, quæ Deus immiserit; audito pulsu campanæ ad Sacrum, eò se convertat, & Missæ mente assistat, & spiritu in omnia Sacrificia, quæ per orbem fiunt, se commendet; ad horæ sonitum



456 *Neo-Confessarius practice instructus.*  
per Salutationem Angelicam petat felicem mortem, patientiam, resignationem pro diversitate horarum recogitet diversa Mysteria Passionis Christi, &c. 8. Ad cavendam omnem suspicionem sinistram expedire videtur, ut Reo Confessarius sententiam mortis non indicet; sed ea per eos, ad quos spectat, indicata, excitet reum, ut illam à Deo, velut iusto Iudice, acceptet, proponat ipsi exemplum Christi, & Sanctorum, qui innocentes occisi sunt, & inter eos multi adhuc teneræ ætatis, ut S. Agnes, Pancratius &c. Si dicat, se innocentem, reponatur: Christus verè innocens fuit; hæc tua poena à Deo est, coram quo quis se dicat innocentem? Unum veniale peccatum plecti morte meretur. Cupit Deus, ut hanc poenam admittas temporalem, ut parcat animæ tuæ in æternum. Sunt fortè, qui graviora commiserunt, & hic non puniuntur, sed id Deo relinquendum est, qui & illos puniet; modò tibi injuriam non facit, sed gratiam. Si posses modò te liberare à morte per jejunium diei in pane & aqua, faceres lubens; & Deus per mortem temporalem, quam tamen aliquando subire debebis, te liberat æterna, cur id non admittas? Mille anni ad æternitatem instar momenti sunt, demptis enim mille annis æternitas integra manet. Si replicet: Mors hæc mea infamis est. Reponatur:

At

At Christi, qui peccatum non fecerat, mors quot hominum ignominiis fuit onerata? Quas infamias coram mundo Martyres non sustinuerunt? Gloriosam mortem coram Deo, Angelis & hominibus prudentibus habebis, si magno, & lumbenti animo ad satisfaciendum Divinæ Justitiæ eam acceptes. Si quæ sit infamia, brevis est coram mundo, hac æternam emes gloriam & perpetuam in altero sæculo extingves infamiam. Si miles à Duce suo profugus redeat, magnamque victoriam reportet, magis laudatur, quàm si mansisset semper, & nihil unquam egregii præstitisset. 9. Investiget Confessarius, an fortè odium conceperit in judicem, vel partem adversam; curétque, ut amore Christi id totum deponat. 10. Reo per confessionem expiato, & Sacramento Eucharistiæ refecto, reliquis remotis, agat cum eo Confessarius, at non nisi de iis, quæ ad animam pertinent, nunc pios discursus ducendo, nunc cum eo orando v. gr. Rosarium, Litanias, &c. ista tamen non nimium protrahat, sed quietem intermediam indulgeat. 11. Nocte mortem proximè antecedente persvadeatur, ut dormiat, ne altero die sit indispositus; expedit tamen, ut quis de nocte illi adsit, qui evigilantem animet contra tentationes, tum maximè ingruentes. 12. Die mortis illucescen-



458 *Neo-Confessarius praeiudicè instructus.*

te animandus, ut hunc diem maximi meriti Deo consecret, uniâtque patienda passionibus Christi; & impediatur, ne, qui ientaculum offerunt, eum inebrient, volentesque timorem minuere, ineptum reddant ad magnum meritum, mortemque felicem. 13. Nihil agat Confessarius, quo mors maturetur; in itinere non urgeat reum, ut progrediatur, sed illi se accommodet; continuò cum eo oret sine clamore tamen; oculos eum jubeat custodire, & demissos tenere, neminem salutare, nisi Salvatorem, cujus effigiem ipse, si possit, aut Confessarius ferat. In conspectu loci fatalis iterum eum animet exemplo Christi, S. Andreae, spe præmii & veniæ. Domine, non mea, sed tua voluntas fiat: Hic ure, hic seca, modo in æternum parcas. 14. In ipso supplicii loco interroget, num adhuc quid sit, quòd conscientiam gravet, & ejus responso se accommodet; eliciat cum eo actus fidei, spei, charitatis, contritionis, oblationis, & exquisitis verbis curet, ut sæpe ingeminet sacra nomina; offerat ei preces, Sacrificia, &c. Si tamen quis esset capite plectendus, non pronuntientur amplius sacra Nomina dum ictus expectatur, ne inclinatione capitis fortè gravis error contingat, sed devotè recitetur oratio Dominica. Denique, ubi Reus jam obierit, oret cum adstantibus pro defun-

Si anima: *Pater noster. Requiem æternam*, &c. Possent etiam præsentibus brevi exhortatione moneri obligationis suæ, nempe parentes, ut liberos suos bene educant; & liberi, ut parentes audiant & revereantur. Denique opus charitatis faciet, si cognatos in loco fortè existentes visitet, eosque soletur, &c.

Resp. III. Si in carcereprehenda-<sup>242.</sup> tur magus vel saga, etsi tales difficile sit *Quid a-* ad frugem reducere, desperandum tamen *gendum si* non est: sed demonstratis Dæmonis fraudibus adducendi sunt, ut animæ consulant, excitandique ad spem veniæ, pro-*magus vel* sagas? mitentdúmque ipsis cælum; modo divitiarum gratiæ cooperari velint. Hic servient, quæ supra allata sunt pro erigendo desperabundo N. 237. & emolliendo Indurato N. 206. Ubi adducti fuerint, ut confiteantur, audiat imo Confessarius, quæ illis occurrunt: dein examinet personarum varietate, & prout viderit eos in confitendo defecisse. imo. Quærat causam, quâ ad hanc animæ suæ miseriam sunt adducti: an ea fuerit voluptas, divitiarum, fama sanctitatis, aut alia dignitas sperata, & quo tempore? his enim, quibus plerique tales infatuantur, auditis, facilius eos, si sint inconstantes, uti solent esse mulieres, convincet. 2. Quomodo se habuerint erga Deum Christum & Sanctos? An Deum abnegaverint?

que-



quoties quibus verbis & ceremoniis? An ex animo fidei Christianæ renuntiaverint, quæ esset apostasia cum excommunicatione, si signis externis expressissent? An Bmæ Virginis, Sanctorumque patrocinium repudiaverint, imagines eorum inhonoraverint, eos blasphemaverint? An falsa de Deo, & æternitate, poënis inferni senserint? 3. Quomodo egerint cum Dæmone? An ei dato chirographo propria manu, aut sanguine subscripto sese manciparint? An ei iusjurandum præstiterint? An curarint vel permiserint se novo baptismo ab eo initiari, deleri de libro vitæ, inscribi libro mortis: eum visibilem, & invisibilem adorarint, sacrificia obtulerint, vel certis temporibus offerenda promiserint, strigando, occidendo, vel exfugendo homines, bestias, infantulos? Quid quot annis suo deceptor pendere promiserint? An à Dæmone corpori suo, vel cui parti corporis stigma vel characterem imprimi permiserint? An pilos de suo corpore, vel partem vestis ei dederint, quo dono bona fortunæ, vel vitæ ei subjecerint? An accesserint ad acta Sabbathi (sic suos conventus vocant) pedites, vel eo transportari ab alio, vel Dæmonem ad id incitarint, quibus modis? An ibi aliquid actum, habens speciem rei sacræ

v. g. Missæ, an habita ibi concio, à quo, quid dictum? Dæmon enim in specie hirci ejusmodi istic conciones habet cum Christi Domini contemptu, negans eum esse mortuum pro omnibus. An detulerint illinc infantes, eosque Dæmoni devoverint? Quæ peccata carnis ibi commiserint: cum quibus, quomodo? An convivium ibi habuerint, ubi cibos acceperint, an superstitiosam benedictionem præmiserint, & gratiarum actionem subjunxerint, qua Dæmonem creatorem, & largitorem bonorum omnium agnoverint? An choreas impudicas egerint? aut saltem spectarint? An officium aliquod ibi gesserint? Quæ consilia ibi tractarint in damnum proximorum? 4. An sacrilegè tractarint Sacra? An Baptismo renuntiaverint; chryisma ungue abraferint, characterem baptismalem, quantum in ipsis fuerit, deleverint? An abusi aquâ benedictâ, sacrô oleô, agnis Dei, verbis consecrationis? An Missam Dæmoni accomodârint, promiserint se nunquam S. Eucharistiam adoraturos, vel perpetuò in eam fore injuriosos? An hostias consecratas Dæmoni attulerint, aut penes se gestârint, aut adhuc gestent, in loco fordido conservaverint? Quoties sacrilegas Confessiones fecerint, sacrilegè communicârint? An Dæmoni promiserint se nunquam integrè confessuros, & al-



& allaturos ei sacras hostias? 5. Quædamna intulerint proximis, eorum pecoribus, frugibus? An à Dæmone ad hoc unguentum acceperint? Unde hoc confectum, ex rebus sacris, vel carne infantis occisi? An tempestates, grandines opere Dæmonis fecerint, & iis nocuerint? An accepto à Dæmone pulvere, eoque sparso erucas, bruchos, locustas, limaces suscitârint? An igne excitato ædes absumpserint? An lysandropiam exercuerint, spectra finxerint? an Dæmonem inclusum, aut spiritum familiarem habuerint, sub quò pacto, quam diu, ad quid? An maleficia intulerint? An infantes necdum baptisatos rapuerint, & alios substituerint, falsò baptizârint, ante Baptismum interemerint, eorum carne ad magiam usi fuerint? An prægnantibus partus difficiles, aliis morbos causârint, ubera lactantium exsiccârint? An inimicitias graves, & odia inter quascunque personas seminaverint? An conjuges ad opus conjugii maleficio impotentes reddiderint? An maleficia illa adhuc pendeant, ut dissolvantur, si sine novo maleficio solvi possint? An non amuleta magica aliis distribuerint, queis fierent invulnerabiles? An philtris impuros amores conciliaverint? An furta commiserint, oracula Dæmonis confulerint, futura prædixerint? An superstitiosas ceremonias ad-

hibu-

hibuerint? An quos seduxerint, ut se Diabolo manciparent? An jam Diabolum, & ejus opera omnia adhuc æstiment, vel detestentur? &c. Varia namque damna permittit Dens inferri à Diabolo mediante opéra hominum, nihil tamen ferè solus potest in homines, corpus, vel bona externa, quia malitia ejus tanta est, ut nihil prætermitteret mali, quod non inferret, si posset, Unde ejus potestas à Deo ligata est, non sic potestas hominis, quia homo homini potest resistere. Ita *Lefsius l. 2. c. 4. n. 2.*

Deinde peracta confessione, præmissa *Quid peracta confessione ad absolutionem dispositione debita, ita confessione obligentur imo, ut pactum cum Dæmone rescindant. jurentque, se deinceps nullum cum eo commercium habituros. 2. Professionem fidei jubeantur facere, vel recitando symbolum Apostolorum, vel per præscriptam ab Ecclesia formulam, aut conceptis à Confessario verbis. 3. Jubeantur comburere, si adhuc quæ habent magica instrumenta, aut ea extrahere. 4. Sacras hostias, vel reliquias Sanctorum, si alicubi reconditas habent pro malo usu, id Confessario, aut alteri indicent, ut afferri & religiosè conservari possint. 5. Ut si quos seduxerint, pro viribus conentur reducere. 6. Ut damna aliis illata, modo, quo fieri potest, resarciant, & secutura fortè avertant, maxime*



464 *Neo-Confessarius practice instructus.*  
mè si quos falsò baptizâssent, aut bapti-  
zari curâssent: sed hæc omnia cautè. 7.  
Pro constantia in bene cæptis injungatur  
illis, ut sæpe renouent professionem fidei,  
profiteantur fidelitatem in Christum, De-  
um adorent sæpe, utantur aqua benedi-  
cta, sale benedicto etiam in cibis, sacro  
cereò, &c. Plura de his videri possunt  
apud *Less. l. 2. cap. 4. & Layman l. 3. de Justitia, tr. 6. cap. 5.* apud *La Croix l. 4. à n. 1447.*

243.  
*Quomodo  
à Confes-  
sario rei  
cavenda  
irregula-  
ritas, &  
quæ lice-  
ant?*

*Petes*, quæ cautela adhibenda Confes-  
sario, ne incurrat irregularitatem ex de-  
fectu lenitatis, agendo cum reo, vel judi-  
cialibus personis.

*Resp.* Studeat, ut curet animam; & re-  
liqua, nisi quid in bonum rei suggeren-  
dum sit, relinquat ministris justitiæ, &  
facile aberit ab omni periculo, licèt agen-  
do, quæ sunt sui officii, per accidens cau-  
sa esset mortis, vel accelerationis illius;  
quia credibile non est, Ecclesiam voluisse  
irregularem fieri Confessarium ex eo,  
quòd fungatur suo officio; sic enim e-  
um impediret ab implenda sua obligati-  
one. Unde potest imò hortari reum,  
ut in judicio fateatur crimen morte di-  
gnum, quando juridicè interrogatus, cer-  
tò tenetur confiteri. 2. Si interrogetur  
an liceat, vel debeat denunciare complices,  
potest respondere, teneri, si revera  
teneatur, etsi agatur de crimine capitali.

3. Po.

3. Potest præcipere, ut manifestet eos, qui aliis meditantur injurias, aut delicta, si illa nonnisi per judicem impediri possint: nam Canones non infligunt irregularitatis notam, eò, quòd quis obligationi satisfaciatur, per se simpliciter, & nulla suppositione facta suscepti officii iurgentis ex lege naturali, vel Divina, charitatis, aut alterius virtutis. Hoc enim esset homines avocare ab observatione mandatorum DEI, ut ait *Layman lib. 3. tr. 3. c. 7.* ubi addit, opus non esse protestatione aliqua, quia jura eam hic, ubi res suapte natura ab irregularitate eximitur, non requirunt, secus ac faciunt in actione civili, quâ quis intendit injuriam sibi compensari, vel damnum reparari, & injuria meretur poenam sanguinis. 4to Potest indicare judici, reum bene ad mortem esse dispositum, & juxta *Tambur. Gobat. Burghab. Cent. 3. casu 91.* & alios, monere v. gr. carnificem, ut caput illius, qui fraegendus est in rota, percutiat valido ictu, ut ratio ipsi turbetur, & peccare non possit, eò quòd talia, si necessaria sint ad salutem, vel valde conducant, non repugnent lenitati. Videri potest *La-Croix l. n. 522.* ubi ex pluribus ostenditur, quòd irregularitas ex defectu lenitatis statuta tantum sit ministris justitiæ, & iis, qui propria manu alium in bello justo occiderent, vel mutila-

*R. P. Reuter Neo-Conf. Gg rent,*



466 *Neo-Confessarius praeclare instructus.*  
rent, &c. sed de his plura alibi.

## C A P U T X I.

*Quid Confessario observandum circa  
pœnitentes variis tentationibus  
exagitatos?*

244.  
*Tentatio-  
nis utili-  
tas.*

**R**esp. Generatum hæc: 1. Tentatio est illicium ad peccatum, seu bonum sensibile propositum voluntati, quo inclinatur, vel allicitur ad violandum præceptum, potestque esse levis, vel gravis, vel gravissima, prout vis movendi languida, vel parva, vel vehemens, vel vehementissima est. 2. Tentatio vel oritur à nostra corrupta natura, uti dum à motibus corporis vis imaginativa, & intellectus excitatur ad cogitationes malas; vel à Dæmone, ut dum objectis, vel motis speciebus foedis in phantasia, eam movet ad repræsentanda objecta sensibilia mala, motusque in corpore excitat. Signum, quod à Dæmone sit solo, est, si fiat cum impetu superante vires convetæ nostrarum passionum, objecto cumulo, vel turba vivacium cogitationum. Hoc genus vocatur spiritus tentationis, in materia quidem lubrica spiritus fornicationis, in materia fidei, spiritus infidelitatis, spiritus blasphemiae, &c. His non cedere est signum magni progressus facti, vel faciendi: vel denique est à nobis, &  
Dæ-

Dæmone, si nempe à Dæmone & concupiscentia nostra oriatur. Hujusmodi sunt magis communes, nec omnes merè præter-naturales. 3. Permittit Deus tentationes in bonum nostrum. *Certamen fortè dedit illi, ut vinceret.* Bonum autem, quòd Deus ex iis elicit, triplex est. 1<sup>um</sup>. Magnum incrementum virtutum, quia actibus heroicis augetur habitus. 2<sup>dum</sup>. Est magna animi tranquillitas, quam parit frequens victoria, quæ nos Dæmoni terribiles facit, in verticem ipsius iniquitate ejus descendente. 3<sup>tium</sup>, est conjunctio animæ cum Deo, ejusque desponsatio cum Christo. *Deus tentavit eos, & invenit illos dignos se.* Sap. 3. *Qui vicerit, dabo ei sedere mecum in throno meo.* Apocal. 5. Sicque sæpe contingit, ut obnubilatus, dum se à Deo remotum putat, sit illi propinquior. 4. Media generalia contra quasunque tentationes sunt humilitas, oratio. & fortitudo. Humilitas removet impedimenta gratiæ auxiliatricis: Deus enim superbis resistit, humilibus autem dat gratiam. Sunt, qui ad turpia tentati, adhibent macerationem corporis, & tamen, licet illa cæterum sit præstans remedium, vix quidquam referunt, nempe latet quædam occulta superbia, & subtilis complacentia, & fiducia immodica in propriis viribus. Oratio impetrat gratiæ



468 *Neo-Confessarius practicè instructus.*  
tiæ auxilia: fortitudo iis utitur, remouet  
pusillanimitatem & præfidentiam, cavet-  
que, ne temerè se quis exponat pericu-  
lis. Ex his deduco sequentes regulas  
generales pro praxi. quas, ubi conveni-  
re videbitur, Confessarius poenitenti sug-  
gerat.

*Remedium.* *Regula prima.* Si te adoriatur tenta-  
*primum.* tio, sequere præscriptum Domini dicen-  
*Oratio.* tis: *Orate ut non intretis in tentationem,*  
& statim animo ad Deum confuge, ejus  
misericordiam implora, tuam confitens  
infirmiorem, &c. vel animum converte  
ad honestam occupationem externam,  
vel actum virtutis, v. gr. charitatis, aut  
contritionis, aut virtutis oppositæ elice:  
sic enim & augebis meritum, & Satan  
videns sua molimina à te converti in bo-  
num contra eum, desistet à maligno suo  
conatu. Orta igitur tentatione signa ti-  
bi dari existima, ut ames Deum, & ani-  
mæ brachiis amplectaris JESUM tuum,  
pro te crucifixum. Cavendum autem, si  
elicere velis actum tentationi directè op-  
positum, ne id pertinaciter, vel perturba-  
tè facias; quia sic tentationem vel auge-  
bis, aut caput debilitabis. Unde si non  
possis placatè & faciliè eum elicere, con-  
temne hostem, & convertete te ad alia ho-  
nesta, vel paucis actum charitatis elice  
vel fiduciæ in Deum.

*adum.* *Regula 2da.* Magno, divino nixus au-  
xilio,

xilio, sis in tentationibus animo, memor, *Magna*  
quod omnia possis in Deo: si enim, Dæ-in Deum  
mon pusillanimitatem te advertat, magis in-fiducia  
sultabit, pollicens jam sibi victoriam,  
quam tentato præstaret fiducia magna  
in Deo: si autem se non curari, negligi,  
contemni advertat, superbus spiritus ce-  
det, non valens sui ferre contemptum.  
instar procacis mulieris, quæ, si virum  
videat timidum esse, magis insultat; si ve-  
rò notet impavidum, cedit, & verba  
meliora dabit.

*Regula 3tia.* Cave altercationem cum  
hoste: imò nec verbum ei reponere, nisi  
forte illud Christi: *Vade Satan: scriptum* cum hoste.  
*est: Dominum Deum tuum adorabis, & il-  
li soli servies:* sed velut responso indignum  
neglige, neque signa aliqua externa ede,  
sed, ut dixi, confuge ad Deum, & illi so-  
li fidelitatem offer. Si enim altercaris  
cum hoste, vel contendas; augebis ten-  
tationem, turbabis animum, persvadebit  
sibi superbus hostis, se à te æstimari, &  
animum turbatum magis laborabit invol-  
vere tenebris. Optima vincendi ratio  
est minimè turbari. Molestiam possunt  
inferre tentationes, sed non nocere, si  
persistas in proposito Deo sincerè servi-  
endi. Proinde illas contemne; imò nec  
dignare reflectere ad id, quod oggerunt,  
multò minùs singulas excute, quales sint,  
quia singulas excutiendo, te conficeres,  
& nihil proficeres.



4<sup>um</sup>.*Tentati-  
onem a-  
perire Pa-  
tri spiri-  
tuali.*

*Regula 4.* Tentationes præsertim molestas aperi Confessario tuo, vel directori spirituali: nihil enim magis odit Satan, quàm suas machinationes non manere occultas, similis libidinoso, qui, dum tentat honestam mulierem secum ad flagitium pertrahere; sua molimina maximè vult viro esse occulta. Dein Deus hanc humilitatem solet gratiæ auxiliis remunerare, & directoribus suggerere media, quibus statuit dare efficaciam. Et hinc id negligendum non est, etsi Confessarius videretur minùs doctus, vel expertus.

5<sup>um</sup>.*Exercere  
virtutem  
oppositam.*

*Regula 5.* Virtutem tentationi oppositam constanter exerce: v. g. advertiste tentari spiritu superbiæ, inclinari ad æstimationem apud homines, ad divitias, commoditates corporis, delicias in victu &c. Exerce te virtute opposita, v. gr. humilitate, liberalitate erga pauperes, abstinencia, sobrietate, & adhibe media, quæ contra singula peccata capitalia proposui Capite primo, partis secundæ à n. 61. In vitia illa invehere, meditare de horum turpitudine, excepta luxuria, & oppositæ virtutis pulchritudine, utilitate, &c. Sic enim vitii horrorem, & virtutis amorem, & æstimationem augebis. Atque hæc remedia sunt generalia.

6<sup>um</sup>.*Quid a-  
gendum,*

*Regula 6.* Si pulset tentatio contra castitatem, speciali cautela opus est, ne turberis, timeas inordinate, aut ad turpitudi-

dinem etiam ejus considerandam applices *oriatur*  
 animum; quia sic augebis *tentationem*; *tentatio*  
 sed statim confuge ad Deum, ad vulnera *carnis?*  
 Christi; & aliis honestis applica men-  
 tem serid. Tentationes lubricæ fugien-  
 do vincuntur. Si *oriatur* rebellio carnis,  
 expedit loco cedere, aut sibi dolorem in-  
 super imprimere, aut brachiis animæ  
 amplexari Jesum Crucifixum, & in mor-  
 tem se potius offerre, quàm in consen-  
 sum. Curandum autem, ut solum JE-  
 sum intuearis, & non *tentationem*, alias  
 eam auges. Juvat quoque recurrere ad  
 Bimam Virginem, rogando eam per im-  
 maculatam Conceptionem, & mundissi-  
 mam Virginitatem, ut adsit suo patro-  
 cinio, ne offendas dilectum ejus Filium,  
 tanta pro anima tua salvanda passum;  
 & Angelum Custodem, S. Josephum, S.  
 Aloysium, &c. obsecrando per amorem  
 Christi, &c. Si *tentationes* sint frequen-  
 tes, adhibe media N. 74. allata.

*Regula 7.* Qui *tentatur* spiritu vindi-  
 ctæ, mentem avertat ab injuria, vel mo-  
 lestia illata, & dein cessante *tentatione* ad vind.  
 corrigat apprehensionem, quâ injuria læ-  
 ditur? *7mum.*  
 pe parva apprehenditur, ut magna. Co-  
 gitet ignominias, Christo, & a se Deo il-  
 latas; meminerit fragilitatis, excuset,  
 quoad potest proximum, &c. pro eo oret.

*Regula 8.* Si excitetur *tentatio* de *8vum*  
 prædestinatione, vel præscientia DEI; *Si de pr*



one?

472 *Neo-Confessarius practicè instructus.*  
aut eam planè negligere, tanquam stropham  
Diaboli, aut dic internè: Meum est ser-  
vire Deo, futura disponere meum non  
est, sed Patris, qui misit Filium suum, ut  
vitam habeam, & abundantius habeam.  
Faciatur ipse, quod bonum est coram se.  
Nemo speravit in eo, & confusus est. Ipse  
justus est, & misericors. Ipsum ama-  
bo, benedicam, laudabo, quamdiu fuero.  
Si scirem, quòd sim prædestinatus, quid  
conveniret me facere? Hoc faciam, quo-  
ad vixero. Cæterum indoctis non est  
loquendum, minùs concionandum de  
prædestinationis Mysterio.

9num.

Quid, si  
fit tenta-  
tio condi-  
tionata?

*Regula 9.* Si fatiget hæc tentatio:  
Quid faceres, si aut peccare, aut æter-  
nam damnationem subire deberes? Si  
hoc vel illud malum tolerare deberes,  
aut hoc vel illud peccatum perpetr-  
andum esset, quid eligeres? quid faceres in  
hoc vel illo casu? Ad alia convertat ani-  
mum, & hanc cogitationem velut otio-  
sam, contemnat, vel internè dicat: Mi-  
hi bonum est adhærere DEO meo: im-  
perfectum meum viderunt oculi ejus: e-  
go egenus & pauper sum; ubi casus eve-  
niret, ipsi erit cura de me: & his dictis  
quiescat, agâtque agenda, certus, quòd,  
etsi non videatur se posse plenè resolve-  
re, non peccet, sed coram DEO meritum  
habeat. Caveat autem, ne arroganter  
dicat cum Petro; *Etiam si oporteat me*

*mori*

*mori tecum, non te negabo: sed cum fiducia humiliet se coram DEO, agnoscens lapsum futurum, nisi Dominus supponat manum suam, & det cum tentatione proventum.*

*Regula 10. Si dæmon immittat tentationem aspicienti res honestas, vel e-* *romum.*  
*Quid, si*  
*tiam sacras, v. gr. imaginem Crucifixi, aspicienti*  
*Beatissimæ Virginis; tentatus non cedat res honestatori;*  
*sed directè ista aspiciat, etsi ex-* *stas, vel*  
*periretur imaginationes scædas, aut mo-* *sacras i-*  
*tus turpes, ut experiiri aliquando se que-* *mages*  
*runtur piæ animæ; neque enim ista ob-* *oriatur*  
*jecta sunt causæ talium scæditatum; neque* *tentatio?*  
*hæ homini voluntariæ sunt: proinde non*  
*procedat timidè, sed rideat stultam tenta-*  
*tionē; timor enim auget, & sæpe causat il-*  
*lam; cui si cedat, eò tandem deducetur, ut*  
*ad omnia timeat, & nec confiteri, nec cō-*  
*municare ampliùs audeat, timens ex his*  
*similes affectus, quos dæmon, aut phan-*  
*tasia similiter causare poterit. Idem est,*  
*si ex aspectu talium orirentur cogitatio-*  
*nes blasphemæ, hæreticæ, &c. nam &*  
*hæ faciliè vincuntur, si contemnantur:*  
*hinc & errant, qui se ejusmodi liberan-*  
*dos putant, si eas confiteantur: nam sic*  
*augetur timor, & tentatio magis infigi-*  
*tur; quæ oblivione & contemptu meliùs*  
*fuisse dissipata. La Croix l. VI. num,*  
*1907. ubi notat tentatum post tentatio-*  
*nem judicare debere, quòd tentationi*



474 *Neo-Confessarius practicè instructus.*  
non consenserit, si fuit constanter mole-  
sta, & optârit illam non habere. Plura  
vide de directione scrupulosi, num. 265.

## C A P U T XII.

*De iis, quæ observare debet Confessarius  
personarum, quæ specialiter prostentur  
devotionem, aut perfectionem.*

### QUÆSTIO I.

*Quæ universim sint observanda circa ejus-  
modi?*

245.

*Incipien-  
dum à mi-  
noribus,  
& ordi-  
nariis ri-  
tè obeun-  
dis.*

**R**Esp. Cùm nactus fuerit pœnitentes  
perfectionis capaces dirigendos. 1.  
Petat lumen per orationem, &  
priusquam directionem incipiat, conetur  
intimos eorum animi motus, & con-  
stitutionem perspicere, ut instructiones  
possit illorum capacitati & naturæ accom-  
modare; neque enim omnes eodem sunt  
spiritu ducendi, nec uno omnes modo re-  
gendi. 2. Excitet ipsos, ut foveant de-  
siderium constans maximæ perfectionis,  
etsi hæc, vel illa persona videatur ad e-  
am non perventura, quia desiderium il-  
lud faciet, ut eam attingat saltem, cujus  
est capax, & multum mereatur. Sic San-  
cti multi, quos Deus Martyres esse non  
voluit, magno ad Martyrium incensi de-  
siderio, Martyribus similes effecti sunt,  
3. Ad perfectionem ducantur per gra-  
dus,

dus, & ordinatè, ut prius conentur asse-  
 qui primum virtutis gradum, quàm ad  
 supremum contendant: v. gr. prius di-  
 scant operari recta intentione & imitari ac-  
 tiones Christi, quàm alta meditari, pri-  
 us discant levia patienter ferre, quàm  
 gravia appetant; prius discant pati æquo  
 animo, quàm de adversis velint gaude-  
 re. 4. Non est altiùs enitendum, quàm  
 quò Deus vocat, qui singulis certam per-  
 fectionis mensuram ponit, certumque  
 sanctitatis gradum definivit: hinc obse-  
 quendum est ductui Divino, ne modera-  
 tor opus Dei suis consiliis evertat, v. g.  
 si anima divinitus impellatur ad metum,  
 abstrahenda non est; & licèt desiderium  
 majoris perfectionis excitandum sit, hoc  
 tamen fieri debet circa modum propri-  
 um, ut nempe ea excolantur, ad quæ  
 Deus movet, qui aliquando solam vitam  
 exteriorem hominibus regendam relin-  
 quit, modum verò in interiori tenendum  
 solus docet. 5. Doceantur, cujusque  
 perfectionem in eo sitam esse ut opera  
 ordinaria bene peragant, ut nempe ma-  
 nè bene surgant, bene orent, legant, Mis-  
 sæ intersint, doceant, laborent; ut decet,  
 comedant, bibant, ludant, se recreent,  
 conversentur cum proximo: vesperi be-  
 ne faciant examen conscientiaë, bene se  
 ad quietem componant, omnia denique,  
 quæ ex officio & statu incumbunt, rectè  
 obeant.



*Probare  
oportet,  
quo du-  
cantur  
spiritu.*

obeant. Hæc qui bene facit, perfectus est; facit autem bene; qui facit, quia, quando, quomodo ea vult Deus fieri, cuius sanctissima voluntas omnis perfecti-  
onis fons & norma est. 6. Probandi e-  
quidem sunt tales, ut advertatur, quo  
spiritu ducantur, Dei, an mundi; amo-  
ris, vel timoris, & quis affectus in iis sit  
prædominans, qui primò mortificandus  
est? Attamen non omnes eodem modo  
probandi, & tractandi sunt; sed cautela &  
discretionem opus est. Nam, in quibus  
abundat, vel prædominatur atra bilis, be-  
nignius tractandi, ne, utpote ad tristiti-  
am proni, in dejectionem nimiam pro-  
pellantur; qui verò complexionis sunt  
sangvineæ, & hinc propensi ad amorem,  
côdèrcendi sunt, ne amor oriatur inordi-  
natus, benèque amoris depurandum mo-  
tivum. Deinde animæ adhuc teneræ,  
quas Deus primò sibi conciliat, mollius  
sunt tractandæ, nec omnino abeundum  
à Divinis consiliis, animam suaviter du-  
centibus; si autem animæ sint nobilio-  
res; seu, quæ habent gratias, & beneficia  
Dei extraordinaria, suavitati iungenda  
quædam severitas; quia hæc per do-  
na gratiæ sunt pares difficultatibus; ha-  
rum tamen probatio non sit quæsitæ, &  
apertæ; sed fiat ex re nata, ut non vide-  
atur recedi à communi modo vulgares  
animas dirigendi; hinc communia & le-  
via

via quan-  
metur f-  
ad ex-  
probari  
militati  
extraor-  
sunt, se-  
sua spo-  
dendum  
studiosè  
sunt sign-  
ducantur  
teretur e-  
rebi, &  
cenda f-  
rigere e-  
mus hu-  
tis est, p-  
men ita  
dum, v-  
& circu-  
& min-  
talia, ve-  
alieno p-  
mellior e-  
per illan-  
anima  
tio est  
benigh-  
duld in-  
natura  
xamine

via quandoque imponenda: sic enim reprimetur superbia, & immoderatus fervor ad extraordinaria: si autem advertant se probari, facile se fingent ad omnem humilitatis, & abjectionis modum. Neque extraordinariæ poenalitates imponendæ sunt, sed sic instituantur animæ, ut eas sua sponte deposcant, nec tamen credendum illarum spiritui, quæ notantur studiosè extraordinaria sectari, nisi adsint signa certa, quòd impulsu Divino ducantur. Quod si quæ persona adverteretur esse in rebus agendis proprii cerebri, & iudicii tenacioris, svaviter dedocenda foret. Deus per homines nos dirigere ad perfectionem voluit, ut discamus humiliter obedire: animæ prudentis est, proponere quidem firmiter, non tamen ita obfirmare animū ad aliquid agendum, vel omittendum, ut mutatis causis, & circumstantiis immutari se non sinat, & minus apta sit ad alia fortè magis utilia, vel necessaria. Tutiùs est fidere alieno prudentis iudicio, quàm proprio; melior est obedientia, quàm victima; quia per illam intellectus, & voluntas, ipsæque anima Deo immolatur. Optima probatio est obedientia. Denique, si aliqua benignæ naturæ se regendam tradat, sedulo instruenda erit, ut propria, & supernaturalia virtutum motiva sciat, sæpe examinet actiones suas, ex quo motivo pre-



478 *Neo-Confessarius practicè instructus.*  
precellerint; discat agere ex motivis supernaturalibus: alias enim facillimè fiet, ut opera externa agat natura, & non virtus; cum natura utpote innata, sit fortior. Unde, dum operandum est, proponat sibi motivum virtutis, ex eoque agat. Si natura præveniat; corrigat, & non operetur, donec ejus motivum sit voluntas, vel beneplacitum Dei, dumque exercenda virtus, ad quam indoles propendet, non nimium se effundat; sed naturam reprimat; & revocet ad exemplum Christi, qui operatus est, quia placitum erat Patri. Nihilominus svadendæ & prosequendæ sunt virtutes, ad quas indoles propendet. Nam Dei gratia naturali inclinationi in eas se accommodat, ut svavids finem consequatur, homóque constantius pergat: sed cavendū, ne opinio virtutis jam comparatæ officiat comparandæ.

*Diversa  
hominis  
complexio  
notanda.*

Juvat quoque notare, quadruplicem esse hominum complexionem: quatuor enim sunt humores, quibus diversa complexio constituitur, nempe sanguis, phlegma, cholera, melancholia: quorum in nobis unus semper prædominatur. Unde alii sanguinei, alii phlegmatici, alii choleric, alii melancholici dicuntur. Sanguinei sunt svaves, affabiles, animosi, obsequiosi, liberales, tractabiles. Hæc bona sunt; at simul sunt fervidi; contensiosi, creaturis dediti, ad voluptates proni.

Phleg-

Phlegma  
les, fide  
simul p  
repidi,  
Choleric  
quid ag  
tiam pr  
rixosi, fi  
le præ  
circumsp  
constant  
piciofi, p  
minante  
bonæ su  
rigendis  
alio grav  
uno ma

Quæ J

R Esp.  
tūm  
diis  
animas  
rem inc  
vel impl  
dum el  
entes, p  
spiritua  
imposto  
Quæ su

Phlegmatici sunt mansueti, facile mobiles, fideles, pacifici, ductiles; sunt tamen simul pusillanimes, inconstantes, desides, tepidi, quia abundant humore aqueo. Cholerici sunt audaces, animosi ad aliquid aggrediendum, generosi; at sunt etiam præcipites, impatientes, iracundi, rixosi, superbi, inhumani; duri, flava bile prædominante. Melancholici sunt circumspecti, modesti, considerabundi, constantes; at sunt etiam singulares, suspiciosi, proprii iudicii amantes, prædominante atra bile. Hæ complexionēs bonæ sunt, sed sedulo invigilandum corrigendis defectibus; qui in uno, quàm in alio graviores sunt, prout idem humor in uno magis, quàm in alio prædominatur.

Q U Æ S T I O II.

*Quæ sint observanda circa talium tentationes occultas?*

**R**esp. Cum dæmon non aperte tantum, sed non raro occultè; & ex insidiis instar latronis simulantis amicū, animas agrediatur, vel inordinatum timorem incutiendo, dum sperandum foret, vel implendo spe immodica, dum timendum esset, idque usurpet contra incipientes, proficientes, & profectos in vita spirituali; invigilandum Confessario, ut impostoris insidias detegat, & dissipet. Quæ sunt sequentes:

I. Si

246.  
*Quomodo  
incipientes  
dirigendi?*



1. Si incipiens primò velut lactantis gratiæ filius perceperit teneram devotionem, Deus sæpe volens cibo fortiori eum confortare, delicias paulatim subtrahit; dæmon autem tunc anxietates ingerit, & caliginem conatur offundere: hincque pœnitens, licèt videat pulchritudinē virtutis, putat, eam se assequi non posse. Hoc si advertat Confessarius, doceat, in quo vera virtus constat, verisq; profectus; quòd hic & pugna ad Deum pertineat, qui novit tempore opportuno dare victoriam; quòd negotium perfectionis non perficiatur uno die, sed lentè, uti plantæ crescunt, & fructus maturescunt; proinde magno animo agat, quòd in se per gratiam est, Deique auxilium patienter expectet. Si dæmon suggerat, teneræ devotionis defectum esse ex propria pœnitentis culpa, ideoque, ut solet, instiget pro recuperando vigore ad austeritates, & mortificationes insolitas; cavendum magnopere, ne inconsulto Confessario obsequatur: quærit enim malignus perdere, & ineptum reddere ad Dei obsequium, & tandem dum pœnitens videt, se nec sic assequi, quod intendit eum deducere ad laxitatem: imò, ut sibi persuadens, se posse in quovis statu salvari, a recta semita deficiat, quæ sit in Religione Novitius, ad sæculum se recipiat. In has cogitationes si pœnitens ad-

adductus esset, non leviter sed graviter cum eo agendum foret. *Nemo mittens manum ad aratrum, & respiciens retro aptus est regno Dei.* Lucae 9. Nostine, an non perseverantia finalis, & æterna salus tua pendeat ab hac constantia in cœptis? Sunt, quos Deus vocavit ad statum perfectionis, sine qua salvi non erunt. Gratia ab ejus, non à nostro pendet arbitrio. Putas, te in sæculo multum boni posse facere, sed nescis, an gratiam sis habiturus, ut facias. Est via, quæ videtur hominì recta, & novissima ejus ducunt ad mortem. Sed demus, quòd sis multum boni facturus; ast, quid, si à salute tua aberres, si non præstes ex beneplacito Dei. Bene curritis, ajebat ad quosdam S. Augustinus, sed extra viam. Quidquid homo ex voluntate propria agit, nullius est momenti. *Pêditio tua ex te Israël, tantummodo in me auxilium tuum.*

2. Proficientibus conatur persua- *Quomodo*  
dere dæmon, jam eò esse progressos, *proficien-*  
ut partâ annonâ honestè possint vivere, *tes?*  
ut dicant: Nullum violentum perpetuum:  
arcus semper intensus rumpitur; atque ita paulatim ad tepiditatem adducit, amorem commodorum, & socordiam ingerens, ut hoc, velut malo hestico, correpti tabescant, & pereant. His mali sui gravitas, origo, effectus, & media proponenda sunt. Oritur hoc malum partim



ex intellectu, partim ex voluntate. Intellectus paulatim privatur, quam conceperat, æstimatione perfectionis, & conjunctionis cum Deo; privatur lumine, quò dirigebatur in suis actionibus, privatur vilipensione, quam conceperat, mundi honorum, & voluptatum. His voluntas seducta novo capitur terrenorum amore, tanquam grande amplectitur, quò ante tanquam inane abjecerat; horret gravia, & tanquam gravia fugit, quæ ante tanquam levia amplectebatur, utpote destituta vigore charitatis. Non abstinet quidem primò ab omnibus mediis perfectionis, orat, sed sine attentione, & reverentia; Sacra Mysteria frequentat, sed sine præparatione; libros legit, sed sine recta intentione. Tandem incipit omittere, quæ sine superioris reprehensione omittere potest, & negligere non rarò orationem. His primùm contentus est dæmon, deinde adducit ad neglectum omnis exercitii spiritualis; tum demum illum aggreditur forti tentatione, & in mortale præcipitat, præcipitatum reddit sui pertæsum, accensoque hinc appetitu irascibili de peccato in peccatum præcipitat & aut à fide, aut à Religione abducit, verificaturque in eo illud Deut. 28. *Percutiet te Dominus amentia, & cæcitate.* Huc prolabuntur tepidi, estque hos, ante multum progressos,

fos, difficillimum curare, & ad fervorem revocare; quia veritates Evangelicæ, quibus perspectis peccârunt, non amplius movent, & novissima non terrent. Unde dixit Apostolus Hebr. 6. *Impossibile est eos, qui semel illuminati gustaverunt donum cæleste, & prolapsi sunt, rursus renovari ad pœnitentiam.* Itaque Confessarii erit, aut malum prævertere, aut jam invalescenti prius, quàm ad extrema deveniat, manum medicam adhibere. Initium teporis difficulter, progressus autem ejus facile advertitur: si enim sedulò discutiatur oratio, mortificatio, modus resistendi temptationibus, dispositio ad Sacramenta, amor solitudinis, desiderium proficiendi, apparebit, an progrediatur in virtute an deficiat.

Modus curandi hic esse poterit: Non adeo progressus jubeatur omnia exercitia devotionis neglecta resumere, & bene peragere. & facile ad meliora redibit: Deinde ad mentem revocet jacturam gratiæ, hujus pretium, temporis à Deo concessi finem, damna & pericula teporis.

*Quia tepidus es, incipiam te evomere ex ore meo. Memento, unde excideris, & age pœnitentiam, & fac prima opera: sin autem; venio tibi, & movebo candelabrum tuum de loco suo, Apoc. 2.* Si provectior fuerit, adducatur, ut in secessu sacro exercitia obeat. Si magnes suo vigore incipiat destitui, ferri ramentis undique co-



484 *Neo-Confessarius practicè instructus.*  
coopertus vires pristinas resumit.

*Quid, si  
in pro-  
fundum  
venerint?*

Si jam in profundum venerit, non des-  
peret Confessarius, sed mediâ inter spem  
& metum excitandum incedat viâ. Pri-  
mò. Benevolè eum excipiat. ostendât-  
que verbis suavibus vultûque amœno se  
ipsi compati, Rigor hîc venenum foret.  
Apiculæ moderato æris sono revocan-  
tur dispersæ, altiore strepitu fugantur.  
Unicâ mellis guttâ, inquiebat S. Francis-  
cus Regis, plures muscæ capiuntur, quàm  
integralis fellis cado. Subinde proponat  
motiva fiduciæ in Deum concipiendæ.  
Denique ostendat, hanc mutationem, ve-  
lut opus Dei Majestate dignum, redun-  
daturam in majorem Dei gloriam, quia  
sic maximè manifestabit suam omni-  
potentiam, & misericordiam. *Hæc muta-  
tio dextera excelsi, Psal. 76.* Si festum  
agitur in cælo super uno peccatore poe-  
nitentiam agente, quantò magis cele-  
brabitur tanta conversio? Injuriam facit  
Deo, qui eum deserit; majorem facit, qui  
illi diffidit. Anima tua sanguine stetit  
tuo Salvatori, an eam perditam volet,  
quam sic dilexit?

Quod si his advertat Confessarius, se non  
proficere, à spe ad terrorem deflectat,  
exponâtque illi gravia pericula teporis,  
& damna; mortem periculosam: frustra  
in lucta ultima inlambis Dominum, cui  
tam diu surdas aures præbuiſti. Ipse  
tunc

tunc in interitu tuo ridebit, & dæmon, cui toties es obsecutus, ferocius in te sæviet. In morte incipiet supplicium, & non conversio. Solet dæmon hanc texere stropham: alii hoc, & isto modo vivunt, nec de sua salute desperandum putant, sed viri sunt honesti, ducunt indelectis, & commoditatibus dies suos, & magni fiunt. Haud dubiè sunt viri Eximii. Dicit non potest, quantum damni afferat hæc machina viventibus inter tepidos. Consuetudo vim legis sibi arrogat: non sentitur graveolentia propria, ubi foetent mores communitalis, & quisque facillè sibi persvadet, bene se vivere, si vivat, ut pars major communitalis, & præsertim, ut suus superior. Hunc sensum perniciosum corrigat Confessarius, doceatque imprudenter à cæco peti viam demonstrari, sequendam esse, quam Deus docet. *Non sequaris turbam ad faciendum malum.* Exodi 23. Quid proderit turba, ubi singuli judicabimur? Sva-deat considerationem sacram, lectionem pii libelli cum desiderio proficiendi, &c. *Fili in tua infirmitate ne despicias te ipsum, sed ora Dominum, & ipse curabit te,* Eccl. 38. Discat se vincere primùm in minoribus, ut paulatim fiat aptus ad se vincendum in majoribus, idque præsertim in exercitiis antea usurpatis ritè peragendis; sicut enim hornm neglectu tepidus



evalsit, sic eorum accurato usu calidus fiet.

*Tentatio-  
nes pro-  
vedtio-  
rum.*

3. Perfectioribus solet tendere laqueum superbiae, & temerariae cujusdam praesidentiae: cum enim experiuntur amore insolito se Deo conjungi, & vilescere sibi mundana praefelici statu suo; excitat eos, ut arripiant occasiones non secundum scientiam, putentque, in rebus exiguis deflectere, non obesse. His proderit instans oratio, discussio sui, fragilitatis suae consideratio, & examen particulare: neque enim omnes motus etiam in ejusmodi sunt a gratia, neque praecipitatio est instinctus Spiritus S. Natura saepe gratiam praevenit, eam comitatur, flectitque in detrimenta. Quod,

*Quomodo  
erigendus  
sit lapsus?*

si evenerit, talem, quod fieri potest, etsi rarius contingat, labi in lethale peccatum, Confessarius eum benignè excipiat, nec ulla edat signa admirationis, aut indignationis, ne eum dejiciat. Quid enim mirum labi hominem, qui ob corruptos humores congenitos omni momento labi potest? Caro corrupta prona in malum est ab adolescentia, nec sic gratia naturam consolidat, ut nulla rima peccato pateat. Mirum potius, quod post lapsum confusione plenus se accuset. Caecum labi in foveam, nemo miratur, nemo ei indignatur, sed manum ei quisvis benevolè praebet. Si sic lapsus vehementer sibi indignetur, potest is effectus

ctus esse ex gratia, potest etiam adjunctam habere superbiam, existimantis, talem casum sibi evenire non debuisse. Proinde Confessarius purget aurum à scoria, permissioque justo dolore, acerbitem omnem, ex superbia natam, tollat, & eum ad spem, charitatem, & humilitatem excitet.

Ad spem erigi potest hoc modo: *La-* *Excitan-*  
*dus ad*  
*spem*  
pfus tuus potest tibi esse majoris sanctitatis initium. Scivit Deus ex lapsu Adami maxima bona elicere, sciet & ex tuo. Gloriæ suæ incrementum capiet te justificando: est enim justificatio excellentius opus: teste S. Thoma, quàm creatio totius mundi: quia est elevatio ad filiationem Dei, ei que obstat peccatum removendum. *Exaltabitur Deus parcens vobis, Isaïæ 30.* Vertit Deus lapsum peccatoris poenitentis in exaltationem ejus, & quod magis mirandum, arripit Dei bonitas ex lapsu occasionem, majore benevolentia verè poenitentem complectendi, quàm ante innocentem, vertens ruinam in splendorem, damna in lucrum: *Si conversus fueris ad omnipotentem, edificaberis, dabit pro terra silicem, & pro silice torrentes aureos; deliciis afflues, & elevabis ad Deum faciem tuam. Job. 22.* Non est metienda misericordia Domini secundum angustias cordis nostri. *Quàm magna misericordia Domini, & propitiatio*



488 *Neo-Confessarius practicè instructus.*  
*convertentibus ad se, Eccl. 17. Dei boni-*  
*tas erga poenitentes fundo caret, in illa*  
*merguntur omnia peccata poenitentis.*  
*Miserebitur nostri, & projiciet in profun-*  
*dum maris omnia delicta nostra, Michææ*  
7. Non est, cur poenitens despondeat  
animum; sed potius, cur majorem con-  
cipiat fiduciam, exemplo Davidis; qui la-  
psus cum tanta gloria surrexit. *Tu pro-*  
*pitiaberis peccato meo: Cur? Multum est*  
*enim:* quia nimirum erigere lapsos gravius,  
commendat amplius misericordiam, & om-  
nipotentiam Dei, estque ingenium be-  
nignitatis, curare infirma, lapsa erigere,  
ibi magis erogare opes suas, ubi major  
est inopia. Pastor bonus Christus sol-  
licitè quæsit oviculam perditam; de in-  
venta convocatos sibi voluit gratulari.  
In vitis Sanctorum vix reperitur inno-  
centibus collatum aliquid specialis favo-  
ris, quod non pariter Deus verè poeni-  
tentibus contulerit.

*Ad chari-*  
*tatem,*

Ad charitatem excitetur persvadendo,  
ut deinceps majore fervore, & accurati-  
one operetur, ut conquirat occasiones,  
Deo impensius serviendi, & injuriam du-  
plicatis obsequiis compensandi. Miles  
fugitivus, ubi redit, generosè pugnando  
ignam compensat, & maculam delet.  
Ita agendum lapso, & maculam delebit.  
Deus lapsum permisit, ut ex veneno me-  
dicinam extraheret, nec vult immodico  
pa-

pavore infelicem corrumpi, quo vires animæ enervantur, teste scriptura. Si desperaveris lapsus, in die angustiae imminuetur fortitudo tua.

Ad humilitatem inducatur, quia, cum *Ad humilitatem.*  
violatae charitatis origo est superbia, studiosè humilitati incumbendum est. 1.

Itaque animo humiliet se, recognoscens suam indignitatem, impotentiam, nihilum, exteriusque se gerat, tanquam hominum consortio, Deique conspectu indignum; sistat se statim diebus coram Domino, tanquam foedisragus, confusione plenus; accuset se de sua perfidia, instar filii prodigi, non audens oculos levare ad patrem offensum; offerat se ad quamcunque pœnam, indignum se reputet, qui assumat nomen Domini per os suum, velut sancta Thais, quæ conversa à S. Paphnutio, ejus jussu his usa est ad Dominum vocibus: *Qui plasmasti me, misereere mei!* Fugiat sensuum oblectamenta, se vilissimis indignum reputans. Ego mihi, qui fui hostis Dei, indulgem? Ego abutar ejus donis, sectando voluptates? Adoret Dei justitiam, seque meritum fateatur, ut permetteretur sic labi. Sedulò vitet occasiones relabendi. Lapsus in foveam, studiosius deinde cavet. Et ita fiet, ut robur, quod ante habuit, accipiat. Demum cavenda inordinata tristitia.



## Q U Æ S T I O III.

*Quid sit notandum circa diversos animi  
motus, inspirationesque boni,  
& illusiones mali spiritus?*

247.  
*Distin-  
guendi  
sunt mo-  
tus, &  
viden-  
dum, an  
à bono,  
vel malo  
sint prin-  
cipio?*

**R**Esp. I. Magna Discretione, & lumine Divino adjuvante diligenter expendendi & distinguendi sunt motus voluntatis, & illustrationes, visionesque animæ; ut nimirum discernantur, à quo spiritu proveniant. Nam est quidem spiritui Dei, teste Apostolo 1. Cor. cap. 2. proprium docere nos, illustrare intellectum, ad bonum movere, & deducere voluntatem, tum per se, tum per bonos Angelos; at non raro, teste eodem Apostolo 2. Cor. 11. ipse satanas transfigurat se in Angelum lucis, & spiritus dæmonis fingit se spiritum Dei, imitando ipsius impulsus, & interiora colloquia; ita. ut quem homo motum & impulsum Spiritus sancti existimat, in suum profectum immissum, sit impetus dæmonis, in ejus perniciem tendens, juxta illud Prov. 16. *Est via, quæ videtur homini recta, novissima autem ejus deducunt ad mortem.* Novit nimirum dæmon, movendo phantasiâ, & appetitum sensitivum, in anima nostra tales ciere affectus, ut, cum revera sint umbratiles, pictæque virtutes, veræ tamen esse videantur, & his-  
dem

dem inefcentur, qui multum sibi tribuunt in spiritalibus. Sunt tamen & aliæ illusionum & deceptionum causæ, nimirum passionum nostrarum ardor, & furor, quibus cum cor agitur, iudicium rationis invertitur, & sinistro affectui accommodatur; atque ita fit, ut iudicetur pulchrum, quod turpe est; dicaturque malum bonum, & bonum malum. Deinde similitudo magna inter affectus aliquos virtutis & vitii: unde fit, ut vitium virtus, existimetur v. g. ira iudicetur zelus: pro liberalitate prodigalitas, pro humilitate pusillanimitas & hypocrysis, pro confidentia præsumptio, pro constantia pertinacia, pro amore Divino amor proprius habeatur, & exerceatur. Atque in his non aberrare difficillimum est; quia imbecillitas intellectus nostri abyssum cogitationum, & affectionum, quæ in corde nostro geruntur, penetrare non potest; sed illam penetrat, & scrutatur solus Deus. Unde, monente S. Gregorio diligenter invigilandum, ne nos aut impetus carnis manifestus abripiat, aut impetus carnis, velut impetus spiritus latenter se subiciat, & culpas nobis, quas committimus, virtutes fingat. *Nolite*, inquit S. Joannes 1. Epist. 4. *omni spiritui credere; sed probate spiritus, si ex Deo sint.* Hoc nisi fiat, credes falsum spiritum verum, & sequeris, verumque falsum, & projicies. Quod  
utrum-



492 *Neo-Confessarius practicè instructus.*  
utrumque periculosum est. Ad hanc  
probationem, & examen largitur Domi-  
nus Deus noster illud donum, quod ab  
Apostolo appellatur discretio spirituum;  
at illud non datur omnibus fidelibus, sed  
iis, quos magistros, & duces constituit,  
& probatores in Republica suorum po-  
suit, ut discernant aurum à scoria, sepa-  
rent pretiosum à vili; & sint quasi os e-  
jus. Sunt tamen & indicia, quæ ad dis-  
cernendos spiritus juvent, neque nostra  
industria excludenda est; sed ab omnibus  
adhibenda, neque tamen laborandum, an  
motus bonus sit à solo Deo, vel Angelo  
bono, vel virtute & recta affectione ani-  
mæ; aut malus à dæmone, aut carne no-  
stra; hoc enim discerni semper non po-  
test, nec semper necessarium est.

#### Q U Æ S T I O IV.

*Ex quibus discerni possit, an visiones, sug-  
gestiones, illustrationes, & motus  
animæ sint à bono, an verò  
à malo spiritu?*

1. *Spiri-  
tus bonus  
mouet ad  
vera, &  
utilia.*

**R**Esp. Discerni non raro poterit ex se-  
quentibus: 1. Spiritus bonus non in-  
spirat, quæ repugnant veritati, v.  
g. sacræ Scripturæ, doctrinæ in Eccle-  
sia receptæ, moribus Sanctorum, vitæ  
Christi: sed his conformia: nec quæ sunt  
frivo-

frivola, inutilia, impertinentia; sed utilia, solida, &c. Unde sensa, quæ huic regulæ sunt contraria, non sunt à Spiritu S.

2. Spiritus bonus movet ad sui abnegationem, mortificationem, & tolerantiam adversitatum, Christi imitationem, resignationem voluntatis, subjectionem proprii iudicii, obedientiam perfectam, humilitatem, contemptum mundi, fugam honorum, &c. Ut operemur ex debito sine nempe ad gloriam Dei. Unde motus boni spiritus comitem habet rectam intentionem.

3. Spiritus bonus discretus est: unde ordinatè procedit, ita ut, si animam introducat in cellam vinariam, nempe sanctorum affectuum, in ea ordinet charitatem.

4. Hinc ordinariè non movet, nisi ad res ordinarias, & viribus cuiusque, sine miraculis accommodatas, ducendo per vias rectas & planas. Est enim Deus author hujus ordinariæ ad cælum viæ, inspirat tamen quandoque extraordinaria, sed ferè nonnisi in humilitate bene fundatis, & liberis ab impetitione vanæ gloriæ, ne homo impellatur in ruinam. In motu ad extraordinaria bene excutiendus est finis. Videri potest P. Ludovic. de Ponte in Duce spiritali tr. 1. cap. 23.

5. Signum boni spiritus est, si visitatio, inspiratio sit in sola superiore animæ

2. Ad mortificationem.

3. Est discretus.

4. Regulariter movet tantum ad ordinariam.

5. Signum boni par-



*spiritus* parte, seu intellectu, & voluntate. vel  
*est, si mo-* saltem in ea orta sit; licet in partem infe-  
*tus inci-* riorem, seu phantasiam, & appetitum  
*piat ab* sensitivum se effuderit. Nam Deus solus  
*intellectu,* potest immediatè agere in partem supe-  
*Et vo-* riorem animæ, non vero dæmon, licet  
*luntate.* hic possit commovere humores, & spe-  
 cies per sensus ingressas revocare in me-  
 moriam, eas alterare, combinare, sicque  
 movere phantasiam & appetitum, con-  
 sequenter excitare intellectum, & allice-  
 re voluntatem ad actus, quos intendit;  
 efficereque devotionem sensibilem, ciere  
 lacrymas, aliósque effectus, qui à po-  
 tentiis corporis dependent: & hinc, sicut  
 Deus complexione hominis sæpe utitur  
 ad excitandam veram, sic dæmon ad exci-  
 tandam falsam devotionem utitur. Ex  
 his patet, duo esse consolationum, & gau-  
 diorum internorum genera: alia enim in-  
 ciunt à parte superiore, & transeunt  
 ad inferiorem; alia incipiunt à parte in-  
 feriore, possuntque esse à malo spiritu,  
 qui facilius illudit melancholicis, & ani-  
 mis affectuosis, non ita illis, qui sunt ani-  
 mi virilis; quieti, affabiles. Cæterum val-  
 de experti, sensu quodam interno discer-  
 nunt Divinas inspirationes ab aliis; etsi  
 explicare non possint, sicut amicus ami-  
 cum ex signis discernit, & mellis sapo-  
 rem percipimus, nec tamen explicare  
 possumus.

6. Signum Spiritûs sancti est sensus, fapôrque quidam humilitatis in fundo cordis; ut, si quis non desideret extraordinaria, non propendeat ad exercitia, quæ sint admirationi, ponat sanctitatem in ordinariis bene agendis; si se indignum reputet donis Dei, se propter illa non efferat, nec aliis præferat; si gaudeat de contemptu. dum Confessarius judicat, illustrationes suas esse illusiones; si dona sua occultet, si confugiat illucescente speciali visitatione ad humilitatem, easque nolit, nisi ut Deo placeat; si penetret profundum sui nihili, &c.

7. Malus spiritus movet, si tentatio tendat ad falsitatem, & vitia, ut solet demon variis modis; nam aliquando suggerit manifestum mendacium, sed illud falsis rationibus vestit, & obducit, ut verum existimetur; aliàs suggerit vera, sed dolosam inde deducit conclusionem. Sic hæreticis permittit sentire vera esse, quæ continentur in sacra scriptura: sed intelligenda dicit ab unoquoque juxta proprium judicium. Interdum suggerit per tempus vera, ut hominem veluti securum reddat, moveri se spiritu bono, sed postea addit de suo errorem, & illicium ad peccatum. Si advertatur, quodd malus spiritus moveat ad bonum, hoc quidem non ideo omittendum, non tamen agendum, quia is movet, sed quia vel fides, vel

6. Si sapientia humilia.

7. Motus mali spiritus.



496 *Neo-Confessarius practicè instructus.*  
vel rectitudo, vel honestas id sùadet; ne-  
que tunc caret bene operans suo merito;  
sicut, si quis ex mala intentione induce-  
ret te ad dandam eleemosinam, tu verò  
recta intentione dares, meritò non ca-  
reres. Si post suggesta bona falsi quid,  
vel mali ingeratur; signum quidem est,  
hoc esse à malo spiritu; non tamen exi-  
stimandum, omnes inspirationes, quas  
homo talis habet, esse illusiones à malo  
spiritu; quia dæmon solet bonis Dei in-  
spirationibus miscere aliquas suas, ani-  
mâsque turbare, ut sanctas inspirationes  
suspectas reddat, & ideo non admittan-  
tur. Hoc casu humiliter rogandus est  
Deus, ut nos decipi non permittat, & si-  
ne perturbatione agendum recta ad De-  
um intentione, quod recta ratio, & gra-  
tia dicat. Si suggestio tendat ad res  
novas curiosas, singulares, prodigiosas,  
inusitatas, quæ pariant in mundo admi-  
rationem, & famam sanctitatis, est à ma-  
lo spiritu. Item si excitet ad superbiam,  
vanam gloriam, præsumptionem animi,  
ad desperationem, vel alium minùs ordi-  
natum affectum, aut ut res non manife-  
stetur Superiori, aut Confessario.

8. *Motus mali spiritus post se relinquit per* 8. Si blandè accedat, sed postea re-  
linquat mærorem, desolationem, pertur-  
bationem animi, tenebras; est signum ma-  
li spiritus, ut docet S. Ignatius in exerci-  
tiis, & S. Macarius Homil. 7. Sicut enim  
boni

boni spiritus est solari, & tranquillitatem animi adferre; sic maligni est, relinquere in animo tenebras, moerorem, perplexitatem; turbationem: nam quisque sibi consentanea operatur.

Ex his sequitur. 1. Miserè decipi eos, qui illustrationes putant, impulsusque Divinos se habere speciales, si optentres extraordinarias; si ideo se magni faciant, si contemnant alios, qui tales non habent; si sensa sua leviter manifestent, quasi in aliorum id utilitatem faciant; si contempti tristentur, & animum abjiciant; si superbix tentationibus cedant, & glorientur de devotionis gratia, sibi que complaceant, vel sibi persvadeant, quodd major sit, quam revera est, quodd eâ alios superent, vel eâ melius utantur, quam alii etsi enim rebus bonis tales tentationes possint misceri, imò quandoque possit aliquid adhærescere; attamen non nisi leviter & brevi tempore: aliàs enim gratiæ illæ extraordinariæ redduntur suspectæ.

Sequitur 2. Præsentis Divinæ visitationis indicia esse. 1. Si subita, & sine naturali causa fiat quasi commutatio animæ à priori statu obscuro, vel tepido, aut timido. 2. Si cognitio Dei, vel veritatis alicujus cum nova luce, vel insolito modo generet cum quiete & suavitate, odium vanitatis alicujus, vel motum peculiarem ad Deum, vel virtutem.

R. P. Reuter Neo-Conf.

Li

3.

turbationem.

249.

Qui. errent circa motus.

Indicia præsentis visitationis Divinæ.



3. Si mens subito dilatetur, & inspiretur desiderium perfectionis, vel amor puritatis, mortificationis, imitationis Christi, perpetuæ unionis cum Deo. 4. Si anima acquiescat Deo, vel rebus Divinis, & virtutibus. 5. Si cum suavitate elevetur ad laudes & complexus Dei. 6. Si adsit sensus humilis de solito profundior. 7. Si acceptetur contemptus pro Deo, sine molestia. 8. Si jam faciliè despiciat res omnes mundi, quæ cor nunc dilatatum implere non possint.

## QUÆSTIO V.

*Quomodo tales se gerere debeant tempore consolationis, & in devotione sensibili?*

251.  
*Utatur  
ad Dei  
laudem  
consolatione.*

*Se humiliet.*

**R**Esp. Dum adest consolatio, motioque Spiritûs sancti. 1. Humiliet se homo, totum Deo tribuens, intendâtque ea uti non ad suum gustum augendum, vel producendum, sed ad conjunctionem suam cum Deo, ad ejus laudem, & gloriâ; se omni dono Dei indignum reputet, & fateatur, petâtque restum ejus usum.

2. Cogitet, quàm miser soleat esse absente Dei consolatione, & præparet se ad desolationem; visitationes enim Dei, & consolationes neque constantes & perpetuæ, neque omnibus æqualiter contin-

tingunt, sed dat modo Deus, ne dejiciamur; modo subtrahit, ne abutamur, & vertamus in vitium; aut valetudinis detrimentum; ut agnoscamus solius Dei dona esse; ea ferventiùs desideremus, cautiùs iis utamur, non labamur in superbiæ laqueum, non negligamus exercitia vocationis nostræ: ut exerceamus solidas virtutes, impensisque nostris, & quasi de nostro laboremus. Deinde tyrones sunt velut in hyeme, in quâ sol communiter latet: proficientes sunt in vere, ubi est major varietas: perfecti sunt in æstate, in qua calor, & lux constans magis; sunt tamen & quandoque nubila, & tempestates, horrendique fragores, sed non diuturni: expectandæ autem sunt à Deo consolationes, non extorquendæ.

3. Si anima Divina suavitate quasi ebria, *Reprimat*  
se videatur vix posse continere, reprimat *impetum.*  
impetum, nec velit Divina consilia penetrare, suisque viribus opus divinum prævenire, augere, & auxilium Divinæ gratiæ quasi superare.

4. Sciendum, quod vera devotio consistat in prompta, forti, & constanti voluntate faciendi, quidquid Deo placere, *Vera devotio in quo sita sit?*  
& vitandi, quidquid displicere novimus; non verò in sensibili cordis dulcedine & suavitate, quæ lachrymas & gemitus cieat, & nescio, quem spirituales gustum pariat: unde his non innitendum tan-



500 *Neo-Confessarius practicè instructus:*  
quam veræ devotioni: etsi enim affectus  
teneri, & dulces sæpe sint boni, Deum-  
que authorem habeant, & ad conjuncti-  
onem cum Deo juvent; in iis tamen de-  
votionis substantia non consistit, imò sunt  
sæpe periculosi, & consolationes falsæ à  
dæmone, vel natura ortum habentes.  
Unde multæ animæ his fruuntur, & ta-  
men veram devotionem non habent: sen-  
tiunt teneros affectus, in lacrymas, su-  
spira erumpunt, &c. dum v. g. Passionem  
Christi exponi audiunt; & tamen iniquè  
possessa nolunt restituere, nulli commodi-  
tati renuntiare, nullam molestiam amo-  
re Christi subire volunt, similes puero,  
qui dum videt matri venam incidi, plo-  
rat; & tamen pomum, vel saccarum, quod  
fortè in manu habet, illi dare recusat.

*De sensi-  
bili devo-  
tione  
quid sen-  
tiendum?*

Si teneri illi affectus notentur esse à  
Deo, id, quod ex effectibus eorum bonis  
secundùm dicta colligendum, ut, si de-  
ducant ad virtutem, v. g. humilitatem,  
patientiam, benignitatem, affabilitatem,  
misericordiam erga proximum, mortifi-  
cationem, constantiam in bono, &c. iis  
humiliter & in finem, in quem dantur,  
utendum; si autem notentur esse à dæ-  
mone, vel natura, aut de hoc juxta esset  
suspicio, corrigendi sunt, aut rejiciendi;  
animusque firmandus, & præparandus  
ad verum Dei amorem, constansque ejus  
obsequium. Esse autem à malo spiritu,  
indicia

indicia præterea sunt, si circa nos tantum versentur; si respiciant, ut finem, placere hominibus, ut sit, si devotio extollatur in publico, marcescat in occulto; si laudibus delectetur contemptibus ardeatur, si anxie & perturbatè quærat; si subtracta, vel dilata causet perturbationes, & murmuraciones; si moveat ad arrogantiam, præsumptionem, asperitatem erga proximum, &c. Imò & vera devotio sensibilis exposita est fraudibus Dæmonis: nititur enim amorem spiritualium vertere in sensualem, & impellere ad quandam intemperantiam, seu gulam spiritualem, ad complacentiam inordinatam; & ubi naturam mollem reperit, ad dolosas lacrymas. Et hinc mulieres præ viris solent esse illusionibus obnoxie, ut proinde magnâ cautelâ opus sit, sollicitèque curandam, ut ex supernaturali motivo virtutes operentur.

## Q U Æ S T I O VI.

*Quid circa desolationes observandum, & quæ regulæ in iis tenendæ?*

**R** Esp. I. Dat Deus consolationes, ut <sup>252.</sup> animus à terrenis voluptatibus abstrahatur, illæque desipiant, & ad virtutes arduas excitetur; eum in finem ut plurimum immittit illas incipientibus, tractans eos, ut parvulos, lacte eos attrahendo; *Cur Deus subtrahat consolationes, & permittat hendo;*



*desolatio-  
nes?*

hendo; postea autem, ubi cibos duriores  
nōrunt digerere, pascit eos escā grandium,  
& consolationes sæpe subtrahit, & se quo-  
dammodo subducit, ut deserant magis  
femetipsos, & illi serviant propter ipsum.  
Sæpe quoque non dat, aut subtrahit pro-  
vectioribus consolationes, vel quia non  
expediunt abituræ in vitium; vel quia iis  
abusi sunt, v. gr. ad vanam gloriam, su-  
perbiam, inanem de se opinionem, gu-  
lam spirituales, vel quia socordes fue-  
runt in collectione interna, in exercitiis  
ordinariis necdum sunt perfecti, non mor-  
tificati, non avulsi à Creaturis, propriis  
commoditatibus adhuc dediti; &c. Non  
enim merentur gustum coelestem, qui ter-  
rena adhuc sapiunt. Pro sua tamen bo-  
nitate desolationes non permittit ordi-  
nariè esse constantes; sed sicut mundum,  
magno universi ornamento, mira eaque  
perpetua vicissitudine gubernat, ut hye-  
mi ver, veri æstas, æstati autumnus suc-  
cedat constanter, ut vix dies diei sit per  
omnia similis; ita gubernat sanctifi-  
catos suos, quos neque tribulationes,  
neque jucunditates finit habere con-  
tinuas; ut scilicet modo spe erigan-  
tur; modo timore deprimantur, mo-  
do consolationes, modo desolationes ex-  
periantur, nec dies diei, nec hora ho-  
ræ sit per omnia similis. Huic Divinæ  
dispositioni æquum est, ut nos accom-  
mode-

modemus. Est enim dispositio patris in bonum nostrum, & gloriam ejus ordinata, ut scilicet prospera continua nos non extollant; & adversa perpetua non dejiciant. Contingit quoque nonnunquam, ut vehementes tentationes medias inter desolationes, & ariditates oriantur, tamque variæ & spurcæ cogitationes, ut quis sibi ad orationem non aliter videatur accedere, quàm ut omnigenis tentationibus vexetur; imò nec de Divinis, v. gr. Passione Domini cogitare possit: & si forte cogitet, nullatenus moveatur. Talis in afflictio suo statu, dum videt alios proficere, intelligitque magnum orationis bonum, persvadet sibi, Deum sui esse oblitum; ex quo oritur tentatio contra Deum, ac si nimis durè ageret, & oratio omittitur; suggerit etiam Dæmon ipsum esse causam hujus desolationis: unde crescit afflictio, & recedit ab oratione velut ab equuleo tristis. Pro his sequentes serviunt regulæ.

*Regulæ in desolatione tcoendæ.*

*Prima.* In nulla desolatione, undequeque orta, despondeas animum; sed in Dei dispositionem te totum resigna, & certò tibi persvade, quod Deus, cujus voluntas est sanctificatio nostra, sic te velit purgare ab amore proprio, & ad solidam virtutem perducere; quo plurimum desolationes, si iis bene utaris, conferunt. In

<sup>253.</sup>  
*Desolatio  
utilis.*



504 *Neo-Confessarius practicè instructus.*  
frigore planta dilatat radicem, profundiusque mittit, ut plus fructus postmodum tempore caloris proferat. Desolatio frigus est, consolatio calor.

*Examen* 2da. In ariditate constitutus examina te, citra tamen animi perturbationem  
*an ex culpa prove-* & curiositatem, num ex culpa tua ortum  
*niat?* habeat? Si excussis omnibus, nihil in te culpæ reperiās, ex quo oriatur, gratias age Deo, & noli curiosus ultra inquirere: sed sine ulteriori examine, cum omni candore, & sinceritate coram Deo te humilia, indignum te reputans omni ejus dono, & fatere, te à Deo tractari, ut merearis ob delicta præterita; imò graviora meritum esse, tibi que nihil boni deberi. Quare immola te Deo, nec ora, ut statim libereris. Decet nos ipsos velut tacitas hostias immolare. amantique animæ satis esse debet, sic Deo placere. Hæc mihi sit consolatio velle libenter carere omni mundano solatio. Si tamen sentires, te fatiscere, Deum fidenter invoca, ut tibi reddat lætitiā salutaris sui, & transferat à te calicem istum, id tamen cum plena in sanctam ejus voluntatem resignatione: neque enim contentiosè & afflictim desiderare debes, ne resignatio & debita indifferentia deficiat: Deus quippe videns indifferentiam, & resignationem, citius consolabitur. Quodd si reperiās ex defectu tuo ortam ariditatem, sincere

fincerè dole de culpa, veniam posce, & velut justam poenam desolationem de manu Dei humiliter admitte, plenus fiducia, fore brevi, ut à Deo benignè recipiaris.

3tia. Persuade tibi verissimum esse, quod docuit S. Ignatius, non esse com-*Desolatio* pendiosorem viam ad perfectionem, *multum ju-* quam magna & multa pro amore DEI *vat ad per-* pati, & lignum ad excitandum Divini a-*fectionem.* moris ignem aptius non esse, quam lignum Crucis; quia anima, sic ab omni creatura, & solatio suo abstracta, soli Deo adhærere debet.

4ta. Cave magnopere, ne tempore de-*Nihil o-* solationis ullum devotionis exercitium *mittendum* propter illam omittas, vel ordinaria ne-*de ordina-* gligas; sed potiùs aliquid adde, & pœ-*riis.* nitentiam assume: tum quia in tædio tali sunt gratiora Deo, & magis meritoria: nam sic sine tuo solatio, & cum majori tui victoria Deo te immolas, evitâsque fraudem Dæmonis, qui in desolatione nistitur persuadere, nihil boni fieri; meliùs esse, si aliis exercitiis te occupes; eumque in finem varias inutiles occasiones suggerit, quæ est insignis ejusdem fraus. Tibi sit satis, quòd obsequaris Dei voluntati, in quo summa perfectio. Si non æquè coneris peragere tua sine consolatione, signum est, quod te quæras. Quod si tanta sit desolatio, ut nec orationis



506 *Neo-Confessarius practicè instructus.*  
substantiam assequaris, humilia te, ut  
supra dictum; & satis tibi sit, quodd De-  
us te in familia sua toleret, quodd te in  
conspectu suo versari permittat; benefi-  
cium reputa, quodd Deus te poenâ tempo-  
raneâ purgare velit; propone tibi JESUM  
in Cruce desolatum. Patientia & resi-  
gnatio optima est oratio. Si doleas,  
quodd Deo melius servire non possis, si-  
gnum bonum est: dolor enim, si sincerus  
est, ex amore Dei procedit. Magnum  
Deo præstas obsequium, si perseveres in  
conspectu ejus, vigilésque ad fores ejus,  
& observes ad postes ostii ejus. Quodd si  
nolit tibi aperire, acquiesce humiliter;  
non dabit in æternum fluctuationem Ju-  
sto. Neque ideo te puta non esse in  
gratia. Desolatio cum resignatione indi-  
cium est præsentis gratiæ; flagellat enim  
Deus omnem filium, quem recipit. Ma-  
gni Sancti, ut S. Franciscus, S. Antonius,  
S. Bernardus, S. Theresia, aliique magnas  
passi sunt desolationes, & eas tolerando  
vivam JESU Christi in Cruce desolati  
imaginem in se expresserunt. Deus di-  
ligentes se diligit. Amorem in patrem  
magis probat filius, qui in duris se ejus  
accommodat voluntati, quàm qui in iis  
non acquiescit, sed vult patrem suæ vo-  
luntati obsequi.

*Honestas 5ta.* Si desolatio, ut quandoque con-  
recreatio tingit, ex corporis defatigatione oriatur.  
opti-

optimum est medium, honesta recreati-<sup>expedit</sup>  
 one corpori robur restituere, & inte-  
 rim plurimos actus virtutum voluntatis  
 adminiculo sine violentia exercere, v. g.  
 frequenter Deum præsentem alloqui, e-  
 um adorando. laudando, gratias agendo,  
 beneplacito ejus se resignando. Et si ani-  
 ma dormire & oppressa videatur, actus  
 tamen illi spiritûs Deo maximè placent,  
 plûsque iis inest meriti, quàm si saporem  
 haberent adjunctum.

6ta. Tuo in spiritu Directori candidè <sup>Recursum</sup>  
 statum tuum aperi, & media, quæ fug-<sup>ad dire-</sup>  
 gerit, adhibe. Deus enim, utpote humili-<sup>storem</sup>  
 tatis & obedientiæ amantissimus, sæpe <sup>spiritus</sup>  
 facit; ut consilia; etsi quandoque cæte-<sup>lem.</sup>  
 rum minùs utilia videantur à Directore  
 suggesta, valde conducant, si humiliter  
 suscipiantur.

## QUÆSTIO VII.

Quomodo dirigere oporteat pœnitentem  
 circa frequentem, vel quotidianam  
 Communionem?

**R** Esp. Si quæ persona velit frequen- <sup>254.</sup>  
 ter v. gr. bis, terve in hebdoma-<sup>Quid con-</sup>  
 da communicare commendanda <sup>sulendum</sup>  
 est frequens Communio, sed & moderan-<sup>circa</sup>  
 da prudenter. Concilii Trid. PP, optant <sup>Communi-</sup>  
 à fidelibus frequenter vitalem panem <sup>quem fre-</sup>  
 sumi; non omnibus tamen eandem regu-<sup>quentem,</sup>  
 tam



508 *Neo-Confessarius practice instructus.*  
*vel quotidiana?* lam præscriptam esse volunt; sed Confessariorum iudicio id relinquunt, ut ex conscientiarum puritate, & frequentiae fructu, & ad pietatem processu, laicis, negotiatoribus, conjugatis, quod prospiciunt eorum saluti profuturum, id illis præscribant. Similiter Innocentius XI. in Decreto de frequenti Communione edito 1679. vetuit, unicâ præcepti formulâ aliquos à quotidiana, vel frequenti Communione deterreri, aut accedentes repelli; jubet tamen, ut Parochi, & Confessarii invigilent, ut quisque pro præparationis, & devotionis modo rarius aut crebrius dignè accedat. Deinde hortatur, ut frequentius communicantes excitentur ad magnam præparationem, & ad agnoscendam suam infirmitatem; ut dignitate Sacramenti, & formidine Divini Iudicii discant, cœlestem mensam, in qua Christus est, revereri; & si quando se minus paratos senserint, ab ea abstinere, seque ad maiorem præparationem accingere: Moniales verò vult obsequi ordinis sui statutis; si quæ tamen eâ mentis puritate niteant, ut dignæ videantur Communione frequentiore, aut quotidianâ, jubet, ut id illis à superioribus permittatur. Placuit ipsum Decretum hic apponere.

## D E C R E T U M

*Circa Communionem quōtidianam.*  
Datum Romæ 12. Februarii 1679.

**C**Um ad aures Sanctissimi D. N. fide dignorum testimonio pervenerit in quibusdam Dicecesibus vigere usum quōtidianæ Communionis, etiam in feria sexta Parascevæ, & simul affirmari eandem quōtidianam Communionem præceptam esse à jure Divino, quin etiam in illius administratione aliquos abusus inolevisse; videlicet, quòd aliqui, non in Ecclesia, sed in privatis Oratoriis & domi, imò cubantes in lecto, & non laborantes ullâ gravis infirmitatis notâ sumant Sacrosanctam Eucharistiam, quam argentea theca inclusam in crumena, aut secreto illis deferunt Sacerdotes sæculares aut regulares; aliique in Communionem accipiant plures formas ac particulas, vel grandiores solito; ac tandem quis confiteatur peccata venialia simplici Sacerdoti non approbato ab Episcopo aut Ordinario. Cùm autem hæc Sanctissimus consideranda commiserit S. Congregationi Cardinalium Concilii Tridentini Interpretum, eadem S. Congregatio prævia matura discussione super prædictis unanimi sententia ita censuit: Etsi frequens, quōtidianusve Sacrosanctæ Eucharistiæ usus à SS. Patribus fuerit semper



§10 *Neo-Confessarius practice instructus.*  
per in Ecclesia probatus, nunquam ta-  
men, aut sæpius illam percipiendi, aut ab  
ea abstinendi, certos singulis mensibus  
aut hebdomadis dies statuerunt, quos  
nec Concilium Tridentinum præscripsit,  
sed quasi humanam infirmitatem secum  
reputaret, nihil præcipiens, quid cuperet,  
tantum indicavit, cum inquit: Optaret  
quidem Sacrosancta Synodus, ut in sin-  
gulis Missis fideles adstantes Sacramen-  
tali Eucharistiæ perceptione communi-  
carent; Idque non immerito; multiplices  
enim sunt conscientiarum recessus, va-  
riæ ob negotia spiritûs alienationes, mul-  
tæ è contra gratiæ & Dei dona parvulis  
concessa: quæ cum humanis oculis scru-  
tari non possimus, nihil certè de cuius-  
que dignitate atque integritate, & con-  
sequenter de frequentiori, aut quotidiano  
vitalis panis esu potest constitui. Et  
propterea, quod ad negotiatores attinet,  
frequens ad sacram alimoniam percipien-  
dam accessus, Confessariorum secreta  
cordis explorantium iudicio est relin-  
quendus, qui ex conscientiarum puritate,  
& frequentiæ fructu, & ad pietatem pro-  
cessu laicis negotiatoribus & conjuga-  
tis, quod prospicient earum, saluti pro-  
futurum, id illis præscribere debebunt.  
In conjugatis autem hoc amplius ani-  
madvertent, cum B. Apostolus nolit eos  
invicem fraudari, nisi fortè ex consensu

ad tempus, ut vacent orationi, eos serio admoneant, tantò magis ob Sacratissimæ Eucharistiæ reverentiam continentia vacandum, puriorique mente ad coelestium epularum Communionem esse conveniendum. In hoc igitur Pastorum diligentia potissimum invigilabit, non ut à frequenti, aut quotidiana Sacrae Communionis sumptione unica præcepti formula aliqui deterreantur, aut sumendi dies generaliter constituantur, sed magis, quid singulis permittendum per se aut Parochos seu Confessarios sibi decernendum putet? Illudque omninò provideat, ut nemo à Sacro Convivio, seu frequenter, seu quotidie accesserit, repellatur, & nihilominus det operam; ut unusquisque dignè pro devotionis & præparationis modo rariùs aut crebriùs Dominici Corporis savoritatem degustet. Idem Moniales quotidie sacram Communionem petentes admonendæ erunt, ut in diebus ex earum Ordinis instituto præstitutis communicent; Si quæ verò puritate mentis eniteant, & fervore spiritûs ita incaluerint, ut dignæ frequentiori, aut quotidiana Sanctissimi Sacramenti perceptione videri possint, id illis à Superioribus permittatur. Proderit etiam præter Parochorum & Confessariorum diligentiam, operâ quoque Concionatorum uti, & cum eis constitutum haberi, ut

cum



§12 *Neo-Confessarius practice instructus.*

cum fideles ad Sanctissimi Sacramenti frequentiam (quod facere debent) accenderint, statim de magna ad illud sumendum præparatione orationem habeant, generatimque ostendant, eos, qui ad frequentiore aut quotidianam salutaris cibi sumptionem devoto studio excitantur, debere, sive laici negotiatores sint, sive conjugati, sive quicunque alii, suam agnoscere infirmitatem, ut dignitate Sacramenti ac Divini iudicii formidine discant coelestem mensam, in qua Christus est, revereri; Et si quando se minus paratos senserint, ab ea abstinere, seque ad maiorem præparationem accingere. Episcopi autem, in quorum Diocesis viget huiusmodi devotio erga Sanctissimum Sacramentum, pro illa gratias Deo agant, eamque ipsi adhibito prudentiæ & iudicii temperamento alere debebunt, & ab eorum officio postulari sibi maximè persvadebunt, nulli labori aut diligentiae parcendum, ut omnis irreverentiæ & scandali suspicio in veri & immaculati Agni perceptione tollatur, virtutesque ac dona in fumentibus augeantur. Quod abundè continget, si ii, qui devoto huiusmodi studio divina præstante gratia tenentur, seque Sacratissimo Pane frequentius refici cupiunt, suas vires expendere, seque probare cum timore & charitate assveverint quibus:

quibus Christum Dominum, qui se fide-  
libus manducandum, & se pretium in  
morte tradidit, atque in cælesti regno  
se præmium est daturus, precatur sacra  
Congregatio, ut suam opem ad dignam  
præparationem & sumptionem largia-  
tur. Porro Episcopi & Parochi, seu Con-  
fessarii redarguant asserentes Communi-  
onem quotidianam esse de jure Divino,  
doceant in Ecclesiis seu Oratoriis priva-  
tis, ex dispensatione seu privilegio Pon-  
tificis de manu Sacerdotis sumendam  
Sanctissimam Eucharistiam, nec eam ul-  
lo modo deferendam in crumena, aut se-  
creto ad existentes domi, vel cubantes  
in lecto, quàm ad infirmos, qui ad illam  
fufcipiendam ad loca prædicta accedere  
non valeant, & ad eos, si ab Ecclesia de-  
feratur, publicè & cum pompa juxta  
formam Ritualis Romani. Si verò ab  
Oratorio privilegiato, cum forma decen-  
ti. Curent etiam, ut circa Communi-  
onem in feria sexta Parascevæ, Missalis  
Rubricæ & Ecclesiæ Romanæ usus ser-  
vetur: Insuper admoneant nulli traden-  
das plures Eucharistiæ formas, seu par-  
ticulas, neque grandiores, sed consvetas.  
Non permittant, ut venialium Confessio  
fiat simplici Sacerdoti non approbato ab  
Episcopo aut Ordinario. Si Parochi &  
Confessarii, etiam Regulares, aut quicun-  
que alij Sacerdotes secus egerint, sciant



Deo optimo Maximo rationem reddituros esse, neque defuturam Episcoporum & Ordinariorum justam ac rigorosam animadversionem in contrafacientes, etiam Regulares, etiam Societatis Jesu, facultate ipsis Episcopis & Ordinariis per hoc Decretum per Sedem Apostolicam specialiter attributa.

Et facta de præmissis omnibus, ac de verbo ad verbum relatione, Sanctitas Sua approbavit, ac præsens Decretum typis dari ac publicari voluit. In quorum, &c.

Ex quibus patet, quod Concil. Trid. P. P. & Pontifex, & utilitati fidelium, & reverentiæ Sacramenti consultum velint, relinquântque frequentiam Communionis determinandam Confessariis ex puritate conscientiæ, progressu in virtute, & præparatione poenitentis. Dispiciat itaque Confessarius imò, quomodo talis persona se præparet, & per negotia occupationesque præparare se, & gratias agere possit? 2. Qua intentione feratur ad frequentem Communionem: neque enim finis esse debet sensibilis devotio, propria satisfactio, aut ne videatur minus devota, quàm aliæ; sed profectus in virtute, præsertim in charitate? 4. Quomodo proficiat in spiritu, an malæ veteri consuetudini & passionibus immoderatè pergat indulgere; an verò eas mortificare studeat? Quotidie communicare per se lau-

laudabile est, sed non convenit omnibus: frequentior quoque præferenda est rario-  
ri? sed & reverentiæ Sacramenti consi-  
lendum, cujus æstimatio imminuitur, si  
ex ea non proficiatur. Quin & scanda-  
lizantur fideles, si frequenter communi-  
cantes advertant vanitatibus, & otio in-  
dulgere, ut ante; non revereri parentes,  
confortia periculosa adire, &c. S. Fran-  
ciscus Salesius in introductione ad vitam  
devotam ait, communicare posse singu-  
lis octo diebus, cujus anima purgata est  
ab omni peccato mortali, & ab affectu  
ad quodcunque veniale; ad Communio-  
nem autem quotidianam requirit præ-  
parationem omnino exactam & eximiam;  
eum dicit, qui devotè vult vivere, non  
posse rarius, quàm singulis mensibus com-  
municare, sicque vivendum esse, ut sin-  
gulis octo diebus communicare valea-  
mus. Alius celebris Asceta sic statuit:  
qui non solet graviter peccare, etsi quan-  
doque peccet venialiter cum plena deli-  
beratione, modo absit consuetudo, & af-  
fectus ad veniale, potest octavo quoque  
die communicare; adhuc sæpius, qui ra-  
rius sic peccat venialiter. Quotidiana  
autem Communio magnam requirit ani-  
mæ puritatem. Hæc ille. Præterea  
tamen consideret Confessarius poeniten-  
tis necessitatem & circumstantias hic &  
nunc se offerentes. Nam si magna sit



516 *Neo-Confessarius practicè instructus.*  
festivitas, si poenitens magnis, vel periculosis pulsetur tentationibus, ad quas superandas speciali eget robore, minori præparationi acquiescendum est, quæ & quandoque in Sacerdotibus toleratur; ne, ut inquit, Viva Ecclesia fructu sacrificii privetur. Magnus est fructus Sacramenti, si ita quis eò se roboret, ut nunquam, vel rarissimè peccet graviter.

### C A P U T XIII.

*De Confessario hominis scrupulosi.*

255.  
*Quid sit  
scrupulus?*

**S**crupulus sic dictus à parvis lapillis, seu scrupis, qui calceis viatorum se ingerentes pedibus molestiam creant, est inanis apprehensio malitiæ, vel obligationis in opere, vel omissione conjunctum habens metum, & anxietatem in voluntate. Dicitur *Apprehensio inanis*; quia levi aut nullò fundamentò nittitur; estque aliquando de præteritis, aliquando de præsentibus & obviis, aliquando de futuris. Ut autem Confessarius rectè dirigat poenitentem tanquam scrupulosum, debet discernere, an verè scrupulosus sit; utque felicius eum curet, scire debet scrupulorum causas, & incommoda.

QUE.

## Q U Æ S T I O I.

*Ex quibus indiciis cognoscitur aliquis esse scrupulosus?*

**R** Esp. Ex fequentibus. 1mo. Si quis <sup>256.</sup> passim in rebus agendis dubitet, *Signa* bonæ sint, an malæ: vel id, quod *scrupulosi.* agit, peccatum esse, suspicatur sine ullo, aut & certè ex vano & futili fundamento. 2. Si quis frequenter mutet judicium ob leviculam quâmq; apparentiam, & modò licitum, modò illicitum judicat, quod factum aut faciendum est. 3. Si formet sibi multas erraticas reflexiones supra circumstantias minutiores actionum. 4. Si operetur cum cœca quadam perturbatione. 5. Si res aliqua fortè peracta sit perperam, aut cum levitiam peccato, mens magno tumultu involvatur, angatur cor, & præter meritum æstuet. 6. Si, ubi plures consuluit, majores etiam angores experiatur. 7. Si quæ cunctis patent, anxie examinet, & velut rem obstrusam proponat, & quidem sæpius, neque uni soli, sed pluribus. 8. Si ex ratiocinio, quod nemini sano incideret, de peccato commissio certi quid statuât, firmumque judicium ferat. 9. Si peccata esse existimet, quæ à viris optimis, sine criminis suspicione, agi promiscuè conspiciunt. 10. Si, dum consci-



518 *Neo-Confessarius practice instructus.*  
 entia examē instituit, majoribus tenebris mentem videt obscurari, 11. Si confessione sæpius peractâ, accrescant dubia, & aliud ex alio pullulet. Ex his signis Confessarius poenitentem, & hic se ipsum judicare poterit scrupulosum esse. Quod si Confessarius poenitenti dicat, ipsum scrupulis agitari; id tanquam indubitatum teneat. At difficilè est sæpe, id scrupuloso persuadere; fortè, ne aliis videatur insanire, aut minùs prudens. Sed hæc diaboli strophæ est, qui una cum scrupulis insignem solet mentibus turbatis arrogantiam ingerere; judicii que perviciaciam, ut sibi soli videantur sapere, postque plures consultos, nemini, nisi sibi credant; qui perniciosissimus est error, insignisque, & intolerabilis superbia, quâ fit, ut omnem medicinam respuant.

## Q U Æ S T I O II.

*Quæ sunt causæ scrupulorum?*

**R** Esp. Sunt potissimùm tres, nempe Deus, hominis complexio, dæmon.

257. Primò enim scrupuli, quandoque pro-  
 I *Sunt* veniunt à Deo, non quòd Deus immit-  
*quando-* tat falsas apprehensiones, sed quòd justis-  
*que à Deo* simis de causis luminis vigorem non lar-  
*subtrahen-* giatur, nempe ut homo per tolerantiam  
 scrup-

scrupulorum satisfaciat pro peccatiste *humen.*  
 præteritis, ut retrahatur à dissoluto vi-  
 vendi genere, & ad frugem reducatur;  
 ut ob peccata commissa anxius ea sæ-  
 pe detestetur, & à peccatis longius re-  
 cedat, assuescâtque vel eorum um-  
 bram perhorrescere: denique ut discat  
 magna cum fiducia ad Deum recurrere,  
 ejus auxilium pro evitandis peccatis im-  
 plorare.

2. Sæpe proveniunt ex hominis com-  
 plexione: certum enim est apud omnes *plexione*  
 Theologos, scrupulos sæpe nasci ex *hominis.*  
 corporis, cerebri, sanguinisque temperie, aut  
 inde iis occasionem subministrari: ac 1.  
 quidem humor melancholicus per-  
 quam aptus est scrupulis generandis &  
 fovendis: nam ut passim melancholici  
 sunt ingenio acuti, & genio suspicaces;  
 tenacisque rerum, quas apprehendunt;  
 ita proni sunt ad omnem mali suspicio-  
 nem, & minima etiam volunt perscru-  
 tari, aliisque ægrè acquiescunt, suis etiam  
 ratiocinationibus non fidunt, nec ab eis  
 facile recedunt: cum enim humor me-  
 lancholicus terreus sit planè & viscosus;  
 hinc fit, ut phantasmate, quæ in cerebri  
 ventriculo, quasi sigilla, huic humori im-  
 primuntur, illi inculpantur vivaciùs, &  
 tenaciùs inhæreant, atque etiam hinc  
 perturbata mens à phantasmate semel  
 concepto se non facile patitur amoveri.



Et hæc ratio est, cur melancholicus ferè uno tantùm alteròve scrupulorum genere divexetur, cùm enim phantasma ejus ob viscositatem humoris, cui impressum est, sit lentum & pertinax, idque ferè semper menti oberret, hanc non libet ad alia divertere: & hinc scrupuli ex melancholico humore orti sunt aliis longè deteriores, & tetriores, crescuntque & decrescunt pro diversis anni temporibus.

2. Scrupulorum origo quoque est phlegmatica, pituosa, & aquea sanguinistemperies in humano corpore: hæc enim cùm sit frigidior, timori & pusillanimitati est plerumque magis obnoxia, terreturque ad primam mali speciem: cùmque humore abundet, hic rerum species attollit, alterat, infringit, imò evertit; ut res longè aliter appareant, quàm verè sint: & hinc phlegmaticorum scrupuli varii sunt, & minùs pertinaces: iis obnoxie sunt sceminæ, crescunt in morbis; quia ægritudinis acrimoniâ moventur humores; idem fit tempore Vernò & Autumnali.

3. Causa interna scrupulorum est quandoque læsio aliqua cerebri, contracta per attentionem nimiam, & applicationem, vel studium, aut abstinentiam: sic affecti sæpe laborant uno scrupulorum genere v. g. circa mysteria fidei, vel justitiam, aut confessionem, vel correctionem fraternam, & ad cætera dijudicanda

canda sunt satis expediti. Si hi sano  
sunt cerebro, dicendum, quod, dum, ti-  
more concitante varia per phantasie  
cellulas, & cerebri ventriculos discurre-  
rent peccatorum simulacra, & phantaf-  
mata, unum fortuito casu validius in ce-  
rebri substantiam impegit, viscosoque  
humori melancholico inhæserit, & ibi-  
dem cæteris diffugientibus sedem fixerit,  
atque ad hoc vel ejus similia mens re-  
spiciat ac trepidet; & hinc, qui graviter  
passus est semel v.g. in materia restitu-  
tionis, in ea recurrente trepidet. 4. Ex  
hit complexionibus orta imbecillitas ju-  
dicii, occulta superbia, nimius peccandi  
timor, pusillanimitas animi nescientis  
timores contemnere inanes, causæ sunt  
proximiores scrupulorum.

3. Proveniunt scrupuli non raro à Dæ-  
dæmone, qui dexterè eos fabricare no-  
vit. Hic in hominis perniciem semper  
intentus solet observare conscientias, ut,  
si laxæ sint, eas magis laxet; si autem  
angustæ, eas magis constringat, ut in  
præceptis agat; non vexat autem scrupu-  
lis magnos peccatores; quia in his aut  
metus extinctus est ex abundante mali-  
tia; aut ei sufficit, quod eos in sua ini-  
quitate detineat, magisque in profundum  
agat; nec magnos Sanctos, quia in iis ti-  
mor à perfecta charitate devictus est;  
sed incipientes Deo se dare, præsertim



522 *Neo-Confessarius practice instructus.*  
conversos in viam rectam à magnis peccatis. His ut perturbet, involvat, & à profectu in spiritu impediat, circumspiciat omnia. Cùm totam corporis temperiem, quod ipsi facillè est, perspexerit, novit movere sanguinem, alterare humores, & varia, quæ in cerebri ventriculis latent, simulacra phantasiæ obijcere, species diversas combinare, & quasi consuere, imaginemque tetricam peccati seu commissi seu committendi falsam ad cerebri valvas vi detinet, ut sic ipsa tantùm menti obversetur, atque ita terret; dein illud phantasma quandoque effingit in figuram deteriorem, vel adjectis vaporibus, quibus phantasma foediùs infringatur, vel aliis additis sceleurum simulacris; quibus percellat animum, & in desperationem adigat. Versutia suâ maximè utitur, quando animus aliunde casu aliquo sinistro percussus est, aut corpus pejus habet, vel moerore tenetur animus, atque ita in turbido piscatur.

Dixi in responsione: Tres causæ sunt potissimæ; nam causa scrupulorum quoque esse potest Confessarii scrupulosi directio, conversatio cum scrupuloso, ejus scrupulos audiendo, & tanquam veritates recipiendo, &c.

QUÆ.

Q U Æ S T I O III.

*Unde cognoscitur, scrupulos esse à Deo,  
naturali complexione, vel  
Dæmone?*

**R**esp. I. A Deo esse, signa sunt sequentia. 1mum. Si inducant horrorem peccati sincerum, fugamque sollicitam, & morum mutationem. 2dum. Si sint à Deo, diu durare non solent, sed magnâ mentis malaciâ terminari: cum enim Deus non immittat scrupulos, nisi ut magis purgetur animus, horror peccati concipiatur, animus inflammetur amore virtutis, & satisfaciendi pro peccatis commissis, ad se fiducialiter recurratur; his obtentis Deus solatur animam, & scrupulos discutit, ne homo succumbat, nisi tamen stet per hominem; si enim hic per orationem ad Deum non recurrat, suo nitens cerebro, obedire directori suo detrectet, fieri potest, ut contrahat habitum, fiatque difficulter curabilis. 3tium. Si proveniat ex horrore peccati, probabile indicium est esse à Deo: hic enim horror ex radice bona est; etsi ex corde timore constricto vitium trahere potest.

258.

*Signa, an  
sint à  
Deo?*

Contra. Si teneant diu, & nusquam finem habeant de repetendis confessionibus; manifestum signum est, jam non esse à Deo: an autem tunc à natura, an à

dæ-



524 *Neo-Confessarius practicè instructus.*  
dæmone ducant originem. ad rem non  
facit, dummodo constet à Deo non esse;  
à quacunque enim alia causa profluant,  
æquale damnum inferunt animæ & cor-  
pori. Certum est, quodd dæmon, sine hu-  
morum intemperie per scrupulos nihil a-  
gat in animam, nec quidquam turbetur  
in cerebro humano per atram bilem, alió-  
que exorbitantes humores, quin illico,  
spe rem suam bene agendi, adsit im-  
pator pessimus; similiter indicium est scru-  
pulos à Deo non esse, si quis suspiret ad  
Dei obsequium perfectum, peccata caveat  
omnia, & tamen circa nugas angatur: i-  
tem si inter se pugnent & collidantur.

259.  
*An a na-  
tura?*

Resp. II. Si nulla præcedente causa  
cor angatur, cerebrum vaporibus obdu-  
catur, horrore subito membra coripian-  
tur, atque inde mens agitur scrupulis;  
non ex vano dices ex natura illos initi-  
um ducere: atque hoc longè certius est,  
si undique & in omni actione scrupulis  
angaris, v. gr. sive comedas, sive abstineas,  
sive loquaris, sive taceas, sive domi ma-  
neas, sive egrediaris &c. Item si quis  
constanter quidem agat, sed cum pertur-  
batione & timore; si sit genii tetrici, ca-  
villatoril, & heteroclitici.

260.  
*An à dæ-  
mone?*

Resp. III. Quodd scrupuli sint à dæmo-  
ne, indicia sunt hæc. 1. *mutu.* Si quis  
se sentiat iis ad teporem adduci, & sen-  
sim de mentis constantia dejici; avocari  
nimia

nimia fatigatione à virtutis studio; Et præcipuè, si sentiat se inclinari in desperationem de salute. Notavit hoc S. Ignatius in libello Exercitiorum Regula 5. de discretionem spirituum sic scribens: *Si autem per discursum mentis aliquid offertur, vel sequitur, quod ex se malum sit, vel avocet à bono, vel ad minus bonum impellat, quàm anima prius querendo sequi decreverat, vel animi ipsam defatiget, angat & perturbet, sublata, quæ prius aderat, quiete, pace, & tranquillitate, evidens tunc erit indicium, authorem esse cogitationum ejusmodi spiritum malignum, utpote utilitati nostræ semper adversantem.* 2dum. Si in sanctissimis actionibus intercurrent, præsertim si iis aliàs non soleat homo admodum perturbari. 3tium. Si sint circa unam tantum, alterámve peccati speciem, neque alia tantopere, exhorrescas: Deus enim omnia prorsus scelera adversatur. 4tum. Evidentius erit indicium, si ad cætera projectus sis, & parvi pendas, quòd Deus dissolutis tuis moribus offendatur, & interim in minoribus mirum angaris.

## Q U Æ S T I O IV.

*Quæ damna sint scrupulorum.*

**R**Esp. I. Si sunt à Deo, nec vitio hominis nimis diu durent, sunt admodum utiles, nam purgant animum, à Deo perhor-

261.

*Scrupulū**à Deo per-**hor-*



*missi sunt  
utiles.*

*Ex natu-  
rali com-  
plexione  
perniciosi.*

horrorem peccati ingerunt, & ad virtutis studium impellunt.

2. Si à naturali complexione oriantur, sunt admodum perniciosi, maxime si sinantur invalescere. i. Quia nocent animæ, nam spem, fortitudinem, obedientiam, orationem debilitant, aut planè evertunt; spem quidem, quia, cum natura timere semper refugiat, fiet, ut aut ad laxitatem declinet, aut confidentiam erga Deum vel amittat, vel multum infirmet, quomodo enim Deo fidat debite, qui illum ut severissimum exactorem semper intuetur? Fiducia nihilominus clavis est ad cœlestes thesauros; hos, quomodo obtinebit, qui clavem abiecit? Fortitudinem autem infringunt: quid enim magni audeat, qui exiguæ est erga Deum fiducia, qui ab imaginario hoste occupatur, & sternitur neglectâ de passionibus suis victoriâ, similis Heliogabalo, qui, dum hostes provincias diripiebant, curabat Romæ telas aranearum colligi, & ponderari. Deinde debilitant, aut eliminant obedientiam, dum faciunt, ut scrupulosus suis nugis obtemperet, simulque inducunt, ut agat contra voluntatem Dei, quæ illi per patrem spiritualement, vel directorem indicatur. Denique orationem evertunt, aut saltem debilitant, quia vim mentis enervant, ad nugas distrahunt, inquietant, animum ineptum

red-

reddunt ad conjunctionem cum Deo &c.

2. Ineptum reddunt ad fructuosè agendum cum, & pro proximo: sunt enim ejusmodi plerumque tetrici, morosi, domesticis graves. 3. Nocent corpori: per continuos enim angores cor constringunt, sanguinem corrumpunt, spiritus vitales consumunt, & caput debilitant. Hi scrupuli, nisi in principio obsistatur, difficilis sunt curationis; quia radix eorum circumfertur ubique; facilius tamen ab his curantur, qui intellectum habent, ut rationabili discursu possint informari, quàm qui meris ducuntur apprehensionibus.

2. Scrupuli, qui à Dæmone ortum habent, *A dæmo-* pessimi sunt, quia directè in ruinam *pessimi* fabricantur inferuntque damna jam relata, faciuntque tandem, nisi occurratur, ut iis vexatus in desperationem agatur, & cupiditatibus suis fræna laxet; id quod Dæmon intendit, sunt tamen hi curatu faciliores, nisi Dæmoni in subsidium veniat melancholica, aut phlegmatica complexio corporis, aut habitus jam sit validus contractus, aliàve causa v. g. superbia, pertinacia, vel judicii debilitas curationem efficiant difficiliorem.

Facit nihilominus Deus pro benignitate sua, ut hi, & à naturali complexione orti scrupuli cedant in utilitatem hominis, eos consolando & confortando, ut  
patien-



528 *Neo-Confessarius practice instructus.*  
patienter illam afflictionem ferant; stant  
cautiores & solliciti; ut ad Deum omnia  
referant; ut se humilient; & videntes su-  
am infirmitatem, aliorum iudicium ex-  
quirant; aptentur ad alios aliquando ju-  
vandos; quia vix scrupulosum diriget re-  
ctè, qui scrupulos expertus non est. Imò  
Deus hac afflictione aliquos facit sibi  
Martyres, solèntque in vita scrupu-  
lis cruciati in mortis articulo maximis  
abundare consolationibus, etiam ex eo,  
quòd semper conati sint conscientiam  
servare mundam, Deumque non offen-  
dere.

#### Q U Æ S T I O . V.

*Quomodo agendum Confessario cum  
scrupuloso?*

262.  
I. *Confessarius ex-  
pendat, an sit pœni-  
tens scrupulosus.*  
**R** Esp. Antequam pœnitentem tra-  
ctet tanquam scrupulosum. 1. Ma-  
gnâ circumspèctione dispiciat, an  
verè sit scrupulosus; sæpe enim apparent  
scrupulosi, qui non sunt. Econtra ali-  
qui sunt scrupulosi, qui tales non appa-  
rent. Sunt, qui circa multa sunt anxii,  
sed non sine iusta & rationabili causa,  
v. gr. circa restitutionem, quia laxè pro-  
cesserunt; circa confessiones vitæ præ-  
teritæ, quia non accesserunt cum præ-  
paratione debita, & hi non ideo censen-  
di sunt scrupulosi, uti nec, qui solliciti sunt,  
imò & moderatè anxii, ne Deum vel le-  
vissimè

vissimè offendant, utque peccata sua apud Sacerdotem quamprimum deponant; hæc enim est cura prudens. Alii, quia diu vixerunt in magnis peccatis, per aliquot menses adhuc anguntur, voluntque magis magisque peccata sua confiteri, & expiare, potest & hæc esse cura prudens, ut majorem concipiant horrorem peccati, & consuetudinem vincant, securiores sint de integritate confessionis, quæ ab ejusmodi sæpe fit negligenter. Alii adhuc consentiunt in gravia, postea anguntur, sollicitè se examinant, anxie confitentur, se ipsos aliquo modo turbant, nec ideo statim censendi sunt scrupulosi; quia justa adest causa anxietatis, quæ est à gratia movente conscientiam. Unde ex signis supra datis colligendum est, an aliquis sit scrupulosus; quæ cum non statim semper appareant, non potest quis, dum prima vice, aut secunda Confessario se sistit, illico judicari scrupulosus. Cæterum contingit, ut aliquis sit scrupulosus in una materia, & non in altera, ut supra memini. Scrupulosus tamen dici non debet, qui in uno tantum casu transeunter scrupulo angitur; quia scrupulositas frequentiam importat. Unde talis in suis actionibus, scrupulosorum privilegiis uti non poterit: An autem, qui meticulosæ conscientiae est, sit scrupulosus, ipse plerumque judicare non

*R. P. Reuter Neo-Conf.*      *Ll po*



530 *Neo-Confessarius practicè instructus.*  
potest; quia anxietates impediunt, quo minus rectè judicare possit, præsertim in rebus propriis, in quibus homo maximè cæcutit. Quare judicium relinquendum viro prudenti, in tractandis conscientiis versato, cui credere debet poenitens, ubi conscientiam suam sincerè aperuit. Si quis tamen, dum angitur, se ipsum interrogans, quæ sit causa suæ anxietatis, nullam inveniat, aut quodd aliàs prudenter judicavit non esse peccatum, jam reputet tale, vel operando formidet esse tale, signum est, esse scrupulum, nisi jam occurrant rationes, quæ prius judicium elidant.

*Quid, si advertat esse scrupulosum?*

2. Ubi poenitentem esse scrupulosum cognoverit, interroget eum; credisne & confidis, quod juvare te possim? Si affirmet; interroget, an sibi velit constanter confiteri, promittâtque, quodd velit in omnibus obedire, seposito etiam proprio judicio, & sincerè omnia aperire? Si renuat, ipsum non admittat, sed remittat, ut exquirat sibi Confessarium, quem sequatur in omnibus, dicâtque, eum aliàs perpetuò vexandum. Si annuat, ostendat se benignum, consoletur, & animet.

*Cognoscat causam scrupulorum.*

3. Cognoscere conetur causam scrupulorum ut eum amoveat instar medici qui prius morbum, ejusque causam explorat, quàm medicamenta adhibeat.

*Quomodo*

4. Ne afflictum magis affligat, plerum-

rumque sit benignus; opus tamen quandoque est severitate, præsertim, ubi iudicii apparet pertinacia, aut urget contra Confessarii consilium confessionis repetitionem. Quocunque prætextu, et si juratus assereret, hanc fore ultimam, non sinat se flecti etiam lachrymis; hæc severitas summa est clementia, temperata tamen sit suavitate. Vide *Vasq. Molinam*, & alios.

dein cum  
eo agen-  
dum?

5. Respondeat scrupuloso sine hæsitatione; nec multum distingvat; sed simpliciter enuntiet, quid faciendum sit, semper propendens in partem benigniorem, ejusque dubitationes in meliorem partem interpretans. Responsi autem sui nullam det rationem, quia poenitens scrupulos sic putabit minus contemnendos, rationes examinabit, reddetque dubias inanes opponendo, hocque conflictu invalescent scrupuli; aut novi orientur.

6. Non ostendat Confessarius, scrupulos referenti se sollicitè attendere, quasi sint res alicujus momenti, non petat circumstantias, non exaggeret, nec clarius sibi exponi petat, sed sinat scrupulosum se explicare prima vice, ne animum despondeat; non tangat, quæ scrupulosus non tangit; unum enim si tangat, movebuntur & alia, ut in aggerie lapillorum uno ruente ruunt & alii. Si sæpius ad eandem rem interrogandam redeat, eum



532 *Neo-Confessarius practice instructus:*  
non audiat; sed satis actum esse seridē  
dicat; quia frequentes interrogationes, &  
recurso sunt velut frictio scabiei, quæ  
placet quidem, attamen nocet.

7. Quandoque suaviter irrideat, dum  
proponit dubia non fundata, jubeatque  
cogitare, quid velles respondere, ab alio  
ejusmodi interrogatus, dicatque, ut idi-  
psum faciat. Præter hæc Confessarius  
suggerat ipsi de mediis jam referendis,  
quæ huic penitenti videbuntur magis  
necessaria, aut utilia, præsertim, ut nun-  
quam cedat scrupulo, sed directè contra  
operetur.

## Q U Æ S T I O VI.

*Quæ media generatim præscribenda scrupuloso?*

263.  
*Oratio  
humilis.*

**R** Esp. Sequentia. Primum. Magnâ  
humilitate, fiduciâ, & resignatione  
in voluntatem Dei, perat à Deo lumen,  
se dirigendi prudenter, & vivendi  
ex lege ejus contemptis illis noxiis an-  
xietatibus, hoc si faciat constanter, pa-  
cato tamen & resignato animo, aderit  
Deus, qui non amat habitare in animo  
perturbato: *Non enim in commotione Do-*  
*minus.* 3. Reg. 19.

*Obedien-* 2dum. Maneat apud eundem con-  
*tia exacta* stanter Confessarium, quem putat do-  
ctum

Etum & probum, ita ut possit, & velit eide[m] Con-  
bene dirigere secundum beneplacitum fessario  
Dei & salutem ipsius. Hunc sequatur exhibenda  
in omnibus abnegato suo iudicio, instar  
infantis, qui nescit, quid sibi expediat.  
Hoc ut à se obtineat ( horrent namque  
scrupulosi cæcam illam obedientiam, si-  
cut morfi à cane rabido aquam fluvialem,  
etsi sit remedium præsentissimum. ) 1.  
Tanquam certum teneat, nunquam se  
anxietatibus suis, impedimentisque in  
via virtutis liberandum, nisi per obedi-  
entiam quam Deus gravissimam habet;  
quia per eam homo suum intellectum,  
& voluntatem Deo immolat contra in-  
clinationem naturæ vitiatæ. 2. Tan-  
quam indubitatum apud omnes viros  
spirituales habeat, perfectionem nostram  
sitam esse in exequenda Dei voluntate;  
hanc autem securiore via non agnosci,  
quàm per Dei ministros, & superiores,  
adeoque securè se procedere obediendo in  
omnibus, ubi manifestum non apparet  
peccatum, subque hoc præsidio pericu-  
la cessare esse pericula, & sine hoc ni-  
hil prodesse cætera; quia recedit à vo-  
luntate Dei, ipsaque sacrificia ejus sunt  
sacrilegia; nam inquit Salvator noster:  
*Qui vos spernit, me spernit.* Lucæ 12.  
*Quasi peccatum ariolandi est repugnare, &  
quasi scelus idololatriæ nolle acquiescere.* 1.  
Reg. 15. 3. Si Dæmon, aut inordinatus

timor



timor oggerat periculum esse pereundi sic cæcè sequendo alienum arbitrium; reponat: quis periit ductum sequendo obedientiæ, quæ recta est ad coelum via? Sancti securiorem non agnoverunt, S. Theresia, etsi certò sciret se à Christo ipso in quibusdam esse edoctam, nihil tamen voluit exequi sine sui Confessarii consilio. Ecce phanaticum errorem! Sancti credendum censuerunt voci Patris spiritualis, & ego plus credam proprio iudiciò, quàm Sanctorum placitis? arundini fractæ, opinioni propriæ innitar potius, quàm infallibili veritati Christo, de suis Vicariis dicenti: *Qui vos audit, me audit; qui vos spernit, me spernit?* Ex his securè sic resolvēt scrupulosus: quamvis ego iudicem hoc esse peccatum; tamen quia meum iudicium fallibile est, & Confessarius mihi dicit, hoc mihi licere, possum & volo facere, quod mihi dicit faciendum esse, certusque sum, me bene facere: quia Deus vult, ut ipsi obsequar. Sic enim corrigit suum iudicium, quod si non acquiescens de uno eat ad alium, non tantum perdet meritum obedientiæ, ostendètque, se proprio stare iudicio; sed magis se implicabit, quia alii ejus conscientiam nec scire statim possunt, nec eum tractare ut scrupulosum, sicque inihunt diversas respondendi vias: unde magis involvetur. Maneat itaque

apud

apud unum eundemque, eum divinæ  
misericordiæ & providentiæ confidens  
sequatur, sciâtque certò, sibi non impu-  
tandum esse, etsi contingeret eum ali-  
quando errare; quod nunquam præsu-  
mat.

3tium. Persuadeat sibi, ut ex jam di-*Conside-*  
ctis faciliè poterit, si sapit, tanquam ve-*rare dam-*  
rissimum, quòd scrupuli ad sanctitatem *na spiritu-*  
per se non ducant; sed à vera pietate & *alia.*  
virtute multum abducant, aut retardent  
animam. Nulla enim virtus insipiens est,  
nulla inanibus nititur phantasmatis, &  
ridiculis fundamentis. His autem vitam  
suam superstruit scrupulosus. Neminem  
prudentem habet imitatore, sed ab om-  
nibus, qui nòrunt ejus phantasmata,  
ridetur aut ut stultus, aut ut à stultitia  
non procul distans. Fideles, hilares, pru-  
dentes sèrvos diligit habere Deus. *Viam*  
*mandatorum tuorum cucurri, cum dilatâsti*  
*cor meum.* Ad id inepta est anima metu  
constricta.

4tum. Discat ex signis supra relatis, *Confessa-*  
aut si hæc ei non sufficiant, ex ore suirio *crede-*  
Directoris, firmiterque sibi persuadeat, *re se scri-*  
se scrupulosum, & nugi vendulum esse. *pulosum*  
Persuadere quidem nititur Satan, aut in-*esse, & nu-*  
genita superbia, scrupulos non esse, sed *gi vendu-*  
rationes solidissimas, quæ se offerunt; *lum.*  
esse inspirationes sanctas; at nugæ sunt  
& illusiones. Putat se divinis illustrari



536 *Neo-Confessarius practice instructus.*  
visionibus, sed ignes fatui sunt & inania  
phantasiæ aberrantis simulacra; adeat  
medicum, ei credat, & acquiescat; si re-  
nuit, signum evidens est læsum illi esse ce-  
rebrum, quod in iudicii pervicaciam indu-  
rescit, & tum demum supervacanea o-  
mnis erit medicina. Scrupulosus, qui  
sibi persuadet, scrupulosum se non esse,  
incurabilis est.

*Adhibere  
medicinas  
corporales.*

5tum. Adhibeat medicinas naturales,  
quibus tenaciores humores dissolvantur,  
sanguis reficiatur, purgetur cerebrum;  
quæ autem medicinæ sint adhibendæ,  
audiendi sunt medici. Illud, ut jam su-  
pra memini, experientiâ constat, scrupu-  
losos pro varia animi tempestate, lunæ,  
mensiumque varietate sanguinis affluxu,  
aut detentione validius impeti. Frustra  
laborat Confessarius, nisi corpus fuerit  
ante curatum. Scrupulosus moderatè  
vivat, nec subtrahat vires corpori per  
longa, crebrâque jejunia, aliâsve afflictio-  
nes; evacuatur enim nimîa defatigatio-  
ne vivacior sanguis, vacuus nimîum sto-  
machus exhaurit cerebrum, sensus red-  
dit torpidos, mentem turbidam, phanta-  
siam sibi malè cohærentem.

*Nonagen-  
dum cum  
scrupulo-  
sis. Con-  
tinuere*

6tum. Non agat cum scrupulosis, eo-  
rum consilia non audiat, nisi fortè me-  
dica, quæ probata nôrunt experientiâ,  
contra scrupulos afferant.

7tum. Dum vellicat scrupulus, caveat  
ne

ne illi obsequatur; sed illum contemnat, <sup>scrupulos,</sup>  
& directè contra eum operetur, v. g. an-<sup>es</sup> agere  
giture, ne aspiciendo homines. aut ima-<sup>contra eos.</sup>  
gines Sanctorum, Bmæ Virginis, Christi  
Crucifixi peccet, ed quòd expertus sit,  
ex ejusmodi aspectu subortas sibi esse co-  
gitationes turpes, jamque timet, ne sit  
illarum causa; de industria ista, ut dictum  
supra n. 244. aspiciat homines quidem,  
quasi transeunter, & more piis & pruden-  
tibus consueto; imagines autem etiam  
fixe, certusque sit, quæcunque cogitatio  
occurrat, se non peccare, quam diu con-  
sensus in illam deest. Hoc medium, o-  
mnino necessarium & optimum est: si e-  
nim cedat, acquireret habitum postea dif-  
ficulter curabilem, sique sibi velit satis-  
facere in uno, angetur circa alterum, ut  
experientia docet, & non erit scrupulorum  
finis, imò cedendo peccat, quia suum  
judicium præponit judicio Confessarii,  
Theologorum & Ascetarum; ineptum se  
reddit paulatim ad suum officium debitè  
obeundum, ad orationem, Deique obse-  
quium, quem tandem apprehendit, ut  
Tyrannum, qui delectetur interitu ho-  
minis; è contra se contemnat, & opere-  
tur contra, fugiet Diabolus, qui sui con-  
temptum ferre non potest; acquireret ani-  
mos, & habitum rectè operandi; oborie-  
tur menti lumen, quo agnoscat nugas es-  
se, quibus angitur. Proinde de scrupu-



lis secum non multum agat, non disputet, non deliberet, non inquirat, an bene, an verò malè fundata sint, quæ animo obijciuntur; an judicia, an ludicræ rerum species, quæ formantur, an apprehensiones, an inchoata judicia, an rationes occurrentes sint certæ, an saltem probabiles, sed abrumpat penitus ejusmodi cogitationes, & contemnat, quasi sit jam imbellis hostis, ut conatum contra se non mereatur. *Resistite Diabolo, & fugiet à vobis, Jacobi C. 4.* Huic ne ulla in re obsequatur, & molestiam sibi ab illo fieri non ostendat, frontem non contrahat, oculos non occludat, nec detorqueat; caput non agitet, non ore, non nutibus consensum deneget; sed solâ mente agat omnia, animum obfirmans sic, ut nihil Dæmon eorum, quæ intus aguntur, præsentiscat; rationibus, quibus Dæmon scrupulorum conatur fulcire justitiam, non respondeat; multò minùs de iis disputet, sed planè negligat, & contra operetur, si scrupulus ad aliquid agendum vel omittendum impellat. Solet Dæmon suadere scrupulosis solitudinem, ut secum multum agant, multa cogitent, multa expendant, huic si obsequantur, undique irruunt rationes falsæ de præteritis, præsentibus, futuris: hanc Diaboli stropham, ut elidant, vitent otium & solitudinem, non tacita secum de scrupulis

pulis trahant colloquia, præsertim nocturna: longè enim faciliùs ista ipsos perdent, quàm aliena: sic enim excrescent phantasmata, quæ metus concitabunt, quos ne vanos credant, rationes undique aggerentur, fiétque, ut nemini faciliùs credant, quàm sibi.

Si replicet Scrupulosus: libenter con-*Rectum*  
temnerem scrupulos, & agerem contra,*conscien-*  
at non videor mihi formare posse consci-*tia dicta-*  
entiam certam, imò apparet mihi tan-*men quo-*  
quam certum quandoque, quod peccem.*modo for-*  
Respondeatur ad unum; In rectè for-*mandum?*  
manda conscientia nullà est aut difficul-  
tas, aut periculum; tantummodo cogita;  
ut contempnam, est Dei voluntas; hanc  
indicant mihi Theologi, viri sapientissimi,  
Ascetæ spiritu Dei pleni, meus Confessa-  
rius, qui vices gerit Dei, sequendo autem  
voluntatem Dei peccare non possum; sique  
contingeret me errare materialiter, im-  
putari mihi non potest: quos enim se-  
quar, nisi quos directores mihi dedit De-  
us? Præterea obsequendo scrupulis no-  
ceo corpori & animæ, reddo me ineptum  
ad Dei obsequium, & proximo gravem;  
vivam in perpetua tortura, vitam cogar  
ducere nimis difficilem; ad hæc Deus me  
non obligat; quod enim nimiam affert  
difficultatem, est moraliter impossibile,  
unde nec ad id Deus obligat, saltem ubi  
evidens non est esse peccatum: hic au-  
tem



540 *Neo-Confessarius practice instructus.*  
tem non est evidens. Potest etiam conscientia hōc modō formari, non scio existere legem hoc faciendi, si scirem esse, obsequer; nunc autem non obsequar, quia certus non sum de ejusmodi lege. Denique hōc modō: quod video prudentes, & probos facere, aut tanquam nugas contemnere, hoc possim & ego; video prudentes, & probos homines hoc facere, aut tanquam nugas contemnere, ergo &c. in dubiis enim vita & communis sensus hominum proborum & prudentum bona est vivendi regula.

Atque hac ratione etiam scrupulosus rudis rectē formare potest conscientiam sine recurſu ad doctum: vel Confessarium: Deus enim cuique dedit rationem, ex qua sibi formet dictamina agendi; nec obligat ad toties recurrendum cum tanta molestia, & perturbatione: unde si bona fide procedens forē erret, ipsi non imputabitur ad culpam.

Resp. ad 2dum: Reflektat Scrupulosus ille ad sequentia: 1mum. An non verum sit, id, quod sæpe certum putabat, compertum esse postea, quod fuerit vanum simulacrum? 2dum. An verum non sit, quod agi se variis erroribus, & inanibus apprehensionibus audiverit à suo Confessario, aliisque prudentibus? 3tū. Annon alii prudentes talia agant, & quæ in contrarium, occurrunt, contemnant

tan-

tanquam vara? 4<sup>to</sup>. Quid responderet alteri interroganti, an hoc agere, vel omittere sit peccatum? Fateatur humiliter coram Deo, se ineptum esse ad judicandum de plerisque moralibus, sique Confessarius dicat, illas certitudines esse phantasmata & illusiones, animosè contemnat. Quod & faciat necdum audito Confessario, si sua certitudo sit contra sensum prudentum, vel deprehendat, se errasse ante similibus quasi judiciis, aut putet, quòd interrogatus ab altero, non posset ipsum ad id, de quo scrupulus est, obligare.

Quod si dubitet, an, quod occurrit, sit *Si dubitet,*  
ratio prudens, sine examine contemnat: *an ad sit*  
cùm enim dubia ejus plerumque sint *i-ratio pru-*  
nantia; prudenter præsūmit & nunc esse; *dens*  
quia ex communiter contingentibus prudens est præsumptio; sique in ejusmodi circumstantia cedat, acquireret habitum dubitandi in plerisque, & intricabitur, cujus non tenetur se exponere periculo ad vitandum peccatum hìc & nunc fortè materiale. Hinc si apprehendat, obligari se ad aliquid statim faciendum v. gr. ad corrigendum proximum, si non sit certus se teneri, bene facit contemnendo. Fitque per judicium reflexum probabilius ipsi, quod non teneatur, ex quo connaturaliter oritur conscientia certa, quod non peccet.

8<sup>ym</sup>. Si, ubi statuit agere contra scrupulum *Si pergat*  
pulum



*anxietas*, pulum v. gr. quo urgetur ad repetendum  
*se firmet* aliquid ex horis, aut peccatum ex prae-  
*patientia*, teritis adhuc confitendum scrupulus  
*Et fiducia* adhuc vellicet, & angat, suscipiat  
*in Deum.* hanc anxietatem de manu Dei, & patienter  
ferat in satisfactionem pro peccatis  
suis, offerat se Deo ad exequendum in  
omnibus ejus voluntatem, ubi eam agno-  
verit, & aliis mentem applicet. Si cor ad-  
huc angitur, cogitet, si huic anxietati ce-  
dam, orietur alia, & finis non erit; hanc  
ergo feram, quamdiu Deo placuerit. Si  
à Dæmone, aut aliunde suggeratur, quid  
si in hoc statu contingeret te mori? vel-  
lesne sic mori? Perfunctoriè hoc tractet,  
& dicat: confido in Domino, ejus volun-  
tatem mihi per sapientes indicaram se-  
quor, ipsi erit de me cura, si aliàs mihi  
indicaverit obligationem, obsequar; ad  
salutem non est necesse, me omnia con-  
fessum esse, sed sufficit, me moralem di-  
ligentiam, ut in aliis magni momenti ne-  
gotiis solet, impendisse; reliqua peccata  
simul remissa sunt, & in Confessione com-  
prehensa censentur, sicque praecepto sa-  
tisfactum, ut certum est, docetque Con-  
cil. Trid. donec mihi constet aliquod mor-  
tale me ritè confessum non esse. Si in-  
stet scrupulus: in agone circa hoc anxia-  
beris: reponat; confido in Domino cujus  
voluntatem nunc exequor, ipse mecum  
erit, & me tribulari non permittet ultra,  
quod

quod possum, qui dixit per Psalmistam:  
*Cum ipso sum in tribulatione, eripiam eum,  
 & glorificabo eum.* Pater est, non Ty-  
 rannus, salutem meam desiderat, & cu-  
 rat, non interitum & damnationem: ubi  
 mens serena erit, si quid faciendum mi-  
 hi ultra scivero, faciam, modo non scio,  
 nec facere mihi expedit, nec licet. Et  
 his acquiescat, nec scrupulo cedat.

9num. Assuescat repræsentare sibi *Utile est*  
 Deum, ut Patrem benignissimum, scien- *proponere*  
 tem infirmitatem nostram, ipse cogno- *sibi fre-*  
 vit signum nostrum, & scit quia caro *quenter*  
 sumus: recurrat ad Salvatorem Jesum *Dei boni-*  
 summa cum fiducia, qui non volet pre- *tatem.*  
 tium sanguinis sui nobis frustra impen-  
 sum. Hujus in nos charitatem immen-  
 sam frequenter meditetur, de ea legat,  
 & loquatur.

10num. Magna cum sinceritate, fidu- *Habere se*  
 cia, & reverentia agat cum Confessario *erga Con-*  
 suo, velut vices Dei gerente, ejus dicta *fessarium*  
 accipiat, jussis obtemperet, & securè pro- *velut vi-*  
 cedet; quia cum alius ab infania, & mil- *carium*  
 le periculis se tuendi modus non suppe- *Dei.*  
 tat, plus ab homine Deus non potest exi-  
 gere. At fortassis sibi videbitur doctior  
 ipso Confessario? Esto ita sit speculati-  
 vè; practicè tamen longè est illo inferior  
 in hoc negotio, ob cerebri intemperiem,  
 metus superfluos, animi angorem. Ce-  
 dat proin, si sapit, quamvis sibi videatur  
 sapiens



544. *Neo-Confessarius practicè instructus.*  
sapiens, hac ratione mentis pervicacia  
expugnabitur, superbia retundetur, & in-  
gentes à Deo gratias merebitur. Utautem hoc tanti momenti remedio debite  
utatur, imo petat simpliciter à Confes-  
sario determinationem rei agendæ, vel  
omittendæ; rationes verò, cur ita statu-  
at, minimè exposcat; aliàs suum, quod  
minimè expedit, non Confessarii seque-  
tur iudicium. 2. Ubi Confessarius semel  
respondit, caveat ne ejusdem rei gratiâ ali-  
um consulat, aut in libro rationem, aut  
resolutionem inquirat. Facile enim in-  
volvetur magis, Confessarii auctoritatem  
minoris faciet; eidem non fidet, & idem  
erit de aliis. Si plures volet consulere,  
id arrogantiae & pervicaciae signum est;  
quam ut Deus puniat ac retundat, ma-  
gis eum cruciari permittet. 3. Non mul-  
tum agat etiam cum Confessario de scrupulis,  
quia sic hi figuntur tenacius. 4.  
Si semel à Confessario resolutionem ha-  
beat, v. gr. non repetendam esse Confes-  
sionem, non obligari ad jejunium, si adsit  
occafio executionis, non adeat iterum  
Confessarium; sed contra scrupulum agat,  
nunquam scrupulos superabit, nisi discat  
suis solis viribus eos oppugnare. Nec  
dicat, aliquid fortè se oblitum esse, ali-  
qua Confessarium fortassis non intellexisse,  
circumstantias forsan esse mutatas.  
Scrupulorum hic prætextus est, & vela-  
men-

menta ludicra. Egit, quod putavit; agat modò, quod agendum est, & certò sibi persuadeat, quòd non peccet; quia Deus plus ab ipso non exigit, ne perpetuò hærendi contrahat habitum. Poterit postea Confessario exponere reliqua. **Primum.** Prudenti, & vigili curâ vitet venialia; sed sine perturbatione; curam gerat salutis suæ, sed non nimis sollicitè aut perturbatè; prudens cura laudanda, immoderata in vitium abit, mentem implicat, vires enervat, tædium ingerit, languidum reddit, & tandem fatigatum nimis à coeptis avocat, & in desperationem agit. Deus nihil exigit prudentiæ contrarium, jugum ejus suave est, & onus leve; viam ejus currunt, quibus cor dilatatur. Viator nimium sollicitus de via, faciliùs aberrat; nimis sollicitus in via salutis, in aliis impingit sæpiùs, quàm is, cui cura prudens est.

## Q U Æ S T I O VII.

*Quomodo dirigendus, qui scrupulosè semper timet, ne cum dubio operetur?*

**R** Esp. Hic scrupulus multis molestus est; quia certum est, peccare *Aliæ re-* mortaliter, qui cum dubio *practi-* gula *pro* co de gravi malitia operatur. Sunt autem *scrupulo-* tem scrupulosi; qui ad omnia ferè hæsis.

*R. P. Reuter Neo-Confess. Mm* rent,



rent, attamen sæpe operantur, & postea nesciunt, an cum dubio processerint; an verò se debitè resolverint. Pro talibus ferviunt, quæ dixi quæstione præcedente, quomodo formanda sit conscientia, & facilitè possit. Quibus adde sequentia.

*1ma.* 1<sup>um</sup>. Si primo statim intuitu & sine formidine non appareat esse peccatum; prudenter se resolvat, id, quod aggreditur scrupulosus, non esse peccatum, nec opus postea examinare rationes in utramque partem; sed certò teneat licere, hoc ipso, quod primo intuitu non appareat certò, & tanquam indubitanter illicitum. Ita *Castrop. Laym. Stotz, Sanch. Bonac. & alii.* Ex quo jam nascitur dictamen hoc conscientiaæ certum. Viri docti, & sapientes tenent, sic procedendo me licitè operari; ergo sine peccato procedo. Hòcque majori cum solatio fiet, si ab alio suæ conditionis hominè interrogatus respondere deberet, esse licitum, aut sciat in talibus alios homines prudentes procedere sine formidine peccati.

*2da.* 2<sup>dum</sup>. Si talis postea inveniat se iudicio suo aliquando aberrâsse, licitum iudicando; quod re ipsa illicitum erat, pergat nihilominus uti dictò principiò; quia experienciâ didicit, timores suos esse plerumque vanos, éstque nimis difficile; imò

mò moraliter impossibile examinare omnes, adeoque nec Deus ad id obligat, Unde prudenter contemnet omnia, pergetque bona fide; erit autem per accidens, si quandoque materialiter erret. Neque obstat, quod fortè videatur sibi non posse contra timorem illum formare dictamen conscientiae practicum de licentia actionis; quia timor ille non est conscientia dubia, sed trepidatio quaedam cum apprehensione mali, cum qua stat iudicium virtuale de licentia actionis; etsi ipsum ille non advertat ob impetum timoris, qui intellectum perturbat; sicut cum iudicio ultimo practico fundato in opinione verè practice probabili, stare potest formido de malitia materiali actionis; ita stat hic cum timore illo, qui non est in ipso iudicio practico, sed illud comitatur, vel antecedit. Si cui hoc non sit ad plenum solatium, formet conscientiam, ut jam dixi, reflectendo super doctrinam prudentum, & agendi consuetudinem timoratorum.

3tia. Si scrupulosus certò putet, se3tia. processisse cum dubio, non ideo iudicet, se certò peccasse, quia dubium potuit tantum fuisse speculativum, & certitudines ejus saepe sunt phantasmata: quare ad summum erit dubium, an peccaverit, cum autem scrupulosus dubia non teneatur confiteri ob gravia mala, quae



548. *Neo-Confessarius practicè instructus.*  
sequuntur, si obtemperet suis anxietati-  
bus, uti docent passim Theologi; con-  
sultius est, ut illius mentionem non faci-  
at in Confessione, nec se desuper exami-  
net, an peccaverit, nec ne; sed doleat  
in genere, quòd Deum unquam offende-  
rit, seque resolvat, quod nunc aut non  
peccaverit, aut saltem non teneatur con-  
fiteri; paratus id confiteri, ubi timores  
suos superaverit, & obligationem con-  
fitendi agnoverit.

#### Q U Æ S T I O VIII.

*Quomodo dirigendus, qui scrupulosè an-  
gitur, ne internis tentationibus  
consentiat?*

265.  
*Signa  
consensus  
non dati.*

**R**esp. Huic servient sequentia.  
1<sup>um</sup>. Nunquam iudicet, se con-  
sensisse in mortale, nisi certò sciat,  
imò, si valde scrupulosus sit, nisi jurare  
possit, se planè advertisse ad malitiam  
gravem, & plenè in eam consensisse. A-  
lium non licet condemnare peccati mor-  
talis, nisi adsit certitudo, cur quis sei-  
psum condemnet, ubi illa non adest?  
Hoc valet, etsi nihil aliud accedat; va-  
let autem maximè, si quid ex dicendis  
accedat.

2<sup>dum</sup>. Si seriò sæpe statuit nunquam  
peccare mortaliter, vel potius mori, te-  
neat se non peccasse, ubi de eo certus  
non est; quia sæpius odio habità, si a-  
mentur,

mentur, id facillè advertitur: quare non inhæreant examinandis cogitationibus, si de consensu in illas angatur. Non stant simul magnus horror peccati, & libera ejus volitio, neque credendum est, quòd benignus Deus ita facillè permittat labi in mortale hominem, qui ejus offensam horret.

3<sup>tu</sup>m. Si tentatus terreatur, & objectum tentationis statim repudiet, ubi magis advertit, plenè non consensit; quia si plenus adfuisset consensus, non tam facillè mutaretur, nec tam facillè ad Deum rediret, si ab eo plenè recessisset.

4<sup>tu</sup>m. Si postea advertat se timidè processisse, vel nesciat, an vigilans, vel dormiens, sobrius, vel ebrins fuerit, vel statim post factum dubitet, an consenserit, signum est defuisse plenum consensum, quia plenus consensus in mortale timoratae conscientiae facillè apparet, sique fuisset plena libertas, sciret, an fuerit vigil, vel sobrius.

5<sup>tu</sup>m. Si statim, ubi angitur, adhuc repetit, se ita habitualiter, constitutum, ut malit mori, quàm Deum graviter offendere, tenendum est, quod non consenserit saltem plenè; quia per consensum plenum in mortale, status ille habitualis fuisset destructus. Hæc valent etiam pro non scrupulosis, tenentque Theologi communiter, quòd, qui timoratae



550 *Neo-Confessarius practicè instructus.*  
est conscientiae, nec solet plenè advertens  
consentire, possit in dubio censere, ple-  
num consensum non adfuisse, quia ex  
communitè contingentibus prudens est  
præsumptio.

## Q U Æ S T I O IX.

*Quomodo dirigendus scrupulosus circa vi-  
tam præteritam, & factas  
Confessiones?*

266.  
*Confessio  
generalis  
quando  
permit-  
tenda, &  
quomodo  
dirigen-  
da?*

**R**esp. Imò. Si vixit in peccandi con-  
suetudinibus, permittat Confessari-  
us aliquamdiu scrupulos, ut consci-  
entia rectè expurgetur, ante omnia au-  
tem disponat eum per actus Fidei, Spei,  
Charitatis, Doloris, & propositi ad Con-  
fessionem generalem (si hanc nunquam  
fecerit) juvet eum in examine consci-  
entiae percurrendo præcepta Decalogi,  
Ecclesiae, occasiones, in quibus fuit, &  
peccata præcipua. Hac Confessione ri-  
tè facta non permittatur amplius gene-  
raliter confiteri; permittatur tamen, ut  
ter vel quater addat, quæ adhuc incident,  
& quæ nescit, se ritè confessum esse; his  
peractis jubeatur tacere de præteritis,  
deque his amplius se non examinare, etsi  
non recordetur se hoc, vel illud confessum  
esse non recordatio enim causa non est ra-  
tionabilis dubitandi. Quòd, si sciat pœni-  
tens se solitum esse reticere peccata in  
Con-

Confessione, detur illi tempus aliquanto longius, ut peccata, quæ adhuc incident, confiteatur post Confessionem generalem, & dein jubeatur non examinare se de præteritis: omnia enim saltem indirectè sunt remissa, nec tenetur cum tanto incommodo scrutari præterita, ut omnia remittantur directè. Si nihilominus adhuc postea non acquiescat, sed dicat se certò scire, quòd aliqua determinatè fecerit, & non sit confessus, jubeat eum Confessarius jurare, quòd per ista peccarit mortaliter, & non sit confessus; si promptè juret, audiat ipsum, quia non est scrupulus; si timeat jurare, non audiat, quia non est certus; scrupulosus autem non tenetur quidquam repetere in Confessione, aut confiteri, nisi sit certus se peccasse graviter, & nunquam esse confessum.

2. Si angatur circa præparationem ad Confessionem, doceatur, quòd non requiratur, nisi diligentia & præparatio mediocris, qualis in negotiis magni momenti adhiberi solet, nec repetendæ sint præteritæ Confessiones, si probabiliter validæ fuerint.

3. Si Confessarius advertat, quòd scrupulosus jam se suæ curæ committens ante alteri fecerit Confessionem generalem non permittat ipsi, ut quidquam ex vita præterita repetat, sed dirigat eum secundum jam dicta.



## Q U Æ S T I O X.

*Quomodo dirigendus scrupulosus, qui  
variis tentationibus agitur?*267.  
*Quid a-  
gendum,  
si tentetur  
contra fi-  
dem?*

**R**Esp. Præter dicta N. 244. docen-  
dus sequentia: rñd Si tentetur  
contra fidem, non eliciat actum fi-  
dei circa Myſterium, contra quod tenta-  
tur, ſed contemnat, aut negligat tenta-  
torem, mentem convertendo ad alia, vel  
ſi ſine perturbatione poſſit, mentem con-  
vertat ad Deum animæ ſuæ intimè præ-  
ſentem, & in animo dicat: Credo Domi-  
ne, apud te maneo, & dein alia agat, Si  
inſtet tentatio: ergo non credis jam v.  
gr. Deum unum ſimul & trinum? nihil  
reſpondeat, ſed pergat in ſuis, quibus  
occupatur, aut etiam dicat: jam nolo e-  
licere actum fidei; eliciam, ubi opus fue-  
rit, & mihi placuerit. Proinde caveat,  
ne diſputet, & luſtetur cum tentatione;  
ſic enim ſe involvet, Diabolo dabit ſal-  
tem hanc victoriam; quòd permiferit tur-  
bari ſe; is contemptu optimè vincitur,  
Non putet hanc tentationem eſſe gran-  
dem miſeriam; ſed tanquam phantaſina  
nullius momenti reputet. Sic animus  
melius à perturbatione ſervabitur immu-  
nis.

*Contra  
ſpem*

2. Si tentetur contra ſpem, putetque  
ſe non poſſe actum fiduciæ erga Deum  
eli-

elicere; & hoc ipsum contemnat, & animo dicat: Trado me manibus Dei, ipse Pater est bonitatis infinitæ. Filium suum Unigenitum pro me dedit, ipse Dominus meus est, ego opus manuum ejus, statuat ipse de me, quod ipsi placuerit. Et ita aderit actus fiduciæ & charitatis. Si urgeat tentatio: non scis tamen, an salvandus sis; vel enim prædestinatus es, vel non? si es, salvaberis; si non es, damnaberis quoque te vertas; reponat in animo: scire an salvandus sim, ad me non pertinet; habeo benignum Dominum, Filius Dei salutem animæ meæ emit pretio sanguinis sui, illud non volet frustra esse impensum. Prædestinatus sim, nec ne, meum non est examinare. Creatus sum, ut Deo meo in hac mortali vita serviam, hoc fideliter cupio facere, curam de futuris permitto Deo. Si regerat tentatio; pro omnibus sanguinem dedit Filius Dei, & unus est omnium Deus, & tamen multi damnantur; reponat: si ita; ego Deo obsequar, & faciam ejus voluntatem. Servi non est, scrutari omnia consilia Domini sui, nec filii, novisse omnia secreta Patris. In his si difficultatem sentiat, tentationem statim in principio contemnat, tanquam stropham Diaboli, & mentem aliis occupet.

3. Si scrupulosus tentetur contra chari- *Contra*  
tatem Dei, v.g. cogitationibus, quasi Deum *Charita-*



*tem?*

554 *Neo-Confessarius practice instructus.*  
blasphemaret, vellet destruere &c. pariter  
intrepidè contemnat, se vertens ad alia.  
Si videantur tales cogitationes ad cor  
venisse, non credat se consensisse, nisi cer-  
tus sit, possitque jurare: certum enim est,  
quòd non tantùm in aliis aliquando, sed  
in scrupulosis sæpe ob vehementiam  
phantasiæ, & perturbationem intellectûs,  
impediatur libertas; quia anxia formido  
tollit indifferentiam judicii & voluntatis.  
Quod si se seriò interrogans etiam non  
scrupulosus, videatur velle omnia oppo-  
sita, censeri debet nullo modo peccâsse,  
quia quæ dispositiones contrariæ in vo-  
luntate non stant simul.

4. Si tentetur contra proximum, v. g.  
videatur ipsi bonum, si illi tale, vel tale  
malum eveniret, aut putat etiam se vel-  
le ipsi id malum, contemnat ista, aut re-  
ponat: volo, quod velle me vult Deus: &  
quiescat, nec quidquam examinet.

*Circa ju-  
dicium  
temera-  
rium.*

5. Si circa judicia temeraria sit scrupulosus v. g. audit aliquem liberius jo-  
cantem, & incidit cogitatio: is est luxu-  
riosus; nullum formet judicium, sitne  
talís, nec ne: sed habeat se permissivè,  
& dicat; qualis id sit, ad me non perti-  
net: Deus judex est omnium. Si tenta-  
tio ingerat: ergo non judicas esse inno-  
centem? Reponat mente: non sit inno-  
cens, quid ad me? Sed hæc tentatio fa-  
ciliùs vincitur, eam omnino tanquam  
rem

rem impertinentem negligendo.

6. Si incidat cogitatio, vellem hoc, vel *Si videat illud facere, volo facere, videaturque tibi* ipse consentire, non turbetur. Hæc *sæ-velle* peccat in phantasia, & imaginatione aguntur, non in voluntate: combinat enim Dæmon species, ut consensus repræsentetur, qui in voluntate non est: quod ex eo patet, quia sic tentati statim mallent mori, quàm peccare; horrent & contremiscunt, ubi advertunt ad talem imaginarium consensum.

7. Si tentatio sit de futuris sub conditione, v.g. quid ageres in casu, si aut *Si tentatio sit de peccandum esset, aut infernum debe-* *futuris* res! subire, vel tale, aut tale malum *to-* *sub condi-* lerare, servet, quæ dixi N. 244. *tionem.* cogitationem planè negligat, nihil respondendo: est enim impertinens, Deus infernum condidit, ut ejus horrore à peccatis avertamur, non ut in illum detrudamur, si non peccemus. Si negligendo non liberetur molestia, eam patienter ferat, se internè convertendo ad Deum, aut dicat: pro nunc nolo offendere Deum; si casus is eveniat, aderit mihi gratia, ut Dei faciam voluntatem, dabit is cum tentatione proventum.

8. Si tentetur in materia Venerea, *Si sit contra castitatem.* habeat se, ut dictum supra, & siquidem tentatio consistat in phantasmatis im-puris, nullo signo externè dato, continentur



556 *Neo-Confessarius practicè instructus.*  
minat placidè; agat, quod agit, aut si nihil habet, quod agat, occupet se loquendo cum aliis: aut cogitet jam de cœlo, jam de inferno, jam de suis laboribus; vel numeret vitra in fenestris, mente invocet B. Virginem, Angelum Custodem, S. Josephum: vel dicat Deo in corde suo: Domine amo te. Animò amplectatur JESUM Crucifixum. Quòd si tentatio pergat infestare, nihil refert, non nocet; si non accedat consensus, cujus periculum non est in homine timorato. Si tentatio à rebellionè carnis sit cum motu turpi, cedat loco, si possit; imprimat sibi dolorem, invocet auxilium gratiæ, firmet se in proposito moriendi potius, quàm Deum offendendi, & se occupet aliis. Si occasio est, recurrat cum fiducia & humilitate ad B. Virginem, Angelum Custodem; &c. Cessante tentatione non reflectat, an consenserit, aut quis fuerit successus tentationis. Solet hoc fraudulenter suadere Dæmon, cui si mos geratur, resuscitatur tentatio & periculum. Si consensisset plenè, hoc non lateret. Pro quo servit & hæc regula: quando materia actionis vel omissionis, aut objecti est de se grata appetitui, & tamen non causavit specialem delectationem in voluntate, signum est, quod defuerit vel plena advertentia, vel plenus consensus; aliàs  
&

& voluntas suam percepisset delectatio-  
nem. Ita *La Croix*. Contingit non raro, ut homo, qui ante assueverat peccatis in materia Venerea, aut cujus phantasia ex diuturnis tentationibus infecta est speciebus vereis, illico abripiatur in delectationem Veneream, putetque se consentire, moxque se retrahat, & horreat, ne consenserit: at non iudicet se consensisse; licet enim appetitus sensitivus delectationem conceperit, & aliqua etiam connaturaliter voluntatis complacentia consecuta fuerit, ea libera non fuit: habitus enim antiqui connaturaliter operantur primum motum, nec potest homo eum reprimere prius, quam adsit: quis enim debellet hostem, ubi non est? Ex eadem ratione notant AA. sæpe fieri: ut homo, qui coepit serio converti, diu inhæreat cogitationi; nec tamen consentiat: quia habitus acquisiti operantur, nec potest homo aliis intentus animum tam citò advertere ad resistendum. Concors quoque est multorum sententia, quod ratio per importunas incidentias sæpe etiam in delectationem perveniat, idque satis longâ morâ, antequam sui ipsius per maturam deliberationem plenè compos fiat: & in talibus boni homines peccatum mortale metuere non debent, inquit *Henricus Suso* teste *La Croix* hic N. 553.

Si



558 *Neo-Confessarius practicè instructus.*  
Si huiusmodi postea se examinent, & primò videantur sibi, non consensisse, aut tantùm dubitent, vel timeant de consensu; præsumant se non consensisse, nec recedant ab hac resolutione; nunquam enim certitudinem assequentur, sed frustra se vexabunt. Tenendùmque omnibus, qui timoratae sunt conscientiae, ut in aestu tentationis nunquam examinent se, an consenserint; quia eo tempore apti non sunt ob mentis turbationem ad se examinandum, sed expectent, dum quieti sunt; tùmque priùs implorato lumine examinent se, advocando etiam signa consensùs supra allata.

#### Q U Æ S T I O X I.

*Quomodo dirigendus scrupulosus circa horas Canonicas recitandas?*

268.  
*Quid, si dubitet imo. An habuerit intentionem?*

**R**Esp. Huic sevient sequentes regulæ.  
Ima, Scrupulum, quo angitur, ne desit intentio orandi, tanquam insaniam reputet; neminìque dicat, nisi velit videri insanire. Intentio enim adest hoc ipso, quod dicat officium, & non habeat aliam intentionem, quàm illud dicendi, quod debet. Adest, si velit satisfacere suæ obligationi, quod censetur semper velle, dum sumit Breviarium, & officium incipit, nisi ipsi constet de alia intentione. Imò non requiritur intentio satis-

satisfaciendi, sed sufficit intentio dicendi officium. Nec requiritur intentio explicita, sed sufficit implicita, & virtualis orandi; quæ habetur, dum quis vult dicere officium, vel colere Deum, vel suæ obligationi satisfacere: unde non fit sollicitus, maximè in decursu de intentione: hæc enim perseverat, quamdiu pergit recitare, statque cum distractione voluntaria etiam, & licet per hanc amissa esset, rediret tamen sufficienter per distractionis exclusionem, proseguendo coeptum opus. Imò metus, ne amissa sit, vel non renovata, signum certum est, quòd adfit intentio.

Signa intentionis præsentis orandi sunt, si sumpto Breviario iverit ad locum quietiorem, vel in quo orare solet: si in initio caput detexit, Crucem formavit: si timeat, ne desit, si distractiones excludat; si attendat ad ea, quæ recitat &c. Opus non est intentione distincta recitandi devotè: quia hæc includitur in intentione orandi, &c.

2da. Si dubitet, an bene expresserit omnia? an mutilarit properando? an sensum corruerit aliquid omitendo, vel mutando? an voluntariè, & cum plena advertentia fuerit distractus? nihil repetet: tum quia libertas est in possessione, cumque voluerit sine dolo procedere, tenere debet rectè peracta esse, nisi certò constet

2do. An  
omnia  
expresse-  
rit?



560 *Neo-Confessarius practice instructus.*  
stet de opposito: tum quia Ecclesia, ut-  
pote benigna mater, non vult filios suos  
esse meticulosos, & anxios servos Dei;  
sed hilares & quietos: hinc censetur non  
obligari ad repetendum ea, de quibus  
tantum dubitatur, ut habent A.A. com-  
muniter cum *Illsung tr. 5. n. 40.* Si e-  
nim esset obligatio repetendi dubia, an-  
xietatibus lata aperiretur via, imò offi-  
cium miserè truncaretur, & confunde-  
rentur omnia. Atque hæc regula sua-  
denda est etiam non scrupulosis. Si  
hæc non eximatur scrupuloso anxietas  
attamen nihil repetat, feratque patienter  
anxietatem, certus; quod sequatur  
judicium prudentum. Si certus sibi vi-  
deatur, quod plenè voluntariè fuerit di-  
stractus, adhuc nihil repetat; tum quia  
illius certitudines vacillant, & sæpe il-  
lusiones sunt: tum quia sententia proba-  
bilis est multorum apud *La Croix l. 4.*  
*sub num. 1341.* quo nulla attentio interna  
requiratur præter intentionem orandi,  
à qua verba procedant ordinatè, quæ  
attentio superficialis dicitur; cui senten-  
tiæ se accommodare potest, ne se impli-  
cet, & gravem molestiam subire dein  
cogatur.

*Inter or-  
randum  
non hæ-  
reat.*

3tia. Inter recitandum non hæreat,  
sed præmissâ intentione, sine hæsitatio-  
ne decurrat, sine intensiōe capitis, sine  
præcipatione ( hæc enim fatigat ) sine  
anxia

anxiâ sollicitudine, ne distrahatur, & verba non debite exprimatur, &c. Non examinet, quomodo processerit; nullum verbum repetat, certus, quod Deus moderatâ curâ magis honoretur, quàm anxîâ sollicitudine; quia per hoc indicatur, quod Deum respiciat non tanquam benignum Patrem, sed tanquam exactorem severissimum, cui vix possit satisfacere: imò anxîâ sollicitudo distractiones causat; hinc tenetur hanc vitare.

4ta. attentio requisita nullâ actione impeditur, quæ ex natura sua stare potest cum attentione interna. Hinc, licet per aliquam actionem distrahatur, accedente præsertim timore distractionis eventuræ? si tamen actio de se talis non sit, quam probi, & prudentes homines inter orandum omnino caveant, non tenetur eam cavere, sed distractio tum eveniens censetur involuntaria.

5ta. Expletô Officiô, vel horâ serva *Nihil repetat.* *petat.* nihil repetat, etsi timeat ne male recitaverit: imò etsi videretur male recitasse. Ratio est, quia Ecclesia non obligat cum tanto gravamine, nec plus requirit. Unde certæ obligationi hic non respondet solutio dubia, sed certa. Ita tenent AA. communiter. Imò si recitatio horarum ob anxietates & scrupulos esset admodum difficilis, non teneretur ad eam; quia ab Ecclesiæ præcepto ex-  
*R. P. Reuter Neo-Confes.*      *Nā*    *cusat*



562 *Neo-Confessarius practicè instructus.*  
culat magnum incommodum; Unde talis posset omittere recitationem, donec videatur sibi, se posse sine tanto incommodo præcepto satisfacere: aut posset, persuasus se non teneri, recitare ex devotione id, quod potest commodè; apprehensio enim obligationis anxietatem generat; illâque sublata discet imperturbatè recitare, uti experientia docet. Pleaque dicta servari possunt à quocunque, qui timoratae est conscientiae.

*Determinetur tempus.*

6ta. Si ob anxietatem nimium temporis debeat consumere, determinet sibi tempus ordinariè requisitum, & à propriis impendi solitum; quòdque intra illud recitare non potest, omittat; plus enim Ecclesia ab ipso non requirit. Atque hoc Superior, aut Confessarius scrupuloso potest etiam injungere.

## Q U Æ S T I O XII.

*Quomodo dirigendus scrupulosus circa Missam legendam?*

269. *Peccat si det locum scrupulis.* **R**esp. Servient sequentes regulæ:  
1ma. Tanquam certum teneat, quòd peccet, si in Sacrificio peragendo det locum scrupulis, aut perturbationi mentis; quia, cum nomine & in persona Christi agat, valde dedecet ministrum scrupuli, & inhonorant hanc divinissimam actionem; pariunt populo scandalum, & devotionem maximè impediunt.

2da. Scrupulum, ne desit intentio con-*Intentio*  
secrandi, tanquam insaniam contemnat; *confe-*  
quia fieri non potest, ut Sacerdoti ratio-*crandi*  
ne utenti, dum ante Sacrum, ut accedat *non deest.*  
ad altare, lavat manus, apponit hostiam,  
induit vestes, accedit ad altare, explicat  
corporale, inquirit Missam &c. desit in-  
tentio celebrandi: vult enim aliquid fa-  
cere: & quid aliud, quam Sacrum? Ne-  
que intentio ista revocatur, aut impedi-  
tur per distractionem; sed cum hac stat;  
cum ab intentione illa procedant acti-  
ones, alias non ponendæ.

3tia. Rectè faciet, si ante Missam for-*Non est*  
met intentionem faciendi istis actionibus, *renovan-*  
quod facit Ecclesia, &c. vel dicat orati-*da anxie.*  
onem: *Volo celebrare Missam*, &c. quâ  
lucrabitur 50. annorum indulgentias ex  
concessione Gregorii XIII. Dein in Missa  
non cogitet de renovanda intentione  
(etsi ab aliis laudabiliter mente ante  
consecrationem adhibeatur formalis) nec  
dicat ne quidem internè: *Volo celebrare*,  
consecrare. &c. sed certus sit, quòd in-  
tentionem habeat sufficientissimam hoc  
ipso, quòd timeat, ne desit: dum enim  
timet carentiam ejus tanquam malam,  
vult eam adesse, adèdque vult consecra-  
rare. Quòd si laboraret de resumenda  
intentione formali explicitâ, timor tur-  
babit cerebrum, videbiturque sibi non  
habere, aut menti obverlabuntur hæc



564 *Neo-Confessarius practicè instructus.*  
verba: non vis celebrare, & ita commit-  
tet irreverentiam, hærebit, & malè su-  
stinebit personam Christi.

*Verba* 4ta. Verba consecrationis non dicat  
*consecrati-*altius, quàm alia secretè dicenda. Si ob  
*onis quo-*strepitum vel perturbationem fortè non  
*modo pro-*audierit verba, moverit tamen linguam,  
*ferenda?* & organa vocis, uti solet, quando audi-  
biliter loquitur, nihil repetat, quia tunc  
timor de verbis expressis imprudens est.  
Dein mutatio alicujus syllabæ rarè mu-  
tat sensum ejus substantialem; ut si quis  
diceret: hoc est corpus meum: hic est  
calix sanguinis mei: quia satis est, quòd  
verba ex modo & circumstantiis, quibus  
hic & nunc proferantur, audientibus in-  
generent sensum à Christo intentum, etsi  
corrupta per se sumpta in rigore eum non  
haberent: potèstque servire hæc regula:  
quando voces corruptæ non sunt aptæ  
hic & nunc, si conjunctæ ingenerare ali-  
um sensum, quàm à Christo intentum,  
mutatio non est substantialis: hinc vel ideò  
non est licitum quidquam repetere.

*Sine vi &* 5ta. Verba consecrationis proferat si-  
*nimia sol-*ne metu, sine vi, sine anhelatione in ho-  
*licitudine?* stiam vel calicem. sine nutu capitis; sed  
immutus, sicut alia verba profert; quia  
nimia sollicitudo rectè proferendi faciet,  
ut non rectè & cum debita reverentia  
proferantur.

*Nihil re-* 6ta. Caveat, ne ullum verbum re-  
petat,

petat, quamvis timeat, ne non bene ex-  
presserit: si enim verbum, vel una syl-  
la-ba formæ Sacramenti sine rationabili  
causa repetatur, est saltem veniale pec-  
catum, quia irreverenter sustinet perso-  
nam Christi. Qui verò judicare debet,  
se confecisse Sacramentum v. g. rectè  
pronuntiâsse formam quoad substantiam,  
per se loquendo, peccat mortaliter, si re-  
petat, quia esset id illudere institutioni  
Christi; cùm judicare debeat, se nihil ef-  
fecturum, & tentaret aliquid efficere; nec  
posset seriò conditionem apponere. Ille  
autem judicare debet, se confecisse Sa-  
cramentum, qui solùm leviter dubitat,  
aut suspicatur, & timet, nescitque ipse,  
cur timeat; eò quòd non occurrat moti-  
vum prudens; sed hoc aut simile: fortè  
malè pronunciavi; possum malè pronun-  
tiâsse. Unde his contemptis debet per-  
gere, ut monent AA. Dixi: *Per se lo-  
quendo*, quia *Tamburinus*, *Gobat*, *Sporer*,  
& alii putant, quòd, qui repetit formam  
ut molestò scrupulò liberet, peccaturus  
tantùm sit venialiter; quia ex anxio me-  
tu offendendi Deum agit, videtur tan-  
tùm levem irreverentiam ex impruden-  
tia committere: imò juxta *Gobat* multi  
excusantur ab omni peccato; quia sæpe  
non apprehendunt inanitatem sui scru-  
puli, & perplexi timent, ne magis pec-  
cent non repetendo; cùmque non habe-



566 *Neo-Confessarius practice instructus.*  
ant tempus examinandi sine suo rubore,  
& aliorum tædio, putant minùs malum  
esse repetere; neque intervenit temeri-  
tatis præsumptio, ubi est diligentia pie-  
tatis. At, sicut timorati omnes tenentur  
antè sibi formare conscientiam quòd o-  
pus non sit repetere, illàque dein stare  
contempto omni metu; ità multò ma-  
gis tenetur ad id scrupulosus; quia, si  
anxietati suæ cedat, invalescente habitu  
causa erit multiplicis & fortè gravis ir-  
reverentiæ.

*Et si fueris 7ma.* Si prolata jam forma advertat,  
*distractus.* se fuisse sub illa distractum, & nesciat, an  
fortè erraverit, non ideo licebit repe-  
re etiam non scrupuloso, si formam soleat  
bene proferre; sed debet supponere, quòd  
bene protulerit; tum, quia ex communi-  
ter contingentibus est prudens præsum-  
ptio; nec possumus recordari omnium,  
inquit S. Thomas; tum quia attentio, &  
intentio virtualis sufficienter adfuit; cùm  
continuata fuerit actio ex priore for-  
mali inchoata. Idem ob eandem ratio-  
nem faciendum, si quis jam longiùs pro-  
gressus dubitare incipiat, an formam pro-  
tulerit, eò quòd de eo judicandi specia-  
le fundamentum non habeat, aut prola-  
tæ non recordetur: In his casibus, &  
quandocunque non est prudens causa du-  
bitandi, aut formidandi, sed leves tan-  
tùm oriuntur scrupuli de valore Sacra-  
menti,

menti, nequidem conditionatè est iteranda. Docent tamen *Gobat & Sporer*, in dubio; ubi minister non est scrupulosus potius inclinandum esse ad repetendum; id quod verum est in dubio de valore Baptismi, Ordinis, & alterius Sacramenti hic & nunc necessarij ad justificationem peccatoris.

8va. Si incidat apprehensio Sacerdoti, an per tò *meum* non velit, aut voluerit significare suum corpus, aut tò *hic* pronuntiare adverbialiter; hanc apprehensionem, etsi sub ipsa consecratione vivacem, contemnat, & velut nugacem negligat, nec tenetur formare intentionem contrariam; quia certò adest intentio generalis prævalens, faciendi, quod faciendum est; nec censere potest, se velle peccare mortaliter, uti peccaret, si in alieno sensu fumeret verba illa.

9na. Si circa aliquid fiat quasi per-plexus, & nesciat, hocne, an illud faciendum sit; non hæreat, sed statim agat, quod primo intuitu ipsi videtur melius; nec ab ista resolutione recedat, nec examinet, an bene hoc amplexus sit, sed pergat, neque turbetur, si postea advertat, se errasse, quia excusat bona fides, quam habet sequendo prudentum consilium, seque ostendere in Sacrificio irreprehensibilem debet, & in populo vitare scandalum & admirationem.

*Quid. si  
stat quasi  
perplexus.*



568 *Néo-Confessarius practicè instructus.*  
roma. Timorem, ne sit in statu peccati mortalis, excutiat; nec judicet, se in eo esse, nisi certò sciat, & juratò possit affirmare.

### Q U Æ S T I O XIII.

*Quomodo dirigendus scrupulosus circa Missam ritè audiendam?*

270.  
*Intentio  
audiendi  
Missam.*

**R**esp. Serviunt sequentes Regulæ;  
*Prima.* Non sit anxie sollicitus de intentione Missam audiendi: sufficit enim implicita assistendi Missæ tanquam rei sacræ. Hanc autem habet, quia adit templum volens facere officium hominis Christiani, vel quod alii fideles faciunt. Item, qui adit, ut sua præsentia per Sacrificium Deum honoret, vel per illud beneficia impetret, aut gratias agat, pro peccatis satisfaciatur impleat præceptum. Item, qui adivit templum ex nulla alia causa, &c, adivit enim ex aliqua. Unde insanix species est scrupulari de intentione, si non constet de contraria.

*Intentio.*

*2da.* Etsi moderata sollicitudo adhibenda sit, ut habeatur intentio tum externa, tum interna aliqua; hæc tamen anxie quærenda non est: externa enim habetur, modestè se gerat, & omittat omnem actionem impossibilem cum attentione interna, seu, qua durante non possit attendere ad ea, quæ in altari aguntur,

guntur, qualis est scriptio, pictio, confabulatio de re seria, lectio attenta libri profani, &c. Attentio autem interna habetur, si quis externè se religiosè gerendo sit ita constitutus, ut possit rationem reddere eorum, quæ geruntur in altari: hæc ordinariè stat cum distractione involuntaria, imò stare potest cum voluntaria. Docet enim experientia, quòd simul ad plura possimus attendere. Præterea docent non pauci AA. internam attentionem non requiri aliam, quàm v.g. orandi, colendi Deum, ex qua procedat oratio, vel cultus Dei xternus, & vi cuius quis dicatur existere sub specie & cultu externo religiosè colentis Deum per Sacrificium.

3tia. Si parte aut Missa tota peracta angatur, ne fortè attentio requisita defuerit, non audiat aliud Sacrum, ut scrupulo satisfaciat, sed certò teneat, se satisfecisse: nec enim hoc difficile & periculosum est moderatè sollicito; nec plus ab eo requirit Ecclesia; docetque experientia, quòd isti scrupulo cedentes post secundum, & tertium Sacrum auditum, non sint angore liberis; imò minus putent, se satisfecisse audiendo ultimum, quàm primum. Quòd si & timeat, ne in pueritia attentio requisita in Missa defuerit, sciat, quòd pueri, & rudes non teneantur ad tantam attentionem, ad quam alii; quia talis, utpote moraliter illis impossi-

*Non audiendum aliud Sacrum in scrupulo.*



570 *Neo-Confessarius practicè instructus.*  
possibilis, ab iis non exigitur. Consul-  
tum tamen est pro maiore animi quiete,  
si dubium sit prudens, de eo semel, pro-  
ut conscientia dicat, in confessione se  
accusare. In quo loco, qualis requira-  
tur præsentia corporalis, doceat Confes-  
sarius pœnitentem, si dubitet; uti & cu-  
jus partis omissio constituat peccatum  
grave, & inducat obligationem audiendi  
aliud Sacrum.

#### Q U Æ S T I O XIV.

*Quomodo dirigendus scrupulosus circa  
fraternam correctionem seu monitionem,  
quâ proximus revocatur à peccato?*

271.  
*Requisita  
ad obliga-  
tionem  
fraternæ  
charitatis.*

**R**Esp. Dirigi poterit his Regulis: *ima.*  
Per se loquendo, non est obligatio  
in privatis corrigendi veniale pro-  
ximi, nisi quis facile possit: esset enim o-  
nus nimis grave, obligatio corrigendi ve-  
nialia singula passim occurrentia, verge-  
rétque potius in perturbationem pacis,  
quàm fructum charitatis,

*2da.* Ut sit obligatio corrigendi vel  
impediendi mortale proximi. facturus  
correctionem debet esse idoneus, & pos-  
se id facere sine gravi suo incommodo,  
juxta ordinem charitatis. Hinc scrupu-  
losus rarò tenetur statim corrigere; si e-  
nim sciatur esse nimis anxius, ridebitur,  
dein nimia sollicitudine sua impinget i-  
pse, & fatigabitur.

*3tia.*

3<sup>ta</sup>. Debet adesse spes fructus: desperato enim sine cessant media.

4<sup>ta</sup>. Peccatum proximi regulariter debet esse moraliter certum, ut teneretur privatus corrigere: unde errant scrupulosi, qui, dum audiunt alios loquentes, statim suspicantur, an non sint proferenda turpia aut detractoria; putantque debere se abire, vel monere: hæc enim suspicio sæpe temeraria est. Et quamquam referantur defectus & peccata proximi, tamen sæpe aut detractiones leves sunt, aut delicta sunt publica, quod nescit ille meticulosus. Unde non raro imprudenter, & non sine injuria loquentis corrigit.

5<sup>ta</sup>. Si peccatum sit præteritum; ut sit obligatio corrigendi, proximus debet esse in gravi indigentia, qualis esset, si foret in certo vel probabili periculo relabendi, aut moriendi in peccato, nisi per se succurratur: Hinc si sit alius, qui prudenier credatur correcturus, aut si lapsus merito judicetur emendaturus, monitione opus non est, nisi aliud exigat bonum commune.

6<sup>ta</sup>. Si revera sit obligatio corrigendi, correctio non ideo statim facienda est, quia sæpe in præsentis non est spes fructus: sed differri potest in tempus opportunum, ubi speratur fructus major: Unde iterum errant meticulosi, existimantes

*Potest  
quando-  
que dis-  
ferri.*



572 *Neo-Confessarius practice instructus.*  
tes simul atque audiunt aliquid contra  
proximum, id sibi refutandum esse: tum  
quia sæpe melius consulitur proximo, si  
coepta detractio finatur absolvi, quam si  
abrupatur; cum sæpe in fine minus,  
quàm in principio appareat delictum pro-  
ximi, & relatæ circumstantiæ id immi-  
nuant; tum quia detrahentes sæpe no-  
lunt videri errasse, & magis exaggerant  
& confirmant delictum. Hinc æqualis  
raro, inferior rarissimè tenetur corrige-  
re detrahentem.

#### QUÆSTIO XV.

*Quæ sint regulæ præcipuæ, quibus se ipsum  
dirigat scrupulosus?*

**R**esp. Colligantur ex dictis; sũntque  
sequentes:

*Præcipua* 1<sup>ma</sup>. Frequenter à Deo magna cum  
*pro scrupulosis di-* humilitate, & plena resignatione, petat  
*flamina.* lumen & gratiam se dirigendi, & ob-  
sequendi suo Confessario.

2<sup>da</sup>. Uno eodémque docto & pruden-  
te utatur Confessario constanter, ejus du-  
ctum humiliter sequatur exactè in omni-  
bus, non petat, nec inquirat dictorum ra-  
tiones, certoque sibi persvadeat, se se-  
quendo non peccaturum; etsi (quod non  
præsumat) eum errare contingeret. Hoc  
est medium præcipuum, sine quo non li-  
berabitur.

3<sup>tia</sup>.

3<sup>ta</sup>. Ubi Confessarius edixerit, quòd intelligat statum poenitentis jam satis, quoque is scrupulis angatur; id indubitatè credat: aliàs Confessarium aut mendacii, aut temeritatis, vel ignorantiae temerè arguet, & dictis ejus aliis non obsequetur, frustra laborabitur.

4<sup>ta</sup>. Scrupulis nunquam cedat, sed eos velut inania phantasmata contemnat, & contra operetur: aliàs habitum acquireret, & de uno labetur in alium. Unde.

5<sup>ta</sup>. Ut satisfiat scrupulo, nullius peccati dubii apud Confessarium mentionem faciat, si scrupulus pergat vellicare, ferat æquo animo molestiam, sibi que persuadeat, si huic cedat, alium secuturum, ut experientia docet. Si ergo non potest esse liber omni inquietudine, ferat hanc lubens pro expiatione peccatorum suorum cum firma spe quietis tandem futuræ.

6<sup>ta</sup>. Discat, se ipsum dirigere ex principiis à Confessario datis, nec ad eum recurrat, nisi dum Confessio peragenda est.

7<sup>ma</sup>. Sit brevis in examinanda conscientia. Si occurrat cogitatio de examinando aliquo peccato, eam rejiciat ad tempus ordinarii examinis, nec judicet se peccasse graviter, nisi sine ullo examine, juramento, si necesse foret, id affirmare posset. Si timeat ne jam pec-

ca-



574 *Neo-Confessarius practicè instructus.*  
caverit, dicat cum fiducia: Domine ne irascaris, si cadant pupilli tui. Scis, quàm miserabilis sim, adjuva me, ne unquam offendam te; & durante anxietate non examinet; sed rejiciat in aliud tempus, quo caput erit serenum; in quo si prudens sit dubium, examinare paucis poterit, sed petito priùs à DEO lumine, qui suis deesse non solet: durante enim anxietate aptus non est ad ferendum judicium prudens.

8va. Diligenter studeat mortificare judicium proprium, cujus si amator est, non curabitur, nisi aspiret specialis gratia, quàm expectare non potest.

9na. Vitet otium, & tristem solitudinem: unde semper habeat, quò occupetur; excitétque animum ad gaudium spirituale de DEI Domini nostri bonitate, clementia, misericordia, omnipotentia; & serviat DEO in lætitia. *Hilarem datorem diligit Deus.*

## Q U Æ S T I O XVI.

*Quibus pœnitens ad perfectionem tendens, inordinate tamen anxius de statu gratiæ sit erigendus?*

273.  
*Erigen-  
dus signis  
gratiæ.*

**R** Esp. Erigendus est signis seu effectibus præsentis gratiæ: quamvis enim Deus, ut in humilitate conservaret nos, noluerit nos esse certos de sta-

sta-

statu gratiæ certitudine fidei, dicente Eccl. cap. 9. *Sunt justis atque sapientes, & opera eorum in manu DEI, & tamen nescit homo, utrum amore, an odio dignus sit, sed omnia in futurum servantur incerta; sic tamen nos voluit esse humiles, ut non simus diffidentes, signisque præsentis gratiæ nos dignatus est, ex quibus de ejus statu moralis certitudo haberi possit. Signa autem sunt sequentia:*

1<sup>um</sup>. Magnum peccati commissi odium, & horror admittendi, juxta illud *Quæ illa.* 274. Psalm. 96. *Qui diligitis Dominum, odite malum: si sincerè abominaris quæcunque peccata, morique potius sis paratus, quàm Deum gravi peccato offendere, sine dubio crede, inquit S. Basilius, te liberum esse à peccatis.*

2<sup>dum</sup>. Observatio mandatorum, juxta illud Christi Joannis 14. *Qui habet mandata mea, & servat ea, ille est, qui diligit Me.* Certiorem te reddet hoc indicium, si accedat observatio consiliorum, vel serventur mandata ex puro Deo placendi desiderio etiam in naturæ contrariis. Hòc argumentò Christus instante passione testatus est amorem suum erga Patrem dicendo: *Ut cognoscat mundus, quia diligo Patrem, surgite, eamus.*

3<sup>tium</sup> est, proximi propter Deum dilectio non otiosa, sed laboriosa, juxta illud: *Hoc mandatum habemus à Deo, ut, qui diligit*



576 *Neo-Confessarius practice instructus.*  
*diligit Deum, diligat & fratrem suum.*  
Itaque, si proximo propter Deum bene-  
facis, si compateris, & succurris in mi-  
seriis, si bona reddis pro malis, noli di-  
fidere de statu gratiæ: ignis pictus non  
urit, charitas ficta sic non operatur.

*4tum.* Sincera cum vero dolore, fir-  
moque proposito peccatorum omnium  
confessio, ita ut nullius peccati gravis te  
conscientia accuset, juxta illud Joannis  
Epist. 1. cap. 3. *Charissimi, si non repre-*  
*hendit nos cor nostrum, fiduciam habemus*  
*ad Deum.* Et illud Eccl. 13. *Bona est sub-*  
*stantia, cui non est peccatum in conscientia.*  
Certius redditur hoc indicium, si acce-  
dat vita diu nullò peccatò gravi con-  
taminata: nam juxta communem Theo-  
logorum sententiam homo etiam fidelis  
in præsentî naturæ statu cum ordinariis  
gratiæ auxiliis non potest potentiâ mo-  
rali per longum tempus sine gratia ha-  
bituali abstinere ab omni peccato morta-  
li, dicente Christo Joannis 15. *Si quis in*  
*me non manserit, mittetur foras sicut pal-*  
*mes, & arescet.* Unde lapsus in mortale,  
ordinariè per notabile tempus non ab-  
stinebit à pluribus, quia cor habet à Deo  
aversum, creaturisque addictum, & de-  
est specialis Dei protectio & gratia. Qua-  
re, qui Deo, serviens diu non peccavit  
graviter, considerare meritò potest, se in  
gratia esse Dei, *Da mihi animam,* inquit

S. Ber-

S. Bernardus, cui vivere Christus non tantum sit, sed & jam diu fuerit, non ambigo sponsum adesse.

5<sup>turn</sup>. Horror venialium, & amor Dei singularis; qui enim raro plenè deliberatè peccat venialiter, sique per subreptionem & fragilitatem veniale admiserit, illico dolet, non acquiescens, donec illud poenitentia eluerit; qui Deum singulari amore complectitur, de ejus perfectionibus gaudet, de ejus cultu sollicitus est, deque illo Deo gratulatur, dubitare non potest, se à Deo amari; & in gratia esse: *Non dubitet anima*, inquit S. Bernardus, *se amari, si amet.*

Hæc moralem faciunt certitudinem de statu gratiæ, cui non parum accedit, si quis desiderium in se sentiat, magis & magis in spiritu proficiendi, plura & plura pro Christo patiendi: *Qui enim spiritu Dei aguntur, ii sunt filii Dei.* Et *Ipse spiritus reddit testimonium spiritui nostro, quod simus filii Dei.* Nec obstat, quod dicitur Ecclesiastici quinto. *De propitiato peccato noli esse sine metu*: nam, ut ex contextu patet, sensus est, noli inde licentius vivere, & addere peccata peccatis.



# APPENDIX

## SEU

### INSTRUCTIO PRACTICA,

### ET

### METHODUS,

### DISPENSATIONES

Aliásque Gratias petendi, & impetratas exequendi.

---

**C**um instructionem Neo-Confessarii pro modulo meo jam absolvissem, placuit quibusdam, ut Methodus Dispensationes, aliásque Gratias à Prælatís Ecclesiasticis petendi, & impetratas exequendi subjungeretur in gratiam eorum, qui vel modum pro iis supplicandi, aut à quibus impetrari possint, ignorant; eorum voluntati ut obsequeretur, quæ in Authoribus dispersa reperi, collegi in breve Compendium, cujus divisionem & Seriem his subjicio.

# DIVISIO ET SERIES

## A P P E N D I C I S.

### §. I.

De Dispensatione in Festorum observatione. Numero 1.

### § II.

De Dispensatione in Jejunio Ecclesiastico. n. 2.

### §. III.

De Dispensatione in impedimentis Matrimonii.

#### QUÆSTIO I.

Quis in illis dispensare possit? n. 3.

#### QUÆSTIO II.

Quæ exprimenda sint in supplicatione pro Dispensatione in impedimentis dirimentibus? n. 10.

#### QUÆSTIO III.

Quid observandum pro Dispensatione matrimoniali in forma pauperum? n. 14.

#### QUÆSTIO IV.

Quomodo formandæ sint literæ supplices? n. 18.

#### QUÆSTIO V.

Quæ impensæ, seu taxæ sint solvendæ? n. 26.

#### QUÆSTIO VI.

Qualis esse debeat Dispensationis executor? n. 27.



## QUÆSTIO VII.

Quæ illi observanda ad Dispensationem  
exequendam pro foro interno? n. 29.

## QUÆSTIO VIII.

Quæ sint clausulæ, & quomodo intelli-  
gendæ, quæ rescriptis pro Dispensa-  
tione matrimoniali solent inferri. n. 30.

## QUÆSTIO IX.

Quomodo in praxi procedendum jux-  
ta doctrinam jam traditam? n. 31.

## §. IV.

De Dispensatione pro Ordinibus.

## QUÆSTIO I.

Quid pro Dispensatione super natalibus  
seu cum illegitimis servandum. n. 33.

## QUÆSTIO II.

Quid observandum pro impetranda Di-  
spensatione ad Ordines extra tempo-  
ra sine interstitiis suscipiendos? n. 40.

## QUÆSTIO III.

Quid observandum pro Dispensatione  
in ætate ad Ordines requisita? n. 43.

## QUÆSTIO IV.

Quid præterea observandum pro Dispen-  
satione in irregularitate ex delicto, vel  
defectu? n. 46.

## §. V.

*De indulgentiis.*

1. Praxis petendi Indulgentias plenari-  
as. n. 47.

2. Praxis petendi Altare privilegiatum  
pro omnibus Fidelibus Defunctis.

n. 51.

3. Praxis petendi Altare privilegiatum  
pro confratribus & consororibus alicujus  
Confraternitatis.

n. 53.

4. Praxis petendi Breve Indulgentiæ perpetuæ pro Confraternitate quacunque.

n. 55.

Pro Confraternitate agoniae.

n. 58.

5. Praxis petendi Oratorium. n. 60. & 61.  
Proto-Notariatum Apostolicum. n. 66.

§. VI.

Breviaturæ.

n. 68

§. VII.

Facultates extraordinariæ Episcoporum  
Germaniæ.

n. 69.





# INSTRUCTIO PRACTICA

DE

*Dispensationibus, aliisque gratis petendis, & exequendis.*

**C**Um dispensatio sit actus jurisdictionis, quod legis obligatio relaxatur in particulari casu, vel eum particulari persona, ita, ut maneat quoad alios casus vel personas, hinc potestas dispensandi non competit, nisi habentibus jurisdictionem in foro externo, aut ab his privilegium: quia autem non omnibus est eadem facultas, sed quibusdam restricta, atque non pauci Confessarii & Pastores ignorant, quod in certis casibus recurrendum, quaque formâ petenda dispensatio; existimavi, rem me facturum non ingrati, si ea, quæ in Authoribus dispersa leguntur, in brevi compendio exhiberem, remittendo potissima ad partes Theologiæ moralis, quæ ad validam, licitamque dispensationem requiruntur.

§ I.

*De Dispensatione in Festorum observatione.*

*In festis.*

**I**N hac potest dispensare imo Episcopus. 2dò. Parochus, etiam præsentato Episcopo, quoad labores serviles, ubi con-

consuetudo obtinet, aut non est facilis accessus ad Episcopum, secus si consuetudo sit contraria. Et quidem Episcopus, si causa iusta adsit, in festis jure communi etiam inductis pro omnibus Dioecesanis: Parochus verò pro Parochianis tantum dispensare potest. 3tio. Superior religiosus pro suis subditis, non tamen pro famulis sæcularibus. 4to. Papa potest etiam sine causa validè dispensare pro omnibus. Deinde, qui habet ordinariam dispensandi potestatem, potest eam delegare alteri, ut dispenset, si causam velut sufficientem approbaverit. Denique si adsit causa moraliter certò excusans, non est opus dispensatione Superioris, nisi fortè ob scandalum, quod oriretur? si labor servilis publicè exerceretur. *La Croix l. 3. n. 584.*

§. II.

*De Dispensatione in Jejunio Ecclesiastico.*

**R**esp. Dispensare in hoc possunt 1mo Episcopi. 2do. Parochi, ubi consuetudo legitima sic habet. 3tio. Prælati, & ejus Vicarii respectu suorum Religiosorum, non tamen Confessarii, licet cæteroquin Privilegiati quàm Confessarii. Causæ autem dispensandi sunt impotentia, debilitas, labor, & aliæ referendæ p. 2, Theolog. Moral. N. 177. Pro dispensatione.



dispensatione universali in jejunio videtur  
requiri causa moraliter certa, pro di-  
spensatione autem cum particularibus  
sufficit una ex causis non totaliter, attamen  
aliquo modo excusantibus à jejunio.  
Ratio primæ partis est. quia lex univer-  
salis est in possessione certa, à qua non  
debet universaliter dejici ob causam du-  
biam, & hinc Ecclesia sollicitè inquirat  
in causas majores pro dispensatione u-  
niversali, quàm pro particulari. Quare  
juxta *P. La Croix l. 3. p. 2. num. 1308.*  
pro universali dispensatione non sufficit  
sola penuria piscium: illa enim uteren-  
tur multi nobiles & divites, in quibus  
fortè causa illa non subsisteret. Vide-  
tur tamen sufficere certum periculum  
morborum ob pisces infectos. Ratio se-  
cundæ partis est, quia si cum particula-  
ribus tantùm dispensetur, lex commu-  
nis adhuc observatur ab aliis, sique adsit  
causa gravis certa, non esset opus dispen-  
satione; quare satis est, si causa sit dubiè  
sufficiens. Quòd si advertatur minùs  
sufficiens, misceri poterit commutatio,  
v. g. injungendo orationem vel eleemo-  
synam. *La Croix l. 3. p. num. 1308.* Qui  
ab initio Quadragesimæ obtinuit dispen-  
sationem ob morbum, si restituta vale-  
tudine causa dispensationis omnino ces-  
set, cessat dispensatio, si autem dubium  
sit, adhuc potest esse illius usus. Qui  
dubi-

dubitat, an ex jejūnio secuturum sit grave damnum, tenetur recurrere ad Superiorem, nisi periculum sit in mora. Si Episcopus dispenset in Quadragesima in esu carnum, & dubitetur, an sæpius de die iis vesci liceat, interrogandus est, quia dispensatio est strictæ interpretationis.

§. III.

*De Dispensatione in impedimentis  
Matrimonii.*

Q U Æ S T I O I.

*Quis possit dispensare in impedimentis  
Matrimonii?*

**R**esp. I. In omnibus impedimentis tantum impedientibus potest dispensare Summus Pontifex, Episcopus verò in aliquibus; non tamen in omnibus; nam potest dispensare in tempore sacro Adventus, & Quadragesimæ, in Proclamationibus, & interdicto à se vel inferiore lato, non verò regulariter in voto reservato; nec in sponsalibus; quia solus supremus Princeps potest ex gravi causa tollere jus acquisitum tertio; talis autem non est Episcopus, sed in spiritualibus Solus summus Pontifex.

Resp. II. In impedimentis jure naturæ dirimentibus, uti sunt error, ligamen Matrimonii consummati, ætas, impotentia, consanguinitas in primo gradu lineæ rectæ, nec Summus Pontifex dispensare

3.  
*Quis in  
impedi-  
entibus  
tantum?*

4.  
*In diri-  
mentibus  
Ecclesia-  
sticis Pa-  
pa.*



potest, attamen potest juro ordinario dispensare in omnibus jure tantum Ecclesiastico dirimentibus, nullus vero ipso inferior, nisi ex ejus concessione. Ratio primæ partis est, quia non potest supplere consensum errore impeditum; nec dissolvere Matrimonium consummatum, aut facultatem dare viro ducendi plures uxores, nec ineptum ad Matrimonium ex natura, vel aliunde perpetuo impotentem reddere aptum, & potentem, nec in lege naturæ absoluta dispensare. Ratio 2dæ partis est, quia illa impedimenta liberè sunt statuta ab Antecessoribus Pontificibus, quibus par est potestate Pontifex succedens. Ratio 3tiæ partis est, quia inferior nihil potest in voluntatem superioris sine hujus consensu,

5. Resp. III. Ex tacita concessione Pontificis, etiam seclusâ speciali facultate, *Et ali-* potest Episcopus pro foro conscientie quando *E-* tantum quandoque dispensare in impedimentis dirimentibus, in quibus solet *piscopus.* Pontifex dispensare saltem post Matrimonium bona fide invalidè contractum, non vero in iis, quibus non solet, aut non nisi difficillimè dispensat Pontifex. Prima pars constat ex consuetudine & praxi Episcoporum, sic exigente bono communi animarum. Ratio 2dæ partis est, quia non censetur Pontifex consentire, ut Episcopi dispensent in iis, in quibus ipse non solet dispensare,

care, ut in impedimento consanguinitatis in gradu lineæ rectæ. & primo lineæ obliquæ, conjugicidii publici, disparis cultûs, ex voto solenni, ordine sacro, clandestinitate; secus est de impedimentis affinitatis, publicæ honestatis, consanguinitatis in gradu remotiore lineæ obliquæ, &c. de claro assertionem.

1mò. Potest Episcopus dispensare in ejusmodi impedimentis post contractum *In quibus* Matrimonium, si hæc concurrant; 1mum. *casibus?* Si Matrimonium sit publicum. 2dum. Si impedimentum sit occultum, ita ut duobus saltem testibus probari non possit. 3tium. Si Matrimonium sit initum bona fide, seu cum ignorantia impedimenti. 4tum. Si ex separatione sequeretur scandalum. 5tum. Si non sit facilis accessus ad Papam ob paupertatem, vel aliam causam, vel certè ob periculum usus matrimonii putativii, & peccatorum ex eo in tanta dilatione dispensationis. Atque his concurrentibus potest Episcopus dispensare etiam in primo affinitatis gradu, uti si Cajus cognovisset matrem, & dein duxisset filiam, aut filiam, & dein duxisset sororem. Ità Authores apud *La Croix* hic n. 835. & *Cardenam in 2da crisi* diss. 2. art. 13. q. 1. communissimè. Et juxta plerosque sufficit, quod alteruter bona fide contraxerit cum inculpabili ignorantia impedimenti, etsi sciverit



verit consanguinitatem, quia innocenti non debet nocere alterius malitia. Si autem uterque sciverit impedimentum, non poterit Episcopus dispensare, quia Tridentinum Sess. 24. de reformatione matrim. cap. 5. excludit à spe dispensationis eos, qui scientes impedimentum, vel id ignorantes, neglectis proclamationibus contrahere præsumpserint. Dicitur autem neglectis proclamationibus, quia, si proclamationes cum licentia superioris omittæ sint, spe dispensationis non privantur, sed potest Episcopus dispensare cum invalidè bonâ fide conjunctis; quod & affirmant Gobat, Perez & alii, etsi impedimentum sit publicum, quando separatio fieri non potest sine gravi damno, vel ob paupertatem solvi non possunt expensæ pro recursum ad Papam faciendæ, sique separarentur, oriretur infamia, vel scandalum, imò &, si conjuges divites separari non possent, & versarentur in periculo incontinentiæ ob moram temporis pro impetranda dispensatione à Papa necessari. Ratio horum est; tum quia non censetur Pontifex potestatem sibi à Christo concessam in bonum commune animarum, restringere in earum detrimentum; tum quia sic consuetudo Episcoporum habet, quæ utpote non ignota Pontifici declarat ejus consensum, quo confert jurisdictionem, & le-

gi suæ derogat. Ob has rationes potest etiam Episcopus in ejusmodi impedimentis, occultis saltem, dispensare pro matrimonio contrahendo, quando est urgentissima necessitas salutis animæ, & non est aditus ad Papam, vel ob moram est periculum incontinentiæ, vel alterius mali gravis spiritualis, ita A.A. communissimè apud *La Croix* n. 838. & ita declarasse Sixtum V. *Pyrrhus Corradus* testatur in *praxi dispensationum* l. 8. cap. dixi autem *Si versentur in periculo ob moram*: Nam si casus moram patiat: & Episcopus non habeat specialem facultatem, eam autem habeat Nuntius Apostolicus, ad hunc recurrendum foret; propterea enim illi pro his partibus datur specialis facultas; si tamen nec hic specialem facultatem haberet, posset in necessitate dispensare etiam Episcopus.

2do. Potest probabiliter Episcopus habens potestatem dispensandi dispensare, si sit certus adesse causam dispensandi, etsi dubitet, an sit sufficiens. Ita cum *Sanch. Tamb. P. La Croix*, l. 1. n. 804. quia potestas dispensandi est latæ interpretationis, nec dispensaturus tenetur ad tam rigidum examen causæ, si autem postea deprehendatur, causam fuisse insufficientem, tenent *Sanch. Tamb. Gobat. Illung. d. 2. nu. 54.* dispensatum posse pergere uti dispensatione, eo quod ex pia inter-



interpretatione prudenter præsumatur consensus superioris; verum La Croix cum aliis negat saltem, si appareat nullam adfuisse causam, quia superior non censetur consentire in dispensationem sine causa factam.

3tio. in dubio, an opus sit dispensatione, quia reservatio potestatis dispensandi est odiosa; & Ecclesia metitò præsumitur non reservare dispensationem casus dubii, ita *Krimer hic n. 2043. Barbosa, & alii.*

4to. Valide dispensat Episcopus, quando adest error communis cum titulo colorato, quòd possit dispensare, quia Ecclesia tunc supplet defectum, secus dicendum, si tantum sit error in Episcopo, v.g. si valens tantum dispensare cum pauperibus, putavit esse pauperem, cum quo dispensavit, & re ipsa talis non fuit, quia deest Episcopi intentio, quæ se non extendit ultra facultatem sibi concessam.

5to. Si Episcopus putans se posse dispensare in impedimento publico. dispensarit, & postea Matrimonio jam à multis annis in facie Ecclesiæ contracto, intelligat se non posse dispensare in eo, poterit jam in impedimento, quod creditur sublatum, dispensare, quia jam est occultum, Ita *La Croix n. 844.*

Cæterum quando Episcopus dispensat in casibus occultis ex tacita concessione

Papæ,

Papæ, hoc tantum juvat pro foro conscientiae, sique impedimentum dein publicum fieret, & si dispensatio in suo valore persisteret, tamen sequentes Episcopi, si nollent credere dispensationem intervenisse, possent ad vitandum scandalum separationem imperare. *La Croix*

n. 845.

Resp. IV. Episcopi in Germania communiter per extraordinariam facultatem, *Quando*  
 a Sede Apostolica concessam possunt ex-*Episcopi*  
 tra necessitatem dispensare pro foro ex-*Germa-*  
 terno. imo cum pauperibus & misera-*nia extra*  
 bilibus in 3tio, & 4to consanguinitatis, & *necessita-*  
 affinitatis gradu simplici & mixto cum *tem?*  
 3tio, non in 3tio mixto cum 2do, ut Ro-  
 ma declaravit apud *La Croix* n. 863. pro  
 Matrimoniiis etiam contrahendis. Pro  
 contracto autem revalidando dispen-  
 sare possunt cum hæreticis paupe-  
 ribus conversis etiam in secundo simpli-  
 ci & mixto, dummodo non attingat gra-  
 dum primum, & in his casibus declara-  
 re prolem legitimam; non tamen cum  
 pauperibus hæreticis nondum conversis.  
 3tio. Possunt dispensare cum divitibus  
 etiam super impedimento publicæ hone-  
 statis ex sponsalibus proveniente, sine ta-  
 men præjudicio alterius. Item in im-  
 pedimento criminis, neutro tamen Con-  
 iuge machinante. Denique in impedi-  
 mento cognationis spiritualis, præter-  
 quam



quam inter levantem, & levatum. Hæ tamen facultates non conceduntur, si mulier raptā sit, & adhuc existat in potestate raptoris.

8.

*Quid, si una pars sit acatholica.*

Colliges, non posse Episcopum dispensare in Matrimonio contrahendo, si una pars sit acatholica, quia Papa non solet cum iis dispensare; imò nec videtur Episcopus posse dispensare pro foro interno cum talibus post contractum bona fide cum impedimento occulto, v. g. affinitatis, quia nec S. Poenitentiaria dispensat, nisi pars acatholica convertatur. An Episcopus potens dispensare in singulis impedimentis, v. g. ex incestu & adulterio seorsim, possit, si utrumque concurrat, dubium est: negat communior, vide tamen *La Croix* n. 920.

9.

*Quis possit restituere jus petendi debitum,*

Resp. V. Possunt Episcopi etiam citra specialem facultatem dispensare cum impeditis ad petendum debitum, ut habere jus petendi debet communissima: etsi enim id non habeatur jure scripto, ita tamen habet consuetudo & praxis Pontifici nota. Idque tenent D. D. sive matrimonium tantum sit ratum, sive consummato superveniat impedimentum affinitatis, vel cognationis spiritualis. Idem tenet Castropalao, si quis contraxerit matrimonium obstrictus simplici castitatis voto. Possunt quoque Regulares, quibus facultas a suis Superioribus communicatur, restituere

jus

ius petendi debitum, non tamen vi privilegiorum suorum in impedimento aliquo dirimente dispensare etiam pro foro interno, quia non satis constat facultatem illam esse iis concessam, atque Cardenas, oppositum esse vix tenuiter probabile.

## Q U Æ S T I O I I

*Quæ exprimenda sint in supplicatione pro dispensatione in impedimentis dirimentibus matrimonium?*

**N**Ota. Duplex pro concedendis dispensationibus à Pontifice Romæ erectum est tribunal. Primum dicitur *sacra Pœnitentiaria*, secundum *Dataria*, ad quam quoque pertinet Cancellaria, & præfectura Brevium, vocaturque etiam officium minoris gratiæ. *Sacra Pœnitentiaria* dispensat tantum pro foro interno in impedimentis omnibus juris Ecclesiastici, occultis tamen duntaxat, tam ad contrahendum matrimonium, quam revalidandum nulliter contractum, excepto impedimento consanguinitatis, in quo non dispensat ad contrahendum, sed solum ad permanendum in contractu, & quidem in tertio tantum vel quarto gradu: si ab hoc tribunali petatur dispensatio, non exprimuntur vera nomina dispensandorum, sed solum ficta v.g. Titius, Berta, aut per litteras A.B. R.P. Reuter Neo-Confes. Pp C.

10.

*Sacra*

*Pœniten-*

*taria, &*

*dataria in*

*quibus di-*

*penfet?*



C. scribi autem potest à quocunque & quâcunque linguâ: nam sacra Pœnitentia suos ex quacunque regione Pœnitentianos subordinatos habet. Dataria seu Cancellaria dispensat in impedimentis notoriis & publicis pro foro etiam externo, & pro foro interno in secundo gradu consanguinitatis, quamvis occulto, scribi autem debet ad aliquem alium, qui Romæ tradat libellum supplicem.

II.  
*Impedi-  
mentum  
occultum.*

Nota 2do. Impedimentum, ob quod invalidaretur matrimonium, occultum dicitur, quod vel nulli notum est, vel si uni alterive innotuerit, ad forum contentiosum nondum est deductum; unde si nequeat probari duobus saltem testibus, aut licet probari possit, si necdum sit probatum, non censetur adhuc publicum facto, vel jure: sed nisi sit famâ publicum, censetur adhuc occultum, etsi foret violenta suspicio, vel maffitatio de eo, quia posset adhuc aliqua tergiversatione celari; utque hic censeatur publicum, debet sciri à multis: quamdiu enim aliquis non laborat infamiâ publicâ, tamdiu obviatur publico scandalo, adeoque censeretur occultum, dummodo personæ, quibus notum est, sint infra decem, inquit Pignatelli. Ita *La Croix l. 6. p. 3. nu. 870.* Imò licet aliquod sit naturâ suâ publicum, v. g. cognatio spiritualis, utpote contracta in facie Ecclesiæ, fieri

tamen

tamen potest per accidens, ut sit occultum, v.g. ob diuturnitatem temporis, in quo contractum est, ob distantiam loci à loco, in quo est contractum, per mortem eorum, qui fuerunt conscii, per ignorantiam hujus contractionis.

Nota 3tio. Per forum hic intelligitur 12.  
judicium, jurisdictio, potestas, estque ali-  
ud externum, seu forum fori, in quo tra-  
ctantur causæ in ordine ad externam Forum in-  
et exter-  
num?  
gubernationem Reip. sive Ecclesiasticæ, sive Sæcularis; aliud internum, quod dicitur forum poli seu conscientiæ, in quo tractantur, quæ præcisè ad internum animæ statum pertinent: quod si interveniat Sacramentum poenitentiae, dicitur forum internum Sacramentale, secus non Sacramentale, ut si quis extra Sacramentum absolvatur à censura, vel reservatione peccati; quare forum conscientiae est quid commune foro Sacramentali interno, & quando dicitur Poenitentiarium absolvere in foro interno, sensus est, quod absolvat in foro conscientiae non Sacramentali in ordine ad conscientiam dirigendam, ut sine peccato procedat. His notatis:

Resp. In supplice libello exprimenda 13.  
sunt sequentia: Expri-

Expri-mendum 1mo. Nomen & cognomen  
Oratorum & nomen Diœcesis, si  
petatur dispensatio pro foro externo: si  
autem petatur pro foro interno, non est



opus, ut dixi, exprimere vera nomina Oratorum, nec Dioecesein, vel locum originis ipsorum, quia hæc re ipsâ non remittuntur in Dioecesanum, sed ad Oratorem ipsum, vel quem is designaverit; quod ut rectè fiat, debet exprimi in fine nomen & cognomen, cui rescribendum est, Item nomen civitatis, oppidi, in quo moratur. Unde satis est, si petat rescriptum dirigi, v.g. Treviros ad P. Societatis Jesu, exprimendo nomen & cognomen, vel alium quemcunque, qui tradet illud Oratori, & Orator eligit Confessarium, qui dispensationem exequatur secundùm dicenda.

2do. Exprimendum est impedimentum ipsum, quale in se est, & unde proveniat, an ex matrimonio rato, an ex sponsalibus, an ex copula licita, vel illicita, hinc si impedimentum sit affinitas, & scribatur consanguinitas, dispensatio est irrita, uti & si scribatur quartus gradus pro tertio, non verò si scribatur tertius pro quarto, quia remotior includitur in propinquiore ejusdem rationis: unde ab hoc ad illud valet argumentatio; secus, si minus in majore non includatur.

3tio. Si adsint plura impedimenta sive ejusdem, sive diversæ rationis. v. g. cognatio carnalis & spiritalis, vel duplex consanguinitas, aut duplex affinitas, debet utraque exprimi, & super singulis

peti

peti dispensatio, ut si Titius ducat matrem Caji, & ex ea generet Petrum, & Caji vicissim ducat matrem Titii, ex qua generet Catharinam, tum enim Petrus & Catharina sunt ex duplici capite consanguinei, potestque uxor Caji dicere de Petro, hic est filius filii mei: & frater mariti mei: uxor verò filii de Catharina: hæc est filia filii mei & soror mariti mei, vel si quis cognoverit duas sorores, & cupiat ducere tertiam earum sororem: fecus si quis ante executionem dispensationis unam tantum sæpius cognovisset: posset tamen, ubi duo impedimenta concurrunt, unum occultum, alterum publicum, pro foro externo peti dispensatio à Dataria in impedimento publico, & à sacra Pœnitentiaria pro occulto, si absque infamia publicari non posset v.g. affinitas ex copula illicita: si autem copula foret publica, illius omissio redderet dispensationem invalidam, quia stylus curiæ exigit illius expressionem, uti declaravit S. Congreg. teste *Corrado lib. 8. c. 1. num. 37.* Nec opposita sententia aliquorum apud *La Croix num. 922.* est practicè probabilis, teste Cardena.

4to. Quando Sponsus & Sponsa conjuncti sunt in consanguinitatis vel affinitatis gradu inæquali, quamvis ad valorem dispensationis sufficiat, ut declaravit Pius V. Anno 1566. exprimi remoti-



orem, quia tantum hujus, nisi propinquior sit primus, habetur ratio *ex Capit. finali consang.* cum consanguinei distantes in gradu dispari intelligantur tantum distare inter se, quantum remotior distat à communi stipite, sicque gradus remotior trahat ad se proximiorum quoddam rationem distandi, adeoque etiam quoddam dispensationem; nihilominus expedit utrumque exprimere: nam aliàs, ut licite procedatur ad expeditionem dispensationis, requiruntur literæ declarativæ; quod non obsit gradus propinquior, ut eorum, qui putarent ex defectu dispensationis in gradu propinquiori matrimonium esse nullum, vitetur scandalum; quod quia non immineret, si impedimentum esset occultum, aut crederetur per dispensationem esse sublatum, aut si aliter posset evitari scandalum, fidem faciendo ex motu Pii V. gradum proximiorum non officere valori, possent juxta *Platellium p. 5. num. 1184. Aversam, Tamburinum, Pontium*, Oratores absque mortali negligere litteras illas declaratorias; Ordinarius tamen ex præcepto Papæ præcipientis declaratorias illas in ordine ad forum externum, non potest absque illis dispensare sine mortali peccato, *La Croix sub num. 862. §. Non obstat imo in fine. Dixi: nisi gradus propinquior sit primus*; nam hic necessario exprimendus est.

5to Exprimenda est causa motiva, v. gr. *Incompetentia dotis, ætas sponsæ*, si sit superadulta, hoc est, egressa annum 24. & paris conditionis sponsum non invenerit, *evitatio scandalorum. infamia mulieris*, ut, si à sponso sit corrupta, vel ex familiari conversatione sit orta suspicio, etsi falsa, copulæ.

6to. Qui petit dispensationem, ut ducat à se cognitam, consanguineam, vel affinem juxta Sanch. debet exprimere copulam, quod negat Krimer cum aliis.

7mo. Qui secundam dispensationem petit, debet meminisse prioris, si hoc necesse sit ad impedimentum plenè cognoscendum, vel jus hoc requirat secundum dicenda in Theolog. Moral. p. 2. n. 587.

8vo. Si petenda sit dispensatio pro pauperibus, exprimenda est paupertas, non quidem pro valore dispensationis, sed pro minuendis sumptibus.

9no. Si petatur dispensatio pro matrimonio invalidè contracto, exprimendum est, an sit contractum servatâ formâ Trident. in facie Ecclesiæ, sive præmissis proclamationibus, aut cum dispensatione in iis, &c.

### Q U Æ S T I O III.

*Quid observandum sit ad impetrandam dispensationem matrimonialem in forma pauperum pro foro externo?*

Curia Romana dispensationem conce-



*Certa taxa* cedere solét pro foro externo, vel in forma ordinaria, vel in forma pauperum. *quandoq;* Quando eam concedit in forma ordinaria, certa taxa pecuniæ pendenda est, varia tamen pro diversitate graduum, circumstantiarum personæ, causæ & temporum; vel in mulctam & poenam, ut tales impediti abstineant, si nolint talem poenam solvere, ac deterreantur à nimio lapsu, ne antiqui Canones, matrimonia cum tali impedimento ineunda improbant, vilescant: impenditur autem tum in sustentationem Officialium Curiae Romanæ, tum in alias necessitates publicas, ut proinde tanquam injusta improbari non possit, cum occupatis in aliorum gratiam debeatur sustentatio, quam & Evangelii Prædicatoribus Christus concessit. Si verò concedat dispensationem in forma pauperum, concedit eam gratis ita, ut illa taxa non exigatur, etsi Agenti sit aliquid pendendum: fit autem ea dispensatio non solum à Papa, sed etiam ab Episcopis in casibus iis concessis; ut declarat consuetudo, & praxis, & à Papa quidem non nisi ob copulam, vel suspensionem copulæ ab Oratoribus habitæ, vel potius ob mulieris infamiam, & scandalum verosimiliter, nisi matrimonio jungantur, secutura; à Nuntio autem Apostolico, & Episcopis ex speciali privilegio dispensantibus etiam ex alijs causis. Imò

si Episcopus vi specialis privilegii dispenset, dispensatio semper gratis, & sic in forma pauperum etiam cum divite fieri debet, quia specialibus facultatibus Episcopis Germaniæ concessis semper additur hæc clausula: *Et præfatæ facultates gratis, & sine ulla mercede exerceantur.* Cumque facultates illæ singulis quadrienniis vel quinquenniis expirent, semperque cum dicta clausula concedantur, non potest consuetudine præscribi contra illam juxta *Reiffenstuel.*

Dubium hîc est, quinam censeantur 15.  
pauperes canonicè, ut gaudere possint *Quis sit*  
dispensatione in forma pauperum? Pau-*canonicè*  
peres quidem canonicè sunt non solum *pauper?*  
mendicantes, sed etiam, qui absque diminutione sui status non possunt solvere jura ad obtinendam Romæ dispensationem, ut fatentur omnes teste *La Croix.* Item qui non habent sufficientiâ, ut juxta status sui conditionem decenter vivere possint, quales etiam esse possunt nobiles. Quare ut decidatur, quis hîc censeatur pauper, personæ qualitas, & circumstantiæ considerandæ sunt; difficultas tamen crescit ex eo, quod postquam deprehensum est, quosdam titulo paupertatis impetrâsse dispensationem in forma pauperum, qui revera pauperes non erant, sedolvere potuissent Romæ taxam: Urbanus VIII. loco clausulæ:



*duummodo pauperes existant* literis dispensationis inseri solitæ, voluerit poni hanc: *duummodo ipsi pauperes, & miserabiles existant, ac ex solo labore ac industria tantum vivant.* In quâ clausula explicanda non conveniunt DD. ut videre est apud *La Croix* hic num. 857. Nam aliqui probabiliter dicunt pauperem censerî, qui labore suo debet simul victum querere, miserabilem verò, qui tantum labore suo, & non alio modo sustentare se potest; cui non obstat, quòd parvum proventum habeat. Alii tenent, si quis proventus annuos tam tenues habeat, ut deducto ære alieno, impensis oneribus ordinariis, & extraordinariis, v. g. tempore belli, &c. ferendis cogatur labore victum quærere, censerî verè pauperem & miserabilem, nec ideo teneri vendere bonum, ut taxam solvat. Ita *La Croix* num. citato. Dixi: *ut cogatur*; Nam certum est hic non censerî pauperem, qui re ipsa dives est, & vivit labore manuum: cum enim non ex necessitate, sed ex suo arbitrio vivat eo labore, nec pauper, nec miserabilis est.

Unde 1<sup>mo</sup>. Qui nulla bona possidet, sed tantum labore vivit, certò pauper & miserabilis est, etsi spem habeat pingvis hæreditatis, quia spes non liberat à præfenti paupertate.

2<sup>do</sup>. Si parentes habeant quidem multa-

ta-

ta bona, sed, deducto ære alieno, & oneribus, tam exiguus sit proventus, ut simpliciter labore & industria tantum vivant, vel ex bonis habeant, quod annuatim per duos menses vivant, verè sunt pauperes & miserabiles, quia simpliciter vivunt ex labore suo; ex quibus sequitur, non tantum Ruricolos, Opifices, Mechanicos, Milites, sed etiam multos Mercatores & Advocatos, aliosque esse canonicè pauperes, & miserabiles, eosque & eorum proles posse gaudere dispensatione in forma pauperum: His præmissis.

Resp. Ad dispensationem in forma pauperum hæc quinque necessaria sunt, *16. Requisita, ut dispensetur in forma pauperum.* ita ut uno deficiente, nihil sperari possit.

1mò. Debent Oratores esse verè pauperes, & miserabiles, aliàs deest intentio Pontificis dispensandi.

2dò. Debet inter eos intervenisse copula, aut esse tam familiaris conversatio, quæ eos de copula suspectos reddat, aut saltem apud Nuntium vel Episcopum adduci alia gravis causa.

3io. Debet addi, an copula intercesserit cum ignorantia, an cum scientia impedimenti, vel sub spe dispensationis, sive an in fraudem, & ad extorquendam facilius dispensationem, quia in hoc 2do casu aut non dispensatur, aut duplum solvendum est.

4tò Debet mitti attestatum ab Ordina-

na-



nario, vel ejus Vicario; quod Oratores sint pauperes ac miserabiles suo labore viventes. Debet quoque mitti arbor consanguinitatis, aut affinitatis, aut saltem explicari, in quo gradu se attingant dispensandi.

5to. Si Oratores non sint quidem miserabiles, fortunæ tamen mediocris, sive non sufficientia habentes ad vivendum secundum statum sui v. g. nobilitatis conditionem, mitti debet attestatio Ordinarii, vel Vicarii, in qua exprimantur annui reditus, quos habet Orator, & Oratrix, non conjunctim, sed divisim, & significetur, nobiles aut honestos esse; & dictos reditus vix sufficere ad congruam sustentationem annuam: nam in tali casu unius annui reditus acceptare solet Dataria, excepto casu, quo Oratores se attingunt in gradu secundo & tertio, acceptat autem in secundo, & tertio solo, ac etiam in aliis gradibus sive conjunctis, sive divisim, modò non concurrat secundus & tertius. Ita *P. La Croix*, qui num. 929. svadet, ut sollicitetur dispensatio per Nuntiaturam, quia hujus literæ certius diriguntur, ac supplicæ per Agentes proprios Romæ citius ac efficacius proponuntur, expeditiones obtinentur minori sumptu. Cæterum si responsio nimium differatur, monitio facienda est, ne fortè supplica sit deperdita, aut in oblivionem

venerit ob rerum multitudinem. Notandum præterea, quòd mortuo Papa obtineri non possint Romæ dispensationes matrimoniales: nam annulus Piscatoris, sive Sigillum Pontificis tunc frangitur.

Ex dictis colligitur, scribendum esse ad sacram pœnitentiarum, quando impedimentum est occultum, non verò, quando est publicum & notorium. uti nec quando in secundo gradu consanguinitatis etiam occulto sunt sponsi conjuncti; imò nec pro ullo gradu consanguinitatis ad matrimonium contrahendum, sed, quia in iis dispensat Papa, ad aliquem, qui loco convenienti tradat libellum supplicem scribendum.

17.  
*Quando  
scriben-  
dum ad  
S. Pœ-  
nitenti-  
ariam?*

## Q U Æ S T I O IV.

*Quomodo formanda sit Supplicatio pro impetranda Dispensatione matrimoniali.*

**R**esp. Hoc dabunt sequentia Exemplaria, juxta quæ prudens Parochus, vel Confessarius facilè faciet alia pro diversitate impedimentorum; & causarum.

### EXEMPLAR I.

*Pro Dispensatione obtinenda Romæ per  
Datariam pro foro externo in forma  
ordinaria super impedimento publico  
& notorio.*

BEA-



## BEATISSIME PATER

18.  
Forma  
ordinaria.

**E**Xponitur humiliter Sanctitati Vestrae pro parte devotorum ipsius Oratorum (Ponitur nomina eorum, Diœcesis, civitas, oppidum, & Parochia, quia rescriptum dirigitur ordinariè ad Diœcesanum) quoddam dicti Oratores orthodoxæ fidei cultores (ponitur causa dispensationis impetrandæ v. g. quoddam oratrix dotem non habeat, quæ juxta status sui conditionem nubere possit non conjuncto) cupiant matrimonialiter copulari, sed quia (ponitur impedimentum v. g. quoddam in secundo consanguinitatis gradu conjuncti sunt) & desiderium suum hac in parte adimplere non possunt sine Sedis Apostolicæ Dispensatione, supplicant humiliter Sanctitati Vestrae, quatenus cum iisdem super dicto impedimento benignè dispensare dignetur. Desuper Sanctitatis Vestrae devoti Oratores, qui supra.

## EXEMPLAR II.

Pro Dispensatione pro foro externo in forma pauperum super impedimento publico, & notorio per Datariam.

## BEATISSIME PATER.

19.  
Forma  
pauperibus.

**E**Xponitur Sanctitati Vestrae humiliter pro parte illius devotorum Oratorum Petri N. & Catharinæ N. Diœcesis N. Parochiæ N. in oppido N. quoddam

di-

dicti Oratores orthodoxæ fidei cultores, verè pauperes ac miserabiles, & labore suo & industria tantùm viventes, conscii se in tertio consanguinitatis gradu à communi stipite proveniente, conjunctos esse, se invicem, non quidem data opera, ut crimine admissio Sedem Apostolicam ad misericordiam, & gratiam erga ipsos faciliorem redderent, sed solum vesana libidine victi carnaliter cognoverint, prolemque susceperint, cum autem SS. Pater, nisi matrimonium inter dictos Oratores contrahatur, dicta mulier diffamata, innuptaque, & proles illegitima remaneret, graviusque inde scandala orirentur; cupiunt prædicti Oratores matrimonialiter copulari; sed quia obstante impedimento ejusmodi, desiderium suum hac in parte adimplere non possunt absque Sedis Apostolicæ Dispensatione; supplicant &c. ut supra.

Notandum, si copula sit habita cum ignorantia, vel sub spe facilitandi Dispensationem. exprimendum id esse, & quidem, an una tantùm, an utraque pars cum ea ignorantia vel intentione copulam habuerit. Dixi, *Sub spe facilitandi Dispensationem*, non verò cum spe; primum enim intentionem significat facilitandi Dispensationem, hancque difficiliorē reddit, non verò secundum.



## EXEMPLAR III.

*Pro Dispensatione super impedimento notorio in secundo & tertio gradu impetranda per Datariam.*

BEATISSIME PATER.

20.  
*Pro gradu 2do cum tertio.*

**E**Xponitur humiliter Sanctitati Vestrae pro parte devotorum illius Oratorum, &c. ut supra: quod praedicti Oratores orthodoxae fidei cultores, & (*si sint tales, id quod tunc semper addi potest*) vere pauperes ac miserabiles, cupiant matrimonialiter copulari, quia (*ponitur causa*) cum autem sint in secundo & tertio consanguinitatis gradu conjuncti, ideoque desiderium suum hac in parte implere non possint absque Sedis Apostolicae Dispensatione, hinc supplicant humiliter Sanctitati Vestrae praescripti Oratores, quatenus cum iisdem in ejusmodi impedimento ex tertio consanguinitatis gradu dispensare, & quod distantia secundi gradus non obstet, declarare, prolemque exinde suscipiendam legitimam renuntiare de speciali gratia dignetur, &c. ut supra.

In his supplicationibus ad Datariam scribitur: BEATISSIME PATER, quia non inscribuntur summo Datario, sicut inscribuntur summo Poenitentiario, quando petitur à sacra Poenitentiaria Dispensatio pro foro interno in impedimentis occul-

occultis; sed ipsi Papæ, qui ipse dispensat, licet supplicationes per manus Officialium transeant; debet tamen Romæ constitui, qui porrigat supplicationem, & Dispensationem sollicitet, nisi mittatur supplica per Nuntiaturam.

EXEMPLAR IV.

*Pro Dispensatione impetranda à sacra Pœnitentia pro foro interno super impedimento occulto ad matrimonium contrahendum.*

Eminentissime, & Reverendissime Domine, &c.

**E**Xponitur humiliter Eminentia<sup>e</sup> Vestræ, quod postquam Cajus Laicus *Ad Pœnitentiam* carnaliter cognovit, impedimenti ignarus (vel si ita non est, ponaturam pro conscius) tractatum habuerit cum sorore contrahendæ Titia<sup>e</sup> de contrahendo matrimonio, qui tractatus cum publicus sit, impedimentum verò occultum, & nisi Cajus & Titia matrimonialiter copulentur, exinde verisimiliter oritura sint, scandala; cupit Orator, ad scandala vitanda, & pro conscientia quiete à præmissis, de quibus summè dolet, absolvi, & secum dispensari. Quare Eminentia<sup>e</sup> Vestra<sup>e</sup> humiliter supplicat, ut super his de opportuno remedio Authoritate Apostolicâ providere dignetur. Desuper

*Eminentia<sup>e</sup> Vestra<sup>e</sup> devotus Orator,*

*Qui supra.*

R.P.Reuter Neo-Conf. Qq EXEM-



## EXEMPLAR V.

*Pro Dispensatione super impedimento occulto post contractum matrimonium, à S. Pœnitentiaria impetranda.*

Eminentissime, & Reverendissime  
Domine, &c.

22.  
*Pro reva-  
lidando.*

**E**Xponitur humiliter Eminentiæ Vestræ pro parte devoti illius Oratoris, Caji, Lalcî, quod ipse, aliàs impedimenti conscius (*velignarus*) matrimonium per verba de præsenti in facie Ecclesiæ contraxerit, & successivè consummavit cum muliere, cujus matrem antè carnaliter cognoverat; cùm autem dictus Orator ob affinitatis impedimentum ex dictis proveniens, quod occultum est, in eo matrimonio remanere non possit absque sedis Apostolicæ Dispensatione; & si divortium inter eos fieret, scandala exinde orirentur; cupit à præmissis, de quibus summè dolet, absolvi, & secum super impedimento ad remanendum in dicto matrimonio dispensari (*si proles ex eo suscepta sit, addatur*) prolemque legitimari. Quare Eminentiæ Vestræ, &c. ut suprà.

## EXEMPLAR VI.

*Super eodem brevius.*

Eminentissime, & Reverendissime  
Domine &c.

22. **T**itius Laicus (*consciis vel ignarus*) impe-

impedimenti contraxit in facie Ecclesiæ *Forma*  
matrimonium cum muliere, cujus ma- *brevior.*  
trem ( *vel sororem aut filiam* ) prius  
carnaliter cognovit: Quare cum absque  
scandalo separari non possint, & impe-  
dimentum sit occultum, humillimè sup-  
plicat absolvi & dispensari.

*Nota.* Epistola seu Supplicatio ad Sa-  
cram Pœnitentiarum terminanda est hoc  
modo: Dignetur Eminentia Vestra rescri-  
bere NN. ( *exprimatur nomen & cogno-  
men, cui rescribendum est* ) ad civitatem  
N. ( *exprimatur nomen civitatis* ) per op-  
pidum ( *exprimatur vulgare nomen oppi-  
di* ) & dirigere breve simplici Confessa-  
rio, seu Confessario, Magistro in Theolo-  
gia, vel Decretorum Doctore, sive Paro-  
cho, cui pœnitens suam conscientiam a-  
peruit, addatur nomen & cognomen Con-  
fessarii. Deinde foris Epistola inscribitur:

*Eminentissimo, & Reverendissimo Do-  
mino, & Domino Cardinali majori  
Pœnitentiarum. Romam.*

Supplica etiam includi potest literis  
ad Confessarium in Pœnitentia, quo-  
rum alii sunt ex Ordine S. Dominici,  
alii ex Ordine S. Francisci, alii ex Socie-  
tate JESU.



## EXEMPLAR VII.

*Pro dispensatione in foro externo impe-  
tranda ab Episcopo, vel Nuntio Aposto-  
lico ad matrimonium contrahendum.*

Reverendissime, & illustrissime ( *vel Cel-  
sissime prout dignitas personæ exigit* )  
Domine.

24. *Forma ad* **E**xponitur Reverendissimæ Dignitati  
*Episco- ( vel Celsitudini )* Vestræ pro par-  
*pum, vel* te devotorum illius Oratorum Pau-  
*Nuntium* li N. & Margarethæ N. Dioecesis N. Pa-  
*pro foro* rochiæ N. quoddam Oratores orthodo-  
*externo* xæ fidei cultores, verè pauperes ac mi-  
*ad contra-* serabiles, ignorantes ( *vel scientes* )  
*hendum.* inter se intercedere impedimentum  
( v. g. publicæ honestatis, consanguini-  
tatis in tertio & quarto gradu ) spon-  
salia contraxerint, atque familiariter  
inter se conversati sint ( *si sit suspicio co-  
pulae, aut hæc habita, hoc addatur, & in-  
super, an sub spe facilioris Dispensationis,  
vel non* ) & nisi matrimonium inter se  
contrahant, dicta mulier verisimiliter dif-  
famata, & innupta remaneret, graviâ-  
que inde scandala orirentur: cum autem  
&c. ( *hic ponatur impedimentum* ) & de-  
siderium suum hac in parte implere non  
possint absque Dispensatione; hinc sup-  
plicant Rmæ. Vestræ, quatenus cum  
iisdem super dicto impedimento beni-  
gnè dispensare dignetur. Desuper.  
Rmæ... Vestræ devoti Oratores

*Qui suprà.*

EXEM-

EXEMPLAR VII.

*Pro Dispensatione super impedimento  
publico ad manendum in matrimonio  
invalidè contracto.*

Reverendissime &c.

**E**Xponitur, &c. quòd dicti Oratores, <sup>25.</sup>  
ignorantes impedimentum, præmissis *Ad revali-*  
denuntiationibus, in facie Ecclesiæ *dandum.*

bona fide contraxerint matrimonium, il-  
ludque consummârint (*suscepta prole vel  
prolibus*) jam verò innotescat, eos esse  
consanguineos in quarto, vel tertio gra-  
du mixto cum quarto, adeoque absque  
dispensatione in matrimonio manere non  
possint; si verò separentur, gravia inde  
scandala, &c. oriuntur. Quare suppli-  
cant Rmæ... Vestræ, quatenus cum iis-  
dem super memorato impedimento con-  
sanguinitatis in quarto gradu dispensa-  
re, & non obstare propinquiorem decla-  
rare de gratia speciali dignetur, ut in  
facie Ecclesiæ licitè, & validè rursus  
contrahere valeant, &c.

Juxta Exempla jam data facilè confici  
poterit libellus supplex pro Dispensatio-  
ne in foro interno ad Ordinarium, in quo  
ponendum nomen Diœcesis, non verò  
nomina Oratorum, & Parochiæ, ut quo-  
ad potest, famæ Oratorum consulatur.



## QUÆSTIO V.

*Quæ taxæ & impensæ sint Romæ pendendæ pro dispensationibus matrimonialibus in dataria?*

26.  
Taxæ.

**R**Esp. Taxæ Jurium solvendorum, quæ tariffæ dicuntur, variæ sunt pro diversitate personarum, causarum, & temporum *A. P. La Croix l. 6. P. III. sub n. 932.* sic exponuntur.

*Pro dispensatione matrimoniali in consanguinitate, vel affinitate cum pauperibus, Romæ.*

Imperiales

In 2do gradu æquali

& copula licita, 14.

In 2do & copula illicita 3. & 4. pars Imp.

In 3tio & 2do, 5.

In 3tio æquali, 4.

In 3tio & 4to, 3. & med. Imp.

In 4to, 3.

Pro cognatione spirituali, 4.

Super impedimento publicæ honestatis, 2. & med. Imp.

*Pro Divitibus vel Nobilibus dispensandis,*

Scuta

In 2do gradu quando copula præcessit.

540.

In 3tio & 2do gradu sine causa, 530.

Cum causa, 45.

In 3tio gradu cum causa, 30.

Sine causa, 28.

Pon.

Pontifex dicitur dispensare sine causa, quando nulla ex prædictis, vel similis adest, cæterum nunquam dispensat sine omni causa etiam extrinseca ipsum movente, quæ ordinariè est bonum publicum Ecclesiæ, aut alia pia causa, pro qua exigit multam à dispensandis divitibus.

Porro duo Scuta faciunt tres circiter nostræ monetæ Imperiales. 10. Julii seu Pauli faciunt Romæ unum Scutum. 10. Bajoti unum Julium.

5. Quatrini unum Bajotum. Ita Plettenberg in Notitia Curie Romanæ.

#### Q U Æ S T I O VI.

*Qualis debeat esse ex commissione dispensaturus?*

**O**Rdinariè non dispensatur super impedimentis matrimonii Romæ, sed Episcopo, vel Vicario Generali, quem Curia Romana Officialem vocat, committitur, præsertim, si in foro externo sit dispensandum, vel dispensatio à S. Pœnitentiarum pro foro interno committitur faciendæ Confessario, aut alteri, quem dispensandus elegerit; literæ enim S. Pœnitentiarum diriguntur ad Oratorem, seu ad ipsum, qui dispensationem per se vel alium petit, qui non debet eas resignare, sed eligere Confessorem talem, quali inscribuntur, qui eas sibi ab Oratore tra-

27.  
Roma ordi-  
nariè  
non di-  
spensat  
per se.



ditas resignet, legat, & deinde cum eo secundum commissionem dispenfet. Licet verò quocunque casu ab alio aperiatur, non carent effectu, quia qualitas Doctoris non requiritur ad aperiendum, sed ad dispensandum.

Quæritur: *Qualis esse debeat executor eligendus?*

28.

*Qualitas  
executo-  
ris.*

Resp. Debet primò esse simpliciter approbatus ab Ordinario territorii, in quo dispensaturus. 2. Debet regulariter esse Magister sive Doctor Theologiæ, vel Juris Canonici, promotus in Academia, neque sufficit, quòd sit Licentiatus in Theologia, vel Jure Canonico, vel Magister, seu Doctor Ordinis! quòd enim talis in favorabilibus veniat nomine Doctoris, intelligitur tantum de iis, quæ ratione exercitii, non quæ ratione dignitatis committuntur. Dixi: *regulariter*: nam ex privilegio à Gregorio XIII. Annò 1582. concessò possunt Confessarii Societatis JESU, quos Generalis, vel alius Superior de ejus licentia, quàm Superiores habent, ad id designarit, dispensationem illam exequi; atque hoc alii religiosi mendicantes quoque possunt per communicationem privilegiorum, si specialem à suis Superioribus ad hoc facultatem impetraverint; aliàs dispensatio erit nulla. 3. Debet esse specialiter ad hoc electus à di-

à dispensando, qui tamen semel electum si deprehendat ignorantem vel nimis rigidum, mutare potest. Ità *Sanch. Perez de matrimonio d. 48. f. 5. num. 7. Gobat, Krimer, La Croix num. 955. Contra alios,*

Q U Æ S T I O VII.

*Quæ observanda sunt electo vel deputato ad dispensandum pro foro interno?*

**R**esp. Sequentia. 1. Si expresse <sup>29.</sup> habeatur in rescripto, ut dispensatio fiat in actu confessionis sacramentalis, *Observanda septem.* vel in foro Pœnitentiæ, vel audita confessione, requiritur confessio sacramentalis velut conditio, eaque sincera, & valida; non ex eo tamen, quòd dicatur: cum illis dispenses in foro conscientiæ, sequitur requiri confessionem. *La Croix n. 956.*

2. Confessarius, qui potest dispensare, etiam potest absolvere ab omnibus reservationibus & censuris, quæ proveniunt ex peccato, ob quod dispensatur; non tamen ab aliis, quæ aliunde proveniunt nisi reservatio & censura impediret effectum gratiæ, quia in rescripto additur, quas propter præmissa, quomodolibet incurrit,

3. Expendere debet diligenter clausulas rescripti, & examinare desuper dispensandum: quamvis autem ordinariè non requiratur, posset tamen ex causa expolci juramentum.



4. Præmittat monita opportuna, & consilia de fideliter respondendo, de implenda poenitentia injungenda, de cavendo relapsu in delictum.

5. Si supplicans nollet unquam dispensari, aut non posset, defectu conditionis, Confessarius non posset eum absolvere à reservatis & censuris, quia additur: *ad effectum concessæ gratiæ*. Quare dispensatio impeditenti, & revalidatio matrimonii, est causa finalis cæterorum, quâ cessante cessant reliqua. *La Croix n. 659.* Quodd, si dispensatio facienda esset saltem post duos trësve annos, posset dispensandus à nunc electo Confessario absolvi à reservatis & censuris pro dispensatione dein ab eodem accipienda, cùmque dispensatio non sit alligata temporì, posset diutius differri, modò à censuris absolvatur interea, ut satisfaciat præcepto annuæ confessionis.

6. Debet rescriptum lacerari, vel comburi, vel ita corrumpi, ut non possit produci in foro externo, quod fit, si detrahatur sigillum, laceretur per medium, inducantur lituræ, vel cancelli, quamvis retineatur. Tunc enim nullum ejus authenticum exstat exemplar. Hoc si negligeretur, valeret quidem dispensatio, peccaret tamen Confessarius graviter, quia præcipitur sub excommunicatione latæ sententiæ; non peccaret tamen. si  
illius

illius exemplar pro se describeret, huic enim non haberetur fides in foro externo. *La Croix n. 966.*

7. Si Confessarius minùs bene peregerit officium suum, v. g. si dispensarit, sed non legitimarit prolem spuriam, poterit rescriptum præsentari alteri Confessario qualificato, qui hoc acceptato supplere poterit, quia commissio imitatur forum Poenitentiae, in quo si unus non satisfecerit, poterit adiri alius.

Q U Æ S T I O VIII.

*Quænam sint clausulæ, & quomodo intelligendæ, quæ rescriptis pro dispensatione matrimoniali solent inseri.*

**R**Esp. Sunt variæ, quæ pro diversitate dispensationum diversæ inferuntur. 1ma est: *Quatenus si ita est:* hoc est, an vera sint narrata, 2da. *Audita prius ejus sacramentali confessione:* nimirum ante absolutionem, & dispensationem. 3tia. *Sublata occasione peccandi:* vi hujus tolli debet occasio omnis proxima peccandi v. g. cum sponsæ matre, vel sorore, vel alia, cum qua ante peccavit sponsus, & quidem ante absolutionem, quia est quid substantiale, & magni momenti: sufficit tamen, si permanens in eadem domo, ex occasione proxima ante faceret remotam, quia occasio proxima esset moraliter sublata, debet autem

30.  
*Variæ  
clausulæ  
expenden-  
dæ, & ser-  
vandæ  
Commis-  
sario,*

Con-



Confessarius media ad id præscribere.  
 4ta. *Ad vitanda scandala, quæ orirentur:* ubi nomine scandali non venit admiratio, aut prudens opinio de alterutrius improbitate, sed publica occasio peccandi per temeraria judicia, detractiones, odia, dissensiones, imitatio mali exempli.  
 5ta. *Hæc vice absolvat.* Circa hanc docet *Krimer à n. 2353.* & probabile agnoscit *Gobat*, quòd dispensandus si post concessionem gratiæ laberetur in plures censuras, vel reservata, possit etiam ab his absolvi; quia per hæc non est extincta gratia, cuius effectum cum impedirent aliàs reservata, debent posse tolli; hæcque potestas absolvendi durat, quamdiu ex rationabili causa differtur executio dispensationis. Nec obstat; quòd Confessarius accepta facultate absolvendi Titium a lapsu carnis reservato, non possit uti ad absolvendum ab aliis ante absolutionem interea commissis, quia facultas limitabatur ad peccatum manifestatum, & pro quo determinatè petebatur, habetque sublatio reservati illius rationem finis; at in nostro casu sublatio censuræ habet rationem medii; ideo enim datur facultas absolvendi à censuris, ut absolvatur à peccatis; & in statu gratiæ revalidet matrimonium; facultas autem absolvendi mensuranda est secundum rationem finis, ut habet *S. Thom.*

2. 2. q. 27. n. 6. Cum ergo censuræ, quæ  
 interveniunt; impediunt finem, facultas  
 se extendit etiam ad illas tollendas. De  
 primo casu V. *La Croix* l. 6. p. 2. n. 1692.  
 6ta. *Injuncta ei pro tam enormi libidinis  
 excessu gravi pœnitentia salutari:* quæ pro  
 prudentia Confessarii potest esse v.g. je-  
 junium per sex menses, semel qualibet  
 hebdomada recitatio tertiæ partis, seu  
 quinque Decadum Rosarii per tres men-  
 ses tribus diebus in hebdomada; vel ali-  
 ud pietatis opus considerata qualitate,  
 statu, sexu, ætate pœnitentis. Si tamen  
 dispensandus jam ante confessus esset, &  
 accepisset proportionatam pœnitenti-  
 am, vel si cum tali dispositione accede-  
 ret, ob quam mereretur minorem, posset  
 levior imponi, quia clausula intelligitur  
 de peccato non confessio secundum se.  
 7ma. *Injungatur confessio saltem una sin-  
 gulis mensibus* Hanc tenet Gobat, dura-  
 re tota vita: & quoties omittet, toties  
 peccaturum mortaliter. *Krimer* putat  
 probabiliter, si non addatur; in perpetu-  
 um: satis esse, si injungatur ad annos se-  
 cundum mensuram delicti. *La Croix*  
 n. 963. 8va. *Denique, dummodo impedi-  
 mentum ex dictis proveniens sit occultum:*  
 quod proinde examinare debet Confes-  
 sarius. 9na. *Aliudque Canonicum non  
 obstat impedimentum:* puta, in quo dispen-  
 satum non sit, vel quod dispensatione e-  
 geat.



geat. Hinc non obstat, quamvis, cum affinitate jam dispensata, clandestinè ante contractum sit matrimonium, quia impedimentum clandestinitatis potest per contrahentes tolli renovando consensum coram Parocho, & testibus. 10ma. Si addatur hæc clausula: *prolemque suscipiendam exinde legitimam nuntiendo*, sensus est, ut declaret tantum legitimam, quia, sublato per dispensationem impedimento, ex matrimonio nascitur proles de jure legitima. 11ma. Quando dicitur, quodd proles ex invalido matrimonio nata declarari debeat legitima *pro foro conscientie tantum*, sensus est, prolem talem pro utroque foro fuisse illegitimam, si uterque parens fuit conscius impedimenti, tumque esse legitimandam, in quo casu Ecclesia tantum dispensat pro foro interno; attamen juxta *Krimer* tum legitimatur quoad temporalia, & spiritualia, juxta alios verò tantum ad Ordines sacros, & beneficia. Quando verò saltem unus bona fide contraxit, putans matrimonium esse validum, proles censerì debeat legitima pro utroque foro. Idem dicendum, si non indicetur etiam mala fide impedimentum, quando revalidatur matrimonium. *La Croix* n. 964. 12ma. Si ubi revalidandum est matrimonium, dicatur: *parte altera de nullitate prioris consensùs certiorata; sed ita cautè, ut La-*  
toris

*toris delictum nusquam detegatur: debet alteri parti nullitas matrimonii ita aperiri, ut sit libera ad absolutè consentiendum de novo, vel non consentiendum. Potest tamen à parte conscia impedimenti etiam pro altera ignara illius, impetrari dispensatio; dum enim inhabilitas relativa tollitur ab una, etiam tollitur ab altera: nec apparet, cur gratia non possit impetrari invito, quamvis ei liberum maneat eâ uti, nisi iura requirant, acceptationem gratiâ donandi, uti requirunt, dum impetratur beneficium Ecclesiasticum. 13tia. Quando additur: *Tuam conscientiam oneramus*: eligitur industria personæ pro ipso actu dispensandi, hicque relinquitur ejus arbitrio sine cognitione judiciali, sufficitque prudens judicium de veritate narratorum, etsi non adsit certitudo, nec locus est appellationi. 14ta. Quando, ut solet, in rescripto habetur: *Si per diligentem informationem compereris preces veritate niti*; hoc spectat ad formam, & prærequiritur ad valorem; ut constat ex *Trid. sess. 22. cap. 5. de reformat.* idque licet ex confessione sponforum, aut aliunde constaret; non debet autem plùs examinare, quàm mandatur: unde si, ut nunc sit, clausula non addatur; *Dummodo copula non intercesserit*; in eam requirere non debet, secus, si apposita esset; quo tamen casu, si ageretur*



retur de dispensatione pro foro externo, & copula esset occulta, juxta *Sancti Krimmer*, & alios, reus non teneretur eam faceri, quia sensus esset, si intervenerit, & publicè sit nota. Et idem esset, si Judex interrogaret de alio impedimento occulto, quod debito tempore tollendum esset. Econtra informatio pro foro externo capienda est ab aliis, quia in eo nemo admittitur ut testis in causa propria. Quòd si per testes preces essent justificatæ, & delegatus extra sigillum confessionis sciret eas non subsistere, non posset pergere, quia executio remittitur ejus judicio & discretioni, onerata ejus conscientia, id est, si in conscientia repererit preces veritate niti, & non sequi scandala. 15ta. Si dicatur: *Si tibi videbitur expediens, dispenses*; dispensatio committitur ejus non libertati, sed prudenti judicio. 16ta. Si addatur: *ut asserunt, se de genere nobili ortos*, & alia causa movens Papam non addatur, debet nobilitas coram executore probari, sufficit autem; patrem esse nobilem, vel eos nobiliter vivere, & non exercere, quæ populares exercent. Econtra viles censentur Mechanici: Honesti; qui exercent artes ingenuas, seu plus ingenii requirentes, ut ars pictoria, &c. 17ma. Si dicatur in dispensatione cum illegitimo, dummodo paternæ incontinentiæ imitator

non

*non sit*: est tantum instructio, & adhortatio, ut talis non sit, hinc quamvis esset, adhuc valeret dispensatio. 18. Si dicatur; *Dummodo per annum non inforduerit*, sensus est, si non permanferit totò annò in delicto, sine poenitentia: unde; si intra annum sit confessus, non censetur inforduisse, etsi fortè relapsus sit, modo in hoc iterum non permanferit per annum sine poenitentia. 14. Si addatur: *Gratis ubique, sub pœna invaliditatis sine ulla mercede, sine præmio, sine munere, gratis sub excommunicatione &c.* prohibetur, ne admittatur quidquam. Pro foro externo spectanda est consuetudo quoad Officiales.

Q U Æ S T I O X.

*Quomodo in praxi procedendum juxta doctrinam hætenus traditam?*

**R** Esp. Procedi potest hòc modò. 1mò. Si advertas inter aliquos, qui jam contraxerunt inter se matrimonium, esse impedimentum dirimens, ex pensis incommodis fortassis secuturis, vide, quid magis expediat, an illis revelare impedimentum, aut potius illos relinquere in matrimonio, bona fide contracto, sine impedimenti revelatione.

2dò Si matrimonium primùm intendant contrahere, quantum potes, nisi aliud exigant circumstantiæ, dissuade.

*R.P. Reuter Neo-Confess.* Rr quia

31.  
*Praxis  
secundum  
dicta pro-  
cedendi.*



quia plerumque infausta sunt matrimonia inter personas, antecedenter impeditas, nisi adsit valde iusta dispensationis petendæ causa: frequenter enim ducuntur motivis carnalibus aliis; meréque temporalibus, quæ Deo non probantur, ideoque coelestem impediunt benedictionem.

3tiò. Si in conjugato notes impedimentum, quod ipse sciat, & super quo dispensari cupiat, eò quòd non possit separari sine scandalo, nec vivere cum putatitia uxore continenter, procura illi dispensationem, vel ab Episcopo, si impedimentum sit ejusmodi, ut dispensare is possit; vel Româ saltem per poenitentiarium religiosum, de quibus memini supra sub N. 295. Interim jube eum abstinere ab omni actu conjugali, quod securius obtinebitur, si negotiorum, vel alia de causa aliò abeat, ità, ut non eodem lecto cum putatitia uxore utatur.

4tò Ubi rescriptum acceperis, si habearis qualitates requisitas, & Orator te ad exequendam dispensationem eligat, aperi ipso præsentè literas, expone omnes clausulas concernentes, quære an vera sint, quæ illic asseruntur, & an præstare velit, quæ injunguntur; si affirmet vera esse omnia, seque paratum ad præstandum omnia offerat, jube eum disponere se ad Confessionem, audi consistentem

tem, impone præscriptas poenitentias, adde debitas admonitiones, dein absolute à censuris & peccatis formâ confuetâ, & dispensa utens hâc formâ: *Insuper* <sup>32.</sup> *authoritate Apostolica mihi specialiter delegata dispenso tecum super impedimento,* v. g. affinitatis, itâ ut, illo non obstante, matrimonium contrahere (vel renovato consensu in eo permanere) possis & valeas cum N. In nomine Patris, &c.

*Forma dispensandi.*

Eadem authoritate prolem, si quam susceperis, legitimam declaro.

Si hâc formâ non lubet uti, poteris absolvere à censuris & peccatis cum intentione dispensandi, & dein declarare poenitenti, cum ipso esse dispensatum, & proles fore legitimas. His peractis lacerâ literas dispensationis.

§. IV.

*De Dispensatione pro ordinibus.*

QUÆSTIO I.

*Quid pro dispensatione super natalibus, seu cum illegitimis sit observandum?*

**R** Esp. imò. Illegitimi in genere dicuntur, qui non sunt nati ex vero, vel saltem putativo matrimonio.

Si sint ex parentibus, inter quos nec tempore conceptionis, nec tempore natiuitatis; nec intermedia legitimum potuit esse matrimonium; dicuntur spurii, nati ex damnato coitu: uti sunt nati ex adul-

<sup>33.</sup> *Quid sint illegitimi?*



terio, incestu, concubitu sacrilego. Si verò inter parentes tempore conceptionis, vel nativitatis,, aut intermedio potuit esse legitimum matrimonium, naturales appellantur. Hi omnes sunt irregulares, & arcentur ab ordinibus, & beneficiis Ecclesiasticis; legitimantur tamen per subsequens matrimonium, inter parentes suos, postea etiam in articulo mortis bona fide contractum, etsi invalidè, modò ab Ecclesia reputetur validum. Excipe tamen spurios, qui per subsequens matrimonium præcisè non legitimantur spectato jure canonico ad ordines & beneficia ex capite: *Cum tanta, qui filii sint legitimi: nisi tempore conceptionis ab uno conjuge impedimentum fuerit ignoratum. Palac. tr. 13. pu. 6. §. 2. n. 9.*

34.  
Qui ex  
matrimo-  
nio invali-  
do cense-  
antur le-  
gitimi?

Dixi in Responsione: *ex matrimonio vero, vel saltem, putatio:* Nam illegitimi non sunt imò: qui nati sunt ex matrimonio solum illicito, ut nati ex conjugibus voto simplici castitatis in sæculo obstrictis. 2dò. Nati ex parentibus judæis, vel infidelibus, quia eorum matrimonia in ratione contractus censentur valida. 3tiò. Nati ex parentibus, qui matrimonium celebrârunt cum impedimento dirimente occulto præmissis proclamationibus. Secus, si hæ sint omissæ. *Ex cap. cum inter.* 4tò. Nati ex matrimonio re ipsa quidem invalido, bona tamen fide

fide saltem ab uno contrahentium celebrato. 5tò. In dubio, an quis sit illegitimus, habetur legitimus, quia in dubio vitium non præsумitur, & culpa parentum dubia non debet obesse prolibus cum detrimento certo; hinc etsi sciatur, quòd uxor ante matrimonium se miscuerit pluribus, si tamen proles nascatur post septimum mensem, à contracto matrimonio computatum, censetur legitima: nam licèt à conceptione usque ad nativitatem prolis plerumque intercedere soleant novem menses lunares; attamen, ut ait *Aristoteles l. 7. de animalibus cap. 4.* non unum tempus, sed multiplex pariendi homini à natura datum est: mulier enim mense septimo, octavo & nono parere potest, & quod plurimum decimo; nonnullæ etiam mulieres undecimum attingunt: hinc si post contractum matrimonium proles nascatur ante septimum mensem, ordinariè non censetur legitima, secus, si post illum, aut etiam in fine mensis decimi post mortem vel divortium mariti. *Laym. l. 5. p. 3. cap. 5. n. 22.* Excipe nisi contrarium constaret. Uti si notoria esset copula à sponso cum sponsa ante matrimonium habita, &c. 6tò. Legitima censetur proles, si parentes contraxerint cum impedimento, & dubitetur an mala fide. Si quis tamen sciret, se esse illegitimum, etsi publicè



putaretur legitimus, non posset gerere se velut legitimum, quia etiam illegitimi occulti sunt irregulares. *La Croix l. 4. n. 755.* cum communi contra aliquos, quos citat.

35. *Expositi-  
tū an legi-  
tini.* An expositi censendi sint irregulares, vel legitimi, controvertitur. Legitimos cenferi negat, *Suar. Vasq. & alii.* Eò quòd sæpius sint illegitimi; Præsumptio autem capiatur ex frequenter contingentibus affirmant *Barbosa, Salas, Castrop. & alii.* apud *La Croix l. 4. n. 766.* Quia sæpè exponuntur legitimi ob paupertatem parentum, vel aliis de causis; in dubio autem inclinandum est in favorem prolis, & quando præsumptio est contra præsumptionem, prævalere debet, quæ favorem continet, & excludit delictum, cum delicta non præsumantur.

36. *Dispensa-  
re potens  
cum ille-  
gitimis.* Resp. II. Cum illegitimis dispensare potest Papa pro omnibus ordinibus, & quibuscunque beneficiis; Episcopus vero imò cum suis subditis ad ordines minores, & beneficia simplicia *ex Cap. Is qui 1. de filiis. Presbyt. in 6.* Non tamen ad plura beneficia etiam tenuia ab uno eodemque possidenda. 2dò. Probabiliter etiam ad ordines majores, beneficia curata, & dignitates, si defectus natalium sit occultus. Ità *Diana, Avila, Barbosa, Laym. Engel. Franc. Schimer. Pichler & alii* contra communioem. Rationem dant, quia

quia *Trid. Sess. 24. cap. 6. de Reform.* dicit:  
*Liceat Episcopis in omnibus irregularita-*  
*tibus & suspensionibus ex delicto occulto*  
*provenientibus, exceptâ eâ, quæ oritur ex*  
*homicidio voluntario: & exceptis aliis, de-*  
*ductis ad forum contentiosum, dispensare:*  
 Cùm ergo irregularitas ob defectum na-  
 talium oriatur ex delicto, etsi non pro-  
 prio, attamen parentum, rectè videtur  
 extendi dispositio Tridentini ad eam ut-  
 pote beneficium Principis & mera gra-  
 tia, in nullius præjudicium cedens, ade-  
 oque largissimæ interpretationis *ex cap.*  
*16. de v. f. Cap. 22. de Privileg.* Deinde si  
 non extenderetur ad irregularitatem ex de-  
 licto alieno, irregulares ex delicto pro-  
 prio essent melioris conditionis, quàm ir-  
 regulares ex delicto alieno, Ex eadem  
*Trid.* dispositione tenet *Pichler T. 20. n.*  
*3. citans Pirrhing, Layman, Piasc.* posse  
 Episcopum dispensare in irregularitate  
 ob vitium corporis ortum ex delicto occul-  
 to. Atque hæc eadem facultas, sede va-  
 cante, conceditur Capitulo. Quamvis  
 autem facultas illa, Episcopis concessa,  
 sit latæ interpretationis, ipsa tamen di-  
 spensatio, cùm deroget juri communi, est  
 strictè accipienda. Hinc dispensatus ad  
 ordines & beneficia præcisè, non cense-  
 tur dispensatus ad ordines majores, &  
 beneficia curata, *La Croix l. 6. à n.*  
 2216.



37. *Expri-* Resp. III. Si petatur dispensatio super  
*menda* natalibus exprimi debet, an is, pro quo  
*supplicati-* impetitur, sit natus ex utroque parente  
*one.* soluto, vel alterutro conjugato, aut con-  
 stituto in sacris ordinibus, aliàs dispen-  
 satio nulla est.

38. Resp. IV. Taxa Romæ solvenda si tan-  
*Taxa sol-* tùm dispensetur ad sacros ordines su-  
*venda.* scipiendos, sunt 7. Scuta & 50. Bajoci;  
 si ad ordines sacros, & beneficia, Scuta  
 41. si simul ad dignitates Ecclesiasticas  
 50. Scuta. Si dispensandum sit cum filio  
 Presbyteri; debet mitti attestatum Or-  
 dinarii, vel ejus Vicarii, quodd filius non  
 sit imitaturus incontinentiam patris.  
 Taxa sunt 20. Scuta ad ordines tantùm.

39. Resp. V. Modus petendi dispensationem  
*Forma* hanc est hic: *Petitur dispensatio super nata-*  
*supplicati-* libus ad ordines minores & majores tantùm  
*onis,* (vel etiam ad beneficia) pro NN. (ex-  
 primatur nomen & cognomen (Diœcesis  
 N. natus ex simplici fornicatione, vel ex a-  
 dulterio ex parte, &c.

## Q U Æ S T I O II.

Quid observandum pro impetranda dispen-  
 satione ad ordines extra tempora vel  
 sine interstitiis suscipiendos?

40. *Motiva* Resp. Hæc datur Romæ propter u-  
*dispensan-* num ex his motivis. 1mum est so-  
*di?* latium parentum, vel parentis se-  
 nio confecti. 2dum. Ætas 27. annorum  
 incho-

inchoata. 3. Doctoratus, vel Baccalau-  
reatus Theologiæ. 4. Arctatio beneficii  
actualis. 5. Subdiaconatus, vel Diacona-  
tus. 6. Nobilitas. Ex his motivis dispen-  
sat Dataria, & Secretaria, quæ & dispen-  
sat cum ob magisterium artium, tum ob  
actuale studium Theologiæ.

Si Dataria dispenset, taxa sunt 4. Scu-  
ta, quibus duo sunt addenda, si dispen-  
setur ob nobilitatem; dispensatio autem  
non expeditur, nisi intra 14. dies, si tamen  
Officialibus addantur 50. Bajoci, haberi  
expeditio potest intra dies octo. Si di-  
spenset Secretaria Brevium, haberi potest  
intra diem, sed tunc pendenda sunt 9.  
Scuta.

Modus petendi hic est: *Petitur Di-* 42.  
*spensatio in interstitiis, vel extra tempora* *Modus*  
*pro NN, Clerico seu Scholari Diæcesis N. petendi.*  
*à parte Imperii (vel Reip.) in solatium pa-*  
*rentis senio confecti, vel, quia jam est anno-*  
*rum 27. &c.*

Cæterum in Interstitiis ob causam di-  
spensare etiam possunt Episcopi Germani-  
niæ

### Q U Æ S T I O III.

*Quid observandum pro dispensatione in æ-*  
*tate ad Ordines requisita à jure?*

**R** Esp. Hæc datur imò ob penuriam 43.  
Sacerdotum. 2. Ob utilitatem egre-  
giam Ecclesiæ, quæ speratur à di-  
spensan-  
di Romæ.



dispensando. 3. Ob solatium parentum saltem alterutrius viventis. 4. Ob arctationem beneficii actualis. 5. Ob Diaconatum vel Subdiaconatum. 6. Ob Doctoratum Theologiæ. vel Philosophiæ; ac etiam ob studium Theologicum. Non dispensatur autem nisi pro 13. mensibus ad summum. Taxa cum Agentia sunt undecim Scuta.

44. *Modus petendi hic est: Petitur Dispensatio in ætate 13. mensium pro NN. Diocesis N. v. gr. in solatium patris senio confecti &c.*

45. *Potest quoque Episcopus distinguere.* In ætate unius anni pro ordinibus possunt etiam ex speciali facultate dispensare Episcopi Germaniæ, pendique solet pro quolibet mense Florenus Rhenanus, In ætate tamen ad beneficium curatum obtinendum Episcopi nec pro uno die dispensare possunt.

#### QUÆSTIO IV.

*Quid præterea notandum pro dispensatione in irregularitate ex delicto, vel defectu Romæ petenda?*

46. *In occultis pœnitentiariis, in notariis Dataria.* **R**esp. Si delictum v. g. homicidium, sit occultum, nec ad forum contentiosum deductum, dispensat Pœnitentia. Modus petendi hic est: Petitur dispensatio super irregularitate à Titio Diocesis N. contracta ex homicidio voluntario (vel involuntario) quod sic

fic accidit: *Narratur species facti, additurque, quod casus sit occultus.* Taxa quidem nulla solvenda est pro dispensationibus in Pœnitentiaria, Agentiæ tamen solvendum est juxta mensuram laboris & difficultatis. Sûntque ordinariè 50. Bajoci.

Si verò delictum sit publicum, aut irregularitas proveniat ex defectu corporis, dispensat Dataria, & taxa cum Agentia sunt 12. Scuta. Si Laicus; qui uxorem habuit viduam, dispensationem petat pro ordinibus, taxa quandoque ascendit ad 185. Scuta. De dispensatione in votis, & juramentis vide Theol. Moral. p. 2. n. 360.

## §. V.

*Præxes petendi alias gratias.*

## P R A X I S

*Petendi Indulgentias plenarias.*

**S** *Upplicatio.* Petitur Indulgentia plenaria ad septennium ( *perpetua enim vix datur* ) pro Ecclesia Parochiali ( *vel filiali* ) v. g. S. Petri loci N. Diœcesis N. in festo S. Petri. Item si videatur, peti potest Indulgentia 100. dierum pro iis, qui singulis diebus Sabbati, & festis B. Virginis interfunt Litaniis Lauretanis, recitari, vel decantari solitis. Hæ binæ Indulgentiæ, quando simul petuntur, inferuntur uni, eidemque Brevis, nec ided plus agentis solvendum.

47.  
*Forma  
petendi.*

No-



48.  
Quæ &  
quot In-  
dulgentiæ  
pro singu-  
lis Eccle-  
siis impe-  
trari pos-  
sint?

Notandum autem imo. Cuivis Eccle-  
siæ five Capellæ, quæ non sit regularium,  
unicè tantum conceditur Indulgentia  
pro omnibus per annum ad septennium  
duratura, Ecclesiis tamen Cathedralibus,  
Collegiatis, ac etiam Parochialibus pos-  
sunt per memoriale à Papa impetrari bi-  
næ ad septennium. 2. Cuivis Ecclesiæ  
tam regularium, quàm non Regularium  
fine memoriali impetrari possunt Indul-  
gentiæ ad septennium in precatione 40.  
horarum, & visitatione 7. Altarium lu-  
crandæ. 3. Sine memoriali cuilibet Ec-  
clesiæ impetrari potest 100. dierum in-  
dulgentia pro iis, qui intersunt Litaniis  
Lauretanis in festis B. V. M. & semel in  
hebdomada. 4. Si Agens in Curia Ro-  
mana procuret Indulgentias, tum pro  
labore dantur 20. Bajoci, si autem de-  
beat facere & porrigere memoriale. 50.  
Bajoci, 5. Et si fuerit communis senten-  
tia, quod septennium, pro quo concedun-  
tur indulgentiæ, sit computandum à die  
promulgationis, eò, quòd concedi cense-  
retur septennium fructuosum, tale autem  
non sit ante approbationem Episcopi &  
promulgationem ex Trid. Sess. 21. cap. 9.  
de Reform. nunc tamen computandum  
est à Die datæ Brevis, ut declaravit S.  
Congregatio approbante Pontifice Annò  
1711. 18. Maii *La Croix* l. 6. p. 2. n. 525.

6. Clausula Brevibus inserta: *Volumus au-*  
*tem,*

*tem, ut si alias Christi fidelibus in quocun-*  
*que alio anni die dictam Ecclesiam seu Ca-*  
*pellam, aut Altare in ea situm, visitantibus*  
*aliqua alia Indulgentia perpetuo vel ad*  
*tempus, nondum elapsum, duratura conce-*  
*ssa fuerit.... præsentibus nullæ sint, non com-*  
*prehendit Altaria privilegiata pro defun-*  
*ctis, nec Indulgentias certo hominum ge-*  
*neri v. g. confraternitati concessas, nec*  
*concessas certum pium opus in Ecclesia*  
*peragentibus, vel Litanias, aliasve huius-*  
*modi preces recitantibus, ac iis, qui Chri-*  
*stianâ doctrinâ erudiuntur, aut erudiunt,*  
*nec preces 40. horarum, nec denique,*  
*quæ pro unica vice conceduntur. Ita S.*  
*Congreg. approbante Pontifice 1676. u-*  
*ti videre est apud La Croix l. 6. p. 2. sub*  
*n. 1379.*

50.

*Clausula:*  
*præsentibus*  
*sint nullæ.*

P R A X I S

*Petendi privilegium Altaris pro omnibus*  
*fidelibus Defunctis.*

**S***Uppilcatio.* Petitur Altare privilegi-  
 atum ad septennium (perpetuum e-  
 nim vix est impetrabile) pro Ecclesia  
 v. g. Parochiali S. Petri, loci N. Diocesis N. & in ea sito Altari majori (vel Chri-  
 sti Crucifixi) pro singulis Feriis secundis,  
 vel pro una in septimana, ab ordinario  
 determinanda, dicuntur in ea quotidie 7.  
 vel 5. vel 4. Missæ, Scribatur, ut est.

51.

*Forma*

*supplican-*  
*di.*

*Notandum.* Altare privilegiatum non  
 conceditur Ecclesiæ pro omnibus fide-  
 bus *Missæ re-*  
*quisitæ.*

52.



bus Defunctis, nisi in ea dicantur per annum quotidie 7. Missæ. Si dicantur Missæ tantum 4. vel 5. debet memoriale præfentari Pontifici, sique pauciores Missæ in illa Ecclesia quotidie celebrentur debet in ea esse erecta sodalitas v. g. Bmæ Virginis, vel doctrinæ Christianæ sub invocatione v. g. S. Iosephi, alicujus Apostoli vel alterius Sancti, aliàs Altare privilegiatum vix obtinebitur. Si autem in ea celebrentur in dies 10. vel 9. Missæ, potest per memoriale pro duabus Feriis in hebdomade impetrari, aliàs pro una tantum. Si quotidie dicantur 14. Missæ potest sine memoriali impetrari pro duabus in hebdomade diebus &c.

## P R A X I S

*Petendi Altare privilegiatum pro Confratribus, & Confororibus alicujus Confraternitatis.*

53  
*Forma  
suppli-  
candi.*

**S** *Upplicatio.* Petitur Altare privilegiatum ad septennium pro Ecclesia Parochiali (vel filiali) S. Petri. Loci N. Dioecesis N. & in ea sito Altari Confraternitatis N. v. gr. Rosarii &c. pro una feria hebdomadæ ad arbitrium Confratrum de consensu Ordinarii. Diem commemorationis omnium fidelium Defunctorum, & illius Octavam non est opus exprimere, quia jam subintelligitur.

*Notandum.* Hoc altare conceditur, et si per hebdomadam tantum unum in illa Eccle-

Ecclesia legatur Sacrum, modo dicatur in Altari privilegiato eâ die, cui affixæ sunt indulgentiæ ex determinatione Secretariæ Apostolicæ, vel Ordinarii.

Expensæ pro hoc, & præcedente sunt eædem quæ solvendæ sunt pro Indulgentiis. Quamvis Agens pro hujusmodi brevibus literis in Secretaria debet solvere 10. Bajocos. Brevia tamen Indulgentiarum dantur gratis.

## P R A X I S

*Petendi Breve Indulgentiæ perpetuæ pro Confraternitate quacunque erigenda, vel jam erecta.*

**N**otandum. Hoc Breve petitur, quando aut jam erecta est, aut primò erigitur aliqua Confraternitas, Indulgentiæ autem conceduntur plenariæ perpetuæ Confratribus & Confororibus 1mo. Indulgentia plenaria in die ingressus. 2do. In articulo mortis. 3tio In festo principali per annum. 4. Indulgentiæ septem annorum, septem quadragenarum, pro quatuor aliis festis minùs principalibus per annum. 5to. Indulgentiæ 60. dierum pro omni opere pio ex iis, quæ in Brevi specificantur.

*Supplicatio.* Petitur Breve pro Ecclesia Parochiali, vel filiali v. g. S. Petri non Regularium (vel Clericorum Regularium) Civitatis N. Diæcesis N. & in ea erecta vel erigenda Confraternitate,

54.

*Expensæ.*

55.

*Quæ Indulgentiæ?*

56.

*Forma supplicandi.*



te, v. g. B. M. V. sine labe originali conceptæ. Festa sunt omnia ad arbitrium Confraternitatis, vel certè festum principale v. g. pro principale: Conceptio B. M. V. & quatuor minus principalia: Annuntiatio; Nativitas, Purificatio. & Assumptio ejusdem. Neque enim necesse est festa specificare; si non specificentur, reliquuntur arbitrio, & determinationi Sodalium cum consensu Episcopi.

57.  
*Taxa.*

Taxa hujus Brevis cum Agentia sunt 5. Scuta, & 2. Bajoci, sed quia semper Altare privilegiatum per 20. Bajocos impetratur, hinc pro utroque solvuntur 5. Scuta, & 22. Bajoci.

## PRAXIS

*Petendi Breve perpetuum pro Confraternitatibus Agoniæ, seu, ut dicitur de bona moræ.*

58.  
*Forma supplicandi.*

**S**upplicatio. Petitur Breve perpetuum pro Ecclesia Clericorum Regularium Societatis JESU Civitatis N. & in ea erecta sive erigenda Confraternitate, seu Congregatione D. N. J. C. in Cruce moribundi; ac B. M. V. ejus Genitricis dolorosæ ad bene moriendum: pro semel quovis mense, id est, Prima Dominica (vel Feria 6ta.) cujuscvis mensis.

59.  
*Quæ Indulgentiæ.*

Per hoc Breve conceduntur plenariæ indulgentiæ perpetuæ pro aliquo die, qui supplicatione determinari debet, in quovis

vis mense: ordinariè solùm datur iis Confraternitatibus, quæ eriguntur in Ecclesiis Societatis JESU, seu in quibus ipsi divina peragunt. Pro Agentia, & Altari privilegiato datur unum Scutum, vel quandoque Imperialis communis monetæ.

*Praxis petendi Oratoria.*

*Oratorium pro rure, seu locis extra urbem, & oppida sitis.*

**S** *Upplicatio.* Petitur Oratorium pro N. N. Dicecesis N. vigore cujus ipse, moderna conjux ipsius N. cum prolibus, & familia possit curare celebrari Missam cum solitis clausulis, & exceptionibus, in domo suæ habitationis rure extra urbem N. &c. Taxa 12. Scuta. Hoc datur etiam personis non nobilibus, & nullam jurisdictionem temporalem in aliquo dominio exercentibus.

60.

*Forma supplicandi.*

*Pro Civitate, & omnibus locis, in quibus supplicans jurisdictionem temporalem seu altam, seu bassam exercet.*

**S** *Upplicatio.* Petitur Oratorium pro N. N. v. g. S. Rom. Imperii Comitæ, ejus moderna conjuge N. prolibus, familia, hospitibus, pro Civitate N. loco N. Dicecesis N. in quo jurisdictionem temporalem exercent. Datur tantùm personis nobilibus, jurisdictionem aliquam temporalem exercentibus, atque cum his restrictionibus imo. Ut valeat.

61.

*Forma supplicandi.*

*R. P. Reuter Neo-Conf.*

Ss

at



62. *Servanda.* at tantum pro Civitate, & locis unius  
 Dioecesis. 2do. Ut quotidie tantum una  
 in eo Missa dicatur, per quod tamen  
 non prohibentur celebrare ii Religiosi,  
 qui privilegium habent personale celebrandi,  
 ubicunque commoditatem nacti fuerint, 3tio. Ut locus sit muratus, de-  
 center à domesticis aliis usibus separatus,  
 & prius visitetur ad Ordinario, vel ejus Vicario, 4to. Ut in festis solen-  
 nioribus anni istic Missa non celebretur. 5to.  
 Ut famuli & famulae illo tempore ad servitia  
 non necessarii diebus festis, & Dominicis eant  
 ad Ecclesiam publicam; filii autem, & famuli  
 necessarii, ac ruri etiam hospites nobiles possunt  
 dictis diebus interesse privatae Missae, satis-  
 faciuntque praeepto Ecclesiae. Taxa sunt 12. Scuta,

*Pro infirmis Nobilibus.*

63. *Forma  
 Suppli-  
 candi.*

**S**upplicatio. Petitur Oratorium pro  
 N. N. & (si infirma etiam sit) e-  
 jusdem conjuge, Nobilibus, Dioe-  
 cesis N. laborantibus quibusdam infirmi-  
 tatibus. propter quas domo, Missam au-  
 diendi causa exire non possunt pro Civi-  
 tate N. & tota Dioecesi N.

64. *Observan-  
 da.*

Hoc conceditur Nobilibus; etsi juris-  
 dictionem nullam exercent, convenit-  
 que cum secundo in omnibus, praeter-  
 quam, quod valeat tantum pro tempore  
 infirmitatis ab auditione Missae in Eccle-  
 sia

sia impediens, nulla tamen anni dies etiam solennissima excipitur. Deinde diebus Dominicis restringitur tantum ad unam personam usibus necessariam; aliae vero, ut satisfaciant praecepto Ecclesiae, Missae debent interesse in Ecclesia publica. Potest etiam impetrari pro matre, patre, filia, filio, fratre, sorore infirmis. Taxa est eadem, quae supra.

*Pro Itinerantibus.*

**S**upplicatio. Petitur Altare portabile, sive viatorium pro NN. ejusdem moderna conjuge N. Nobilibus Dioecesis N. frequenter, aut subinde iter facientibus per v. g. Germaniam.

65.  
*Forma  
supplicandi.*

Datur tantum Nobilibus jurisdictionem etiam non exercentibus; valet tantum in itinere, ubi commoditas non est audiendi Missam; quo casu eo gaudere possunt etiam omnes focii itineris. Taxa est eadem quae supra.

**PRAXIS***Petendi Proto-Notariatum Apostolicum*

**S**upplicatio. Petitur Proto-Notarius Pontificius (vel Ducis Sfortiae) pro N. N. Dioecesis N. Canonico ibidem, vel Nobili, vel Magistro Philosophiae.

66.

*Forma.*

Hic non datur, nisi personae nobili, aut gradu aliquo Theologico, aut Juridico, vel Philosophico insignitae, aut constitutae in dignitate aliqua Ecclesiastica.

67.

*Quibus*



Taxa sunt 24. Scuta, si detur à Pontifice; si à Duce Sfortiæ ex Privilegio, quod habet à pontifice; 6. vel 7. Scuta, & 50. Bajoci. Notariatus autem datur etiam non Nobilibus, nec Graduatis, Taxa cum Agentia sunt 4. Scuta. 50. Bajoci; modus petendi idem, qui supra.

## §. IV.

*Breviaturæ in pœnitentiaria usitatæ explicantur.*

68.	A.	Consciæ	Conscien-
<i>Brevia-</i>	Archiepus	Archie-	tia.
<i>turæ quo-</i>	piscopus.		Constituônibus
<i>modo le-</i>	Alt	Aliter.	Constitutionibus.
<i>gendæ?</i>	Als	Alias.	D.
	Absolûo	Absolutio,	Discreôni Discretio-
	Aplica	Apostolica.	ni.
	Appbatis	Approba-	Dispensao Dispen-
	tis.	tatio.	satio.
	Autre	Authoritate.	Dnus, Dominus
	C.		E.
	Cardlis	Cardinalis.	Ecclæ Ecclesiæ.
	Canicè	Canonice.	Effus Effectus
	Cen	Censuris.	Exit Existit
	Circumpoeni	Cir-	Ecclis Ecclesiasticis
	cumspectioni.	Epûs	Episcopus
	Xstus	Christus.	Exioe Excommu-
	Conseône	Confes-	nicatione.
	fione.		F.
	Conseôri	Confessori.	Fr Frater
	Coioe	Communi-	Frum Fratrum
	one.		G.
			Gnal

Gnālī	Generali.	Pontus	Pontifica-
H.		tus.	
Hūmoi	huiusmodi.	Ptus	præfatus, præ-
Humiler	humiliter.	dictus.	
I.		Ptur	præfertur, præ-
Infrāptum	infra scri-	ditur.	
ptum.		Pntium	præsentiū.
Irregūlte	irregulari-	Pbter	Presbyter.
tate.		Pbricida	presbyteri-
Igr	igitur.	cida.	
Intrāpta	intra scri-	Pænia	pœnitentia.
pta.		Pœniaria	Pœniten-
L.		taria.	
Lia	licentia.	Pœ	Posse.
Ltima	legitima.	Pror	Procurator.
Lræ	literæ.	Q.	
Litè	licite.	Qtnūs	quatenus.
M.		Qmbt	quomodoli-
Mrimonium	Matri-	bēt	
monium.		Qd	quod
Magto	Magistro.	R.	
Mirāone	miserati-	Reālri	Regulari
one.		Reliōne	Religione.
Mir	misericordia.	Roma	Romana.
N.		S.	
Nulltus	nullatenus.	Sntæ, vel	Stæ,
O.		Sanctæ.	
Ordio	Ordinatio.	Saluri	salutari.
Ordināoni	ordinati-	Sentia	sententia.
oni.		Speatr	specialiter.
P.		Supplionibus	Sup-
PP.	Papa.	plicationibus.	
Pr.	Pater.	Spua-	



Spualibus spirituali- Theologia.  
bus. Tli Tituli.

T.

V.

Tn tamen. Venebli Venerabi-  
Tm tantum. li.  
Thia, vel Theolia, Vræ Vestrae.

Notandum in literis S. Poenitentia-  
riæ, non fieri virgulas, nec puncta, nec  
commata, nec Diphtongos, nec Accen-  
tus, sed sensum colligendum esse ex le-  
ctione. Ita testantur *Humoldus Pletten-  
berg in notitia Congregationum pag. 198.*  
*& Viva in damnatam 31. ab Alexandro*  
*VII. N. XIII.*

## §. VII.

*Extraordinariæ facultates, Episcopis,  
Germaniæ à Sede Apostolica con-  
cedi solitæ.*

69. **U**T sciatur, in quibus ordinariè ad E-  
piscopum recurri possit, existima-  
vi referendas hîc esse facultates  
speciales Episcoporum Germaniæ. Do-  
autem illas, ut habentur *apud La Croix*  
*p. 6. p. 3. n. 846.* & sunt sequentes.

1ma. Absolvendi ab hæresi, & Apo-  
stasia à fide, & à schismate quoscunque  
etiam Ecclesiasticos tam sæculares, quàm  
regulares, non tamen eos, qui ex locis  
fuerint, ubi sanctum Officium exercetur,  
nisi in locis Missionum; in quibus impu-  
nè grassantur hæreses, deliquerint, nec  
illos, qui judicialiter abjuraverint, nisi na-  
ti

ti sint, ubi impunè grassantur hæreses & postjudicalem abjurationem illuc reversi in hæresin fuerint relapsi, & hos in foro conscientiæ tantum.

2da. Tenendi & legendi libros Hæreticorum ad effectum eos impugnandi, & alios quomodolibet prohibitos, præter opera Caroli Molinæi, & Nicolai Machiavelli, & libros de Astrologia judiciaria, principaliter, aut incidenter, & alias quovis modo de ea tractantes; ita tamen, ut libri illis provinciis non efferantur.

3tia. Dispensandi in 3tio & 4to simplici, & mixto cum pauperibus tantum in contrahendis, in contractis verò cum hæreticis conversis etiam in secundo simplici & mixto, dummodo nullo modo attingat gradum 1mum; & in his casibus prolem susceptam declarandi legitimam.

4ta. Dispensandi super impedimento publicæ honestatis, justitiæ, ex sponsalibus proveniente.

5ta. Dispensandi super impedimento Criminis neutro tamen conjugum machinante, ac restituendi jus petendi debitum amissum.

6ta. Dispensandi in impedimentis cognationis spiritualis, præter levantem, & levatum.

7ma. Hæ verò dispensationes matrimoniales videlicet 3tia, 4ta, 5ta, & 6ta



non conceduntur nisi cum clausula; *Dummodo mulier rapta non fuerit, & si rapta fuerit, in potestate raptoris non existat.* Et in dispensationibus hujusmodi declaratur expresse, illas concedi tanquam à Sedis Apostolicæ Legato, ad quem effectum etiam tenor hujusmodi facultatum inferatur cum expressione temporis, ad quod fuerint concessæ, aliàs nullæ sint.

*Hac facultate juvari non possunt in matrimoniiis contractis sine proclamationibus.*

8va. Dispensandi in irregularitatibus, ex delicto occulto tantum provenienti-  
bus, excepta eâ, quæ ex homicidio voluntario contrahitur.

9na. Dispensandi & commutandi vota simplicia in alia pia opera, exceptis votis castitatis, & religionis.

10ma. Absolvendi ab omnibus casibus reservatis etiam in Bulla Coenæ, in locis tamen, ubi impunè grassantur hæreses.

11ma. Delegandi simplicibus Sacerdotibus potestatem benedicendi paramenta, & alia utensilia, ad sacrificium necessaria, ubi non intervenit S. Unctio; & reconciliandi Ecclesias pollutas aqua ab Episcopo benedicta, & in casu necessitatis aqua etiam ab Episcopo non benedicta.

12ma. Conferendi ordines extra tempora; & non servatis interstitiis usque ad sacer-

sacerdotium inclusive.

13a. Dispensandi super ætate unius anni ob operariorum penuriam, ut promoveri possint ad Sacerdotium, si alias idonei fuerint.

14a. Consecrandi olea cum quinque saltem Sacerdotibus, non tamen extra Coenam Domini, nisi necessitas illud urgeat.

15a. Celebrandi bis in die, si necessitas urgeat: ita tamen, ut in prima Missa non sumpserit ablutionem; per unā horam ante aurorā, & aliam post meridiem, sine ministro, sub dio, & sub terra, in loco tamen decenti, etiam si Altare sit fractum, vel sine reliquiis Sanctorum, & præsentibus Hæreticis, Schismaticis, infidelibus, & Excommunicatis, si aliter celebrari non possit. Caveat autem, ne prædicta facultate seu dispensatione bis in die celebrandi aliter, quàm ex gravissimis causis, & rarissimè utatur, in quo graviter oneratur ipsius conscientia. Quod si hanc facultatem alteri Sacerdoti juxta facultatem inferius apponendam communicare, aut causas ea utendi alicui, qui à S. Sede hanc facultatem obtinuerit, approbare visum fuerit, serio ipsius conscientiae injungitur, ut paucis duntaxat, usque maturioris prudentiae, ac zeli, qui absolute necessarii sunt; nec pro quolibet loco, sed ubi gravis necessitas



tulerit, & ad breve tempus eandem communicet, aut respectivè causas approbet.

16a. Deferendi SS. Sacramentum occultè ad infirmos sine lumine; illudque sine eodem retinendi pro iisdem infirmis in loco tamen decenti, si ab Hæreticis, aut infidelibus sit periculum sacrilegii.

17a. Induendi vestibus sæcularibus, si aliter vel ad loca eorum curæ commissa pervenire, vel in iis permanere non poterunt.

18va. Recitandi Rosarium, vel alias preces, si Breviarium transferre non poterunt, & divinum officium ob aliquod impedimentum recitare non valeant.

19a. Dispensandi, quando expedire videbitur, super esu carnum, ovorum, lacticiniorum pro tempore jejuniorum, & præsertim Quadragesimæ.

20ma. Communicandi has facultates in totum, vel in parte, prout opus esse secundum ejus conscientiam judicârit, Sacerdotibus idoneis in conversione animarum laborantibus, & præsertim tempore sui obitus, ut, Sede vacante, sit, qui possit supplere, donec Sedes Apostolica certior facta, quod quamprimum fieri debeat, per delegatos, aut unum ex iis alio modo provideat.

21ma. Et prædictæ facultates gratis, & sine ulla mercede exercentur, ac tantum concessæ intelligantur ad quinquennium.

Utendi

Utendi iisdem facultatibus in civitate, & Diœcesi N. tantum.

Hæ facultates (quibus si restrictæ non sint, dispensare & absolvere potest Episcopus *juxta Pignatelli Tom. 7. Consultat. 53.* etiam peregrinos in sua Diœcesi & advenas, imo & religiosos exemptos) singulis quinquenniis, computatis à die exceptionis renovantur; nec cessant mortuo pontifice vel novo Electo; quamvis enim initio novi Pontificatus promulgetur Regula 13. vel 14. Cancellariæ, eæque revocentur variæ facultates ab Antecessore Pontifice concessæ; attamen Anno 1700. Roma interrogata respondit non revocari facultates à Sto Officio concessas, quales ordinariè sunt, quæ Episcopis & Nuntiis Apostolicis conceduntur, sed eas tantum. quæ immediatè à Prædecessore Pontifice sunt concessæ.

*La Croix l. 6. p. 3. n. 848.*

Plerasque ex prædictis facultatibus, aliasque ampliores habere solet Nuntius Apostolicus, sed non quilibet easdem, hinc si in quo casu juvare non possit Episcopus, expedit recurrere, ut supra monui, ad Nuntium, qui, si dispensare vel absolvere non possit, dispensationem aut absolutionem minoribus sumptibus Romæ procurabit.

70.  
Quando-  
nam cessant fa-  
cultates?

O. A. M. D. G.

INDEX



INDEX UNIVERSALIS: CIFRA NUMERUM MARGINALEM, A APPENDICEM DESIGNAT.

A.

*Absolutio.*

<b>A</b> Bsolutionis forma.	Numero 21
Quæ verba de ejus essentia?	n. 22
Quomodo danda?	n. 23
Quando danda absolute, & quando sub conditione?	n. 26
Cui danda, & cui neganda, & quomodo?	n. 35 & 37
Quando differenda?	n. 34
An, & quando ei præmittenda absolute à censuris?	n. 29
An etiam probata vitæ emendatio?	ibidem.
Non danda dimidiatè confessis ob concursum poenitentium.	n. 30
Nec, nisi moraliter præsentibus.	n. 31
Danda, si cætera adsint, confessis sola venialia.	n. 32
Etiam, se relapsurum judicanti, si velit media adhibere.	n. 33
An, quando, & quomodo danda moribundis, usu sensuum, velle quæla destitutis?	n. 216
Quando, & quomodo danda pueris?	n. 106
An danda sæpius relabenti in eadem venialia?	n. 187
An	

*Index Universalis.*

An sponsæ, quam non integrè confiteri colligitur ex confessione sponsi? n. 36

An dari possit, si nullum in specie peccatum à pœnitente elici valeat? n. 117

Quid, si Confessarius, in fine confessionis pœnitentem adhortatus, nullius in specie peccati sit memor? n. 28

Vide *Occasio, Consuetudinarius, Restitutio.*

*Acedia.*

Quid sit? n. 95

Quale peccatum? n. 96

Ejus progenies. n. 97

Remedia contra illam. n. 98

*Adolescentes.*

Quomodo examinandi? n. 106

Quæ specialiter iis commendanda? n. 38 & 107

Quomodo excitandi ad dolorem de peccatis? n. 12 & 104

*Avaritia.*

Quid sit? n. 62

Ejus progenies. ibid.

Avarus quomodo examinandus n. 63

Remedia contra avaritiam. n. 65

*B.*

**B**eneficia DEI sub n. 12

Breviaturæ in literis Romanis. in App. n. 68

Bla-



*Hujus Opusculi.*

Blasphemus quomodo tractandus? n. 94

Bona conjugum propria, & communia. n. 122

Quis eorum dominium. usumfructum, & administrationem habeat? ibid.

Bona filiorum-familias, & quid hi possunt circa illa? n. 139

*C.*

**C**ommunio frequens, & quotidiana. n. 254

Decretum Pontificis circa illam. ibid.

An pueris frequenter permittenda? n. 222

*V. Viaticum.*

*Confessarius.*

Quod sit ejus munus, quàm Excel-lens? n. 1

Quæ illi observanda adituro Sedem confessionalem? n. 2

Quæ in ipsa confessione? n. 3

Quæ post confessiones auditas? n. 55

*Confessio.*

Quomodo confessiones, certò, vel probabiliter invalidæ revalidandæ. n. 189 & 190

Confessiones generales quomodo dirigendæ? n. 191

*Conjuges.*

Eorum obligationes. n. 119

Quo fine utendum iis matrimonio. ibid.

Causæ excusantes à reddendo debi-

*Index Universalis.*

- to conjugali. n. 120  
Eorum peccata specialia. n. 121  
Quid singulis circa bona propria liceat, & quid non. n. 127  
Querelæ illorum quæ & quomodo temperandæ, & defectus corrigendi. n. 131  
*Consuetudinarius.*  
Quis talis sit censendus. n. 175  
Quomodo tractandus consuetudinarie in materiis pluribus n. 183  
Assvetus juramentis. n. 181  
Perjuriis. n. 186  
Blasphemiis. n. 185  
Imprecationibus diris ibid.  
Vel certis peccatis venialibus. n. 187  
Quando danda: vel neganda tali absolutio. n. 176  
Quid, si talis sit pusillanimis, vel minus sollicitus. n. 181  
Quæ remedia iis præscribenda præsertim contra peccata luxuriæ. n. 188  
& n. 16

*V. Occasione.*

*Contumelia.*

- Quale sit peccatum & quomodo circa eam examinandus poenitens? n. 93  
Ad quid teneatur reus contumeliæ. ibid.

*D*

*Delectatio mortua.*

- Q**uæ sit delectatio venerea, & quæ mere sensibilis. n. 67  
Dea



*Hujus Opusculi.*

*Deliberatio.*

Quomodo dirigendus deliberans de  
statu vitæ eligendo. n. 109

*Desperatio.*

Quomodo desperans de emenda-  
tione vitæ ob peccata vel ten-  
tationes sit erigendus. n. 238. & 239

*Devotio.*

Quomodo dirigendæ personæ, quæ  
specialem profitentur devotio-  
nem, vel speciali studio intendunt  
perfectioni? n. 245

Occultæ earum tentationes. n. 246

Modus eas curandi. ibid.

Observanda circa diversos animi  
motus. n. 247

Signa, an à bono, vel malo sint spi-  
ritu? n. 248

Instructio pro tempore consolatio-  
nis, & desolationis. n. 251. 252. 253

*Dispensatio.*

Quis possit dispensare in observati-  
one Fæstorum. in App. n. 1.

Quis in jejunijs Ecclesiasticis; ibid. n. 2.

Quis in impedimentis matrimonii  
impedientibus tantum ibid. n. 3

Quis in dirimentibus? ibid. n. 4

In quibus dispenset pœnitentiaria,  
& dataria Romana? ibid. n. 10

Quæ exprimenda sint in libello sup-  
plici? n. 13

Quid observandum, si petatur di-  
spen-

*Index Universalis*

spensatio in forma pauperum?  
ibid. n. 14. & 16

Vide *Executor*.

Quis dispensare possit pro Ordini-  
bus cum illegitimis? in App. n. 36

Quid observandum pro dispensatio-  
ne in interstitiis? ibid. n. 40

In ætate. n. 43

In irregularitate. n. 46

*Dolor de peccatis.*

Quomodo poenitens excitandus ad  
dolorem, seu contritionem de  
peccatis? n. 12. 13. 104.

An præcedere debeat confessio-  
nem? n. 11

An renovandus facta statim nova  
mortalis confessione? n. 27

Motiva doloris. n. 12

Pro venialibus. n. 187

Signa ejusdem. n. 10. 34

In consuetudinariis n. 177.

E.

*Ebrietas.*

**Q**uid sit & quotuplex? n. 85

Quale peccatum? n. 86

Signa plenæ ebrietatis. ibid.

Qui in hac materia peccent gra-  
viter? n. 87

Ebriosus quomodo corrigendus?

sub n. 133

Ebriosa uxor quomodo à viro ha-  
benda? n. 133.

R. P. Reuter Neo-Conf. Tt. Er-



*Hujus Opusculi.*

*Erroris in Confessione.*

Quomodo corrigendi errores à Confessario in confessione commissi?

1. Si per errorem non adhibuit formam absolutionis. n. 48
2. Si non interrogavit numerum; & speciem peccatorum. n. 49.
3. Si neglexit monere de restitutione facienda. n. 50
4. Si obligavit ad eam, vel ab ea deobligavit erroneè, n. 51. & 52
5. Si rem restituendam temerè jussit dari pauperibus. n. 53
6. An pro his erroribus corrigendis debeat habere licentiam à pœnitente? n. 54

*Examen pœnitentis.*

An Confessarius teneatur examinare pœnitentem, & qua diligentia? sub n. 4  
Resp. III, & IV

Quomodo examinandus pœnitens in genere? sub n. 4.

Quomodo accusans se de maledictis, & blasphemis? n. 91

De invidia. n. 78

De luxuria. n. 66

Quomodo examinandi pueri? n. 102

Adolescentes. n. 106

Puellæ. n. 111.

*Executio.*

Executor dispensationis matrimonialis qualis esse debeat? in App. n. 27

Quæ

*Index Universalis.*

Quæ illi observanda in dispensatione pro foro interno? ibid n. 29

Quæ illi servanda circa clausulas, scriptis inferi solitas. n. 30.

Quomodo in praxi procedere debeat. n. 31

**F.**

*Facultas.*

**F**acultates extraordinariæ Episcoporum Germaniæ dispensandi. in App. n. 69

*Famulantes.*

Eorum examen, & obligationes: n. 151  
Specialia illorum peccata. n. 152

An famulari liceat hæretico, & quæ observanda tali famulo. n. 152. Resol. XV.

*Fatuus.*

Quomodo cum eo agendum sit Confessorio. n. 192.

*Filii-Familias.*

Obligationes illorum erga parentes.

Peccata specialia. n. 137

Illorum bona, & dominium, n. 138

An filius-familias in domo patris pro opera sua possit exigere salarium, aut pro eo clamquid subducere n. 145

Admonitio, & instructio filiorum n. 147

*Formule.*

Supplicandi pro dispensatione in impedimentis matrimonii. in App. n. 18

Supplicandi pro impetrandis indulgentiis?



*Hujus Opusculi.*

tus  
Pro oratorio privato, ibid. à n. 47  
Pro Proto-Notariatu Apostolico ibid. à n. 60  
Forum. ibid. n. 66  
Internum, & externum in quo differant.  
in App. n. 12

**G.**

*Gula.*

**Q**uid, quale peccatum fit, & quot mo-  
dis eâ peccetur. n. 81  
Quæ cibi mensura statuenda, ne gu-  
lâ peccetur. n. 82  
Remedia contra gulam. V. *Voluptas* n. 88

**H.**

*Hæreticus.*

**Q**uis sit hæreticus formalis, & quis  
tantum materialis. n. 198  
Quomodo agendum cum conver-  
tendo ad veram Religionem. n. 197  
Quomodo ejus confessio excipienda n.  
202  
Si pruriat ad disputandum, quomodo  
procedendum. 204  
Si inveniatur hæreticus deductus ad ex-  
trema, quid agere oporteat, n. 203

*Herus.*

Illius obligationes. n. 148  
Peccata specialia. n. 149  
Admonitio. n. 150

**I.**

*Illegitimus.*

**I**llegitimus quis censeatur. in Ap. n. 33  
In

## *Index Universalis.*

### *Indulgentiæ.*

Concessæ ad septennium quando expi-  
rent. Vide *formula*. in App. in 49

*Infirmus, moribundus.*

In accessu ad infirmum quid agendum  
Sacerdoti. n. 209

Quomodo disponendus ad confessionem.  
n. 210

Quomodo excipienda ejus confessio.  
n. 211

Si teneatur ad restitutionem, quid sva-  
dendum, & agendum. ibid.

Si lapsus in casum reservatum, cum one-  
re satisfaciendi tertio. ibid.

Quomodo in visitatione excitandus ad  
resignationem, & patientiam. n. 212

Quæ curanda in ejus cubiculo. n. 227

Quæ cautela adhibenda, si morbus sit  
contagiosus. ibid.

Quid si inveniatur lingvæ, vel sensuum  
usu destitutus. n. 216

Quid dicendum conjunctis defuncti. n. 211

### *Impedimentum matrimonii.*

Quando censeatur notorium, aut adhuc  
occultum, in App. n. 11

### *Invidia.*

Quid sit, & quæ ejus progenies? n. 75.  
& 76

Invidus quomodo examinandus?

Vide *Examen.*

Remedia contra Invidiam n. 80

*Tr 3*

*Ita*



*Hujus Opusculi.  
Instructio.*

Ignorantis.	n. 5
Famulorum.	n. 155
Pro ducenda vita Christiana.	n. 8
Vide <i>Parentes.</i>	

*Ira.*

Quid sit, quando, & quale peccatum?	n. 89
Ejus progenies.	n. 90
Remedia contra illam.	n. 94

*Juramentum.*

Quibus verbis efferatur?	n. 186
Requisita ad licitum.	ibid.

*L.*

*Litera.*

**A** Lienas quando liceat, aut non liceat legere. Vide *Secretum.*

*Luxuria.*

Quid sit, & quale peccatum?	n. 66
Quomodo examinandus luxuriosus, accusans se de cogitationibus, aspectibus, &c. Vide <i>Examen.</i>	
Remedia contra luxuriam.	n. 74

*M.*

*Mercatores.*

**E**orum peculiares obligationes, & peccata propria. n. 157. 158. 159. 160

*Milites.*

Quæ eorum speciales obligationes, & peccata propria? n. 164, & 165

*Moribundus, vide Infirmus.*

*O.*

*Index Universalis.*

O.

*Occasio peccandi.*

**Q**uæ sit occasio proxima & remota peccandi, & quomodo differat à periculo? n. 168

Quomodo procedendum cum constituto in proxima occasione peccandi; quando danda, vel neganda absolutio? n. 169

*Odium.*

Accusans se de odio proximi, quomodo examinandus, & ad quæ obligandus. n. 228.

Quomodo inducendus, si nolit offensam condonare. n. 230

*Opifices.*

Quæ sint eorum obligationes, & peccata propria. n. 162. 163

*Optatio mali physici.*

Quando liceat sibi vel proximo, salvo ordine charitatis, optare malum physicum. n. 79

P.

*Pauper.*

**P**auper Canonice quis sit. in App n. 15

Quomodo solandi pauperes. n. 115

*Pædagogi.*

Quæ eorum obligationes, & peccata specialia. n. 115

*Parentes.*

Eorum obligationes, & peccata specialia num. 128. 129



*Hujus Opusculi.*

Tentationes.	n. 130
Remedia contra eas.	n. 131
Instructio illorum.	n. 136
Mittentes filios ad Magistrum hæreticum an peccent.	n. 129, R. 8

*Parochi.*

Eorum obligationes, & peccata specialia.	n. 154
--	--------

*Patientia.*

Motiva, & incitamenta ad illam exercendam.	n. 214
--	--------

*Pœnitens.*

Benignè excipiendus.	n. 13
1. Quomodo tractandus accusans se de peccatis contra castitatem.	

*V. Luxuria.*

2. Induratus.	n. 206
3. Volens differre pœnitentiam in finem vitæ.	n. 207
4. Pudibundus, pusillanimis.	n. 236, 237
5. Ignotæ linguæ.	n. 196
6. Surdus, mutus, semifatuus.	n. 192
7. Dolorem exiguum præferens.	n. 208
8. Nolens offensam condonare	

*V. Odium.*

*Pœnitentia.*

Qualis injungenda.	n. 14
Quæ opera injungi possint.	n. 16
Ex quibus causis injungi possit minor.	n. 17
Quæ injungenda pueris.	n. 105
Quæ adolescentibus.	n. 108
Quæ assuetis imprecationibus, & blasphemis.	n. 118.
Quæ	

*Index Universalis*

Quæ luxuriosis. n. 16. 72. 188.

A quo iuncta mutari possit. n. 19

Quæ inconueniens. n. 18

Quid in dubio de sufficiente. n. 20

*Pueri; Puella.*

Qui dicantur pueri, adolefcentes. n. 99

Quomodo audiendi. n. 100

Ad quæ animandi. n. 103.

Quomodo excitandi ad contritionem.

n. 104

Quibus legibus teneantur. n. 101

An incurrant censuras. ibid.

Quæ poenitentia iis injungenda.

*V. Poenitentia.*

*Reus, Captivus.*

Quomodo cum eo agendum. n. 241

Quando interrogetur juridicè. n. 241

Quando teneatur fateri veritatem. ibid.

Quomodo examinandus, si deprehenda-

tur esse magus, vel saga. n. 242

Ad quid obligandus. ibid.

Quomodo à Confessario cavenda irregu-

laritas, & quæ liceant. n. 243

*Restitutio.*

Illius radices. n. 232

Causæ ab illa excusantes. n. 233

Quomodo procedendum cum certo, vel

dubio obligato ad restitutionem. n. 234

Quando neganda, vel differenda, aut

danda absolutio. sub n. 234

*Rustici, alique plebeji.*

Quomodo examinandi. n. 114

Quo-



*Hujus Opusculi.*

Quomodo instruendi. n. 115

Quomodo disponendi ad contritionem. n. 116

Quomodo consolandi. n. 115

*S.*

*Salarium.*

**J**ustum triplex. n. 149

*Secretum.*

Sub quo peccato servandum secretum  
promissum, vel commissum. n. 63

Secretum literarum quomodo obliget.  
n. 64

*Scrupulus, Scrupulosus.*

Quid sit scrupulus. n. 255

Ex quibus cognoscatur scrupulosus. n. 256

Quæ sint causæ scrupulorum. n. 257

Quando sint à Deo, natura, vel dæmone.  
n. 258

Damna scrupulorum. n. 259

Quomodo tractandus scrupulosus. n. 260

Quæ media illi præscribenda. n. 261

Quomodo dirigendus anxius, ne cum du-  
bio practico operetur. n. 262

Vel ne tentationibus sæpe consentiat.  
n. 263

Scrupulosus circa confessiones factas.  
n. 264

Circa Horas Canonicas. n. 266

Circa Missam legendam, vel audiendam.  
n. 267, 268

Circa fraternam correctionem. n. 269

Variis tentationibus impetitus. n. 261  
Qui-

*Index Universalis.*

Quibus regulis seipsum regere debeat.

n. 270

Quid si angatur de statu gratiæ.

n. 271

*Sponsus. Sponsa.*

De quibus monendi.

n. 113

*Superbia.*

Quid, quotuplex, & quale sit peccatum.

n. 56. 57

Ortus illius & progenies.

n. 58. 59

Remedia contra illam.

n. 61

*T.*

*Tentatio.*

Quid sit, & quæ ejus utilitas.

n. 144

Remedium contra illam.

n. ibid.

Turpilogua,

n. 72

Turpitudine peccati.

n. 12

Tutor, curator, pupillus, minor quales ha-

beant obligationes.

n. 151

*V.*

*Viaticum sacrum.*

An dandum pueris?

n. 201

Quando dandum infirmis.

n. 221

Quibus & in quibus circumstantiis non

dandum.

â n. 221

*Vita.*

Verè devota in quo consistat.

n. 38

Quomodo ad eam dirigendi poenitentes.

n. 39

*Voluptas.*

An liceat ob voluptatem comedere, &

bibere ad satietatem.

n. 83

U



*Hujus Opusculi.*

U

*Unctio Sacra.*

UNctio extrema quibus, quando, &  
quomodo danda, vel repetenda  
à n. 225

*Usus rationis.*

Quid, & quotuplex sit. n. 100.

Quæ signa illius in pueris. ibid.

*Uxor.*

Quid possit, si maritus, debitis, ultra vi-  
res gravatus, moriatur. sub n. 127

Resol. 10

Si maritus ejus bona simul subjecerit  
hypothecae. ibid. Resol. 11

An teneatur concurrere ad debita sol-  
venda, à marito contracta, ibid. Ref. 7.

FINIS.



C A S U S  
CONSCIENTIÆ

E X

N E O-  
CONFESSARIO,

S E U

METHODO RITE OBEUNDI


Munus Confessarii, resolvendi.

BRUNSBURGÆ

*Typis Collegii Soc. JESU.*

M D C C L X I I I







# C A S U S CONSCIEN TIÆ

E X

Neo-Confessario, seu Methodo rite  
obeundi Munus Confessarii,  
resolvendi.

## C A S U S I.

**A** Belinus, nuper primùm approbatus  
ad excipiendas Fidelium Sacramen-  
tales Confessiones, primum, quem  
audit, longiorem peccatorum, quàm A-  
belinus præviderat, protrahit Confessi-  
onem, & in quibusdam peccatis gravi-  
bus non exprimit, ut oportet, numerum  
& speciem infimam. Abelinus propo-  
nit sibi in fine jubere & interrogare, ut  
omnia rite fiant, interim in fine non re-  
cordatur omnium, quæ majori explica-  
tione egebant.

*Queritur 1mo.* Quæ generatim obser-  
vanda sint Confessario in decursu Con-  
fessionis? *2do.* An poenitens is teneatur  
repetere Confessionem, saltem eorum

**A** 2

per



*Casus Conscientiæ.*  
peccatorum, de quibus dubium esse potest, an ritè sint exposita? n. 3.

## CASUS II.

Adolphus, novissimè promotus ad sacrum Presbyteratûs ordinem, petit statim approbari ad excipiendas in subsidium Pastorum fidelium Confessiones; ejus petitioni, quia existimabatur habere sufficientem doctrinam, annuitur; primùm persuasus, quorundam doctorum, malè intellectâ sententiâ, existimans, se non teneri poenitentes examinare, absolvit, quali poenitentiâ injunctâ, sibi confitentes, nullâ datâ instructione; postmodum à viro docto, & experto edoctus suam meliùs obligationem; anxie excutit omnes, & in specie conjuges, de actu conjugali, peccatis eorum specialibus, ab ipsis quandoque committi inter se solitis. Unde varii conjuges anxii alios interrogant, quibus peccare inter se possint conjuges.

*Queritur imo.* An & quando teneatur examinare Confessarius poenitentes?  
2dò. Quomodo examinandi sint? 3tò, Quæ tum generatim, tum quibusdam in specie sit injungenda poenitentia? 4tò. Quibus ex causis possit imponi minor? 5tò. An, quando, & quomodo conjugati sint examinandi circa peccata ipsis specialia, inter quos quandoque intervenientia, & quæ illa sint? Viden. 4. à n. 119. ad n. 122. P. 4. n. 503. 514.

CA.

## CASUS III.

Albanus, toto die sedens pro sacro tribunali, varios audivit poenitentes. Unum ex iis reperit admodum rudem, qui nec actum Fidei, Spei, & doloris noverat elicere, peccaverat quoque ex ignorantia in materia tum castitatis, tum aliis quibusdam. Alter faciens mentionem quorundam ex vita præterita peccatorum, inter cœtera confitebatur, se carnaliter ante matrimonium cum sororis uxoris peccasse: Albanus advertens impedimentum contractum, tacet. Tertius pariter se accusat de peccato carnis cum matre uxoris suæ ante matrimonium; Albanus ex circumstantiis actus, dubitat, an fuerit perfectus, & sufficiens ad generationem prolis. Proinde & de hoc tacet.

*Queritur 1mo.* Quomodo tractandus fuerit primus, & excitandus ad dolorem? *2do.* An monendus de peccatis ex ignorantia, etsi sint merè materialia? *3tio.* An, & in quibus circumstantiis Albanus rectè vel malè fecerit tacendo ad casum secundi? *4to.* An rectè dissimulaverit impedimentum dubium tertii? n. 5. 10. & parte 4. Th. Mor. n. 590.

## CASUS IV.

Albertus à Confessario gravem, sibi que valde difficilem accepit poenitentiam: proinde vadit ad alium Confessarium.



um, & eam sibi in aliam commutari petit.  
*Quæritur imo.* Quæ sint poenitentia  
 inconuenientes, & conuenientes? *2dò.*  
 An alius Confessarius possit mutare poe-  
 nitentiam, ab alio inunctam, si poeni-  
 tens non aperiat peccata, ob quæ im-  
 posita fuit? n. 15. 18. 19.

## CASUS V.

Balduinus, Sacerdos religiosus, ve-  
 speris, & matutinò tempore in loco ma-  
 gnæ festivitatis fatigatus excipiendis  
 Confessionibus, sumpto prandio, pro  
 more suo sequens consilium S. Francisci  
 Xaverii, de quo n. 55. expendit, an re-  
 ritè processerit cum poenitentibus, &  
 quomodo melius suo muneri potuisset  
 satisfacere, & quia invenit, se aliquibus  
 negasse, aliquibus distulisse absolutio-  
 nem, aliis dedisse absolutè, non satis  
 certus de dispositione, aliis sub condi-  
 tione, inunctâ poenitentiâ, ut ante Com-  
 munionem eliciant dolorem novum  
 de peccatis, firmumque concipiant e-  
 mendationis propositum, illud Christo  
 Eucharistico offerant in gratiarum acti-  
 onem, & confirmandum, in bono ani-  
 mum, non parum angitur, ne non ritè  
 sacro munere sit functus.

*Quæritur imò.* Quandò danda abso-  
 lutè, quando sub conditione sit absolu-  
 tio? *2dò.* Quando neganda, aut saltem  
 differenda? n. 21. & 24.

## CASUS VI.

Balthasar, & Benigna Sponsi, ultimo confessi pro Paschate Dominicâ in Albis, cogitant, factis proclamationibus, contrahere matrimonium, interim priusquam proclamationes sint peractæ, familiariter conversantur, & carnaliter peccant; Sponsus inducit Sponsam, ut secum eat ad Confessarium, virum probum & doctum, se cum Deo reconciliandi causâ, ut benedictionem ab eo habeant in matrimonio; obsequitur Sponsa, Sponsus dicit diem ultimæ Confessionis, & confitetur lapsum carnalem cum Sponsa, venit dein Sponsa, & diem eundem suæ dicit Confessionis ultimæ, & peccatum carnale tacet.

*Quæritur 1mo.* An Confessarius possit Sponsam super illo peccato examinare, & quomodo? *2do.* An si tentatis omnibus, non fateatur, possit absolvi, aut sit dimittenda sine absolutione? *3tio.* An, si Confessarius petivisset veniam à Sponso, & obtinuisset loquendi sponsæ de illo peccato, potuisset licitè de eo cum sponsa loqui; dicere, se ad id obtinuisse veniam à sponso? n. 36. & IV. parte Theologiæ Mor. sub n. 379. in fine

## CASUS VII.

Bernardinus, audiens confessiones æstivo tempore, cœlo calente, lapsus est



### *Casus Conscientiæ.*

8 in somnum, & unius peccata non audit omnia, alterius audivit quidem peccata, sed ante absolutionem de variis a pœnitente interrogatus, iisque expediendis occupatus, oblitus est pœnitentis peccata, hæretque, an possit absolvere. Denique pœnitentem habuit, qui peccatis multis per annum frequentatis in materia venerea, quæ nunquam est confessus, gravatur, nunc autem verè pœnitens quidem, & statum animæ suæ miserabilem agnoscens, lacrymis ubertim manantibus, deflet peccata sua, sed prævidere se tamen ait, quod sit relapsurus in contractam ab inveterata consuetudine fragilitatem.

*Queritur 1mò.* An Confessarius possit jubere, ut pœnitens non percepta peccata repetat? *2do.* An, & quando oblitus Confessarius pœnitentis peccata possit eum absolvere? *3tiò.* Quid agendum cum tertio illo pœnitente? n. 28.  
33.

### **CASUS VIII.**

Bonifacius, hætenus sacro Confessarii munere perfunctoriè obito, varios commisit errores, ac 1mò. Quidem oscitanter absolutionem impertiens, erravit in forma. 2dò. Non rarè neglexit interrogare numerum, & speciem infimam. 3tiò. Neglexit monere de facienda restitutione. 4tò. Obligatos ad eam, pronuntiavit

vit liberos; non obligatos, eidem obnoxios. 5<sup>to</sup>. Verè obligatos obligavit tantum ad dandam eleēmosynam. Tandem supernò lumine illustratus, & sacrò horrore perculsus coepit gravitatem obligationis suæ perpendere, & periculosum animæ suæ statum agnoscere; proinde adit Benedictum virum doctum, & exponit ei suam hætenus in sacro Officio oscitantiam, petitque consilium. Benedictus, nolens statim eximere sagittam à Spiritu sancto cordi ejus infixam, jubet eum orationibus jejuniis, &c. sibi Deum propitium reddere, & redire post octiduum, consideraturum se dicens, quid agendum sit.

*Queritur 1<sup>mo</sup>.* Quomodo errores illi sint corrigendi? 2<sup>do</sup>. Ad quid teneatur Bonifacius? 3<sup>tio</sup>. An debeat habere veniam à poenitentibus, si in quibusdam errores commissos possit corrigere? à n. 48.

CASUS IX.

Calinus, Mercator, avarè inhians divitiis; accusat se in confessione 1<sup>mo</sup>. durus fui erga pauperes. 2<sup>do</sup>. Meis in mercatura & negotiatione sociis secretum non servavi. 3<sup>tiò</sup>. Alienas aperui, & legi literas.

*Queritur 1<sup>mo</sup>.* Quomodo Calinus examinandus? 2<sup>do</sup>. Secretum non servare, quale peccatum sit? 3<sup>tiò</sup>. Quomodo peccet, qui alienas aperit, & le-



git literas? 4to. Quomodo Calinus censendus sit peccasse, & ad quid teneatur? 5to Quæ sint remedia contra avaritiam? à n. 62. & 65.

## CASUS X.

Cornutus homo effrons passim contemptim tractat proximos suos, gerit se, ac si à nemine esset dependens, nullius ope indigeret, gloriatur, quomodo vindictam de suis sumpserit adversariis, eos verbis contumeliosis exceperit. Imò auditus est dicere: si essem Deus, talis fursuris nebulones omnes mitterem ad infernum, &c.

*Queritur imò.* Quid & quotuplex sit superbia? 2do. An, & quomodo sit peccatum mortale, & quando tantum veniale? 3tio. Quomodo censendus sit peccasse Cornutus? 4to. Quomodo sit examinandus, si in sacro poenitentiae tribunali compareat? 5to. Quæ remedia sint ei contra superbiam præscribenda? à n. 56. & P. 2. n. 150.

## CASUS XI.

Cupedijs sistens se Confessario; dicit: Domine! sum magnus peccator, intra tres annos non sum confessus, sæpe delectatus sum objectis turpibus, impura fovi desideria, sermones miscui impudicos, & quando alii me dehortabantur, irrisi illos, tanquam scrupulosos, & abjecti animi homines, obvias quasq; concupivi.

*Ex Neo-Confessario.*

11

cupivi, commisi fornicationes, & adul-  
teria, aliòsque ad similia peccata sedu-  
xi. Hæc sunt potissima, quæ commisi.

*Queritur 1mò.* An Cupedius rectè  
omnia explicârit? vel quomodo exami-  
nandus? 2dò. Quas obligationes con-  
traxerit erga proximos? 3tiò. Quæ me-  
dia illi sint præscribenda? 4tò. An expe-  
diat, eum statim, omnibus ritè explica-  
tis, absolvere, vel potius ad tempus dif-  
ferre absolutionem, ut media adhibeat,  
& horrorem turpitudinis suæ concipiat?  
à n. 66, n. 178. 188. & PP. 2. à n. 190.

CASUS XII.

Custodius inter cætera confitetur in-  
quiens: fui invidus; petit Confessarius  
in quo consistebat tua invidia? Repo-  
nit Custodius: 1mò. ægrè tuli, quando  
alii laudabantur, & vel laudem imminui,  
vel tacui, existimans inde æstimationem  
mei imminui. 2dò. Indignatus sum, quan-  
do vidi alios sua melius, quàm mihi mea  
succedere, 3tiò. Dolui ad officinam vi-  
cini nostri multos, ad officinam verò pa-  
tris mei paucos venire emptores. 4tò.  
Optavi, ut fratres mei non essent dili-  
gentiores, & devotiores me, ne ego vi-  
lipendar. 5to. Malè me habuit, quòd  
vicinus noster promotus sit ad Magi-  
stratum, quia adversatur domui nostræ,  
& jam faciliùs nocere poterit.

*Queritur 1mò.* Quid, & quale pecca-  
tum



tum sit invidia? 2dò. Quibus ex relatis jam Custodius peccarit peccato invidiæ gravi, vel levi? 3tò. Quæ sint contra invidiam remedia? à n. 75.

## CASUS XIII.

Fabius abdomini serviens in diem vivit, neglectâ re domesticâ, tractatur, & tractat, ut faciliè prævidere possit, se debitis solvendis, & liberis honesto in statu collocandis imparè propediem fore; monetur ab amicis, sed nihil impetratur. Vorat, ut non rarò evomere debeat cibos ingestos. Tandem tempore Paschali confitetur. Confessarius eum graviter adhortatur, & injungit ei poenitentia, ut vesperi decubiturus consideret, quo cibo & potu damnati in inferno Caninam famem tolerantes, utantur, & incumbat uni lateri totâ nocte sine commotione, hanc poenitentiam admisit quidem Fabius, sed visa est illi tam difficilis, ut mane accurrens ad Confessarium dixerit, sibi fuisse impossibile illam poenitentiam implere, cui Confessarius: si non potuisti in plumeo lecto unâ nocte jacere immotus, quomodo jacebis per omnem æternitatem in igne devorante, & ardoribus sempiternis immotus? atque ita eum ad frugem reduxit.

Quæitur 1mò. Quale peccatum sit gula? 2dò. Quomodo peccaverit Fabius,

&amp;c

& quot modis eâ peccetur? 3<sup>ti</sup>o. Quæ  
remedia sint contra eam abhibenda? à  
n. 81.

#### CASUS XIV.

Fabricus homo Cholericus, ad res vix  
allius momenti itâ exardescit irâ, ut to-  
to corpore contremiscat, unde in peri-  
culo est, ne morbum contrahat, quo im-  
pediatur ab officio, sibi tum ex justitia,  
tum ex pietate obeundo, verbis contu-  
mellis in proximos invehitur, liberis  
suis, uxori, aliisque omne malorum ge-  
nus imprecatur, à Pastore suo sæpe mo-  
nitus; nihil admonitionibus hactenus  
dedit.

*Queritur imò.* Quomodo peccet ita  
iræ indulgendo, seque exponendo pe-  
riculo gravis morbi? 2<sup>do</sup>. An impre-  
cando liberis, uxori, aliisque, diversæ spe-  
ciei peccata committat, tum ratione  
mali optati, tum ratione personarum,  
quibus malè precatur? 3<sup>ti</sup>o. An sit ca-  
pax absolutionis, si non ante emendet,  
& scandalum tollat. 4<sup>to</sup>. Quæ media  
serviant contra immoderatam iram? à  
n. 89. & P. 2. n. 223.

#### CASUS XV.

Firmundus illustris prosapiæ adole-  
scens, dum studiis operam daret, à singu-  
lari morum ingenuitate, modestia, &  
pietate commendabatur, omnibûsq; fre-  
quentando Sacramenta Pœnitentiæ,  
&



& Eucharistiæ rarò prælucebat exemplò. Absolutis studiis, nactus beneficium Ecclesiasticum, coepit frequentare consortia mundi, & commoditatum amantium, inde malò eorum exemplò flaccescere, vix semel in anno prædicta Sacramenta suscipere; quin & terrenis jam inescatus, correptus est tædio, & naulea Divinorum, ita, ut in choro non compareret, nisi diebus, quibus, qui absunt, privantur proventibus beneficii. Tandem eò devenit, ut doleret, viam ad coelum esse viam abnegationis, & æternitatem tantum esse bipartitam, felicem scilicet, & infelicem, ita, ut nisi ineat viam arctam, & carni molestam, æternum cruciandus sit in inferno. Unde bruta æstimabat hominibus feliciora, utpote, quæ voluptatibus sine periculo infelicitatis æternitatis possent indulgere. In hunc miserabilem statum Firmundus sensim sine sensu deductus lethali morbo corripitur; advocatur Firminus Sacerdos ad excipiendam ejus confessionem, sed; quia nec ante dedit, nec modò præsentem ullum dat poenitentiae signum, nec Christianè vixit, Firminus eum absolvere non audet, post horas aliquot, quæ Dei erat misericordia, respirat, & loquelæ restituitur, audiens hoc Firminus, adit eum, & periculum exponit æternæ infelicitatis.

em-  
fici-  
tar-  
n a  
ple  
lic-  
en-  
, &  
tion  
ab-  
fici-  
iam  
æ  
fe-  
ni-  
am  
Un-  
cio-  
eri-  
dih-  
Fir-  
le  
Fir-  
ejus  
dit,  
eni-  
xit,  
det,  
ife-  
tui-  
um,  
eli-  
ta-

atis in quo fuerat, & DEI ejus juven-  
tatem miserantis clementiam & mise-  
ricordiam in mentem vocat; atque ad  
generalem totius vitæ confessionem  
adhortatur, annuit Firmundus, & mo-  
ram petit præparationi.

Quæritur imò. Quid, & quoduplex  
sit accedia? 2dò. Quomodo peccet, qui  
locum dat tædio contra Divina? 3tid.  
Quomodo peccarit Firmundus? 4td.  
Quibus deducendus ad vitam deinceps  
homine Christiano, & Canonico dignam?  
à n. 95. n. 8. 38.

## CASUS XVI.

Gaudentius, exiguæ adhuc experi-  
entiæ Parochus, ægrè audit puerorum  
confessiones, tum quia sæpè dubium  
est de usu rationis, ad meritum & de-  
meritum sufficiente; tum quia, si forte  
adlit, non facile est eos movere ad do-  
lorem supernaturalem, propositum e-  
mendationis efficax, utpote minùs ap-  
prehendentes motiva supernaturalia;  
tum denique, quia sæpè peccant con-  
tra legem naturalem, & postea non re-  
cordantur; Quare consuevit Gaudenti-  
us advocare Religiosum, qui eos audi-  
at; sed & hic queritur, putatque ma-  
jorem sibi esse difficultatem, quàm Pa-  
stori, qui in catechesi, aliisque occasio-  
nibus possit melius explorare, quinam  
pueri jam pervenerint ad usum ratio-  
nis.



nis. Quam ob rem Gaudentius in congregatione suorum dominorum Confratrum interrogat 1mò. Quid sit usus rationis ad meritum, & demeritum sufficiens? 2dò. Quandonam pueri censeantur ad eum pervenisse? 3tò. Ex quibus indiciis colligi possit, quòd eam jam habeant, aut non habeant? 4tò. Quandonam pueri teneantur legibus, tum naturalibus; tum positivis humanis, & Divinis? 5tò. Quomodo pueri examinandi, excitandi ad dolorem de peccatis, & propositum non peccandi deinceps, quæ monendi? 6tò. Quando, & quomodo pueris danda absolutio, & quid si jam dein adoleverint?

*Queritur:* Quid respondendum? Vid. à n. 100. ad 101. & à n. 106. ad n. 110.

## CASUS XVII.

Gaudiofus, sanguineæ complexionis Sacerdos, moribus, verbisque suavis, uti ejusmodi esse solent, ex naturali inclinatione amat agere cum personis alterius sexus: Quare in excipiendis earum Confessionibus singulari eas suavitate tractat, nominibus compellat amorosis, peccata earum, ubi potest, extenuat, querulosis contra maritos facile credit, & ad illarum partem accedit. Ex hoc suo agendi modo non levibus quandoque pulsatur carnis tentationibus; sed piaculo id sibi non ducit,

ed quod oriantur, ut putat, ex actione sacra, zeloque bono, qui causa illarum per se non sit. Quapropter inhæret suo agendi, & loquendi modo.

*Queritur* imò, Quid specialiter observandum sit in excipiendis mulierum confessionibus? *2dò.* An Gaudiofus rectè procedat? *3tid.* An non, & quomodo peccet suavi illo modo tentationes excitando? *4tò.* Quomodo respondendum mulierum contra viros suos, querelis? à. n. 110. 130. P. I. n. 11. P. 2. n. 218.

### CASUS. XVIII.

Germanus, laudabilis vitæ Sacerdos, præ Dominorum mavult excipere Rusticorum, aliorumque plebejorum confessiones, ed quod sine verborum fucis, & ambagibus possit cum his agere, eos examinare, arguere, remedia præscribere, quibus non rarò Domini offenduntur, & postmodum malè garriunt apud alios, & explodunt Confessarium; ut autem Germanus securius procedat, suo agendi modo nolens fidere, aliorum praxin exquirat, ac imò quidem interrogat, quomodo examinandi sint plebeji? *2dò.* De quibus? *3tid.* Per quæ motiva ad dolorem, & propositum excitandi? *4tò.* Quid si poenitens sit omnino hebes, & nullum peccatum possit in



specie elici? 5to. Quæ satisfactio sit illis  
injungenda?

Queritur: Quid respondendum? à n.  
114. ad n. 119.

## CASUS XIX.

Hartardus uxorem duxit Dorotheam,  
dolosam, & pervicacem mulierem. Hæc  
primum viro suo placere studuit, sicque  
animum ejus lucrata plus æquo indul-  
gentem sibi reddidit: unde paulatim ar-  
rogans mulier sibi dominatum, conces-  
samque à Deo viro potestatem arroga-  
vit, quod advertens Hartardus obstitit  
quidem, sed quia benignioris erat na-  
turæ; nihil à superba muliere inpe-  
travit; tandem videns rem domesticam  
malè administrari, atque de remedio  
desperans, animi levandæ causâ adit a-  
micos, & honesta concivium consortia,  
cum quibus quandoque vino conatur  
moderatè tædia abluere, à quibus au-  
dax mulier eum non rarò minacibus  
verbis avocat, sibi que non obtêmpe-  
ranti coenam negat, Demum Hartar-  
dus, moerore animi confectus, moritur.  
Dorothea cum Hermanno, mercatore  
peregrè adveniente, qui mulieris caput  
aspexerat, non inspexerat, transit ad se-  
cundas nuptias. Hermannus notans  
peruicacem uxoris suæ spiritum, & do-  
minatûs ambitionem, audiensque, qua-  
lem se probaverit in conjugio cum Har-  
tardo

tardo, primum eam benignè habet, monétque officii sui, & obligationis, ex Apostolo allegans, ex Dei ordinatione virum esse caput mulieris, mulierem esse sub potestate viri, quandiu hic vivit, mulieres oportere subditas esse viris suis, nè blasphemetur Verbum Dei. Hæc si servantur, non defore Dei benedictionem. Vera isthæc esse fatetur quidem mulier, at sui impos non diu imperare sibi potuit, quin se ingereret rei domesticæ administrationi pro arbitrato suo. de omnibus attentans disponere, contemptâ, & improbatâ, tanquam non intelligentis, Hermanni ordinatione. Hermannus amandat eam ad colum, acum, & culinam, & quia verbis non flectitur, fuste aliquoties non leviter excipit: dein cubiculo includit, jubens, vitam tolerare pane arcto, & aquâ brevi. Ex his animadvertens Dorothea, à viro suo sibi pileum non concessum iri, solandi animi causâ adit Confessarium, cui inter cætera ait: Rixas habeo perpetuas cum viro meo. Habui primò virum bonum; quem verò nunc habeo, est instar Tyranni. Reponit Confessarius: Grates habeas Deo, quòd unum habueris bonum; non sunt tot boni viri. ut quælibet mulier possit habere duos bonos; nec tot bonæ mulieres, ut quilibet vir vel unam habere possit bonam: mulieres



effroeni, petulantique sua linguâ, superbâ capitis sui pertinaciâ exasperant sæpe viros, redduntque seueriores. Tu esto suavis erga virum; obedias ei in omnibus honestis, & licitis, devinciésque viri tui animum, ac facies, eo consentiente, quod prudenter exoptare potueris. His, quia Dorothea submurmurans, & repetens querelas, causamque suam reputans justam, videbatur non omnino flecti; Confessarius negavit ei absolutionem, donec redux, à viro petiisset offensæ remissionem, & emendâisset, in quibus contra eum deliquerat.

*Quæritur 1mò.* Quomodo peccet mulier, contra viri prudentis voluntatem arrogans sibi capitis domus potestatem? *2dò?* Quomodo peccarit Dorothea sic tractans virum suum primum Hartardum? *3tiò.* An Hermannus rectè processerit cum Dorothea? *4tò.* An ejus mulier sit capax absolutionis, si recuset subesse viro, & concessam illi à Deo potestatem sibi arroget? Vid. n. 119. 131. 132. *Vide etiam Partem tertiam Casuum. Casu. 9. 10. 11.*

## CASUS XX.

Honoratus ex uxore sua Bibiana suscepit tres filios; natu majorem Antonium, absolutis studiis humanioribus, & Philosophicis, ut suo tempore sibi succedere in officio, & domui præesse valeat

valeat, misit ad Academiam acatholicam, Jurisprudentiâ imbuendum. Is, conversatus cum heterodoxis, audiensque à Professoribus dicta contra Sedem Apostolicam, coepit flaccessere, & plûs deficere ab orthodoxa Religione, quàm proficere in Jurisprudentia, jam inclinatus in Syncretismum. Hæc audiens Honoratus, revocat eum ad Universitatem Catholicam, in qua (id quod tamen Honoratus non inquisivit) exigua est Professorum ad Candidatos Juris Vigilantia, disciplina serè eorum nulla, periculum seductionis non leve. Natu secundum Bernardum, quia videbatur minùs aptus, ad se, suæ conditioni & Natalibus convenienter sustentandum in sæculo; conatus est primùm blanditiis ad amplectendum statum Religiosum in Monasterio opulento, in quo in hymnis & canticis laudaret Deum, adducere. His, quia Bernardus recusavit annuere, pater coepit eum durè tractare, ad nihil eum applicare, & velut non filium aspicere, & habere. Hoc aliquot annis expertus Bernardus, timuit, ne continuaretur perpetuò, manerétque ineptus ad honestè se in sæculo alendum, annuit intentioni patris. Hic id intelligens, per dolum fallacem eum induxit, ut ante ingressum Monasterii renunciaret hæreditati: agebat



enim: nemo potest verus fieri Religio-  
sus, nisi renunciet omnibus, juxta  
illud Christi: *Qui non renunciat omnibus,  
quæ possidet, non potest meus esse disci-  
pulus.*

*Quæritur imò.* Quæ sint universim  
obligationes parentum erga liberos suos?  
2dò. An; & quomodo peccent paren-  
tes, qui filios suos mittunt ad Acade-  
mias heterodoxas imbuendos Jurispru-  
dentiâ, vel ad Universitates licet Ca-  
tholicas, juventuti periculosas non in-  
quirendo, qui fervetur disciplina, quæ  
sit cura Professore, ut discipuli dent  
se studiis, Divina frequentent, pecu-  
niam parentum non dilapident? 3tò.  
Quomodo peccarit Honoratus sic indu-  
cendo filium suum ad statum Religio-  
sum, & hæreditati renuntiandum?  
4tò. An Professio Bernardi, & renun-  
tiatio hæreditatis sit valida? à n. 128.  
ad n. 130.

## CASUS XXI.

Henwigis, sicut à teneris annis de-  
votioni dedita, sollicitè omnem Dei  
offensam studuit vitare, præsertim gra-  
vem; ita nunc, nuper matrimonio jun-  
cta, quantum status permittit, devotio-  
nis exercitia continuare, & animam  
suam à peccatis mundam fervare de-  
siderat: Quare, cùm intellexerit, va-  
rias esse conjugum mutuas obligatio-  
nes

nes, posséque peccari per actus conjugii, interrogat imò. Confessarium. Quæ sint obligationes uxoris? 2dò. an teneatur semper viro suo petenti, reddere conjugale debitum, vel sint causæ quandoque excusantes, & quæ illæ? 3tiò. Qua ratione peccent conjuges per actum conjugii, seu usum matrimonii.

*Quæritur:* Quid, & quomodo ei sit respondendum? à n. 119. & 122. Item P. 4. 503. *Vide etiam ex Parte 3. Casum 9. 10. 11.*

### CASUS XXII.

Iacobus, & Anna in matrimonio tres genuerunt filias; has cum indulgentiùs educassent, & vanitati magis, quàm Divino cultui addictas, ad ætatem nubilem pervenisse cernerent; permiserunt iis cum adolescentibus conversationem, accessum ad nocturnas juventutis utriusque sexûs conventiones, saltus, & ludos, in his filia natu major Agatha cujusdam officialis bellici, conditionis inferioris blanditiis capta & amore quodammodo fascinata, promittit ei matrimonium, obsistit familia utpote prænobilis, obsistit & mater & pater, sed frustra: filia ab officiali imprægnata, obtentâ licentiâ, coram Missionario castrensi cum officiali init matrimonium. Hoc indignè ferens familia,



milia, accessum, & conspectum negat Agathæ, post annum tamen mitigata, velut consanguineam recipit; mater verò Agathæ nec deprecatione & remissionis offensæ humili petitione, nec lacrymis fleeti se passâ, statuit in perpetuum ad conspectum suum Agatham non admittere.

*Queritur imò.* Quomodo peccent ejusmodi parentes? *2dò.* An peccarit Agatha contrahendo matrimonium contra voluntatem parentum? *3tiò.* An rectè fecerit familia negando Agathæ ad tempus accessum? *4tò.* An mater peccet, perpetuò offensam puniens conspectum negando? n. 129. §. 9. n. 136. & sub n. 138.

## CASUS XXIII.

Joachimus, Mercatoris filius, cum in studiis à patre suo Joanne, parçè, & studiis ex parte absolutis, duriùs esset habitus, averfus à patre abiit in aliam regionem, susceptus à viro illustri ad informandos ejus filios, studia jurisprudentiæ prosequitur, in quâ cum excelleret, opulenti Senatoris filiam accepit uxorem; interim Joannes ejus parens per sinistros casus in mercatura foro cedere cogitur, & ad incitas redigitur; Quare auxilio destitutus inquit in Joachimum filium suum, tandèmq̃ invenit, & accessum petit. Joachimus

chimus duritiem patris in animum re-  
vocans, reputansque sibi dedecori, si  
se parentis pauperis filium fateatur,  
dissimulat, se novisse patrem, illi ac-  
cessum negat obtendendo, patrem su-  
um jam pridem defunctum esse.

*Quærit imò.* Quæ sint obligationes fi-  
liorum erga parentes, eorumque spe-  
cialia peccata? *adò.* Quomodo peccâ-  
rit Joachimus? à n. 137. vide insuper  
ex Parte 3tia Casum sextum, reliquos-  
que usque ad 9.

#### CASUS XXIV.

Jodocus, opificio ædilis, potissimo  
anni tempore domo abest foris, tum  
ædibus, tum templis ædificandis cum  
tribus famulis Damiano, Sebastiano  
& Cosma occupatus, videtque famu-  
los suos in popina diebus Festis, &  
Dominicis ludendo, & potando dila-  
pidare pecuniam, diebus operariis ac-  
quisitam, & sacrificium reliquaque Di-  
vina non rarò negligere, Cosmam insu-  
per furtis esse deditum, & clanculum  
subducere externis, quæ sine periculo  
deprehensionis potest; nec tamen eos  
monet, aut corrigit. Justina ejus uxor  
domi ancillas, quas habere duas debet,  
ita habet, ut nulla per plures menses  
iram ejus, maledictiones, tenacitatem  
in subministrando victu tolerare valeat,



sed ante finem temporis conducti cogantur discedere.

*Queritur* 1mò. Quæ sint obligationes patrum, & matrum familias? 2dò. An Jodocus teneatur sub gravi famulos corrigere? 3tiò. An teneatur damna in defectu Cosmæ ab hoc aliis illata compensare? 4tiò. An Justina non teneatur Salarium integrum, de quo pro anno conventum est, solvere ancillis, quas inhumano suo agendi modo cõégit intra anm discedere? à n. 148.

#### CASUS XXV.

Lambertus, Famulus, 1mò plùs avenæ apposuit equis Domini sui, ut pinguescant, quàm Dominus voluerat; præterea videns, ab externis, Domini sui pratis, & agris inferri damna, tacuit, nec impedivit, nec Domino indicavit. 3tiò. Putans evidens esse, sibi dari salarium justò minus, auferendo successivè parva compensat sibi defectum.

*Queritur*, an, & quomodo his peccarit Lambertus, teneatúrque ad restitutionem? sub n. 152. §. 2. 4. 5.

#### CASUS XXVI.

Laurentius, Famulus Liberii, 1mò missus, ut emeret bovem, illum emit primùm infimo pretio sibi, deinde vendendo illum Liberio exigit summum pretium justum. 2dò. Jussus ferre debitum

debitam creditori Liberii in moneta aurea, in via pecuniam cum lucro permutavit, & lucrum retinuit. Idemque 3tio fecit, quando exegit à Liberii debitore 300. debitos, & acceptam pecuniam ferre debebat Liberio.

*Quæritur*, an Laurentius hæc licite fecerit? sub n. 152. §. 7. 9. 18. plura de famulis vide p. 3. Casu 65. 66.

CASUS XXVII.

Circa urbem celebrem variæ sunt Parochiæ, quæ administrantur tum à Regularibus, in Monasteriis extra urbem sitis, tum ab Ecclesiasticis in eadem habitantibus. Dum Parochiani infirmitate vel subito corripuntur, vel ad extrema inopinato perveniunt, nec Monasteria, nec urbs intrari potest ab advocante Pastorem, cogunturque non raro etiam de nocte petere vicinorum Parochorum subsidium charitatis, quorum aliqui vel senes, vel infirmi, vel impediti sunt, atque ita fit, ut quidam sine Sacramentis extremis, & consolatione, à Pastoribus ipsis debita decedant in æternitatem.

*Quæritur imò.* Quæ sint obligationes Pastorum? 2do In quo, & quali locoteneantur residere? 3tio. An tuti sint in conscientia tum Superiores, qui per ejusmodi, tali modo Parochias administrant, tum ii, quorum est Superiores istos



istos corrigere & adigere, & juri Parochianorum, qui ideo dant decimas &c. ut sibi administrentur divina, satisfaciant. Sub n. 154.

## CASUS XXVIII.

Ludovicus, Theologiæ auditor, à P. Præfecto Gymnasii commissos sibi habuit adolescentes è scholis humanioribus instruendos extra tempus scholæ præceptis linguæ latinæ &c. at ille negligens desesque fuit, & non raro à suis absens; unde contigit, ut alii minùs, alii tam parùm profecerint: ut annum alterum priori in eadem classe addere debuerint, cum sumptibus parentum, & his non levibus.

*Queritur 1mò.* Ad qualem diligentiam in commissis sibi instruendis adolescentibus teneantur Præceptores, & Pædagogi? *2dò.* An salvâ religione possint admittre totum minerval dari solitum? *3tiò.* An non teneantur compensare damna, parentibus inde nata? n. 151. 155.

## CASUS XXIX.

Lucius ligna pro domo ædificanda, tali tempore cæsa, ut vetustatem non ferre dicantur, sed faciliè carie infici, & putrescere, vendidit Lubentio, tempus autem, quo ligna cæsa essent, periculumque tacuit, id quod tamen postea aperuit ædili, qui id parvipendens perrexit

perrexit in ædificanda domo; post annos aliquot trabes carie infici, & in putredinem vergere cœperunt.

*Quæritur* imò. Quæ sint obligationes, & peccata specialia Mercatorum? addo. Quis ex prædictis peccarit, & ferre damnum debeat? à n. 157. Plura de his vide P. 3. à Casu 59. ad 64.

## CASUS XXX.

Lucretius, Lanius, carnes sic partitas vendit, ut ditiores, qui ejus macellum frequentant, accipiant portiones meliores, reliqui verò Plebeji deteriores, eodem pretio solvendas. Præterea, quando famulus ejus, emissus ad emendum pro Macello pecora, majori pretio eadem emit, quàm Lucretio placeat, ipsa relinquit famulo, non rarò cum ejus damno; quia non habet, unde illa ad tempus alat: quare famulus, dum infimo pretio emit, auctum domino suo annotat: & ab eo exigit, vel plus consumit in itinere, quàm aliàs consumpturus fuisset.

*Quæritur*, quis ex his duobus peccet contra justitiam, & teneatur ad restitutionem? sub n. 163. §. 7, sub n. 152. §. 6.

## CASUS XXXI.

Maximus, in subsidium Pastoris ad excipiendas in oppido populofo tempore Paschali Confessiones fidelium vocatus, varios audivit Opifices confitentes,

imò.



1mò. Sutor juratò promiserat calceos pro sponso, & sponfa, proximâ Dominicâ matrimonio jungendis, die Sabbati fore paratos, sed fidem fefellit. 2dò. Sartor retinuit fragmenta, seu partes reliquas de panno: in commissis habens, emere pannum, emit majore pretio ad gratificandum Mercatori, eumque additum sibi reddendum, cum minore potuisset emere, qui & remisit quandoque de pretio majore, quod sibi Sartor retinuit. 3tiò. Pistor panes pinsuit justo minores, eò quòd Magistratus taxaverit pertium tam exiguum, ut nullus posset sine detrimento panes in ordinario pondere pinsere.

*Queritur* 1mò. Quæ sint obligationes, & specialia peccata Opificum? 2dò, An; & quomodo prædicti peccaverint, & ad quid teneantur? à n. 162.

Quæ ad belli Officiales, militésque pertinent, habentur tum hic n. 164. tum P. 3. Casu 131. 132. tum apud La Croix l. 3. p. 1. n. 876. 867. 883.

### C A S U S XXXII.

Mauritius, Juris Candidatus, cum filia domûs, in qua victum habet, per singulos menses certâ pecuniâ solvendum, cum libertate, mense finito, ad aliud hospitium discedendi familiaritè agit, & sæpe labitur in venereas delectationes, & turpia desideria, quæ

exponit

exponit in Confessione: Confessarius graviter eum adhortatur ad maiorem erga Deum reverentiam, curamque animæ suæ; & injunctâ satisfactione eum absolvit. Hic, benignitate Confessarii ductus, post mensem redit, lapsus in eadem peccata; Confessarius difficilem se ostendit in danda absolutione; Mauritius per omnia sacra, & profana promittit emendationem, & absolvitur iterum.

*Queritur imò.* Quæ dicatur occasio proxima, & periculum proximum peccandi? *addò.* An Confessarius bene fecerit dando absolutionem non deferenti prius occasionem proximam continuam, quam Mauritius facile deferere poterat? *ptiò.* An Mauritius deinceps absolvi possit, manens in ista occasione? n. 168. 171. 173.

## CASUS XXXIII.

Melchior, perhonestæ familiæ juvenis, captus amore filiæ in vicina domo, frequenter eam adivit, & conversatus cum ea decies, lapsus est sexies, vel quinquies, eam cum turpi desiderio tangendo, osculando &c. Accedit dein Confessarium, qui frequenter ad domum parentum ejus venit; hic excipiens ejus Confessiones benignè cum eo agit ex respectu humano, suaviterque admonitum, ut occasionem, etsi inter-



interruptam, vitet, absolvit; idémque facit alterâ, & tertiâ vice relapso in eadem peccata Melchior.

*Quæritur* 1mò. An conversatio cum illa filia sit occasio proxima Melchiori, teneatúrque eam vitare sub mortali? 2dò. An Confessarius rectè sit functus suo officio, eum etiam primùm absolvendo, priusquam probaverit Melchior, se vitâsse conversationem cum illa filia? à n. 168. & n. 172.

#### CASUS XXXIV.

Menolphus, perditæ vitæ Parochus, ancillâ suâ per plures annos usus, tanquam concubinâ (ei persuadens, tantum peccatum id non esse) infirmitate quâdam, necdum periculosâ quidem, attamen diuturnâ corripitur: hâc invalescente subit cogitatio mentem Menolphi de æternitate supplicii, impiis in inferno præparati, advocat confratrem quendam suum, eique confitetur. Hic anxius hæret, an eum possit absolvere, priusquam illam ancillam dimittat: Menolphus juramento confirmat eam dimittendam esse proximâ, quâ poterit, occasione. Hâc promissionemotus Confessarius, examinatis omnibus, eum absolvit. Post mensem Menolphus deducitur ad extrema, revocatur idem confrater, & invenit ancillam necdum esse è domo dimissam.

*Quæritur*

*Quæritur*, an rectè fecerit Sacerdos, eum absolvendo, dimissâ non priùs ancillâ, & quid nunc agendum? sub n. 173. Vide ex P. 1. Casus à 59. ad 62.

CASUS XXXV.

Medardus, Regularis, sedens in magna festivitate pro sacro tribunali, inter cæteros tres habuit juvenes, qui se foedo mollitiei peccato contaminaverant. Medardus sollicitus de dispositione, ad absolutionem necessariâ, interrogat, num, & aliàs peccato illo se conspurcaverint, sintque consuetudinarii, auditque primum intra annum singulis mensibus; alterum intra triennium singulis circiter quatuordecim diebus, tertium per quinquennium intra dies octo peccatum illud commisisse. Quare cùm prudens judicium de eorum dispositione formare non possit, utpote qui sine ulla emendatione sic perrexerant, præviâ gravi admonitione, injunctâque medicinali poenitentiâ, eos dimisit sine absolutione, donec aliquod emendationis specimen dedissent.

*Quæritur 1mo.* Quis censendus sit consuetudinarius? *2do* Quando neganda, vel danda, aut differenda sit talis absolutio? *3tio.* Ex quibus indiciis colligi possit esse ritè dispositum? n. 175. 176. 177.



Modestus suspirans, & lacrymans dicit Confessario: Ah! à nequam sodali meo seductus sum in peccatum pollutionis, & per tres annos singulis ferè mensibus ter me contaminavi, persuasus à sodali, non esse peccatum; nihilominus sæpe id feci cum angore, & dubio de gravi malitia, rogo, adjuvet me, & liberet gravi illo onere. Confessarius præscribit ei media; injunctâque poenitentiâ simul vindicativâ absolvit, & jubet post dies quatuordecim ad se redire, paret Modestus, & ait Confessario: media præscripta adhibui; attamen graviter tentatus semel, iterum succubui, paratus sum quæcumque media adhibere, modò reconciliet nunc Deo, & tandem emergam ex hac animæ meæ miseria; Confessarius præscriptis mediis iterum eum absolvit.

*Quæritur imò.* An qui primâ vice suam consuetudinem confitetur, statim sit absolvendus, si videtur dispositus? *ædò.* An relapsus, si media adhibuit, & numerum imminuit, absolvi statim possit, rectèque processerit Modesti Confessarius? Sub n. 177. Regulâ 1mâ. 3tiò Quæ cavenda sint Confessario, si poenitens primâ vice suam peccandi consuetudinem confiteatur? n. 179. & 180.

## CASUS XXXVII.

Mucius, consuetudinarius in materia lubrica, confitetur, quòd ab ultima confessione, ante tres menses peracta, decies peccato mollitiei se inquinaverit, interrogatus, quot annis continuaverit illam consuetudinem, quæ media illi fuerint præscripta, an ea adhibuerit, respondet, sibi à Confessario injuncta fuisse quandoque duo, quandoque tria, Rosaria dicenda, de aliis medijs se nihil audivisse.

*Quæritur 1mò.* An talis modò possit absolvi, si paratus sit adhibere media, promittatque emendationem? *2dò.* Quæ media sint præscribenda consuetudinariis præsertim in materia venerea; *3tiò.* Quid agendum, si Confessarius dubitet de serio proposito emendationis? Sub n. 178. Reg. 1mâ, & 3tiâ. n. 188.

## CASUS XXXVIII.

Natalis eidem Confessario constanter, & frequenter confitetur, in eadem venialia relapsus, hæret quandoque Confessarius dubius de efficaci proposito, & requisita dispositione.

*Quæritur 1mò.* An idem sentiendum de frequenter relapso in eadem venialia, atque de relabente in eadem mortalialia? *2dò.* Quid agendum Confessario? à n. 187,



## CASUS XXXIX.

Nabor, Pater familias, sic orditur confessionem: ultimò confessus sum ante tres menses; habeo liberos sæpe parùm obediētes, uxorem pervicacem, famulos parùm de commodo domūs meæ sollicitos, hinc impatientiâ victus decies ab ultima confessione prorupi in verba blasphema, octiēs in diras imprecationes. Confessarius interrogat, an ejusmodi peccata etiam commiserit ante ultimam confessionem, & toties, adeoque consuetudinem contraxerit? Respondit Nabor: quæ ante ultimam confessionem commisi, confessus sum, consuetudo consistit vel in habitu malo nato ex actibus sæpe repetitis, inclinante ad actus similes, & is peccatum non est, adeoque nec confitendus; vel consistit in actibus frequentatis, & hos dixi confitendo numerum meorum peccatorum.

*Queritur 1mò.* Quid judicandum sit de statu Naboris? *2dò.* ad quid teneatur? *3tiò.* Quæ poenitentia illi injungenda? *4tò.* An non teneatur Confessario interroganti de consuetudine fateri veritatem? à n. 185. 188. P. 1. in Analyfi n. 124. Coroll. 4. 161. P. 2. l. 441. 442.

CASUS

## CASUS XL.

Nicasius quindecim annos natus commisit peccatum carnis, quod expudore omisit confiteri per annos 25, sæpe rogavit B. Virginem, ut sibi gratiam impetraret vincendi pudorem, & peccatum illud confitendi, nunc tandem venit sui victor ad Confessarium animò planè perturbato, nescius, quâ ratione confessionem generalem instituat.

*Quæritur:* Quomodo hic sit erigendus, quomodo, & de quibus examinandus? n. 189.

## CASUS XLI.

Nicephorus ignorat quidem, se à juventute non ritè esse confessum, attamen continuò angitur, nè aut propositum firmum non habuerit, aut non explicaverit, ut oportebat, speciem & numerum peccatorum.

*Quæritur rmd.* An, & quando talis teneatur ad generalem confessionem?  
*zdd.* Quando ei suadenda aut dissuadenda? n. 190.

## CASUS XLII.

Paulinus, districtus sat ampli Parochus, Parochianos suos moribundos extremis quidem munit Sacramentis, at timens, ne morbo vel contagione inficiatur, neminem deinceps invisit: unde primum est fieri, ut alii pusillanimes, dolores morbi impatienter ferant;



alii de uxore & liberis inordinate solliciti, partem suam Divinae voluntati conformant; alii tentationibus, & insultibus daemonis succumbant.

*Queritur* 1mò. An Paulinus suae obligationi satisfaciat? 2dò. Quomodo moribundi excitandi sint ad patientiam, conjunctionem cum Deo, & resignationem, fiduciamque in Deum? 3tiò. Quae cautela adhibenda, nè morbus, si contagiosus sit, inficiat alios? à n. 212. sub n. 227. §. 6. n. 154.

## CASUS XLIII.

Quiriacus, vocatus ad Sebastianum infirmum, invenit illum valde perturbatum, & quasi desperandum, excitat eum spe, & fiducia in Deum, hortatur, ut confiteatur, & animi sui vulnera detegat; at primum nihil impetrat, tandem intelligit eum divitias corrasisse per varias fraudes, & injurias & non posse restitutionem fieri omnium, quin filii, & filiae omni penè sperata hereditate priventur, & spe ad statum suae apparenti conditioni convenientem perveniendi.

*Queritur*, quid hic agendum Pastori, & Sebastiano? n. 212. §. 2. n. 236. 211. §. 6. 235.

## CASUS XLIV.

Quintinus, datò ab anno ætatis suae 18vo nomine militiae, ad eam animae suae

suæ incuriam devenit, ut omnia Divina neglexerit, sceleribus ita conspurcatus, ut gratiæ non det locum, tandem anum agens somnum, rude donatus, redit ad locum natalem, Parochus loci advertens ejus in Divinis socordiam, monet eum, ut meliori sit exemplo, frequentando sacra, sed nihil impetrat, tandem vocat eum ad se, explorâtque animum, & invenit penitus induratum, & omnia Divina nauseantem.

*Queritur:* Quomodo cum illo agendum? n. 206.

CASUS XLV.

Quirinum, corpore, & animo ægro decumbentem uxor sua, dubia, an intra plures annos exomologesi animam expiaverit, monet, ut curet advocari D. suum Pastorem, & pro vita Christiano more terminanda, si coram Deo placitum sit, confiteatur; reponit Quirinus, horrens confessionem, sat adhuc esse temporis. Post dies aliquot uxor videt ingravescere ægritudinem, advocat Pastorem, hic pauca prælocutus, invitat eum ad faciendam confessionem; Quirinus ait, se necdum esse præparatum, mora sibi opus esse; Interim dilabitur ad alium discursum, aitque: Reverende Domine Pastor! meæ facultates, ut adhuc apparet, fuere bonæ, sed nunc accisæ sunt, imò ære a-



lienò omnino gravatæ. Villam habui leucis hinc 20; unde meus erat potissimus proventus, nobilis istic litem contra me, tanquam illegitimum ejus possessorem movit, & quia potentior me erat, corruptò judice, tractatis domi suæ assessoribus, litem eò protraxit, ut penitus me exhauferit, coactúsque fuerim ab ea, ut oportebat, prosequenda cessare, tandémque causâ cederim. Contra hunc fovi odium per annos tres, milléque diris eum miseriam pressus devovi, statui ei nunquam ignoscere, & non ignoscam in æternum. Parochus eum ad meliora hortatus, cum modò non expugnaret animum, suavitè dicta ut consideraret, pollicitus, se alterò die manè rediturum; at nocte ingruente Quirinus ad agonem deductus loquelâ destituitur, advocatur Parochus, videt eum pectus tundere; ratúsque id ex poenitentia procedere, absolutionem ei impertit, mortuúmque more Christianò sepelit.

*Queritur 1mò.* Quomodo agendum cum homine, volente differre poenitentiam in finem vitæ? *2dò.* Quomodo tractandus homo odio implacabili occupatus, & recusans offensam remittere? *3tiò.* An debitè processerit Pastor? à n. 207. 208.

## CASUS XLVI.

Regina, illustris familiæ mulier acatholica, nuper ex Palatinatu, ubi domicilium habet, venit, ut quandòque consuevit, ad tractum Mosellæ in castrum seu villam suam, post dies aliquot morbo corripitur; Pastor loci sciens eam non abhorrere à Sacerdotibus Catholicis, adit eam, solatúrque, excitatam ad dolorem de peccatis, conjunctionémque cum Deo. Ipsa dein infert discursum de tribus religionibus ab Imperio, ut putabat, approbatis tanquam salvificis; errorem eximit ei Pastor dicendo, tres religiones tolerari in Imperio, non approbari, universim Catholicam habendam ab omnibus tanquam securiorem, quia fatentur omnes, in hac viam patere ad salutem, de aliis omnes Catholici inficiantur. Post hæc Parochus præit ei, & elicit cum ipsa actus Fidei, Spei, Charitatis, & contritionis, aitque, si à me absolutionem à peccatis admitteret, securior foret, annuit Regina; aitque, si scirem me non esse in religione salvifica, amplecterer Catholicam, à juventute mea non rarò offendi Deum variis peccatis, de quibus omnibus doleo, & veniam peto. Pastor his auditis absolvit eam, & dein petenti, ut, si avocetur ad æternitatem, sepeliatur corpus in cœmiterio



Catholicorum, cum aliud istic non esset, annuit Pastor, & defunctam sepelit in eo more Catholico, requisito quidem Episcopo, sed responsò ab eo, utpote absenti, non acceptò.

*Queritur* imò. An bene processerit Parochus sic Reginam absolvendo? *add.* An licitè eam sepeliverit in cœmiterio Catholicorum, & more Catholico sine approbatione Episcopi? *3tiò.* An Episcopus potuisset ista permittere, nisi prius publicè constitisset, eam certâ ratione mortuam esse, ut Catholicam? n. 203. & Parte ima Th. Mor. à n. 323.

## CASUS XLVII.

Richardus, quia solet frequenter visitare captivos, eorùmque confessiones excipere, antequam ad supplicium extremum educantur, sæpe timuit, nè aliquando magiæ diabolicæ deditum cogatur audire. Quare interrogat, circa quæ talis potissimùm sit examinandus, & ad quæ obligandus? Vide n. 242.

## CASUS XLVIII.

Robertus, carcerum visitator, & captivorum Confessarius, nè quis periret, pro zelo suo varia tentavit. imò. Sua sit judici, nè sententiæ, quâ reus erat condemnatus ad mortem, differret executionem, eò quòd reus esset jam benè dispositus, posset autem, interveniente dilatione, labi in gravem mœrorem,  
animi

animi perturbationem, aut etiam desperationem. 2dò. Dum alius agendus esset in rotam. suasit carnifici, ut primum ictum talem ei daret, quo turbaretur ratio, ne victus cruciatibus in blasphemias, dirasve imprecationes erumpens desperaret, & æternum periret. 3tò. Dum in curru cum reo sedens animadverterat, eum pusillanimitate corripì, monuit aurigam, ut viam, quæ brevior erat, caperet, & citius pergeret. *Queritur imò.* An Robertus non peccarit sic accelerando reorum mortem? 2dò. An non incurrerit irregularitatem ex defectu lenitatis saltem? n. 243.

*De Regularibus, & devotis personis.*

CASUS XLIX.

Nicetas, à suo Præfato nominatus Confessarius monialium sui Ordinis, approbatus ab Episcopo, varias invenit in Monasterio, variis tentationibus vexatas. imò. Magdalena cum quadam impatientia queritur, se diu, notuque inquietari; nescire se, cur Deus, tam benignus pater, permittat famulas sibi servire cupientes ita torqueri; quæ sit tandem tentationum utilitas, & quæ media generatim sint adhibenda? 2dò. Agatha ait, se pati impura phantasmata, & carnis graves tentationes. 3tò Lucia gembunda dicit: Si molestia



fiâ aliquâ à sorore afficiat, statim incitor ad vindictam, nec finor de nocte, molestiâ illâ mihi obversante, quiescere. 4tò. Agnes gemit dicens: Ego his cogitationibus frequenter affligor: quid te fatigas? si prædestinata sis, salva eris; si reprobata, æternum eris misera, & infelix. Prædestinatio, & reprobatio ab æterno à Deo facta est, neutram homo mutare potest. 5tò. Cæcilia ait, se ante confessionem non, aut vix posse concipere emendationis propositum, semper enim sibi objici; Quid faceres, si vel detrudi in infernum, vel peccata, quæ modò vis confiteri, deberes repetere? Si aut comburi, aut mendacium jocosum admittere penes te foret eligere? 6tò Catharina plorans inquit; Infelix sum; non possum aspicere Imaginem Christi Crucifixi, vel Bmæ Virginis, quin impuris vexer imaginationibus.

*Quæritur 1mò, Quid respondendum Magdalenæ? Vide à n. 244. usque ad Regulam 6tam. 2dò. Quid Agathæ? Ibid. Regulâ 6tâ, 3tò. Quid Luciæ? Reg. 7mâ 4to. Quid Agneti? Reg. 8vâ. 5tò. Quid Cæciliæ? Reg. 9nâ. 6tò. Quid Catharinæ? Reg. 10mâ.*

## CASUS L.

Nicephorus, regularis Sacerdos, jussu Superioris sui se sistit examini pro facultate, & approbatione ad audiendas monia-

monialium confessiones: Examinator interrogat imò. Quomodo persona religiosa ducenda ad perfectionem, & quæ in principiis docenda sit? 2dd. Si iusta sit suspicio, aliquam non operari rectâ intentione, sed duci vanâ gloriâ, & sensualitate, propriique iudicii amantem esse, & tenacem, quomodo probanda sit, & corrigenda? 3tid. Quibus tentationibus occultis incipientes, quibus proficientes, quibus in spiritu provectiores impeti soleant, & quomodo in his dirigendæ & juvandæ sint? Ad hæc cum minùs bene respondisset Nicephorus, remissus est ad dies quatuordecim, ut magis se præpararet, idoneumque redderet, itaque redux ad coenobium refert interrogata suis confratribus, petitque, quid ad ea sit respondendum. Vid. n. 244. 245. 246.

### CASUS LI.

Narcissa, devotioni quidem dedita, tempore consolationis, & devotionis sensibilis læta, & alacriter obit exercitia spiritualia, cum non vulgari intentione, tempore autem ariditatis, & desolationis contrahit animum, languidèque, & quasi perfunctoriè peragit omnia.

*Quæritur*, quomodo ducenda, & dirigenda sit, quæ regulæ tempore desolationis,



lationis, & consolationis tenendæ? à  
n. 251. 252. 253.

## CASUS LII.

Nicasius, vir à scientia, & prudentia celebris, approbatus ab Episcopo, ut si vocetur, vel à suo Superiore mittatur, monialium, in urbe habitantium, excipere confessiones valeat: accessit quoddamque Monasterium Ordinis exempti, habuitque cum ejusdem religiosi colloquia spiritualia de profectu in spiritu; mortificandis inordinatis passionibus, aliisque perfectionis consequendæ mediis: unde apud moniales, conceptâ magnâ ejus æstimatione, gratiam iniit, & quædam eum rogârunt, ut se audiret sacramentaliter confitentes, audivit non gravatè, & absolvit, non reflectens, ad ejusmodi absolvendas requiri non tantum approbationem Episcopi; sed etiam licentiam à Superiore, cui Moniales illæ exemptæ sunt subjectæ.

*Quæritur:* An licitè & validè eas audiverit, & absolverit, si defuit licentia illius Superioris? Et quid? si quæ lapsa fuisset in casum, in ordine reservatum, & ad absolvendum ab hoc defuisset specialis à Superiore illo facultas? Vid. P. 4. sub n. 352. §. Porro. in fine.

CASUS

## CASUS LIII.

Nicolaus, Regularium sui monasterii Confessarius, advertit, unum de monasterio religiosum remittere de fervore in Novitiatu concepto, & flaccescere: alterum jam animum in spiritu proficiendi abjecisse, & in profundum esse prolapsum.

*Queritur:* Quomodo cum his agendum, quibus excitandi à torpore, & reducendi sint ad fervorem pristinum? sub n. 246. §. *Modus.* & §. *Si jam.*

## CASUS LIV.

Narcissus, vir religiosus, hactenus de profectu in spiritu, ut decet, sollicitus, vitam duxit inculpatam; contigit, ut, post plures à professione religiosa annos, cum licentia sui Superioris foras excurreret recreationis honestæ causâ, cùmque minimè timeret sibi à periculo labendi, potu non nihil calens, egit familiarius cum blandiente muliere, aspectu ejus manuūque attactu allectus, prolapsus est in turpe desiderium; domum rediens, quasi desperabundus dicebat intra se: quomodo cogitare poteram me, qui tam diu Deo servivi, prolapsurum ita esse; his inhærens adit patrem spirituales, domus religiosæ Confessarium, animò penitus dejectò exponitque lapsum suum infelicem pudibundus, etiam ex eo,  
quòd



quodd existimaret, se in casum in ordine suo reservatum incidisse, idedque etiam Superiorem accedendum esse.

*Quæritur imò.* Quomodo talis erigendus, ut resumatur animam, suumque pristinum, quod Deo servivit, fervorem augeat, ut obsequiò duplicatò Deo honorem, sibi damnum animæ recuperet? *2dò.* An casum reservatum incurrerit, cum actus externus non fuerit objectivè graviter malus, sed indifferens. Vid. n. 246. §. 3. & P. 4. Th. Moralis sub n. 359. §. 3.

#### CASUS LV.

Norberta, magnam præferens devotionem, venit ad Titum Confessarium, cum magnis humilitatis, & pœnitentiæ signis, confitetur peccata quædam levia, rogâtque, ut sibi (quod alii Confessarii negaverant) permittat Communionem sacram accedere vel quotidie, aut minimum sæpiùs in hebdomade: Titus sine ulteriori examine, aut experimento, motus indicis singularis devotionis, annuit petitioni, itaque aliquò tempore communicat diebus singulis, videntes hoc aliæ, quæ ejus vendi rationem noverant, mirantur, referunt Tito, esse eam parentibus suis immorigeram, hære diu manè in templo, dum ex parentum voluntate, & mandato domi pro conservanda re dome-

domestica, & necessariis vitæ laborandum esset; esse effroenis linguæ & diris imprecationibus assuetam, à prandio non rarò frequentare mulierum consortia, quæ ludunt chartis pictis, re domesticâ neglectâ, bibuntque potum illum peregrinum, quem Caffè appellant. His auditis, Titus eam ad se redeuntem graviter monet, seridòque reprehendit, & datam toties communicandi licentiam revocat; illa indignabunda auditum à veritate avertit, & aliùm accedit, qui ejus se cerebro accommodet.

*Queritur imò.* Quæ sint expendenda, priusquam ejusmodi mulieribus quotidiana, aut frequens in hebdomade Communio permittatur? *add.* Quomodo probandæ sint earum virtutes, ut dignoscatur, quoties permittenda sit? *3tio.* Quibus tam frequens Communio permitti possit, ac debeat? à n. 254. Vide etiam P. 4. n. 171. & à n. 177. ad n. 180. Item Casum xxxiii. ex illa parte.

Notandum quoque hîc, ab otiosis, languidis, pigrisque mulieribus constitui mulierculas plebejas pauperes, pecuniâque conducì, ut pro ipsis communicent, ideòque eas frequenter in hebdomade communicare. Id quod &



investigandum est, ut scandalosus ille abusus propulsetur.

## CASUS LVI.

Nymphorosa venit ad Timotheum, confitendi causâ valde mœsta, pusillanimis, queriturque, se continuâ premi anxietate, se non esse in statu gratiæ, hocque provenire ex sua culpa; eod quod exiguæ sit devotionis, indomitâ adhuc habeat passiones, nec, ut vellet, proficiendi in virtutibus gratiam habeat.

*Queritur 1mo.* Quomodo talis erigenda sit in fiduciam erga Deum? *2do.* Quomodo instruenda, ut sciat, in quo consistat vera devotio, vitæque homini Christiano digna? *3to.* Quid ei dicendum de passionibus involuntariis, & cur Deus permittat eas in nobis excitari? *4to.* Ex quibus signis dignosci possit, haberique moralis certitudo, quod quis sit in statu gratiæ. Vide n. 237. 273. p. 1. sub n. 133. §. *Nec ideo* n. 372. Coroll. 3.

*De Scrupulosis.*

## CASUS LVII.

X Odo venit ad Gervasium, Confessarium à prudentia commendatum, & ait: ego sum scrupulosus; reponit Confessarius: de hoc audiam te postea, modò confitere peccata tua; confitetur non omnino levia, quibus auditis, etfi

et si Gervasius advertat, Odonem esse complexionis melancholicæ; judicare tamen necdum potest, esse verè scrupulosum: quare excitat ad dolorem de peccatis, sincerumque emendationis propositum, jubetque eum ad se post octiduum redire, & absolvit, experturus, an verè scrupulosus sit: postquam aliquoties reducem audivit, & examinasset, reperit verè eum agitari scrupulis: unde interrogat: putasne, quod juvare te possim, promittisque, quod in omnibus me velis ad amussim sequi contra tuos scrupulos? Tergiversatur Odo ad postremum respondere, quare Gervasius ait illi: vade in pace, & quære Confessarium, quem sequaris in omnibus cæcà quâdam obedientiâ; ego te juvare non possum, nec à quoquam juvaberis, nisi exactè, sepositò judiciò propriò, in omnibus obedias. Si æger non obediat Medico, exclusa est omnis spes valetudinis per eum recuperandæ. His dictis absolvit illum, & dimisit.

*Queritur imò.* Quæ sint causæ scrupulorum, ut vel oratione, vel medicamentis amoveantur? *add.* Ex quibus indiciis aliquis cognoscatur esse scrupulosus? *3tid.* An rectè fecerit Gervasius dimittendo Odonem ad alium? n. 256. 257. 258.



X Oswaldus, Confessarius, à suavitatem & benignitate erga anxietatis & scrupulosæ conscientiæ poenitentes passim laudatur; ea propter plures ejusmodi ad eum confluunt, quorum inaniam phantasmata patienter audit, facillèque iis condescendit, verum, quia nunquam scrupulos in se expertus est, nec multæ est lectionis, nulla media specialia iis præscribit, sat habens, si dicat: scrupuli sanitati obsunt, & devotionem minuant; ora Deum ut te liberet.

*Quæritur 1mò.* Quæ sint damna scrupulorum? *2dò.* Quomodò Confessarius agere cum scrupulosis debeat? *3tiò.* Quæ media iis sint præscribenda? *4tò.* Quibus se ipsi dirigere debeant? n. 261. 262. 263. 272.

## CASUS. LIX.

X Otto, homo timoratae conscientiæ, accedit Odilonem pro excipiendis fidelium Confessionibus ante mensem primum approbatum, & ait: ad omnia ferè hæreo, & tamen operor, postmodum autem nescio, an cum dubio, vel præviâ debitâ resolutione processerim: hinc instar Martyris continuò torqueor conflictantibus affectibus, in me contrariis, amore scilicet Deo placendi, & timore, nè offendam, aut offenderim. Hæc reponit Odilo, insignis est

est strophæ Dæmonis, ubique nobis insidiantis, & investigantis omnia, ut nostras propensiones & studia perspiciat; quosque reperit conscientiaë timoratae, magis constringere, & implicare nititur: ut à profectu in spiritu impediat; quos verò laxæ advertit conscientiaë, magis laxare studet, ut in ruinam animæ præcipitet. Tu bono esto animo, Deus dignatus nos suscipere in filios, quos suscepit, non statim dimittit, & labi finit, præsertim si bonæ sint voluntatis; sed quia exiguae Odilo experientiaë erat, nec media alia statim in promptu habebat, injunctâ penitentia absolvit, & dimittit. Omnibus expeditis Odilo adit virum doctum, & longæ experientiaë, &

*Quærit imò.* Quomodo talis homo formare conscientiaë dictamen practicum possit, ac debeat, nec peccet? *add.* Quomodo sit dirigendus? *3tiò.* Quid judicare ipse debeat, si post operationem anxietur, an cum dubio processerit? Vid. sub n. 263. Remedio 7. §. *Si replet scrupulosus.* Item n. 264. 265.

## CASUS LX.

Parthenius, Ordinis religiosi Novitius, tentationibus quandoque ita obruitur, ut existimet se non posse resistere, hinc perpetuò angitur, & timet, ne internis tentationibus consenserit.



Quæritur imò. Quid is judicare debeat? 2dò. Ex quibus concludere prudenter possit, quòd non consenserit. N. 265.

## CASUS LXI.

Patricius, homo scrupulosus, vehementer angitur circa Confessiones præteritas, putâtque, se nunquam ritè, & integrè confessum esse, eò quòd speciem, numerum, & circumstantias non satis explicaverit, aut non, ut oportet, ad Confessionem se præparaverit; hinc veniens ad Confessarium, dicit, se velle facere generalem Confessionem; omnesque Confessiones præteritas repetere.

Quæritur: An, quando, & quomodo id ei permittendùm sit, aut negandum? n. 266.

## CASUS LXII.

Pancracius quæritur Confessario, se diu noctûque continuis pulsari tentationibus: modò, inquit, contra fidem, modò contra spem, putòque, me non posse elicere actum fiduciæ erga Deum; modò contra charitatem, videorque mihi velle blasphemare Deum, vel eum destruere: modò judiciis temerariis: dum enim audio aliquem liberiùs loquentem, statim mihi incidit: iste est homo luxuriosus, quandoque obversatur mihi, me velle peccare, mentique incidit, vellem, vel volo hoc agere, etsi foret,

foret, vel sit peccatum: non raro contra castitatem ita abripior, ut putem me actu consentire.

*Queritur:* Quomodo talis pœnitens sit circa singula instruendus, & quomodo se gerere debeat? n. 244. Reg. n. 267.

### CASUS LXIII.

Primitivus, Neo Presbyter, primam, & dein aliquot vicibus litando Deo hostiam, processit anxie hæsitando ad Offertorium, Consecrationem, &c. nuncque invalescente timore contraxit habitum, & inordinatè, nec sine populi offendiculo, Missam peragit, timetque modò, ne desit intentio, modò, ne aliquid omiserit, modò, an verba Consecrationis rectè pronuntiaverit, & repetit cum anhelitu tam altè, ut per Templum audiri possit, & tamen anceps hæret, an rectè consecraverit, & hostiam adorare licitè possit? &c.

*Queritur imò.* An, & quomodo talis peccet sic peragendo sacratissimam actionem, & Christi Dei & Domini nostri gerendo personam? 2dò. Quomodo talis sit dirigendus, ac se gerere debeat, ut discat eà, quâ par est, reverentiâ sanctissimum offerre Sacrificium? n. 269.



Quiriacus, adolescens, in scholis audivit à suo Professore in lectione sacra de Missa devotè, & debitè audienda, attendendum imprimis esse, tum ad Offeritorium ante, & post Consecrationem, tum ad hanc, & Sacerdotis Communionem; quia autem distractione abreptus, vel orationi ex libello suo precatorio intentus, ad ista omnia sæpe non reflectit, angitur, an Missam audiverit, præceptoque satisfecerit, hinc interest quandoque tribus, vel quatuor Missis, & in posterioribus videtur sibi minùs satisfecisse, quàm in prima; quare abit præ tædio quandoque ex Templo cum scrupulo, vel, ut ipse putat, cum dubio, an satisfecerit obligationi suæ?

*Queritur imò.* Quæ requirantur, & sufficiant ad satisfaciendum præcepto de audienda Missa? *add.* Quomodo talis adolescens dirigendus, & instruendus sit? n. 270. & in 2da Parte Th. n. 279.

## CASUS LXV.

Quinctinus in cathechesi, & concionibus audivit, esse obligationem proximum suum peccantem corrigendi, exigente charitate, ut mala corporis & animæ ab eo averramus; Quare ubique hæret anxius, dum videt quid ab aliis

aliis fieri, subit suspicio de periculo peccandi, & obligatione eos monendi, dum audit loquentes de proximo, timet, nè detrahant famæ, putâtque se teneri prævertere, & monere, nè sinistrè loquantur de proximo; contigit non ita pridem, ut interesset consortio variorum cum Florentio juvene liberioris linguæ, qui referebat varia, malè acta à variis. Quinctinus, recurrente cogitatione de obligatione corrigendi, & aliorum jacturam famæ avertendi, statim non attentò, quod alii adessent majoris prudentiæ & æstimationis, Florentium reprehendit, dicens: non nisi bene de proximo, quod tibi non vis fieri alteri ne feceris, quod vultis, ut faciant vobis homines; & vos facite illis, hæc regula universalis est charitatis erga proximum. Florentius ægrè ferens, se corrigi, & reprehendi in societate honestiorum, & honoratorum hominum, ait: quid tu idiota? quæ loquor vera sunt. Nocentes porrò jus ad famam non habent. Hoc cùm alii prudentes mirarentur, dicerentque, hoc esse inauditum; reposuit Florentius: sed non mihi: Sic enim doctus sum à meo Professore, viro erudito: imò hoc legere fuit non ita pridem in Thesibus impressis, quas quidem de Juris Candidatis pro Doctoris gradu in utroque



Jure publicæ disceptationi proposuit: nec solum hoc verum est pro foro externo, sed etiam pro interno: nam quod justum est in foro externo, etiam justum est in foro interno: quemadmodum fuit in Thesibus aliis publicis propositum.

*Quæritur 1mò.* Quomodo instruendus sit Quinctinus de obligatione corrigendi proximum? *2dò.* Quid sentiendum de opinione Florentii? n. 271. & Parte 2. à n. 98. P. 3. n. 395. 396.

De scrupuloso in dicendis Horis Canonici, vide P. 2. Casum 55. & in Neo-Conf. n. 268.

*Ex Appendice ad Neo-Confessarium.*

### C A S U S XLVII.

Raymundus, instante Quadragesimâ, venit ad Episcopum, & ait: Complevi equidem sexaginta annos, attamen, quia audio, sexagenarios teneri adhuc lege jejunii, si hoc sine singulari difficultate servare possint, peto mecum dispensari in Quadragesima in abstinentia à carnibus; quia in hac mea ætate piscibus vesci mihi non conducit. Annuit petitioni Raymundi Episcopus, post dies paucos cum primoribus urbis interest Episcopus convivio, cùmque incideret sermo de proximo jejunii tempore, quidam dixerunt, hóc annò fore penuriam piscium, & peregrinum, qui  
huc

huc ex Hollandia venit, retulisse, annò hòc pisces marinos ut plurimùm non valere, exceptis halecibus: æquum proinde fore, ut in abstinencia à carnibus dispensaretur. Reposuit Episcopus, vir à prudentia, & vitæ sanctitate celebris: Urbani quidam non volunt, alii non possunt, ruriculæ nec possunt nec volunt dispensationis beneficiò uti, eò quòd, si vescerentur in Quadragesima carnibus, hæ plerisque post Pascha deessent: proinde dispensatio foret tantùm pro divitibus, qui & piscibus & carnibus volunt vesci, & in utròque ciborum genere, quandoque non sine offendiculo timorati populi, tractant. His auditis omnes obmutuerunt.

*Quæritur imò. An sexagenarii omnes sint exempti à lege jejunii? 2dò. Quæ causa requiratur, ut in Quadragesima dispensetur in abstinencia à carnibus tum cum privatis, tum universim? 3tiò. An, ut dispensatio detur universalis, sufficiat penuria piscium, vel causa dubia, aut requiratur causa certa? Vide in Appendice n. 2. La Croix L. 3. P. 2 n. 1308. Theol. Mor. P. 2. n. 181. & Benedicti XIV. Papæ Epistolam Encyclicam, quæ incipit: In suprema, aliamque, quæ incipit: Non ambigimus. infra referendas.*



Rupertus, & Rosalia, opinione communi conjugēs, veniunt devotionis, & S. Petri venerandi causā in quandam civitatem, utque voti compotes facilius fiant, volentes ad sacram Synaxin accedere, confitentur: Rosalia dictis suis peccatis, ait: Angor, circa matrimonii mei valorem, quia Pater mei mariti ante adhuc in matrimonio constitutus, quā matrimonio jungerer, me imprægnavit, timēnsque, nè ob adulterium poenam & infamiam incurreret, suavit filio suo, ut me uxorem duceret. Ego, & meus maritus, bona fide processimus: ego ignorans impedimentum, ille etiam adulterium patris sui mecum commissum. His auditis, Confessarius ait, opus esse dispensatione, acceditque Episcopum, & eam impetrat.

*Queritur 1mò.* In quibus impedimentis possit dispensare Episcopus? *2dò.* In quibus circumstantiis possit dispensare in omnibus, in quibus potest, & solet Papa? *3tiò.* An possit Episcopus cum vagis, & peregrinis, qui alibi domicilium, vel quasi domicilium habent, dispensare? Vide Appendicem à n. 5. ad romum & P. 4. à n. 567. ad n. 571. P. 1. n. 239.

Severinus aliquoties iteravit copulam carnalem cum Veronica, consanguinea sua in 3tio gradu, mixto cum secundo, timensque, nè fortè sit imprægnata, rogat Parochum suum, ut impetret sibi dispensationem super impedimento consanguinitatis, quò possit Veronicam uxorem ducere. Annuit Parochus: Cumque legisset, pro matrimonio contrahendo, non posse Episcopum dispensare in impedimento consanguinitatis in 3tio gradu mixto cum secundo, ait, recurrendum esse Romam: scribit itaque Romam ad Datariam, causis sufficientibus ad dispensandum allegatis, tacitâ tamen copulâ: Impetratur dispensatio, & Severinus cum Veronica jungitur matrimonio.

*Quæritur:* An, non expressâ copulâ incestuosâ, dispensatio fuerit valida, & matrimonium legitimè contractum? Vid. Append. n. 13. Coroll. 6. P. I. n. 241. La Croix L. 6. P. 3. à n. 922. ad n. 926. & n. 990.

CASUS LXIX.

Sebastianus Parochus, petit Româ Indulgentias pro Confraternitate S. Sebastiani, quæ concessæ quidem ad Septennium sunt, sed non subscriptæ ab Ordinario intra tres menses à die concessio-



cessionis, ob ejus absentiam. Dein Brevi inserta fuit hæc clausula: *Volumus autem, ut, si aliàs Christi Fidelibus, in quocunque alio anni die distam Ecclesiam, seu Capellam, aut Altare, in ea situm, visitantibus, aliqua alia Indulgentia perpetuò, vel ad tempus, nondum elapsum, duratura concessa fuerit... præsentibus nullæ sint.* Cùm autem Parochiali Ecclesiæ Sebastiani concessæ sint Indulgentiæ pro omnibus Christi Fidelibus in festo Dedicationis Templi, dubitatum fuit imò, an Septennium inceperit currere à die dati Brevis, vel à die subscriptionis, ab Ordinario, promulgationem permittente, factæ? 2dò. An Indulgentiæ 2dæ sint validæ? De his vide Appendicem n. 49. & P. 4. n. 416. 417.

## CASUS LXX.

Sigismundus, vir nobilis, impetravit privilegium, Oratorium privatum in sua arce, à Parochiali, omnique alia Ecclesia, minimum horâ distante, erigendi, in qua singulis diebus Missa celebrari possit, eâ tamen, (quæ ordinariè addi solet) cum limitatione, ut tam privilegio decoratus, quàm, qui sunt de ejus familia, non possint audire Missam in Oratorio privato die Nativitatis Domini, Epiphaniæ, Paschatis, Pentecostes, festo Annuntiationis, Assumptionis

ptionis B. V. Apostolorum Petri & Pauli, & omnium Sanctorum, nisi privilegium datum esset ob infirmitatem, & infirmus Ecclesiam adire non posset: tunc enim, & illis diebus celebrari posset, & is satisfaceret praecepto, uti & qui apud eum manere deberent. Secus est de aliis, qui Ecclesiam possent adire. Quod verò aliis diebus Festis, & Dominicis, non exceptis, privilegiatus, & qui sunt, de ejus familia, licite possint audire Missam, & hanc audiendo satisfacere praecepto, convenit inter AA.

*Queritur 1mò.* Quæ servanda sit forma supplicationis pro Oratorio privato? Vide hic à n. 60. 2dò. Quinam dicantur esse de familia? P. 4. n. 286. La Croix L. 6. P. 2. n. 272. 3tò. An, qui non sunt de familia, satisfaciant praecepto de audienda Missa, si illi diebus etiam non exceptis in Oratorio interfint, dum alibi in Ecclesia interesse possunt? P. 4. n. 287. La Croix L. 3. P. 1. n. 628. 4tò. An, & quale peccatum sit, si in literis concessionis privilegii permittatur una tantum Missa, legantur plures? P. 4. sub n. 202. Dixi *una tantum*: nam, si ponatur: *una legi possit*, autum eodem die plures ibi celebrari possint, controvertunt AA. Apud La Croix L. 6. P. 2. n. 268. communior interpretatio



pretatio permittit tantum unicam. Petrus March. in Resolut. Miscellaneis, casu 3. negat quod *una* sit vox exclusiva plurium, uti si in fundatione dicatur: volumus, ut una quotidie Missa dicatur in illo altari, non ideo prohibentur *plures*. Quare celebraturus in tali Oratorio benè se informet, quo tenore privilegium sit concessum: Episcopi enim id non concedunt, ut habitualiter ibi possit celebrari, sed ad tempus certum, vel dies certos tantum. Quoad Oratoria à S. Sede concessa observari debet, quod habet Decretum Clementis XI. apud la Croix L. 6. P. 2. n. 258. de Privilegiis Regularium celebrandi extra Ecclesiam vide eundem L. cit. à n. 273.

*A Sede Apostolica resolutus.*

#### CASUS LXXI.

Duo nobiles Conjuges obtinuerunt à Sede Apostolica Indultum pro celebratione Missæ in privato suæ domus Oratorio, quo concedebatur, ut una Missa pro unoquoque die per Sacerdotem sæcularem, vel regularem, sine tamen quorumcunque Jurium Parochialium præjudicio, ac Paschatis, Resurrectionis, Pentecostes, ac Nativitatis Domini nostri Jesu Christi, aliisque solennioribus anni Festis, in sua, ac Natorum, consanguineorum, & affinium,

in

in eadem domo simul cum ipsis habitantibus, familiisque, & quoad oratoria ruri existentia, etiam in hospitum nobilium, suorumque præsentia celebrari facere liberè ac licitè possint, ac valeant; ita tamen, ut famulares servitiis eorum actu tempore dictæ Missæ non necessarii, ibidem ejusmodi Missæ interessentes, ab obligatione audiendi Missam in Ecclesia diebus festis de præcepto minimè liberi censeantur.

Circa hoc Indultum dubitatio fuit, an vi illius liceat celebrare Missam in privato Oratorio, sine præsentia alterutrius dictorum conjugum, cumque varii variè opinarentur, alii affirmando, alii negando id licere; controversia delata fuit ad sacram Congregationem Concilii; quæ An. 1740. die 3. Decembris respondit, non licere. Hanc responsionem Benedictus XIV. Papa non tantum approbavit, sed etiam Decreto, incipiente: *Cum duo nobiles conjuges*, datò die 7mâ Januarii 1741. & publicè vulgatò, voluit omnibus notum fieri, non posse vigore similis Indulti celebrari Missam in privatis Oratoriis, quando eidem Missæ actu non intersit aliquis ex iis, quibus principaliter Indultum concessum est; Indultum verò principaliter concessum intelligitur iis tan-




tum, quibus Breve dirigitur, nimirum personis illis, quæ à tergo ejusdem Brevis proprio nomine nuncupantur, aded, ut sine præsentia unius ex dictis personis minime liceat Missæ Sacrificium peragi, etiam si præsens sit aliquis ex filiis, sive ex consanguineis, sive ex affinibus, sive ex familiaribus, sive denique ex hospitibus nobilibus, in eodem Brevi memoratis; quippe quibus nihil aliud per ejusmodi Brevia conceditur, quàm quòd unusquisque eorum (dummodò, quòd attinet ad familiares, juxta clausulam in iisdem Brevis insertam, non sit ex illis actu non necessariis) assistens Missæ, quæ celebratur in Oratorio privato in præsentia alicujus ex personis, à tergo Brevis proprio nomine nuncupatis, satisfaciat obligationi audiendi Missam diebus festis de præcepto, sublatâ igitur, & proscriptâ quâcunque minus germanâ interpretatione ejusmodi Brevium, & Indultorum hactenus factâ, Sanctitas sua ita declaravit, & servari omnino mandavit, districtè præcipiens, ut omnes Episcopi, aliique locorum Ordinarii, etiam tanquam à Sede Apostolica delegati, executioni, & observantiæ hujus Decreti diligenter incumbant per Canonicas poenas

poenas, contra inobedientes, eorum arbitrio constituendas.


A. Cardinalis Gentili  
Præfectus.

C. A. Archi-Episcopus Philipp.  
Secretarius.

At ex his iterum, quod jam ante monui, patet, quâ opus sit circumspeditione Sacerdotibus, qui Missam celebrare volunt in privatis Oratoriis, quibus, & hoc animadvertendum, longè probabilius, & in praxi tenendum esse, si indulgeatur quolibet die Missa una, non licere plures eodem die in privato Oratorio celebrare; quia sic habet interpretatio communis, tum quia Indultum, cùm sit contra legem, strictæ interpretationis est, tum quia aliàs frustra in Indulto adderetur tò una: suffecisset dicere, ut quolibet die Missa celebretur. Vide Decretum Clementis XI. apud La Croix L. 6. P. 2. post n. 258.







LITERÆ,  
ET  
CONSTITUTIONES  
APOSTOLICÆ,

Pleræque annis proximè elapsis editæ;  
quæ utrumque Clerum tam Re-  
gularem, quàm Sæcularem  
fermè ex æquo con-  
cernunt.

DECRETUM,

SEU

CONSTITUTIO  
CLEMENTIS X.

De Aprobatione Confessarii,

*Superna magni Patris-Familias &c.*

§. 1. **S**ANè cùm S. Conc. Tridentini  
Decretis providè statutum fu-  
erit, ut Regulares cujuscunque Ordi-  
nis, nisi à suis Superioribus de vita,  
mori-

*Litteræ, & Constitutiones Apostolicæ. 69*

moribus & scientiâ examinati & approbati fuerint; ac de eorum licentiâ, etiam in Ecclesiis suorum Ordinum prædicare non possint, cum qua licentiâ personaliter se eorum Episcopis præsentare, & ab eis benedictionem petere teneantur, antequam prædicare incipiant; in Ecclesiis verò, quæ suorum Ordinum non sunt, ultra licentiam suorum Superiorum, etiam Episcopi licentiam, gratis ab eo dandam, habere teneantur, sine qua in ipsis Ecclesiis non suorum Ordinum nullò modò prædicare possint. Atque ut nullus sæcularis, sive Regularis, etiam in Ecclesiis suorum Ordinum contradicente Episcopo prædicare præsumat. Itidemque cum nullus Sacerdos Regularis possit confessiones sæcularium etiam Sacerdotum audire, nec ad id idoneus reputari, nisi aut Parochiale Beneficium obtineat, aut ab Episcopis per examen, si illis videbitur esse necessarium, aut aliàs idoneus judicetur: & approbationem, quæ gratis detur, obtineat, privilegiis & consuetudine quâcunque non obstantibus. Innotuit nobis dubitationes nonnullas circa benedictionem, licentiam, contradictionem, examen & approbationem ejusmodi in aliquibus Diocæsisbus excitatas fuisse, ex quibus controversiæ & defensiones permultæ



70 *Litteræ, & Constitutiones Apostolicæ,*  
in diem subsequi possent occasione pri-  
vilegiorum, quæ per Sedem Apostoli-  
cam Religiosis Ordinibus concessa fue-  
runt.

§. 2. Nos attendentes, quòd aliàs di-  
versis temporibus prædictæ dubitatio-  
nes & controversiæ nonnullis Prædeces-  
sorum nostrorum Summorum Pontifi-  
cum Constitutionibus, earumque Decla-  
rationibus definitæ fuerint, ejusmodi de-  
finitiones in unum collectas, ut magis  
magisque dissensionum tollantur semi-  
na, & in posterum firmior in agro Do-  
minico pax Christi floreat, pro summo,  
quò fungimur, Apostolatûs Officiò no-  
vis Apostolicis literis muniendas duxi-  
mus & roborandas. Itaque de consilio  
nonnullorum Venerabilium Fratrum  
nostrorum S. R. E. Cardinalium, & di-  
lectorum filiorum Romanæ Curiae Præ-  
latorum pietate, doctrinâ & prudentiâ  
præstantium; & maturâ deliberatione  
nostrâ, atque ex certa scientia, hâc ge-  
nerali & perpetuò valiturâ Constitutio-  
ne decernimus, & declaramus:

§. 3. Regulares, qui in Ecclesiis sui  
ordinis prædicare voluerint, teneri ab  
Episcopo Diocesano Benedictionem  
petere: prædicare tamen posse, quam-  
vis illam non obtinuerint. Quòd si E-  
piscopus Benedictionem nedum non  
concesserit, sed etiam contradixerit,  
nec

*Litteræ, & Constitutiones Apostolicæ. 71*

nec in prædictis quidem Ecclesiis licere Regularibus prædicare; eosque contravenientes ab illo tanquam Sedis Apostolicæ Delegato censuris, aliisque pœnis Ecclesiasticis in vim Constitutionis fel. record. *Gregorii XV.* Prædecessoris nostri, incipientis: *Inscrutabili Dei providentiâ*, coerceri & puniri posse. Episcopum tamen absque justa & rationabili causa contradicere non debere; & hujusmodi Benedictionem teneri etiam Regulares petere, si in quibuscunque etiam Oratoriis sui Ordinis sermonem populo, vel in Ecclesiis, aut ad crates Monasteriorum sanctimonialium eorum jurisdictioni subjectarum, licet clausis januis, & nullus sæcularis ibi intersit, habere voluerint. Posse autem Episcopum licentiam concessurum Regularibus in Ecclesiis, quæ suorum Ordinum non sunt, prædicare volentibus illos, quamvis ab Universitatibus, aut à Magistratibus laicis nominatos, etiamsi Episcopi Antecessores per tempus immemorabile hanc licentiam absque examine concedere consueverint, quoad doctrinam examinare, si ita ipsius arbitrio, quod moderatum & discretum esse debet, visum fuerit, & licentiam prædicandi semel iisdem concessam ob rationabiles causas, licet occultas prædicationem tamen concernentes suspendere.



dere. Non posse tamen Episcopum generatim prohibere Regularibus, quin in Ecclesiis suorum Ordinum prædicent.

§. 4. Ad hæc Religiosos ab Episcopo ad confessiones sæcularium in sua Diœcesi audiendas approbatos, non posse in alia Diœcesi eas absque Episcopi Diœcesani approbatione audire, quamvis poenitentes subditi sint ejus Episcopi, a quo ipsi Religiosi jam fuerant approbati, & generaliter approbatos ab Episcopo ad personarum sæcularium confessiones audiendas, nequaquam censi approbatos ad audiendas confessiones Monialium sibi subjectarum, sed egere quoad hoc speciali Episcopi approbatione: atque approbatos pro audiendis confessionibus Monialium unius Monasterii minime posse audire confessiones Monialium alterius Monasterii. Itidemque Confessores extraordinarios semel deputatos atque approbatos ab Episcopo ad Monialium confessiones pro una vice audiendas, haud posse expleta deputatione in vim approbationis hujusmodi istarum confessiones audire, sed toties ab Episcopo esse approbandos, quoties casus deputationis contigerit. Cæterum in Monasteriis ac etiam Collegiis, ubi juxta regularia instituta vivitur, posse tam Prælatos Regulares, quàm

*Litteræ, & Constitutiones Apostolicæ. 73*

quàm Confessores Regularium eorundem Monasteriorum seu Collegiorum audire confessiones illorum sæcularium, qui inibi sunt verè de familia & continui commensales; non autem illorum, qui tantùm ipsis deserviunt; illos autem Religiosos, qui ad confessiones audiendas idonei generaliter reperti fuerint, ab Episcopis generaliter quoque & indistinctè absque aliqua limitatione temporis, cæterorumque locorum; aut generis personarum in Dicecesi propria admittendos: quoad cæteros verò, qui non adedò idonei reperiuntur, si petierint se admitti, arbitrio Ordinariarum relinquì, ipsos cum limitata facultate, prout eisdem Ordinariis magis expedire videbitur, probare & admittere, semel autem simpliciter approbatos posse in Dicecesi approbantis quovis anni tempore etiam Paschali & quorumcunque etiam infirmorum confessiones audire absque ulla Parochorum, vel ipsius Episcopi licentia: De qua tamen confessione teneri dictos Religiosos eorundem infirmorum Parochum illicdò certiorrem reddere. Et hoc posse illis ab Episcopo sub pœna suspensionis à facultate audiendi confessiones præcipi: sufficere tamen, ut certioratio huiusmodi fiat saltem per scripturam apud ipsum infirmum relinquendam,



74 *Litteræ, & constitutiones Apostolicæ.*

§. 5. Et eos, qui dictis Religiosis simpliciter approbatis, Paschali tempore confessi fuerint, Constitutioni, quæ incipit: *Omnis utriusque sexus*, quoad confessionem duntaxat satisfecisse censendos. Regulares verò ad ejusmodi confessiones audiendas prævio examine simpliciter & absque ulla temporis præfinitione ab ipsomet Episcopo, secus autem ab ejus Vicario, aut ab Antecessoribus Episcopis approbatos, non posse ab eodem, qui sic approbavit, iterum examinari, aut ab eisdem confessionibus audiendis suspendi, seu licentias illis concessas revocari, nisi novâ superveniente causâ, quæ ipsas confessiones concernat. De qua tamen haud necessarium esse, ut inactio constet; nec eam teneri Episcopum ipsis Regularibus significare, sed Sedi Apostolicæ duntaxat, ubi eam sibi aperiri postulaverit.

§. 6. Porro si Regulares cum scandalo, aut alias inhonestè vivant, vel aliquod delictum committant, per quod rationabili Episcopi judicio videantur à confessionibus suspendendi, in quo ipsius Episcopi conscientiam oneratam esse volumus, cum præcipua ministri Sacramenti Pœnitentiæ qualitas sit vitæ integritas ac morum honestas; utique eam causam ad confessionis ministerium

ca. 7. *Litteræ, & constitutiones Apostolicæ.* 75  
rium pertinere, ac proinde nihil obsta-  
re, quominus ob eam possit Episcopus  
Regulares à semetipso approbandos sus-  
pendere, aut repellere à confessionibus  
audiendis: Attamen Confessiones au-  
diendi facultatem omnibus simul unius  
Conventus regularibus Confessoribus  
adimi ab Episcopo inconsultâ Sede A-  
postolicâ nullatenus posse. Ex facul-  
tatibus per *Mare magnum*, aliâve privi-  
legia Regularibus cujuscunque Ordinis,  
instituti, aut Societatis etiam JESU  
concessis, factam eis non esse potesta-  
tem absolvendi in casibus ab Episcopo  
sibi reservatis, & per confirmationes di-  
ctorum privilegiorum, quas Regulares  
à Sede Apostolica post sacrum Conc.  
*Trid.* obtinuerunt, nequaquam revixis-  
se privilegia prius ab eodem Concilio,  
aut deinde Apostolicis etiam decretis  
sublata atque extincta, si quæ habeant  
absolvendi à casibus Episcopo reservatis.

§. 7. Et habentes facultatem absol-  
vendi ab omnibus casibus Sedi Aposto-  
licæ reservatis, non ideo à casibus E-  
piscopo reservatis posse absolvere: pos-  
se autem regularem Confessorem in ea  
Dioecesi, in qua est approbatus, conflu-  
entes ex alia Dioecesi à peccatis in ipsa  
reservatis, non autem in illa, ubi idem  
Confessor est approbatus, absolvere, nisi  
eisdem poenitentes noverit in fraudem

refer-



76 *Litteræ, & Constitutiones Apostolicæ.*

reservationis ad alienam Diocesin pro  
absolutione obtinendam migrasse: Vigore  
supradictorum privilegiorum nequa-  
quam licere Regularibus etiam satisfac-  
tâ parte absolvere pœnitentes à censu-  
ris quoad externum & Judiciale forum,  
& absolutos ab eis in foro pœnitentiali,  
utique non censi absolutos in exteriori  
judicio & contentioso. Quin imò  
censuris Ecclesiasticis irretitos & denun-  
ciatos ab Episcopis cogi posse gerere se  
pro talibus, etiam si à Regularibus fue-  
rint absoluti. Quoties exhibitis aliqui-  
bus Regularium Apostolicis privilegiis  
coram Episcopo, ab eo judicetur ipsa  
non suffragari casui, de quo agitur, si  
dictorum privilegiorum verba obscura  
sint & ambigua, non esse ad Metro-  
politanum provocandum, sed cum ejus  
sit interpretari, cujus est condere, di-  
ctorum privilegiorum interpretationem  
Sedis Apostolicæ judiciò, prout aliàs  
constitutione prædecessoris nostri fel.  
recordationis *Clementis VI.* statutum  
fuit, esse requirendam.

§. 8. Decernentes, sic & non aliàs per  
quosunque Judices ordinarios vel dele-  
gatos quavis autoritate & dignitate  
fungentes, etiam causarum palatii A-  
postolici Auditores, ac S. R. E. Cardi-  
nales etiam de latere Legatos,  
Vicelegatos, & Nuntios, & quos-  
vis

*Litteræ, & Constitutiones Apostolicæ. 77*

vis alios, sublatâ eis & eorum cuilibet quâvis aliter judicandi & interpretandi facultate & autoritate, judicari & definire debere. Irritum quoque & inane, quidquid secus super his à quoquam quâvis autoritate scienter vel ignoranter contigerit attentari.

§. 9. Non obstantibus quibuscumque constitutionibus & ordinationibus Apostolicis in favorem quarumcunque personarum, atque quorumvis Ordinum tam mendicantium, quàm non mendicantium, militarium, etiam S. Joannis Hierosolymitani, Congregationum, Societatum etiam JESU, ac cujusvis alterius instituti, etiam necessariò & in individuo exprimendo, Monasteriorum, Conventuum, Capitulorum, Ecclesiarum & aliorum quorumcunque tam secularium, quàm regularium locorum, nec non illorum etiam juramentò, confirmatione Apostolicâ vel quâvis firmitate aliâ roboratis statutis vel consuetudinibus etiam immemorabilibus, exceptionibus quoque, indultis & privilegiis etiam in Corpore Juris clausis, aut ex causa & titulo oneroso, vel in limine foundationis concessis, etiam *Mari magno*, seu Bullâ aureâ, aut aliâs nuncupatis: Conservatorum Deputationibus, eorumque atque aliis inhibitionibus, quibus Episcopi deferre minimè teneantur, & quibuscumque aliis



aliis sub quibuscunque tenoribus & formis, ac cum quibuscvis etiam derogatoriis derogatoriis aliisque efficacioribus & insolitis clausulis, nec non irritantibus & aliis decretis, etiam motu proprio, & ex certa scientia, ac de Apostolicæ potestatis plenitudine, aut aliâs quomodolibet etiam per viam communicationis: seu extensionis concessis & iteratis vicibus approbatis & innovatis, quibus omnibus, etiam si pro illorum sufficienti derogatione de illis eorûmque totis tenoribus & formis specialibus specifica, expressa & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & forma in illis tradita & observata, inserti forent, præsentibus pro plenè & sufficienter expressis & insertis habentes, illis quoad ea, quæ eisdem præsentibus adversantur, aliâs in in suo robore permansuris harum serie specialiter, & expressè derogamus, cæterisque contrariis quibuscunque.

Datum Romæ 21. Junij, publicatum  
2. August. 1670.

INNOCENTII. XI.

Admonitio ad Verbi Dei Concionatores  
per litteras sacrae Congregationis Con-  
cilii ad Episcopos directas.

**A** Pluribus Christiani orbis Provinciis  
graves frequentesque Romam, at-  
que ad ipsam sanctam Sedem, adven-  
tant, seu delationes, seu querelæ adver-  
sus præsentem prædicationis usum,  
tandem à primævo Apostolorum insti-  
tuto aberrantem. Ac quidem cum Ver-  
bum Dei, quod Apostolo teste, omnino  
debet esse sanum, ac salutare, multi-  
plici lue per plures ex ipsis Evangelii  
præconibus reddatur infectum; meritò  
Sanctissimus Dominus noster decrevit,  
contagionem universo gregi tam exitio-  
sam, longèque patentem omni Aposto-  
licæ autoritatis conatu prorsus extin-  
guere. Nam quæ pestis esse, aut co-  
gitari violentior eâ potest, quæ cibos  
ipsos, ad vitæ præsidium institutos, ip-  
sasque medicinas pro morbis depellen-  
dis inventas, in mortis instrumenta, &  
præsentissima venena convertere? Ver-  
bum profectò Dei panis est ille vitæ,  
& intellectus, quò cibari, & aqua simul  
salutaris, quâ potari Fidelium animas  
ab ipsis Religionis Christianæ incuna-  
bulis



30 *Litteræ, & Constitutiones Apostolicæ.*  
bulis Redemptor noster edocuit. At verò,  
si fal, quod pro Verbo Dei à Sanctis ac-  
cipitur, per futiles conciones evanuerit,  
in quo putrescentia mortalium vitia con-  
dientur? Quin imò, si fal idem, quod  
prædicatores apertè significat per elo-  
quentiam planè stultam, infatuatum fu-  
erit; reverà non ultra valebit, nisi ut  
conculcetur, & utinam jam non con-  
culcetur ab hominibus. Quæ enim  
ministerio tam sacro Majestas, qui de-  
cor, quæ sanctitas, quæ utilitas inest?  
quando plurimi, uti Paulus clamat,  
Verbum Dei adulterantes, aut jocos,  
tanquam histriones, aut conversi ad fa-  
bulas, uti Poëtæ, auditores sibi prurien-  
tes auribus coacervant, aut inanis fa-  
cundia leuociniò, & calamistrata, ac  
meretriciò planè stylò prædicationem  
foedè corrumpunt? Mandat ergo san-  
ctitas sua, zelò verè Apostolicò incensa,  
ut omnes Primates, Archi-Episcopi, E-  
piscopi, cæterarumque Ecclesiarum  
Præsides, quorum præcipuum munus  
est, Verbum Dei administrare, gregem-  
que pascere, tantis corruptelis occur-  
rant, easque Concionatoribus opportu-  
nè ob oculos ponant, & fugiant à facie  
tot pestium potiùs, quàm colubrorum.  
Et præsertim universi intelligant, quòd  
per Jeremiam Deus illis indixit: *Pro-*  
*pheta, qui habet sermonem meum, loque-*  
*tur*

ica.  
ver  
is a  
uer  
a co  
que  
r el  
im fu  
ifi  
con  
enit  
ui de  
ineff  
ama  
joci  
ad fa  
urior  
is fa  
e, a  
oner  
o fan  
cent  
pi, E  
arum  
unnu  
egem  
occur  
ortu  
faci  
prum  
quo  
Pro  
loque  
tu

*Literæ, & Constitutiones Apostolicæ. 81*  
tur sermonem meum verè: quid palea ad  
triticum? Nunquid verba mea non sunt  
ignis, dicit Dominus, & quasi malleus con  
terens petram? Videlicet oportere con  
ciones non paleis refertas esse ad vani  
tatem, sed igne veritatis succensas. Por  
rò sciant non levem esse culpam, sed  
grande piaculum, gravissimâque poenâ  
multandum, ubi per scurrilitatem Ver  
bum Dei velut in scenam adducant, at  
que auditoribus deridendum traduxe  
rint. Præterea neque per questiones  
curiosas, ac paradoxa tam vana, ità su  
pra captum populorum assurgant, ut ve  
rè querantur: *Parvuli petierunt panem,*  
*& non erat, qui frangeret eis.* Similiter  
neque per illecebras inanium verborum  
res non minùs vanas obtrudant, & per  
ostentationem memoriæ, atque pro  
nuntiationis præcipitantiam, quasi præ  
stigiis, auditorum animas, aurèsque lu  
dificent.

Quamobrem Antistites per se, si tem  
pus vacaverit, tum in Cathedralibus,  
tum in aliis Ecclesiis seridò animadver  
tant, & in Dioecesi Vicariis foraneis,  
aliisque Ministris probisque viris, à qui  
bus ea super re relationes exigant, vigi  
lantiam demandent. Ac si Conciona  
toris normam hujusmodi transgressos  
repererint, eos à prædicationis mune  
re ad tempus bene visum suspendant,

F

aliòve



82 *Litteræ. & Constitutiones Apostolicæ.*  
aliôve modo pro ratione culpæ plectere  
curent, subrogando interim alios, qui  
salutari modo populo ostendant vitia,  
quæ eos declinare, & virtutes, quas  
sectari oporteat, ut poenam æternam e-  
vadere, & cœlestem gloriam consequi  
valeant. Eminentia igitur vestra in  
Dioecesi suæ curæ credita sanctissimi  
Domini nostri iussibus, & proprio mune-  
ri satisfacere non gravabitur; & Emi-  
nentiæ vestræ manus humiliter deoscu-  
lor.

Romæ 6. Julii, 1680.

Eminentiae vestrae

Humillimus, & addictissimus Servus  
Fr. Cardinal. Columna.

S. Archi-Episcopus Brancatius, E-  
piscopus Viterbiensis Secretarius.



Indulgentiæ concessæ devotè recitanti-  
bus ad pulsus campanæ  
manè aut meridie, seu  
vesperè:

*Angelus Domini, &c.*

## BENEDICTUS PAPA XIII.

*Ad perpetuam rei Memoriam.*

**I**njunctæ nobis divinitus Apostolicæ  
servitutis ratio postulat, ut coelestium  
munerum thesauros, dispensationi  
nostræ à Domino creditos, fideliter erogemus,  
cum id ad augendam in terris  
Beatissimæ, atque Augustissimæ Coeli  
Reginæ, Virginis Deiparæ Mariæ, Patronæ,  
& Advocatæ nostræ venerationem,  
excitandamque, & confovendam  
erga illam Fidelium devotionem, ac ad  
animarum salutem speramus in Domino  
profuturum: Itaque de Omnipotentis  
Dei misericordia, ac Beatorum Petri  
& Pauli, Apostolorum ejus, auctoritate  
confisi, omnibus, & singulis Christi  
Fidelibus, verè pœnitentibus, & confessis,  
ac sacrâ Communionem refectis,  
qui mane, aut meridie, seu vespere ad  
pulsus campanæ: *Angelus Domini annuntia-  
vit Mariæ, & concepit de Spiritu*



84 *Literæ, & Constitutiones Apostolicæ.*  
*fundo: Ecce ancilla Domini; fiat mihi*  
*secundum verbum tuum. Et verbum caro*  
*factum est, & habitavit in nobis, cum tri-*  
*bus Ave Maria flexis genibus devotè*  
*recitaverint, & pro Christianorum Prin-*  
*cipum concordia, hæresum extirpatione,*  
*sanctæ Matris Ecclesiæ exaltatione pi-*  
*as ad Deum preces effuderint, plena-*  
*riam in uno die cujuslibet mensis dun-*  
*taxat per unumquemque fidelem ad sui*  
*libitum eligendo, lucrificandam, omni-*  
*um peccatorum suorum Indulgentiam,*  
*ac remissionem misericorditer in Domi-*  
*no concedimus. In reliquis verò anni*  
*diebus iisdem Christi Fidelibus, verè*  
*contritis, quoties id egerint, centum*  
*dies de injunctis iis, seu aliàs quomo-*  
*do libet debitis pœnitentiis in forma*  
*Ecclesiæ consueta, relaxamus, præsen-*  
*tibus perpetuis futuris temporibus va-*  
*lituris. Volumus autem, ut earundem*  
*præsentium literarum transumptis seu*  
*exemplis, etiam impressis, manu alicu-*  
*jus Notarii publici subscriptis, ac Sigil-*  
*lò personæ in Ecclesiastica dignitate*  
*constitutæ munitis eadem prorsus fides,*  
*ubique habeatur, quæ ipsis præsentibus*  
*haberetur, si forent exhibitæ, vel ostensæ.*

Datum Romæ apud Sanct. Mariam Ma-  
jorem sub Annulo Piscatoris die 14.  
Septembris, 1724. Pontificatûs No-  
stri anno primo.

Hactenus

**H**Astenus Indultum Pontificis, in quo cum exigatur, ut prædictæ preces dicantur flexis genibus, statim ab initio ortum est dubium, controversia excitata, an etiam diebus Dominicis, & tempore Paschali dicendæ essent flectendo? Affirmarunt non pauci, & praxi sua confirmarunt opinionem suam, eò quòd nullum tempus, dièmvè Papa excipiat, adeoque nec nos excipere debeamus; Econtrà negarunt alij, contententes, inhærendum esse antiquæ Ecclesiæ consuetudini, ex qua ab initio usque huc in memoriam Resurrectionis Domini preces illæ stando à Fidelibus sunt recitatæ. Ratio horum erat, quia non tam verba, quàm mens & intentio Pontificis spectanda erunt: præsumi autem non potuerit, quod voluerit antiquum illum, piùmque ritum abrogare, atque ad eum eliminandum Indulgentiis invitare Fideles, cum ritus uterque salvus consistere sine inconvenientia potuerit, adeoque minimè Altare contra Altare erigere expediens fuerit. Hanc controversiam ante annos aliquot extinxit BENEDICTUS XIV. Papa, dum declaravit, statuitque preces persolvendas esse stando, tum diebus Sabbathi à meridie, seu vespere, & diebus Dominicis, tum totò tempore Paschali, at-



86 *Litteræ, & Constitutiones Apostolicæ.*  
que in hoc, loco *Angelus Domini &c.*  
dicendam esse Antiphonam, *Regina cæli,*  
cum Oratione qui eam nôrunt, qui verò  
ignorant, adhibeant, uti antè: *Angelus*  
*Domini &c.*

## DECRETUM

De S. ALOYSIO GONZAGA  
Scholarum, quæcumque illum adop-  
taverint, Patrono: deque Indulgentia,  
ubicunque Festum ejus celebretur.

S. ALOYSII GONZAGÆ.

**E**Ditò sub die 22. Novembris 1729.  
Decretò, quod sequitur, videlicet--  
Cum Sanctissimus Dominus noster Be-  
nedictus XIII. S. Aloysium Gonzagam  
decreverit solemniter canonizandum,  
ut Adolescentibus præsertim veneran-  
dus, atque imitandus proponeretur Ju-  
venis innocentia vitæ clarissimus; post  
ejus verò Canonizationem multæ per  
Orbem Scholæ, etiam extra Societa-  
tem JESU, illum sibi magna cum uti-  
litate imitandum ut exemplar, & ve-  
nerandum ut Patronum proposuerint;  
ideirco Sanctitas sua, non solum in om-  
nibus & singulis Universitatibus, Gym-  
nasiis vel Collegiis generalium, vel non  
generalium Studiorum Soc. SESU; ve-  
rùm

*Litteræ & Constitutiones Apostolicæ. 87*

rùm etiam aliis, si quibus alicubi placuerit, ubique existentibus, vel extituriis, eundem S. Aloysium principalem constituit Patronum, cum facultate Missam & Officium proprium de illo per Sedem Apostolicam approbatum dicendi pro Sacerdotibus, aut aliàs ad Horas Canonicas obstrictis, de ipsius anniversario 21. Junii in Ecclesiis dictæ Societatis, vel aliis, ad quas accedere consueverint, aut voluerint; Indulgentia verò plenaria quibuscumque ritè visitantibus Altare ipsius in Festo ubicumque (juxta facultatem in Bulla Canonizationis attributam) fieri contigerit: ac Literas Apostolicas desuper expediri mandavit. Die 22. Novembris 1729. *Loco ꝛ Sigilli. Nicolaus Maria Tedeschi Archiep. Apam. S. Rit. Congregationis Secretarius* -- Ortòque aliquibus in locis dubiò an, ubi Festum ejusdem Sancti fit, non tamen ad Altare ipsius proprium (cùm illic non adsit; vel si adsit, non ad illud, sed ad majus, aut commodius Altare, magni concursus & solemnitatis causà, celebretur) nihilominus ritè visitantibus Altare, in quo fit Festum, etiam si non sit ipsius proprium, dicta Indulgentia suffragetur: Sanctissimus Dominus noster CLEMENS PAPA XII. facta per me Cardinalem Congregationis super Indulgentiis,



88 *Litteræ & Constitutiones Apostolicæ.*

tiis, sacrisque reliquiis Præfectum relatione Sanctitati Suæ tam præfati dubii, quàm precum desuper exhibitarum pro opportuna declaratione, benignè annuit; confirmatōque in reliquis Decretō, declaravit Indulgentiam suffragari Die 21. Novembris 1737.

DECRETUM.

*De Indulgentia sex Dominicas in ejusdem Sancti honorem celebrantibus.*

AD humillimas preces P. Francisci Retz Præpositi Generalis Societatis JESU, quibus exposuit, multos vel ad impetrandas intercessione S. Aloyfii Gonzagæ à Deo gratias, vel pro impetratis, sex Dominicos dies continuos ante illius Festum, sive aliàs per annum piè celebrare consuevisse: Sacra Congregatio Indulgentiis, sacrisque Relequiis præposita, in Divini cultûs incrementum, & Fidelium spiritualem profectum, omnibus utriusque sexûs, qui sex Dominicos dies, ut suprâ; verè poenitentes, sacràque Communionem refecti, piis meditationibus, aut orationibus, aliisve Christianæ pietatis operibus, ad ejusdem Sancti honorem, ad Dei gloriam, vacando sanctificaverit, plenariam peccatorum suorum Indulgentiam concedi posse censuit, si Sanctissimo placuerit. Die 3. Octobris 1739. De quibus factâ  
per

*Litteræ, & Constitutiones Apostolicæ. 89*

per me Cardinalem Præfectum relatione; Sanctitas Sua benignè annuit die II. Decembris ejusdem anni.

Loco ✕ Sigilli.

Lud. Episc. Albanen. Card. Picus Præf.

*Jo. Archiepiscopus Tyri Secretarius.*

Romæ, Typis Reverendæ Cameræ Apostolicæ 1739.

DECRETUM

*Seu Declaratio Indulgentiæ pro sex Dominicis in honorem S. ALOYSII, GONZAGÆ.*

Cum nuper Sanctissimus Dominus noster, de consilio Congregationis Indulgentiis, sacrisque Reliquiis præpositæ, Fidelibus utriusque sexûs, qui sex Dominicas dies continuas ante Festum S. Aloysii Gonzagæ, sive aliàs per annum, verè poenitentes, Sacræque Communione refecti, piis meditationibus, aut orationibus, aliisve Christianæ pietatis operibus, ad ejusdem Sancti honorem, ac Dei gloriam vacando sanctificaverint, plenariam peccatorum suorum Indulgentiam concefferit; quærentibus postea quibusdam, nùm pro omnibus simul dictis sex Dominicis, an potiùs pro singulis talis Indulgentia fuerit concessa: relatò per me infra scriptum ejusdem Sacræ Congregationis



90 *Litteræ, & Constitutiones Apostolicæ.*  
Cardinalem Præfectum hujusmodi du-  
biô; Sanctitas Sua, ad fovendam erga  
eundem Sanctum miram ob tot gratias  
tùm spirituales, tum temporales, popu-  
lorum devotionem, benignè declaravit,  
dictam Indulgentiam pro singulis conce-  
di, idque in Decreto exprimi mandavit  
die 7. Januarii 1740.

Lud. Episc. Albanen. Card. Picus Præf.

Loco ✕ Sigilli.

*Jo. Archiepiscopus Tyri Secretarius*

---

INDULGENTIÆ,  
CATECHETICÆ  
CLEMENS.

PAPA XII.

Ad futurum rei memoriam.

**P**astoralis officii, quo Catholicæ Ec-  
clesiæ regimini divina dispositio-  
ne præsidemus, debitum exigit,  
ut ad ea potissimum curam & sollicitu-  
dinem nostram intendamus, quæ ad au-  
gendam fidelium religionem, ac anima-  
rum salutem conducere in Domino con-  
cipimus; alias si quidem ad uberes fru-  
ctus, ac spiritualem Christi fidelium æ-  
difica-

*Litteræ, & Constitutiones Apostolicæ. 91*  
modificationem, quæ ex assiduo usu, &  
explicatione Catechismi, five doctrinæ  
Christianæ provenire noscebantur, pa-  
ternæ dirigentes considerationis nostræ  
intuitum, diversas ordinationes à non-  
nullis Romanis Pontificibus, Prædeces-  
soribus nostris, ad promovendum hoc  
opus, quo ille fidei rudimentis, ac mi-  
sterialibus, Christianisque virtutibus instru-  
itur, salubriter editos, per Edictum, Die  
XV. Novembris Anno 1730. jussu no-  
stro promulgatum, confirmavimus, ac  
etiam ampliavimus; Et subinde Chri-  
sti fideles tam almæ urbis nostræ, quàm  
universæ Italiæ, ac Insularum adjacen-  
tium pro tempore existentes, ut operi  
huic ferventiùs incumberent incitare  
volentes omnes, & singulas Indulgentias,  
& peccatorum remissiones, ac pœniten-  
tiarum relaxationes, quæ à quibusvis  
Romanis Pontificibus, Prædecessoribus  
quoque nostris præfatum Catechis-  
mum, seu doctrinam Christianam juxta  
Decreta Concilii Tridentini in Ecclesiis,  
& Oratoriis pueros docentibus, aut ei-  
dem, dum traditur, interessentibus, ea-  
tenus concessæ reperiabantur, ad adul-  
tos urbis Italiæ, & Insularum prædicta-  
rum ipsi Catechismo, seu doctrinæ Chri-  
stianæ interessentes extendimus. Præ-  
terea iisdem adultis qui verè pœniten-  
tes,



92 *Literæ, & Constitutiones Apostolicæ.*  
tes, & confessi, ac sacrâ Communione  
refecti ejusmodi pio exercitio devotè  
interfuerint, quâvis vice id agerent,  
septem annos, & totidem quadragenas  
de injunctis iis, seu aliâs quomodolibet  
debitis pœnitentiis in forma Ecclesiæ  
consueta relaxavimus, qui verò assidue  
frequentarent eundem Catechismum,  
doctrinâmve Christianam docentes, vel  
discentes, ac verè similiter pœnitentes,  
& confessi, sacrâque Communione refe-  
cti pro Christianorum Principum con-  
cordia, hæresum extirpatione, ac san-  
ctæ Matris Ecclesiæ exaltatione pias ad  
Deum preces effunderent, in Nativita-  
tis Domini Nostri JESU Christi, Pascha-  
tis Resurrectionis Dominicæ, nec non  
S. Petri, & Pauli Apostolorum festis di-  
ebus omnium peccatorum suorum in-  
dulgentiam, ac remissionem misericor-  
diter in Domino concessimus; & aliâs,  
prout in nostris in pariforma Brevis die  
XXVII. Junii MDCCXXXV. desuper ex-  
peditis literis, quas perpetuis futuris  
temporibus valere statuimus, quarum-  
que tenorem præsentibus pro plenè, &  
sufficienter expresso, & de verbo ad  
verbum inserto haberi volumus, ube-  
rius continetur.

Nunc autem Nos memorati Catechis-  
mi, seu doctrinæ Christianæ usum, &  
frequentiam tantopere commendabi-  
lem;

*Litteræ, & Constitutiones Apostolicæ. 93.*  
eundem; ac salutarem, nè fideles circum-  
ferantur, tanquam parvuli fluctuantes  
omni vento doctrinæ; sed firmò fidei  
fundamentò adhærentes coedificentur  
in habitaculum Dei in Spiritu sancto.  
Ecc ubique locorum ac gentium propagari,  
magisque in dies augeri enixè cupien-  
tes, supplicationibûsque etiam plurimo-  
rum ex Venerabilibus Fratribus Archi-  
Episcopis, Episcopis extra Italiam hu-  
jusmodi existentibus, nec non dilecto-  
rum filiorum Officialium, & Confra-  
trum Archi-Confraternitatis doctrinæ  
Christianæ, in urbe præfata dudum  
authoritate Apostolicâ erectæ, nomine  
nobis super hoc humiliter porrectis in-  
clinati concessionem indulgentiarum,  
& peccatorum remissionem, poeniten-  
tiarûmque relaxationem docentibus,  
& adultis discantibus Catechismum,  
seu doctrinam Christianam in urbe, Ita-  
lia, ac Insulis adjacentibus à Nobis fa-  
ctam, sicut præmittitur, expeditâque  
desuper literas nostras prædictas ad u-  
niversos Christi fideles, ubicunque loco-  
rum nunc, & pro tempore existentes,  
eundem Catechismum, doctrinamve  
Christianam similiter docentes, & adul-  
tos addiscentes servatâ earundem lite-  
rarum formâ, dispositione, authoritate  
Apostolicâ tenore præsentium in perpe-  
tuum extendimus, similiter, & amplia-  
mus



94 *Litteræ, & Constitutiones Apostolicæ.*

mus, non obstantibus nostrâ de non concedendis Indulgentiis adinstar, aliisque constitutionibus, & ordinationibus Apostolicis, cæterisque contrariis quibuscunque. Volumus autem, ut ipsarum præsentium litterarum transumptis, seu exemplis, etiam impressis, manu alicujus Notarii publici subscriptis, ac Sigillò personæ, in dignitate Ecclesiastica constitutæ, munitis eadem prorsus fides adhibeatur, quæ adhiberetur præsentibus, si forent exhibitæ, vel ostensæ.

Datum Romæ apud Sanctam Mariam Majorem sub annulo Piscatoris Die XVI. Maji MDCCXXXVI. Pontificatus nostri annò sextò.

*F. Card. Oliverius.*

Venerabilibus Fratribus, Patriarchis, Primatibus Metropolitanis, Archiepiscopis, & Episcopis universis, gratiam, & Communionem Sedis Apostolicæ habentibus.

**BENEDICTUS**

**PAPA XIV.**

Venerabiles Fratres, salutem, & Apostolicam Benedictionem.

**N**on ambigimus, venerabiles Fratres, quin universis Catholicæ Religionis

*Litteræ, & Constitutiones Apostolicæ. 95*  
ligionis Cultoribus notum sit, à tota per  
Christianum orbem Ecclesia inter præ-  
cipua orthodoxæ disciplinæ capita per-  
petuò adnumeratum retineri Quadra-  
gesimale Jejunium; quod olim in lege,  
& Prophetis adumbratum, ipsius Domi-  
ni Nostri JESU Christi exemplò, velut  
consecratum, ab Apostolis traditum, à  
sacris Canonibus ubique præscriptum,  
& ab universali Ecclesia ab ipso sui pri-  
mordio retentum, & observatum est.  
Hoc nimirum, ut veteres tradidère Pa-  
tres, nobis, quotidie peccantibus, com-  
munis poenitentiae constitutò remediò,  
per consortium Crucis Christi nos etiam  
aliquid in eo, quod ipse propter nos  
præstitit, agimus, simulque ad recolenda  
sacratiora nostræ redemptionis my-  
steria, quæ per Dominicæ Passionis, ac  
Resurrectionis memoriam Quadragesi-  
mali potissimum tempore solemnitus ce-  
lebrantur, purificatis jejunio corporibus  
& animis, dignius paramur. Hòc, ve-  
lut nostræ militiæ tesserà, ab inimicis  
Crucis Christi secernimur, flagelia divi-  
næ ultionis avertimus, & cœlesti præ-  
sidiò indies adversus Principes tenebra-  
rum munimur. Hòc despectui habitò,  
non contemnendum divinæ gloriæ de-  
trimentum, non leve Catholicæ religio-  
ni dedecus, nec dubium animabus Chri-  
sti Fidelium periculum oboritur: nec  
aliunde



aliunde populis calamitates, rebusque publicis & privatis cladem exitiūque importatum esse constat.

Ab hac verò insita, inhærentique in omnium hominum Catholicorum animis de sacratissima Quadragesima aliisque diebus, jejuniū consecratis, persuasione, & reverentiâ, quàm aliena, quàm discors, quàm absfona sit hodierna jejunantium consuetudo, quantum ab ipsa jejuniorum institutione, & servata semper ubique, & ab omnibus disciplina quàm longissimè distet: Vos Venerabiles Fratres, qui populorum, curæ vestræ commissorum, mores & usus probè nōstis, pro singulari sapientia vestra præ cæteris clariùs intelligitis. Nos sanè, quibus in hac sublimi Apostolicæ procurationis specula constitutis, undique gentium nuntii afferuntur, lacrymis deplorare non possumus, augustissimam Quadragesimalis jejunii observantiam ob nimiam, nullis legitimis causis, ubique indiscriminatim dispensandi facilitatem planè sublatam esse; ita ut orthodoxæ quidem religionis cultores meritò querantur, hæresum verò sectatores illudant, & exultent. Perniciosæ huic corruptelæ plurimorum insuper licentiam adjunctam esse, graviter dolemus, quæ usque adeò invaluit, ut nulla Apostolici instituti, sacratissimæque

*Litteræ, & Constitutiones Apostolicæ. 97*

que præcepti habitaratione, jejuniorum tempore palam, & impunè ab iisdem agitentur convivîa, & epulæ interdictæ promiscuè inferantur. Eapropter quem admodum quibus curis, sollicitudinibus, & angoribus urgeamur, cum fraternitatibus vestris communicamus, ita facere non possumus, quin pro injuncto Nobis supremo sacrosancti Apostolatûs officio, & ardentissimum fraternitatum vestrarum zelum ad oportunitatem hîc malis adhibendum remedium excitemus, & ad congruentes hujusmodi abusibus extirpandis leges præscribendas meditemur. Interea venerabiles Fratres, gaudium, & coronâ nostra, nobiscum considerantes, nihil Deo acceptius, nihil pastoralî ministerio nostro dignius, nihil gregibus, nostræ curæ commissis utilius, quàm ut verbò & exemplò præeuntes, Christi Fidelês ad tam salutarem Christianæ poenitentiae, & pietatis exercitationem alacrius suscipiendam, constantissimè retinendam, & eâ, quâ instituta fuit, disciplinâ peragendam vehementius inflammemus; omni operâ, atque industriâ studeamus, ut fideles populi in conspectu Dei per austeriorem jejuniorum observantiam tales permaneant, quales in ipso Paschali festo dignum est inveniri. Debitum igitur paternæ uniuscujusque vestrum sedulitatis, & charita-



98 *Litteræ, & Constitutiones Apostolicæ.*

tis officium jure postulat, ut omnibus notum faciatis, & annuntietis, nemini quidem sine legitima causa, & de utriusque Medici consilio; multitudini verò, veluti populo, aut civitati, aut genti indiscriminatim integræ non nisi gravissimâ, & urgente necessitate, & in casibus, per sacra Canonum statuta præscriptis, cum debita Apostolicæ hujus sanctæ Sedis reverentia à Quadragesimali jejunio dispensationem toties, quoties opus fuerit, concedendam, nec audacter fidenter usurpandam, nec superbè, & arroganter ab Ecclesia, sicuti alicubi in more positum accepimus, esse postulandam. Gravissimam verò, urgentemque necessitatem, etsi non est, cur vobis explicemus, nolumus tamen vos ignorare, cum hujusmodi necessitate & servandam esse potissimum unicam comestionem, sicut aliàs hic Romæ, ac nos ipsi hoc anno urgentibus causis dispensantes expressè præscripsimus: & licitas atque interdictas epulas promiscuè minimè apponendas esse. Porro quemadmodum de ejusmodi indulgentia tam cautè imperiendi, si secus fieret, Nos persuasum habemus, districtam supremo Divino Judici redditum iri rationem, ita conscientiam uniuscujusque vestrùm onerandam esse ducimus. Insimul Fraternitates vestras rogamus, &

in

*Litteræ, & Constitutiones Apostolicæ. 99*  
in Domino exhortantes, obsecramus, ut  
populos, qui communem omnium Chri-  
sti Fidelium pœnitentiam acdisciplinam  
servare nequeant commonere satagatis,  
nè per alia pietatis opera, ut sua cuique  
devotio suggeret, peccata sua expiare,  
& Deo satisfacere negligant: quin imò  
sanandis vulneribus, quibus humana in-  
firmitas sauciatur, diligentem studeant  
adhibere curationem, ut culpas de hu-  
mano pulvere contractas, dum casta je-  
junia decoquere non possunt, pia opera,  
orationum suffragia, & eleëmofynæ  
munera redimant. Interim solatium &  
levamen non leve moerori nostro à pa-  
storali vigilantia & charitate vestra præ-  
stolantes, ac certò Nobis pollicentes,  
Apostolicam Benedictionem, cum uberi  
cœlestium Chrismatum copia conjun-  
ctam, in eosdem populos vestros redun-  
daturam, vobis, venerabiles Fratres per-  
amanter impertimur. Volumus autem,  
ut præsentium transumptis five exem-  
plis etiam impressis, manu alicujus No-  
tarii publici subscriptis, & Sigillo perso-  
næ in dignitate Ecclesiastica constitu-  
tæ munitis, eadem ubique fides pror-  
sus habeatur, quæ præsentibus adhi-  
beretur, & adhiberi posset, si forent ex-  
hibitæ vel ostensæ.



100 *Litteræ, & Constitutiones Apostolicæ.*

Datum Romæ apud sanctam Mariam  
majorem sub annulo Piscatoris die 30  
mensis Maji 1741. Pontificatûs Nostri  
annô primô.

*D. Cardinalis Passioneus.*

Sanctissimi Domini Nostri Benedi-  
cti Papæ XIV.

EPISTOLA ENCYCLICA  
*super Jejunio.*

Venerabilibus Fratribus Patriarchis, Pri-  
matibus, Metropolitanis, Archi-Episco-  
pis, & Episcopis universis gratiam, &  
communione Sedis Apostolicæ ha-  
bentibus.

BENEDICTUS  
PAPA XIV.

*Venerabiles Fratres Salutem, & Aposto-  
licam Benedictionem.*

**I**N suprema Universalis Ecclesiæ pro-  
curatione, meritis licet imparibus,  
per ineffabilem Divinæ bonitatis abun-  
dantiam, ut Orthodoxæ Fidei assertores,  
sic Etiam Ecclesiasticæ disciplinæ custo-  
des, ac vindices constituti, Quadrage-  
simale præsertim Jejunium, quod inter  
præcipua Orthodoxæ disciplinæ capita  
semper

*Litteræ, & Constitutiones Apostolicæ.* 107  
semper, & ubique ab ipso Ecclesiæ ex-  
ordio numeratum esse, nemo ex Catho-  
licis inficiatur, ab hodierna Jejunantium  
corruptela vindicare, & in pristinam,  
quantum, benedicente Domino, fieri  
posset, observantiam revocare cupien-  
tes, per alias nostras in simili forma Bre-  
vis litteras ad Fraternitates vestras die  
30. proximè elapsi mensis Maji curren-  
tis Anni datas, eximium Fraternitatum  
vestrarum zelum excitandum curavimus,  
ut ad laborare studeretis, nè hac in par-  
te & optatum Apostolicæ nostræ solli-  
citudinis angoribus levamen, & saluta-  
re abolendæ Sacratissimi Jejunii corrup-  
telæ remedium deesset. Quoniam autem  
paternæ Pontificiæ charitatis, quæ no-  
vit imbecillitates Infirmorum sustinere,  
atque etiam cum infirmantibus infirma-  
ri, non immemores, quemadmodum à  
jejunio aliquando legitima causa, aut  
gravissima, urgentique necessitate exi-  
gente dispensandum esse ex Apostolica  
benignitate censuimus: ita inter cæte-  
ra præscripsimus, unicam Comestionem  
servandam, & licitas, atque interdictas  
Epulas minimè esse apponendas. Hinc  
factum esse accepimus, quod non desu-  
erint, qui per humanas, & hominibus à  
Christiana poenitentia abhorrentibus  
dumtaxat dignas illationes sibi, aliisque  
persuadeant, unicam potissimum come-



stionem servari, atque epulas licitas & interdictas minimè apponi debere; cùm multitudini quidem indiscriminatim ob urgentem, gravissimamque necessitatem, non verò singulis ob legitimam causam, & de utriusque Medici consilio dispensatur. Quam sanè persuasione à sententia nostra alienam ut ex omnium animis penitus evellamus, Nòs quibuscumque quacumque occasione sive multitudini indiscriminatim ob urgentem, gravissimamque necessitatem, sive singulis ob legitimam causam, & de utriusque Medici consilio, dummodo nulla certa, & periculosa affectæ valetudinis ratio intercedat, & aliter fieri necessariò exigat, in Quadragesimæ, aliisque anni temporibus, & diebus, quibus carniū, ovorum, & lacticiniorum esus est prohibitus, dispensari contigerit, ab omnibus omnino, nemine excepto, unicam comestionem servandam, & licitas, atque interdictas epulas minimè esse apponendas tenore præsentium declaramus, & edicimus; quemadmodum per singulas nostras in pari forma Brevis Literas singulis utriusque sexus Christi fidelibus ob corporis infirmitates, quibus obnoxii reperiuntur, in Sacratissima Quadragesima, aliisque jejuniis consecratis diebus vescendi prohibitis licentiam dantes, unicuique expressâ præscribimus, atque præcipi-

*Litteræ, & Constitutiones Apostolicæ.* 103  
præcipimus. Eapropter Fraternitates  
vestras rogamus, atque in Domino ob-  
secramus, ut populos vestræ curæ com-  
missos ad tam opportunum sanandis vul-  
neribus, quibus per humanam infirmi-  
tatem quisque sauciatur, sanctissimi je-  
junii remedium alacriter adhibendum  
cohortantes, sedulò, ac paternè mone-  
atis, rem agi non quidem exiguam,  
sed longè gravissimam de observando;  
sustinendoque jejunio purificandis ani-  
mis, corporibusque salutari. In spem  
igitur illos erigite Cœlestium præmio-  
rum, quibus assequendis non sunt con-  
dignæ passiones hujus temporis; imò  
leve, ac momentaneum non tribulatio-  
nis, sed modicæ abstinentiæ nostræ in-  
commodum magnum gloriæ pondus  
operatur in cœlis. Ab omnibus se ab-  
stinēt, qui in agone contendunt, ut  
corruptibilem coronam accipiant; pude-  
at tam imbelles, ac delicatos Christia-  
næ militiæ milites refugientes à confor-  
tio Crucis Christi, qui coronam legiti-  
mè certantibus propositam sperare præ-  
cipit incorruptam; ad cujus auspiciū  
& pignus, Fraternitatibus vestris Apo-  
stolicam benedictionem iisdem etiam  
populis vestris nostro nomine impertien-  
dam peramanter elargimur. Volumus  
autem ut præsentium transumptis sive  
exemplis etiam impressis manu alicujus



104 *Litteræ, & Constitutiones Apostolicæ.*  
Notarii publici subscriptis, & Sigillò  
personæ in dignitate Ecclesiastica con-  
stitutæ munitis eadem prorsus ubique  
fides adhibeatur, quæ præsentibus ad-  
hiberetur, & adhiberi posset, si forent  
adhibitæ, vel ostensæ.

*Datum Romæ apud S. Mariam Ma-  
jorem sub Annulo Piscatoris die vigesi-  
mâ secundâ Mensis Augusti, millesimo sep-  
tingentesimo quadragesimo primo Ponti-  
ficatus Nostri Anno secundo.*

*D. Cardinalis Passioneus.*

---

Sanctissimi Domini nostri Bene-  
dicti Papæ XIV.

EPISTOLA ENCYCLICA

*Super Jejunio.*

Venerabilibus Fratribus, Patriarchis,  
Primatibus, Metropolitanis, Archi-Epi-  
scopis, Episcopis, universis gratiam, &  
communione Sedis Apostolicæ habenti-  
bus,

BENEDICTUS

PAPA XIV.

Venerabilis Frater, salutem, & Aposto-  
licam Benedictionem.

**L**ibentissimè quidem amplectimur, quæ  
Nobis offeruntur, occasiones ad ve-  
stros

tros animos excitandos, ut Ecclesiasticæ disciplinæ reparandæ sedulam curam conferatis. Etenim summi Pontificatus dignitati, ad quam Nos, licet numerentes, evecti fuimus, conjunctam esse intelligimus sollicitudinem aliarum Ecclesiarum, Nobisque commendatam, qui planè tenuitatem virium nostrarum non ignoramus.

Cùm itaque præsentium literarum argumentum totum sit de Jejunio, quod tempore Quadragesimæ, veteri Ecclesiæ institutò, ac lege Fidelibus indicitur; supervacaneum ducimus longam orationem conficere de Quadragesimæ institutione, & Patrum, & Conciliorum omnes super hac re in medium præferre auctoritates. Difficile id quidem Nobis parùm videretur, sed potiùs alienum, & nullò modò consentaneum Vobis, quos doctrinæ laude, Canonum, & sacræ historiæ cognitione præstantes arbitramur. Porro ad scribendas has literas adducti fuimus gravissimis illis verbis Tridentinæ Synodi, quæ *sess.* 25. *de Reform.* præcipit Episcopo omne studium impendere, ut Fideles ipsorum curæ traditi magnâ religione perficiantur ea, quæ à Sacris Canonibus præscribuntur: *Ut illis omnibus, & iis præcipuè sint obsequentes, quæ ad mortificandam carnem conducunt, ut ciborum delectus, & jejunia.*



Ubi primum Bononiensem Ecclesiam administrandam suscepimus (ad quam beneficiò Clementis XII. fel. record. à Sede Anconitana translati fuimus) Mandatum evulgavimus (quod Libro primò Institutionum Nostrarum pro Viris Ecclesiasticis decimòquintò locò continetur.) In illo plures difficultates indicavimus, ob quas minimè solvendo Jejunii legibus putabamus illos; qui ob legitimam causam, & legitima prius autoritate interposita, Quadragesimæ abstinentiam non observarent, minimè, inquam, solvendo à Jejunio, ita ut liceret ipsis quolibet die mensam bis instituere, non unicâ vice, vespertinâ supperadditâ Refectione, quæ permitti jejunantibus consuevit. Tandem in hac Pontificia Sede collocati rem totam in examen iterum revocavimus, & præstantissimis quoque Viris demandavimus ipsam diligenter, accuratèque perpendere, ac suas dein opiniones Nobis exponere. His peractis hujusmodi controversiæ finem tribuere constituimus, illudque decrevimus, nè ulla in posterum, siye peculiaris, siye generalis pro aliqua Civitate, vel Oppido concedatur facultas adhibendi carnes ad mensam tempore Jejunii, vel Quadragesimæ; nisi conditio servandi Jejunii, siye unius comestionis interponatur; & illud

& illud quoque monitum addatur, nequaquam licere mensam eandem carne, ac piscibus instruere. Equidem declinatis hac ratione nimium implicatis quaestionibus, existimavimus unicam singulis diebus comestionem indicere illis etiam, qui carnibus uti, cum Jejunium indicitur, ritè obtinuerunt; & parvam illam consuetudinem, quæ apud multos jam nimis invaluerat, penitus evellere, afferendi nempe carnes in mensam cum piscibus, postquam ipsi Quadragesimalis abstinentiæ præcepto soluti fuerunt, ob eam potissimum causam, quod grave detrimentum saluti ab esu piscium accipiant.

Hæc apertissimè constant ex nostris Apostolicis Literis, quas in forma Brevis dedimus ad omnes Episcopos Orbis Catholici anno 1741, quarum primæ incipiunt: *Non ambigimus*; alteræ vero, *In suprema*. Nos profecto nulli unquam elargiti sumus vesci carnibus, cum tempus Quadragesimæ, sive aliud Jejunium præcipitur, nisi indictâ, scriptâque conditione, quam superius commemoravimus. Maximam pariter lætitiâ percepimus, cum redditæ Nobis fuerunt plures Epistolæ, ac Mandata vestra Literis nostris Apostolicis omnino consentanea, quibus pro virili parte contendistis adducere Populos Vobis subiectos,



108 *Literæ, & Constitutiones Apostolicæ.*  
jectos, ut propositam in illis disciplinam  
piè servarent.

Interim promulgatis iisdem Apostoli-  
cis Literis, quas paulò ante nominavi-  
mus, plures cavillationes excogitatae  
sunt à nonnullis, uti nos antea facili con-  
jecturâ suspicati sumus. Plures etiam  
quæstiones propositæ Nobis fuerunt,  
exigui quidem ponderis, ac momenti,  
quemadmodum Nos opinamur; cum illæ  
vel ipsius Legis verbis vel sensu penitus  
corruant, ac dissolvantur. Attamen Sa-  
cro Tribunali Nostræ Pœnitentiariæ re-  
rum hujusmodi consclo, ac peritissimo,  
easdem quæstiones expendendas com-  
misimus, quibus omnibus plenè, cumu-  
latèque, quoties opus fuit, satisfecit.

Archi-Episcopus Compostellæ, in Hi-  
spaniarum Regnis primus Inquisitor, nu-  
perimè vitâ functus longam ad nos de-  
dit Epistolam, quâ plures recensebat dif-  
ficultates, quæ Literis Nostris Apostoli-  
cis adversabantur, quominùs executioni  
mandarentur, eò quòd nonnulli Theo-  
logi in diversas opiniones, ac senten-  
tias abirent in solvendis quibusdam quæ-  
stionibus, quibus Literæ Nostræ Apo-  
stolicæ causam, & occasionem præbe-  
bant, ac proinde de illis iudicium No-  
strum exquirebat. Equidem Archi-Epi-  
scopi Literæ Nos gravissimis, ac difficil-  
limis temporibus occupatos deprehen-  
derunt

derunt. Attamen, dum quæstiones in  
ipsis expositas percurrimus, visum No-  
bis est, non quidem expeti, ut iis quæ-  
stionibus responsum fieret, ipsisque so-  
lutis nullum impedimentum, sive obsta-  
culum Nostreis Literis Apostolicis super-  
esset, sed potius, ut objectis cavillatio-  
nibus ad optatum finem ipsæ minimè  
adducerentur. Accedit etiam, quòd  
Epistola Archi-Episcopi multis argumen-  
tationibus, & obscuris vocibus redun-  
dabat: quamobrem, licet plures horta-  
rentur, nè ullum Archi-Episcopo respon-  
sum redderemus; illi tamen satisfacimus,  
res præcipuas ex ejus literis deli-  
bantes; & quæstiones omnes ad cer-  
tum numerum redigentes. Primum No-  
stris occupationibus tribuendum testati  
sumus, quòd tarde ipsi responsum dare-  
mus: ejus studium commendavimus,  
& etiam magnopere probavimus, quod  
anceps, ac dubius ad hanc Sanctam Se-  
dem confugerit, ut consilium exposce-  
ret. Deinde prolatis quæstionibus satis-  
facere non prætermisimus, illum tamen  
monentes de Instituto Summorum Pon-  
tificum, qui leges condere solent, disci-  
plinam decernere, neque ullam habere  
rationem illorum, qui dubitandi causas  
objiciunt, ut, quæ constituta sunt, per-  
turbent, ac evertant.



Vix redditis Literis, Archi-Episcopus paulò post vitæ cursum absolvit: Itaque non immerito suspicamur, responsa Nostra, quæ literis continebantur, haud cognita fuisse, & perspecta illis, qui quæstiones excitaverant. Post hæc alii pariter ex Hispanis Episcopis nonnullas ex iisdem quæstionibus Nobis proposuerunt; quare iisdem responsis usi sumus, quæ tradita prius Archi-Episcopo Compostellæ à Nobis fuerant. Non defuerunt etiam præstantes inter Italos Theologi, qui Literas Nostras Apostolicas datas annò 1741. egregiis commentariis illustrârunt: idem contigit Responso, quod fecimus Archi-Episcopo Compostellæ die 8. Julii anno 1744. quod fanè integrum suis Libris præfigendum curaverunt. At quoniam Libri ejusmodi ad Vos fortasse nondum pervenerunt, vel curis aliis distenti illos percurrere minimè potuistis, his Literis Encyclicis adjungimus illas pariter, quas (uti dictum sæpius est) ad Archi-Episcopum Compostellæ jam pridem scripsimus, ut, quæ disciplina vestris in Diocesibus tenenda sit, planè cognoscatis, ac nè Vos deterreant difficultates, si quæ à captiosis hominibus concitentur.



*Literæ, & Constitutiones Apostolicæ. III*  
*Venerabili Fratri Archi-Episcopo Com-*  
*postellæ.*

# BENEDICTUS

## PAPA XIV.

Venerabilis Frater, salutem, & Aposto-  
licam Benedictionem.

**S***I* Fraternitas Tua secum reputabit,  
quod gravissimis, & maximis curis  
propemodum obruamus, quantumque, hoc  
præsertim difficillimo tempore, prorsus Nos  
teneat imposita tenuitati Nostræ sollicitu-  
do omnium Ecclesiarum, non sanè mira-  
bitur, tamdiu sibi procrastinatum fuisse re-  
sponsum ad eas Literas, quibus Apostoli-  
ca authoritate dissolvendas rogasti obor-  
tas in Hispania disputationes aliquas è du-  
abus nostris Epistolis ad omnes Episco-  
pos superioris anni 1741. 30. Maji, & 22.  
Augusti, quibus intra legitimos fines coer-  
cuimus invalescentem Ecclesiastici Jejunii  
relaxationem. Potius tibi in mentem ve-  
nit cogitare de singulari Nostro in religio-  
sissimam Hispaniam Ecclesiam amore,  
unde Nos, immensa licet rerum mole sati-  
gatos, ad expediendum sibi in omni sua  
perplexitate salutis iter opem nostram præ-  
sto habet. Quamquam igitur, dum præ-  
nuntiatar Constitutiones edidimus, non a-  
liud



112. *Litteræ, & Constitutiones Apostolicæ.*  
liud propositum Nobis fuerit, ac reser-  
uare paucorum nimis ingenio fidentium The-  
ologorum licentiam, qui opinionum novi-  
tate gaudent; nec otium, nec animus No-  
bis fuerit, definire, quidquid subtili inda-  
gatione deduci possit ex proposita à Nobis  
ieiunandi regula: tamen eximiam Paternam  
charitatem complectimur adeo observantissi-  
mos Romanæ Sedis Hispanos, tantique sa-  
ciamus obsecrationes tuas, ut occurrere anxie-  
tati vestræ libenter adijecerimus animum,  
& Nos ipsi quæstiones abs te propositas  
dirimendas constituerimus. Sic autem se  
habent:

I. Utrum, quæ in antedictis Nostri-  
litteris in forma Brevis de unica comestione,  
& de epulis non permiscendis præscribun-  
tur, sub gravi etiam præcepto prohibean-  
tur?

Respondemus: Concedentes faculta-  
tem vescendi carnibus tempore vetito, sub  
gravi teneri easdem facultates non aliter  
dare, quam geminis hisce adjectis conditio-  
nibus, videlicet unicæ in diem comestionis  
& non permiscendarum epularum. Eos  
verò, qui hujusmodi facultatibus utuntur,  
sub gravi ad binas ipsas condiciones im-  
plendas obligari,

II. An ii. quibus concessum est vesci  
carnibus, possint in vespertina refectum-  
cula eâ quantitate carnis vesci, quæ jeju-  
nantibus permittitur?

Respon-

*Litteræ, & Constitutiones Apostolicæ. 113*

Respondemus: Non licere, sed opus habere, eò cibo, eaque uti portione, quibus utuntur homines jejunantes rectæ, meticulosæ conscientiæ.

III. An, qui jejunii tempore vesci carnis permittuntur, & unicâ comestione, ut debent, horam jejunantibus præscriptam servare opus habeant? Edicimus, observandam iis esse.

IV. Quenam sint epulæ licitæ, quæ ventantur cum interdictis conjungi?

Respondemus: Epulas licitas pro iis, quibus permissum est carnes comedere, esse carnes ipsas: epulas interdictas esse pisces, adeoque utrumque simul adhibere non posse. Piscibus tamen edendis non interdicuntur ii, quibus datur tantum facultas adhibendi ova; & lacticiis.

V. An præceptum de utroque epularum genere non miscendo, dies quoque Dominicos Quadragesimales complectatur? Affirmatur, complecti.

VI. Utrum hæc lex ad eos quoque pertineat, qui ex Bulla Cruciata edere possunt ova, lacticiis?

Rescribimus: Nihil in prænuntiatis Nostris Apostolicis Literis statutum esse, quod respiciat gratiosum Cruciatæ Diploma. Quare qui eo gaudent, illius tenorem stricte, & consideratè perpendent, ex ejusque Sententia se gerant. Caveant autem, ne inani quâpiam excusatione sese



214 *Litteræ, & Constitutiones Apostolicæ.*  
solutos esse arbitrentur præscriptis ibi Le-  
gibus.

*VII. Utrum memorata duo præcepta  
urgeant extra Quadragesimam?*

Respondetur: Urgere extra Quadra-  
gesimam utrūque præceptum: illud sci-  
licet unicæ comestionis cum reliquis Legi-  
bus in secundo, & tertio ad hæc postula-  
ta responsō expressis: & alterum non per-  
miscendi epulas licitas cum interdictis, ut in  
quarto postulato definitum est.

Habeas, Venerabilis Frater, penitus ex-  
plicatum, quidquid apud Vos ex nostris  
sæpius nuncupatis Apostolicis Literis du-  
bitationem attulisse scribis. Qua quidem  
in re laudavimus consilium tuum interro-  
gandæ supremæ Romanæ Sedis, ut liberō,  
& non vacillanti gressu ad oves sanā do-  
ctrinā imbuendas incedere Pastores queant:  
in istoque tuo suscepto consilio agnovimus  
Hispanam Religionem, nihil sibi tutum, ni-  
si ē Divi Petri Cathedra, acceptum, repu-  
tantem, quā splendidissimā gloriā tan-  
tum nomen, & incorruptæ Fidei fructum  
Hispania sibi peperit. Cavendum autem  
Vobis est (idque plurimum ad te pertinet,  
qui illustris Archi-Episcopi, & Inquisito-  
ris geris præcipuum munus) nè iis expen-  
dendis Apostolicæ Sedis Constitutionibus  
pro nimia exhauriendi argumenti sollicitu-  
dine nullus fiat differendi, ambigendique  
modus: Sedula deinde opera conferenda,

*Litteræ & Constitutiones Apostolicæ. 115*

ut istiusmodi dubia, quæ facile, pro ingeniorum varietate, disputando emergunt, penitus inter vos dirimantur, nè diuturna unquam disceptatione fluctuent animi, præsertim cum Constitutiones ipsæ Apostolicæ scopum, quò tendunt, aperte demonstrent, Et illuc promptè dirigi possit, quidquid dubitando interturbare videatur. Id si animadvertissent, qui de præsentì negotio plura dubitârunt, nodum sibi exsolvisent. Patebat enim, nihil nobis in animo fuisse, quàm cohibere vivida nonnullorum Theologorum ingenia, qui nimium sani jejunii fines prætergressi, Et non parùm oblit, illud, ad retinendum in officio corpus, divinitus institutum, hosti huic spiritus insensissimo blandiebantur. Statim siquidem comperissent, quid in propositis quæstionibus constituendum esset, nec sibi molestiam exhibuissent, nec Nobis, quos gravissimæ undique circumstant curæ, non parùm temporis occupassent, quod tamen pro singulari nostro in vestram gentem studio, atque amore libenter impendimus ad rectum vobis iter monstrandum, in posterum simul præcaventes, quomodo in huiusmodi quæstionibus firmare gressus vestros in promptu sit. Reliquum est, Venerabilis Frater, ut tibi, quod facimus ex animo, præcipuè benevolentia nostræ pignus Apostolicam Benedictionem peramanter impertiamur.

Datum Ec. 8. Julii 1744.

H 2

Cum



Cum hæc ita se habeant, satis muneri nostro fecisse videmur, nè illi (quibus licet carnes edere) cum Jejunium tempore Quadragesimæ, vel extra Quadragesimam Fidelibus præscribitur; unus comestionis limites excedant, ac nè piscibus simul, & carnibus parari sibi mensam patiantur, neve cavillationes perscrutentur, ut legi tenebras offundant. Pauca tamen adhuc supersunt, quæ remedium à Nobis deposcunt.

Siquidem advertimus jam multis ab hinc annis non solum plures in qualibet Italiæ Urbe vestrà autoritate dissolvi à Quadragesimali abstinentiâ, sed etiam magnò studiò contenditis, ut universam Civitatem, totâmq; Diocesim eâdem abstinentiâ liberemus. Hinc factum est, ut in quibusdam Civitatibus, ac Diocesibus jam per multos annos Fideles universi absque ullo discrimine carnibus per Quadragesimam utantur. Id quidem maximam nobis affert sollicitudinem, eò, quòd deprehendimus certis testimoniis in quibusdam Regionibus Septentrionis toto Quadragesimæ cursu lactis, & ovorum usum liberè permitti, quia per plures annos eandem facultatem petierint, & à Sede Apostolica consecuti fuerint. Quamobrem illi Populi sibi in animum induxerunt, non esse rursus ad Pontificem confugiendum

pro

*Litteræ, & Constitutiones Apostolicæ. 117*  
pro hujusmodi facultate impetranda, sed  
prioris concessionem singulis annis ac-  
ceptas sufficere, ut lactis, & ovorum  
consuetudo per Quadragesimam com-  
probetur. Præterea maximi facienda  
esse ducimus ea verba Trident. Concil.  
*Sess. 25. cap. 18. de Reform. Sicuti publi-  
cè expedit, Legis vinculum quandoque re-  
laxare, ut plenius, evenientibus casibus, &  
necessitatibus pro communi utilitate satis-  
fat: sic frequentius legem solvere, exem-  
plumque potius, quàm certo personarum, re-  
rumque delectu, petentibus indulgere, nil  
aliud est, quàm unicuique ad Leges trans-  
grediendas aditum aperire.*

In Literis Nostris Apostolicis, quas  
anno 1741. ad omnes Catholicos Epi-  
scopos dedimus, huic corruptelæ viam  
præcludere cogitavimus, eâ ratione, il-  
lisque verbis, quæ rursus hîc subjici-  
mus: *Debitum igitur Paternæ uniuscu-  
jusque vestræ sedulitatis, & charitatis of-  
ficio jure postulat, ut omnibus notum fa-  
ciatis, & annuntietis, nemini quidem sine  
legitima causa, & de utriusque Medici con-  
silio, multitudini verò, veluti Populo, aut  
Civitati, aut Genti indiscriminatim inte-  
græ, nonnisi gravissimâ, & urgente neces-  
sitate, & in casibus per Sacra Canonum  
Statuta præscriptis, cum debita Apostoli-  
cæ hujus Sanctæ Sedis reverentiâ à Qua-  
dragesimali Jejunio dispensationem, toties*



*quoties opus fuerit, concedendam, nec audacter, fidenterque usurpandam, nec superbè, & arroganter ab Ecclesia, sicut alibi in more positum esse accepimus, esse postulandam,*

Porro nos hanc normam secuti sumus, cum multitudinem, veluti Populum, aut Civitatem integram Quadragesimali abstinentiâ immunem declaravimus. In primis loci Episcopus id postulare à Nobis debuit, ac de gravissima, urgentique necessitate suum testimonium interponere. Deinde carnes minimè permissæ fuerunt, si lactis, & ovorum usus satis esse videretur. Tùm verò facultas edendi carnes tribui solum consuevit, cum interpositò Episcopi testimoniò id omninò necessarium judicaretur; nec sufficiens necessitati remedium asserri constaret, si ova solum, & lacticia concederentur. Quoties autem abstinentia Quadragesimæ nostra autoritate soluta fuit, certos tamen dies præscriptimus, quibus integra abstinentia servaretur, nempe diem Cinerum, dies Quatuor Temporum, Vigiliis præceptò obsequendas, dies Majoris Hebdomadæ à Dominica Palmarum. Quandoque recensuimus etiam totam hebdomadam Cinerum, aliquando etiam indiximus abstinentiam Feriis sextis, ac Sabbatis, etiamsi facultas à Nobis tradita lactis,

& ovo-

& ovorum usum solùm complecteretur. Postremò eam conditionem semper addidimus, nè jejunii lex, unius per diem comestionis; ullò modò violaretur, ac nè simul in mensa carnes, & pisces apponerentur.

Dum rationem hujus consilii Nostri seriò perpendimus, haud plenè acquiescimus, ob eam sollicitudinem, ac dubitationem, nè causa ab Episcopo loci prolata, quam Nos legitimam credidimus ad solvendam Quadragesimæ abstinentiam, ejus naturæ fortassè non sit, quæ veram, & urgentem necessitatem contineat. Quippe illud Nobis semper ante oculos propositum habuimus, ut nihil à ratione alienum, nihil inconsultò, ac temerè faciamus. Hærent pariter animo defixa S. Bernardi verba ad Pontificem Eugenium *Libro 3. de Consideratione, cap. 4. Facitis hoc, quia potestis: Sed utrum debeatis, quæstio est. & quomodo:* attamen fidem præstitimus iis, quibus præstanda fuerat Episcopis nempe locorum. Non enim aliò pactò exerceri potest sollicitudo peculiarium Ecclesiarum; ac Diocesum, nisi fides habeatur Episcopis, à quibus illæ administrantur. Sed in posterum, ut gravissimum hoc negotium tutiùs, quàm fieri possit, geratur, molestum vobis non sit, animum iis advertere, quæ subjicimus.



Non ignoratis ab Innocentio III. Prædecessore Nostro *Cap. Consilium, de observatione Jejuniorum*, inter causas legitimas solvendi abstinentiā à carnibus jejunii tempore recenseri veram, & existentem reipsā ægritudinem: *Præterea de illis, qui in Quadragesima, vel in aliis jejuniis solemnibus infirmantur, & petunt sibi esum carniū indulgeri, respondemus: quod cum non subiaceat legi necessitas, desiderium infirmorum, cum urgens necessitas exigit, supportare potes & debes, ut majus periculum in eis evitetur.* Idem statuerant multò ante Innocentium III. Patres octavi Concilii Toletani *Can. 9.* quod anno 653. celebratum fuit: *Quisquīs absque inevitabili necessitate, atque fragilitatis evidentis languore, seu etiam ætatis impossibilitate, diebus Quadragesimæ esum carniū præsumpserit attentare, non solum erit reus Resurrectionis Dominicæ, verum etiam alienus ab ejusdem diei Sancta Communione...* Illi verò, quos aut ætas incurvat, aut languor extenuat, aut necessitas arctat, non ante prohibita violare præsumant, quàm à Sacerdote permissum accipiant.

Nemo est, qui non intelligat hujusmodi causas satis esse, ut aliqui à Jejunii legibus, & abstinentiā immunes existimentur; non autem ut Populus, vel integra Civitas idem privilegium obtineat.

*Litteræ, & Constitutiones Apostolicæ. 121*

neat. Quis enim sibi persuadere possit, Cives universos alicujus Urbis, vel Diœcesis eodem tempore gravissimò morbo teneri, vel in eodem discrimine versari omnes, ut periculosam ægritudinem contrahant? Nisi fortè eos morbos intelligamus, qui ab àëris intemperie, vel infectione promanant, de quibus paulò post verba faciemus. Quis credat unquam Populum universum alicujus Diœcesis, vel communi languore penitus extenuatum, vel extremâ senectute confectum?

Neque verò causa sufficiens habenda est, ut aliqua Civitas, vel Populus abstinentiâ Quadragesimali liberetur, psique carnes permittantur, si fortè pisces, vel ova carò pretiò vendantur. Sicut enim Urbes habent egenos Cives, ita etiam opulentos; è quibus etiam alii vitæ sustentationem labore, ac sudore sibi comparant, alii verò patrimonio, ac divitiis satis superque abundant. Itaque, si pro emendis piscibus grave pretium solvendum sit, id quidem egenis Civibus, non verò divitibus suffragatur. Id asserunt etiam nonnulli Theologi haud severioris disciplinæ, quorum sententiam censuimus Capite nono Libri tertii Nostrarum Institutionum, quas Bononiæ Typis impressimus.



Illud etiam inane commentum prorsus existimari debet, solvendas esse abstinentiâ Quadragesimæ Civitates, vel Dioeceses, ubi exercitus versantur, eò, quòd Milites in iis locis permanentes abstinentiæ leges minimè observant. Id potiùs animos Civium, inflammare deberet ad Jejunium ritè, religiosèque suscipiendum, ut nempe milites tantâ virtute temperantiæ permoti ipsorum exemplum sequantur. Illud solùm, pro legitima causâ in medium proferri potest, copias militum tantam asferre Civitati penuriam herbarum, atque olei, licet Quadragesimæ Jejunio non optemperent, ut harum rerum pretia summo perè augeantur. Tunc autem eadem statuenda sunt, quæ paulò ante diximus, cum pisces, & ova cariori pretio comparantur. Igitur peculiare morbi, quamvis frequentes, in posterum pro causâ solvendæ abstinentiæ non adducantur, nisi fortè Civibus universis iidem morbi communes habeantur ob aliquam àëris corruptionem: neque in posterum herbarum, olei, piscium, & ovorum pretia tanti ponderis esse censeantur, ut omnis Civitas, vel Dioecesis ab instituto Quadragesimæ Jejunio, ac temperantiâ liberari contendat. Quod si veras, ac legitimas à Nobis causas ad hanc facultatem obtinendam expetitis, duas

potissi-

*Litteræ, & Constitutiones Apostolicæ.* 123  
potissimum percensebimus, quarum prima ex jure Canonico, altera verò ab ipsa rerum magistra experientia deprompta est.

Innocentius III. quem superius nominavimus, eodem Capite Consilium, de observatione Jejuniorum Archi-Episcopo Bracarenfi postulanti, quâ poenâ prestandos judicaret illos, qui tempore Quadragesimæ à carnibus non abstinuerant ob summam rerum caritatem, & angustiam, ita ut plures fame enecarentur, respondit his verbis: *Cum autem quaesieris, quæ sit illis pœnitentia injungenda, qui diebus Quadragesimalibus, tempore, quò tantæ famis media ingrebat, quòd magna pars populi propter inopiam annonæ periret, carnes comedere sunt coacti, respondemus: quòd in tali articulo illos non credimus puniendos. Preces tamen Domino pro illis, & cum illis effundas, nè ipsis aliquatenus imputetur; quia bonarum mentium est ibi timere culpam, ubi culpa minimè reperitur. Si quis hoc tempore Episcopus adductus exemplo Bracarenfis Antistitis idem consilium peteret à Sede Apostolica, tanquam ineptus, ac simplex haberetur, sed illò Ecclesiæ felicissimò sæculò maximi pendebatur, uti æquum est, Quadragesimæ præceptum. Hinc magnâ severitate inquirebantur illi, qui minimè parvis*  
sent,



sens, licet talis causa intercederet, ut liberi ab eodem præcepto viderentur: nec ulla ratio habebatur Virorum principum, licet ipsorum incolumitas cum Reipublicæ felicitate conjuncta putaretur; uti Nos fusè ostendimus in decima quinta nostrarum Institutionum libri primi. Sed iis omiſſis, & aliis benè multis, quæ in hanc rem congeri à Nobis possent, illud primùm delibabimus ex responso Innocentii III. tunc Quadragesimæ abſtinentiâ solvi poſſe integram Civitatem, vel Dioceſim, cùm reipsâ non suppetunt ea, sine quibus præceptum Quadragesimæ observari nequit. Itaque si re verâ in aliquo loco neque oleum, neque pisces comparari possint, tunc incolis ejusdem loci permitti fas est, ut lacte, & ovis utantur: si hæc autem reverâ deficient, tunc carnis, salubris tamen, edendæ facultas concedetur, interpositâ semper Jejunii servandi conditione.

Insula Sancti Dominici in America Meridionali in temporalibus paret charissimo in Christo Filio Nostro Ludovico Galliarum Regi Christianissimo, nec ei ullus præest Episcopus. Præfæctus Patrum Societatis JESU anno 1742. à nobis quæſivit, an ex concessione sibi facta à Sede Apostolica dispensandi super esu carniū, ovorum & lacticiniorum

rum

rum tempore Jejuniorum, & Quadragesimæ, dici posset, sibi etiam datam fuisse facultatem dispensandi nedum particulares personas, sed etiam multitudinem hominum, & omnes sui districtus incolas, quando coram Deo id expedire judicasset: habitòque responsò, facultatem ei fuisse concessam, dispensationem indulgendi particularibus hominibus, non autem multitudini hominum, & omnibus Incolis sui districtus, pro concessione exoravit. Pro causa exposuit veneficam piscium qualitatem, exiguum piscatorum numerum qui longè ab Insula piscantes, pisces deferabant aut fœtentes, aut corruptos ob nimios calores, paupertatem earum gentium, quæ oleum emere non poterant pro cibis Quadragesimalibus necessarium, deficientiam denique olerum, & leguminum, quæ in ea Regione facilè corrumpuntur, aut à vermibus consumuntur. Re subinde maturè discussâ coram nobis in Congregatione Generali Sanctæ Romanæ & Universalis Inquisitionis *diè 12. Apr. anno 1742.* habitâ ratione regionis nimis remotæ, à qua quolibet annò impossibilis erat ad Sedem Apostolicam recursus; indulgentes necessitati Fidelium degentium in Insulis Ditionis Gallicæ in America, facultatem concessimus Præfectis Missionum illarum partium,



326 *Litteræ, & Constitutiones Apostolicæ.*  
tium, ut in casu veræ, & ineluctabilis  
necessitatis, & tantum de anno in an-  
num, præfatâque verâ necessitate duran-  
te, & non aliter, nec aliò modò, possent  
& valerent cum fidelibus Populis ipso-  
rum regimini commissis dispensare su-  
per esu ovorum, & lacticiniorum, & e-  
tiam carniū tempore Quadragesimali,  
indictâ simul cum hujusmodi dispensa-  
tione observantiâ Jejunii per unicam  
comestionem, oneratâque prædictorum  
Præfectorum conscientiâ, si ad amissim  
juxta præscriptum concessâ facultate  
usi non fuissent.

Sed jam ad experientiam deveniamus.  
Quindecim ab hinc annis per totam fe-  
rè Europam morbus invaluit, qui pec-  
toris inflammationem inferebat, ita ta-  
men, ut ex una Civitate in aliam, & ex  
una provincia in aliam hæc funesta lu-  
es promanaret. Id contigit annis 1730.  
1733. 1740. Licet autem morbus ejus-  
modi, qui universos hominum ordines,  
atque ætates corripiebat, lentam solum  
in pectore inflammationem excitaret,  
tamen senibus maturâ jam ætate debi-  
litis extremam afferebat perniciem:  
nam ex ipso febres acutissimæ, & mor-  
tales sequebantur. Idem morbus in peri-  
culum trahebat júniores etiam, qui pau-  
lulum infirmo pectore laborarent. Postre-  
mò multorum pectora adeo labefacta-

vit,

vit, ut gravissima deinde mala provenirent.

Alios quoque morbos hujus generis, pectori inflammationem magno cum periculo afferentes, ægros in discrimen vitæ adduxisse Medici Scriptores luculenter testantur. Itaque, si Medicinæ Professores acciti, monitique graviter, ut nihil à veritate alienum respondeant, unanimi consensu fateantur (uti nobis ipsis accidit, cum adhuc Bononiæ versaremur) morbum esse talis naturæ, qualem superius commemoravimus, ita, ut nulla ætas libera, & incolumis esse queat; & affirmant illis ipsi, qui inter Cives salvi, & integri numerantur, eandem perniciem imminere; id præterea conferre plurimum ad ejusmodi luem depellendam, aut evitandam, si tùm ægotantes, tùm sani à piscibus, & oleo, & quandoque pariter à lacte, & ovis abstineant; si, inquam, res ita se habeat, tùm procul dubio causa sufficiens judicanda est, quæ experientiæ innititur, & quæ semper probata, & in posterum probanda videretur, ut nempe Populus, seu Civitas integra à Carnibus abstinendi præcepto non teneatur.

Neque ulla difficultas remove vos debet à consulendis Medicis, qui præstantiores habeantur, Cavendum pariter, ut quidquid re verà senserint, scripto



ptò testari non prætermittant; quæ conditio si desit in posterum, nulla unquam facultas Civitati, aut Diœcesi carnis, aut lacticiis vescendi tempore Quadragesimæ tribuetur; quippe id necessarium omnino videtur. Accedit etiam, quòd Medici facillate quâdam incredibili peculiare quidam Cives à Quadragesimæ præcepto liberos, & immunes decernere soleant; (de qua re gravissimè monendi à vobis sunt, ne suas animas indulgendo nimis aggravent) cum verò pro universis Civibus idem statuendum proponitur, tunc se difficiles, anxios, ac sollicitos præstare nos ipsi experti sumus. Postremò si velint percurrere ea, quæ in Italia, & extra ipsam præclarissimi Auctores Medici Typis divulgârunt, facilè deprehendent, abstinentiam, ciborumque parsimoniam ab illis magnoperè commendari, discrimen inter morbos constitui, & certis rationibus ostendi, in curandis quibusdam morbis nequaquam requiri, ut iusculum, & carnes loco piscium, olei, & herbarum substituuntur; in aliis verò juvare plurimum, si sublati carnis, cum indicitur Jejunium, oleo vel lacte ægrotantes utantur, demùm advertent, quam diligenter, accuratèque scribant de pectoris incommodis, cum in omnibus generatim excitantur, nè corripiantur eo-

dem

*Litteræ, & Constitutiones Apostolicæ.* 129  
dem morbo, qui adhuc incolumes à com-  
muni lue supersunt.

Hæc vobis indicanda putavimus. Re-  
liquum est, ut vos hortemur, ne tam fa-  
cile suscipiatis negotium petendæ fa-  
cultatis utendi carnibus, & lacticiniis  
tempore Quadragesimæ pro universa  
Civitate, vel Diœcesi. Quippe abrum-  
penda tandem est consuetudo, ob quam  
jam per tot annos in quibusdam locis  
hæ facultates tribui consueverunt. Il-  
lud etiam experientia à vobis comper-  
tum erit, delicatis quoque, ac mollibus  
abstinentiam Quadragesimæ nullam in-  
ferre perniciem; neque plures ob hanc  
causam inter ægrotos, vel mortuos re-  
censeri. Hanc rationem, & institutum  
Nos ipsi secuti sumus Romæ, ac Bono-  
niæ [cujus Sedem adhuc retinemus,]  
cùm nuper Quadragesimæ tempus age-  
retur. Si vos id quoque præstabitis, ne-  
que facile à nobis pro universa Civitate,  
vel Diœcesi facultatem solvendi Qua-  
dragesimæ abstinentiam postulabitis, vel  
(si necessarium id arbitremini) non ali-  
ter, quàm servatis præmissis conditioni-  
bus Dispensationis instantia ad nos de-  
ferretur, non solum ii fructus provenient,  
quos jam indicavimus, sed etiam repul-  
sæ pudorem evitabitis, nosque pariter  
eâ molestiâ vindicabitis, quam ferimus,  
dùm votis vestris minimè obsecunda-  
mus.



130 *Litteræ, & Constitutiones Apostolicæ.*  
mus. Postremò vos omnes peramanter  
amplectimur, & Apostolicam Benedi-  
ctionem vobis, Populisque vestris imper-  
timur, Datum ex Arce Castri Gandul-  
phi die 10. Junii 1745. Pontificatùs  
Nostri Annò quintò.

Sanctissimi Domini Nostri Benedi-  
cti Papæ XIV.

DECRETUM

*contra Solicitantes.*

BENEDICTUS

EPISCOPUS

SERVUS SERVORUM DEI

*Ad perpetuam rei memoriam.*

**S**acramentum Pœnitentiæ, quam se-  
cundam post naufragium deperdi-  
tæ gratiæ tabulam Sancti Patres aptè  
nuncupârunt, Nos licèt immerentes ad  
universi Dominici Gregis curam super-  
nâ dispositione vocati omne studium, &  
Pastoralem sollicitudinem adhibere tene-  
mur, ne, quod post amissam Baptismi  
innocentiam datum est Divinâ benigni-  
tate perfugium, per Dæmonum frau-  
dem, & hominum Dei beneficiis per-  
verisè utentium malitiam naufragis, ac  
miseris

*Litteræ, & Constitutiones Apostolicæ. 131*

miseris peccatoribus luctuosum evadat exitium: & quod in salutem, & curationem Animarum à Deo, qui dives est in misericordia, institutum est, execrabili scelestorum quorundam Sacerdotum improbitate in earum perniciem, atque interitum vertatur.

Dudum quidem à fel. rec. Gregorio Papa XV. Prædecessore Nostro per suas literas in forma Brevium sub datum Romæ apud S. Mariam Majorem die xxx. Augusti MDCXXII. Pontificatûs sui annò secundò, sapienter provisum fuit contra quoscunque Sacerdotes audiendis Confessionibus deputatos, ad turpia & inhonesta sollicitantes; & deinceps successivis temporibus ad earum literarum interpretationem, ac declarationem plura subinde à Congregatione Vener. Fratrum Nostrorum S. R. E. Cardinalium adversus hæreticam pravitatem generalium Inquisitorum sub die xi. mensis Februarii annò Domini MDCLXI. prodierunt decreta, & à rec. mem. Alexandro PP. VII. pariter Prædecessore nostro in Congregatione generali Sanctæ Romanæ Universalis Inquisitionis die xxiv. Septemb. MDCLXV. coram eo habita, inter alias ab Evangelica veritate, & Sanctorum Patrum doctrina alienas, & dissonas propositiones; sexta videlicet & septima, huc revocandæ, damnatæ,



132 *Litteræ, & Constitutiones Apostolicæ.*  
& prohibitæ fuerunt. Nos itaque mature perpendentes quanti momenti sit ad æternam animarum salutem ea ubique exactè observari, & quanti ad infirmas oves curandas, & decorem S. Ecclesiæ Dei retinendum intersit, ne aliqui Sacerdotes Pœnitentiæ Sacramentò nefariè abutentes Pœnitentibus pro curatione vulnus, pro pane lapidem, pro pisce serpentem, pro medicina venenum porrigant; sed animò secum recolentes, se à Christo Domino Præsides, & Judices animarum constitutos, eâ sanctitate, quæ sublimitati, ac dignitati muneris convenit, tam venerandum Sacramentum administrent, motu proprio, & ex certa scientia, ac matura deliberatione nostra præfatas litteras hujusmodi, ac omnia, & singula decreta prædicta ad illarum interpretationem, & declarationem emanatâ Apostolicâ Auctoritate tenore præsentium approbamus, & confirmamus, illisque omnibus, & singulis inviolabilis Apostolicæ firmitatis robur adjicimus: atque etiam, quantum opus sit, denuò committimus, & mandamus omnibus hæreticæ pravitatis Inquisitoribus, & locorum Ordinariis omnium Regnorum, Provinciarum, Civitatum, Dominorum, & Locorum universi Orbis Christiani in suis respectivè Diocesibus, ut diligenter, omnique humanò

manò respectu postpositò, inquirent, & procedant contra omnes, & singulos Sacerdotes, tam Sæculares, quam Regulares, quomodolibet exemptos, ac Sedis Apostolicæ immediatè subjectos, quoruncumque Ordinum, Institutorum, Societatum, & Congregationum, & cujuscumque dignitatis, & præeminentiæ, aut quovis privilegiò, & Indultò munitos, qui aliquem poenitentem, quæcumque persona illa sit, vel in actu Sacramentalis Confessionis, vel antè, vel immediatè post Confessionem, vel occasione, aut prætextu Confessionis, vel etiam extra occasionem Confessionis in Confessionali, sive in alio loco ad Confessiones audiendas destinato, aut electo cum simulatione audiendi ibidem Confessionem ad inhonestam, & turpia sollicitare, vel provocare, sive verbis, sive signis, sive nutibus, sive tactu, sive per scripturam, aut tunc, aut post legendam tentaverint, aut cum eis illicitos, & inhonestos sermones, vel tractatus temerariò ausu habuerint: & quos in aliquo ex hujusmodi nefariis excessibus culpabiles repererint, in eos pro criminum qualitate, & circumstantiis severè animadvertant per condignas poenas juxta memoratam Gregorii Prædecessoris nostri Constitutionem, quam hic de verbo ad verbum pro inserta haberi volumus: dantes etiam; si o-



pus sit, & rursus concedentes facultatem, ne delictum tam enorme, & Ecclesiæ Dei injuriosum remaneat ob probationum defectum impunitum, jam alias in præfata Constitutione tributam procedendi cum testibus etiam singularibus, dummodò præsumptiones, indicia, & alia adminicula concurrant.

Meminerint præterea omnes, & singuli Sacerdotes ad Confessiones audientias constituti, teneri se, ac obligari suos Poenitentes, quos noverint fuisse ab aliis, ut supra, sollicitatos, sedulo monere juxta occurrentium casuum circumstantias de obligatione denunciandi Inquisitoribus, sive locorum Ordinariis prædictis personam, quæ sollicitationem commiserit, etiamsi Sacerdos sit, qui jurisdictione ad absolutionem validam impertiendam careat, aut sollicitatio inter Confessarium, & Poenitentem mutua fuerit, sive sollicitationi Poenitens consenserit, sive consensum minimè præstiterit, vel longum tempus post ipsam sollicitationem jam effluerit, aut sollicitatio à Confessario, non pro se ipso, sed pro alia persona peracta fuerit. Caveant insuper diligenter Confessarii, ne Poenitentibus, quos noverint jam ab alio sollicitatos, sacramentalem absolutionem impertiant, nisi prius denunciationem prædictam ad effectum perducentes delinquen-

linguentem indicaverint competenti Judici, vel saltem se, cum primum poterunt, delaturos spondeant, ac promittant.

Et quoniam improbi quidam homines reperiuntur, qui vel odio, vel irâ, vel aliâ indignâ causâ commoti, vel aliorum impiis suasionibus, aut promissis, aut blanditiis, aut minis, aut aliò quovis modò incitari, tremendò Dei judiciò posthabito, & Ecclesiæ auctoritate contemptâ, innoxios Sacerdotes apud Ecclesiasticos Judices falsò sollicitationis insimulant: ut igitur tam nefaria audacia, & tam detestabile facinus metu magnitudinis poenæ còerceatur, quæcúmque persona, quæ execrabili hujusmodi flagitiò se inquinaverit, vel per se ipsum innocentes Confessarios impiè calumniando: vel scelestè procurando, ut id ab aliis fiat, à quocúmque Sacerdote quovis privilegiò, auctoritate & dignitate munito, præterquam à nobis, nostrisque Successoribus, nisi in fine vitæ, & exceptò mortis articulo, spe absolutio- nis obtinendæ, quam nobis, & Successoribus prædictis reservamus, perpetuò careat.

Demùm magnoperè cupientes à Sacerdotalis Judicii, & Sacri Tribunalis sanctitate omnem turpitudinis occasionem, Sacramentorum contemptum, &



136 *Litteræ & Constitutiones Apostolicæ.*  
Ecclesiæ injuriam longè submovere, &  
tam exitiosa hujusmodi mala prorsus eli-  
minare, & quantum in Domino possu-  
mus, animarum periculis occurrere,  
quas sacrilegi quidam Dæmonis potius,  
quam Dei Ministri, locò eas per Sacra-  
mentum Creatori suo, ac nostro recon-  
ciliandi, majori peccatorum mole oner-  
antes in profundum iniquitatis barath-  
rum nefariè submergunt, nonnullorum  
Venerabilium Fratrum Nostrorum S. R.  
E. Cardinalium, & aliquorum in The-  
ologia Magistrorum consiliò desuper ad-  
hibito, accedentibus quoque iteratis plu-  
rium Episcoporum supplicationibus, hæc  
nostrâ in perpetuum valiturâ sanctione,  
quemadmodum à pluribus Episcopis per  
Synodales suas Constitutiones jam fa-  
ctum esse novimus, omnibus & singulis  
Sacerdotibus, tam Sæcularibus, quam  
Regularibus cujuscumque Ordinis, ac  
Dignitatis, tametsi alioquin ad Confes-  
siones excipiendas approbatis & quovis  
Privilegiò, & Indultò, etiam speciali ex-  
pressionè, & specialissimâ notâ, & men-  
tione dignò suffultis, Auctoritate Apo-  
stolicâ, & nostræ Potestatis plenitudine  
interdicimus, & prohibemus, ne aliquis  
eorum extra casum extremæ necessita-  
tis, nimirum in ipsius mortis articulo, &  
deficiente tunc quocumque aliò Sacer-  
dote, qui Confessarii munus obire pos-  
sit,

fit, Confessionem Sacramentalem personæ complicitis in peccato turpi, atque inhonesto contra sextum Decalogi Præceptum commissio excipere audeat, sublatâ propterea illi ipsò jure quâcumque auctoritate, & jurisdictione ad qualemcûmque personam ab hujusmodi culpa absolvendam, adeò quidem, ut absolutio, si quam impertierit, nulla, atque irrita omninò sit, tanquam impertita à Sacerdote, qui jurisdictione, ac facultate ad validè absolvendum necessariâ privatus existit, quam ei, per præsentis has Nostras, adimere intendimus: & nihilominus, si quis Confessarius secus facere ausus fuerit, majoris quoque excommunicationis poenam, à qua absolvi potestatem nobis solis, nostrisque Successoribus duntaxat reservamus, ipsò factò incurrat. Declarantes etiam, & decernentes, quod nec etiam in vim cujuscûmque Jubilæi, aut etiam Bullæ, quæ appellatur Cruciatae Sanctæ, aut alterius cujuslibet Indulti Confessionem dicti complicitis hujusmodi quisquam valeat excipere, eique sacramentalem absolutionem elargiri; cum ad hunc effectum, & in hoc casu nullus Confessarius, utpotè qui in hujusmodi peccati, & Poenitentis genere jurisdictione, ut præfertur, careat, & absolvi facultate à nobis privatus existat, habendus



138 *Litteræ, & Constitutiones Apostolicæ.*  
sit pro Confessario legitimo, & appro-  
bato. Non obstantibus Constitutioni-  
bus, & Ordinationibus Apostolicis præ-  
fertim, quæ nuncupantur Cruciatae San-  
ctæ, vel Jubilæi Universalis, & plenarii,  
nec non quibuscumque Ecclesiarum, & Mo-  
nasteriorum, & Ordinum quorumlibet,  
quorum ipsi Sacerdotes fuerint, etiam  
juramentò, confirmatione Apostolicâ,  
& quâvis firmitate aliâ roboratis, Statu-  
tis, & Consuetudinibus, Privilegiis quo-  
que, Indultis, & Litteris Apostolicis sub  
quibuscumque tenoribus, & formis, ac  
cum quibuscumque clausulis, & decretis, e-  
tiam motu proprio aut aliâs quomodo-  
libet concessis, etiam iteratis vicibus ap-  
probatis, & innovatis, quibus omnibus  
eorum tenores præsentibus pro expres-  
sis habentes hâc vice duntaxat specia-  
liter, & expressè derogamus, cæterisque  
contrariis quibuscumque.

Volumus demùm, ac præcipimus, ut  
omnes locorum Ordinarii, tam præsen-  
tes, quam futuri pro tempore existen-  
tes in approbatione Confessariorum, tam  
prædictam Constitutionem Gregorii Præ-  
decessoris, quam præsentem hanc no-  
stram ab omnibus Sacerdotibus appro-  
bandis attentè legi, & accuratè obser-  
vari curent, moneantque eos in Domi-  
no, atque hortentur, ut Sacrum Mini-  
sterium, ipsorum fidei commissum, sum-  
mâ

mâ animi innocentia, morum puritate, judicii integritate peragant, exhibeantque semetipfos, ut Ministros Christi, & Dispensatores Mysteriorum Dei. Memores præterea sint, se locum tenere, ac vices obire summi, atque æterni Sacerdotis, qui Sanctus, innocens, impolutus, per Spiritum sanctum semetipsum obtulit immaculatum Deo, ut emundaret conscientiam nostram ab operibus mortuis ad serviendum Deo viventi. Sedulò igitur studeant, dilligenterque caveant, ne quærentibus & pulsantibus eorum culpâ cœlum claudatur, deperditæ oves ad ovile Dominicum redire properantes, eorum manibus ferarum dentibus dilaniandæ tradantur, ne prodigi Filii egentes, & faucii, ad cœlestem Patrem revertentes nefariâ eorum improbitate gravioribus peccatorum vulneribus, dùm adhuc in via sunt, confodiantur.

Ut autem præsentēs Literæ ad omnium notitiam facilius deveniant, & nemo illarum ignorantiam allegare valeat, volumus illas, seu earum exempla ad valvas Ecclesiæ Lateranensis, & Basilicæ Principis Apostolorum, nec non Cancellariæ Apostolicæ, Curiaque Generalis in Monte Citatorio, ac in Acie Campi Floræ de Urbe, ut moris est, affigi, & publicari, sicque publicatas, & affixas



140 *Litteræ, & Constitutiones Apostolicæ.*  
affixas omnes, & singulos, quos illæ  
concernunt, perinde arctare, & affice-  
re, ac si unicuique eorum nominatim,  
& personaliter intimatæ fuissent: utque  
ipsarum præsentium Litterarum tran-  
sumptis, seu exemplis, etiam impressis  
manu alicujus Notarii publici subscri-  
ptis, & sigillò alicujus personæ in Eccle-  
siastica dignitate constitutæ munitis, e-  
adem prorsus fides tam in judicio, quam  
extra illud, ubique adhibeatur, quæ ip-  
sis præsentibus adhiberetur, si forent  
exhibitæ, vel ostensæ.

Nulli ergo omninò hominum liceat  
paginam hanc nostræ voluntatis, sancti-  
onis, præcepti, mandati, & derogatio-  
nis infringere, vel ei ausu temerariò con-  
trahere. Si quis autem hoc attentare præ-  
sumserit, indignationem Omnipotentis  
Dei, ac Beatorum Petri, & Pauli Apo-  
stolorum ejus se noverit incursum.  
Datum Romæ apud Sanctam Mariam  
Majorem annò Incarnationis Dominicæ  
millesimò septingentesimò quadragesi-  
mò primò Kalend. Junii Pontificatûs  
Nostri Annò Primò.

VISA DE CURIA

X. Sub-Datarius.

N. Antonellus.

Pro D. Card. Passioneo.

Cajetanus Amatus.

J. B. Eugenius.

Loco † Plumbi.

*Registra-*

*Registrata in Secretaria Brevium.*

*Annò à Nativitate Domini Nostri JESU Christi millesimò septingentesimò quadragésimò primò Indictione quartâ, die verò 17. Junii Pontificatûs Sanctissimi in Christo Patris, & Domini Nostri Domini BENEDICTI Divinâ Providentiâ Papæ XIV. annò primò, supradictâ Constitutio affixa, & publicata fuit ad valvas Basilicæ Principis Apostolorum, Cancellariæ Apostolicæ, Curie generalis in Monte Citatorio, in acie Campi Floræ, ac in aliis locis solitis, & consuetis Urbis per me Petrum Righum Apost. Curs.*

*Sebastianus Amadori Mag. Curs.*

---

**Sanctissimi Domini Nostri Benedicti Papæ XIV.**

**DECLARATIO**

*Super Constitutione præcedenti  
contra Solicitantes.*

**BENEDICTUS**

**PAPÆ XIV.**

*Ad futuram rei memoriam.*

**A**postolici muneris partes in procuranda, præcipuè rerum sacrarum, puta illibatâque penitus administratione versari



142 *Litteræ, & Constitutiones Apostolicæ.*  
versari debere, probè intelligentes, non  
modò & assiduis hortationibus, & justâ,  
ubi res postulat, legum severitate, ut ab  
Ecclesiasticis quibûsque Ministris sancta  
sanctè tractentur, quantum cum Domi-  
no possumus, providere studemus, ve-  
rùm etiam leges ipsas, ne fortè sinistris  
interpretationibus in alterutram partem,  
aut inmoderati rigoris, aut detestabi-  
lis laxitatis perperam detorqueantur,  
opportunè communire ac roborare pro  
earumdem tuendo vigore, cùm occasio  
poposcerit, non prætermittimus. Sanè  
cùm non alias per quamdam nostram  
Constitutionem, cujus initium est, *Sa-  
cramentum Pœnitentiæ*, Annò Incarna-  
tionis Dominicæ millesimò septingen-  
tesimò quadragesimò primò Kalendas  
Junii Pontificatûs Nostri Annò primò  
editam omnibus & singulis Sacerdoti-  
bus tam sæcularibus, quam regularibus  
interdiximus, & prohibuimus, ne aliquis  
eorum, extra casum extremæ necessita-  
tis, nimirum in ipsius mortis articulo,  
& deficiente tunc quocûmque alio Sa-  
cerdote, qui Confessarii munus obire  
possit, Confessionem Sacramentalem  
personæ complicitis in peccato turpi, at-  
que inhonesto, contra sextum Decalogi  
præceptum commissio excipere auderet;  
ita ut absolutio, si quam impertivisset,  
nulla, atque irrita omninò esset, tan-  
quam

quam impertita à Sacerdote, qui jurisdictione, & facultate ad valide absolvendum necessariâ, ipsi per nos vigore ejusdem Constitutionis ademptâ, privatus existeret; & aliàs prout in memorata Constitutione, cujus tenorem præsentibus pro plenè & sufficienter expressio & inserto haberi volumus, uberius dicitur contineri. Cum nos subindè super ea dictæ Constitutionis parte, quæ mortis articulum respicit, dubitationes quasdam exortas fuisse accepimus, quarum resolutionem privato cujusque judicio relinquendam, minimè existimamus, ne lex incertis conjecturis & opinionibus jactata in sensus à mente nostra alienos forsitan distrahatur, ejusque vigor paulatim langueat, atque enervetur: hinc est, quod nos omnem dubitandi rationem, quantum cum Domino possumus, de medio auferre cupientes, motu proprio, ac ex certa scientia, & maturâ deliberatione nostris, deque Apostolicæ potestatis plenitudine memoratam Constitutionem nostram cum omnibus & singulis in ea contentis tenore præsentium, quatenus opus sit, confirmamus, illaque integrè, penitus, & omnino, atque ab illis, ad quos spectat, & pro tempore quancumque spectabit, inviolabiliter, & inconcussè observari præcipimus, & mandamus, Præterea  
habitâ



144. *Litteræ, & Constitutiones Apostolicæ.*  
habitâ super his cum Venerabili Fratre  
Nostro Vincentio Episcopo Prænestino  
Sanctæ Romanæ Ecclesiæ Cardinali,  
Petra nuncupato, Pœnitentiariorum Nostro  
Majori, ac dilectis Filiis Officii Pœniten-  
tariæ Apostolicæ Ministris, qui rem ius-  
su nostrò maturè perpenderunt, delibe-  
ratione, motu, scientiâ, & potestatis  
plenitudine paribus edicimus, ac decla-  
ramus, eâdem Constitutione singulis, ut  
suprà, Sacerdotibus, quemadmodum in-  
terdictum non est in mortis articulo per-  
sonam in prædicto turpi peccato com-  
plicem confitentem audire, atque ab  
huiusmodi quoque culpa rite contritam  
absolvere, deficiente tunc quocùmque  
aliò Sacerdote, qui Confessarii munus  
obire possit, ita inderdici re ipsâ & pro-  
hiberi prædictò modò tunc audire & ab-  
solvere, ut si alius aliquis Sacerdos non  
defuerit, etiam si fortè iste alius simplex  
tantummodò Sacerdos fuerit, sive alias  
ad confessiones audiendas non appro-  
batus, possit nihilominus ipse Sacerdos  
simplex confessionem excipere ac abso-  
lutionem impertiri. Porro, si casus ur-  
gentis qualitas, & concurrentes circum-  
stantiæ, quæ vitari non possint, ejus-  
modi fuerint; ut alius Sacerdos ad au-  
diendam constitutæ in dicto articulo  
personæ confessionem vocari, aut acce-  
dere sine gravi aliqua exorbitantia infamia,  
vel

vel scandalo nequeat, tunc alium Sacerdotem perindè haberi, censerique posse, ac si revera abesset, atque deficeret, ac proindè in eo rerum statu non prohiberi socio criminis Sacerdoti absolutionem poenitenti ab eo quoque crimine impertiri. Sciat autem complex ejusmodi Sacerdos, & serid animadvertat, fore se re ipsâ coram Deo, qui irrideri non potest, reum gravis adversus prædictam nostram Constitutionem inobedientiae, latisque in ea poenis obnoxium; si prædictæ infamiae aut scandali pericula sibi ultrò ipse confingat, ubi non sunt: imò intelligat, teneri se graviter hujusmodi pericula, quantum in se erit, antevertere, vel remove oportunitis adhibitis mediis, unde fiat, ut alteri cuius Sacerdoti locus pateat illius confessionis absque ullius infamia, vel scandalo audiendæ. Ita enim ipsum teneri vigore memoratæ nostræ Constitutionis declaramus, & nunc quoque ita ipsi faciendum esse districtè mandamus, & præcipimus. Quod si idem Sacerdos aut quovis modò sese nulla gravi necessitate compulsus ingesserit, aut ubi infamiae, vel scandali periculum timetur, si alterius Sacerdotis opera requirenda sit, ipse ad id periculum avertendum congrua media adhibere de industria neglexerit, atque ita personæ in dicto cri-



mine complicitis, eoque in articulo, ut præfertur, constitutæ sacramentalem confessionem excipere, ab eoque crimine absolutionem largiri nullâ, sicut præmittitur, necessariâ causâ cogente præsumpserit, quamvis hujusmodi absolutio valida futura sit, dummodò ex parte poenitentis dispositiones à Christo Domino ad Sacramenti Poenitentiae valorem requisitæ non defuerint: (non intendimus autem pro formidando mortis articulo eidem Sacerdoti quantumvis indigno necessariam jurisdictionem auferre, ne hâc ipsâ occasione aliquis pereat;) nihilominus Sacerdos ipse violatæ, ausu ejusmodi temerario, legis poenas nequaquam effugiet; ac propterea lâtam in dicta Constitutione majorem excommunicationem, eodémque plane modò, quò ibidem decernitur, Nobis, & huic Sanctæ Sedi reservatam incurrat, prout illum eò ipsò incurrere declaramus, volumus, atque statuimus. Non obstantibus omnibus & singulis illis, quæ in præfata nostra Constitutione volumus non ob stare, cæterisque contrariis quibuscúmque. Volumus autem, ut earundem præsentium Literarum transumptis seu exemplis etiam impressis manu alicujus Notarii publici subscriptis, & sigillò personæ in Ecclesiastica dignitate constitutæ munitis eadem prorsus fides in judi-

*Litteræ, & Constitutiones Apostolicæ. 147*  
judicio & extra illud ubique locorum ha-  
beat, quæ haberetur ipsis præsentibus,  
si forent exhibitæ, vel ostensæ. Datum  
Romæ apud Sanctam Mariam Majo-  
rem sub Annulo Piscatoris die octavâ  
Februarii annô millesimô septingentesi-  
mô quadragesimô quintô Pontificatûs  
nostri Annô quintô.

*D. Cardinalis Passioneus.*

---

Sanctissimi Domini nostri Benedi-  
cti Papæ XIV.

DECRETUM

*Contra Sollicitantes, & Sacrificiô Missæ  
abutentes ad Sortilegia.*

Feria V. Die. 5. Augusti 1745.

**I**N Generali Congregatione Sanctæ Ro-  
manæ, & Universalis inquisitionis ha-  
bita in Palatio Apostolico Quirinali co-  
ram Domino nostro Domino BENE-  
DICTO Divinâ Providentiâ Papa XIV.  
& Eminentissimis; ac Reverendissimis  
DD. S. R. E. Cardinalibus adversus hæ-  
reticam pravitatem Inquisitoribus Ge-  
neralibus à Sancta Sede Apostolica spe-  
cialiter deputatis.



148 *Litteræ, & Constitutiones Apostolicæ.*

Sanctissimus Dominus Noster sollicitè animadvertens, quàm grave sit delictum illorum perditorum hominum, qui Sacrosanctò Missæ Sacrificiò, ac salutaris Poenitentiae Sacramentò, ad animarum reparationem à Christo Domino institutis, in illarum perniciem, & damnationem abutuntur, decrevit, quod in posterum Sacerdotes tam Sæculares, quàm Regulares cujuscùmque Ordinis, Instituti, Congregationis, & Societatis etiam de necessitate exprimendæ, vel in actu Sacramentalis Confessionis, sive illius occasione, aut prætextu, ad turpia sollicitantes, vel Sacrificiò Missæ abutentes, ad fortilegia, præter poenas à Jure, & Apostolicis Constitutionibus, ac signanter san. Mem. Sixti V. & Gregorii XV. contra eosdem inflictas, perpetuam etiam inhabilitationem incurrant ad præfati Sacrificii celebrationem, quodque ejusmodi Decretum significetur singulis cujuscùmque Ordinis Superioribus, ac Præpositis, ad hoc, ut de illò, sicuti & de prædictis, aliisque Summorum Pontificum Constitutionibus, juxta præscriptum in generali Decreto Supremæ Inquisitionis diei 15. Decembris 1633. semel saltem in Anno, id est Feriâ sextâ post Octavam Assumptionis Beatæ Mariæ Virginis in publica Mensa, vel in Capitulo ad hoc specialiter convocato,

ac

*Litteræ, & Constitutiones Apostolicæ. 149*  
ac insuper in quocumque Generali, vel  
Provinciali Capitulo, vel alio quovis no-  
mine nuncupato Capitulari congressu  
suos Subditos, ac Religiosos commonen-  
dos curent, ejusdemque commonitionis  
coram Suprema Congregatione jura-  
tum testimonium exhibeant.

*Paulus Antonius Capellonus S. Ro-  
manæ, & Universalis Inquisit. Not.*

Loco ✕ Sigilli.

*Die 21. Augusti 1745. supradictum Decre-  
tum affixum, & publicatum fuit ad val-  
vas Basilicæ Principis Apostolorum  
Palatii Sancti Officii, ac aliis locis so-  
litis, & consuetis Urbis per me Petrum  
Remolatum Sanctissimæ Inquisitionis  
Cursorem.*

Sanctissimi Domini Nostri Benedic-  
ti Papæ XIV.

### EPISTOLA ENCYCLICA

*Super Missa Parochiali, & Conventuali.*

Venerabilibus Fratribus Patriarchis,  
Primitibus, Metropolitanis, Archi-Epi-  
scopis, & Episcopis universis gratiam,  
& communionem Sedis Apostolicæ ha-  
bentibus.



# BENEDICTUS

## PAPA XIV.

*Venerabiles Fratres, salutem, & Apostolicam Benedictionem.*

**C**um semper oblatas nobis occasiones Apostolica scripta dirigendi ad Fratritates vestras libenter amplectimur, ut sinceræ nostræ erga vos dilectionis argumenta frequenter eluceant, tum verò majori animi alacritate id ipsum præstamus, quum ad excitandum Fratritatum vestrarum zelum pro conservatione rectæ disciplinæ in Clero regimini vestro commissio, præsentibus rerum, aut temporum conditionibus commovemur. Nec enim impositum imbecillitati nostræ omnium Ecclesiarum sollicitudinis onus aliter sustinere nos posse confidimus, quàm si Divini cultûs augmentum, atque exactam Ecclesiasticarum Sanctionum in singulis Diœcesibus custodiam religiosæ vigilantium Pastorum curæ, identidem inculcando, commendemus.

Hujus porro Epistolæ ad vos scribendæ occasionem nobis, atque argumentum imprimis præbet onus illud, quod omnibus animarum curam gerentibus incumbit, applicandi Missam Parochialem

chiam pro populo ipsorum curæ commisso, tum etiam applicatio Missæ Conventualis, quæ pro Benefactoribus in genere facienda est ab iis, qui Missas canunt in Ecclesiis Patriarchalibus, Metropolitanis, Cathedralibus, & collegiatis, tum denique debitum psallendi, quod tenentur Canonici prædictarum Ecclesiarum Choro assistentes. Cujus quidem argumenti minimè nova, sed à scriptoribus frequenter habita tractatio est; cumque ea res in hujus Almæ Urbis nostræ Congregationibus, & potissimum in Congregatione Venerabilium Fratrum nostrorum S. R. E. Cardinalium Concilii Tridentini Interpretum, cujus Secretarii munere olim in minoribus constituti multos annos perfuncti sumus, multoties discussa ac definita fuerit; quamvis earundem Congregationum Decreta plerumque circa eam uniformia, & sibi consona prodierint, eorumque Decretorum nonnulla etiam, pontificiam Prædecessorum Nostrorum approbationem & confirmationem meruerint; minimè tamen mirandum esset, eorum notitiam ad singulos quosque vestrum non adhuc pervenisse. Quapropter non modò opportunum, verum etiam necessarium duximus, Encyclicam hanc Epistolam ad vos scribere, per quam, sublatâ demum diversarum, in quas scripto-



152 *Litteræ, & Constitutiones Apostolicæ.*

res abierint, opinionum varietate, constans hujus Apostolicæ Sedis sententia prædictis de rebus cuilibet innotescat, & Fraternitatibus vestris quædam veluti norma ac regula suppetat, juxta quam Synodales, aliâsque vestras circa præmissa Constitutiones, Ordinationes, seu Ediâta, quorum publicationem vobis injungimus, dirigere valeatis. Eorundem verò executionem, dum, juxta eas, quæ in præsentibus tenenda, atque servanda præscribimus, omni, quâ decet sollicitudine ac vigilantia urgere studebitis, minimè dubitandum Vobis erit, nè statutorum vestrorum implementò obicem, aut moram asferre valeant reursus, ad hujus nostræ Curiae Tribunalia forsitan habendi; utpotè quos omnino rejiciendos esse præcipimus ac jubemus: quamobrem has ipsas Litteras nostras in singulorum Tribunalium Regestris asservari volumus, atque ad earum præscriptum tam ipsorum Tribunalium resolutiones, quàm de vestris decretis, quæ ipsi præsentibus inhærentes edituri estis, judicia exigi, & conferri mandamus.

Et quidem, quod nuper enunciavimus, sacrosanctum Missæ Sacrificium à Pastoribus animarum applicari debere pro populo ipsorum curæ commisso, ut veluti ex Divino præcepto descendens, à Sacra

cra

in Tridantina Synodo disertè exprimitur *sess. 23. cap. 1. de Reformat.* per hæc notabilia verba: *Cum præcepto Divinò mandatum sit omnibus, quibus animarum cura commissa est, oves suas agnoscere, pro his Sacrificium offerre.* Et quamvis minime defuerint, qui per inanes & frivolas interpretationes hujusmodi obligationem à Sancta Synodo memoratam de medio tollere, vel saltem extenuare contenderint; quum tamen relata Concilii verba satis clara & perspicua sint, quumque prædicta Congregatio ejusdem Concilii interpretationi privativè præposita, constanter edixerit, eos, quibus animarum cura demandata est, non modò Sacrificium Missæ celebrare, sed illius etiam fructum medium pro Populo sibi commissò applicare debere, nec illud pro aliis applicare, aut pro hujusmodi applicatione eleemosynam percipere posse, quoque magis interest, quum hæc intelligentia à Prædecessoribus nostris Romanis Pontificibus approbata fuerit, & confirmata: nihil jam amplius ulli vestrum desiderandum superest, ut eam amplecti, eidemque obsequi; nec non illius promptam executionem in vestris respectivè Diocesibus omni studio procurare debeatis.

Neque nos tamen, qui ut superius inuimus, in minoribus adhuc degentes,



munus Secretarii prædictæ Congregationis Concilii Tridentini Interpretis plures annos obivimus, aliósq; non paucos partim in Anconitanæ Cathedralis, partim in Metropolitanæ Bononiensis Patriæ nostræ dilectissimæ, quam adhuc retinemus, gubernatione assidue transeginus, non inquam nos latent multiplicis generis effugia, per quæ nonnulli prædictæ obligationis implementum declinare satagunt, quibúsque proinde opportunè à nobis est occurrendum.

Quùm enim Sacrum Tridentinum Concilium, nè Animarum cura negligatur, non uno in loco Episcopis mandetur, ut quotiescúnque opus fuerit, idoneos Vicarios cum certorum fructuum assignatione ad eandem curam exercendam eligant ac deputent, uti videre est in *sess. 6. cap. 2. sess. 7. cap. 5. & 7. sess. 21. cap. 6. sess. 25. cap. 16.* non raro autem eveniat, ut aliqua Ecclesia Parochiali vacante, Vicarius pariter ad implenda huiusmodi Ecclesiæ onera, usque ad novi Rectoris electionem, ab Episcopo deputari debeat, eodem Concilio Tridentinò id iubente *sess. 24. cap. 18. de Reform.* nonnulli ex huiusmodi Vicariis nituntur se ipsos à prædicta obligatione subtrahere, vel ex eo, quòd, habituali cura penes alium, seu alios residente, ipsi actua-

actualement duntaxat exercent; vel quod ipsi sint ad nutum amovibiles; vel ad breve tempus hujusmodi curæ sint addicti; ut nihil hic loquamur de Parochis Regularibus, qui à prædicta applicatione Missæ pro Populo nonnunquam alienos se ostendunt. Itaque mens Nostra & sententia est, sicuti etiam pluries à prælaudatis Congregationibus judicatum fuit ac definitum, quod omnes & singuli, qui actu animarum curam exercent, & non solum Parochi aut Vicarii Sæculares, verum etiam Parochi aut Vicarii Regulares, unò verbò, omnes & singuli, de quibus supra dictum est, atque alii quicunque etiam specificâ, & individua mentione digni, æquè teneantur Missam Parochialem applicare pro Populo, ut, præfertur, ipsorum curæ commissio.

Nonnulli verò ad evitandum hujusmodi obligationis implementum, allegare solent, congruos sibi Parochiæ suæ redditus non suppetere; alii denique ad inveteratam consuetudinem confugiunt, sustinentes id neque sibi, neque decessoribus suis, per longum tempus, quod immemorabile affirmant, unquam in usu fuisse. Nos autem ad præcedentes prædictæ Congregationis Concilii resolutiones nostram approbationem & confirmationem extendimus; & quatenus opus



pus sit, authoritate Apostolicâ iterum tenore præsentium decernimus & declaramus, quod licet Parochi, seu alii, ut supra, animarum curam habentes, congruis præfinitis redditibus destituantur, & quamvis antiquâ, seu etiam immemorabili consuetudine in ipsorum Diocesis seu Parochiis obtinuerint, ut Missa pro Populo non applicaretur, eadem nihilominus omnino in posterum ab ipsis debeat applicari.

Dum tamen diximus, omnes animarum curam habentes, Missæ Sacrificium pro Populo sibi commissio applicare debere, non ideo statuere volumus, eosdem aut quotidie, aut quotiescunque celebraverint, ad prædictam applicationem pro Populo teneri. Et quidem Sacrosancta Tridentina Synodus *sess. 23. cap. 14.* præcipit Episcopis curare, ut sacerdotes saltem diebus Dominicis, & festis solemnibus Missarum sacra faciant, *si autem curam habuerint animarum, tam frequenter, ut suo muneri satisfaciant, Missas celebrent:* in pluribus autem Synodalibus Episcoporum Constitutionibus novimus providè constitutos ac designatos esse dies, quibus animarum Pastores Missas celebrare debeant. At verò nos id unum in præsentem suscepimus decernendum, quando nimirum iidem pro Populo celebrare & applicare teneantur

*Litteræ, & Constitutiones Apostolicæ. 157*

antur; & quamvis compertum habeamus id, quod alias à Congregatione Concilii responsum fuit, Parochum nempe pinguibus redditibus dotatum quotidie pro Populo celebrare & applicare debere: eum verò, qui uberioribus hujusmodi redditibus non gaudeat, festivis tantum diebus id ipsum præstare teneri: quum tamen pariter nobis perspectæ sint tum controversiæ super hoc ipso extortæ, nimirum ad quam summam pertingere debeant Ecclesiæ Parochialis proventus, ut pingues, & uberes appellare possint; quoniam pingues minimè habendi sunt redditus, etiam copiosi, quibus tamen multiplicia & gravia sint onera adnexa; tum etiam multorum querelæ adversus hujusmodi decretum, tanquam plus æquò rigidum, excitatæ, nobis innotescant: Idcirco opportunum censemus Fraternitatibus vestris declarare, nobis abundè satisfactum fore, vobisque proinde satis esse posse, dum ii, qui animarum curam exercent, Sacrificium Missæ pro populo celebrent, atque applicent in Dominicis aliisque per annum diebus Festis de præcepto; quum prædicti Dominici, aliique Festi dies ii sint, in quibus juxta præceptum Concilii Tridentini *sess. 5. cap. 2. & sess. 24. cap. 4.* quilibet animarum curæ præpositus Populum sibi commissum salutari-



158 *Litteræ, & Constitutiones Apostolicæ.*  
salutaribus verbis pascere debet, docen-  
do ea, quæ scire omnibus necessarium  
est ad salutem, iidemque sint dies, de  
quibus eadem Sancta Synodus statuit,  
ut moneat *Episcopus Populum diligenter,*  
*teneri unumquemque Parochiæ suæ inte-*  
*resse, ubi commodè id fieri potest, ad au-*  
*diendum Verbum Dei;* & quibus Pa-  
rochi Subditos suos in Doctrina Christia-  
na erudire debent, juxta id, quod à præ-  
dicto Concilio in citat. *Cap. 4.* Episco-  
pis præcipitur, ut nempe *saltem Domi-*  
*niciis & aliis festivis diebus pueros in sin-*  
*gulis Parochiis, Fidei rudimenta, & obe-*  
*dientiam erga Deum & Parentes, dili-*  
*genter ab iis, ad quos spectabit, doceri*  
*curent.*

Et quia in nonnullis Dioecesibus nu-  
merus dierum Festorum de præcepto,  
de Apostolica nostra autoritate & con-  
sensu, eatenus est imminutus, ut nem-  
pe in aliquibus Festis Christi fideles, &  
Missam audire, & ab operibus servili-  
bus abstinere debeant; in aliis verò Po-  
pulo permissum sit opera servilia exerce-  
re, firma remanente obligatione audien-  
di Missæ Sacrificium. Nos, ut obortæ  
jam dubitationes circa onus applicatio-  
nis Missæ Parochialis in hujusmodi die-  
bus Festis, penitus eliminentur, statui-  
mus & declaramus, quòd etiam iisdem  
Festis diebus, quibus Populus Missæ in-  
teresse

teresse debet, & servilibus operibus vacare potest, omnes animarum curam gerentes Missam pro Populo celebrare & applicare teneantur.

Quia verò propriâ nonnunquam experientiâ satis agnovimus, aliquos esse Parochos adedò pauperes, ut fermè ex elèèmosinis, quas à Fidelibus pro Missarum celebratione accipiunt, vivere cogantur, eos verò, qui Ecclesia Parochiali vacante, ad animarum curam exercendam sub Vicarii, seu Oeconomi nomine, deputantur, aliquibus in locis adedò illiberaliter tractari, ut exigui reditus ipsis constituti, & pauca incerta emolumenta eisdem obvenientia, ægrè ad eorum vitæ necessaria sufficiant; quod iis quoque non rarè evenire solet, qui in aliquibus Ecclesiis, habituali curâ apud alios manente, actuali tantum exercitiò sunt addicti; proindèque pro istis severè nimis agi videretur, si diebus Festis, quibus potissimùm hujusmodi occasio se offert, eisdem vetitum esset elèèmosynam pro applicatione Missæ recipere: Idcirco nos tam istorum, quàm illorum inopiam summoperè miserantes, eisdemque, quantum nobis integrum est, consulere volentes; quamvis, ut supra dictum est, omnes & singuli prædicti teneantur diebus Festis Missam pro Populo celebrare & applicare;



care; attamen, quod pertinet ad prædictos Parochos egentes, unicuique vestrum facultatem concedimus, cum iis, quos revera tales esse noveritis, opportunè dispensandi, ad hoc ut, etiam diebus Festis huiusmodi, elèmosynam ab aliquo pio offerente recipere, & pro ipso Sacrificium applicare, quatenus id ab eo requiratur, liberè & licitè possint & valeant; dummodò ad necessariam Populi commoditatem, in ipsa Ecclesia Parochiali Missam celebrent; eà tamen adjunctâ conditione, ut tot Missas infra hebdomadam pro Populo applicent, quot in diebus Festis, infra eandem hebdomadam occurrentibus, juxta peculiarem intentionem alterius pii benefactoris obtulerint.

Quod autem spectat ad Vicarios, five Oeconomos Ecclesiarum vacantium, quàm à Sacro Tridentino Concilio citat. *sess. 24. cap. 18.* cuilibet Episcopo tribuatur facultas eos deputandi & constituendi, cum congrua, ejus arbitrio, fructuum portionis assignatione; vestrum erit, Ven. Fratres, cum iis agere, qui vacantis Ecclesiæ fructus exigunt, ut egenti Vicario, qui exiguâ huiusmodi certorum fructuum assignatione, paucisque incertis proventibus gaudeat; congruum aliquod augmentum præbeatur pro onere celebrandi & applicandi Missam pro

Populo

Populo diebus Fests. Quapropter pro  
iis locis, in quibus Ecclesiarum vacan-  
tium fructus ad commodum Cameræ  
Nostræ Apostolicæ exigitur, opportuna  
Thesaurario nostro Generali mandata  
dirigimus, quæ is denunciare non præ-  
termittet peculiaribus dictorum locorum  
Collectoribus, cum quibus Episcopi Ec-  
clesiasticæ nostræ ditionis, cæterorū-  
que vacantium fructus ad Cameram præ-  
dictam pertinent, officii sui partes in e-  
um finem, de quo supra diximus, inter-  
ponere debebunt.

Ac demum, quoad illos, qui tanquam  
Vicarii, sive perpetui, sive ad tempus  
constituti, animarum curam admini-  
strant, quæ apud alios habitu residet, ra-  
tione alicujus Ecclesiæ Parochialis ipso-  
rum Ecclesiis, seu Monasteriis, Colle-  
giis, aut Locis piis olim unitæ; quam-  
vis à recol. mem. Prædecessore Nostro  
S. Pio Papa V. præfinita fuerit certa  
pars fructuum hujusmodi Vicariis as-  
signanda, prout in ipsius Constitutione,  
quæ incipit: *Ad exequendum*, data Ka-  
lendis Novembris Anni MDCLXVII.  
distinctè statuitur; nihilominus, ubi præ-  
scripta fructuum portio, vel nullò modò,  
vel non integrè Vicariis prædictis assigna-  
ta reperiatur, vel etiam ubi ea, quæ ad  
normam prædictæ Constitutionis eis-  
dem fuerit attributa, minimè sufficiens



à vobis reputetur, propter temporum circumstantias, & signanter pro implendo onere celebrandi & applicandi Missam pro Populo diebus Festis de præcepto; utendum vobis erit potestate, quam fecit Episcopis Synodus Tridentina *sess. 7. cap. 7.* dum illorum arbitrio permittit, juxta temporum, atque injunctorum onerum rationem, congruam prædictis Vicariis fructuum portionem assignare; quam ob causam nos etiam Fraternitatibus vestris, quatenus opus sit, necessarias omnes & opportunas facultates impertimur; quibuscunque appellationibus, privilegiis, aut exemptionibus, ut in eodem Concilio sancitur, adversus ea, quæ salubriter à vobis constituta fuerint, minimè suffragantibus.

Hæc igitur circa Missam Parochialem statuenda, & Fraternitatibus vestris denuntianda judicavimus. Indèque gradum facientes ad ea, quæ pertinent ad Missam Conventualem, neminem vestrùm latere putamus Sacrorum Canonum sanctiones, quibus præcipitur, ut singulis diebus in Ecclesiis Patriarchalibus, Metropolitanis, Cathedralibus, & Collegiatis tum Horæ Canonicae debitò modò, & formâ recitentur, tum etiam Missa Conventualis celebretur; quæ adeò claræ sunt, ut nulla super iis oriri possit dubitatio. Eaque  
de re

*Litteræ, & Constitutiones Apostolicæ. 163*  
de re perspicuæ pariter, & per omnia  
uniformes existunt Resolutiones ab hac  
Congregatione Vener. Fratrum nostro-  
rum Concilii Tridentini Interpretum  
repositis vicibus emanatæ, quas omnes  
Apostolicâ Authoritatè nostrâ confir-  
mamus & approbamus, earum execu-  
tionem Vobis enixè inculcantes: ut sci-  
licet Missa Conventualis, quæ singulis  
diebus canitur à Clero prædictarum Ec-  
clesiarum, pro earundem Benefactori-  
bus in genere quotidie applicetur; eo-  
dem prorsus modò, quò Missam Paro-  
chiale ab iis, qui curam animarum ge-  
runt, pro populo sibi commisso, singu-  
lis saltem diebus Festis de præcepto, ap-  
plicari debere superius declaravimus, I-  
taque date operam, ut falsam quorun-  
dam opinionem eliminatis, quam in ali-  
quibus Ecclesiis ejusmodi, sive per er-  
rorem invecram esse novimus: quòd  
nempe, dum Missa Conventualis pro cer-  
to aliquo Ecclesiæ Benefactore, vel grati  
animi ergò, vel ex vi oneris impositi ce-  
lebratur, & applicatur, satis impletum  
censeatur debitum applicationis Missæ  
Conventualis. Etenim hujusmodi de-  
bitum non quidem respicit singulares a-  
liquos Benefactores, sed Benefactores  
in genere cujuslibet Ecclesiæ, cujus ser-  
vitio addicti sunt, quicunque in eadem  
sive Dignitates, sive Canonicatûs, sive



164 *Litteræ, & Constitutiones Apostolicæ.*  
Mansionariatûs, five Beneficia Choralia  
obtinent, & Missam Conventualem suis  
respectivè vicibus celebrant.

Neque minùs improbandam noverit  
aliorum sententiam, qui satis putant  
supradictam obligationem impletam esse,  
dum in eorum Ecclesiis pro Benefacto-  
ribus in genere aliquæ interdum pre-  
ces fiunt, vel anniversaria statis diebus  
Sacrificia pro illis peraguntur. Nemo  
enim id sibi arrogare debet, ut imposi-  
tæ obligationi aliâ ratione satisfacere  
possit, quàm eâ, quæ à Lège Ecclesia-  
stica multoties præscripta fuit; nimi-  
rum Missam Conventualem singulis die-  
bus pro Benefactoribus celebrando, e-  
andemque pro illis in genere appli-  
cando.

Profectò non solùm prioribus Eccle-  
siæ seculis, verùm etiam temporibus  
haud longè à nostra ætate remotis,  
(quod Vos ex historia Ecclesiæ didicisse  
non dubitamus) servabatur olim in sin-  
gulis Ecclesiis series accurata omnium,  
& singulorum, quorum liberalitate una-  
quæque aucta fuerat, eorûmque nomi-  
na Sacris Diptychis, sic enim vocaban-  
tur, ideo consignata erant, ut eorun-  
dem recordatio nunquam interiret, ut-  
que pro iis tum preces funderentur,  
tum etiam Missæ Sacrificium offerre-  
tur; quam ob causam etiam prædictus

Catalo-

Catalogus in plerisque Ecclesiis ob oculos Presbyteri Celebrantis apponi consuevit, licet iidem pii Benefactores in suis donationibus nihil penitus pro se pacti essent, sed tantummodo pro peccatorum suorum remissione se bona sua Deo offerre declarassent, Ecclesiarum siquidem Præsules preces pro iis imperandas esse duxerunt; quamvis illi propria bona offerentes, nè verbum quidem ea de re fecissent. Sacrorum huiusmodi Diptychorum usus sensim deficit: ob idque in oblivione jacent alicubi complurium Benefactorum nomina. At non idcirco deferere fas est usum & disciplinam orandi pro iis, & Sacrificium Missæ pro illis offerendi. Atque inde præceptum applicandi Missam Conventualem pro Benefactoribus in genere originem atque rationem desumit.

Quemadmodum verò, loquendo de Missa Parochiali, superius dictum est, varias excusationes afferri solere, ad declinandam illius applicationem pro Populo diebus Festis de præcepto; ita pariter usu venit quoad applicationem quotidianam Missæ Conventualis pro Benefactoribus in genere. Ut autem superiores illæ, sic etiam hæ posteriores, providè è medio sublatae fuerunt per opportunas Congregationis Concilii Tridentini resolutiones, quas proinde in



166 *Litteræ, & Constitutiones Apostolicæ.*  
his etiam authoritate Nostrâ approbamus & confirmamus.

Nonnulli siquidem obtentu contrariæ consuetudinis, etiam immemorabilis, in propria Ecclesia vigentis, se ab hujusmodi onere eximi posse sibi persuaserunt. Verum jam pluries responsum fuit, hujusmodi consuetudinem, licet immemorabilem, quæ potius abusus & corruptela dicenda est, nemini suffragari. Alii à Missa pro Benefactoribus in genere applicanda se excusatos voluissent, ex eo, quod alio quopiam Missarum onere obstricti inveniantur, vel ratione proprii Canonicatus, aut alterius Beneficii Ecclesiastici, quod insimul cum Canonicali Præbenda obtinent; vel quia præter munus Canonici, seu Beneficiati, aut Mansionarii in Ecclesia Cathedrali seu Collegiata, quum etiam in eadem, vel in alia Ecclesia Parochialem curam exerceant, dum Missam Conventualem canunt diebus Festis de præcepto, debent pro Populo sibi commissio eam applicare: ac proinde nequeunt eandem pro Ecclesiæ Benefactoribus specialiter offerre. Sed his quoque obviam itum est, jubendo singulis prædictis, ut Missam Conventualem, quam canunt, pro Ecclesiæ Benefactoribus in genere applicent; pro aliis verò, pro quibus ipsi peculiariter Missam applicare te-

*Litteræ, & Constitutiones Apostolicæ. 167*  
re tenentur, alterum substituant, qui  
ipforum loco Missam hujusmodi cele-  
bret, applicétque.

Aliorum pariter exceptio fuit, quòd  
Missa Conventualis non semper à Ca-  
nonicis aut Dignitatibus celebretur, sed  
aliquando etiam à Beneficiatis aut Man-  
sionariis, quos minùs æquum videtur  
pro Missæ celebratione omni elèémofy-  
nâ carere, quæ unde desumi valeat,  
ignoratur. Cui tamen rei pariter con-  
sultum est, demandando, ut ea desuma-  
tur ex massa distributionum.

Alii denique obtenderunt exiguita-  
tem hujusmodi distributionum, quæ, ob  
detractam elèémofynam quotidianam  
pro Missa Conventuali, ad nihilum fere  
reductæ, vix foret, ut ab aliquo cura-  
rentur, cum magno detrimento servitii  
Ecclesiæ præstandi. Tridentina qui-  
dem Synodus *sess. 24. cap. 15.* oppor-  
tunas rationes ostendit, quibus Cano-  
nicalium Præbendarum inopiæ valeat  
provideri. Si verò designatam à Con-  
cilio viam, ut ferè evenire solet, nequa-  
quam iniri posse contingat, reliquum e-  
rit ad Congregationem Concilii recur-  
sum habere; cujus erit perspecto ex  
vestris relationibus rerum statu, autho-  
ritate Apostolicâ à Prædecessoribus no-  
stris eidem impertitâ, & à nobis etiam  
præsentium tenore confirmatâ, quoti-  
dianam



168 *Litteræ, & Constitutiones Apostolicæ.*  
dianam applicationem Missæ Conventualis pro Benefactoribus in genere, ut alias, ad Festos tantummodo dies reducere.

Non modo Ecclesiis Patriarchalibus, Metropolitanis, Cathedralibus, & Collegiatis injunctum reperitur, ut quotidie Missa Conventualis in eisdem canatur, sed etiam in Rubricis Generalibus, quarum exactissimam Fraternalitibus vestris custodiam commendamus, præscribitur, ut certis diebus non una, sed binæ, atque etiam aliquando tres Missæ Conventuales uno die celebrentur. Itaque quum nuper à nobis dictum fuerit, primam Missam Conventualem quotidie pro Benefactoribus in genere celebrandam & applicandam esse; nunc expendendum superest, an earundem Ecclesiarum Capitula Jurisdictioni vestræ respectivè subiecta adigere debeatis, ut alias quoque Missas, si plures, ut præfertur, celebrari contigerit, pro Benefactoribus in genere similiter applicent.

Hujusmodi quæstio ab aliquibus ex Vobis Ecclesiastico zelo flagrantibus supradictæ Congregationi Venerabilium Fratrum nostrorum Concilii Tridentini Interpretum proposita est. Jamque ante illius propositionem compertum fuerat, alias ab eadem Congregatione responsum

*Litteræ, & Constitutiones Apostolicæ. 169*

sum fuisse, concedendam esse exemptionem ab onere applicandi secundam & tertiam Missam Conventualem pro Benefactoribus in genere, attenta Canonizationum & Beneficiorum tenuitate, ex quo inferri poterat, hujusmodi applicationis debitum manere, ubi de Ecclesiis pauperibus non ageretur. Verum quum hanc definiendæ quæstionis regulam apud prædictam Congregationem non admodum veteri observantia firmatam probè noverimus, cumque hujusce dubii solutionem eadem Congregatio nuper judicio nostro remittendam esse censuerit; Nos ita judicamus, idque Vobis tenendum indicimus, laudandos nempe & confirmandos esse, quotquot sponte suâ secundam, aut tertiam Conventualem Missam pro Benefactoribus in genere applicant; qui verò idem agunt ex vi consuetudinis in ipsorum Ecclesia vigentis, iis imperandum, ut in ea consuetudine perseverent. Ubi verò id usu receptum non invenitur, liberam omnino secundæ, tertiæque Missæ Conventualis applicationem celebrantibus relinquendam esse, dummodo in commemoratione pro defunctis, Ecclesiæ Benefactorum in genere non obliviscantur.

Huic demum Epistolæ nostræ finem imponentes, Fraternitates Vestras enixè



170 *Litteræ, & Constitutiones Apostolicæ.*  
hortamur; ut maximam curam & vigi-  
lantiam in id conferatis, ut in Ecclesia-  
rum Vestrarum Choris, præter devo-  
tam celebrationem, debitamque appli-  
cationem Missæ conventualis, Horæ  
Canonicæ non præproperè, sed exactè,  
pausâ nempe interpositâ, & maximâ,  
qua decet, reverentiâ, ac religione ca-  
nantur. Equidem scimus, in aliquibus  
Metropolitanis, & Cathedralibus Eccle-  
siis, inter Canonicos eam opinionem  
invaluisse, ut se munus suum satis im-  
plere contendant, dum Choro præsen-  
tes assistunt, licèt ipsi sibi silentium im-  
perent, neque psallentibus Beneficiatis  
aut Mansionariis in cantu se adjungant.  
In hujusce verò opinionis confirmatio-  
nem, adduci ab iisdem solent invete-  
ratae consuetudines, statuta peculiaria,  
aut etiam prætenfa Ecclesiarum suarum  
Privilegia. At quùm Synodus Triden-  
tina *sess. 24. cap. 12.* loquens de Digni-  
tatibus & Canonicis, qui Choro inter-  
esse debent, unum ex eorum officiis  
esse dicat: *In Choro ad psallendum insti-  
tuto, Hymnis & Canticis Dei nomen re-  
verenter, distinctè, devotèque laudare:*  
quùmque pauca omnino sint Capitula,  
in quibus eò modò à Canonicis in Cho-  
ro assistitur, ideòque receptæ in univer-  
sa Ecclesia disciplinæ paucos illos ad-  
versari dignoscatur, quùm insuper opi-

nio

*Litteræ & Constitutiones Apostolicæ. 171*

nio illa nunquam in Congregatione Concilii Tridentini interpretatione præposita examinata sit, quin statim explosa fuerit & improbata: quamvis præsumptis consuetudinis, aliisque fundamentis & rationibus innixa perhiberetur, Canonicis etiam Ecclesiarum Parochialium hujus nostræ Urbis super hoc instantibus; quum denique idem judicium prolatum reperiatur à pluribus Conciliis Provincialibus, ab hac etiam Apostolica Sede approbatis & confirmatis: nihil jam reliquum esse videtur, quominus pauciores universorum legi se accommodent. Equidem minimè nobis comperitum est, quo peculiari titulò suffulti persuasum habeant, unius vel alterius Ecclesiæ Canonici se muneri suo satisfacere per simplicem in Choro assistentiam, absque Divinæ Psalmodiæ Cantu. Verum nisi illis præsto sit Apostolicum non præsumptum, vel abrogatum, sed legitimum ac vigans Privilegium sive Indultum, jure ac merito verendum est, nè isti, dum ita se gerunt, Præbendarum ac distributionum fructus minimè suos faciant, & consequenter, nè ad eorum restitutionem teneantur. Quapropter vestrum erit, Venerabiles Fratres, hæc omnia illis aperire, ut neque nobis, neque vobis apud Divinum Judicem fraudi sit, si in hujusmodi re, quæ tanti est momenti,



172 *Litteræ & Constitutiones Apostolicæ.*  
momenti, utpote, quæ ad ipsius Dei cul-  
tum proximè spectat, ad abusus & cor-  
ruptelas, & quas arguendo & increpan-  
do evellere debeamus, dissimulatione ac  
silentio nostro fovisse & confirmasse in-  
veniamur. Interea Fraternitatibus vestris,  
quas intimo cordis affectu complecti-  
mur, Apostolicam Benedictionem aman-  
tissimè impertimur.

Datum Romæ apud S. Mariam ma-  
jorem die XIX. Augusti MDCCXLIV.  
Pontificatûs Nostri Annò quartò,

Sanctissimi Domini Nostri  
DOMINI  
**BENEDICTI**  
DIVINA PROVIDENTIA  
PAPÆ XIV  
CONSTITUTIO

Super Jurisdictione Episcoporum quoad  
Ecclesias Parochiales Regularium, &  
Personas curam Animarum Subdito-  
rum Sæcularium in eis exercentes.

BENE-

# BENEDICTUS

## EPISCOPUS

SERVUS SERVORUM DEI

*Ad perpetuam rei memoriam.*

**F**irmandis atque asserendis Ecclesiæ Pontificæ disciplinæ regulis studiosè incum mos tanti Prædecessores Nostri Romani Pontifices, inhærendi peculiaribus rerum Prædecessor aut temporum necessitatibus animadversis, ad generalis providentiæ curam Constitutum animum adjicere; easque Apostolicarum Constitutionibus & Congregationibus & gliscentes morum corrupte- gationum las rescarent, & inordinatas humanæ Decretis. arrogantia præsumptiones reprimerent. Cui rei obtinendæ utilissimum planè experti sunt, vel antiqua Patrum constituta renovare, interpretari, aut declarare, vel competentium Romanæ Curia Tribunalium, sive Congregationum, judicata, & responsa colligere, confirmare, aut in aliquibus remittere, eademque prudenter atque aptè conciliare, si quando inter ea non satis convenire videretur. Utque antiquiora omittamus exempla, non alia sanè ratione fel. record. Prædecessor Noster Clemens Papa X. per suam Constitutionem, quæ incipit



*Clementis incipit Superna*, datam XI. Kal. Junii  
*X. exem-annô MDCLXX.* inhærendo pluribus re-  
*plum.* solutionibus Congregationum S. R. E.

Cardinalium, negotiis, & consultationibus Episcoporum, & Regularium, ac Tridentini Concilii interpretationi, auctoritate Apostolicâ præpositorum, multa constituit circa debitam à Regularibus erga Episcopos locorum Ordinarios observantiam, & subjectionem, tam in petenda eorum licentia, & benedictione, pro Verbi Dei prædicatione in Ecclesiis etiam suorum respectivè Ordinum habenda, quam in approbatione, & facultate ab eisdem obtinendâ pro administrando Sæcularibus Poenitentiae Sacramento. Ita pariter se gessit recolendæ memoriæ Prædecessor Noster Inno-

*Item Inno-*  
*centii XII.* centius Papa XII. quum ad normam plurium resolutionum Congregationis Concilii præfatæ, certas sacrarum Ordinationum regulas, & singulorum Episcoporum jura in proprios subditos, præfinivit, latâ Constitutione, quæ incipit: *Speculatores*, sub datum pridie Nonas Novembris annô MDCXCIV.

*Id ipsum* Hanc ipsam rationem Nos ipsi secuti  
*Pontifex* sumus in Apostolicis nostris Litteris, quæ  
*à septuagesimo* initium est: *Sacramentum Poeniten-*  
*ervatum* tiæ, anno MDCCXLI. Kalendis Junii da-  
*memorat.* tis, in quibus nonnulla decrevimus, &  
 statuimus adversus Sacerdotes, in Sa-  
 cramen-

cramentali Confessione suos Pœniten-  
tes ad turpia sollicitantes, juxta decla-  
rationes, in causis hujus generis diver-  
sis temporibus, & casibus prolatas à  
Congregatione Venerabilium Fratrum  
Nostrorum S. R. E. Cardinalium, con-  
tra hæreticam pravitatem generalium  
Inquisitorum. Id ipsum nuperrimè egi-  
mus, dum Venerabilibus Fratribus Pa-  
triarchis, Archi-Episcopis, Episcopis,  
cunctisque locorum Ordinariis, per Ita-  
liam constitutis encyclicas Literas de-  
dimus sub die XIX. Augusti hujusce an-  
ni MDCCXLIV. quarum initium est:  
*Cum semper oblatas*, quibus, à prædictæ  
Congregationis, Concilii Tridentini In-  
terpretis, resolutionibus & placitis neu-  
tiquam discedentes, plura declaravimus  
circa onus, quod habent, tum omnes a-  
nimarum curam gerentes, Missam pro  
populo applicandi diebus saltem festis  
de præcepto, tum etiam Ecclesiarum  
Cathedralium, & Collegiatarum Cano-  
nici, aliique de earum gremio, Missam  
Conventualem quotidie pro Benefacto-  
ribus in genere specialiter offerendi.  
Nunc denique hoc idem à Nobis ser-  
vatum iri declaramus, dum Episcopo-  
rum jura, quod attinet ad Visitationem  
Ecclesiarum Parochialium, ad Regula-  
rium Monasteria pertinentium, hæc no-  
stra perpetuè valiturâ Constitutione as-  
serere,



176 *Litteræ, & Constitutiones Apostolicæ.*  
ferere, atque, ut infra, definire & con-  
stituere in animum induximus.

*Refert* Animarum curam in sæculares perso-  
nas exercentes in iis Ecclesiis, quæ Mo-  
ni *Decre-*nasteriis seu Domibus Virorum, aut Mu-  
tum *circa* luerum, annexæ sunt, sive ipsi regulares  
jurisdicti-*sint*, sive sæculares, Sacri Tridentini Con-  
onem *Epi-*cilii præscripto, *Sess. 25. cap. 11. de Re-*  
scopi in *gularibus*, subesse debent immediate in iis,  
*Ecclesias* quæ ad dictam curam, & Sacramentorum  
Parochia-administrationem pertinent; jurisdictioni,  
les, ad *Re-*visitationi, & correctioni Episcopi, in cu-  
gulares *jus* Diœcesi prædicta Monasteria sunt sita;  
*spectantes*. exceptis duntaxat iis Monasteriis, seu  
locis, in quibus Abbates Generales, aut Ca-  
pita Ordinum, Sedem Ordinariam princi-  
palem habent, atque aliis Monasteriis, seu  
Domibus, in quibus Abbates, aut alii Re-  
gularium Superiores, jurisdictionem Episco-  
palem, & temporalem, in Parochos, &  
Parochianos exercent; salvo tamen eorum  
Episcoporum jure, qui Majorem in præ-  
dicta loca, vel personas jurisdictionem  
exercent.

*Gregori-* Cùm itaque nonnulli Sacerdotes, ab  
us *XV.* Episcopali jurisdictione exempti, quos  
firmate- neque Parochos, neque animarum cu-  
andem *ju-*ræ addictos esse constaret, ausi fuissent  
risdictio- aliquibus Christi fidelium matrimoniis  
nem in o-interesse, sine prævia Episcopi aut Pa-  
mmes ani-rochi licentia; quæsitum fuit, utrum hu-  
marum *jus*modi Sacerdotum correctio, atque in  
eosdem

*Litteræ, & Constitutiones Apostolicæ. 177*

eosdem animadversio ad Episcopum, ancuram, & verò ad eorum Superiores privativè spe-  
Sacra-  
taret? Cùmque hi privatum ejusmodimenta,  
jus ex eo deducerent quod Tridentinaquomodo-  
Synodus locò citatò, dum facultatem tri-cunque ad-  
buit Episcopis corrigendi, & puniendi ministran-  
Sacerdotes ab eorum jurisdictione ex-tes.

emptos in his, quæ ad animarum cu-  
ram, & Sacramentorum administratio-  
nem pertinent, de iis duntaxat Sacer-  
dotibus loquitur, qui vel Parochi sunt,  
vel animarum curam exercent; cujus-  
modi sanè ii non erant, de quibus age-  
batur: futilem hanc vanamque præ-  
sumptionem reprimere statuit fel. record.  
Prædecessor Noster Gregorius Papa XV.  
ac de consilio Congregationis Sacri Con-  
cilii Tridentini Interpretis, editâ Consti-  
tutione, quæ incipit: *Inscrutabili*, datâ  
Nonis Februarii Annò Incarnationis Do-  
minicæ MDCXXII. decrevit, ac declara-  
vit, ut deinceps tam *Regulares*, quam *Se-  
culares*, quomodolibet exempti, sive anima-  
rum curam personarum sæcularium Mona-  
steriis, seu Domibus Regularibus, aut qui-  
busvis aliis Ecclesiis, vel Beneficiis, sive Re-  
gularibus, sive Sæcularibus, incumbentem  
exerceant; sive aliàs Ecclesiastica Sacra-  
menta, aut unum ex illis ministrant, præ-  
viâ Episcopi licentiâ, & approbatione:  
sive quoquo modò in dictæ Curæ exerci-  
tio, aut in eorundem Sacramentorum, vel



178 *Litteræ, & Constitutiones Apostolicæ.*  
alicujus ex illis administratione, de facto,  
absque ulla auctoritate se ingerant; in his,  
quæ ejusmodi curam, seu administrationem,  
concernunt, omnimodæ jurisdictioni, visi-  
tationi, & correctioni, Diocesani Episco-  
pi, tanquam Sedis Apostolicæ delegati, ple-  
nè in omnibus subjiciantur.

**Pontifex** Hâc controversiâ per constitutionem  
alias quæ-Gregorianam è medio sublatâ, non ideo  
stiones cir-ab aliis quæstionibus & litibus, circa i-  
ca similia dem rerum genus promovendis, cessa-  
cum confi-tum fuit; pluraque dubia tam in Con-  
lio & c. de-gregationibus S. R. E. Cardinalium,  
finire in- quàm in Auditorio Rotæ, frequenter a-  
tendit. gitata & resoluta fuerunt circa peculi-  
arium quorundam actuum naturam, an  
scilicet iidem censendi essent ad anima-  
rum curam, seu ad Sacramentorum ad-  
ministrationem pertinere, & consequen-  
ter, an Episcopus in visitandis Regula-  
rium Ecclesiis, quibus imminet anima-  
rum cura personarum sæcularium, pos-  
set, nec ne, suam circa hujusmodi ac-  
tus jurisdictionem exercere; tum etiam,  
an hoc, aut illud Monasterium dici pos-  
set ordinaria & principalis Sedes Abba-  
tis Generalis, seu Capituli Ordinis, ideo-  
que Ecclesia hujusmodi Monasterio ad-  
nexa, quamvis Parochialis foret, Epi-  
scopo in visitatione subjecta non esset?

Cum igitur resolutiones in prædictis Cu-  
riæ Nostræ Tribunalibus circa hujus ge-  
neris

neris quæstiones identidem captas, earumque rationes & fundamenta, diligenter & consideratè perpenderimus; consilium quoque & sententiam audierimus aliquot ex Ven. Fratribus Nostriis S. R. E. Cardinalibus, aliorumque Virorum in juris Canonici scientia præstantium, nonnulla super his de Apostolicæ potestatis plenitudine decernere deliberavimus; ac præsentì nostra Constitutione inviolabilem quandam normam præfinire, quâ positâ, omnes de cætero lites, & controversiæ prædictis de rebus, si fieri possit, penitus eliminentur, atque omnia submoveantur obstacula, quæ debitam decretorum Sacri Tridentini Concilii executionem in re tam gravis momenti impedire, aut retardare, hæcenus consueverunt.

Optimè sanè consilio ab Episcopis, Pa-  
storalis visitationem aggredientibus, *resolutio-*  
præmitti solent in singula Dioecesis *lo-*  
ca aliqui Sacerdotes Missionarii, qui an- *nem Con-*  
gregatio- te ipsorum adventum, prædicationibus *nis Episco-*  
verbi Dei, & administratione Sacramen- *porum, &*  
torum Pœnitentiæ & Eucharistiæ, spi- *Regulari-*  
ritualem populorum profectum, & ani- *um, quod*  
marum salutem, qui potissimus est Pa- *Missiona-*  
storalis visitationis scopus, studeant pro- *rii, Pasto-*  
movere. Inveniunt autem ex iis Re- *rali visita-*  
gularibus, quorum Ecclesiis incumbit *tionis præ-*  
Parochialis Sæcularium cura, qui in du- *missi, etiam*



*ad Paro-* bium revocarent, an hujusmodi Missio-  
*chis Regu-* narios, sive sæculares, sive alterius In-  
*laribus* stituti vel Ordinis Regulares, ab Episco-  
*excipi de-* po missos tanquam visitationis suæ præ-  
*beant, li-* nuntios, in propriis Ecclesiis & Domi-  
*henter.* bus ad exercenda munera eisdem com-  
 missa admittere & recipere ipsi teneren-  
 tur. Quod dubium, quum in Congrega-  
 tione S. R. E. Cardinalium, negotiis,  
 & consultationibus Episcoporum & Re-  
 gularium propositâ examinatum fuisset  
 sub die xxxi. Augusti anni MDCLXVIII.  
 affirmativè resolutum fuit; ut scilicet  
 prædicti Missionarii etiam à Regulari-  
 bus Parochis seu Curatis libenter exci-  
 pi debeant, omnibusque rebus jûvari,  
 quibus ad injunctum sibi onus adimplen-  
 dum opus illis esse contigerit. Quod  
 Nos quoque probamus, & auctoritate  
 Apostolica confirmamus, atque in poste-  
 rum (quoties id opus esse, prudenti E-  
 piscopi arbitrio judicatum fuerit) ab  
 omnibus hujusmodi Parochis, seu Cu-  
 ratis, præcipimus observari,

*Et decisi-* Sed & in ipso visitationis cursu, at-  
*onem Con-* que etiam extra illam, aliqui Regulares,  
*gregatio-* de suorum privilegiorum, & exemptioni-  
*nis Con-* num indemnitate plus nimidò solliciti,  
*cilii,* quod hanc Episcopis controversiam move-  
*possit Epi-* runt, utrum iis liceret, in ipsorum Re-  
*scopus Sa-* gularium Ecclesiis, sive Parochialibus,  
*cramen-* sive non Parochialibus, Sacramentum

Con-

Confirmationis administrare; quæ qui-tum *Con-*  
dem controversia in Congregatione *Con-*  
firmatio-  
cili; partibus plenissimè auditis, pronis in *Ec-*  
Episcopis decisa fuit, quemadmodum *clefis Re-*  
& Nos generaliter, & sine exceptione, *gularium*  
eandem definimus. *admini-*

In exequenda verò Pastoralis visitatio-*strare.*  
ne Ecclesiarum Parochialium, quæ à  
Regularibus administrantur, minime *Declarat,*  
quidem licet Episcopo omnia Ecclesia-*quæ visita-*  
rum hujusmodi Altaria visitare, sed il-*re possit E-*  
lud duntaxat, in quo Sanctissimum Eu-*piscopus in*  
charistiae Sacramentum asservatur, & *Ecclesiis*  
consequenter, Sacrum ipsum Taberna-*Parochia-*  
culum, Fontem quoque Baptisterii, *filibus Re-*  
adfit; item Confessionale, in quo Pa-*gularium.*  
chus ad audiendas Confessiones reside-  
re solet; Pulpitum Ecclesiae, è quo Pa-  
rochus jus habet, verbi Dei, juxta præ-  
cipuum ministerii sui munus, annuntian-  
di; Sacrarium pariter Ecclesiae, ad in-  
spiciendum locum, in quo asservatur sa-  
cra supellex, pro Sacramentis, tam in-  
tra Ecclesiam, quam extra illam, de-  
center administrandis; Sepulchrum, ex-  
cipiendis Subditorum Parochiae corpo-  
ribus additum, Coemeterium, Parochi-  
anorum humandis cadaveribus destina-  
tum; Turrim campanariam, dummodo  
in ea sint campanæ ad Parochiam pro-  
priè spectantes; ac demum præter res  
supra enuntiatas, omnia sacra vasa, qui-  
bus



182 *Litteræ, & Constitutiones Apostolicæ,*  
bus vel particulæ consecratæ servantur,  
vel sacra Olea, five in Baptismo, five  
in extrema Unctione adhibenda, vel a-  
qua Baptisterii, vel alia ritè benedicta,  
quæ pro ingredientium aspersione ad  
Ecclesiæ fores poni consuevit.

*Quid circa* Visitationi locali proxima est ea, quæ  
*Parochi* personam respicit Parochi; cujus qui-  
*vitam &* dem, si Regularis sit, agendi rationem,  
*mores* in iis, quæ spectant ad observationem  
*cognosce-* proprii ipsius Regularis instituti, non est  
*re valeat?* Episcopi inquirere, quum ad ipsius Su-  
periozem Regularem privativè id per-  
tineat. Licet tamen Episcopo, vel po-  
tius ipsi specialiter incumbit ipsius Pa-  
rochi, seu Curati, etiam Regularis, vi-  
tam ac mores scrutari, quatenus ea,  
quæ extra claustrum prodierint, Recto-  
ris animarum exempla, plurimum con-  
ferre ad populi ædificationem, vel con-  
trà eidem obesse maximè possunt;  
quemadmodum aliàs eadem Concilii  
Tridentini Congregatio sapienter de-  
crevit, & Nos etiam earundem præsen-  
tium tenore decernimus, & statuimus.

*Et circa* Ad personalem quoque Parochi visita-  
*alia ad e-* tionem, proindeque ad Episcopi jus & Of-  
*jusdem* ficiū, pertinet eā occasione examinare,  
*Officiū* an titulò legitimò Parochus, etiam Re-  
*spectan-* gularis, animarum curam exerceat? an  
*tia.* residentiae lex ab eo observata fuerit at-  
que observetur? an ad Synodum voca-  
tus,

tus, iverit? an Congregationes seu Conferentias, super casibus conscientiae haberi solitas, frequentet? an onera, quæ secum fert animarum cura, adimpleverit? ac inter alia, an Missam pro populo applicaverit diebus festis de præcepto? an iisdem festis diebus omnia præstiterit, quæ à Sacro Tridentino Concilio præscripta sunt, populum verbi Dei prædicatione, & pueros in fidei rudimentis, Christianæque doctrinæ præceptis, instruendo? an statis diebus excipiendis Fidelium confessionibus vacet? an ægrotantibus, & in extremo vitæ agone laborantibus, debita spiritualia subsidia sedulò præstet, & Sacramenta Ecclesiæ tempestivè conferat? an pueros & puellas ante susceptionem Sacramenti Confirmationis, tum etiam ante primam eorum Communionem, opportunis instructionibus erudierit? an priusquam Fideles ad matrimonia in facie Ecclesiæ celebranda admittat, debitas inquisitiones adhibuerit, atque adhibeat, quibus tutò deprehendere possit, nullum inter contrahentes impedimentum existere, eosdémque liberè matrimonio consentire, ac demum in doctrina Christiana, maximè verò in præcipuis Religionis nostræ mysteriis, illos instructos esse; denique, an Parochus apud se rectè ordinatos retineat libros tum Baptizato-



tizatorum, ubi Fons Baptismalis addit in ipsius Ecclesia, tum sacro Chrismate confirmatorum, libros etiam Matrimoniorum, & status animarum.

*Statuit  
Parochi  
correctio-  
nem ad E-  
piscopum  
cumulati-  
vè cum Su-  
periore  
Regulari  
spectare.*

Unò verbò: Quidquid Episcopus à Parocho sæculari exquirere atque exigere solet ac debet, id omne, Regulari observantiâ unice exceptâ, à Parocho Regulari exquirere & exigere potest; atque ubi hunc muneri suo, defecisse compererit, opportuna Decreta condere & pronunciare, ac meritas in eundem poenas statuere; In quo nihilominus Episcopi facultates minimè privativæ sunt, sed Præsul Regularis jus cumlativum cum ipso habet; ita tamen, ut si aliter à Superiore Regulari, aliter ab Episcopo, decerni contingat, hujus, non verò illius, Decretis sit standum;

*Parochia-  
norum au-  
tem ad E-  
piscopum  
privativè.* prout alias à Congregatione Tridentini Concilii Interprete judicatum fuit, nosque auctoritate Apostolica probamus, confirmamus, atque decernimus. Privativum tamen Episcopi jus est in Parochianorum mores inquirere, ac, si quæ inter ipsos scandala oborta fuerint, auditis proborum ac prudentium Virorum sinceris relationibus, de iis cognoscere, eaque opportunis remediis refecare & reformare: nec etiam Superioribus Regularibus in hujusmodi seculares Parochiæ subditos illa competit jurisdictio.

Eveniente

*Litteræ, & Constitutiones Apostolicæ. 185.*

Eveniente autem casu, quò vel Episcopus, vel Superior Regularis aliquem ex nem vero prædictis Parochis ab exercitio Curæ re-*Remotio-*  
*Parochi,*  
movendum, eademque privandum esse *trique li-*  
judicaverint; quoniam hujusmodi Pa-*cere sine al-*  
rochis sine prævia Episcopi approbatio-*terius con-*  
ne, ad curam animarum accedere ne-*sensu.*  
quaquam licet, quamvis à superioribus  
deputati, iidemque ad nutum sine amo-  
vibiles; dubitatum propterea fuit, an E-  
piscopus posset ad hujusmodi remotio-  
nes procedere, sine Superioris Regula-  
ris consensu, & an remotionis causas  
eidem adducere, easque verificare debe-  
ret; tum etiam an Regularis Superior  
ad similem remotionem & privationem  
suo jure deveniens consensum Episcopi  
exquirere, suasque agendi rationes illi  
notas atque probatas facere teneretur.  
Qua de re, supradicta Congregatio Con-  
cilio decrevit, hujusmodi Parochos tam  
ab Episcopo, quam à Superiore Regula-  
ri, æquo jure, non requisito alterius con-  
sensu, ab animarum cura removeri pos-  
se, nec unum alteri causas judicii sui  
aperire, multòque minus probare & ve-  
rificare debere. Id quod à Nobis in om-  
nibus approbatur & confirmatur.

Postquam verò Tridentina Synodus *Firmat*  
locò superius laudatò declaravit, præ-exemptio-  
dictos Curatos, seu Parochos, tam sæ-nem *Paro-*  
culares, quam regulares, animarum cu-*chialium,*  
ram



in quibus ram exercentes in Monasteriis seu Do-  
*Superio-* mibus Religiosis, quibus hujusmodi cu-  
*res Regu-* ra personarum sæcularium incumbit,  
*lares juris-* subesse debere immediatè in iis, quæ ad  
*ditionem* dictam curam & Sacramentorum admi-  
*Episcopa-* nistrationem pertinent, jurisdictioni, vi-  
*bon & tem-* sitationi, & correctioni; (quod quidem  
*poralem* juxta magis receptam Tribunalium hu-  
*obtainet,* jus Nostræ Curiae sententiam, intelligi-  
 tur de jurisdictione Episcopi Ordinaria,  
 non verò de delegata) illa tamen Mo-  
 nasteria, seu Loca ibidem à Concilio ex-  
 ciipiuntur; in quibus Abbates aut alii  
 Regularium Superiores jurisdictionem  
 Episcopalem & temporalem in Parochos  
 & Parochianos exercent; salvo nihil-  
 ominus eorum Episcoporum jure, qui  
 alia quapiam ex causa, seu titulo, majo-  
 rem in prædicta loca, vel personas, ju-  
 risdictionem exercent. Quare nonnullis  
 Episcopis contendentibus, licere sibi,  
 saltem, tanquam Delegatis à Sede Apo-  
 stolica, in Parochos prædictos, sive in  
 Parochianos, aliquem jurisdictionis ac-  
 tum exercere; Congregatio Concilii re-  
 spondit, quod, ubi Abbas, aut Superior  
 Regularis suam probat jurisdictionem  
 Episcopalem & temporalem in suos Pa-  
 rochos & Parochianos; & contrà, E-  
 piscopus probare nequit ampliorem in  
 eosdem jurisdictionem ex alio capite sibi  
 acquisitam fuisse; abstinere omnino de-  
 bet

*Litteræ, & Constitutiones Apostolicæ. 187*  
bet Episcopus tam à visitatione, quam  
ab alio quocunque jurisdictionis actu in  
hujusmodi Parochos & Parochianos.  
Quod quidem, veluti ipsius Concilio De-  
cretis consonum, Nos etiam Apostolicâ  
confirmatione roboramus.

Similiter ab Episcopi jurisdictione, *Declarat*  
visitatione, & correctione, etiam in his, *exemptio-*  
quæ ad Animarum curam, & Sacra-*nem* Para-  
mentorum administrationem spectant, *chiali*  
prædicta sancta Synodus excipit tam *Mona-*  
Sæculares, quam Regulares Parochos, *riorum*, in  
qui animarum curam exercent in iis *quibus re-*  
Monasteriis seu Locis, in quibus Abba-*sident* Su-  
tes Generales aut Capita Ordinum *Se-*  
periores  
dem ordinariam principalem habent; *Generales*,  
Quæ exceptio, sive limitatio, pluribus *non exten-*  
controverſus occasionem præbuit. Et *di ad reſi-*  
primò, an ad inducendam hujusmodi *entias a-*  
exemptionem ab Episcopali visitatione, *liorum Su-*  
satis sit, quod in aliquo Monasterio *re-*  
periorum  
fideat Abbas Regularis, licet is Ordinis *nondum*  
fui Generalis non existat. Super quo *Generali-*  
præfata Concilii Congregatio pronuntia-  
um.  
vit, non sufficere Abbatis cujuslibet re-  
sidentiam, nisi sit Abbas totius Ordinis  
fui Generalis. Tunc enim Tridentinum  
Concilium simplices Abbates, aut Re-  
gularium Superiores nominat, quum ab  
Episcopi jurisdictione, ac visitatione  
eximit Parochos Ecclesiarum seu Mona-  
steriorum, in quibus Abbates, aut alii  
Regula-



Regularium Superiores jurisdictionem Episcopalem & temporalem exercent, quâ jurisdictione compertum est nonnullos etiam simplices Abbates, aut Superiores Regulares gaudere, quamvis non sint Ordinum Generales. De Abbatibus autem Generalibus, seu Ordinum Capitibus, tunc loquitur eadem sancta Synodus, quum à jurisdictione, & visitatione Episcopali exemptos esse indulget eorum Ministeriorum seu locorum Parochos, in quibus Abbates Generales prædicti, aut Capita Ordinum, Sedem

*Indicat* Ordinariam principalem habent. Cum-  
*mendum in* que ea dubio procul sit Concilii mens,  
*plerique e* in hunc plane modum semper in poste-  
*ditionibus* rum judicari, & censeri debere statui-  
*Concilii* mus, minimè attentâ distinctionis notâ,  
*Tridentini* quæ in plerisque Concilii Tridentini edi-  
 tionibus impressis apposita conspici-  
 tur inter verbum *Abbates*, aliudque *Ge-  
 nerales*, utpote quæ nullatenus reperi-  
 tur in exemplari authentico Actorum  
 ipsius Concilii, quod in Archivo Sedis  
 Apostolicæ in arce sancti Angeli asser-  
 vatur, quodque, ut genuinam hujus lo-  
 ci lectionem certò cognosceremus, dili-  
 genter inspici fecimus; proindeque à  
 prædictis exemplaribus impressis eadem  
 distinctionis nota omninò expungenda.

Altera quæstio est, an ad obten-  
dam exemptionem ab Episcopali juris-  
dictione & visitatione, sufficiat, quòdripro ex-  
aliquod Monasterium Superioris Ge-  
neralis Sedes Ordinaria existat, an veròquòd Mo-  
nasterium sit Caput Ordinis. De quo, quid sit caput  
quid alii opinati fuerint, decernimus, Ordinjs.  
sufficere, quod Monasterium, seu Do-  
mus, sit ordinaria & principalis Sedes  
Superioris Generalis, prout à Congrega-  
tione Concilii constanter judicatum fuit;  
quum verba Tridentini, de Capitibus  
Ordinum loquentis, non ad loca, sed  
ad personas Præfulum Regularium in iis  
locis residentium referantur.

Tertio dubitari contingit, an exem-  
ptio ab Episcopi visitatione, quam Tri-  
dentina Synodus, ut supra, concedit  
Ecclesijs Parochialibus eorum Mona-  
steriorum, in quibus resident Abbates Ge-  
nerales, aut Capita Ordinum, ad alias  
quoque Parochiales extendatur, quæ  
prædictis Monasterijs unitæ sunt, & ab  
eisdem dependent. Sed quum de alijs  
hiscæ Ecclesijs unitis taceant Concilia-  
ria Decreta, neque porrò eadem ratio  
honoris cujusdam, & reverentiæ haben-  
dæ erga Superiores Ordinum Genera-  
les in proprijs Monasterijs, vel Ecclesijs  
residentes, locum habeat in alijs Paro-  
chialibus, eisdem Monasterijs, ut præ-  
fertur,

*Parochia-  
les autem  
unitas Mo-  
nasterijs  
residentia-  
libus Su-  
periorum  
Generalis-  
um non  
gaudere  
exempti-  
one,*



190 *Litteræ, & Constitutiones Apostolicæ.*  
fertur, unitis, quod pluries Congregatio  
Consilii censuit; hujusmodi scilicet Ec-  
clesias unitas, minimè exemptas esse à  
jurisdictione, & visitatione Episcopi,  
quamvis illæ à Parochis regularibus ad-  
ministrarentur; id ipsum Nos, prædictæ  
Congregationis resolutionibus inhæ-  
rentes, decernimus & constituimus.

*Afferit* Quæsitum fuit quartò locò, an ratio-  
*privati-* ne exemptionis à jurisdictione Episcopi,  
*vam juris-* quæ competit supradictis Rectoribus Ec-  
*dictionem* clesiarum residentialium Superiorum Ge-  
*Episcopi* neralium, & propter eorundem Recto-  
*in Paro-* rum omnimodam subjectionem jurisdi-  
*chianos,* ctioni, & correctioni prædictorum Gene-  
*etiam hu-* ralium Regularium, jus aliquod, & juris-  
*jusmodi* dictio attributa sit iisdem superioribus  
*Parochia-* Generalibus in sæculares Subditos hujus-  
*lium exem-* modi Ecclesiarum, siue Parochianos, an  
*ptarum.* verò dicendum sit jus istud ad Episco-  
*Item jus* pum privativè pertinere; super quo de-  
*examinan-* cernimus, Episcopo plenam & privati-  
*di, & ap-* vam jurisdictionem competere in Paro-  
*probandi* chianos, ad eundemque Episcopum per-  
*Paro-* tinere, non solum propriam authorita-  
*chum.* tem & consensum (prævio examine per  
se ipsum, vel per Vicarium suum facien-  
do) interponere, quotiescunque Supe-  
rior hujusmodi Generalis aliquem siue  
sæcularem, siue regularem Parochum  
seu Curatum, etiam ad nutum amovi-  
bilem, ad exercendam in prædictis Ec-  
clesiis

clesiis animarum curam personarum sæ-  
cularium deputare voluerit; sed etiam,  
ubi Episcopus hujusce Parochiæ regi-  
men à supradictis Parochis exemptis,  
sive sæcularibus, sive regularibus, non  
rectè administrare cognoverit; posse  
ipsum, & aliquando etiam debere pro-  
fui Officii munere, apud Superiorem Ge-  
neralem instare, ut Parochum seu Cura-  
tum hujusmodi ab animarum cura re-  
moveat; imploratâ quoque, quatenus  
opus sit, Apostolicæ Sedis autoritate;  
Si nempe Generalem prædictum, aut  
reluctantem, aut Parocho plus æquo fa-  
ventem, invenerit.

Præcipua in hac materia quæstio illa  
fuit, quænam essent Monasteria, in  
bus Abbates Generales, seu Capita Or-  
dinum, Sedem ordinariam principalem  
habent; contendentibus nonnullis, quod-  
libet Monasterium, aut locum quemlibet  
in quo Abbas Generalis, sive Caput Or-  
dinis, manet, inibique moratur, Sedem  
ipsius Ordinariam principalem dici opor-  
tere, ita, ut ejusdem Monasterii, aut lo-  
ci Parochus ab Episcopali jurisdictione  
& visitatione immunis statim fiat. Ve-  
rùm vaga & arbitraria hujusmodi Sedes,  
quæ à sola Superioris Generalis præ-  
sentia naturam Sedis ordinariæ & prin-  
cipalis mutuatur, tum rectæ rationi, tum  
Concilio verbis ac sensui, planè adver-  
satur.

*Statuit, re-  
sidentiam  
Superioris  
Generalis  
ad effectum  
exemptio-  
nis non va-  
gam & ar-  
bitrariam,  
sed illam  
duntaxat  
intelligi,  
quæ à Con-  
stitutioni-  
bus, vel à  
consuetu-*



*dine Ordinis præfinitur.*

Quapropter, quum Nobis comper-  
tum sit, in aliquibus Ordinum Regula-  
rium Constitutionibus assignatum repe-  
riri locum pro residentia Superioris Ge-  
neralis, ejusque Curiae; in aliis verò Or-  
dinibus, ubi Constitutiones de eo nihil  
statuant, eandem residentiam veteri con-  
suetudine esse præfinitam; quoties de  
Ordinum hujusmodi Superioribus Ge-  
neralibus agatur, eorum Sedem ordina-  
riam & principalem, ad effectum, de quo  
agitur, illam esse, & censeri decernimus,  
quæ ab ipsorum Constitutionibus, vel ab  
inveterata consuetudine predicta præ-  
scribi dignoscitur; idque tantummodo  
Monasterium, non verò aliud, in quo,  
quacunque de causa, Superior Genera-  
lis commoratus fuerit, pro ordinaria Ge-  
neralis Sede haberi præcipimus, licet  
ipse Generalis ibi actu non resideat.

*Aut, quam Superior Generalis semel initio elegerit.* Quod si aliqui sint Religiosi Ordines  
seu Congregationes, quorum Constitu-  
tionibus, vel Consuetudinibus minimè  
præfinitum sit Monasterium, in quo Ab-  
bas Generalis, seu Caput Ordinis, resi-  
dere debeat; nullum Monasterium pro  
ejusdem Generalis Sede ordinaria prin-  
cipali, ad effectum eximendi Parochum  
ab Episcopi jurisdictione & visitatione,  
ex eo tantum haberi debere statuimus,  
quòd solus ipse Superior Generalis in eo  
degat, absque consuetis Ministris, quos in  
Ordine

Ordine regendo socios habet; sed illud duntaxat Monasterium pro Sede Generalis ordinaria principali haberi volumus, quod semel ipse Superior Generalis, seu Caput Ordinis, initio Generalatus, elegerit pro sua stabili residentia, & Officialium, seu Ministrorum prædictorum. Verum si factâ semel hujusmodi electione, eandem postmodum variare præsumpserit, declaramus, neque Monasterium initio electum, neque alterum, etiam si cum sua Curia eo se transtulerit, privilegia ordinariæ & principalis Generalitatis Sedis habiturum.

*Sublatâ  
facultate  
variandi*

In omnibus autem præmissis exemptio-  
num casibus, salvum semper, atque illæ-  
sum esse volumus eorum Episcoporum  
jus, si qui sunt, qui supradictas Parochias  
ales Ecclesias, earumque Rectores visi-  
tare consueverint, nimirum tam illas  
quæ Monasteriis seu Domibus iis ad-  
nexæ sunt, in quibus Generales Ordines  
Superiores Sedem Ordinariam prin-  
cipalem vel à suorum Ordinum Constitu-  
tionibus, vel ab inveterata consuetudi-  
ne præfinitam habent, quàm eas, quæ  
ab ipsis Superioribus Generalibus, aliàs  
pro ordinaria principali residentia fue-  
rint electæ, & nihilominus, hujusmodi  
residentiâ durante, Episcopi visitationi,  
jurisdictioni, & correctioni, subjectæ fue-  
rint.

*Et salvo  
majori ju-  
re Episco-  
porum, si  
qui majore  
jurisdic-  
tionis  
quasi pos-  
sessionem  
habeant.*



*Clausula  
præserva-  
tiva.*

Decernentes, præsentēs nostras Li-  
teras, & in eis contenta quæcunque,  
etiam ex eo, quòd quilibet in præmissis,  
seu eorum aliquo, jus, vel interesse ha-  
bentes, seu habere quomodolibet præ-  
tendentes, cujusvis statûs, gradûs, ordi-  
nis, præeminentiæ, vel dignitatis exi-  
stant, siue aliàs specificâ, individuâ men-  
tione & expressione digni, illis non con-  
senferint, nec ad ea vocati & auditi, ne-  
que Causæ, propter quas eædem præ-  
sentes emanaverint, adductæ, verificatæ  
vel sufficienter, aut ullò modò justifica-  
tæ fuerint, aut ex alia qualibet, etiam  
quantumvis juridica, & privilegiata cau-  
sa, colore, prætextu, & capite, etiam in  
corpore juris clauso, nullo unquam tem-  
pore de subreptionis, vel obreptionis,  
aut nullitatis vitio, seu intentionis No-  
stræ, aut interesse habentium consensûs,  
aliòve quolibet, etiam quantumvis ma-  
gno, ac formali & substantiali defectu,  
notari, impugnari, infringi, retractari,  
in controversiam vocari, aut ad termi-  
nos juris reduci, seu adversus illos ap-  
peritionis oris, restitutionis in integrum,  
aliòdve quodcunque juris, facti, vel gra-  
tiæ, remedium intentari, vel impetrari,  
aut etiam motu pari, & de Apostolicæ  
potestatis plenitudine simili, concessio vel  
emanatò, quempiam in judicio, vel ex-  
tra illud, uti, seu se juvare ullò modò  
posse;

*Litteræ & Constitutiones Apostolicæ. 195*

posse; Sed ipsas præsentēs semper validas, & efficaces existere & fore, suosque plenarios & integros effectus fortiri, & obtinere, ac ab illis, ad quos spectat, & pro tempore quodocunque spectabit, inviolabiliter, & inconcussè observari.

Sicque, & non aliter, in præmissis censi, atque ita per quoscunque Judices, Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de latere Legatos, & Apostolicæ Sedis prædictæ Nuntios, aliòsve quoslibet quâcunque præeminentiâ, ac potestate fungentes & functuros, sublatâ eis, & eorum, cuiuslibet aliter judicandi, & interpretandi facultate, judicari & definire debere, ac irritum & inane, si secus super his à quoquam quavis authoritate, scienter vel ignoranter, contigerit attentari.

Non obstantibus, quatenus opus sit, *Contrariis, plenissime derogatur.*  
Nostrâ, & Cancellariæ Apostolicæ Re-  
gulâ, de jure quæsito non tollendo, ali-  
isque Apostolicis, ac in Universalibus,  
Provincialibus, & Synodalibus Conciliis editis, generalibus, vel specialibus Constitutionibus, & Ordinationibus, nec non quibusvis, etiam juramentò, confirmatione Apostolicâ, vel quavis firmitate aliâ roboratis statutis, & consuetudinibus, etiam immemorabilibus, privile-



196 *Litteræ, & Constitutiones Apostolicæ.*  
giis quoque, exemptionibus, & indul-  
tis, etiam in corpore juris clausis, aut  
litteris Apostolicis, quibufvis Personis,  
Collegiis, Locis, Ordinibus, etiam Milli-  
taribus, Congregationibus, Societatibus,  
& Institutis etiam Societatis JESU, &  
S. Joannis Hierosolymitani, aliisve qui-  
buslibet, specificâ, & individuâ mentio-  
ne dignis, etiam sub quibuscunque ver-  
borum tenoribus & formis, & cum qui-  
busvis etiam clausulis & decretis, etiam  
derogatoriarum derogatoriis, & irritan-  
tibus, in genere, vel in specie, etiam mo-  
tu simili, & de Apostolicæ potestatis  
plenitudine, seu consistorialiter, ac alias  
quomodolibet, in contrarium præmissor-  
um concessis, ac pluries confirmatis,  
approbatis, & innovatis. Quibus omni-  
bus & singulis, etiam si pro illorum suffi-  
cienti derogatione de illis, eorûmque to-  
tis tenoribus specialis, specifica, & indi-  
vidua mentio, seu quævis alia expressio,  
ad id servanda foret illorum tenores, for-  
mas, causas, & occasiones præsentibus  
pro plenè & sufficienter expressis, & ex-  
actissimè servatis, & specificatis, respec-  
tively habentes, illis aliàs in suo robore  
permanfuris, hac vice duntaxat, ad præ-  
missorum effectum, plenissimè & amplif-  
simè motu pari derogamus, & derogat-  
um esse volumus, cæterisque contrariis  
quibuscunque.

Volu-

*Litteræ, & Constitutiones Apostolicæ. 197*

Volumus insuper & eadem authori-Publica-  
tate prædicta mandamus, ut eædemtioni præ-  
præsentes, & in eis contenta quæcun-sentis Con-  
que, ad omnium notitiam facilius dedu-stitutionis  
cantur, nec quisquam de eis ignoran-in Urbe  
tiam prætereendere valeat, ipsas præsen-tribuitur  
tes, seu earum transumpta, ad valvasvis perso-  
Ecclesiæ S. Joannis in Laterano, & Ba-nalis inti-  
silicæ Principis Apostolorum de Urbe,mationis  
nec non Cancellariæ Apostolicæ, Cu-omnibus  
riæque Generalis Innocentianæ in Mon-factæ.  
te Citatorio, & in Acie Campi Floræ,  
per aliquem ex Cursoribus nostris, ut mo-  
ris est, publicari, & affigi, sicque publi-  
catas & affixas omnes & singulos, quos  
concernunt; seu concernent in futurum,  
perinde afficere & arctare, ac si unicui-  
que illorum personaliter intimatæ & no-  
tificatæ fuissent;

Utque earundem præsentium tran-Transum-  
sumptis, seu exemplis, etiam impressis,ptis fidem  
manu alicujus Notarii publici subscri-  
ptis, ac sigillò Personæ in Ecclesiastica præstari  
dignitate constitutæ munitis, eadem sancitur.  
prorsus fides tam in judicio, quàm ex-  
tra illud, ubique locorum habeatur, quæ  
ipsis præsentibus haberetur, si forent ex-  
hibitæ, vel ostensæ.

Nulli ergo omnino hominum liceatSanctio  
paginam hanc nostrarum, confirma-pænalis.  
tionis, approbationis, innovationis, vo-  
luntatis, mandati, statuti, decreti, & de-  
claratio-



198 *Litteræ, & Constitutiones Apostolicæ.*  
clarationis infringere, vel ei ausu teme-  
rario contraire. Si quis autem hoc at-  
tentare præsumpserit, indignationem  
Omnipotentis DEI, & Beatorum Petri  
& Pauli Apostolorum ejus, se noverit in-  
cursurum.

*Pont. An-* Datum Romæ apud S. Mariam Ma-  
*nô V. die 6.* jorem Annô Incarnationis Dominicæ  
*Novemb.* millesimô septingentesimô quadagesimô  
*1744.* quartô, octavô Idus Novembris, Ponti-  
ficatûs Nostri Annô quintô.

D. CARD. PASSIONEUS.

J. Datarius.

VISA

De Curia I. C. Boschi. L. Eugenius.

*Registrata in Secretaria Brevium.*  
*Annô à Nativitate Domini Nostri JESU*  
*Christi millesimô septingentesimô qua-*  
*dragesimô quartô, Indictione septima,*  
*die verò decima octava Novembris, Pon-*  
*tificatûs autem Sanctissimi in Christo Pa-*  
*tris, Domini Nostri Domini BENEDI-*  
*CTI Divinâ Providentiâ PAPÆ XIV*  
*Annô quintô, suprâdicta Constitutio af-*  
*fixa, & publicata fuit ad valvas Basilicæ*  
*Lateranensis, & Principis Apostolo-*  
*rum, & Cancellariæ Apostolicæ, Curia-*  
*que generalis in Monte Citatorio, in A-*  
*cie Campi Floræ, ac in aliis locis solitis,*  
*& consuetis Urbis per me Franciscum*  
*Bartolotti Apost. Curs.*

Nicolaus Capelli Mag. Curs.  
Sanctissi.

Sanctissimi Domini nostri Benedi-  
cti Papæ XIV

EPISTOLA ENCYCLICA

*Super Usura.*

Venerabilibus Fratribus, Patriarchis, Pri-  
matibus Metropolitanis, Archi-Episco-  
pis, & Episcopis universis, gratiam, &  
Communione Sedis Apostolicæ ha-  
bentibus

BENEDICTUS

PAPA XIV.

Venerabiles Fratres, salutem, &  
Apostolicam Benedi-  
ctionem.

**V**ix pervenit ad aures nostras, ob no-  
vam controversiam (nempe, an  
quidam contractus validus judicari de-  
beat) nonnullas per Italiam dissemina-  
ri sententias, quæ sanæ doctrinæ haud  
consentaneæ viderentur, cum statim no-  
stri Apostolici muneris partem esse du-  
ximus, opportunum asserre remedium,  
ne malum ejusmodi, temporis diuturni-  
tate, ac silentiō, vires magis acquireret,  
aditum-



200 *Litteræ, & Constitutiones Apostolicæ.*  
aditumque ipsi intercludere, ne latius  
serperet, & incolumes adhuc Italiæ Ci-  
uitates labefactaret.

Quapropter eam rationem, consiliũ-  
que suscepimus, quò Sedes Apostolica  
semper uti consuevit. Quippe rem to-  
tam explicavimus nonnullis ex Venera-  
bilibus Fratribus Nostriſ Sanctæ Roma-  
næ Ecclesiæ Cardinalibus, qui Sacræ  
Theologiæ scientiã, & Canonici Disci-  
plinæ studiõ ac peritiã plurimũ com-  
mendantur: accivimus etiam plures Re-  
gularẽs in utrãque facultate præstantes,  
quorum aliquos ex Monachis, alios ex  
Ordine Mendicantium, alios demum ex  
Clericis Regularibus selegimus; Præsul-  
lem quoque Juris utriusque laureã præ-  
ditum, & in foro diu versatum adhibui-  
mus. Diem quartam indiximus Julii,  
qui nuper præterit, ut coram Nobis illi  
omnes convenirent, quibus naturam to-  
tius negotii declaravimus, quod illis an-  
tea cognitum perspectumque deprehendi-  
mus.

Post hæc præcepimus, ut omni par-  
tium studiõ, omnique cupiditate soluti,  
rem totam accuratè perpenderent, su-  
asque opiniones scriptõ exararent; non  
tamen expetivimus ab ipsis, ut judici-  
um ferrent de contractu, qui controver-  
siæ causam initio præbuerat, cum plu-  
ra documenta non suppeterent, quæ ne-  
cessariõ

cessariò ad id requirebantur; sed ut certam de usuris doctrinam constituerent, cui non mediocre detrimentum inferre videbantur ea, quæ nuper in vulgus spargi coeperunt. Jussu fecerunt universi; nam suas sententias palam declaraverunt in duabus Congregationibus, quarum prima coram Nobis habita est die 18. Julii, altera verò die primâ Augusti, qui menses nuper elapsi sunt; ac demùm easdem sententias Congregationis Secretario scriptas tradiderunt.

Porro hæc unanimi consensu probaverunt.

I. Peccati genus illud, quod usura vocatur, quòdque in contractu mutui propriam suam sedem, & locum habet, in eo est repositum, quòd quis ex ipsomet mutuo, quod suapte naturâ tantundem duntaxat reddi postulat, quantum receptum est, plus sibi reddi velit, quàm est receptum, ideoque ultra sortem, lucrum aliquod, ipsius ratione mutui, sibi deberi contendat. Omne propterea hujusmodi lucrum, quod sortem superet, illicitum, & usurarium est.

II. neque verò ad istam labem purgandam, ullum arcessiri subsidium poterit, vel ex eo, quod id lucrum non excedens & nimium, sed moderatum, non magnum, sed exiguum sit; vel ex eo, quod is, à quo id lucrum solius causâ



mutui depositur, non pauper, sed dives existat; nec datam sibi mutuò summam relicturus otiosam, sed ad fortunas suas amplificandas, vel novis cōdemendis prædiis, vel quæstuosis agendis negotiis, utilissimè sit impenurus. Contra mutui siquidem legem, quæ necessariò in dati atque redditu æqualitate versatur, agere ille convincitur, quisquis, eadem æqualitate semel positâ, plus aliquid à quolibet, vi mutui ipsius, cui per æquale jam satis est factum, exigere adhuc non veretur: proindeque si acceperit, restituendo erit obnoxius ex ejus obligatione justitiæ, quam commutativam appellant, & cujus est, in humanis contractibus æqualitatem cujusque propriam & sanctè servare, & non servatam exactè reparare.

III. Per hæc autem nequaquam negatur, posse quandoque una cum mutui contractu quosdam alios, ut ajunt, titulos, eosdèmet ipsimet universim naturæ mutui minimè innatos & intrinsecos, fortè concurrere, ex quibus justa omnino legitimæque causa confurgat, quiddam amplius supra sortem ex mutuo debitam rite exigendi. Neque item negatur, posse multoties pecuniam ab unoquoque suam, per alios diversæ prorsus naturæ à mutui natura contractus, rectè collocari & impendi, sive ad pro-

ventus

*Litteræ & Constitutiones Apostolicæ.* 203  
ventus sibi annuos conquirendos, sive  
etiam ad licitam mercaturam, & nego-  
tiationem exercendam, honestâque in-  
didem lucra percipienda.

IV. Quemadmodum verò in tot ejus-  
modi diversis contractuum generibus, si  
sua cujusque non servatur æqualitas,  
quidquid plus justò recipitur, si minus  
ad usuram, (eò quòd omne mutuum  
tam apertum, quàm palliatum absit) at  
certè ad aliam veram injustitiam, resti-  
tuendi onus pariter asserentem, specta-  
re compertum est; ita si ritè omnia pe-  
ragantur, & ad justitiæ libram exigan-  
tur, dubitandum non est, quin multi-  
plex in iisdem contractibus licitus mo-  
dus, & ratio suppetat humana commer-  
cia, & fructuosam ipsam negotiationem  
ad publicum commodum conservandi,  
ac frequentandi. Absit enim à Christia-  
norum animis, ut per usuras, aut simi-  
les alienas injurias florere possent lucro-  
sa commercia existiment; cùm contra  
ex ipso Oraculo Divino discamus, quòd  
*Justitia elevat gentem, miseros autem facit*  
*populos peccatum. Prov. 14. 34.*

V. Sed illud diligenter animadverten-  
dum est, falsò sibi quemquam, & non  
nisi temerè persuasurum, reperiri sem-  
per, ac præsto ubique esse, vel una cum  
mutuo titulos alios legitimos, vel seclu-  
sò etiam mutuò, contractus alios justos,  
quorum



quorum vel titulorum, vel contractuum præfidiò, quotiescunque pecunia, frumentum, aliúdvē id generis alteri cui-  
cúnque creditur, toties semper liceat  
auctarium moderatum, ultra sortem in-  
tegram salvámque, recipere. Ita si quis  
fenserit, non modo Divinis Documentis,  
& Catholicæ Ecclesiæ de Usura iudicio,  
sed ipsi etiam humano communi sensui,  
ac naturali rationi procul dubiò adversa-  
bitur. Neminem enim id saltem latere  
potest, quòd multis in casibus tenetur  
homo, simplici ac nudò mutuò alteri  
succurrere, ipso præsertim Christo Do-  
mino edocente: *Volenti mutuari à te, ne  
avertaris. Matth. 5. 42.* & quod simili-  
ter multis in circumstantiis, præter u-  
num mutuum, alteri nulli vero, iustòque  
contractui locus esse possit. Quisquis igitur  
suæ cōscientiæ consultum velit,  
inquirat prius diligenter oportet, verè-  
ne cum mutuo iustus alius titulus, ve-  
rène iustus alter à mutuo contractus oc-  
currat, quorum beneficiò, quod quærit  
lucrum, omnis labis expers & immune  
reddatur.

His verbis complectuntur, & expli-  
cant Sententias suas Cardinales, ac  
Theologi, & Viri Canonum peritissimi,  
quorum consilium in hoc gravissimo ne-  
gotio postulavimus. Nos quoque pfi-  
vatum studium nostrum conferre in ean-  
dem

dem causam non prætermisimus, antequam Congregationes haberentur, & quo tempore habebantur, & ipsis etiam peractis: nam præstantium Virorum suffragia, quæ modò commemoravimus diligentissimè percurrimus. Cum hæc ita sint, approbamus, & confirmamus, quæcunque in Sententiis superius expositis continentur; cùm Scriptores planè omnes, Theologiæ, & Canonum Professores, plura Sacrarum Literarum testimonia, Pontificum Decessorum nostrorum Decreta, Conciliorum, & Patrum autoritas, ad easdem Sententias comprobandas penè conspirare videntur. Insuper apertissimè cognovimus Authores, quibus contrariæ Sententiæ referri debent; & eos pariter, qui illas fovent, ac tuentur, aut illis ansam, seu occasionem præbere videntur: neque ignoramus, quantâ sapientiâ, & gravitate defensionem veritatis susceperint Theologi finitimi illis regionibus, ubi controversiæ ejusmodi principium habuerunt. Quare has Literas Encyclicas dedimus universis Italiæ Archi-Episcopis, Episcopis, & Ordinariis, ut hæc Tibi, Venerabilis Frater, & cæteris omnibus innotescerent; & quoties Synodos celebrare, ad Populum verba facere, eumque sacris doctrinis instruere contigerit, nihil omninò alienum proferatur



206 *Litteræ, & Constitutiones Apostolicæ.*  
ratur ab iis Sententiis, quas superius  
recensuimus. Admonemus etiam ve-  
hementer, omnem sollicitudinem im-  
pendere, ne quis in vestris Diocesibus  
audeat Litteris, aut Sermonibus contra-  
rium docere. Si quis autem parere de-  
trectaverit, illum obnoxium, & subje-  
ctum declaramus poenâs per Sacros Ca-  
nones in eos propositis, qui mandata  
Apostolica contempserint ac violaverint.

De contractu autem, qui novas has  
controversias excitavit, nihil in præsen-  
tia statuimus; nihil etiam decernimus  
modò de aliis contractibus, pro quibus  
Theologi, & Canonum Interpretes in  
diversas abeunt Sententias; attamen  
pietatis vestræ studium ac Religionem  
inflammandam existimamus, ut hæc,  
quæ subicimus, executioni demandetis.

Secundò locò, qui viribus suis, ac sa-  
pientiæ ita confidunt, ut responsum fer-  
re de iis quæstionibus non dubitent  
[quæ tamen haud exiguum Sacræ The-  
ologiæ, & Canonum scientiam requi-  
runt] ab extremis, quæ semper vitiosa  
sunt, longè se abstineant. Etenim ali-  
qui tantâ severitate de iis rebus judi-  
cant, ut quamlibet utilitatem ex pecu-  
nia desumptam accusent, tanquam illi-  
citam, & cum usura conjunctam; con-  
tra verò nonnulli indulgentes aded, re-  
missique sunt, ut quodcunque emolu-  
mentum

mentum ab usuræ turpitudine liberum existiment. Suis privatis opinionibus ne nimis adhæreant; sed priusquam responsum reddant, plures scriptores examinent, qui magis inter cæteros prædicantur: deinde eas partes suscipiant, quas tum ratione, tum auctoritate planè confirmatas intelligent. Quod si disputatio insurgat, dum contractus aliquis in examen adducitur, nullæ omninò contumeliæ in eos confingantur, qui contrariam sententiam sequuntur, neque illam gravibus Censuris notandam asserant, si præsertim ratione, & præstantium Virorum testimoniis minimè careat: siquidem convicia, atque injuriæ vinculum Christianæ charitatis infringunt, & gravissimam populo offensionem, & scandalum præseferunt.

Tertiò locò, qui ab omni usuræ labe se immunes, & integros præstare volunt, suamque pecuniam ita alteri dare, ut fructum legitimum solummodo percipiant, admonendi sunt, ut contractum instituendum antea declarent, & conditiones inferendas explicent, & quem fructum ex eadem pecunia postulent. Hæc magnopere conferunt non modo ad animi sollicitudinem & scrupulos evitandos, sed ad ipsum contractum in foro externo comprobandum: hæc etiam aditum intercludunt disputationibus,  
quæ



quæ non semel concitandæ sunt, ut clare pateat, utrum pecunia, quæ ritè data alteri esse videtur, revera tamen paliatam usuram contineat.

Quartò locò vos hortamur, ne aditum relinquatis ineptis illorum sermonibus, qui dicunt, de usuris hoc tempore quæstionem institui, quæ solo nomine contineatur, cum ex pecunia, quæ quâlibet ratione alteri conceditur, fructus ut plurimum comparetur. Etenim quàm falsum id sit, & à veritate alienum, planè deprehendimus, si perpendamus, naturam unius contractûs ab alterius natura prorsus diversam & sejunctam esse; & ea pariter discrepare magnopere inter se, quæ à diversis inter se contractibus consequuntur. Re verâ discrimen apertissimum intercedit fructum inter, qui jure licito ex pecunia defumitur, ideoque potest in utrôque Foro retineri; ac fructum, qui ex pecunia illicitè conciliatur, ideoque Fori utriusque judicio restituendus decernitur. Constat igitur haud inanem de usuris quæstionem hoc tempore proponi ob eam causam, quòd ut plurimum ex pecunia, quæ alteri tribuitur, fructus aliquis excipiat.

Hæc potissimum vobis indicanda censuimus, sperantes fore, ut mandetis executioni, quæcunque per has Litteras à nobis

*Literæ, & Constitutiones Apostolicæ.* 209  
nobis perscribuntur. Opportunis quoque remediis consuletis, uti confidimus, si fortè ob hanc novam de usuris controversiam in Dioecesi vestra turbæ concitentur, vel corruptelæ ad labefactandum sanæ doctrinæ candorem & puritatem. Postremò vobis, & Gregi curæ vestræ cōredito; Apostolicam Benedictionem impertimur.

Datum Romæ apud S. Mariam Majorem die prima Novembris MDCCXLV.  
Pontificatûs Nostri Annò sextò.

Constitutio BENEDICTI XIV  
Papæ contra Duellantes: *Detestabilem*, habetur post casus ex Parte  
3<sup>ta</sup>.

Sanctissimi Domini Nostri Benedicti  
Papæ XIV.

## EPISTOLA ENCYCLICA

Ad Archi-Episcopos, Episcopos, &  
Ordinarios ditionis Ecclesiasticæ

DE  
Retinenda Crucifixi Salvatoris Imagine  
palam visibiliter expositâ.

SUPER  
Altaribus, ad quæ Missarum Sacrificia  
peraguntur.

O

BENE-



# BENEDICTUS.

PAPA XIV.

Venerabiles Fratres Salutem, &  
Apostolicam Benedictionem.

**A** Ccepimus præstantium Virorum testimoniiis, jam pridem in quibusdam Pontificiæ ditionis civitatibus inductam esse consuetudinem, quæ licet pietatem, & religionem præ se ferat, Ecclesiæ tamen institutis ac disciplinæ plurimum adversatur. Idem Nos ipsi deprehendimus in aliquibus Ecclesiis hujus urbis nostræ Romanæ, & aliis pariter, quæ Episcopis Suburbicariis subjiciuntur. Quapropter muneri nostro deesse magnoperè videremur, nisi, hæc de re monerentur illi, qui pro spirituali hujus civitatis regimine Ministri à Nobis constituti sunt, & alii, qui Suburbicarios Episcopatus vel alterius civitatis in ditione Pontificia Sedem obtinentes, curam gerunt animarum.

In Altaribus, quæ per Ecclesias erecta sunt, & in quibus Sacrum fieri consuevit, præter majorem tabulam, quæ vel depictam, vel excisam exhibet imaginem Sancti, in cujus nomen, & memoriam Altare consecratum est, adjungi coepit minor tabula, in qua vel coloribus exprimitur, vel ære, ligno; aut

marinore

*Literæ, & Constitutiones Apostolicæ.* 211  
marmore inciditur effigies alterius Sancti, ita ut Crux auferatur, quæ, juxta Rubricas inter candelabra collocari debet; cum verò neminem lateat rem divinam confici non posse, nisi Crux cum Imagine Sanctissimi Crucifixi super Altare constituatur; hinc minori tabulæ superadditur exiguus aded Crucifixus, ut neque Presbyteri celebrantis oculis facile occurrat, neque ab ullo alio distingui ferme possit, nisi hic diligenter perscrutetur, utrum super Altare reverà Crucifixi Imago proposita fuerit.

Equidem non improbamus, quod in *Improbatur* Altare in plurium Sanctorum *con-*no-  
men, & memoriam dedicetur, quodve *suetudo*  
in majori tabula aut unus tantum, aut *ponendi*  
plures etiam Sancti pingantur, vel de *exiguum,*  
nique, quod alia minor tabula colloce- *seu pi-*  
tur inferior, aut aliò quocunque modò, *ctum, seu*  
ubi unus, vel plures Sancti fidelium ve- *sculptum*  
nerationi proponantur. Illud permitte- *in Altari*  
re nullatenus possumus, quod Missæ Sa- *crucifi-*  
crificium in his Altaribus celebretur, *xum.*  
quæ careant Imagine Crucifixi, vel ipsa  
incommodè statuatur, ante Presbyterum celebrantem, vel ita tenuis, & exigua sit, ut ipsius Sacerdotis, & populi assistentis oculos pene effugiat. Id enim alienum est à legibus, & institutis Ecclesiæ, quæ in Rubricis aliisque Ecclesiasticis sanctionibus continentur. Idem



212 *Litteræ, & Constitutiones Apostolicæ.*  
etiam maximè contrarium est sacræ anti-  
quitati, & Ecclesiarum etiam orienta-  
lium consuetudini, ita ut certissimum sit,  
violari leges Ecclesiæ, si exigua solum  
Imago Crucifixi præfigatur minori tabu-  
læ, vel statuæ Sancti, qui superadditur,  
ut illum fideles venerentur.

In Rubricis Missalis Tit. de præpara-  
tione Altaris, & ornamentorum ejus-  
dem hæc leguntur: *Super Altare collo-*  
*cetur Crux in medio, & candelabra saltem*  
*duo cum candelis accensis hinc & inde in*  
*utroque ejus latere.* In Romano Ponti-  
ficali Tit. de *Consecratione electi in Epi-*  
*scopum*, cum sermo est de Altari, ubi E-  
piscopus consecrandus Sacrum opera-  
tur usque ad Offertorium, quò peractò  
Missæ Sacrificium prosequitur in alio  
Altari, ubi Episcopus consecrans rem  
divinam fecit; in eo, inquam, Pontifi-  
cali hæc habentur: *In Capella verò mi-*  
*nore pro electo, quæ à majore debet esse*  
*distincta, addatur Altare cum Cruce, &*  
*duobus Candelabris.* Ceremoniale autem  
Episcoporum postquam libro primo c. 12.  
commemoravit Candelabra, & candelas  
hæc addit: *In quorum medio collocabi-*  
*tur Crux ex eodem metallo, & opere præ-*  
*alta, ita ut pes Crucis æquet altitudinem*  
*viciniorum candelaborum, & Crux ipsa to-*  
*ta candelabris superemineat, cum Imagine*  
*Sanctis-*

*Litteræ, & Constitutiones Apostolicæ. 213*  
*Sanctissimi Crucifixi, versa ad anteriorem*  
*Altaris faciem.*

Nos ipsi verba fecimus de hoc veteri ritu collocandæ Crucis in Altari, cùm Sacrum peragitur, in nostris Commentariis de *Sacrificio Missæ*, quæ Italico Sermone à nobis confecta fuerunt, *P. 4. sect. 1. n. 17. ac sequentibus*. Plura deinde addidimus *Sect. 1. §. 18. & 19.* cùm ipsa latine reddita lucem publicam aspexerunt. His etiam adjungimus, ob vetustatem præsertim hujusce ritûs tantam venerationem, cultumque semper exhibitum fuisse Cruci, quæ in medio Altari collocatur, cùm Missæ Sacrificium conficitur, ut Novatores ipsi magis infensi illam de medio auferre pertimuerint, cùm suam Coenam instituunt. Hæc testatur Gretserus in *suo tractatu de Cruce cap. 13. tomo 1.* ejus editionis, quæ postremò typis vulgata fuit.

Si verò disciplinam Orientalium inspiciamus, Græcis in more positum est, ut ad portam Regiam sanctuarii utroque latere Imagines Christi Domini, ac Beatæ Virginis, & super Altari Crucem unà cum libro Sanctorum Evangeliorum constituent: in Liturgia vero Copto-Arabica, quæ desumpta ex manuscriptis codicibus Vaticanis, impressa fuit Annò 1663. in Collegio Urbano de propaganda fide pag. 33. indicitur Sa-



214 *Litteræ, & Constitutiones Apostolicæ.*  
cerdoti celebranti, ut Benedictionem  
cum Cruce impertiat populo, eam de-  
inde osculetur, & Diacono tradat, qui  
ipsam super Altari collocat. Postremò  
ritus Syriacus Maronitarum eadem pror-  
sus decernit, quæ in Rubricis Romani  
Missalis præscribi superius indicavimus:  
nam Patriarcha Stephanus *L. 2. tr. 2. sect. 4.* ita scriptum reliquit: *Mos iste in  
omnibus Ecclesiis inolevit, ut super Alta-  
ris gradum salutiferæ Crucis vexillum col-  
locetur.* In Synodo etiam Nationali,  
quæ coacta fuit Annò 1736. in Monte  
Libano, quam Literis Apostolicis Nos  
ipsi confirmavimus *P. 2. Cap. 13. de Sa-  
cro sancto Missæ Sacrificio Can. 6.* ita san-  
ctum est: *Super Altare collocetur Crux  
in medio, & candelabra saltem duo cum  
candelis accensis hinc & inde in utroque  
ejus latere.*

Scriptores, qui sacros Ritus explicâ-  
runt, nonnullas disputationes instituunt,  
ac primò, utrum satis sit nudam Crucem  
in Altari statuere, an Imago Crucifixi  
addenda simul videatur; equidem Ru-  
bricæ Missalis solam Crucem comme-  
morant, cum tamen Ceremoniale Epi-  
scoporum Crucem una, & Crucifixum  
nominet idque communi Ecclesiæ con-  
suetudini consentaneum sit, hanc ideo  
sententiam probandam nemo sapiens  
dubitabit. Ita sentiunt Gavantus, &  
Claudius

*Literæ, & Constitutiones Apostolicæ. 215*  
Claudius La Croix, qui Lib. 6. p. 2. de  
Sacrificio Missæ n. 378. fatetur ob vete-  
rem, communemque usum, sine Imagi-  
ne Crucifixi, quæ pendeat ex Cruce,  
rem divinam fieri non posse, nisi neces-  
sitas intervenerit: profectò initiò Eccle-  
siæ, cùm fideles concitare ad furorem  
gentiles magnopere timerent, si Chri-  
stum Crucifixum publicè adorandum  
proponerent, Crucem tamen pluribus  
modis exornatam palam exponebant, at-  
que incisum, vel depictum Cruci appo-  
nebant agnū, qui typus amantissimi  
Salvatoris semper habitus est, ut eò sal-  
tem modò Crucifixi imaginem exhibe-  
rent; id conspicitur adhuc in nonnullis  
hujus civitatis Ecclesiis, & testimoniò  
etiam Magrii comprobant in ejus Hie-  
rolexico in vocabulo CRUX.

Secundò locò inquiritur, utrum Cru-  
cifixus, pendens a Cruce, debeat in Al-  
tari constitui, etiamsi Salvator noster  
Crucifixus in majori tabula Altaris de-  
pictus, aut cælatus appareat. Gavan-  
tus id quidem probat; alii verò id ne-  
cessarium minimè arbitrantur, dummo-  
do tamen Crucifixus in majori tabula  
vel pictus, vel cælatus primum locum  
obteneat præ cæteris omnibus, quæ in  
eadem tabula exprimuntur. Ita cen-  
sent Pasqualigus de Sacrificio Missæ q. 716.  
Quartus ad Rubricas Missalis p. 1. tit. 20.



216 *Literæ & Constitutiones Apostolicæ.*  
*dubio 10. Et Giribaldus de Sacramentis*  
*in tractatu quinto de Sacrificio Missæ cap.*  
*9. dub. 2. num. 10. Huic pariter senten-*  
*tiae se conformavit Congregatio Sacro-*  
*rum Rituum, uti constat ex responsione,*  
*quam ipsa promulgavit annò 1663. Et*  
*quam Meratus recenset tom. 1. p. 1. tit.*  
*20. de præparatione Altaris num. 6. & in-*  
*dicæ decretorum eod. tom. p. 1. num. 400.*

Tertiò locò quæritur, utrum Cruci-  
fixus in Altari collocari debeat, cum  
Sacrificium in eo conficitur Altari, ubi  
positum est Tabernaculum, in quo pi-  
xis cum sacris particulis continetur;  
cum præsertim eidem Tabernaculo par-  
va Crux cum Imagine Salvatoris Cruci-  
fixi semper præfigatur. Equidem in Ce-  
rimoniali Episcoporum hæc habentur:  
*Non incongruum, sed maxime decens est,*  
*Missæ non celebrentur, quod antiquitus ob-*  
*servatum esse credimus. In veteri Cere-*  
*moniali, cum Clemens VIII. Pontifica-*  
*tum gereret, ita legebatur: Quod anti-*  
*quitus observatum esse videmus; attamen*  
*id prorsus difficile nonnullis videtur, ob*  
*eam causam; quod ut ipsi argumen-*  
*tantur, cum unicum Altare in veteri-*  
*bus Templis extrui solet, aut Divina*  
*Eucharistia in eis conservata non fuisset,*  
*aut nullum Missæ Sacrificium in eis ef-*  
*fet institutum; aliter verò sentiant ii,*  
*quibus cognitum, perspectumque est,*  
*eum*

*Literæ, & Constitutiones Apostolicæ.* 217  
eum morem fuisse antiquitus, ut Sacra  
Eucharistia in Ecclesiæ Sacrario serva-  
retur, vel in decenti armario, quod pa-  
rieti configebatur, uti nunc etiam per-  
spicimus in Basilica sanctæ Crucis in Je-  
rusalem. Idem perpendit Mabillon. in  
*Musæo Italico Tom. 1. pag. 89. ac Tom.*  
*2. p. 139.* At, quod in præsentī ingerit  
difficultatem, nec ullum ab examine pro-  
positæ controversiæ liberum facit, illud  
est, quod juxta vigentem disciplinam  
Sacrosancta Eucharistia conservatur in  
Tabernaculo, quod est positum super  
uno ex Altaribus Ecclesiæ, & quod in  
eo passim Missa celebratur, cū, sedulo  
perpenso ceremonialis textu, deprehen-  
sum sit, eum prædictæ celebrationi abso-  
lutè non obstare, uti Christianus Lupus  
expendit Tom. 13. recentioris editionis in  
Dissertatione *de sacris processionibus* pag.  
356. Hanc itaque controversiam, cū  
aliàs Nos ipsi expenderemus in supra  
citatis Commentariis *de Sacrificio Missæ*  
*P. 4. sect. 1. num. 18.* illorum sententiam  
probavimus, qui existimant Crucifixum  
inter candelabra statui debere, neque  
parvam Crucem, quæ Tabernaculo præ-  
figitur, satis esse, ne Rubrica violetur,  
quemadmodum inferiùs explicabimus.  
Idemque censuit Congregatio Sacrorum  
Rituum anno 1663. uti perspicitur ex in-  
dice decretorum, quem Meratus exhibuit



218 *Litteræ, & Constitutiones Apostolicæ.*  
buit P. 2. Tom. 1. num 400. ubi hæc  
leguntur verba: *Crux parva cum Im-*  
*agine Crucifixi posita super Tabernacu-*  
*lum, in quo asservatur inclusum Sanctissi-*  
*imum Sacramentum in Altari non est suffi-*  
*ciens in Missa, sed debet poni, alia Crux in*  
*medio Candelabrorum.*

Quartò locò disputatur, utrum Cruci-  
fixus inter candelabra collocandus vide-  
atur, cum Sacrum peragitur in eo Alta-  
ri, ubi Divina Eucharistia non includi-  
tur Tabernaculo, sed publicæ fidelium  
venerationi exponitur. Id necessarium  
esse putavit Sacrorum Rituum Congre-  
gatio die 14. Maji anno 1707. hoc enim  
petitum fuerat: *an super Altare, in quo*  
*Sanctissimum Sacramentum expositum est,*  
*Crux de more debeat collocari.* Sic au-  
tem responsum est, *nunquam omittendam*  
*Crucis, cum Imagine Crucifixi apposita col-*  
*locationem.* Porro cum Nos ipsi tunc in  
minoribus constituti promotoris fidei  
coadjutorem gerentes ipsius loco Con-  
gregationi præsentés adfuerimus, ad-  
huc memoriâ retinemus, in illa senten-  
tia ferenda varia fuisse, ac discrepantia  
suffragia, cautum deinde fuisse, ne ipsa  
sententia in lucem ederetur, Itaque  
res iterum deducta est in examen initiò  
Pontificatûs nostri die 2. Septembris an-  
no 1741. in eadem Congregatione Sa-  
crorum Rituum, quæ postquam omnia  
diligenter,

diligenter, accuratèque perpendit; decrevit, ut quælibet Ecclesia morem, & institutum, quod antea servaverat, imposterum quoque retineret, & quidem pro Cruce ab Altari removenda, dum Missa in eo celebratur, & super eo publicæ venerationi Eucharistia exposita est, parum urget, quod nonnulli asserunt, indecens esse, ut Christi Imago in eo loco sit, in quo Christus ipse sub specie panis realiter præsens est, & ab omnibus sub eadem specie panis videtur; id quippe prorsus contingit; quoties Sacerdos in quolibet Altari, rem Divinam faciens materiam Eucharistiæ consecravit; nec enim Ecclesia unquam decernendum putavit, ut peractâ consecratione Crux ab Altari removeatur. Quemadmodum nec asserentibus Crucem necessariò esse debere in Altari, in quo expositum est Sacramentum publicæ venerationi, si in eo Missa celebretur, quidquam prodesse potest, quòd in publica Eucharistiæ expositione significetur triumphus, & gloria Salvatoris, in Missæ autem Sacrificio ejusdem mors repræsentetur; cùm Ecclesia tam in actione Missæ, in qua Eucharistia consecratur, quàm in conclusionè precum, quæ coram eadem, jam consecrata, & fidelium venerationi palam exposita recitantur, unâ eademque collectâ æque utatur, quam S. Thomas

Aquinas



Aquinas confecit, nimirum: *Deus, qui nobis sub Sacramento mirabili passionis tuæ memoriam reliquisti, tribue, quæsumus, ita nos Corporis & Sanguinis tui sacra mysteria venerari, ut redemptionis tuæ (hoc est passionis & mortis) fructum in nobis iugiter sentiamus.* Quæ cum ita se habeant, Rituumque interpretes, & scriptores ob ea, quæ mox relata sunt, in varias abierint sententias, satis commendari non possunt ea, quæ prudenter, sapienterque decreta fuerunt, à prædicta Sacrorum Rituum Congregatione, nempe, ut quælibet Ecclesia vel Dioecesis suam retineat consuetudinem, ita, ut nihil immutetur in ea Dioecesi, ubi Crux in Altari constitui soleat, dum Missa celebratur, etiam si Sacra Eucharistia publicè profertur: neque nova disciplina excitetur in ea Dioecesi, ubi contraria hujusce rei consuetudo jam pridem invaluerit.

Hæc omnia diligenter exposuimus, non quidem, ut hac de re plenum, iustumque tractatum adornaremus; sed ut ex eis cognitum esset, atque perspectum, quàm alienum sit à Sacris Ritibus id, quod plures temere, & inconsultò peregerunt, nempe, ut Sacrum facerent ad

*Crux pro* Altaria, in quibus Crux haud promineat  
*minere de-* inter candelabra, sed exiguus tantum  
*bet inter* Crucifixus præfigatur tabulæ alicujus  
*duo can-* Sancti, qui vel depictus aut cælatus ma-

jori

*Litteræ, & Constitutiones Apostolicæ. 221*

jori tabulæ Altaris adjungi consuevit: *fidelabra*,  
enim juxta Rubricas Missalis Crux in-*si* adhibea-  
ter candelabra statuenda est, si juxta ce-*tur*, expo-  
remoniale Episcoporum, Crux ipsa cum *ita SS.*  
Imagine Crucifixi candelabris superemi-*Eucharis-*  
nere debet; si juxta sensum Congregatio-*stid.*  
nis Sacrorum Rituum, non satis esse ju-  
dicatur exiguus Crucifixus Tabernaculo  
infixus, cum Missa celebratur ad Altare,  
ubi pixis cum sacris particulis in Taber-  
naculo includitur, si in præsentia non agi-  
tur de Altari, in cujus Tabula Imago Sal-  
uatoris Crucifixi primò locò fidelibus  
exhibeatur, nec minùs de Altari, in quo  
Sacra Eucharistia publicè adoranda pro-  
posita sit, nemo est, qui non videat pra-  
xin, de qua agitur, recenter inductam,  
proprio Marte à privatis personis usur-  
patam, ex supradictis dicendam esse om-  
nino improbatam; eoque magis, cum  
exiguo Crucifixo, qui præfigitur tabulæ  
ejus Sancti, qui Altari superadditur, ea  
profectò utilitas non consequitur, quam  
proponit Ecclesia, dum Crucem inter  
candelabra collocandam decernit. Hac  
de re præclarissimus vir Cardinalis Bo-  
na ita scriptum reliquit, *rerum liturgica-*  
*rum L. 1. c. 25. n. 8. Ab aspectu siquidem*  
*Crucis Sacerdoti celebranti Passio Christi*  
*in memoriam revocatur, cujus passionis vi-*  
*va Imago, & realis repræsentatio hoc sa-*  
*crificium est, mortem cruentam Salvatoris*  
*nostri*



222 *Litteræ, & Constitutiones Apostolicæ.*  
*nostri incruentè exprimens, tanquam idem*  
*Sacrificium, quod in Cruce oblatum est,*  
*quamvis diversò modò offeratur.* His po-  
stremis verbis indicatur orthodoxa do-  
ctrina, quam Tridentina Synodus decla-  
ravit sess. 22. de Sacrificio Missæ cap. 2.

Itaque, vos omnes venerabiles Fra-  
tres, ad quos hæc scripta Apostolica di-

*Ut abusus* rigimus, curam magnopere impendite,  
*contrario* ne vestras in Dioeceses irreat consue-  
*non ferant* tudo, quam superius explicavimus, quòd  
*monentur* si jam ipsa invaluerit, humanitatem pri-  
*Episcopi,* us, deinde severitatem, si opus fuerit, ad-  
*quibus* hachibentes illam penitus convellite. De  
*in re etiam* Sacrificio Missæ res agitur, ideòque ne-  
*Regulares* mo vestrum ignorat à Tridentino Con-  
*exempti* cilio eam tribui auctoritatem Episcopis,  
*sunt sub-* & Ordinariis locorum, ut etiam tanquam  
*jecti.* Apostolicæ Sedis delegati corrigere vale-  
ant pravas consuetudines, quæ Ritui  
Missæ celebrandæ adversantur. Ita clarè  
desumitur *ex sess. 22. in decreto de obser-*  
*vandis, & evitandis in celebratione Missæ.*

Neque vos latet, nullum esse privilegium  
aut immunitatem, quæ delinquentibus  
hac in re suffragari possit, ut vestra ab au-  
thoritate, poenisque per vos suffragatis,  
vindidentur. Idem sæpius confirmavit  
contra Congregatio Concilii Tridentini  
interpret, decretò inhærens ejusdem Sy-  
nodi, quod paulò ante memoravimus. Id  
Fagnanus testatur *in cap. Grave, n. 46. de*  
Officio

Officio Ordinarii his verbis: *Et generaliter hoc decretum* (de quo superius dictum est) *censuit Sacra Congregatio comprehendere etiam Regulares, quantumvis exemptos eosque ea omnia, quæ ab Ordinariis locorum circa observanda, & vitanda in Missarum celebratione, statuta fuerint, omnino observare teneri, ad idque etiam pœnis, & censuris Ecclesiasticis ab iisdem Ordinariis cogi, & compelli posse.* Nos quidem his literis, eandem auctoritatem, quâ jam præditi estis, iterum vobis confirmamus. Illud monendum superest, eam nobis mentem haud esse, ut Imagines Sanctorum, quæ majori Tabulæ Altaris superadditæ sunt, de medio auferatis, cum fortassis defuturi non essent invidi, qui, ut pietati vestræ maculam adferrent, in vulgus disseminarent, vos *Præcipi nulla duci religione in eum sanctum, tur Episcopus* cuius imaginem fidelium venerationi *scopis, ut* subducitis: illud vobis præcipimus, ut non per nullo modo patiamini, rem Divinam *mittant* fieri ad huiusmodi Altaria; nisi Cru- *celebrari* cifixus inter candelabra ita promine- *Missam in* at, ut Sacerdos celebrans ac popu- *Altari, in* lus Sacrificio assistens eundem Cru- *quo non* cifixum facillè & commodè intueri *prominet* possit, quod evenire nequit, si exi- *Crucifi-* gua solum Crux minori Tabulæ de- *xus inter* fixa fidelibus exhibeatur. Si hujus- *duo cande-* modi corruptela non valde in Diœce- *labra*

fin



sin propagata sit, facile extingui poterit, si privatim Regulares, aut Sæculares Ecclesiarum Superiores hac de re moneantur; sin autem latè per Diocesin invaluerit, tunc edictum à vobis necessariò promulgandum erit, quod his Literis Nostris conformetur. Plura vobis scribere prætermittimus, quos prudentiæ, & doctrinæ laude fatis præstantes existimamus. Auctoritatem Nostram, ut rem perficiatis, & quoties opus fuerit, vobis presentibus nunquam defuturam pro certo habeatis. Interim Fraternitatibus vestris, & populis curæ vestræ commendatis Apostolicam Benedictionem peramanter impertimur.

Datum Romæ apud S. Mariam majorem die 19. Julii 1746. Pontificatus Nostri Annò sextò.

## BENEDICTI

XIV. PAPÆ.

### CONSTITUTIO

Quà ampliatur Episcopus Facultas impertiendi Benedictionem cum Indulgentia plenaria Fidelibus, in mortis articulo constitutis, etiam per alios, tam in Civitatibus, quàm in Diocesisibus ab ipsis delegatos.

## BENEDICTUS

EPISCOPUS

SERVUS SERVORUM DEI

*Pia Mater Ecclesia Catholica, &c. In hac Constitutione, variis prolixè expositis, tandem Papa sanctam suam intentionem, piissimumque indultum complectitur: ut sequitur.*

**I**taque primum volumus, atque decernimus, ut quæ facultas impertiendi Benedictionem cum Indulgentia plenaria fidelibus, in mortis articulo constitutis, venerabilibus Fratribus Patriarchis, Primatibus, Archi-Episcopis, Episcopis, nunc existentibus à Nobis, vel ab Antecessoribus Nostreis ad hunc diem concessæ reperiuntur, licet illæ in consuetis Epistolis Secretarii Brevium ad triennium duntaxat, vel alias ad definitum tempus indultæ fuerint; nihilominus præsentis nostræ Constitutionis vigore eo usque in tuo robore maneant, quoad Antistites earum Ecclesiarum, atque Diocesium regimen obtinebunt, quarum favore, & intuitu easdem facultates à Nobis, & ab Apostolica Sede impetrârunt. Nos enim eas ad omne tempus hujusmodi motu proprio & autoritate præfatâ, atque earundem præsentium serie extendimus, & prorogamus; Utque præterea unusquisque ex Antistitibus præfatis unum aut plures Sacerdotes pios, sive sæculares, sive regulares, prout necessarium fore judicabunt, eorum civitatibus, subdelegare valeant, qui dum ipsi Antistites aliquo legitimo impedimento detinebuntur, quamvis hoc impedimentum diurno tempore occur-



rat, eorum vice Benedictionem huiusmodi cum Indulgentiæ plenariæ applicatione Christi fidelibus, in præfato articulo constitutis, impertiantur, aliósque similiter per Diocesim sæculares aut regulares Sacerdotes, quotquot pro numero animarum in Diocesibus existentium, necessarios judicaverint, ad prædictum effectum deputare & subdelegare possint, nec non eosdem à se deputatos, & subdelegatos remove, aliósque in eorum locum proprio arbitrio, & prudentia subrogare valeant, iisdem motu, potestate, & tenore concedimus, & indulgemus.

Si verò aliquem ex Antistitibus nunc per Ecclesiam constitutis, & præfata facultate gaudentibus ad aliarum Ecclesiarum regimen Apostolica auctoritate transferri contingat, si aliquis eorum sit, quorum favore consuetæ literæ Secretarii Brevium ad hunc diem expeditæ non fuerint, ac denique quum novi Episcopi Catholicis gregibus in posterum præficientur; volumus, atque statuimus, ut singulis eorum huiusmodi facultatem à nobis, sive à Romano pro tempore Pontifice postulantis, Apostolicæ literæ in forma Brevis gratis per omnia expediantur, quibus prædicta facultas concedatur ipsis, non ad triennium, sed ad omne tempus, quoad adeptum semel Ecclesiæ regimen obtinebunt; adjecta etiam facultate subdelegandi tam pro civitate, quàm pro Diocesi,

non quidem in casu duntaxat impedi-  
menti cum nocturno tempore conjuncti,  
sed in omnibus, & per omnia ad normam  
eorum, quæ pro Episcopis nunc existen-  
tibus, & Indulto hujusmodi actu gauden-  
tibus supra statuimus...

*Insuper statuit, ut facultas illa concessa non ex-  
piret morte concedentis, nec delegata morte dele-  
gantis: sed perseveret, quam diu, cui concessa vel de-  
legata fuit, in officio permanet, nisi à Successore con-  
cedentis vel delegantis justis de causis revocetur.*  
Porro monet, ut Indulgentias applicaturus instruat  
moribundum, excitetque ad actus novos doloris de  
peccatis admissis, ferventis in Deum charitatis &c.

Denique forma impofterum adhibenda pro imper-  
tenda Benedictione, & plenaria Indulgentia mori-  
bundis Fidelibus applicanda præscribitur, quam  
subjicio.

MODUS

A. SANCTISSIMO D. N.

BENEDICTO

Papa XIV

APPROBATUS

Pro opportunitate temporis servandus, ut infra in  
Rubricis notatur, ad impertiendam Benedictio-  
nem in articulo mortis constitutis ab his, qui  
facultatem habent à Sede Apostolica delegatam.

**B**enedictio in articulo mortis eum soleat  
impertiri post Sacramenta Pœnitentiæ,  
Eucharistiæ, & extremæ Unctionis illis  
Infirmis, qui, vel illam petierunt, dum sa-  
na mente, & integris sensibus erant, seu  
verisimiliter petissent, vel dederunt signa  
contritionis; impertienda iisdem est, eti-  
am si postea linguæ, cæterorumque sensu-  
um usu sint destituti, aut in delirium, vel a-  
mentiam inciderint. Excommunicatis  
verò, impœnitentibus, & qui in mani-



228 *Litteræ, & Constitutiones Apostolicae.*  
festo peccato mortali moriuntur, est o-  
mnino deneganda.

Habens prædictam facultatem ingre-  
diens cubiculum, ubi jacet Infirmus, di-  
cat: *Pax huic domui &c.* & deinde ægro-  
tum, cubiculum, & circumstantes asper-  
gat aquâ benedictâ dicendo Antipho-  
nam: *Asperges &c.*

Quodd si ægrotus voluerit confiteri, au-  
diat illum, & absolvat. Si confessionem  
non petat, excitet illum ad eliciendum ac-  
tum Contritionis, de hujus Benedictionis  
efficacia ac virtute, si tempus ferat,  
breviter admoneat; tum instruat, atque  
hortetur, ut morbi incommoda, & dolo-  
res in antea actæ vitæ expiationem liben-  
ter perferat, Deo que se paratum offerat,  
ad ultro acceptandum, quidquid ei placu-  
erit, & mortem ipsam patienter obeun-  
dam in satisfactionem poenarum, quas  
peccando promeruit; tum piis ipsum ver-  
bis confoletur, in spem erigens, fore, ut  
ex divinæ misericordiæ largitate poena-  
rum remissionem, & vitam sit consecutu-  
rus æternam. Postea dicat.

*V. Adjutorium nostrum in nomine Domini.*

*R. Qui fecit cælum, & terram.*

Antiphona. *Ne reminiscaris Domine delicta Fa-  
muli tui (vel Ancillæ tuæ) neque vindictam sumas de  
peccatis ejus.*

*Kyrie eleyson, Christe eleyson. Kyrie eleyson. Pa-  
ter noster, &c.*

*V. Et ne nos inducas in tentationem, R. Sed libe-  
ra nos a malo. V. Salvum fac servum tuum (vel An-  
cillam tuam, & sic deinceps) Deus meus sperantem  
in te.*

*Litera, & Constitutiones Apostolicae. 229*  
*inte. V. Domine exaudi orationem meam. R. Et cla-*  
*mor meus ad te veniat. V. Dominus vobiscum. R.*  
*Et cum Spiritu tuo.*

OREMUS.

**C**lementissime Deus, Pater misericordiarum, &  
Deus totius consolationis, qui neminem vis peri-  
re in te credentem, atque sperantem; secundum  
multitudinem miserationum tuarum respice propi-  
tius Famulum tuum N. quem tibi vera Fides, & Spes  
Christiana commendant. Visita eum in salutaris tui,  
& per unigeniti Filii tui Passionem, & mortem omni-  
am ei delictorum suorum remissionem, & veniam clem-  
enter indulge, & ejus anima in gloria exitus sui Te  
Judicem propitiatum inveniat, & in sanguine ejus-  
dem Filii tui ab omni macula absoluta transire ad  
vitam mereatur perpetuam. Per eundem Christum  
Dominum nostrum.

Tunc dicto ab uno ex Clericis assistentibus Con-  
fiteor &c. Sacerdos dicat: Misereatur &c. & deinde:  
Dominus noster JESUS Christus, Filius Dei vivi, qui  
B. Petro Apostolo suo dedit potestatem ligandi, atque  
solvendi, per suam piissimam misericordiam recipiat  
Confessionem tuam, & restituat tibi Stolum primam,  
quam in Baptismo recepisti. Et ego facultate mihi  
ab Apostolica Sede tributa, Indulgentiam plenari-  
am, & remissionem omnium peccatorum tibi conce-  
do. In nomine Patris &c.

Per Sacrosanctae humanae redemptionis mysteria  
remittat tibi omnipotens Deus omnes praesentis, &  
futuræ vitæ pœnas, paradisi portas aperiat, & ad  
gaudia sempiterna perducatur. Amen.

Benedicat te omnipotens Deus, Pater, & Filius, &  
Spiritus Sanctus. Amen.

Si verò Infirmus sit adeò morti proximus, ut ne-  
que Confessionis generalis faciendæ, neque præ-  
missarum precum recitandarum tempus suppetat,  
statim ei Sacerdos Benedictionem impertiatur.

Nulli ergo &c.

Datum Romæ apud Sanctam Mariam Majorem  
Annò Incarnationis Dominicæ 1747. Nonis Apri-  
lis Pontificatus Nostri annò septimò.



DECRETUM  
CLEMENTIS XI.

De Celebratione in oratoriis privatis emanatum  
15. Decembr. 1703.

Nonnulli Episcopi, & complures Regulares sub  
prætextu privilegiorum ea sibi licere putant,  
quæ prohibita sunt: siquidem Episcopi, etiam in a-  
liena Diœcesi extra domum propriæ habitationis  
in privatis Laicorum domibus erigi faciunt Altare,  
ibique per unum aut plures è suis Capellanis vivi-  
ficam Christi hostiam immolare: Regulares verò in  
quibusdam Magnatum, seu aliarum nobilium per-  
sonarum privatis oratoriis, quæ certis quandoque  
ex causis à Sede Apostolica concedi solent, cele-  
brare audent, vel plures Missas, quàm in iis sit in-  
dultum, vel absque præsentia personarum, quarum  
contemplatione gratiosa concessio emanavit, vel  
extra debitas horas, & post meridiem, vel illis eti-  
am diebus, quibus per Constitutiones Diœcesanas,  
aut etiam decreta S. Congregationis Concilii cele-  
brari prohibetur, aut quæ in ipsis Indultis Aposto-  
licis excipiuntur, quo minùs in illis celebrari pos-  
sit, aut etiam Altari portatili uti non verentur in  
Sanctarum sanctionum contemptum, ac sancti Sa-  
crificii irreverentiam. Quamobrem ad abusus hu-  
jusmodi eliminandos, & ad instaurandam venerationem, tremendo Mysterio debitam, Sanctissimus  
Dominus noster ex unanimi voto S. R. E. Cardi-  
nalem Concilii Tridentini interpretum, inherendo  
declarationibus, aliàs hac de re editis, expressè  
declarat, Episcopis & his majoribus Prælatiis, eti-  
am si Cardinalatûs dignitate fulgentibus, neque  
sub prætextu clausi in Corpore Juris, neque aliò  
quocunque titulò nullò modò licere extra domum  
propriæ habitationis, in domibus Laicis, etiam in  
propria Diœcesi, quod fortius intelligitur in alie-  
na, etiam si Diœcesani consensus adhiberetur, eri-  
gere altare, ibique Sacrosanctum Missæ Sacrifici-

um celebrare, sibi celebrari facere. Ac pari modo in oratoriis privatis, quæ per S. Sedem concessa fuerint, non licere Regularibus cujusvis Ordinis, aut Instituti, seu Congregationis, etiam Societatis JESU, aut etiam cujuscunque ordinis militaris, etiam S. Joannis Hierosolymitani, aut aliis quibuscunque Sacerdotibus, etiam si essent Episcopi, in iis celebrare in diebus Paschatis, Pentecostes, Nativitatis Christi Domini, aliisque anni Festis solennioribus, ac diebus indulto exceptis: in reliquis vero diebus prædictis Regularibus, & Sacerdotibus, quibuscunque etiam Episcopis in præfatis oratoriis celebrare non licere, ubi etiam unica Missa, quæ in indulto conceditur, fuerit celebrata, super quo celebraturus teneatur diligenter inquirere, & de eo se optimè informare; atque illa etiam in casibus permissis celebrari nequeat post meridiem, demandando ulterius, ac declarando in omnibus hujusmodi casibus personas quascunque, dictas Missas audiendas, nullatenus præcepto Ecclesiæ satisfacere. Quò verò ad altare portatile, iterum inhærendo declarationibus supradictis, censuit licentias, seu privilegia concessa nonnullis Regularibus in cap. *In his*. De priv. & per aliquot Summos Pontifices aliis Regularibus communicata, utendi dicto altari portatili, in eoque celebrandi absque ordinariorum licentia in locis, in quibus degunt, omnino revocata esse per idem Concilium (Tridentinum) atque idcirco eosdem Regulares prohibendos, ne illis urantur; ac mandandum, prout præsentis tenore mandat Episcopis, aliisque ordinariis locorum, ut contra quoscunque contravenientes, quamvis Regulares, procedant etiam tanquam Sedis Apostolicæ delegati ad pœnas præscriptas per idem S. Concilium in dicto decreto SS. 22. Cap. unico, usque ad Censuras latæ sententiæ, tributa etiam iisdem facultate per hoc decretum, ita procedendi, perinde ac si per S. Sedem specialiter concessa fuisset. Et ita Sanctitas sua declarat, & servari mandat. Card. Panciaticus Præf.






- in Constitutionibus, & Literis Apostolicis.*
- I. Approbatio Confessariorum à quo Episcopo haberi debeat. Pag. 68
- II. Prædicatio Verbi Divini, quò modò sit faciendâ, & quæ in ea vitanda 79
- III. Indulgentiæ concessæ ad pulsû campanæ mane, & in meridie, seu vespere orantibus. *Angelus Domini, &c.* 83
- IV. Concessæ in festo S. Aloysii, & sex diebus Dominicis. 86
- V. Concessæ docentibus, & audientibus, ac discipulis Catechismum, seu doctrinam Christianam. 90
- VI. Quomodo servandum Jejunium Quadragesimale, & de dispensatione super eodem. 94
- VII. De eodem. 100 & 104
- VIII. Statuuntur pœnæ in Sacerdotes sollicitantes ad turpia in Sacramento Pœnitentiæ, & occasione illius. 130
- IX. Decernuntur Sacerdotes inhabiles ad absolvendum suas complices à peccato turpi, & inhonesto contra sextum præceptum, etiam in articulo mortis, si alius, quamvis specialiter non approbatus, haberi possit. Ibidem. 136
- X. Declaratio Constitutionis contra prædictos sollicitantes. 141
- XI. Sollicitantes, & Sacrificio Missæ abutentes ad sortilegia, in perpetuum arcentur à celebratione Missæ. 147
- XII. Quibus applicanda Missa Parochialis, & Conventualis. 149 & seq.
- XIII. Jurisdictio Episcoporum quoad Ecclesias Parochiales, & horum personas, illis præfectas. 172
- XIV. Exponitur usura illicita. 199
- XV. Qualis Imago Crucifixi retinenda in Altari, in quo Missa celebratur. 209
- XVI. Benedictio Moribundis impertienda, & Indulgentiæ iis applicandæ. 224
- XVII. De Celebratione Missæ in privatis Orationibus. 230

is.  
cupo  
68  
ut fa-  
79  
e ma-  
Ange.  
83  
tebus  
86  
c dif-  
Chri-  
90  
ageli-  
94  
& 104  
antes  
& oc-  
130  
fol-  
pi, &  
etiam  
aliter  
136  
dictos  
141  
es ad  
ebra-  
147  
is, &  
& seq.  
Paro-  
s. 172  
199  
Altari,  
209  
& In-  
224  
Ora-  
230





M. XII. 51



870129 Bibliotheca 300 s.  
P.P. Camaldulensium in Bielany

Depozyt w Bibliotece Jagiellońskiej



01459



